





Ex Bibliotheca
majori Coll. Rom.
Societ. Jesu

44.2.39.

71
9
A
10

R. P. F. GABRIELIS
A SANCTO VINCENTIO
Carmelitæ Discalceati

TRACTATUS
DE SACRAMENTIS
Iuxta Angelicam D. Thomæ Aquina-
natis doctrinam.

Eidemque Angelico Magistro dicati.

PARS TERTIA
De Sacramento Pœnitentiæ, & Extremæ
Vnctionis.



BIBLIOTECA NAZ.
ROMA
VITTORIO EMANUELE

ROMAE, Typis HH. Francisci Fælicis Mancini. MDCLVII.
SUPERIORVM PERMISSV.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY
1000 S. EAST ASIAN
BUILDING
CHICAGO, ILL. 60607
U.S.A.

THE UNIVERSITY OF CHICAGO
LIBRARY
1000 S. EAST ASIAN
BUILDING
CHICAGO, ILL. 60607
U.S.A.

D. THOMAE
AQUINATI
DOCTORI ANGELICO

FR. GABRIEL A. S. VINCENTIO
Carmelita Excalceatus. D. D.



Ecce ad locum,
vnde exiuit, iam
nunc tertio reuertitur Theologia mea
fluuiolus (Doctorum sanctissime,
Sanctorum THOMA doctissime)
vt scilicet tuo munere iterum
fluat. Hinc omnia Carmeli flu-
mina, & Complutense, & Salman-
ticense, & Lugdunense in mare

† 3 rum

tuum magnum, & spatioſum manibus intrant, & mare non redundat ab eis. Quod qui in intelligentiæ nauibus aſcendunt; vident ſanè opera Dei, & mirabilia eius in profundo Sapientiæ tuæ. Vident ſanè in hoc etiam Eccleſiæ ſuæ myſtico mundo dixiſſe Omnipotentem: Congregentur aquæ Sapientiæ in locum vnum, Congregationemque huiusmodi appellaiſſe Abyſſum, ideſt THOMAM. O Mare, ò Salum, ò ſal. O Mare ſcientiarum, ſcilicet omnium. Nullum enim fuit Scriptorum genus, in quibus nō eſſes diligentiffimè verſatus, Hinc reptilia illic, quorum

non

non est numerus , & animalia pu-
silla cum magnis . Illic naues per-
transeunt de longè (de cœlo scili-
cet) portantes panem Sapientiæ
tuæ . O Salum , ò Sal , sine quo in-
fulsa , & insipida omnia , in quo sa-
pida , & benè condita omnia . O Sa-
pientiam , ò Sapientiæ Abyssum
THOMAM , de quo ter meritò
increata ipsa (de creata nimirum)
asseuerarit Sapiencia . Benè scri-
psisti de me **THOMA** . Contice-
scat hìc lingua carnis , vbi enco-
miastes est ipse Deus , & tantæ di-
gnitatis , ac dignationis silentio hu-
mili veneretur elogium .

FACULTAS R. A. P. N.
FR. IOACHIMI
A IESV MARIA

Præpositi Generalis Carmelitarum discal-
ceatorum.

TEnore præsentium facultatem impertimur R. P. F. Gabrieli à Sancto Vincentio Lombardo in Seminario Sanctæ Mariæ de Victoria Romæ Sacræ Theologiæ, & controuersiarum Lectori eiusdem nostræ Congregationis Sacerdoti professo Typis mandandi opus quod inscribitur (tractatus de Sacramentis iuxta Angelicam D. Thomæ Aquinatis doctrinā) dummodo prius duo nostræ Congregationis Theologi recognouerint, & in lucem edi posse probauerint. In quorum fidem præsentibus dedimus sigillo nostro munitas, ac propria manu subscriptras. Romæ in Conuentu nostro Sanctæ Mariæ de Scala die 28. Septembris 1635.

Fr. Ioachimus à Iesu Maria Præpos. Gen.

Fr. Faustus à S. Basilio
Secretarius.

Opus

Opus cui titulus est *Tractatus de Sacramentis* à P. *Gabriele* à *S. Vincentio*, compositum ex commissione Reuerendi Adm. P. N. *Ioachim*, à *Iesu Maria* Congregationis nostræ Præpositi Generalis diligenter perlegimus, & nihil incidit contrarium, aut fidei, aut bonis moribus, sed plenum solida D. *Thomæ* doctrina, ac plura in eo reperimus, quæ plurimum prodesse poterunt doctis ad maiorem profectum, & indoctis ad eorum pacem conscientiarum, & ideo dignum illud iudicamus, quod ad communem utilitatem, publicam lucem videat. Romæ in nostro Conuentu Sanctæ Mariæ de Victoria die 16. Maij 1657. 17 A 1 7 2 1

Fr. Seraphinus à Conceptione

S. Theologiæ Lector.

Fr. Io: Franciscus à S. Bernardino

S. Theologiæ Lector.

Imprimatur.

**Si videbitur Reuerendiss. P. Mag. Sacri Palatii
Apostolici.**

M. A. Oddus Vicejg.

Imprimatur.

**Fr. Raymundus Capisuccus Sacri, & Apost.
Pal. Mag. Ord. Prædicatorum.**

DI-

DISPUTATIONVM.

E T

QVÆSTIONVM

INDEX

DISPUTATIO PRIMA.

- D**E pœnitentia vt est virtus. nu. 1.
Q V A E S T I O I.
An pœnitentia sit virtus. nu. 5.
Q V A E S T I O II.
Quænam virtus sit pœnit. nu. 11.
Q V A E S T I O III.
Explicantur pulcherrimæ difficultates ad pœnitentiæ virtu-
tem pertinentes. 19.
Q V A E S T I O IV.
An pœnitentia effectiuè peccata destruat. 23.
Q V A E S T I O V.
In quo subiecto subiectetur. 30.
Q V A E S T I O VI.
Quodnam sit obiectum materiale destruendum pœniten-
tiæ. 34.

DISPUTATIO SECVNDA.

- D**E actibus virtutis pœnitentiæ. 41.
Q V A E S T I O I.
In quo contritionis essentia consistat. vbi pulchæ difficul-
tes enodantur. 42.
Q V A E S T I O II.
Aliquæ difficultates examinantur de quantitate, duratione, &
proposito contritionis. 52.

An

Q V A E S T I O III.

An contritio sit vltima ad gratiam dispositio ex natura rei,
an ex diuina institutione. 55.

Q V A E S T I O IV.

An contritio sit vera, & propria pro peccatis satisfactio. 59.

Q V A E S T I O V.

Quomodo excitetur contritio perfecta. 66.

Q V A E S T I O VI.

Quoniammodo contritio perfecta ab attritione distinguitur. 67.

Q V A E S T I O VII.

Explicantur aliquæ difficultates ad materiam attritionis pertinentes. 70.

Q V A E S T I O VIII.

An contritio debeat omnem poenæ reatum. vbi aliæ difficultates resolvuntur. 78.

Q V A E S T I O IX.

Plures continens difficultates de venialium peccatorum remissione. 86.

Q V A E S T I O X.

Quale sit præceptum contritionis, qualisque eius obligatio. 96.

Q V A E S T I O XI.

Quo tempore obliget contritionis præceptum. 104.

DISPUTATIO TERTIA.

DE poenitentia sacramento quoad eius institutionem, & quidditatem. 112.

Q V A E S T I O I.

An sacramentum poenitentiae fuerit à Christo Domino institutum. 113.

Q V A E S T I O II.

In quo sacramentum poenitentiae essentialiter consistat. 118.

Q V A E S T I O III.

Quanam sit materia remota sacramenti poenitentiae. 127.

Q V A E S T I O I V.

Quenam sit sacram. poenit. legitima forma. 130.

Q V A E S T I O V.

Quem sensum habeant illa verba absoluo te. 138.

Q V A E S T I O VI.

Quem effectum habeat absolutionis forma, quando quis contritus suo confitetur peccata. 143.

DISPUTATIO QVARTA.

DE contritione, & attritione vt sunt partes materiales sacramenti poenitentiae. 157.

Q V A E S T I O I.

An contritio præcedere debeat Confessionem. 152.

Q V A E S T I O II.

An dolor peccatorum debeat pro singulis sacramentis replicari. 157.

Q V A E S T I O III.

Quam relationem ad confessionem debeat habere dolor, vbi an requiratur propositum non peccandi. 161.

Q V A E S T I O IV.

Quale peccatum sit confiteri venialia sine vllò dolore, & an sufficiat dolor virtualis, vbi alia difficultas enodantur. 166.

Q V A E S T I O V.

An attritio, vel dolor quem ostendendū illi qui in proxima manet occasione, vel qui statim relabitur sit sufficiens ad sacramentum ponendum, vbi alie difficultates resolvuntur. 180.

DISPUTATIO QVINTA.

DE sacramentali confessione quoad præceptū illius. 187.

Q V A E S T I O I.

An sacramentalis confessio sit diuino iure necessaria ad salutem, vbi alia curiosa tanguntur. 188.

Q V A E S T I O II.

An sit præceptum Ecclesiasticum Confessionis, vbi alia ad eandem materiam pertinentia resolvuntur. 201.

Qui-

Q V A E S T I O I I I.

Quinam Ecclesiastico annuæ confessionis precepto obligentur. 215.

Q V A E S T I O I V.

An possit quis saltem ut præcepto satisfaciat Ecclesiastico, confiteri per nuncium, vel per litteras confessario absenti. 224.

D I S P U T A T I O S E X T A.

DE confessionis qualitate. 228.

Q V A E S T I O I.

An detur confessio sacramentalis valida, sed infirmis, & ex quibus capitibus. 229.

Q V A E S T I O I I.

An confessio debeat esse vera, & fidelis. 236.

Q V A E S T I O I I I.

An confessio necessario integra esse debeat, & quo iure. 243.

Q V A E S T I O I V.

In quibusnam casibus licitum sit confessionem non facere integram, ubi an complex possit manifestari, & alia recensentur. 246.

D V B I V M I N C I D E N S.

An possit Confessarius obligare poenitentem ad manifestandum peccati complicem, 260.

D I S P U T A T I O S E P T I M A.

DE integritate confessionis pro casu necessitatis. 267.

Q V A E S T I O I.

An possit absolui infirmus qui solum dicit peccavi. 268.

Q V A E S T I O I I.

An absolui possit moribundus, qui nec confessionem petijt, nec aliquod doloris signum dedit, ubi alia necessaria resoluuntur. 274.

DISPUTATIO OCTAVA.

DE peccatis quæ sunt confessionis materia, vbi de eorundem circumstantijs. 285.

Q V A E S T I O I.

An peccatum quod fit in ipso instanti Baptismi sit poenitentiae sacramenti materia. 286.

Q V A E S T I O II.

An peccata alias confessa sint materia confessionis, vbi alia: difficultates practicabiles resoluuntur. 291.

Q V A E S T I O III.

An peccata dubia sint confessionis materia necessaria. 267.

Q V A E S T I O IV.

An peccatum confessum vt dubium, si certum efficiatur debeat iterum confiteri. 304.

Q V A E S T I O V.

Quænam circumstantiæ sint in confessione explicandæ. 310.

D V B I V M I N C I D E N S.

Vnde sumenda vnitas numerica peccatorum. 317.

Q V A E S T I O VI.

Explicantur quæ ad circumstantiam quis pertinent. 326.

Q V A E S T I O VII.

De circumstantia quid, & de pertinentibus ad ipsam. 339.

Q V A E S T I O VIII.

Alia de circumstantia quid explicantur. 344.

Q V A E S T I O IX.

De circumstantia Vbi, & de alijs annexis. 352.

Q V A E S T I O X.

Reliquæ circumstantiæ breuiter recensentur. 358.

Q V A E S T I O XI.

Quibus in casibus sit peccatorum confessio reiteranda. 360.

DISPUTATIO NONA.

DE Ministro sacramenti Poenitentiae, 366.

Q V A E S T I O I.

An solus Sacerdos sit huius sacramenti minister. 366.

Quis

Q V A E S T I O II.

Quis sit minister ordinarius, quisque delegatus. 375.

Q V A E S T I O III.

Quinam possint peccata reservare, ubi alia. 383.

Q V A E S T I O IV.

An Prælati Regulares possint pro libito peccata reservare. 391.

Q V A E S T I O V.

Resoluuntur aliquæ difficultates ad materiam reservationis pertinentes. 395.

Q V A E S T I O VI.

De Confessarij approbatione, ubi pulchræ difficultates expediuntur. 399.

Q V A E S T I O VII.

De scientia quam debet habere Confessarius. 408.

DISPUTATIO DECIMA.

DE sacro confessionis sigillo. 421.

Q V A E S T I O I.

Vnde tam stricta sigilli obligatio oriatur. 423.

Q V A E S T I O II.

Quænam personæ confessionis sigillo obligentur. 430.

Q V A E S T I O III.

Ex qua confessione oriatur sigilli obligatio, ubi etiam quænam sit eiusdem sigilli materia. 435.

Q V A E S T I O IV.

An Confessarius possit loqui cum pœnitente de auditis in confessione. 443.

Q V A E S T I O V.

An Confessarius vti possit confessionis notitia ad externum regimen, ubi alia. 447.

DE satisfactione in communi. 452.

Q V A E S T I O I.

Quænam ad condignam requirantur satisfactionem. 453.

An

Q V A E S T I O II.

An opus satisfactorium debeat esse pœnale. 459.

Q V A E S T I O III.

An pœna temporalis, quæ peccato dimisso, aliquando remanet, remaneat ex natura rei, an ex diuina voluntate. 469.

Q V A E S T I O IV.

An homo teneatur satisfacere in præsentī vita pro pœnis peccatis dimissis delitis, ne eas luat in futura. 473.

Q V A E S T I O V.

An iustus possit pro alio siue viuo, siue defuncto satisfacere, seu an possint fideles se inuicem suffragijs iuuare. 476.

Q V A E S T I O VI.

Quæ conditiones requirantur, ad hoc vt satisfactiones alijs applicentur. 484.

Q V A E S T I O VII.

An opera omni i satisfactoria recte contineantur in illis tribus, oratione, &c. 493.

D I S P U T A T I O XII.

DE satisfactione sacramentali. 495.

Q V A E S T I O I.

An satisfactio causet gratiam ex opere operato, quando ponitur, & pœnæ faciat remissionem. 496.

Q V A E S T I O II.

An satisfactio in peccato mortali facta, suum habeat effectū ex opere operato. 501.

Q V A E S T I O III.

In qua plures resoluuntur difficultates circa Confessarij obligationem ad pœnitentiam imponendam. 506.

Q V A E S T I O IV.

De pœnitentis obligatione ad acceptandam, & implendam pœnitentiam. 512.

Q V A E S T I O V.

Quis possit pœnitentiam commutare sacramentalem. 521.
De

DISPUTATIO XIII.

DE Indulgentijs.

527.

Q V A E S T I O I.

An sit indulgentia, & quid sit, vbi aliquæ difficultates explicantur.

528.

Q V A E S T I O II.

An indulgentiæ largitio, sit vera, & iuridica remissio, vel absolutio, an solum solutio, vel poenæ commutatio.

532.

Q V A E S T I O III.

Quos effectus pariat indulgentia. Vbi aliquæ difficultates resolvuntur.

537.

Q V A E S T I O IV.

An Ecclesia habeat thesaurum, in quo Christi, & Sanctorum satisfactiones reponantur.

545.

Q V A E S T I O V.

De modo, quo indulgentiæ profunt defunctis, vbi aliæ difficultates breuiter resolvuntur.

554.

Q V A E S T I O VI.

Quotuplex sit indulgentia.

565.

Q V A E S T I O VII.

Quis possit indulgentia facere.

568.

Q V A E S T I O VIII.

An ad cōcedendas indulgētiās causa aliqua requiratur.

574.

DISPUTATIO PRIM A.

DE Sacramenti Extremæ vnctionis essentia.

580.

Q V A E S T I O I.

An Extrema vnctio sit verum, & proprium nouæ legis Sacramentum.

581.

Q V A E S T I O II.

Vtrum sit de oler essentia, vt sit huius sacramenti materia, quod sit ab Episcopo benedictum.

584.

Q V A E S T I O III.

De materia proxima huius sacramenti, quæ est vnctio.

587.

De

Q V A E S T I O III.

De forma huius sacramenti, deque annexis illius. 591.

DISPUTATIO SECVNDA.

DE Extremæ vnctionis effectibus, deque ministro, subiecto, dispositionibus, & obligationibus ministrandi, & recipiendi illud. 594.

Q V A E S T I O I.

Quinam sint sacramenti Extremæ vnctionis effectus. 594.

Q V A E S T I O II.

Quisnam sit huius sacramenti minister. 597.

Q V A E S T I O III.

Quodnam sit subiectū capax huius sacramenti recipiendi. 600.

Q V A E S T I O IV.

Quomodo disponendus sit infirmus, vt hoc sacramentum cū fructu recipiat. 604.

Q V A E S T I O V.

Qualis sit obligatio recipiendi hoc sacramentum, qualisque obligatio ministrandi illud. 606.

Q V A E S T I O VI.

Quibus ritibus debeat hoc sacramentum ministrari. 611.

L A V S D E O.

TRA-



TRACTATUS
S E X T V S
D E
SACRAMENTO
POENITENTIAE.
P R O O E M I V M.



Eruicacissimus hostis ille Diabolus nunquā malitiæ suę otium facit; sed tunc maximè sæuit, cum hominem plenè sentit liberatum: tunc plurimum accenditur, dum extinguitur. Dolet, & ingemiscat necesse est, venia per regenerationis lauacrum præmissa, tot in ho-

mine mortis opera diruta tot damnationis titulos fuisse erasos; inde obseruat, oppugnat, obsidet, si qua possit aut oculos concupiscentia carnis ferire, aut animum illecebris sæcularibus irretire, aut fidē terrenæ potestatis formidine euertere, aut à via certa peruersis traditionibus detorquere: non scandalis, non tentationibus deficit. Ob hæc

A vene-

venena Diaboli, prouidens Deus, clausa licet innocentiae ianua, & intinctionis sera obstructa, aliquid aliud voluit patere. Collocauit in vestibulo penitentiam secundam, quae pulsantibus salutis iter aperiat. Sed non iam semel, quia iam secundo: sed amplius, quia proximè frustra. Nemi mini semel sufficit. Habes quod non merebaris, amisisti quod acceperas. Sed vide indulgentiam Domini, commodat vnde restituas, quod amiseras: iterato beneficio gratus esto, ne dum ampliatio; minus est enim restituere, quam dare; quia miserius perdere, quam omnino non accipere: Vnde non est animus desperatione subruendus, si secundae quis fiat de-

bitor penitentiae; pigeat peccare rursus, sed rursus poenitere non pigeat; pigeat periclitari, sed non pigeat liberari; neminem pudeat: iteratae valetudinis, iteranda medicina est. Gratus Domino eris, si quod tibi Dominus offert non recusas. Offendisti: habes quo reconcilieris: habes cui satisfacias, & quidem volentem. Igitur per Baptismum Christo Domino fuisti regeneratus; per Confirmationem Miles conscriptus; per Eucharistiam annona refectus; per penitentiam remedio munitus, quo vulneratus sanitate doneris, ut pugnam fortius redintegres. De hoc ergo Sacramento mirabili, noster hic labor erit. Vnde sit.



DISPUTATIO

PRIMA

DE

POENITENTIA

UT EST VIRTUS.

Poenitentia ex D. Isidoro 3. Etymologia-
rum cap. vlt. Et ex D.
Augustino de vera, & falsa
poenitentia cap. 19. dicitur à
pœna, & *tenentia*; ita quod
poenitere sit *pœnam tenere*, &
poenitentia, sit *pœna tenentia*.
Vel etiam poenitentia dicitur,
quasi *puniencia*. Et quia do-
lor de peccatis, est prima, &
præcipua *pœna tenentia*, vel
puniencia; nihil enim est in
mundo de quo magis homo
dolore debeat, quam de pec-
cato commisso; cum sit ma-
ius omnium malorum malū,
ideo nomine poenitentiae ab-
solutè, & simpliciter dolor, &
displicentia venit peccatorū.
Nota tamen, quod cum no-
stri temporis hæretici, omne

abhorreant austeritatem, no-
lunt poenitentiam esse pœnæ
tenentiam, nec dolorem, nec
afflictionem, nec propriam
peccatorum displicentiam;
sed volunt poenitentiam esse
quandam resipiscentiam, seu
vitæ amorem. Sed hæretici
contra Catholicorum sensum
loquuntur, imò contra sensū
sanctorum Patrum, & sacræ
Scripturæ, quæ quoties de
poenitentia loquitur, quæ ad-
uersus peccata versatur, sem-
per de illa loquitur tanquam
de *pœna tenentia*, seu de eo-
rumdem peccatorum dolore,
& afflictione. Diuiditur poe-
nitentia, in poenitentiam Dei,
& hominis: Dei non quod
hominum more de transactis
doleat operibus, hoc enim

nequaquam dici potest, sed quia rem mutat de bona, in malam, vel ut loquitur Augustinus super illum locum *pœnit me fecisse hominem*, quia nouit statuta mutare de bono in melius. Pœnitentia hominis duplex est, falsa, & vera: falsa tunc est cum homo se peccasse pœnitet, ob huius vitæ mala, ut facilius, qui dolet de furto patrato, quando de supplicij pena agitur, quæ si desit ad latrocinia reuertitur: falsa tunc etiam intercedit pœnitentia, cum quis inuitus sua confitetur peccata non boni amore, sed ut incomoda fugiat sæculi, ut faciunt illi, qui Paschatis tempore, inuiti confitentur. Falsa etiam est illa pœnitentia, imò diabolica, quando quis dolet se, vel alios non peccasse. Vera verò pœnitentia tunc est, quando quis de peccatis dolet, & de dolore gaudet.

Diuiditur vera pœnitentia, in pœnitentiam virtutem, & in pœnitentiam Sacramentum: quæ duæ pœnitentiæ differunt primò, quia pœnitentia ut virtus, est quodammodo de iure

naturali, in quantum quod ius naturale dicat hominem debere de eo dolere, de quo dolendum est: ut vero Sacramentum est, ex diuina institutione est. Differunt secundò, quia quæ Sacramentum est, tres habet partes, scilicet contritionem, confessionem, & satisfactionem: non ut est virtus. Tertiò, quia ut virtus dari potest in hominibus ante Baptismum, secus quæ Sacramentum. Quarto, quia quæ virtus à mundi cæpit exordio, & ad omnes adultos descendebat, qui iustificabatur, ut verò Sacramentum est, Christi fuit institutionis. Quintò, quia ut virtus, non iustificat, nisi per ipsius actum perfectum, qui est perfecta contritio; ut vero est Sacramentum, per solam etiam iustificat attritionem. Sextò, quia quæ Sacramentum, est quid sensibile, sicut & omnia alia sacramenta, ut vero est virtus, est quid insensibile.

Conueniunt hæ duæ pœnitentiæ in nomine, conueniunt in effectibus, quia utraque hominem in gratiam, & Dei restituit amicitiam; conueniunt

niunt etiam, quia straq; peccati requirit detestationem, & vitæ emendandæ propositum. Sed quia pœnitentia virtus, breuiorem requirit tractationem, quam pœnitentia

Sacramentum, prius pœnitentiam expediemus virtutem, subinde de pœnitentia Sacramento, & de omnibus ad ipsam pertinentibus fusius agemus, sit ergo.

Q V A E S T I O I.

An Pœnitentia sit virtus.

Lutherani omnes, ut videre est apud Rophensem in lib. contra dogmata Lutherana docent, pœnitentiam quæ est cum tristitia & dolore de peccatis commissis, non esse virtutem, sed vituperabilem hypocrisim.

Nostra sententia sequenti explicatur conclusione. *Pœnitentia, quæ est dolor de peccatis commissis est vera, & propria virtus.* Hæc conclusio est definita in Tridentino sess. 6. cap. 6. & sess. 14. cap. 4. Et aperte colligitur ex Psal. 6. *Labraui in gemitu meo, lacrymis meis stratum meum.* rigabo Ita. 38. *recognosco tibi omnes annos meus in amaritudine anima mea.* Baruch. 2. *anima quæ tristis est super ma-*

gnitudinem mali, & incedit curua, & infirma & oculis deficiens dat tibi gloriam, & iustitiam. Pro quo obserua pœnitentiam de qua agimus, non esse solum simplicem quandam displicentiam, sine vlla animi inquietudine, anxietate, & afflictione, qualis reperitur in Deo de peccatis nostris, & in beatis de propriis, & nostris; sed esse displicentiam absolutam, quæ dicit quandam animi inquietudinem, angorem, & afflictionem, hæc enim sola propriè pœnitentia est, iuxta etymologiam supra dictam, quæ pœnitentia dicitur punientia, vel pænæ tenentia, deq; hac Scriptura, & Patres loquuntur, dum de peccatorum pœnitentia

nitentia agunt, & illam esse virtutem volunt: hoc posito probanda est conclusio.

Primò auctoritate Doctoris sancti art. 1. q. 83. cuius in corpore fatur: *Pœnitere est de aliquo prius à se facto dolere. Dictum est autem supra, quod dolor, vel tristitia dupliciter dicitur, uno modo secundum quod est passio quadam appetitus sensitivi, & quantum ad hoc pœnitentia nō est virtus, sed passio. Alio modo secundum quod consistit in voluntate, & hoc modo est cum quadam electione, qua quidem si recta sit, necesse est quod sit actus virtutis: pertinet quidem ad rationem rectam, ut aliquis doleat de quo dolendum est, & eo modo, & fine, quo dolendum est, quod quidem observatur in pœnitentia de qua nunc loquimur.*

Probatur secundo ratione desumpta ex citato D. Thomæ testimonio; nam de ratione virtutis est, quod sit habitus electivus in mediocritate consistens; Atqui huiusmodi est pœnitentia; ergo est virtus; Minor non solum est D. Thomæ, verum etiam est definitio virtutis, quam

tradunt communiter Philosophi morales cum Aristotele in Eth. Minor etiam clara est, præsertim si attendamus ad scripturæ loca adducta, ubi pœnitentia laudatur maxime, quod non fieret si actus bonus, & laudabilis nō esset; quis namque diceret non esse laudabile detestari malum, vel ut loquitur D. Thomas, dolere de quo dolendum est?

Cōfirmatur præcedens ratio ex alijs Philosophi, & aliorum, virtutis deficientibus: est namq; *virtus dispositio perfecti ad optimum: est habitus qui bonum facit habentem, & opus eius bonum reddit: est bona qualitas mentis, qua nullus malè utitur.* Atqui hæc omnia pœnitentiæ conveniunt; ergo pœnitentia est vera, & propria virtus. Minor ostenditur; nam pœnitentia de qua loquimur, est dispositio perfecti ad optimum; cum eius actus, qui est cōtritio ad gratiam disponat: bonum facit habentem, quia ex peccatore iustū facit, & opera illius bona, seu hominis iusti; est bona qualitas mentis, qua nullus malè utitur, cum nullus

vti

vti possit vera pœnitentia ad malum finem, quantum est ex fine operis, an vero quantum ex fine operantis patet ex dictis in prima secundæ, & patebit ex dicendis de virtutibus Theologicalibus soluantur argumenta in contrarium.

Primum argumentum est. Pœnitentia supponit essentialiter peccatum; ergo nequit esse virtus: Antecedens est notum, cum nanque pœnitentia ad tollendum peccatum ordinetur, non potest non esse vbi peccatum non supponitur, ideoque Theologi communiter docent in Christo Domino non fuisse pœnitentiam, quia peccatum nullo modo supponi poterat. Consequentia probatur, quia implicat virtutem supponere vitium oppositum, sicut vnum contrarium nequit aliud supponere.

Respondetur distinguendo. Antecedens pœnitentia supponit peccatum quod destruat, & conceditur; supponit peccatum cum quo esse queat, & negatur; per quod patet ad probationes: virtus

enim non supponit vitium, cū quo maneat; potest tamen supponere vitium, quod expellat; sicut contrarium non supponit suum contrarium, cum quo maneat, sed supponere potest quod expellat.

Secundum argumentum: omnis virtus est per se appetibilis; sed pœnitentia nō est per se appetibilis; ergo non est virtus. Maior docetur ab omnibus. Minor ostenditur; nam qui pœnitentiam appeteret peccatum appeteret; cū enim pœnitentia peccatū supponat, nequit ipsa appeti, quin appetatur id sine quo esse nequit.

Respondetur concessa maiore, negando minorem; Pœnitentia nanque est per se appetibilis ex peccati suppositione: non enim Pœnitentia appetitur per se absolutè, sed in remedium peccati, quod Pœnitentia destruit.

Tertium argumentū quod proponit D. Thomas est: Verecundia non est virtus per Philo. Ethic. 4 ergo neq. pœnitentia. Antecedens patet, tum quia verecundia est cum passione corporali. Tum etiā quia,

quia, non est dispositio perfecti, cum sit de turpi actu, quod nō habet locum in homine virtuoso. Consequentia probatur, quia etiam Pœnitentia est cum passione corporali, nempe cum dolore, & tristitia, & ploratu; & etiam quia est de turpibus factis, scilicet de peccatis, quæ in homine virtuoso, locum non habent.

Respondet Angelicus differentiam esse inter verecundiam, & Pœnitentiam, quod *verecundia respicit turpe factum ut presens, pro quo timet confundi; Pœnitentia vero ut præteritum; est autem contra perfectionem virtutis, quod aliquis in presenti habeat turpe factum, de quo oportet eum verecundari, non est autem contra perfectionem, quod aliquis prius commiserit turpia facta, de quibus oportet eum pœnitere, cum ex visioso, fiat aliquis virtuosus.*

Vbi ut vides profundam assignat differentiam, inter verecundiam, & Pœnitentiā, quod ideo verecundia non est virtus, quia eius actus efficax non est ad expellendum

peccatum, timet quidem verecundus culpam, sed ob timorem infamiæ, qui optimè stare potest cum amore culpæ; Vnde licet in iuuenibus verecundia laudetur, non tamen ideo est, quia sit virtus, sed quia est quoddam virtutis exordium; nam qui peccatū detestatur ob infamiæ timorem, facile potest subinde illud detestari quatenus est absolutè malum, & virtutī oppositum. At si loquamur de pœnitentia, cum ipsa absolutè, & simpliciter peccatum detestetur, virtus simpliciter erit: quod autem pœnitentia fiat aliquādo cum aliqua corporis transmutatione, hoc non tollit quominus non sit virtus, dummodo, ut dicit Angelicus, ex recta fiat electione.

Quantum argumētum est, quia de ratione virtutis est, quod suos eliciat actus & faciliter, & delectabiliter; sed Pœnitentia non est sic; ergo non est virtus. Maior est commune Philosophorum dictū. Minor probatur, nam Pœnitentia suos exercet actus cum dolore, & tristitia. Respondetur

detur concedendo maiorem, & negando minorem, nam licet Pœnitentia de peccato doleat, & tristetur, delectatur tamen de ipso dolore, & sic Pœnitentia dolet de peccato, gaudet, & delectatur de illius dolore, & tristitia:

Quintum argumentum. In fuga mali nulla esse potest virtus; sed Pœnitentia consistit in fuga mali; ergo nequit esse virtus. Maior patet, nam fugere malum, est homini naturale, sicut & cuilibet animali. Minor probatur, nam Pœnitentia non potest esse peccati prosecutio; ergo erit eiusdem fuga; eo namq; ipso quod quis peccatum, ut malum apprehendit, suapte natura ab ipso fugit.

Respondetur distinguendo maiorem, in fuga mali purè naturalis, nulla potest esse virtus, & conceditur: in fuga mali supernaturalis nulla potest esse virtus, & negatur: sicut enim homo ad amandū seipsum amore naturali, nulla indiget virtute, ita ad fugiendum malum naturale: nulla virtute indigebit, & sicut homo ad diligendum se

ipsum supernaturali dilectione, habitu indiget supernaturali, ita ad fugiendum huiusmodi malum supernaturale, supernaturali habitu indigebit. Adde Pœnitentiam nō esse puram peccati fugam, neq; prosecutionem, sed esse tendentiam quandam in peccatum destruendo illud, motus namque fugæ, purum denotat recessum; motus prosecutionis, animi denotat affectum in rem in quam tendimus. At vero pœnitentiæ tendentia in peccatum, est tendentia destructiva peccati. Vnde simplex fuga à peccato explicatur per hoc *nolem peccasse*: Prosecutio explicatur per hoc *volo peccatum*: tendentia vero pœnitentiæ explicatur per hoc *volo peccatū non esse*: Proinde D. Thomas ut ostenderet pœnitentiā non esse impossibilem dicit hic art. 1. ad 3. *Dolere de hoc quod prius factum est, cum intentione conandi ad hoc quod factum non fueris esse solum. Hoc autem non intendit Pœnitens, sed dolor eius est displicentia seu reprobatio facti præteriti, cum intentione remouendi sequelam*
 B
 ipsius

ipsius, scilicet offensam Dei, & reatum pœnæ. Vbi ut vides non vult Angelicus Pœnitentiam esse puram peccati fugam, licet & hanc inuoluat, sed maximè esse tendentiam in peccatum, ipsum destruendo. Ob idq; att. 2. ad 3. habet: *qualibet virtus specialis formaliter expellit habitum vitij oppositi: sicut albedo expellit nigredinem ab eodem subiecto, sed Pœnitentia expellit omne peccatum effectiue, in quantum operatur ad destructionem peccati, prout est remissibile ex diuina gratia, homine cooperante.* Vnde patet aliquos hic contere tempus, ut probent actus pœnitentiæ esse actus puræ, & nudæ fugæ; nã ut ex dictis liquet, & magis ex dicendis in sequentibus liquabit, hoc est falsum: tum quia est valde dubiũ in Philosophia, an detur actus voluntatis, & intellectus puræ fugæ; videtur enim implicare intellectum, & voluntatem fugere, seu recedere à termino à quo, & non accedere ad terminum ad quem; tum etiã quia cum obiectum intellectus, & voluntatis sit verum,

& bonum, seu sit ens sub ratione veri, & boni; ita quod ratio, *qua* harum potentiârũ, sit ratio *entis*, & ratio *sub qua*, sit ratio *veri*, & *boni*; sequitur quod hæ potentiæ, non nisi in ens tanquam in rationem *qua*, versari possunt, & non nisi sub illis rationibus formalibus veri, & boni; & subinde actus puræ, & nudæ fugæ, nequaquam intellectus, & voluntas habere poterunt: possunt quidem fugere à falso, & malo tanquã à termino à quo relicto, tendendo in verum, & bonum tanquam in terminum ad quem acquisitum; sed non possunt per proprios actus positiuos cognitionis, & volitionis recedere à falso, & malo, nisi sub aliqua veri, & boni ratione, alioqui non esset vera cõmunis Philosophorum, & Theologorum doctrina, quod intellectus cognoscât falsum sub ratione veri, & voluntas vel it malum sub ratione boni: si enim semel intellectus fugeret à falso pura fuga, sine vlla tendentia in verum cognosceret falsum à quo fugeret, & non ratione veri

in

in quod tenderet, quod esset obiecti; quod esse nequit idē
exire extra latitudinem sui dic de voluntate.

Q V A E S T I O II.

Quanam virtus sit Pœnitentia.

Suppono primo Pœnitentiam non posse esse ipsū gratiæ sanctificātis habitum, vt tenuerunt aliqui antiqui apud D Bonauēturam 4 dist. 14. art. 1. q. 1. nam vt in tract de gratia docuimus, habitus gratiæ, est primū esse in linea supernaturali, sicut substantia in linea naturali, & sicut hæc non est operatiua, ita nec illa: at vero pœnitentia, vt patet, est habitus operatiuus.

Suppono secundo. Pœnitentiam non esse virtutem generalem, licet habeat modum quendam generalem, cum peccata virtutibus omnibus opposita detestetur, sed sub vna, & determinata ratione, vt postea dicetur; dixi sub determinata ratione, quia vnaquæq; virtus habet peccatum sibi oppositum, quātale destruere, cum omnis habitus, cum sit sufficiens ad

propriū obiectum diligendum, est etiam sufficiens ad oppositum illius odio habendum, fugiendum, detestandum; sed semper sub propria, & determinata ratione, vt charitas, quæ habet diligere Deum, & proximum, habet etiam peccatum detestari, quatenus sibi opponitur, idē dic de fide, spe &c.

Suppono tertio. Pœnitentiam non esse virtutem religionis, nam religio respicit formalissimè & per se, immediate, & directè cultum Dei, at vero pœnitentia, per se, & directè peccatum, vt destruendum respicit; licet hoc subinde in Dei cultum cedat. Tum quia non est adeo difficile Deum externo colere cultu, sicuti est peccata ipsa destruere His positis tres potissimè sunt de præsentī quæstione sententiæ.

Prima sententia est Pœnitentiam esse ipsam Charitatis virtutem. Ita aliqui moderni post Alensem 4.p.q.54 memb. 1. art. 2. quorum fundamenta postea referemus.

Secunda sententia magis communis extra scholam D. Thomæ est, quod pœnitentia sit ipsa virtus iustitiæ Ita Suarez, Coninchius, & alij hoc loco.

Nostra sententia sequenti explicatur conclusione. *Pœnitentia est virtus specialis, à reliquis omnibus distincta.* Hęc est expressa D. Thomæ sententia, & discipulorum eius. Videatur Nugnus hac quæst. 85. art. 2.

Probatur primò ratione D. Thomæ, quam habet in huius art. 2. corpore; quia, inquit, *species habituum distinguuntur secundum species actuum: & ideo ubi occurrit specialis actus laudabilis, ibi necesse est ponere specialem habitum virtutis.* Manifestum est autem quod in Pœnitentia inuenitur specialis ratio actus laudabilis, scilicet operari ad destructionem peccati præteriti, in quantum est Dei offensa,

quod non pertinet ad rationem alterius virtutis.

Sed antequam ulterius progrediamur nota, vt profundâ D. Thomæ cupias rationem, quod Pœnitens sub quintuplici ratione potest in peccatum ferri. Primò quatenus peccatum est contra rectam rationem; seu, vt clarius dicam, contra alicuius particularis virtutis honestatem, verbi gratia contra temperantiam; & secundum hanc rationem, vt dicebamus, ab ipsa temperantia destruitur, vnaquæque namque virtus suum contrarium potest destruere. Secundò quatenus est malum repugnans Dei amicitia, & nos eius cõstituens inimicos, & secundum hanc rationem destruitur peccatum per charitatem, quod obseruat Angelicus in solutione primi dicens: *si ergo in actu pœnitentis consideretur sola displicentia peccati præteriti, hoc immediate ad charitatem pertinet, sicut & gaudere in bonis præteritis; sed intentio operandi ad deletionem peccati præteriti requirit specialẽ virtutem sub charitate.* Sub charitate dicit, quia

quia ex charitatis imperio Pœnitentia operatur, vt in verbis prioribus idem Angelicus aduertit.

Tertiò quatenus Deo infert iniuriam, quod est aliorum proprium peccatorum, de quo disput. 2. q. 4. & secundum hanc rationem destruitur peccatum per virtutē iustitiæ cōmutatiuæ similem, quæ habet ponere compensationem non quidem æqualitatis, sed illam quam potest. Quartò quatenus peccatum nos æterna gloria priuat, & cōstituit nōs reos pænæ æternæ: Et secundum hanc rationem deletur per virtutem spei.

Quintò, & vltimò quatenus peccatū est offensa Dei, & secundum hanc rationem per pœnitentiam destruitur; differt autem offensa ab iniuria, quod iniuria iustitiæ opponitur, & non nisi per iustitiam tollitur, at vero offensa, dicit quendam dignitatis personæ contemptum, vt cum quis Principis, vel Pontificis mandata transgreditur. & eo maior quando ipso sciente, & vidente, quod

peccatori contingit, dum Dei mandata ante ipsius oculos transgreditur. Ex quibus patet, quod nam sit pœnitentiæ obiectum, auferre nimirum in se ipso hanc Dei offensam, quæ quamdiu peccatum manet, perseverat, quod magis explicabitur disp. 2. q. 4.

Probatur secundo, quia si pœnitentia non esset virtus specialis ab alijs distincta deberet esse cū aliarum aliqua, identificata; Atqui non est; ergo &c. Minor ostenditur, nam si cum aliqua identificata esset, maxime cum charitate, vel iustitia; sed cum harum nulla potest esse identificata; ergo. Huius argumenti minor probatur, quia quilibet charitatis actus in Deum immediatè tendit tãquam in obiectum formale specificatum illius, cum sit Charitas virtus Theologica; at vero pœnitentia tendit immediatè in peccatum, vt est offensa Dei: patet autè quod vna, & eadem virtus hæc duo munia adeo diuersa præstare non potest; alioqui vna, & eadem virtus esset, & non esset Theologica.

Neque

Neque etiam potest pœnitentia cum iustitia identificari, vt elegantissimè probat D. Thomas hic art. 3. cum nō possit offensam compensare ad æqualitatem, & etiā quia offensa formalissimè vt dicebamus non est iniuria, nec subinde iustitię opponitur, ac proinde satisfactio pro offensa, seu offensæ destructio, iustitię actus esse nequit. An autem, & quomodo ad iustitiam pertineat, postea dicitur. Soluuntur argumenta in contrarium.

Primum argumentum est, quia illa est virtus pœnitentię, quæ talem elicit actum, qui omnium sit delectiuus peccatorum; Atqui hæc est charitas; ergo &c. Maior nota est. Minor ostenditur, nam in omnium sententia actus dilectionis Dei super omnia, est vltima ad gratiā dispositio, quippe cum sit perfectissima in Deum conuersio, implicat autem, quod aliquis sit perfectissimè in Deum conuersus, & in peccato sit mortali, ergo.

Responderetur distinguendo maiorem: illa est virtus

pœnitentię, cuius actus est omnium delectiuus peccatorum sub ratione offensæ Dei, & conceditur, sub alijs rationibus, & negatur. Charitas ergo omnia habet delere peccata, sed sub suo particulari motiuo secundum nimirum, quod diuinam destruunt amicitiam. Pœnitentia vero, secundum quod sunt offensa Dei; benè verum est, quod Charitas mouet, & imperat pœnitentię, vt quando ipsa per dilectionem hominem in Deum conuertit, & peccatū sub sua ratione destruit, ipsa id ipsum præstet, per contritionem, & sub suo particulari motiuo. Potest tamen dari casus; quo homo per solam dilectionem iustificetur, vt quando subito per illam in Deum rapitur, absq; eo quod peccata in mentem veniant, quę detestentur, tamen quando illorum veniet memoria, detestari debent, & suo tempore confiteri, cum contritio non nisi per ordinem ad confessionem peccata delere habeat; sed de hoc infra.

Secundum argumentum: virtus, qua satisfacimus pro offen-

offensis illatis parentibus, amicis, &c. est virtus iustitiæ; ergo etiam illa, qua satisfacimus pro offensis illatis Deo. Antecedens admittunt communiter. Consequentia ex rationis paritate constat.

Respondent aliqui concedendo antecedens, & negando consequentiam: ratio discriminis est, quia hominis ad hominem, iustitia dari potest, non hominis ad Deum: unde qui hominem læsit potest illi ad æqualitatem satisfacere; non tamen qui Deum, cum peccatum sit malum infinitum, satisfactio vero finita. Sed hæc solutio non placet; non enim omnis offensa parentibus, amicis, &c. facta, est contra iustitiam, quis enim dicet quod debitum parentibus non præstare honorem, sit actus iniustitiæ? quis dicet, quod amicum offendere, amicitiae leges non observando, sit iniustitiæ actus; ob id aliqui dicunt, quod offensa parentibus illata, per debiti honoris carentiam, resarciatur debitum illis exhibendo honorem; & sic illa offensa deletio, per novum pietatis actum fiet;

quia sicut offensa fuit contra pietatem, ita satisfactio pietatis actus erit. Similiter amicis satisfacimus quando cum eis affabiliter agimus, & sufficienter illis satisfacimus, cum sic, cum eis agimus.

Sed verius dicendum est, offensas parentibus, amicis, &c. illatas, qua offensa sunt, non deleri, nec per iustitiam, cum iniuriæ non sint, nec per pietatem, affabilitatem, &c. cum hæc virtutes offensas non deleant, nisi secundum quod formalissimè sibi opponuntur; sed deleri per quandam virtutem poenitentiae moralis, quæ ad iustitiam reuocatur, vel etiam ad pietatem, affabilitatem, &c. proportionally, & licet Philosophi de hac expressam non fecerint mentionem, cum supradictis sit valde affinis, non tamen ob id negari debet, cum propriam habeat rationem formalem à cæteris distinctam, ut cõsideranti patebit, & mox ex D. Thoma subiiciemus: Unde videmus non contentari parentes v. g. quod filij pro illata illorum offensa novum exhibeant reuerentiæ obse-

obsequium, sed veniam quâdoque exposcunt. Item quâdo aliquem verbo, vel opere offendimus, quando contra iustitiam non est talis offensa, eiusdem offensæ veniam exposcimus, signa doloris, & displicentiæ ostendêdo, quod est euidens signum, talem offensam non fuisse solum contra pietatem, sed contra pœnitentiam, cum per hanc refarciatur.

Sed quæres primò quid principalius pœnitentia inspiciat offensæ satisfactionem, an dolorem de perpetrato peccato? Respondetur pœnitentiam vtrunque inspiciere, & offensæ satisfactionem, & offensæ dolorem, taliter tamen quod offensæ satisfactionem inspiciat vt finem; dolorê, vt medium; assumit nanque pœnitentia dolorem tanquam medium ad dirimendam offensam. Ita deduco ex S. Doctore hoc art. 2. cuius in corpore dicit: *operari ad destructionem peccati prateriti ut est offensa Dei*, esse proprium actû pœnitentiæ; patet autem quod non aliter pœnitentia ad præteriti peccati destructionem

operatur, nisi dolêdo de illo: & 2.3. dicit. *Pœnitentiâ habere; quod sit specialis virtus ex hoc quod pœnitens dolet de peccato commisso, in quantum est offensa Dei cum emendationis proposito*. Vnde patet quam male loquantur illi qui dicunt ad pœnitentiam solum pertinere intendere offensæ satisfactionem, dolere vero de peccatis, proprium esse Charitatis; nam licet verum sit, vt supra notauimus Charitatem posse de peccatis dolere, qua ratione sibi opponuntur, sicut id ipsum quælibet virtus facere potest, non tamen charitatis est proprium, dolorem peccatorum assumere, secundum quod sunt offensa Dei.

Quæres secundo, an pœnitentia sit virtus moralis, vel Theologica: Respondeo cum D. Thoma hic art. 3. ad primam esse virtutem **moralem**. Et probatur breuiter, quia illa est virtus Theologica, quæ Deum habet pro obiecto; Atqui pœnitentia non respicit Deum pro obiecto, sed peccati destructionem; ergo. Vnde licet pœnitentia intendat per dolorem Deo satisfacere,

facere ; pro offensa illata , Deus tamen non est obiectū formale pœnitentiæ, sed solū est obiectum cui ; sicut religio non est virtus Theologica, sed moralis ; quia licet cultus, quem respicit, Deum immediatè respiciat, tanquā obiectum cui, nō tamen Deus est obiectum formale illius.

Sed dices, omnis virtus moralis in medio consistit, vel rei vt iustitia, vel rationis, vt virtutes aliæ; sed pœnitentia non consistit in medio rei, cum non sit iustitia, neque in medio rationis; quod ostēditur, quia pœnitentiæ est dolere de peccatis in quantum tunc Dei offensa ; sed in hoc nullum dari potest medium : cum enim peccatum sit malum infinitum, potest homo de illo magis, ne magis dolere, vsque in infinitum ; Nec volet dicere, quod licet ex parte obiecti pœnitentia medium non habeat, habet tamen illud ex parte subiecti ; potest enim ita crescere dolor, & afflictio in pœnitente, pro peccato commisso, vt sit ei nociua, & teneatur ab ea cessare, vel ne malum gra-

ue corporale subeat, vel spirituale, vt desperationem. Nā contra est. Primò, quia id ipsum de Charitate dici potest, cum quis possit taliter in charitate exardescere, quod teneatur ab illa cessare ob damnum sanitati inferendum. Secundò, quia virtutis medium, non per ordinem ad subiectum est desumendum, sed per ordinem ad obiectum; ergo, &c.

Respondetur concedendo maiorem, & negando minorem, in omnium nanque sententia, pœnitentia (supposito quod non sit iustitia) medium rationis habere debet. Ad probationem dico, falsum esse pœnitentiam dictare de peccato esse dolendum in infinitum absolute, sed in infinitum, vt ita dicam, determinatè, nempe secundum quod prudentia dictauerit, prudentia autem dictat, esse semper magis, ac magis de peccatis dolendum ; taliter tamen, quod dolor, & afflictio, quæ per se à pœnitentia importantur, non sint nociua ; vnde falsum est, quod dolor, & afflictio se teneant præcisè ex

C parte

parte subiecti, & nocumentū, quod ex illis oriri potest; sed se tenent ex parte obiecti, tãquam circumstantiæ illius; nō sic se habet nocumentum respectu Charitatis, nam solum per accidens, ratione subiecti, cum illa coniungi potest. Vnde patet manifesta dispositus inter Charitatem, & Pœnitentiam, quod Charitas dilectionem respicit, & ex hac per se non sequitur dolor, sed lætitia, & etiamsi aliquando dolor, & afflictio ex illa sequatur, ratione oppositi, obiecto amato, erit purè per accidens; At vero pœnitentia per se habet respicere dolorem, & afflictionem pro peccatis commissis, ex quibus nisi intra prudentiæ limites detineantur, sequetur nocumentum corporale, & etiam spirituale, & subinde illa, nullū, per se loquendo, medium, sibi præscribit, hæc autem sic. Ex quibus patet radix, & fundamentum, ob quod dicunt communiter Theologi virtutes morales habere medium rationis, nempe à prudentia præscriptum, non vero virtutes Theologales, cum hæc so-

lum per accidens, excessum habere possint, ratione scilicet subiecti, ad quem excessum per accidens, dari nō debet determinata virtus, sed sufficiet pro eo casu fides, quæ est prudentia quædam eminentialis, vel donum intellectus, vel sapientiæ, vel scientiæ secundum materiæ exigentiā. Nota tamen quod licet pœnitentia non sit virtus Theologalis ad illam tamen maxime accedit, sicut, & religio, ideoque non mirū quod sit valdè difficile harum virtutum medium adinuenire.

Quæres tertio, an pœnitentia sit virtus infusa? Affirmatiuè respondeo. & apertè colligitur ex sacra Scriptura, Ierem. 31. *Postquam conuersisti me egi pœnitentiam*. Vbi particula *postquam* indicat illum ante, pœnitentiam exercere non potuisse: & Threnorum ult. dicitur. *Conuerte nos Domine ad te, & conuertemur*. Idem habetur ex Tridentino sess. 6. cap. 3. & alibi. Et ratio id ipsum conuincit, nam omnis habitus ordinans hominem in finem supernaturalem, non potest non esse infusus; Atqui huius-

huiusmodi est poenitentia, reconciliat nanque hominem cum Deo supernaturali auctore; ergo &c.

Quæres quarto, an possit dari poenitentia, quæ sit virtus acquisita? Et respondeo affirmatiuè. Ita D. Thomas quæst. 84. art. 7. cuius in corpore dicit: *ex naturali ratione homo mouetur ad Poenitentiam de malis, quæ fecit.* Et in solutione ad primum habet: *de iure naturali est, quod aliquis poeniteat de malis, quæ fecit, quantum ad hoc quod doleat fecisse, & doloris remedium quaerat, per aliquem modum, & quod etiam aliqua signa doloris ostendat, sicut & Niniuitæ fecerunt, ut Iona 3. legitur.* Ad-

de posse etiam hunc habitum generari ex frequentatione actuum poenitentiae supernaturalis; qui habitus postea manet in peccatore, ut tradunt cõmuniter in alijs materijs D. Thom. discipuli. Aduerte tamen nec huius, nec prioris habitus actus, esse sufficientes ad iustificationem, etiam cum Sacramento, cum actus naturalis nequeat esse dispositio ad gratiam, ut infra dicetur, an autem dolor naturalis possit esse sufficiens ad faciendum poenitentiae Sacramentum validum, sed informis, affirmant aliqui cum Bonacina, & alijs, quod an sit probabile ex infra dicendis patebit.

Q V A E S T I O III.

*Explicantur aliqua pulcherrima difficultates,
ad eandem Poenitentia virtutem
pertinentes.*

NE tedio lectorem afficiam quæstionum longitudine, quæ in vnica quæstione pertractari poterant

duabus committo: Quæro ergo primò quomodo poenitentia ad iustitiam pertineat; dictum nanque est iustitiam

non esse, & cum ad alterum sit, ad iustitiam debet pertinere; quomodo autem hoc sit, disquiritur. Pro quo nota, quod sicut in naturalibus sunt tria partiũ genera, nempe partes subiectiuæ, seu specificę, vt homo, & equus respectu animalis; integrales, vt manus, & pes, & potentiales, vt proprię passiones: ita in virtute iustitiæ, hæc tria partium genera reperiuntur, partes subiectiuę, seu specificę, iustitię, sunt iustitia distributiua, commutatiua, legalis, & Epichya. Partes integrantes sunt per D.^m Thomam 2.2. q.79.art.1. facere bonum, & declinare à malo. Partes potentiales sunt, quæ declinant à perfectione iustitię, licet veras constituent species, & nō sint proprię passiones iustitię (quantum nanque ad hoc similitudo non tenet cum partibus potentialibus naturalibus) & sunt Religio, Pœnitentia, Pietas &c. De quibus N. salm. 1.2. in arbore virtutum: est ergo pœnitentia pars potentialis iustitiæ, quia in primis non habet veræ iustitiæ conditiones omnes, nimi-

rum quod sit ad alterũ, quod debiti respiciat rationem, & quod reddat æquale simpliciter, & perfectè; licet enim sit perfectè ad alterum, non tamen respicit propriam debiti rationem, cum respiciat offensam, quę non est strictè iniuria, vt supra dicebamus, an autē deficiat etiam à propria iustitię ratione, ex eo quod Deo æquale non reddat, ex mox subiiciendis habebis.

Quęro secundo, an pœnitentia Deo satisfaciatur pro culpa mortali? Respondetur affirmatiuè, non quidem perfectè, & ad æqualitatem, sed imperfectè, ob idque communiter pœnitentia, vocatur iustitia hominis ad Deum, eo quod nulla alia sit virtus, quę aliquo modo ius Dei læsum per peccatum, vt est Dei offensa resarciat. Propter hoc dicit D. Thomas in hoc art. Pœnitentiam facere compensationem pro offensa Dei illata & quod in pœnitentia quoddam iustum secundum quid inueniatur. Et art.2. quęst.1. huius partis probat purum hominem posse satisfacere secundum

secundum quid, & imperfectè pro offensa contra Deum facta. Et ratio etiam id ipsum conuincit, quia ad huiusmodi satisfactionem non requiritur, quod reddatur æquale rei, sed proportionis; atqui creatura per penitentiam huiusmodi reddit æquale pro peccatis, cum reddat quantum potest; ergo &c. sed de hoc fusè disput. sequenti q. 4. Hinc sequitur peccatorum remissionem fieri gratis, quia cum talis satisfactio non sit æqualis, non tenetur illam Deus acceptare, sed posset illam respuere. Tum quia, cū hanc penitentiam non faciat homo de suo, sed per Dei gratiam, nullam inferre potest obligationem rigorosam acceptandi illam, sed congruentiæ, sed liberalitatis. Tum etiam quia, licet poenitentia, prout ad gratiam sequitur, seu prout gratia informatur ius iustitiæ, respectu gratiæ augmenti, & gloriæ inferat cum sit propriè meritoria, non tamen prout in genere causæ materialis gratiæ præcedit, seu prout est vltima dispositio ad gratiam, secun-

dum nanque hanc rationem licet possit dici aliquo modo satisfactoria, cum tunc pro illo etiam priori intelligatur peccati destructio, non tamen ius aliquod inducit in Deo cum adhuc intelligatur opus inimici, licet prout ad gratiā sequitur sit opus amici. Sed de hac re videantur omnino ea quæ diximus de iustificatione disput. 4. q. 2. ubi explicuimus quomodo vltima dispositio ad gratiam, sit ab eadem gratia efficienter.

Quæro tertio, quam nexū habeat poenitentia cum gratia, & charitate. Respondetur duplicem habere nexum cum gratia, vnum generalem, specialem alterum: generalem habet, qua virtus infusa est, omnes nanque virtutes morales infusæ cum gratia connectuntur, illi ancillantur, illi deseruiunt, ad illam veluti passionem consequuntur. Particularis est, qua tendit ad destruendam offensam, Deo illatam, media dicta satisfactione, quæ satisfactio suum non sortitur effectum, nisi Dei (vt mox dicebamus) accedat acceptatio, diuina
sup;

supplente misericordia, quod non valet hominis præstare iustitia, quod non fit, nisi per hoc, quod Deus homini placatus, & amicus reddatur, quod non nisi per gratiâ fieri potest. Habet etiam nexum cum charitate, quatenus dolor diuinæ destructius offensæ, non est quilibet dolor, sed super omnia, vt dictæ offensæ proportionetur; & quia omnis dolor ex amore alicuius procedit, sic dolor super omnia, procedere debet ex amore super omnia, non quidem elicitivè, vt supra dicebamus, sed imperativè.

Quæro quarto, an pœnitentia possit dolere de vno peccato, absque eo quod doleat de omnibus? Certum in primis est, posse pœnitentiam detestari vnum peccatum explicitè, quin alia explicitè detestentur; difficultas est, an possit pœnitentia detestari vnū peccatum explicitè, quia alia implicitè detestentur: & procedit difficultas de solis peccatis mortalibus; nam de venialibus nulli dubium est, id fieri posse. Et respondeo nullo modo posse pœnitentiam

explicitè vnum detestari peccatum, quin cætera detestentur saltem implicitè. & idem dicendum est de reliquis virtutibus, quæ peccatis aduersantur. Et ratio est, quia sicut charitas dum amat Deum, auersatur saltem implicitè, omne malum quod illi opponitur; cum absolutus amor cuiuscunque boni, sit virtualis fuga, & detestatio cuiuscunque mali: accessus namque ad terminum ad quam, est recessus à termino à quo; ergo cū detestatio explicita vnus peccati, qua offensa Dei est, sit accessus ad Deum, & sit detestatio super omnia, non poterit nō esse detestatio saltem virtualis omnium aliarū offensarum. Hoc intelligi debet quando detestatio est actus pœnitentiæ infusæ; nam si esset actus pœnitentiæ acquisitæ, quæ habet peccatum detestari quatenus est contra rectam rationem, vel quatenus naturam dedecet rationalem, posset vnum detestari absque eo, quod cætera etiā implicitè detestentur, vt cum quis detestatur ebrietatem, & diligit, & vult fornicationem.

Quæro

Quæro quinto, an penitentia sit ad salutem necessaria? Et respondeo affirmatiuè, in homine adulto, in peccatum mortale relapso, sine Sacramento, nam cum sacramento sufficit attritio, quæ sit dolor supernaturalis ex motiuo alterius etiam virtutis, vt religionis, obedientiæ, ex timore gehennæ, ex desiderio beatitudinis, qui à spe elicitur; ex turpitudine peccati &c vt ex infra dicēdis patebit. Vnde paret non rectè dicere Lugo hic disput. 2. nu. 65 quod melius sit ad salutem, dolere ex motiuo charitatis, quam ex motiuo pœnitentiæ, & subindè quod pœnitentia non sit

ad salutem necessaria. Nam licet hæ duæ virtutes simul cant, & simul maneant, tamen Charitas non ordinatur per se ad dolendum de peccatis, nec est hoc proprium ipsius munus, ed pœnitentiæ deinde charitas non detestetur peccata, qua offensa Dei sunt, & secundum rationem generalem, sed solum secundum rationem ipsius specialem; ob idq, dicunt communiter Theologi quod quando peccata per charitatis actus destruuntur, si ratio offensæ memoriæ postea occurrat debeât ex motiuo pœnitentiæ detestari; alioqui frustra specialis hæc virtus daretur.

QVÆSTIO IV.

An Pœnitentia medijs suis actibus effectiue peccata destruat.

Non procedit præsens difficultas de peccato originali respectu paruulorū, cum certum in omnium sententia sit, peccatum originale non expelli efficienter in paruulis, per pœnitentiam, cum

pro eo tempore non sint capaces eliciendi actum pœnitentiæ, sed destruitur formaliter per gratiam, & virtutes infusas, instrumentaliter per Baptismum, & principaliter à Deo gratiæ auctore. Neque
etiam

etiam procedit difficultas de habitu gratiæ; nam cum gratia non detur ad operari, sed adesse per se, non potest efficienter peccatum destruere, cum nō sit operatiua; destruit tamen formaliter, sicut & alię virtutes infusę; an autem virtutes infusę peccatum etiam efficienter habeant destruere, ex mox subiiciendis habebis: quod autem gratia habeat peccatū formaliter destruere patet, quia vnaquęq; forma habet suum expellere contrarium; atqui peccatum, & gratia contrariantur; ergo posita gratia in anima peccatum formaliter expelletur, & sic cum peccatū inficiat animam, & potentias eius, cum sit quædam illarum obliquitas, à gratia expellitur formaliter proximè, & immediatè ab anima: à potentijs mediatè, licet immediatè ab iisdem potentijs per virtutes infusas expellatur; vnde si Deus gratiam sine virtutibus infusis infunderet, adhuc peccatum, & ab anima, & à potentijs eius expelleretur, sed ab anima directè, & à potentijs indirectè; at modo a po-

tentijs etiam directè per habitus in illis existentes expellitur. De sola ergo pœnitentia respectu adoltorum præsens procedit difficultas, & sensus est, an quando homo per actum contritionis, qui est proprius pœnitentiæ actus iustificatur, peccata efficienter physicè destruantur. Suppono ex dictis in p. 2. peccatum non solum actuale, verum etiam habituale esse aliquid physicum, seu positium, & non puram vt volunt aliqui priuationē. Prima sententia est, contritionem expellere peccatum moraliter dumtaxat. Hanc sequuntur plures moderni, extra scholam Diui Thomæ.

Nostra sententia sequenti explicatur conclusione. *Pœnitentia per contritionem peccatū physicè efficienter destruit.* Hæc est manifesta D. Thomæ sententia in hoc art. in solutione 3. vbi habet: *qualibet virtus specialis expellit habitum vitij oppositū; sicut albedo expellit nigredinem ab eodem subiecto; sed Pœnitentia expellit omne peccatum effectiue, in quantum operatur ad destructionem*

tionem peccati prout est remissibile ex diuina gratia homine cooperante. Hæc D. Thomas, & cum eo eius discipuli. Videatur Nugnus hic dub. 2. vbi optimè notat omnes virtutes expellere peccatum, seu vitium sibi oppositum, non solum formaliter, verum etiâ efficienter, cum hoc sit proprium cuiuscunque habitus, & qualitatis operatiuæ, sic, sua contraria expellendi, sed hoc faciunt secundum proprias, & determinatas rationes: at vero, si loquamur de pœnitentia, habet expellere efficienter, & formaliter vitium, quod sibi determinatè opponitur, nempe impœnitentiam; cætera vero peccata efficienter tantum, cum non habeat cum illis propriam, & formalem oppositionem, sicut habet cum vitijs sibi oppositis; quia tamen est virtus quædam eminens, & superioris ordinis, habet vim agendi contra omnia vitia, & destruendi illa.

Probatur conclusio primò, quia peccatū est aliquid physicum, nempe vera, & realis conuersio ad bonum com-

mutabile; per peccatum namque auertitur creatura à Deo, & conuertitur ad creaturam, constituendo in ea suum vltimum finem; ergo debet habere aliquam causam efficiētem per quam destruaturs; hæc inter alias virtutes est pœnitentia; ergo &c. Antecedens supponitur ex prima secunde q. 71. vbi ostendimus peccatum esse veram, & realem conuersationem ad creaturam. Consequentia patet, nam ens reale non nisi per causam realem destrui potest. Minor subsumpta probatur, nam ut docet D. Thomas, & supra obseruauimus, nulla alia virtus, est ordinata ad destruendum peccatum, secundum quod omnibus opponitur virtutibus, nisi pœnitentia, vnaquæque namq; virtus ad peccatum tendit destruendum, secundum propriam, & determinatam rationem; at vero pœnitentia ad destructionem tendit peccati, secundū rationem offensæ, quæ ratio in vitijs omnibus reperitur; ob idq; aliæ virtutes ad vnū, vel alterum vitium destruendum tendunt; Pœnitentia ad

D omnia

omnia, aliæ virtutes in talem tendunt destructionem, secundum quod vitia opponuntur obiectis inspectis, & subinde veluti secundariò, & pœnitentia primariò, cum hoc sit proprium illius obiectum, propriumque munus illius.

Probatur secundo, vnum contrarium physicè destruit aliud, sed pœnitentia habet eminentiè cum omnibus peccatis contrarietatem; ergo physicè destruit illa. Maior patet ex Philosophia, & ex D. Thoma 1.2. q. 71. art. 3. & alibi Minor probatur ex Aristotele in Logica cap. de oppositis, vbi dicit bonum, & malum, iustitiam, & iniustitiam opponi contrariè. Atqui pœnitentia est quædam iustitia hominis ad Deum, cum tendat ad compensationem faciendam pro iniurijs Deo illatis, & peccata sint quædā iniustitia cōtra Deū; ergo &c.

Confirmatur, & explicetur præcedens ratio, nam pœnitentia est habitus operatiuus, vt omnes admittunt, subiectatur namque in potentia operatiua, & consequitur ad gratiam, quæ est ipsum esse in

linea supernaturali, ob idque in anima subiectatur, cæteri habitus in potentijs operatiuis, & ob id pro operatione dantur; ergo debet physicè operari ad sui oppositi destructionem, sicut & alij habitus; cum enim omnis virtus debeat esse potens ad resistendum contrarijs, & ad illa destruenda, non solum formaliter (hoc enim est proprium contrariorum nō actiuorum) verum etiam efficièter, quod est proprium actiuorum, vt sunt habitus virtutum operatiuarum; ergo. Soluuntur argumenta in contrarium.

Primum argumentum, alię virtutes effectiuè non destruūt nisi vitia sibi ex diametro opposita, vt temperantia intemperantiam, iustitia iniustitiam, &c. ergo etiam pœnitentia, solum vitium sibi ex diametro contrarium, destruere potest, nempe impœnitentiam; nihil enim destruitur nisi vel à contrario, & hoc per se, vel ex destructione subiecti, & hoc per accidens.

Respondetur concedendo antecedens, & negando consequentiam, licet enim pœnitentia,

niten;

nitentia nō habeat nisi vnum contrarium strictè, & immediatè, tamen eminenter omnia peccata sibi contrariantur; cum enim poenitentia sit perfectissima in Deum cōuersio, habebit physicè destruere omnes auersiones, vnde poenitentia maiorem habet vim, virtutem, & actiuitatem in peccata, quam habeant aliæ virtutes, nam aliæ virtutes opponuntur quidem peccatis secundum speciales eorum rationes, poenitentia vero secundum rationem generalem offensæ, quæ in auersione à Deo, & in conuersione ad creaturam consistit: ideoque dicebat Dominus per Prophetam: *me dereliquerunt fontem aquæ viuæ. & foderunt sibi cisternas dissipatas quæ continere non valent aquas* Vnde poenitentia secundum aliquam rationem superat fidem, & spem, quia iste virtutes talem non ponunt conuersionem, cum possint esse in peccatore; At poenitentia, non nisi cum charitate manet, & ex imperio illius, & directione operatur. Vnde dum poenitentia operatur, duplex inter-

uenit, motiuum, intrinsecum, & est proprium poenitentiae, & extrinsecum, & est proprium charitatis, ex cuius motione agit.

• Secundum argumentū, peccatū prius natura per charitatis actū expellitur, quā quod poenitentiae actus ponatur; ergo non expellitur per poenitentiam. Antecedens probatur, nam poenitentia non agit nisi per charitatis actum moueatur; ex imperio namque charitatis poenitentia operatur; ergo cum actus imperans sit prius actu imperato, actus charitatis prior erit actu poenitentiae: implicat autem, quod actus ponatur charitatis, & peccatum nō expellatur, cum charitas, cum omnibus peccatis oppositionem habeat, & omnia destruat.

Respondetur distinguendo antecedens, peccatum prius natura expellitur per charitatis actum secundum quod amicitiae Dei opponitur quā expellatur per actum contritionis secundum quod est offensæ Dei & conceditur; expellitur prius natura per actum charitatis, secundum

D 3 om-

omnem rationem & adequatè, & negatur. Itaque licet peccatum in eodem instanti adequate expellatur, tamen in eo instanti reali plura naturæ instantia assignantur, in quibus datur distributio expulsiōis peccati, nam prius intelligimus peccatū expelli per charitatem, secundum quod Dei amicitia opponitur, deinde secundum rationem offensæ, postea secundum alias particulares rationes, secundum quas alijs uirtutibus opponitur. Vnde ex illo argumento nil aliud probatur nisi quod per actum dilectionis quo pœnitentia imperatur, prius natura peccatum intelligatur expulsū, secundum quod bono opponitur diuino vel diuinæ amicitia, non adequatè.

Tertium argumentum: Si pœnitentia physice peccatū expelleret, etiā physice gratiā causaret; hoc dici nequit, ergo nec illud. Maior patet nam quod est causa causæ est etiā causa causati; sed homo causat officienter pœnitentiam, & hæc gratiam per quā peccatum expellitur; ergo.

Tum etiam quia peccatū non expellitur nisi per gratiam; ergo si pœnitentia physice expellit peccatum, physice gratiam producet per quam expellatur. Minor patet, nam in omnium sententia gratia physice non causatur, nisi à Deo principaliter & per sacramenta instrumentaliter, per actus autem nostros non nisi dispositiue, ut docet Tridentinum sess. 6. cap. 5. & can. 6.

Respondetur negando sequelam maioris; cum enim gratia sit altioris ordinis, & non possit attingi, nisi a Deo tanquam à causa principali, & à creatura tamquā à causa instrumentali, & deus nullum aliud instituerit gratiæ instrumentum præter sacramenta; sequitur quod nostri actus nō nisi dispositiones esse possint ad gratiam producendā qui alij nō sunt, extra Sacramentum, nisi pœnitentiæ, & charitatis actus, nec est nouū quod agens attingat vnū contrarium & non attingat aliud, quando hoc aliud extra suæ actiuitatis spheram reperitur. Vnde uidemus hominem efficien-

ficienter expellere à materia contrarias dispositiones, ad animæ rationalis introductionem, imò, & effectiue dispositiones ad eandem animam introducendam necessarias attingere non tamen animam ipsam: similiter sol effectiue ultimas producit dispositiones ad formam rationis introducendam, & tamè eandem rationis formam non attingit: cū hoc fiat in virtute intelligentiæ &c.

Quartum argumentū est, quia sequeretur peccatū mortale remitti sine gratiæ infusione, hoc esse nequit ut in tractatu de iustificatione fure docuimus; ergo &c. Maioris sequela probatur, nam in illo priori, in quo intelligimus hominem, perfectam habere contritionem, intelligimus illum esse perfectè in Deum conuersum, & subinde peccatum remissum & tamen adhuc gratia non intelligitur; ergo peccatū mortale remitti posset, sine gratiæ infusione.

Respondetur negando sequelam, cum enim iustificatio fiat in instanti, secundum

diuersos cōceptus inadequatos, potest gratia intelligi prior, & posterior; nam in genere causæ efficientis, & formalis gratia est prior contritione, in genere vero causæ materialis dispositiue contritio est ipsa gratia prior; vnde pro illo priori in genere causæ materialis dispositiue, homo dicitur conuersus in Deum non tamen intelligitur Deus conuersus ad hominem, quādiu autem vtrumque non intelligitur, nō intelligitur homo perfectè iustus, & in gratia constitutus.

Quintum argumentū, peccatum habituale quo homo transacto actu peccati, peccator denominatur, subiectatur in anima, poenitentia in voluntate, ut q. sequenti dicitur; ergo non potest peccatū effectiue à poenitentia destrui. Consequentia patet, nā nulla qualitas habet suum contrarium expellere ab alieno subiecto.

Respondetur, quod sicut gratia, ut supra dicebamus, est in anima, & tamen secundariò eius virtus ad purgandas potentias se extendit ratione

tiōne connexionis animæ cū proprijs potentijs . Ita e contra, pœnitentia, per prius pur-

gabit voluntatem , & inde descendet eius virtus ad animam ipsam purgandam.

Q V A E S T I O V.

In quo nam subiecto Pœnitentia subiectetur.

FVit aliquorum sententia, vt videre est apud Alensem 4.p.q. 12. memb. 2. art. 3. Bonau. 4. dist. 14. ar. 2. quæst. 1. quod pœnitentia esset in intellectu.

Nostra sententia, sequenti explicatur conclusione . *Pœnitentia est in voluntate, vt in subiecto*. Hæc est D. Thomæ hic art. 4. Caietani, & omniū sententia Theologorum .

Probatur primo ratione D. Thomæ . Pœnitentia est pars potentialis iustitiæ, vt supra probatum est; sed iustitia, & omnes partes eius potentiales sunt in voluntate; ergo & pœnitentia: maior patet ex dictis supra q. 2. cum enim sit ad alterum (amat enim bonum detestationis peccati, & intendit, ius Dei, per offensā læsum, in integrū restituere) non potest non esse pars iusti-

tiæ . Minor etiam nota est, definitur namq; iustitia, quod sit *constans, & perpetua voluntas ius suum cuique tribuendi*.

Probatur secundo, quia pœnitentia est dolor de peccatis, vt sunt offensa Dei, quod est eiusdem pœnitentiæ motium proximum, propter Deū summè dilectum, quod est motium remotum, virtutis imperantis; atqui hoc non potest esse nisi in rationali appetitu; ergo . Minor patet, nam licet in appetitu sensitivo possit esse aliquis dolor, non tamen ob illa motiua, quæ non nisi per fidem regulantur. Benè verum est quod propter connexionem appetitus rationalis, cum animali ex dolore, & tristitia illius, sequitur etiam similis affectio in isto, & e contra, & ex frequen-

quentia talium actuum in appetitu rationali, sequitur quædam facilitas ad illud ipsum in appetitu sensitivo, quæ facilitas appetitus sensitivi manere potest in peccatore, ob idque videmus istos faciliter de suis peccatis contristari, sine vlla tamen emendatione; bene verum est, quod talis facilitas multum deservire potest ad inclinandam voluntatem ad similes actus. Sicuti contingit ex frequenti apprehensione intellectus, qua apprehendimus peccatum, ut graue malum, producit facilitas quædam in phantasia, qua producta sollicitat aliquando intellectum ad renouandam antiquam illius mali apprehensionem.

Sed quæres primo, an pœnitentia fuerit in Christo Domino, & respondeo quod nec fuit, nec esse potuit: est communis sententia Theologorum cum D. Thom. 4. dist. 14. q. 1. art. 3. question. 3. ad 2. Et ratio communis est, quia ubi est impossibilis actus, ibi est impossibilis habitus; sed in Christo Domino fuit impos-

sibilis actus pœnitentiæ, cum hic, peccatum quod destruat, quod detestetur, supponat, quod in Christo non contingit; ergo &c.

Sed dices primo. Christus Dominus potuit elicere istum actum, si possem peccare, & peccassem, vellē de tali peccato pœnitere; sed hoc est actus pœnitentiæ; ergo. Respondetur quod ob actus conditionatos, habitus non dantur, sed ob actus absolutos; cum enim in actibus conditionatis, vel parua, vel nulla reperiatur difficultas, nec obiectiua, nec subiectiua, sicut in actibus absolutis, ideo non ob illos, sed ob istos, virtutum habitus dantur; ob hanc rationem admittuntur plures in Angelis actus conditionatos circa obiecta materialia, ut circa temperantiam, & tamē huiusmodi habitus in illis nō admittuntur: dato ergo quod in Christo Domino talis actus dari posset, non ob id dari deberet pœnitentia; sed ille actus elici posset etiam sine virtute infusa, ut tradunt communiter Thomistæ 1. p.

q. 12. de isto actu conditionato, si possem videre Deum; vellem, &c.

Dices secundo. Verbum diuinum potuisset assumere humanitatem, quæ prius in peccato mortali fuisset; sed tunc potuisset illa natura de peccato ante assumptionem perpetrato dolere; ergo &c. Respondetur quod si Verbum diuinum naturam assumeret humanam, in qua iam esset pœnitentiæ habitus infusus, vel si assumeret naturam mortali peccato foedam, ipsa assumptione mundaretur, nec infunderetur pœnitentiæ habitus, & si prius fuisset infusus, per talem assumptionem deleteretur, & ratio est, quia nihil debet in tali natura assumpta infundi, vel si erat infusum manere, quod dignitati talis naturæ non valet cōuenire; ob id videmus, quod si Verbū diuinum assumpsisset naturam, in qua habitus fidei fuisset, per ipsam assumptionem destructus fuisset; sicut etiam destruitur per assumptionem animæ ad cœlū.

Quæres secūdo, an in An-

gelis possit esse pœnitentia? Respondetur negatiuè: ita D. Thomas 4. dist. 14. quæst. 1. art. 3. quæstiunc. 3. ad 4. ubi habet: *non est eadem ratio de Angelis sanctis, & animabus sanctis: quia in animabus sanctis præcessit, vel precedere potuit peccatum remissibile, non autem in Angelis: & ita quāuis sint similes quantum ad statum præsentem, non tamen quantum ad statum præteritū, quā pœnitentia respicit directè.* Cum enim Angeli adhærēat immobiliter eo, quod semel apprehenderunt, nō sunt mobiles ab statu peccati, ad statum gratiæ; ideoque in illis non supponitur peccatum remissibile, & subinde in illis pœnitentia dari nequit.

Quæres tertio, an pœnitentia fuerit in Beatissima Virgine? Et respondetur affirmatiuè, quia licet B. V. fuerit ex speciali priuilegio impeccabilis, absolute tamen, & ab intrinseco, & secundum statum viatoris erat peccabilis, quod est sufficiens ad hoc, vt in ea pœnitentia daretur.

Quæres quarto, an pœnitentia

tentia, omnibus virtutibus infundatur, etiam paruulis, quantumvis ad usum rationis non sint peruenturi. Respondetur affirmatiuè: Ita D. Thomas loco citato quaestiuinc. 2. Penitentia nanque cum gratiæ huius status ancilletur, cum eadem gratia infunditur &c.

Quæres quinto, an poenitentia maneat in animabus beatis? Respondeo affirmatiuè, unde manet tum ratione ornatus, tum etiam ratione actus, quatenus gaudent de poenitentia habita, & satisfactione Deo exhibita, vel quatenus displicent illis peccata commissa, displicentia simplici sine ullo dolore, & tristitia, cum hæc ratione status, illis repugnent. Vnde est diuersa ratio de habitu fidei, & de habitu poenitentie; nam poenitentia, cum statu

beatifico, non habet repugnantiam, nisi ratione detestationis, peccati, ex dolore, & tristitia conceptæ; at vero fides ratione nõ solum actus primarij illius, verum etiam ratione sui, quatenus habet oppositionem cum habitu luminis gloriæ.

Quæres sexto, an Adam in statu innocentie habitum poenitentie infusum habuerit? Respondetur affirmatiuè cum D. Thoma 1 p. quest. 95. art. 3. vbi probat quod licet poenitentia non potuerit esse in Adamo quoad actum, bene tamen quoad habitum; cum enim potuerit Adā peccare, & de facto peccauerit, erat pro illo statu in sensu diuiso possibile peccatum, licet non potuerit esse in sensu composito, ac proinde in co poenitentia esse debebat.



Q V A E S T I O VI.

Quod nam sit obiectum materiale destruendum Pœnitentiæ.

O Biectum formale pœnitentiæ iam constat ex dictis, esse peccati destructionem, sub ratione offensæ, ideoque de obiecto materiali, quod per illam destruitur, inquirimus.

De qua re in primis certum est, peccatum mortale esse obiectum materiale destruendum per pœnitentiam, hoc enim est in quo maximè ratio offensæ Dei reperitur. Sed dices, potest quis ex ignorantia inuincibili putare, mortale peccatum, non esse Dei offensam, ergo tunc non erit obiectum materiale destruendum per pœnitentiam. Respondetur implicare contradictionem aliquem peccare mortaliter, & non cognoscere sufficienter tale peccatum esse Dei offensam, eo nanque ipso quod scit tale peccatum, esse contra Deum, & vult illud committere, vult Deum offendere. Hoc posito, ut cer-

to, aliquas proponamus difficultates.

Prima difficultas est, an peccatum originale sit obiectum materiale pœnitentiæ destruendum? Respondetur negatiuè, contra multos modernos, qui volunt hominem posse propriè de peccato originali conteri: nostra tamen responsio est D. Thomæ q. 84. art. 2. ad 3. vbi dicit: *De peccato vero originali pœnitentia, nec principaliter est, nec etiam propriè, quia peccatum originale non est nostra voluntate peractum, nisi fortè in quantum voluntas Adæ reputatur nostra.* idem habet in 4. dist. 17. q. 2. art. 2. quæstiunc. 2. Et ratio clara est ex dictis, quia formalissima pœnitentiæ ratio, est detestari peccatum, secundum quod offensæ Dei est; Atqui peccatum originale in nobis non habet rationem offensæ; ergo non potest à nobis per pœnitentiam detestari.

stari; Minor patet; nam offensa non est naturæ, sed personæ; est quidē homo per peccatum originale Dei inimicus, sed non per offensam à se factam, sed per illam, quam illi fecit Adam. Vnde peccatum originale, vt erat peccatum personæ, Dei fuit offensa, vt fuit peccatum (vt ira dicam naturæ) non fuit offensa, sed macula constituēs nos Dei inimicos. Ad eum modum, quo quis est inimicus alterius, per proprii patris delictum, vel offensam.

Sed dices, si homo ad vsū perueniens rationis, actum eliciat pœnitentiæ, verè iustificabitur, & ab originali mūdabitur; ergo peccatum originale, pœnitentiæ materia esse potest. Consequentia tenet, si enim semel materia pœnitentiæ non esset, per illā deleri nō posset. Antecedens probatur, nam implicat ponere pœnitentiam & non ponere cuiuscunq; peccati deletionem. Cum enim pœnitentia sit perfectissima in Deū conuersio, destruere debet, quamcunque à Deo auersionem.

Respondetur concedendo antecedens, & negando consequentiam: nam eo casu iustificabitur quidam ille homo, sed non ex vi actus pœnitentiæ formaliter, sed ex vi actus charitatis à quo talis pœnitentiæ actus imperatur, cū enim vt supra docuimus, pœnitentia ex charitatis motione se habeat, & simul eat, & simul maneat, sequitur, quod dum peccatum remittitur in virtute pœnitentiæ, remittatur etiam in virtute charitatis, eo autem casu cum pœnitentia nō currat ob D. Thomæ rationem, curret charitas.

Secūda difficultas, an peccata venialia sint materia destruenda pœnitentiæ? Respōdetur affirmatiuè cū D. Thoma infra q. 2. supplem. art. 2. Et ratio est, quia venialia peccata licet diuinā nō destruant amicitiam, nec sint offensa grauis, sunt tamen offensa leuis, ac subinde sufficiens erunt materia per pœnitentiam destruenda.

Maior difficultas est de imperfectionibus, cum enim imperfectio nullam inuoluat culpam, cum sit carētia actus

perfectiōnis indebitæ, quæ carentia nulla culpa est, nullaque ei pœna debeatur, sequitur, quod in illa nulla ratio offensæ queat reperiri, & subinde pœnitentiæ materia destrueda non sit; quia tamen fidelium usus est, dolere etiam de istis imperfectiōnibus, ideoque explicandum est quomodo pœnitentiæ materia esse possint. Suppono ex infra dicendis solas imperfectiōnes non debere confiteri, cum hæ non sint Sacramenti pœnitentiæ materia, sola namque peccata id habent; licet ergo imperfectiōnes materia Sacramenti Pœnitentiæ esse non possint, possunt tamen esse materia pœnitentiæ virtutis, cum enim hæc offensam Dei destruendam respiciat, & hæc aliquo modo reperiat in imperfectiōnibus, sequitur quod pœnitentiæ materia esse possint; quod autem in imperfectiōnibus aliqua offensæ ratio, queat esse, patet; nam offensa alia est positiua, & hæc in peccatis reperitur, alia negatiua, & hæc in imperfectiōnibus inuenitur; eo nanque ipso quod homo possit actum

elicere perfectiōnem, & non faciat, etiamsi non teneatur, etiamsi Deum positiuè nō offendant, & auersum nō habeat, nō tamen magis conuersum, & subinde se priuauit maiori Dei erga se conuersiōe, per auxilia vberiora, &c. & Deum priuauit maiore illo bono externo, maiori cultu, honore maiori; in quo non potest nō esse aliqua offensæ (sed negatiuæ) ratio.

Hinc aliud dubium resolues, an nimirum actus materialiter malus possit esse materia pœnitentiæ; nam etiāsi in actu materialiter malo, ratio offensæ formalis, & positiuæ non reperiat, cū à peccato excusetur, tamen negari non potest quin aliqua ratio offensæ, saltem negatiuæ non reperiat: vnde miror certè quomodo Lugo hic disputatione 3. nu. 10. admittat, imperfectiōnes esse materiam pœnitentiæ: & nu. 17. id neget de actu materialiter malo, cū maior sit ratio de hoc, quam de illis: Si enim vt optimè dicit ille, omnis virtus habet detestari vitium sibi oppositum, etiam solum materia-

terialiter tale, vt temperatiâ ebrietatem etiam inculpabilem, quare etiam pœnitentia non poterit detestari actum materialiter malum? cum nō minus in hoc ratio offensæ, saltem negatiuè reperiatur, quam in ebrietate, ratio intemperatiæ, saltem negatiuè?

Tertia difficultas, an peccata futura possint esse pœnitentiæ materia, non quidem destruenda cum nondū sint, sed detestanda. Respondetur cum D. Thoma art. 4. quæst. 2. supplem. Pœnitentiam non posse esse de peccatis futuris, nisi ex consequenti, quatenus scilicet detestâdo præterita, habet animum euitandi futura: & sic vult Angelicus Magister, quod propositū non amplius de cætero peccandi, sit actus ex consequenti, seu secundarius pœnitentiæ. Pro quo nota, propositum nō peccâdi in futurum, seu quod in idem reddit propositum seruandi præcepta, posse elici à pluribus virtutibus, nimirum ab obedientia, quatenus hæc habet detestari præteritas transgressiones, & firmat animum, ne in futurū amplius

committantur. A charitate, quatenus hæc habet detestari peccata præterita, prout diuinam destruunt amicitiam, & inclinât animum ad firmiter proponendum, ne amplius committatur, ne diuina amicitia amplius lædatur; & sic vniuersaliter omnis virtus dū vitium sibi detestatur oppositum, animum firmat, & inclinât, ad non amplius illud committendum: sic pœnitentia, dum peccata detestatur præterita, inclinât animum ad futura vitanda. Potest etiâ dici, & valde probabiliter, quod dum D. Thomas vult pœnitentiam, ex consequenti se habere ad peccata futura, velit etiam pœnitentiâ animum inclinare, & sollicitare, ad præcauenda peccata futura, etiam antecederet ad quancunque præteritorū detestationem, mihi nanque valde verisimile videtur, quod pœnitentia ad hanc sollicitudinem, eos inclinet, qui nunquam peccauerunt; & illos, qui iam à peccatis commissis, sunt per eandem pœnitentiam iustificati, etiâ sollicitet, vt caueant à futuris; & media

media ad hoc ipsum apponant, ex proprio semper motiuo; quod pot est contingere etiam in alijs virtutibus proportionabiliter.

Quarta difficultas, an pœnitentia ha beat etiam pro sui materia malum pœnæ. Pœna alia est ipsi contritioni intrinseca, & de hoc præsens non currit difficultas, cum implicet hanc pœnam, quam pœnitens sponte assumit, per pœnitentiam detestari. Alia est pœna inferni, carentia diuinæ visionis, priuatio virtutum, & donorū: & de istis dico, quod ex consequenti per pœnitentiam detestantur; qui enim habet detestari causam, etiā effectus, qui à tali causa procedunt detestatur; idem dicendum est de pœnis temporalibus, quatenus ex ipso peccato consequuntur. Aliæ demum sunt pœnæ, quæ ab ipso assumuntur peccatore, vt media satisfactoria, pro offensa Deo, per peccatum illata, & de istis dico, quod secundum hanc rationem ex consequenti pertinent ad pœnitentiam. non per se primo, vt rectè probat D. Thom. q. 2.

supplem. art. 1. Nam pœnitentia per se primo tēdit in peccati destructionem, sed secundario: tendere nanque potest in omnia illa media, quæ apta sunt, ad hoc vt Deus offensam dimittat, vt sunt omnes pœnæ, imò, & pœnalitates, ex motiuo satisfaciendi iniuriæ Deo illatæ, patienter passæ.

Quinta difficultas, an peccata aliena possint esse materia pœnitentiæ, non quidem destruenda, sed detestanda. Est in omnium sententia certum, post D. Thomam q. 2. supplem. art. 5. quod aliena peccata non possunt ad pœnitentiam pertinere, vt destruenda; cum enim peccata à pœnitentia non destruatur, nisi media retractatione, seu nisi medio motu eiusdem pœnitentiæ, quo peccata vult nō esse, per propriam eorundem retractationem; & aliena peccata sub mea non cadant retractatione, sequitur peccata aliena non posse esse quoad hoc pœnitentiæ materia. Difficultas solum est, an possim ego ex motiuo pœnitentiæ, velle non esse aliorum peccata, imò dolere, & displicere
quod

quod deus offendatur. Dependet huius resolutio difficultatis ex illa, an vnaquæq; virtus possit ex proprio motivo habere actum quo non solum amet proprium obiectum, vt exercendum, vt ita dicam, à proprio subiecto, verum etiam ab alijs in quibus non reperitur. Et e contra, an possit virtus habere actum, quo detestetur contrarium sui obiecti, non solum in suo subiecto; verum etiã in alijs. v.g. charitas mea, an non solum inclinet me ad Deum diligendum, verum etiam inclinet ad desiderandum, quod Deus ab omnibus diligatur, non solum inclinet me ad detestandum, & fugiendum in me odium Dei, & quodcumque peccatum, vt diuinam destruit amicitiam; verum me inclinet ad detestationem, vel ad displicentiã odij, vel cuiuscumque peccati etiam in alijs, ob idem motivum. Idem dicendum de castitate, an inclinet solum me ad volendam castitatẽ in me, & oppositum illius destruendum; verum ad volendam, & desiderandam castitatem in

alijs. Idem dicendum de temperantia, & de virtutibus reliquis, &c.

Et mihi videtur affirmatiuè respondendum, taliter tamen, quod hæc secunda inclinatio, solum ex consequenti se habeat, quod apertè colligitur ex charitate, quæ primario inclinat me ad diligendum Deum, & ad desiderandum, quod ab alijs omnibus diligatur, alioqui ostendatur cuius virtutis sit hic actus, licet enim non sit tâta difficultas in hoc, quod ego velim alios diligere Deum, alios esse castos, temperatos, pœnitentes, &c. ac quod ego velim me esse talem, tamen ex suppositione taliam virtutum possum illos actus secundarios habere.

Sed dices primo, potest aliquis in mortale existens desiderare alios diligere Deum; imò & id ipsum procurare, vt nota docet experientia; potest nō castus alios velle esse castos; potest non temperatus alios velle temperatos; potest non pœnitens velle omnes pœnitentes, ergo hi actus ab illis virtutibus non eliciuntur.

Tum

Tum etiam, quia virtus, suos non extendit actus, ad illam materiam, in cuius exercitio, nulla saltem obiectiua, reperitur difficultas, sed potest naturæ viribus faciliter attingi; Atqui sic se habet illa materia; ergo &c.

Respondetur, nos non dicere illos actus, etiam à non habentibus tales virtutes, nō posse attingi; sed dicimus, quod suppositis illis virtutibus, eas posse inclinare ad tales actus habendos: Igitur licet tales actus possint aliunde haberi, nō tamen ex proprio illarum virtutum motivo, sed ex inclinatione naturæ, vel synderetis, quæ ad bonum volendum, tum in nobis, tum in alijs habet inclinare; licet in nobis difficilius, propter mediorum executionem in nobis; facilius in alijs, quia media ab illis sunt exequenda, quod nobis non ingerit difficultatem.

Dices secundo ex hac doctrina sequeretur, pœnitentiā

fuisse in Christo, imò esse in Deo, cum velit nos esse pœnitentes. seu illi nostra displiceant peccata; similiter temperatā esset in Angelis, cum velint nos esse temperatos. Item fidem esse in Deo, & beatis, cum velint nos habere fidem & oppositam detestentur infidelitatem, & summo opere illis displiceat, &c. Respondetur negādo sequelam, licet quidam modernus ob hoc argumentum pœnitentiā in Christo admittat; sed non benè, nam virtus præsertim infusa, non datur vbi eius actus primarius repugnat, ut est omnibus notum; & sic cū actus primarius Pœnitentiæ in Christo repugnet, etiam secundarius repugnabit, & subinde illa nostrorum peccatorum displicentia in Christo, à charitate, vel etiam ab alia virtute puta obedientia, religione, &c. regulari poterit. Per quæ patet à d alia, quæ in argumento subduntur.

DISPUTATIO

SECUNDA

De actibus virtutis Pœnitentiæ.

LICET aliquæ virtutes plures inspiciât actus primarios, pluresque secundarios; Pœnitentia tamen vnum dumtaxat actum primum, pluresque secundarios, vt ex dictis disputatio præcedenti colligere licet. Actus primarius pœnitentiæ infusæ (de hoc enim sermo procedit) est sola contritio perfecta, quæ est vltima ad gratiam dispositio; cum enim pœnitentia cum gratia infundatur, & ad gratiam habendam detur, ille solus erit actus proprius pœnitentiæ, qui gratiam habebit inferre, quique sit perfecta in Deum conuersio, quippe cum sit perfecta peccati destructio; patet autem, pœnitentiam, nullum alium habere actum, qui hæc præster, nisi perfecta contritio, quæ vt patet ex dictis disput. præcedenti, licet quantum est

ex parte peccati præteriti sit motus inefficax, quantum tamen est ex parte voluntatis, est motus efficacissimus: est inefficax ex parte peccati, quia veller peccatum nõ fuisse, quod efficaciter volitum esse nequit; est efficax ex parte voluntatis affectus, quia motu abominatiuo, ita tendit in peccatum destruendum, vt verè, & physicè efficaciter destruat, vt disput. præcedenti q. 4. ostendimus. Alij autem actus huius excellentissimæ virtutis, vt simplex peccatorum aliorum displicentia, assumptio pœnæ, & alij de quibus quæstione præcedenti disputauimus, non nisi secundarij esse possunt. Aliqui dubitant de attritione, an sit actus pœnitentiæ. Certum est illam attritionem, quæ simul cum sacramento iustificat nõ posse esse actum virtutis pœnitentiæ,

tentiæ, hæc enim nō nisi cum gratia esse potest, & sic illa attritio, quæ cum sacramento iustificat, est actus, modo spei, modo obedientiæ, modo religionis, modo timoris &c. de quibus infra. An autem pœnitentia postquam infusa est, possit habere aliquem actum, qui attritioni comparatur (dico comparatur, quia non potest elicere pœnitentiæ actum spei, actum obedi-

tiæ, licet possit illos imperare:) affirmatiue respondeo, ut cum dolet de peccatis ex motuiuo quidem offensæ, sed talis dolor non est motus efficax abominationis, sed cuiusdam simplicis displicentiæ. Sed quia alij actus pœnitentiæ, excepta contritione, parum ad præsens deseruiunt, ideo de hac in præsenti disputatione disputabimus; sit ergo.

QVÆSTIO I.

In quo contritionis essentia consistat. Vbi pulchra difficultates enodantur.

Præsens resolutio quæstionis ferè habetur ex dictis disput. præcedenti q. 2. §. quæres primò, ubi ostendimus pœnitentiam, & satisfactionem asserre, per peccati detestationem, & dolorem eiusdem peccati; ita tamen, quod hoc secundum sit veluti medium ad primum, claritatis tamen gratia hanc difficultatem in particulari excitamus.

Conueniunt communiter contritionem consistere esse-

tialiter in eo actu, qui sit formalissima peccati destructio, ut docet D. Thomas q. 85. ar. 2. in corpore, dum dicit proprium pœnitentiæ actum esse *operari ad destructionem peccati*. Variant tamen in assignando hoc actu, nam Caietanus tom. 1. opus. trac. 4. q. 1. vult illum actum esse peccati odium, ex quo tanquam passio sequatur dolor de eodem peccato. Durandus & alij 4. dist. 17. volunt talem actum, esse formaliter dolorem peccati

cati vero odium, solum præsupponi tanquam connotatū; alij volunt & odium, & dolorem in recto importari à contritione. Suárez hic vult contritionem, nec odium, nec dolorem essentialiter afferre, sed esse detestationem, quæ detestatio sit actus ab odio, & dolore realiter, & essentialiter distinctus.

Nostra sententia sequenti explicatur conditione. *Contritio essentialiter est peccati abominatio, ut est offensa Dei, ex qua velut passio, sequitur eiusdem peccati dolor.* Hæc nostra sententia coincidit prorsus cum sententia Caietani & est communis Thomistarum, nam idem est dicere contritionem esse peccati abominationem, ex qua dolor sequatur, & detestatio, ac dicere, quod sit odium peccati; cū enim hoc peccati odium, non possit esse simplex odium, sed debeat esse odiū peccati destructivum efficienter, sequitur quod debeat esse odium abominationis. Est etiam ipsissima D. Thomæ sententia, cū enim velit Angelicus contritionem debere in eo actu

consistere, qui operetur ad peccati destructionem, & hoc reperiatur in odio isto abominationis, sequitur in hoc debere consistere contritionem. Vnde contritio licet essentialiter, & in recto odiū afferat dictum, non dolorem; debet tamē dolorem afferre.

Probatur primo, quia contritio debet essentialiter in eo actu consistere, per quem peccatum positivè destrui intelligatur; sed iste non est dolor; ergo peccati abominatio erit, seu tendentia abominatiua in peccatū sub ratione offensæ destruéndū, quod est dictum abominationis odium Minor probatur; nam dolor causatur ex odio, prius nanque est quod quis odio habeat peccatum, quam quod de illo doleat, atqui in illo priori in quo intelligimus dictum abominationis odium, & non intelligimus dolorem iam intelligimus voluntatem esse à peccato averfam; ergo odiū dictum peccati sub ratione offensæ erit id in quo essentialiter contritio consistit.

Probatur secundo destruédo sententias oppositas, nam

non potest consistere contritio essentialiter in dolore tantum, vt modo ostendimus, neque in vtroque actu simul, nepe in odio abominationis, & dolore, quia in omnium sententia contritio est vnus, & simplex pœnitentiæ actus; neque in illa detestatione quæ sit actus distinctus, ab odio, & dolore, quia non potest assignari qualis sit iste actus; tñ quia scholastici, & Theologi nunquam posuerunt hunc actum distinctum, sed vt videre est apud illos, peccati detestationem volunt esse vel dolorem, vel odium, actus nanque voluntatis ijsdem solent appellari nominibus, quibus appellantur actus appetitus inferioris, nepe amor, odium, dolor, tristitia, &c. Et quia nullum est argumentum in contrarium, quod aliquam habeat difficultatem ideo sisto, & aliquas difficultates ad eandem materiam spectantes propono.

Prima difficultas est. an contritio possit peccata delere sistendo in proprio offensæ diuinæ motiuo, vt si quis hoc modo de suis doleret pecca-

tis: *doleo de meis peccatis, quia sunt offensa Dei*. Est prima aliquorum sententia quos suppresso nemine refert Suarez hic, & Lugo hic disp. 5. nu. 3. quod non solum sufficiat motiuum pœnitentiæ, sed etiam sufficiat motiuum obedienciæ, religionis, spei, &c. & non requiratur motiuum charitatis.

Sed oppositum omnino tenendum est, & sic dico, contritionem non posse esse sine motiuo charitatis, & implicere dari actum pœnitentiæ, sicut, & cuiuslibet alterius virtutis moralis infusæ, & non esse ex motiuo charitatis. Vnde implicat in adiecto dicere esse actum virtutis moralis infusæ, & non esse ex motiuo charitatis, cum virtutes istæ nõ nisi ex imperio agant charitatis. Quod probò primò eleganti D. Thomæ testimonio q. 4. de virtutibus art. 2. vbi habet: *inclinat autē charitas ad omnes actus virtutū, quia cum sit circa vltimum finem, imperat omnes actus virtutum: qualibet enim ars, vel virtus ad quam pertinet finis, imperat his, quæ sunt ad finem: sicut, militaris equestri, & equo.*

equestris frenorum satrii, ut dicitur in 1. Ethic. unde secundum decentiam diuina sapientiae, & bonitatis, ad infusionem charitatis simul habitus omnium virtutum infunduntur, & ideo dicitur 1. Cor. 13. Charitas pasciendi est, benigna est &c. Hæc Angelicus, angelicè.

Probo secundo ratione ex eodem D. Thomæ testimonio desumpta; nam in hoc distinguuntur virtutes morales infusæ ab acquisitis sibi correspondentibus, quod licet omnes eandem respiciant materiam: temperantia nanque infusa, & acquisita eandem materiã respiciunt, v.g. temperatè viuere, sed cum differētia, quod temperantia acquisita respicit temperate viuere, sed ex motiuo naturali, prout nimirum est consonum rationi; at temperantia infusa ex motiuo charitatis, & per consequens debet charitatis actum supponere, à quo in vltimum finem moueatur; quod enim rectificat circa ea, quæ sūt ad finem supponere debet rectificationem ad eundem finem; & sic, cum virtutes infusæ rectificent circa ea quæ sunt ad

finem vltimum, debent supponere rectificationem ad eundem finem; quæ per charitatem habetur. Tum quia videtur in intelligibile quod poenitentia perfectè hominẽ in Deum conuertat, abique illius virtutis imperio, cuius est proprium Deum vltimum finem intendere; cum ergo charitatis sit Deum, vt vltimũ finem espicere, ab huius motione poenitentia habebit ad Deum vltimum finem conuertere. Vnde ob id merito Concilium! Tridentinum sessione 14. cap. 4. definit contritionem perfectam, quæ habet extra sacramentum iustificare, debere esse *Charitate perfectam*. Ex quibus inferri potest contritionis perfectæ definitio: *contritio est peccati abominatio dolorosa, quæ est offensa Dei summa dilecti*; & actus contritionis hoc modo fieri potest, *abominor peccata, quia sunt offensa Dei, quæ diligo super omnia; vel odio habeo peccata, vel etiam doleo de peccatis, quia sunt offensa Dei, quæ diligo super omnia*, licet enim in dolore essentialiter contritio nõ consistat, sed illatiuè, cotamen

men

men ipso, quo doleo censeor detestationem habere præsuppositam. Et quia virtus per proprium, & principalem actum definitur, potest pœnitentia hoc modo definiri.

Pœnitentia est virtus abominatiua peccati, ut est offensa Dei summè dilecti.

Secunda difficultas, quomodo contritio sit abominatio, seu odium, seu detestatio peccati super omnia? Respondetur contritionem debere esse abominationem, &c. super omnia appetitiuè, non intensiuè; stare nanque potest, quod quis intensiuè magis doleat de morte matris, vel filij, &c. quam de peccatis patris, non tamen appetitiuè, cum debeat semper peccati abominationem, vel detestationem præferre omnibus alijs: sicut dicitur de dilectione Dei, quæ debet esse super omnia appetitiuè, non intensiuè. Aduerte tamen non esse necesse, quod fiat talis comparatio prælationis expresse, ut doleo magis de peccatis, quàm de morte Patris, quam de amissione temporalium &c. esse. **N**im hoc,

ponere in virtute debiles, in periculo non faciendi actum contritionis, cum non habeant animum ponendi talem prælationem, sed potius excludendi illam: Sufficit ergo virtualis prælatio, quæ in ipso cōtritionis actu reperitur; quæ virtualis prælatio consistit in firma quadam voluntatis adhesionem ad peccati abominationem, seu odium, seu detestationem, seu dolorem, ad eum modum quo in tract. de Confirmatione disput. 2. q. 3. in principio, diximus gratiam confirmationis addere super gratiâ communiter dictam, quædam modum firmitatis, qui habet firmare, & stabilire voluntatē in ordine ad fidem profitendam. Ita pariformiter, actus contritionis producit in voluntate quemdam modum firmitatis, qui facit voluntatē magis adherere abominationi peccati, quam cuicunque alteri rei malæ; licet postea pro sua recedat libertate.

Hinc deduci potest alterius difficultatis resolutio, quā hic proponunt aliqui; an nimirum hæc contritionis prælatio, qua detestatur peccatū super

super omnia detestabilia, procedat etiam in casu impossibili: si proponeretur v.g. aut peccandum mihi est, aut debeo permittere Deum pati malum intrinsecum, vt si deberet non amplius esse omnipotens, sapiens, &c. Communiter respondent, quod eo casu deberet preferre malum intrinsecum Dei; nam cum peccatum sit solum malum extrinsecum, & illud aliud malum intrinsecum, deberet hoc impediri permittendo, vel committendo aliud; quia tunc temporis illud peccatū non esset amplius tale, in concurrentia mali intrinseci Dei impediendi. Sed quid dicendum in hypotesi, quod peccatū maneret formaliter peccatum: vt v. g. si Petro proponeretur: aut debes fornicari, aut debes Deū sua priuare omnipotētia, in quo nullum esset peccatum. Et dico quod eo casu potius secundū eligi deberet, quam primum; cum in secundo, vt suppono, nullum sit peccatum, benè in primo.

Hinc etiam deducitur alterius difficultatis resolutio,

an nimirum peccatum sit detestabile supra omne malum pœnæ: v.g. supra pœnas inferni: ita quod debeat homo magis abominari peccatum, quam omnes pœnas; taliter quod si Deus poneret ex vna parte pœnas inferni creatas, & creabiles, prout etiam includunt carentiam diu nē visionis; quæ est pœna damni; & ex altera parte poneretur vnum peccatum mortale, deberet potius homo eligere omnes illas pœnas, quam vnū mortale committere. Ponamus casum in quodam loco occursum: Petrus inuenit suū inimicum: induxit vt fidem abnegaret, sub promissione concedendi illi vitam; abnegauit ille, & statim Petrus illum occidit, vt sic (prout Petrus dixit) amitteret inimicus, & animā, & corpus. Modo supponamus quod Paulus, Petri inimicus, fuisset in peccato mortali, & desperaret elicere actum contritionis, in talibus angustiis; & sic videret, quod vel debet mori in peccato mortali, & perpetuo damnari, vel debet eligere nouum mortale ad vitam impetran-

petrandam, & ad tempus obtinendum, pro peccatorum remissione, quid tunc fieri posset? Et dico, quod tunc deberet infernum, & perpetuam damnationem potius eligere quam peccare, non solum mortaliter, sed laudabile esset id ipsum facere, ne veniale committeretur; nam eo casu ille non eligit perseuerantiam in mortali, imò potius nollet illam, sed eligit malum poenæ, quod est longe inferius omni malo culpæ. Ob id viri sancti desiderant redire ad statum vitæ præteritæ, ut possent eligere potius mortem, potius mille infernos, si ita licet loqui, quam Deum offendere, vel leuiter. Ob idque istum actum facere solent viri sancti, *si ego possem uno verbo otioso saluare totum mundum, destruere infernum, sanctificare omnes damnatos, non dicerem illud; similiter: si Deus vellet destruere Paradisum, dimittere Christi humanitatem; annihilare omnes beatos, & ego per unum veniale possem hoc impedire, non facerem, sed dicerem: pereat potius Paradisus, &c. quam quod Deus leuiter offen-*

dasur. Ob idque etiam dicunt communiter Theologi, non posse me committere vnum veniale pro impediendo alterius mortali, imò pro impediendis peccatis hominum omnium. Similiter, si quis esset in statu peccati mortalis, & ignorantiam haberet inuincibilem se non posse ab illo mortali liberari, nisi per pœnitentiæ Sacramentum, ad quod obtinendum deberet vnum veniale committere, v.g. mendacium, deberet potius eligere in statu mortalis manere, quam mendacium dicere. Et ratio omnium est, quia nunquam licitum est committere peccatum, quantumvis leue, manens peccatum. Sed de hoc alibi sermo redibit.

Tertia difficultas, an contritio magis abominetur peccatum veniale, quam originale. Certum est contritionem magis abominari mortale actuale, quam originale; cum hoc sit personale, illud naturæ. Certum etiam est secundum D. Thomæ sententiam q. 84. art. 2. ad 3. contritionem, qua talis est, non pos-

ic

se esse detestationem peccati originalis; prout detestatio dicit quandam retractationem; cum non habeat rationem offensæ, sed puræ maculæ, vt disput. præcedenti q. 6. difficultate 1. ostendimus. Difficultas ergo præsens procedit de cōtritione improprie, prout habet dicere detestationem peccati, ex quocunque motivo talis procedat detestatio. Et dico debere magis detestari originale, quam veniale; originale nanque peccatum mortale est, cum veram animæ mortem afferat, diuinæq; carentiam visionis, reatumq; poenæ damni, veramque, & propriam cum Deo inimicitiam; non sic veniale, ob eius leuitatem. Vnde nullo modo placet, quod docet Lugo hic disput. 2. nu. 66. quod homo magis debeat per contritionem practicam detestari peccatum veniale, quam originale, ita quod possit elicere hunc actum, si mihi peccandum esset venialiter, vel grauius in voluntate aliena, potius impedirem peccatum veniale, quam mortale. Hoc inquam nullo modo placet; nā

charitas erga Deum, nec erga se ipsum talem admittit electionem, & subinde nulla alia virtus potest illam admittere; non charitas erga Deum, quia eo casu eligeret sui destructionem; cum ex tali suppositione, & admissione peccati originalis, gratia, & charitas destrueretur. Tum quia charitas inclinatur practice ad diuinam conseruandam amicitiam, quæ tunc temporis destrueretur per electionem originalis, non venialis. Neque etiam charitas erga se ipsum talem admitteret electionem; certè non esset illa charitas ordinata, qua quis eligeret diuinam carere visione; priuari supernaturalibus habitibus; poenæ æternæ reatum contrahere, quæ in oppositi electione non contingunt, &c. Nec ratio illius auctoris aliquid probat: nimirum quod affectus dilectionis magis inclinatur ad coniungendum Deo meam voluntatem, quam ad non recedendum à Deo per voluntatem alienam; & quod vnioni affectiuæ magis opponatur peccatum leue proprium, quam mortale per alterius,

voluntatem commissum, licet mortaliter imputetur. Non inquam hæc probant, quia ut liquet ex dictis, affectus dilectionis non potest tendere in sui destructionem. Tum quia charitatis affectus tendit in conseruationem sui; nō autem tenderet in sui conseruationem, si eligeret separari à Deo per voluntatem alienam; nec verū est, quod vniōni affectiuæ magis opponatur peccatum leuæ proprium, quam mortale per alienam commissum voluntatem, cum hoc destruat talem affectiuā vniōnem; non illud leuæ. Imò videtur verius, quod mea charitas magis aboreat peccatum graue alterius, quam leue proprium: quis enim diceret quod magis displiceat amico, quod ipse leuiter suum offenderit amicum, quā quod grauissimè in vita, in fama &c. fuerit ab alio offensus? cum enim amicitia, amicorum cōiungat affectus, id magis debet vni amicorum magis displicere, quod videt alteri magis displicere: ita certè affectus quem debemus habere erga Deum, inclinatur nos, ut id

nobis magis displiceat, quod scimus magis Deo displicere; & id magis diligamus, quod Deus magis diligit; cum ergo Deo magis displiceat peccatum mortale alienum, quam proprium leuæ, id ipsum debet nobis magis displicere.

Hinc patet non rectè illum auctorem dicere nu. 70. quod loquendo de voluntate inefficaci, & permissiua deberet homo potius velle, quod permitteretur labi in Adamo, quam in aliquod veniale. Nō inquam hoc rectè dicitur, nā peccatum mortale cum verā, & realem à Deo ponat separationem per ipsius gratiæ, & charitatis destructionem, non videtur quo modo charitatis affectus possit inclinare nobis in id per quod eius sequetur destructio, quam in id per quod potest simul conseruari; nec videtur quomodo vera amici dilectio conseruetur, cum hoc, quod grauissimum velit quis amici malum, quod potest impedire, ne minus inferatur.

Quarta difficultas, an contritio ad omnia peccata se debeat extendere? Respondetur

detur extēſionem formalem, per explicitam, & distinctam peccatorum apprehēſionem, ſolum requirit per ordinem ad confeſſionem, ſeu vt peccata confeſcantur non per ordinem ad contritionem: vnde ſufficit contritionem virtualiter, & confuſe ad omnia peccata extendi; quod tunc fit, quando eſt vera contritio, vt quādo quis dolet de vno peccato mortali, quod menti occurrit, quia eſt offeſſa Dei: cū enim hæc ratio offeſſæ ſit ad omnia peccata communis, dū dolet quis de iſto numero peccato, virtualiter de omnibus dolet. Aduerte tamen quod licet contritio extendatur ad omnia mortalia, non tamen eſt neceſſe, quod ad venialia extēdatur, cum poſſit quis de mortalibus dolere, conſeruando affectum ad venialia: vt ergo contritio ſit etiam ad venialia communis debet eſſe peccatorum deteſtatio, non ſolum qua ponunt per offeſſam, auerſionem à Deo, ſeu qua ſūt offeſſa grauis, ſed etiam prout ſunt of-

ſenſa leuis. Si autem quis deteſtaretur aliquod peccatum, qua talem habet grauitatem, qua talem ponit auerſionem, qua talem ponit offeſſam dererminatam, ſi alia adēſſent peccata, nec eſſet contritio, nec illud, nec vllum peccatū remitteretur. Nō eſſet contritio, quia penitentiæ, & ipſius contritionis obiectū, non ſaluaretur; cum hoc ſit ratio offeſſæ, vt ſic, non talis offeſſa, qua talis, tantæque grauitatis. Non remitteretur peccatum, quia non niſi per veram cōtritionem extra ſacramentum dimitti potēſt. An vero talis deteſtatio poſſit eſſe ſufficiens cum ſacramento; puto quod ſic, ſi alia peccata à memoria exciderint, & non niſi huius deteſtetur, cum hoc vnū ſolum memoriæ occurrat: remanebit tamen obligatio, & alia deteſtandi, quando memoriæ occurrent, & illa conſitendi. Sed de hoc infra diſput. 6. q. 1. vbi oſtendemus tunc fieri confeſſionem informem.

Q V A E S T I O II.

Aliquæ difficultates examinantur de quantitate, duratione, & proposito contritionis.

Circam primam difficultatem: fuit Adriani sententia in 4. sent. de Pœnit. q. 2. Petri Soto lect. 15. de pœnit. quod contritio debeat esse summè intensa. Communis tamen, & vera Theologorum sententia est, contritionē nullum postulare certum intensiōis gradum, infra quem non sit sufficiens, nec determinatum aliquem voluntatis conatum, in detestando, abominando peccato, & dolendo de illo. Et probatur, in tantum vltima dispositio ad aliquam formam certos, & determinatos requirit intensiōis gradus, in quantum illos requirit forma ad quam disponit, vt sic, sit proportio, inter dispositionem, & formam; sed gratia, ad quam contritio disponit, nullum requirit intensiōis gradum, sed potest infundi in minori, & minori, sicut, & in maiori, & maiori;

ergo id ipsum dici debet de contritione. Si ergo gratia infundi potest in minima, & minima intensiōe, & virtutes, quæ illam sequuntur in eadē infundentur intensiōe, & subinde pœnitentia eodem modo infundetur, & per consequens, nullam, eius actus, sibi determinabit intensiōē. Vnde quando in scriptura dicitur debere peccatorem dolore ex toto corde, id intelligi debet appretiativè, non intensivè, vt supra explicuimus.

Circa secundam difficultatem de contritionis duratione. Est communis Theologorum sententia, contritionem nullam sibi determinare suæ durationis quantitatem, licet secundum animæ affectum debeat esse perpetua. Probat, quia non debet Deus esse minus ad miserendum, quam sit ad puniendum propensus; sed Deus potest vno momēto
plura

plura peccata punire ; ergo etiam potest vno momento plura peccata delere . Tum quia , cum contritio sit actus voluntatis, media virtute penitentiae elicitus, & voluntatis actus in momento fieri possint ; etiam contritio fieri eodem momento poterit .

Circa tertiam difficultatem nota, contritionem modo, duplicem habere propositum , vnum non peccandi de cætero ; aliud confitendi eadem peccata sacramentaliter . Primum semper habuit : secundum solum habuit facta per Christum dicti Sacramenti poenitentiae institutione , & habet solum respectu baptizatorum , nam respectu non baptizatorum, nec modo, nec vnuquam confitendi propositum habuit cum hæc, Baptismi supponat Sacramentum : ita colligitur Tridentino sess. 14. c. ap. 4. vbi dicitur: *Fuit autem quouis tempore ad impetrandam veniam peccatorum, hic contritionis motus necessarius; & in barmine post Baptismum lapso, ita demum praparat ad remissionem peccatorum, si cum fiducia diuina mi-*

sericordia, & voto præstandi reliqua, coniunctus sit, quæ a ritè suscipiendum hoc sacramentum requiruntur. Vbi ut vides docet Concilium Baptizatorum contritionem, debere continere votum præstandi omnia, quæ ad ritè poenitentiae Sacramentum suscipiendum, requiruntur; inter quæ, est ipsa sacramentalis confessio, vt idem docet Concilium, eadem sess. c. 3 & 5. & can. 4. & 7. Vnde rectè Sixtus IV. damnauit Petrum Oxouieuensem dicentem, peccata mortalia deleri per solam contritionem, sine ordine ad elatus Ecclesiæ; sed vt hæc difficultas magis soluta maneat.

Quæres primò, an contritio primario detestetur peccatum, deinde doleat, an vero, prius intelligatur dolere; deinde detestari, vel vtrumq; simul respiciat. Respondetur eodem modo de contritione, ac respondimus de poenitentia supra disput. 1. q. 2. §. quæres 1. Nimirum contritionem primario respicere peccati detestationem. Ita docere videtur Tridentinum sess. 14. vbi dicit: *dolores, & clamore;*

San-

Sanctorum de peccatis, manasse x *vehementi quodam antea* *vita odio, & ingenti detestatione*. Tum quia detestatio, & odiû peccati sunt causa doloris, non e contra. Tum etiam quia contritionis essentia in eo formaliter cōsistere debet, quod formalius peccato opponitur; Atqui hoc est odium, & detestatio peccati, non dolor ut patet; ergo. Vnde nō solum in beatis hominibus manebit pœnitentiæ habitus, verum etiā actus eius primarius, qui est peccati infecutio, & detestatio, à qua tamen per se aptus natus est sequi dolor, nisi ratione status impediatur, ob idque diximus pœnitentiam in Christo Domino non esse, nec etiā in Angelis &c. Concipitur autem dolor ex eo quod intellectus considerat peccatum iam esse factum, & ob id vitari non posse: ex apprehensione enim mali quod vitari nō potest, sequitur dolor, & tristitia.

Quæres secundo, an propositum non peccadi de cætero, & sacramentaliter peccata confitendi in contritio-

ne requisitum, debeat esse formale, & explicitum, an vero sufficiat virtuale, & implicitum? Propositum expressum tunc est, quando pœnitens dicit expressè, *propono fugere omnia illa peccata, & illa sacramentaliter, confiteri*. Propositum vero implicitum, & virtuale tunc est, quando pœnitens est ita affectus erga peccata, ut si rogaretur, an velit illa vitare, & Ecclesiæ clauibus subijcere affirmatiuè responderet. Hoc posito. Respondetur sufficere propositum virtuale, imò consultū esse Confessarium hoc cōtētari, ne dum à pœnitente expressum requirit, præbeat infirmis occasionem recedendi. Et ratio est, quia illud propositū est sufficiens, per quod solvatur vera à peccatis auersio, & vera in Deum conuersio; Atqui hæc solvatur in proposito implicito, quod cōtinetur in ipsa peccati detestatione super omnia, & dolore, &c. ergo. Tum quia formale propositum, est actus secundarius pœnitentiæ, quo Pœnitens ex eiusdem pœnitentiæ motiuo, vult Deum

com-

compensare per emendationis propositum : actus autem secundarius in primario virtualiter continetur, & ibi præstet, quod formaliter præstaret. Aduerte quod id quod dictum est de proposito non peccandi de cætero, & sua peccata confitendi, intelligi

debet de alio proposito in illis contento, quod est satisfaciendi per pœnas, vel pœnalitates temporales, quando, vbi, & eo modo quo per Sacerdotem, rationabiliter imponuntur, sed de hoc infra de satisfactione.

Q V A E S T I O I I I .

An contritio sit vltima ad gratiam dispositio ex natura rei, an ex diuina institutione.

EST prima aliquorū sententia post M. Cano in relectione de Pœnitentia p. 1. qui dicunt contritionem non esse ad gratiam dispositionem ex natura rei, sed ex sola diuina institutione, quorū fundamenta postea referemus, & soluemus.

Nostra sententia sequenti explicetur conclusione. *Contritio ex natura rei est vltima ad gratiam dispositio, ita quod illa posita non potest non poni gratia, & cætera dona. que ipsam consequuntur.* Hæc est D. Thomæ, & Thomistarum sententia.

Probatur primo eleganti Doctoris sãcti testimonio hic q. 85. art. 2. tum in corpore, tũ ad 3. vbi habet. *Pœnitentia expellit omne peccatum effectiue, in quantum operatur ad destructionem peccati, prout est remissibile ex diuina gratia.* Pater autem quod peccatum non est remissibile, nisi per gratiæ infusionem, vnde id quod effectiue peccatum tollit disponit subiectum ad gratiæ introductionem, est enim regula generalis, id esse vltimam ad formam dispositionem ex natura rei, quod effi-

Sanctorum de peccatis, manasse & vehementi quodam affectu vita odio, & ingenti detestatione. Tum quia detestatio, & odiû peccati sunt causa doloris, non e contra. Tum etiam quia contritionis essentia in eo formaliter consistere debet, quod formaliter peccato opponitur; Atqui hoc est odium, & detestatio peccati, non dolor ut patet, ergo. Vnde nō solum in beatis hominibus manebit pœnitentiæ habitus, verum etiā actus eius primarius, qui est peccati insecutio, & detestatio, à qua tamen per se aptus natus est sequi dolor, nisi ratione status impediatur, ob idque diximus pœnitentiam in Christo Domino non esse, nec etiā in Angelis &c. Concipitur autem dolor ex eo quod intellectus considerat peccatum iam esse factum, & ob id vitari non posse: ex apprehensione enim mali quod vitari nō potest, sequitur dolor, & tristitia.

Quæres secundo, an propositum non peccandi de cætero, & sacramentaliter peccata confitendi in contritio-

ne requisitum, debeat esse formale, & explicitum, an vero sufficiat virtuale, & implicitum? Propositum expressum tunc est, quando pœnitens dicit expressè, *propono fugere omnia illa peccata, & illa sacramentaliter, confiteri.* Propositum vero implicitum, & virtuale tunc est, quando pœnitens est ita affectus erga peccata, ut si rogaretur, an velit illa vitare, & Ecclesiæ clauibus subijcere affirmatiuè responderet. Hoc posito. Respondetur sufficere propositum virtuale, imò consultū esse Confessarium hoc cōtētari, ne dum à pœnitente expressum requirit, præbeat infirmis occasionem recedendi. Et ratio est, quia illud propositū est sufficiens, per quod solvatur vera à peccatis auersio, & vera in Deum conuersio; Atqui hæc solvatur in proposito implicito, quod cōtineretur in ipsa peccati detestatione super omnia, & dolore, &c. ergo. Tum quia formale propositum, est actus secundarius pœnitentiæ, quo Pœnitens ex eiusdem pœnitentiæ motiuo, vult Deum

com-

compensare per emendationis propositum: actus autem secundarius in primario virtualiter continetur, & ibi præstet, quod formaliter præstaret. Aduerte quod id quod dictum est de proposito non peccandi de cætero, & sua peccata confitendi, intelligi

debet de alio proposito in illis contento, quod est satisfaciendi per pœnas, vel pœnalitates temporales, quando, vbi, & eo modo quo per Sacerdotem, rationabiliter imponuntur, sed de hoc infra de satisfactione.

Q V A E S T I O III.

An contritio sit vltima ad gratiam dispositio ex natura rei, an ex diuina institutione.

EST prima aliquorū sententia post M. Cano in relectione de Pœnitentia p. 1. qui dicunt contritionem non esse ad gratiam dispositionem ex natura rei, sed ex sola diuina institutione, quorū fundamenta postea referemus, & soluemus.

Nostra sententia sequenti explicetur conclusione. *Contritio ex natura rei est vltima ad gratiam dispositio, ita quod illa possit non potest non poni gratia, & cetera dona, quæ ipsam consequuntur.* Hæc est D. Thomæ, & Thomistarum sententia.

Probaturs primo eleganti Doctoris sãcti testimonio hic q. 85. art. 2. tum in corpore, tũ ad 3. vbi habet. *Pœnitentia expellit omne peccatum effectiuè, in quantum operatur ad destructionem peccati, prout est remissibile ex diuina gratia.*

Pater autem quod peccatum non est remissibile, nisi per gratiæ infusionem, vnde id quod effectiuè peccatum tollit disponit subiectum ad gratiæ introductionem, est enim regula generalis, id esse vltimam ad formam dispositionem ex natura rei, quod efficienter expellit formam con-

contrariam, & cōtrarias corrupit dispositiones.

Probatnr secundo ratione, quia ideo calor v. g. vt octo est vltima ad formam ignis dispositio, quia procedit ab eodem igne in genere causæ formalis, & efficientis; atqui contritio procedit à gratia, in genere causæ formalis, & efficientis; ergo erit vltima dispositio ad eandem gratiam. Minor clara est ex Philosophia; vltima nanque dispositio ad formam ignis, non potest esse ille calor, qui tempore præcedenti fuit receptus in composito corrumpendo, v. g. in ligno; cum enim in generatione substantiali fiat resolutio vsque ad materiam primam, simul cum forma veteri talis desinet dispositio, & per consequens non potest esse formæ introductæ vltima dispositio, cum hæc formam nouā debeat comitari. Tum quia illa esse debet vltima ad aliquam formam dispositio, à qua forma ipsa in suo dependet introduci, atqui hæc nequit esse illa, quæ fuit in subiecto corrupto producta, sed illa quæ ab eadem

forma efficienter dependet, & ipsam comitatur; ergo ista & non illa, debet esse vltima ad formam productam dispositio. Minor & consequentia, est perpetua D. Thomæ doctrina, vt videre est 1. 2. q. 113. art. 8. in 4. dist. 17. q. 1. art. 4. quæstiunc. 1. & 2. vbi eleganter mutuam inter contritionem, & gratiam, prioritatem in diuerso causarum genere explicat; & 3. p. q. 7. art. 13. ad 2. & q. 9. art. 3. ad 2. & q. 28. de veritate art. 8. vbi postquàm eorum refutauit opinionem, qui dicunt quod motus liberi arbitrij, qui sunt vltima ad gratiam dispositio, absolute procedunt ipsam gratiam, & ab ipsa in genere causæ efficientis non procedunt, subdit, suam sententiam his verbis: *Oportet igitur dicere secundum aliam opinionem quod prædicti motus eodem ordine se habeant ad utrumque, vt quodammodo præcedant, quodammodo sequantur ordine naturæ; nam si ordo naturæ attendatur, secundum rationem causæ materialis, sic motus liberi arbitrij præcedit naturaliter gratia infusionem, sicut dispositio naturalis*

lis formam; si attendatur secundum rationem causæ formalis est è conuerso, & est simile in naturalibus de dispositione, quæ est necessitas ad formam, quæ quodammodo præcedit formam substantialem scilicet secundum rationem causæ materialis: dispositio enim naturalis ex parte materia se tenet; sed alio modo scilicet ex parte causæ formalis, forma substantialis est prior, in quantum perficit, & materiam, & accidentia. Hæc D. Thomas.

Probatur tertio ratione generali de omni vltima dispositione. Omnis forma dependet in suo introduci ab accidentibus ab illa profluentibus, ergo etiam gratia dependere debet à contritione, quæ ab ipsa efficienter profluit; Atqui hæc dependentia non potest non esse in genere causæ materialis dispositiue; ergo &c. Hæc minor subsumpta probatione non eget, nullum nanque aliud genus causæ est assignabile in quo forma dependeat ab accidentibus à se profluentibus, nisi genus causæ materialis dispositiue. Prima etiam consequen-

tia liquet ex antecedenti, si enim semel omnis forma dependet ab accidentibus à se profluentibus, etiam gratia id ipsum concedi debet. Antecedens ergo in quo est difficultas probatur, quia illa forma dependet ab eo in suo introduci, & causari, sine quo nec naturaliter causatur, nec naturaliter introducitur, sed vel miraculosè, vel saltem supernaturaliter; Atqui si forma sine accidentibus à se procedentibus introduceretur, non naturaliter introduceretur; ergo. Vnde licet per diuinam potentiam possit aditus sine proprio liberi arbitrij motu per diuinam potentiam iustificari, non tamen secundum potentiam ordinariam.

Probatur quarto, quia in iustificationis negotio, in genere causæ efficientis primò est actio Dei gratiam infundentis, Secundo est actus charitatis erga Deum. Tertiò est actus poenitentiae, nempe contritio; Quartò intelligitur peccati destructio. At verò in genere causæ materialis, res contrario modo se habet: prius intelligimus peccati expul-

H sionem,

tionem, quam contritionis receptionem, & huius receptionem prius intelligimus, quam receptionem dilectionis, & huius receptionem prius intelligimus, quam receptionem gratiæ, & donorû; ergo licet gratia in genere causæ efficientis sit prior contritione, hæc tamen in genere causæ materialis dispositivæ, est gratia prior; totus discursus est D. Thomæ 1. 2. q. 113. art. 8. Sed videantur omnino ea, quæ adduximus in tract. de iustificat. disput. 4. q. 2. ubi hanc quæstionem fuisse pertractavimus, & plures alias rationes adduximus, & obiectis satisfacimus. Solvuntur argumenta in contrarium.

Primum argumentum est: id quod in fieri à solo Deo dependet, nulla naturalis agentis eget dispositione; sed gratia in suo fieri à solo Deo dependet; ergo nulla agentis creati indiget dispositione. Maior patet discurrendo per omnes effectus, qui à solo Deo dependent: Nam Deus nullam supponit dispositionem ad Angeli creationem; similiter ad creationem animæ

rationalis; licet enim dispositio requiratur ad animæ rationalis introductionem, quia hæc sit agentis naturalis virtute, non tamen ad eius creationem, quia hæc à solo Deo fit. Item Deus nullam supponit dispositionem ad Eucharisticam faciendam transubstantiationem, licet hæc fiat per instrumenti elevationem; ergo &c.

Respondetur negando maiorem absolute, cum possint plura à solo Deo fieri, etiam sine vlla præsupposita dispositione, cum tamen illam per se exposcant: certe potest Deus quæcunque formam materialem de potentia materiæ aducere, nulla agentis naturalis dispositione supposita, hoc tamen præter naturæ ordinem erit; ita licet Deus se solo posset gratiam de animæ potentia educere sine vlla dispositione supposita: hoc tamen præter naturæ ordinem esset, cum status, & natura gratiæ exposcat in subiecto poni disposito: valde nanque conueniens est, quod homo humano modo gratiam recipiat, per actionem vitalem, &

libe-

liberam. Nec illa exempla aliquid euincunt, non quidē primum, & secundum, quia ibi intercedit creatio, ad quā nulla supponi potest dispositio, cum nullum subiectum supponatur in quo recipiatur. Neque etiam tertium, quia in transubstantiatione, non est formæ productio, sed substantiæ in substantiā transmutatio.

Secundum argumentum. Gratia respectu paruulorum nullam requirit dispositionē; ergo neque respectu adultorum. Antecedens est notum. Consequentia benè inferitur, cum gratia paruulis, adultisq; concessa eiusdem sit rationis.

Respondetur concedendo antecedens, & negando consequentiam, ratio discriminis multiplex. Prima quia adulti proprio à Deo recesserunt actu, ideoque & proprio accedere debent: non sic paruuli, cum nati sint filij iræ, filij gehennæ. Secundo quia cum paruuli non sint dispositionis capaces supplet Christus medio Sacramento; at vero adulti cum illius sint capaces, merito illa exigitur. Tercio & melius, quia in omnibus per se dispositio ad gratiam requiritur; licet per accidens ex subiecti incapacitate non habeatur.

Q V A E S T I O IV.

An contritio sit vera, & propria pro peccatis satisfactio.

SVpra disput. I. q. 2. notauimus aliqua peccata nō solum afferre Dei offensam, quæ omnibus peccatis communis est, verum etiam iniuriā, quæ suo modo iustitiæ opponitur commutatiuæ, & secundum hanc rationem,

talia peccata per iustitiam quandam commutatiuam infusam, deleri debent; licet enim inter Deum, & hominē, propria dari non possit iustitia, sicut nec inter dominum, & seruum; Patrem, & filium; eo quod æqualitas propria

H 2 esse

esse non possit; & subinde nec propria, & rigorosa iniuria, prout rigorosæ, & propriæ opponitur iustitiæ; negari tamen non potest, quin vera iniuria erga Deum dari queat. Pro quo nota, quod eodem modo discurrere proportionaliter debemus de peccatis, quæ committuntur in Deum, ac de illis quæ committuntur in homines: vnus autem homo, quantum ad præsens iustitiæ pertinet, potest alium offendere, vel in rebus exterioribus, vt cum rem illius furatur, vsurpat, detinet &c. Et hæc est vera & propriè iniuria, commutatiuæ iustitiæ opposita, quæ iniuria per iustitiæ commutatiuæ actum tollitur, qui restitutio vocatur; vnde tantum reddit, quantum abstulit, vel quantum læsit; potest etiam vnus homo aliū offendere in actionibus, & passionibus, vt cum quis aliū verberat, vel contumelijs afficit, & in alijs, quæ ad materiam honoris pertinent offendit, & hæc reparatio satisfactio dicitur. Est autem discrimen inter satisfactionem, & restitutionem, quod in re-

stitutione solum res ablata attenditur, & si tantundem restituatur, quantum ablatum fuit, plena, & perfecta ponitur æqualitas, cum enim hæc læsio non fuerit in persona, sed in bonis externis illius, semper ponetur æqualitas, si tantum detur, quantum ablatum fuit; vnde qui furatus est 100. suæ satisfacit obligationi, si 100. restituat, si læsit in fama, suæ satisfacit obligationi si tantundem famæ restituat, quantum abstulit, nec læsus potest aliud exigere. At vero in satisfactione respectus personæ offensæ attenditur, cum enim hæc offensa non res externas attendat, sed personā ipsam, sequitur quod in satisfactione, persona ipsa attendi debeat; & per consequens cū per talem offensam personæ honor fuerit læsus, & hic restituatur per obsequium, per honorationem, per submissionem personæ offendētis, personæ offensæ; æqualitas poni non poterit, quando talis honoris læsio, a persona valde minori, & inferiori posita fuit. Vnde optimè notat Angelicus §. Ethic. lect. 8. quod quādo

do nocumentum attenditur circa rei exterioris subtractionem, competit iustitiæ contrapassum; secus quando nocumentum attenditur secundum rationem, seu conditionem personæ; Et hæc etiam satisfactio ad iustitiam pertinet commutationem, cum enim fuerit ius personæ particularis læsum, & hoc non ad iustitiam pertineat legalem, nec distributivam, sequitur quod ad commutativam debeat pertinere, & sic iustitiæ commutativæ erit compensare ad æqualitatem vel absolutam, vel proportionis, secundum quod rei natura requirit.

Sic proportionali modo de peccatis in Deum commissis discurrere possumus, nā potest Deus offendi in bonis externalis, v.g. in fama, vt si quis murmuret, vel detrectet de Deo, illius famam apud alios auferendo, vt cum dicit illum esse invidum, maleuolū, &c. & formalissimè hoc peccatū per restitutionem compensatur, & sufficit quātum ad hoc præcisè, quod tantum restituatur, quātum fuit ablatum, quæ restitutio eodem modo

fieri debet, quo fit inter homines eiusdem famæ restitutio. Potest etiam Deus offendi in actionibus, & passionibus, vt cum quis eius conculcat imaginem, cum quis contumelias, & conuitia in eum iactat, &c. Et hæc peccata nō per restitutionem, sed per satisfactionem, seu per obsequium, & honorationem, & per submissionem tolluntur, in qua non attenditur nocumentum in se, sed personæ conditio, quæ cum infinita sit, infinitā refundit malitiæ gravitatem in offensam, ac subinde satisfactionis inæqualitatem, & ob hoc dicitur purū hominem non posse satisfacere ad æqualitatem pro offensis Deo illatis. Cum ergo & restitutio, & satisfactio ad iustitiam pertineant, à iustitia poni habebunt, cum peccata quæ per restitutionem, & satisfactionem tolluntur, iniustitia quædam sint; hæc autem iustitia, non alia esse potest, quam iustitia commutativa infusa, quæ prædictas tollere habet inæqualitates; Vnde quando dicitur quod inter hominem, & Deum, dominū, & ser-

& seruum, Patrem, & filium iustitia dari non queat, intelligi debet secundum illas rationes formales hominis, & Dei, creatoris, & creaturæ, Domini, & serui, Patris, & filij, secus quoad alias rationes, ut ex se liquet, quis enim dicet quod non possit seruus Dominum infamare, & Dominus seruum, & Pater filium, & filius patrem? & quod ad famæ restitutionem, non teneantur? & per consequens quod per talem infamiâ non fiat veræ iustitiæ læsio &c.

Nôta deinde quod sicut apud homines ultra iniuriam in bonis externis, quæ restitutione compensatur; ultra iniuriam consistentem in actionibus, & passionibus ad honorem pertinentibus, quæ uti diximus satisfactione auferuntur, datur etiam ratio quædam offensæ, quæ iniuria propriè dicta non est, nec iniustitia, ut cum quis sciëte Principe eius mandata non custodit, tunc Princeps offenditur, & nulla in eum iniuria, vel iniustitia committitur; quod offendatur liquet, quod iniustitia in eum non committatur patet;

non enim læditur Princeps in bonis externis, ut in rebus, in fama; neque in persona, cum eius honor non lædatur, nec verbis contumeliosis, nec gestis irreuerentibus; imò nec animo ipso, cum subditus superioris mādatur, tunc temporis transgrediens, animum nō habeat in honorandi Principem, sed propriæ satisfaciendi inclinationi &c.

Sed dices primò; quod quando subditus, Prælati transgreditur mandatum, tunc contra obedientiam delinquit, & sic illa offensæ ratio, obedientiæ opponetur. Nam contra est, quia obedientia virtus quædam generalis est, quæ per simplicem præcepti violationem non transgreditur, sed solum quando quis parere non vult, quia præcipitur;

Dices secundo talem transgressionem esse contra iustitiam, cum contemptum contineat, qui iustitiæ aduersatur, cum contra honorem, & reuerentiam superiori debitam existat. Nam contra est, quia in primis suppono, contemptum non intercedere, nisi ad summum virtualem, qui iustitiæ

tiæ non aduersatur, secundo quia dato, contemptum adesse formalem, hic non iustitiæ, sed alteri speciali virtuti aduersatur, quæ obseruantia vocitatur.

Ita pariformiter apud Deū ultra iniuriam explicatam, etiam offensa datur, quæ per omnia peccata diuagatur; cū enim omnia peccata à Deo prohibeantur, & omnia sibi displiceant, maxime certè offenditur, cum in facie ipsius committuntur; non solū quia per illa contemnitur, sed & maxime, quia per illa (quantum est ex affectu peccantis) destruitur, dum enim peccator per quodlibet peccatum, Deum vltimum finem relinquat & alium, nempe creaturam, sibi constituat, quantum est ex parte ipsius, Deum in ratione vltimi finis destruit, & alium sibi præstituit. Hæc ergo ratio offensæ, quæ per omnia peccata diuagatur, & iniustitia, vti patet, non est; & per cōtritionis actum destruitur est illa, de qua inquirimus, an per eundem contritionis actum verè, & propriè satisfaciamus, quod est idem

acquerere, an contritio sit vera, & propria pro peccatis satisfactio; ad quod duplici conclusione satisfacio.

Prima conclusio. *Contritio non est perfecta pro peccatis satisfactio.* Hæc conclusio est expressa D. Thomæ sententiā hac quæst. 85. art. 3. vbi dicit, quod *Pœnitentia facit iustum secundum quid.* Et patet ex dictis, cum enim pœnitentia non sit propria iustitia, nec offensa propria iniuria, sequitur quod ipsa offensæ destructio, per pœnitentiam, propria non sit satisfactio.

Secunda conclusio. *Contritio est aliqua pro peccatis satisfactio.* Hæc etiam conclusio est expressa sancti Præceptoris sententiā, loco citato, cuius in corpore fatur. *Pœnitentia non habet, quod sit virtus specialis ex hoc solo, quod dolet de malo perpetrato, ad hoc enim sufficeret Charitas, sed ex eo, quod Pœnitens dolet de peccato commisso, in quantum est offensa Dei cum emendationis proposito. Emendatio autem offensa contra aliquam commissā, non fit per solam cessationem offensa, sed exigitur vltius*

serius quadam compensatio, quæ habet locum in offensis in alterum commissis. Vbi ut videtur licet velit Angelicus pœnitentiam non esse rigorosâ pro offensa compensationem, seu quod idem est, satisfactionem; vult tamen, esse aliqualem, seu secundum quid, seu ut ipse loquitur, quandâ compensationem. Idem docet quæst. 1. huius partis ar. 2. dū dicit, quod purus homo potest satisfacere imperfectè pro offensis contra Deum commissis.

Probatur primo, quia illa satisfactio est imperfecta, quæ est sufficiens ad delendum debitum, accedente alterius partis acceptatione, & illa est perfecta, quæ est sufficiens sine partis acceptatione; sed contritio non est sufficiens ad delendum, ut ita dicam, debitum, quod peccator per peccatum cum Deo contraxit, sine Dei acceptatione; ergo contritio est solum satisfactio imperfecta, & secundum quid.

Probatur secundo, quia illa est satisfactio imperfecta, quæ æqualitatem ponit pro-

portionis, sed contritio est huiusmodi ergo &c. Maior patet, nam satisfactio perfecta adæquare debet offensâ: Minor probatur, nam, ut patet ex dictis, contritio nō est actus iustitiæ rigorosæ dictæ, sed solum potentialis; satisfactio verò propriè dicta, non nisi propriè dictæ iustitiæ actus est. Igitur contritio, quæ est verus, proprius, & primarius pœnitentiæ actus, non est propriè satisfactio pro offensis, seu pro peccatis, ut sunt offensa Dei, cum ut ex dictis liquet, nec offensa sit propriè iniuria, per satisfactionē propriè dictam auferenda; nec cōtritio erit propriè iustitia, sed solum impropriè, cum pœnitentia, cuius contritio est actus, sit solum pars potentialis iustitiæ, ut supra cum D. Thoma ostendimus. Vnde nec peccator præcisè qui Deum offendit, dicitur iniustus, sicut nec quando vnus homo alium præcisè offendit: nec per contritionē præcisè dicitur homo propriè, & rigorosè iustus, ut constat ex dictis.

An autem homo prout Deū
offen-

offendit per veram, & propriam iniuriam, ut dum eius famam lædit, possit ad æqualitatem pro tali iniuria satisfacere, patet ex dictis respondendum esse affirmatiue; cū enim ut in huius questionis principio dicebamus, in iniurijs circa bona externa personæ dignitas non consideretur, nec ratione illius iniuriæ, malitia nõ augeatur, & aliunde illa læsio, ut suppono, sit finita, cum tota infinitatis ratio à persona desumatur, sequitur, quod ad talem tollendam inæqualitatem, sufficiat tantundem ponere, quantum fuit ablatum. Vnde si quis furatus fuisset pallium Christi Domini dum esset in terris, certè quoad hanc iniuriæ rationem, sufficienter satisfacisset, per eiusdem pallij restitutionem: idem dic de fama, & alijs bonis externis Dei. Vnde quando dicitur hominem non posse ad æqualitatem Deo pro peccatis satisfacere, intelligi debet, pro iniuria, pro offensa, & de satisfactione propriè dicta, non de restitutione; benè verum est, quod cum in

tali, v.g. famæ læsione, etiam offensa ratio reperitur, cum hæc per omnia peccata diuagetur, sequitur nullum peccatum dari, cui secundum omnes rationes queat perfectè satisfieri. Dixi hominem posse ad æqualitatem satisfacere, pro peccatis erga bona extrinseca Dei, modo explicato, non de rigore iustitiæ, quia hæc etiam satisfactio, per dictam restitutionem facta, non est de rigore iustitiæ, cum nõ fiat ex proprijs ipsius peccatoris, sed est proprijs ipsius Dei, quando læsio esset de bonis extrinsecis Dei supernaturalibus, tunc enim talis restitutio ad iustitiā commutatiuam infusam pertineret, & per consequens ex bonis ipsius Dei, quando vero talis læsio esset in bonis naturalibus, facilius permitti posset, esse aliquo modo de rigore iustitiæ: licet enim omnia bona sint Dei, quoad dominium altū, tamen quoad dominium bassum, fecit Deus hominem Dominum, iuxta illud, *dominamini piscibus maris &c.* & iuxta illud, *omnia*

subiecisti sub pedibus eius &c.
 & sic in hoc documento tol-

lendo competere potest iustitiæ contrapassum.

QVÆSTIO V.

Quomodo excitetur in nobis contritio perfecta.

DE contritione perfecta præsens procedit difficultas, quia quid dicendum sit de contritione imperfecta, facile ex dicendis patebit, dico ergo contingere aliquando, quâvis raro, quod peccator, sua recogitando peccata, quibus Deum offendit, per actum fidei diuinæ, quo Deū quem offendit summum bonum esse apprehendit, proximè, & immediatè moueatur, & excitetur ad perfectam contritionem, propria videlicet detestando peccata, quæ sunt offensa Dei, ex charitatis imperio, seu motiuo (eo nanque ipso, quod peccator per fidem cognoscit Deum esse summum bonum, ad eius affligit dilectionē, quæ subinde contritionis actum habet imperare.) Hoc tamen, ut dixi, rarò contingit; regu-

lariter nanque alij actus præcedere solent contritionem. Primus omnium est fidei actus (fides enim est sperandarum substantia verum, & sine fide impossibile est placere Deo) quo peccator credit impij iustificationem esse opus Dei. Secundò sequi solet actus timoris diuinæ iustitiæ, & poenarū præsertim inferni, quo peccator sua considerans peccata cōuertitur. Tertiò, solet peccator se ad diuinam misericordiam conuertere, erigendo se in spem veniæ, & peccatorum remissionis. Quartò solet excitari proprius spei actus, quo in Deum erigitur amore concupiscentiæ, quo vult Deum, ut bonum sibi; deinde in hac excitatur ad amandum Deum, ut est bonū in se, & omnium bonorum principium, ex quo sequitur pecca-

peccatorum detestatio, ut tali opponuntur bono, & deinde actus imperatur contritionis, per quem peccata detestentur, secundum rationem offensæ, secundum quā omnia op-
ponitur virtutibus. Tandem per alias virtutes infusas destruitur peccatum, secundum quod determinato modo illis opponitur. Bene verum est hunc ordinem aliquando de-

ficere, quoad aliquem, vel aliquos ex enumeratis actibus, aliquando verò hic ordo transmutatur secundum placitum diuinæ voluntatis. Et quia de hac re fuse egimus in tractatu de iustificatione, ubi explicuimus an sit necesse actus fidei, spei, timoris &c. esse formales, aut sufficiant virtuales, ideo hic sistendum duxi.

QVÆSTIO VI.

Quoniam modo contritio perfecta ab attritione distinguitur.

Suppono primo cōtra aliquos scholasticos antiquos contritionem nō distinguī ab attritione penes intensiōem, vel durationem, quasi quod contritio sit dolor magis intensus, & magis durans, attritio verò minus; nam, ut ex supradictis liquet, contritionis essentia nec determinatam requirit intensiōem, nec durationem. Tum etiam quia magis, & minus non variat speciem, sicut variatur in contritione, & attritione, ut

ex dicendis patebit.

Suppono secundo contritionem ab attritione non distinguī ex eo, quod illa gratia informetur, non ista; nam & contritio, ut in genere causæ materialis gratiam præcedit, eadem non informatur, & attritio elici etiā potest ab homine in gratia existente, & si eliciatur ab homine in mortali existente, potest tamen continuari post gratiam per sacramentum datam.

Suppono tertio contritionem

nem ab attritione distinguere penes hoc, quod contritio saltem virtualiter omnia peccata detestetur, attritio verò non semper, sed possit detestari vnum peccatum, absque eo, quod alia etiam virtualiter detestentur; nam cum attritio ex Tridentino infra citando sit sufficiens simul cum sacramento ad impium iustificandum, non potest non esse omnium (saltem virtualiter) detestatio peccatorum. Tum quia cuiuscunque attritionis supernaturalis motuum est suo modo vniuersale, & peccatis omnibus commune. Tum etiam quia, non videtur esse posse veram attritionem illam, quæ vnum peccatum ex supernaturali motu detestatur, & aliunde relinquat aliorum peccatorum complacentiam.

Suppono quarto, neque in hoc distinguere, ut aliqui voluerunt, contritionem ab attritione, quod contritio de solis mortalibus esse possit, attritio vero etiam de venialibus; nam etiam contritio de venialibus esse potest. Sed dices contritio detestatur peccatum su-

per omnia; atqui peccatum veniale non est necesse, quod super omnia detestetur; ergo. Respondetur primo ex supradictis quod etiam peccatum veniale super omnia detestari potest, & debeat, nam homo potius debeat omne malum pœnæ subire, quam venialiter delinquere. Respondetur secundo, quod, quando dicitur contritionem detestari peccatum super omnia, intelligi debet secundum distributionem accomodam, seu secundum materiæ capacitatem; sed prior solutio magis placet his positis.

Prima sententia est, quod contritio ab attritione distinguatur in hoc, quod contritio detestetur peccatum, secundum quod est offensa Dei; at vero attritio ex alijs particularibus motuibus illa detestetur. Hanc sententiam sequuntur plures moderni extra scholam D. Thomæ.

Nostra sententia sequenti explicatur conclusione. *Contritio distinguitur formaliter ab attritione in hoc, quod contritio detestatur peccata quatenus sunt offensa Dei, propter Deum sum.*

summè bonum, seu ex imperio charitatis, non sic attritio, est aperta D. Thomæ sententia q. 1. supplem in solutione secundi. Est etiam expressa Tridentini positio sess. 14. cap. 4. quatenus docet contritionem perfectam, esse illam, quæ est *Charitate perfecta*, ob quam rationem sine sacramento in re suscepto habet iustificare. Contritionem verò imperfectam, quæ attritio dicitur, hoc non habere, nisi medio Sacramento.

Probatur ratione; nam eadem pœnitentia virtus, potest in homine iustificato elicere, tum actum contritionis, tum actum attritionis sub motivo offensæ Dei immediato, & remoto, sub motivo alterius virtutis, v. g. spei, obedientiæ, religionis &c. & non ex motivo charitatis, ergo contritio, & attritio in hoc distinguuntur, quod illa ex motivo procedere habeat charitatis, hæc vero ex alio motivo. Antecedens ostenditur, nā licet pœnitentia nequeat elicere actum, quo homo rectificetur circa media, nisi ex imperio actus, quo rectificetur erga finē; tamen

semel posita tali rectificatione erga finem, per actum charitatis imperantis, & dirigentis actum contritionis, quo homo iustificatur, potest aliquos elicere actus, præsertim secundarios, & non ex motione charitatis, sed vel ex propria motione, vel etiam ex motione vltierius virtutis; quid enim implicat, quod homo iustus ex motivo spei, vel obedientiæ &c. doleat de peccatis qua sunt offensa Dei? vel etiam quod doleat quis de peccatis qua sunt offensa Dei, sistendo ibi? certè iste actus non est perfecta contritio, cum non sit charitate perfectus, vt loquitur Tridentinum, & ob id non est sufficiens ad iustificandum hominem extra sacramentum. Consequentia etiam probatur, quia cum contritio, & attritio ab eodem habitu procedere possint, non possunt hac ratione distingui, nisi in ratione actus primarij, & secundarij. Concedo tamen similem actum attritionis, produci posse, ante pœnitentiæ infusionem, ex auxilio tamen diuino. Concedo, non omnem actum attritio-

tritionis esse dolorem de peccatis, quæ offensa sunt Dei, sed posse etiam esse ex alijs moriuis, et iam innuimus, & postea magis dicitur. Concedo etiam cōtritionem ex alijs etiam capitibus ab attritione distingui, nam contritio peccatum ut dolendum respicit, cum ut supra dicebamus illud physicè, & ex natura rei deleat, non sic attritio, quæ hoc solum habet ex dispensatione diuina, medio adiuta sacramento, cum non sit perfecta in Deum conuersio; cum ex charitatis imperio nō procedat, ut contritio. Contritio est ob dictam rationem vltima ad gratiam dispositio, attritio vero solum remota, licet fiat proxima ex diuina

dispensatione medio sacramento. Contritio pro primo sui principio recognoscit dilectionem Dei super omnia, attritio vero timorem seruile ex proprio causatum amore. Contritio à sola pœnitentia esse potest; attritio vero & à pœnitentia in homine iustificato, & ab auxilio, in peccatore, & ab alijs virtutibus, quæ in peccatore esse possunt, frequentius tamen à diuino auxilio. Hæc tamen, & aliæ differentiæ, quæ assignari possunt inter contritionem, & attritionem, resoluuntur tandem in illam, quam nos assignauimus, ex D. Thoma, & Tridentino. Pro prima sententia nullum est argumentū vrgens, ideo sisto.

Q V A E S T I O VII.

Explicantur aliquæ difficultates ad materiam attritionis pertinentes.

Prima difficultas est, an attritio, quæ est in peccatore, sit actus bonus, & laudabilis. Hæretici nostri temporis, sicut insequuntur con-

tritionem, ita & attritionem. Non procedit difficultas de attritione naturali, qua quis dolet de peccatis, vel propter proprium, & naturalem
corun-

eorūdem peccatorum deformitatem, vel propter naturalem virtutis amorem, seu propter eiusdem virtutis honestatem, cui peccatum opponitur, vel etiam propter Deū naturæ auctorem, secundum quod dicebat Seneca: *etiam si scirent homines nosciturus Deū ignosciturum, adhuc non peccarem*. Aduerte tamen quod etiam in linea naturali duplex datur attritio, perfecta, quæ omnem excludit affectum erga peccatum; & imperfecta, quæ non excludit; vt cum quis dolet de aliquo peccato ob infamiam, vel aliud malū secutum. Sed procedit difficultas de attritione supernaturali, quæ omnem affectum erga peccatum excludit, & procedit ex aliquo supernaturali motiuo, licet ob sui imperfectionem nō habeat peccatum habituale excludere, licet habeat illud retractare, seu interrompere.

Pro quo nota, quod tripliciter potest aliquis dolere de peccatis; v. g. propter poenas inferni; Primò quando taliter dolet propter poenas, quod *ly propter* motiuum solum, &

occasionem importet, ex qua ad talem dolorem fuit excitatus. Secundo quod *ly propter* afferat motiuum, & finem proximum, & immediatum, ob quem peccator fuit excitatus, non excludendo finem vltimum, sed virtualiter ipsū includendo. Tertiò taliter, quod *ly propter*, dicat finem omnino vltimum, quod tunc contingit, vel contingere dignoscitur, quando quis expressè, & formaliter habet istum affectum doleo de peccatis propter poenas inferni, de quibus non dolerem, nisi eiusdem inferni poenæ essent, & de isto dolore conueniunt hæretici cum catholicis, non esse bonum, sed malum, sed vituperabile; nec sit attritio, vel dolor de peccatis sufficiens ad causandam gratiam, etiā cum sacramento; & sic de solo dolore primo, & secundo modo præsens procedit difficultas, ad quam sequenti respondeo conclusione.

Attritio, quæ est dolor de peccatis propter poenas, v. g. inferni, primo, & secundo loco explicata, est actus bonus, & laudabilis, & sufficiens simul cum Sacra-

*Sacramēto ad peccata quæcun-
que etiam ingētia delenda.*
Hæc conclusio est omnium
Catholicorum sensus, aduer-
sus nostri temporis hereticos,
qui volunt talem contritionē
hypocrisis esse, & peccatum.

Probatur primo ex sacro-
sancta Tridētina synodo sess.
6. can. 8. ubi ubi sic dicitur: *Si
quis dixerit gehenna metum
per quem ad misericordiā Dei
de peccatis dolendo confugimus,
vel à peccando abstinemus, pec-
catum esse, aut peccatorum pe-
iores facere; anathema sit,* &
sess. 14. cap. 4. sic dicitur: *Illā
vero cōtritionem imperfectam,
quæ attritio dicitur, quoniam,
vel ex turpitudinis peccati con-
sideratione, vel ex gehenna, &
pœnarum metu communiter cō-
cipitur, si voluntatem peccati
excludat, cum spē veniæ; decla-
rat non solum non facere homi-
nem hypocritam, & magis pec-
catorem, verum etiam donum
Dei esse, & Spiritus sancti im-
pulsus, non adhuc quidem in-
habitantis, sed tantum mouen-
tis, quo pœnitens adiutus viam
sibi ad iusticiam parat. Et quā-
vis sine Sacramento Pœniten-
tiæ per se ad iustificacionem*

*perducere peccatorem nequeat;
tamen cum ad Dei gratiam, in
Sacramento Pœnitentiæ impe-
trandam disponit.*

Probatur secundo ratione,
ille actus est bonus, & lauda-
bilis, qui est dispositio ad gra-
tiam, remota quidem extra
Sacramentum, & proxima cū
Sacramento; sed attritio à no-
bis explicata est huiusmodi;
ergo est bona, & laudabilis.
Maior certa est; nam implicat
Deum statuissē aliquid esse
ad sui amicitiam, per gratiā,
dispositionem, & esse pecca-
tum. Tum quia, dispositio ad
formam, ad genus formæ re-
uocatur, cum sit initium, &
exordium illius. Tum etiam
quia, ut dicit Tridentinum,
contritio est donum Dei, pec-
catum autem donum Dei ef-
se non potest. Soluuntur po-
tissima hæreticorum argu-
menta.

Primum argumentum est,
qui dolet de peccatis propter
pœnas inferni magis dolet
de pœna, quam de culpa;
atqui hoc est peccatum; ergo.
Maior patet, nam qui magis
detestatur peccatum quæ tale
est, quam pœnam, non dete-
statur

statatur peccatum propter poenam, sed detestatur illud propter offensam. Minor probatur, quia illud est peccatum, quod est contra rationis dictamen; atqui detestari magis poenam, quam culpam, est contra rationis dictamen, ratio nanque dicat maius malum, magis esse detestandum, & sic cū culpa sit maius malum quam poena, magis etiā debet detestari.

Respondetur concedendo maiorem, & negando minorem; ad probationem dico rationem dictare maius malum esse magis detestandum, quando ad inuicem comparantur, secus solitarie. Vnde peccaret quidem, qui comparando malum culpæ, cum malo poenæ, iudicaret hoc esse magis detestandum illo; secus si occurreret poena, absq; comparatione culpæ, ipsam poenam magis detestaretur, quam culpam; quando ergo peccator detestatur culpam propter poenam, non comparat culpam cum poena, sed in exercitio, hanc detestatur ob illam. Facilius etiam responderi potest, peccatorem tunc

temporis, detestari magis poenam, quam culpam intensiue, non appretiatiue, licet ad hanc comparisonem non descendat, & in hac nulla est iniquitas; sicuti nulla est, quando homo intensiue, magis diligit amicum, quam Deum.

Secundum argumentum. Ille actus est malus, qui habet creaturam pro ultimo fine; sed attritio est huiusmodi ergo. Maior videtur clara. Minor ostenditur, nam attritio non habet Deum pro ultimo fine; ergo habet creaturam, quæ est ultimus finis peccatoris.

Respondetur negando maiorem, alioqui omnia opera peccatoris essent peccata. Vnde ratio ultimi finis peccatoris non vitiat opera, sed finis proximus, & immediatus, tum operis, tum operantis. Cum ergo peccator non possit habere duos ultimos fines, ut schola tenet Thomistica, & nos ostendimus, cum D. Thoma in p. 2. sequitur, quod cum attritio, sine sacramento non iustificet, sed relinquat hominem in creaturam conuersum, & ipsa attritio crea-

K turam

turam, ut ultimum finem respiciet, non tamen ob id vitabitur, cum secundum se sit bona, & disponat extra Sacramentum remotè ad destruendum ultimum finem creatum, & cōstituendum increatum, per gratiæ, & donorum infusionem.

Tertium argumentum; Attritio non est actus virtutis, ut docet S. Thomas art. 2. quæst. 1. supplem. ergo non est actus bonus; si nanque esset actus bonus, esset actus alicuius virtutis. Respōdetur D. Thomam ideo velle attritionem non esse actum virtutis, quia putauit esse à solo diuino auxilio, quod est frequentissimum, vel quia non est actus virtutis, qua virtus est, cum non sit dispositio perfecti ad optimum, cum ad vteriozem terminum ordinetur.

Quantum argumentum. Attritio dum dolet de peccatis propter pœnas inferni, videtur habere istam cōditionem si non esset pœna inferni non dolorem; Atqui hoc est peccatum; ergo.

Respondetur quod dupliciter potest quis habere affe-

ctum, quod peccatum non omitteret, nisi essent pœnæ inferni, primò ex affectu ad ipsum peccatum, taliter quod nollet esse infernum ut liberior peccaret, & iste affectus malus est, nec potest ille dolor esse attritionis, sed est timor seruilis, ut dicunt, cum seruitute. Secundo non ex affectu ad peccatum, sed ex cognitione propriæ infirmitatis, qua videt se facile peccaturum cum periculo damnationis, vnde nollet esse infernum, non ut peccare liberior posset, sed ut si fortè peccet, non damnetur, & iste affectus stare potest cum voluntate nō peccandi: Ob id dicunt plures Theologi attritionem distinguere etiam à contritione in hoc, quod contritio ordinatur per se primo ad tollendam, vel remouendam culpam, attritio vero per se tanquam ad finem proximum ordinetur ad remouendam pœnam.

Secunda difficultas, an attritio sufficiens ad iustificacionem medio Sacramento debeat esse entitatiuè supernaturalis. Variæ sunt de hac difficultate sententiæ: aliqui enim

enim volunt attritionem naturalem esse necessariam, & sufficientem ad recipiendum Sacramentum, non effectum Sacramenti, unde si quis habens attritionem naturalem supra explicatam, & cum illa bona fide Sacramentum recipiat, recipiet Sacramentum informe, quod postea fiet formatum alia accedente attritione supernaturali, quæ sententiam tribuit, sed immerito Suarez hic, Soto, & Cano, ut bene ostendit Nugnus q. 1. supplem art. 2. dub. 2.

Alij volunt, ut Sotus, Cano, & probabile reputat Nugnus, quod dolor naturalis sit sufficiens dispositio etiam ad gratiam Sacramenti recipiendam, quando talis dolor est coniunctus cum alijs actibus supernaturalibus, tum ex parte intellectus tum ex parte voluntatis, à quibus accipit aliquam supernaturalitatem intrinsecam; de quo postea. Verius tamen dicendum est attritionem requisitam, saltem ad effectum Sacramenti recipiendum debere esse supernaturalem; patet ex Tridentino loco citato, & dū vult

esse donum Dei. Tum quia cum attritio sit ad gratiam dispositio mediò Sacramento debet esse supernaturalis, ut sit proportio inter formam, & eius dispositionem. Tum etiā quia, peccatum saltem de facto, supposita hominis in finem supernaturalem elevatione, est contra Deum auctorem supernaturalem; ergo debet secundum hanc rationem retractari; & subinde per actum supernaturalem.

Tertia difficultas quomodo diuidatur attritio, quæ simul cum Sacramento est sufficiens ad gratiam causandā. Tridentinum supra adductū, duplicem assignat attritionem, nimirum illam, quæ ex turpitudine peccati concipitur, & illam, quæ ex gehennæ, & penarum metu. Difficultas fortum est in explicando quid intelligat Tridentinum per utrunque membrum assignatum.

Dico primò, quod nomine turpitudinis peccati venit quælibet peccati inhonestas, secundum quam opponitur peccatum honestati virtutis supernaturalis, ut reli-

gionis, obedientiæ, spei, gratitudinis &c. vnde si quis doceat de peccatis propter quâcunque harum turpitudinem, cum sit ille dolor ex motiuo supernaturali, erit sufficienter dispositus cū Sacramento ad iustificationem, siue ille dolor eliciatur ob illa motiua ex imperio illarum virtutum, siue ex auxilio diuino.

Dico secundo, quod nomine turpitudinis peccati non venit ipsa peccati deformitas, vel inhonestas, secundū quod opponitur virtutibus moralibus acquisitis præcisè, nam dolor ob huius turpitudinis motiuum præcisè loquendo non est donum Dei, nec ex motione Spiritus sancti, vt vult Concilium supra citatum Dixi secundum quod talis turpitude, seu inhonestas opponitur virtutibus moralibus acquisitis præcisè, quia si quis de proprijs doleret peccatis ex tali turpitudine naturali, aliquo tamen modo in finem supernaturalem relata, cum secundum hanc rationem sit donum Dei, & ex motione Spiritus sancti, simul cum Sacramento iustificaretur; non

enim potest quis referre in finem supernaturalem actum moraliter, bonum, sine influxu Spiritus sancti mouentis, vt patet.

Dico tertio, quod nomine pœnarum veniunt, nō solum pœnæ alterius vitæ, quæ infliguntur à Deo, de quo nullū potest esse dubium; cum ille dolor ex tali motiuo, nō possit non esse donum Dei, & ex influxu Spiritus Sancti mouentis, licet nondum inhabitantis: verum etiam veniunt pœnæ temporales huius vitæ, quæ ob peccata infliguntur à Deo, quod etiā concedunt omnes, cum & iste dolor ex isto motiuo cōceptus, donum Dei sit.

Dico quarto pœnarum nomine, non veniunt pœnæ temporales præcisè, vt ab hominibus infliguntur, vt carceris, triremium, suspendij, ob furtum &c. infamiæ apud homines &c. & ratio est, quia dolor ex dictis motiuis conceptus, est purè naturalis, & potest stare cum affectu ad peccatum, & subinde non est donū Dei, nec ex motione Spiritus sancti. Tum etiam quia, talis dolor non est secundum

sc

se honestus, sed indifferens, cū ad bonum, & malum possit deferuire; si tamen aliquo modo ex aliquo supernaturali motu honestaretur, facile admitti posset sufficere; ob idque Tridētinum aduertenter dixit; hunc dolorem communiter concipi ex metu gehenna panarum si voluntatem peccandi excludat, cum spe veniæ; implicat autem has duas conditiones adesse, nēpe propositum saltem virtuale non peccandi de cætero, & spes veniæ; & quod talis dolor ex Spiritus sancti motione non fiat.

Ex quibus colligitur intelligentiā sententiæ M. Cano, Soti, & Nugnez supra, quod nimirum attritio naturalis sit sufficiens ad gratiam dispositio cum Sacramento, nō quidem præcisè, sed prout aliquā recipit supernaturalitatē, non quidem præcisè ex eo, quod sit simul cum alijs actibus supernaturalibus; quia ex hoc præcisè non puto esse supernaturalem; sed ex eo quod aliquo modo in finem supernaturale ordinetur, vel à spe,

vel ab alia virtute, vel ab auxilio diuino &c.

Quarta difficultas, an attritio fieri possit contritio. Affirmant Scotus, & Caietanus apud Nugnum art. 3. q. 1. supplem. Negat Angelicus, & cū eo scribētes hoc loco; & scholastici cum Magistro in 4. dist. 16. & 17. audiat lector Diui Thomæ angelica verba, loco mox citato: *quidam dicunt quod attritio sit contritio; sicut fides informis sit formata; sed hoc videtur esse non posse, quia quamuis habitus fidei informis, fiat formatus tamen nunquam actus fidei informis, sit actus fidei formata; quia actus ille fidei informis transit, & non manet veniente Charitate: attritio autem, & contritio non dicunt habitum, sed actum tantum: habitus autem virtutum infusarum, qui voluntatem respiciunt, non possunt esse informes, cum Charitatem consequantur; unde antequam gratia infundatur, non est habitus à quo actus contritionis postea elicitur; & sic nullo modo attritio potest fieri contritio.* Hæc D. Thomas. Vnde licet attritio

tio fieri non possit contritio, attritus tamen medio Sacramento fit æquivalenter, imò altiori modo, contritus, quam fiat si post attritionem, eliciat contritionem, per quam tran- sit de attrito, in contritum; nā contritio licet peccata remittat, relinquit tamen obligationem subiiciendi illa Ecclesiæ clauibus, non sic Sacramentum, cum sit ipsum, clauium Ecclesiæ, exercitium.

Sed dices, demus, quod quis de proprijs doleat peccatis ex timore gehennæ, deinde doleat propter Deum summè dilectum, tunc idem actus entitatiuè fuit prius attritio, modo est cōtritio; ergo non solum homo potest fieri

ex attrito contritus, verum etiam attritio entitatiuè continuata fieri potest contritio.

Respondetur argumentum solum probare, eundem actū attritionis, seu doloris continuari posse, & à charitate dirigi in finem supernaturalem summo modo, seu in Deum summè dilectum, non tamen probat quod ille actus fiat cōtritio, cum enim contritio sit actus Pœnitentiæ ab eadem Pœnitentia elici debet, quæ cum sit virtus infusa respiciēs voluntatem, non potest esse (vt dicit Angelicus) informis, & sic non potest elicere actum attritionis in peccatore, qui postea fiat contritio in iusto.

Q V A E S T I O VIII.

An contritio deleat omnem pœnæ reatum. Vbi aliæ difficultates breuiter resoluntur.

DE creatu pœnæ præsens procedit difficultas, quia de culpa nulla est difficultas apud Catholicos; licet aliqui hæretici id negarint,

Catari nanque, & Cataphrygæ apud D. Epiphanium hæc. 59. dicebant contritionē non delere peccata baptizatorū, cum hæc peccata per illos essent

essent irremissibilia. Nouatus, & Nouatiani dicebant peccata grauissima non remitti, vt Apostasia, fidei negatio, & alia huius generis. Alij dixerunt remitti quidem omnia peccata aliquibus vicibus, nō tamen semper, ne peccandi ansa daretur hominibus, sub spe veniæ; quem errorem tribuit Suarez hic Tertulliano. Sed non sunt audiendi hæretici, vt eleganter probat Sanctus Thomas hic q. 66. art. 1. & Scriptura, & Patres contra illos clamant, vt ostendit Belarm lib. 2. de gratia cap. 1. & lib. 2. de Poenit. cap. 11. placet solum vnum, vel alterum sacra Scripturæ locum adducere Ezech. 19. *Nunquid voluntatis meæ est mors impij, dicit Dominus Deus & non ut conuertatur à vijs suis, & viuas?* Jerem. 18. *si poenitentiam egerit gens illa, agam, & ego &c.* Isa. 55. *Derelinquat impius viam suam, & vir iniquus cogitationes suas, & reuertatur ad Dominum, & miserebitur eius &c.* Idem supponit Tridentinū sess. 6. cap. 14. & 16. Idem statuitur cap. *Firmiter* de summa Trinitate, & fide

Catholica vbi dicitur: *Et si post suspensionē baptismi quisquam prolapsus fuerit in peccatum, per veram potest semper poenitentiam reparari.* Vnde si quando aliqua peccata dicuntur irremissibilia intelligi debent illa loca, vel de finali impoenitentia, vel certè ita vocantur, quia sunt difficilioris remissionis, vt sunt peccata in Spiritum sanctum, quia directè opponūtur principijs talis remissionis. An autem contingere possit, quod quis in poenam præcedentiū peccatorum, non possit hic, & nunc, peccata sua recogitare, & de illis dolere, vel quia incidit in letargum, & libertatis vsum amisit, vel quia etiā libertatis vsum habeat, non tamen attendit ad exhortationes, quæ fiunt, vt mihi in quadam ciuitate contigit, vt dum cohortarer quendam moribundum, vt ageret poenitentiam, & confiteretur blasphemabat; & dum consularer, quod saltē proferret dulcissimum nomen *IESU*, toties verbum turpe dicebat; & sic incidit in letargum, & mortuus est: & cum in Ecclesia quo.

quorundam regularium fuisse sepultus, sequenti nocte Dæmones, illius corpus magnis clamoribus asportauerunt, cum magno illorum religiosorum pauore; ad dubiū dico, quod sic, & patet ex illo Regis Antiochi: Orabat sceleratus Dominum, à quo non erat misericordiam impetraturus. Sed quia de hac regimus de gratia sufficiente, explicantes quomodo obsecratis, & obduratis gratia sufficiens detur, ideo hic sistimus, & ad dubij propositi resolutionem accedimus.

Est ergo prima hæreticorum sententia, quod contritio simul cum culpa totum reatum pœnæ auferat, adeo ut, non sit necesse alia opera facere ad soluendum, vel satisfaciendum Deo pro reatu pœnæ.

Nostra sententia sequenti explicatur conclusionem. *Contritio semper delet reatum pœnæ aeternæ, & aliquando etiam totum reatum pœnæ temporalis, quando valde esset intensa, non tamen semper; idem dicendum est de Sacramento Pœnitentiæ.* Hæc conclusio est de

fide, illam docent omnes catholici, illam definiuit Tridentinum sess. 6. cap. 14. vbi dicitur: *Vnde dicendum est, Christiani hominis pœnitentiā post lapsum, multo aliam esse à baptismali, eaque contineri non modo cessationem à peccatis, & eorum detestationem, aut cor contritum, & humiliatum, verum etiam eorundem sacramentalem confessionem, saltem in voto, & suo tempore faciendam, & sacerdotalem absolutionem, itemque satisfactionem per ieiunia, elemosynas, orationes, & alia pia spiritualis vitæ exercitia; non quidem pro pœnæ aeternæ, quæ vel Sacramento, vel Sacramenti voto una cum culpa remittitur, sed pro pœnæ temporalis, quæ ut sacra litteræ docent non tota semper, ut in baptismo fit, dimittitur illis, qui gratia Dei quam acceperunt ingrati, Spiritum sanctum contristauerunt, & templum Dei violare non sunt veriti.* Idem habetur sess. 14. cap. 8. & can. 12. vbi dicitur: *Si quis dixerit totam pœnam simul cum culpa remitti semper à Deo, satisfactionemque pœnitentiæ non esse aliam, quam fidem,*

qua

Disputatio II. Quæstio VIII. 81

qua apprehendunt Christum pro eis satisfecisse, anathema sit.

Probatur primo sacrę Scripturę testimonijs, nam 2. Reg. 12. Dauid pœnitentia homicidij peracta, & culpa dimissa, filij morte punitus fuit. Et 2. Reg. 24. idem Dauid ob populum, contra Dei iussu, numeratum, pœnitentiã egit, & in Dei gratiam receptus fuit, & tamen data illi optio fuit, vt eligeret in pœnam peccati bellum, famem, aut pestem; ergo signum est quod post culpam per pœnitentiã dimissam, adhuc maneat aliquando pœna, vel in hac, vel in alia vita, nempe in Purgatorio luenda. Et Gen. 2. dicitur: *Quacunque die comederis morte morieris.* Et Rom. 5. *Per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccauerunt.* Et tamen videmus multos mori etiam statim post peccatum originale per baptismi Sacramentum dimissum. Sed de hoc infra de satisfactione.

Probatur secundo. Elegati D. Thomę testimonio hic q.

86. art. 4. vbi sic fatur. *In peccato mortali sunt duo scilicet auersio ab incommutabili bono, & conuersio ad commutabile bonum inordinata, ex parte ergo auersionis ab incommutabili bono, consequitur peccatum mortale reatus pœna æterna, vt qui contra æternum bonum peccauit, in æternum puniatur: ex parte enim conuersionis ad bonum commutabile, in quantum est inordinata, consequitur peccatum mortale reatus alicuius pœna: quia inordinatio culpe non reducit ad ordinem iustitię, nisi per pœnã: iustum est enim et qui voluntati suę plus indulget, quam debuit contra voluntatem suam aliquid patiatur: sic erit æqualitas: unde Apocal. 18. dicitur, quantum glorificauit se, & in delitijs fuit, tantum dabit illi tormentum, & luctum: quia tamen conuersio ad bonum commutabile est finita, non habet ex hac parte peccatum, quod debeatur ei pœna æterna &c.*

Probatur tertio ratione desumpta ex D. Thomę testimonio. Illud debet ex necessitate tolli per peccati destructionem, media contritione,

I. vel

vel etiam pœnitentiæ Sacramento, factam, quod habet necessariam cum eadē peccati destructione connexionem; atqui pœna temporalis non est huiusmodi; ergo hæc non debet de necessitate tolli. Maior nota est. Minor probatur, nam per iustificationem totum illud tolli debet, sine quo gratia, & amicitia cum Deo stare non potest; atqui temporalis pœnæ debitum stare potest cū gratia, & amicitia Dei; ergo &c. Minor patet, nam id ipsum fieri videmus inter homines; cum stare possit amicitia, cū iustitiæ debito, &c. Non sic pœna æterna cum repugnet aliquem esse in gratia, & non habere ius ad gloriam, cum gratia sit semen gloriæ, ut alibi ostendimus. Soluuntur argumenta hæreticorum.

Primum argumentum desumunt ex varijs sacræ Scripturæ testimonijs, ut Fzech. 18. ubi dicitur: *Si impius egeris pœnitentiam &c. omnium iniquitatum eius non recordabor amplius*, & cap. 33. *impietas impij non nocebit ei*. & postea: *omnia peccata eius qua pecca-*

uit, non imputabuntur ei. Et ad Rom 8. *Nihil ergo damnationis est eis qui sunt in Christo Iesu*. Quæ loca inquit Calvinus post Lutherum verificati non possunt, si post remissam culpam, pœna aliqua cassanda relinquitur. Ob id negant Purgatorium, & bonorum operum exercitium. Addūt, quod in B Paulo, in Magdalena, & in alijs qui à Christo Domino iustificati fuerunt, nihil pœnæ relictum fuerit, cū illis pœna aliqua iniuncta nō fuerit.

Respondetur quod in citatis sacræ Scripturæ testimonijs, non promittitur pœnæ temporalis immunitas, sed vitæ spiritualis, sed gratiæ, & donorum amissorum restitutio, ut in tractatu de merito ostendimus. Ad illud de iustificatis à Christo, ut Paulus, & Magdalena, dico valde probabile esse in illis nihil pœnæ relictum fuisse ex tali iustificatione, ob eminentiam dilectionis, & contritionis, quod etiā in alijs contingere posse (licet raro) cōcessimus; ob id videmus quod etiam ipse Dominus illis, quos &

cor-

Disputatio II. Quæstio VIII. 83

corpore, & anima sanabat; aliqua quandoque opera imponebat, ut quod ad Sacerdotem redderent, quod Dei mirabilia prædicarent &c.

Secundum argumentum. Satisfactio Christi Domini fuit infiniti valoris, & abundè pro nobis in iustificatione applicatur; ergo frustra additur nostra. Respondetur satisfactionem Christi fuisse infiniti valoris, non tamen nostram excludit satisfactionem, sed ob duplicem finem dari. Primò, quia per illam, nobis gratiam promeruit, & auxilia, sine quibus opera satisfactoria elicere non possemus. Secundo ut à Deo acceptarentur pro poenâ debita; nam præcis Christi Domini meritis possent non acceptari à Deo nostræ satisfactiones, sed posset debitam, & à se taxatam poenam exigere; sicut iudex in humanis potest exigere poenam reo ipsi taxatâ, & satisfactionem pro illa recusare &c.

Tertium argumentum: quod potest præstare maius, poterit etiam præstare minus sub illo contentum; sed quælibet cō-

tritio præstat culpæ, & poenæ æternæ remissionem, quod est maius; ergo etiam præstabit poenæ temporalis remissionem, quod est minus.

Respondet Lugo hic disput. 8. num. 53. contritionem non habere maiorem vim ad delendam culpam, & poenâ æternam, quam poenam temporalem, licet Deus acceptet illam ad delendam culpâ, & poenam æternam, & non acceptet ad delendam poenâ temporalem; cum enim contritio solum de congruo hæc munera præster, potest Deus illam acceptare pro duobus primis muneribus, nempe pro delenda culpa, & poenâ æternâ; non pro tertio, nempe pro delenda poenâ temporali.

Sed hæc solutio sustineti non debet: primò, quia ut supra disput. 1. q. 4 cum D. Thoma ostendimus contritio effectivè peccatum destruit, & subinde reatum poenæ æternæ; non sic reatum poenæ temporalis. Secundo quia contritio est vltima ad gratiam dispositio ex rei natura, non ex sola Christi Domini institutione; ut in hac disput. q. 3.

L 2 ostendit

ostendimus, & per consequens non potest non esse ex natura rei peccati destructio, & subinde reatus pœnæ æternæ. Tertio quia peccatum mortale, & contritio contrariè opponuntur, cum peccatum sit conuersio in creaturam, & contritio in Deum; & sicut conuersio ad creaturam, non potest non esse ex natura rei destructio conuersionis in Deū, ita è contra, conuersio in Deū non potest non esse destructio ex natura rei conuersionis in creaturam; alioqui si ex conuersione in Deum per contritionem, solum de congruo, & ex diuina acceptatione poneretur culpæ, & reatus pœnæ æternæ destructio, ex rei natura posset homo esse in Deū conuersus, & simul auersus, per conuersionem in creaturam, quod nemo dicet. Hac ergo solutione relicta.

Respondetur concedendo maiorem, & negando minorem; nam reatus pœnæ temporalis sequitur ad conuersionem ad bonum commutabile, & est finitus, & limitatus, reatus vero pœnæ æternæ sequitur ad auersionem, & est infini-

tus, & sic diuersi ordinis, & per consequens potest vnus remitti retento alio. Adde quod reatus pœnæ æternæ, est quodammodo indiuisibilis, cum non crescat per peccatorum multiplicationem, nisi ratione obstaculorum, vt in p. 2. cum D. Thoma ostendimus; at vero reatus pœnæ temporalis, est absolutè diuisibilis, finitus, & limitatus, vt docet D. Thomas pro secunda nostræ conclusionis probatione adductus; & per consequens ille totus remitti debet, & non per partes; istæ vero per partes remitti potest.

Sed quæres primo, an contritio (& idem est de attritione medio Sacramēto) debeat re vera pœnam æternam, an illam commutet in temporalem: Communiter moderni, inter quos est etiam Lugo loco citato nu. 64. dicunt pœnā æternam commutari in temporalem; ita quod pœna æterna deleri dicatur, qua æterna, non tamen omni modo, quia manet in temporali, in quam commutata fuit, ob idque dicit Lugo, quod debeamus agere gratias Deo, tum quia

remi-

remisit poenam æternam : tū quia non commutauit illam in aliam temporalem maiorem, prout iustissime poterat. Sed ista modus dicendi non solum est alienus à mente D. Thomæ supra, dū dicit quod à peccato ratione auersionis cōsequitur reatus pænæ æternæ, & ratione conuersionis, reatus pænæ temporalis; & quod reatus ille prior, per penitentiā tollatur; isto, vt plurimum, remanente. Sed etiam est alienus à veritate. Primo quia, vt dicebamus, iste reatus est indiuisibilis, & sic totus tolli debet. Secūdo quia, si ille pænæ æternæ reatus commutatur in poenam temporalem, vel commutatur in illam, quæ conuersioni debebatur, vel in aliam; neutrum dici potest; ergo &c. non in illam, quæ conuersioni debebatur, quia frustra : nam hæc non est commutatio, sed potius quædā designatio, quod eadem poena quæ prius soli correspondebat conuersioni, modo etiam auersioni respōdeat; quod frustra omnino videtur; nō secundum, quia certè recordaretur Deus pecca-

torum post illorum remissionem contra sacræ Scripturæ loca pro primo argumento in hæreticorum fauorem adducta. Cum ergo omnino correspondeat peccato ratione conuersionis, & delectationis creaturæ, sua poena temporalis, & hæc non augeri, sed potius minui per poenitentiam debeat, dici non debet poenā æternam commutari in temporalem, sed totaliter deleri, & istam remanere posse.

Quæres secundo. An simul cum remissione pænæ æternæ, aliquid etiam pænæ temporalis remittatur. Respondetur quod cum poena temporalis non remittatur, nisi per opera satisfactoria, quæ charitate formata esse debent, non potest illa poena temporalis remitti per contritionem, vel attritionem, vt gratiā præcedunt, sed prout cum illa sunt simul, vt in tractatu de merito docuimus.

Quæres tertio, an possit Deus de potentia absoluta remittere peccatum, non remittendo reatum pænæ æternæ? Respondetur negatiue, cum enim peccatum remitti non

non possit, nisi per gratiæ infusionem, & hæc cum sit gloriæ semen, afferat ius ad gloriam, quod ius stare non po-

test cum reatu pœnæ æternæ, ut patet, sequitur non posse remitti culpam, quin pœna æterna remittatur.

CAUSÆ
-017-

Q V A E S T I O IX.

Plures continens difficultates de venialium peccatorum remissione.

ANtequam ad potissimas huius quæstionis difficultates accedamus, aliqua ut certa supponenda sūt, ut subinde ea de quibus aliqua est inter scribentes difficultates subiiciantur.

Suppono primò, quod si cut transacto mortalis peccati actu, eiusdem macula remanet; ita transacto peccati venialis actu remanet eiusdē venialis macula, ratione cuius homo non redditur indignus Dei amicitia, ut facit macula peccati mortalis, sed singulari aliqua Dei familiaritate; quæ doctrina colligitur ex illo Ioan. 13. *Qui lotus est non indiget, nisi ut pedes lauet,* idest qui in gratia sanctificante est, ut erat tunc temporis Petrus, ad quem Christi ser-

mo dirigebatur, non indiget, nisi ut pedes lauet, idest ut ab aliquibus culpis leuibus, seu venialibus maculis, quibus inquinatus est, munderetur.

Suppono secundo peccatum veniale non priuare iustum gratia habituali, sed solum aliquo charitatis seruire, qui vel in exercitio actuū charitatis, & ancillentium virtutum consistit, vel in specialibus quibusdam auxilijs, quibus perfectius excitemur, & protegatur, quæ specialiora gratiæ excitantis auxilia, per venialia peccata minuantur; cum enim homo pervenialia à Deo, modo alibi dicto, recedat, sit quod nec Deus ad ipsum per auxilia vberiora accedat.

Suppono tertio, quod dū agi.

rgimus de modo, quo venialia, vel per contritionem latè, vel alio modo remittuntur, de peccatis loquimur venialibus iustorum, non peccatorum, cum peccata venialia peccatorum; cassari non possint mortalibus remanentibus; neque loquimur de peccatis venialibus iustorum, de quibus actualem habet complacentiam, sed de illis, quæ merè habitualia sunt, seu de quibus nullam actualem habent complacentiam.

Suppono quarto venialiū remissionem, non posse esse opus naturæ sed gratiæ; seu ex aliquo gratiæ supernaturalis dono, ut ex D. Augustino epist. 106. de finiuir Concilium Palestinum contra Pelagianos, & Semipelagianos. Et Concilium Arausicanū II. Can. 4 & Tridentinum sess. 6. can. 3. Et ratio clara est; quia ut omnes fatentur Catholici, nihil, sine Spiritus sancti gratia haberi ab homine potest, quod ad vitam conferat æternam consequendam; at qui venialium remissio ad vitam confert æternam obtinendam; ergo naturæ vi-

ribus haberi non potest; sed ex Spiritus sancti gratia.

Suppono quinto ad venialium remissionem, perfectam non requiri contritionem; cum enim iustus per veniale à Deo non auertatur, ad hoc ut deleatur; perfecta non requiritur contritio.

Suppono sexto in omnium sententia, attritionem sufficere, tum ut deleantur venialia in Sacramento, tum extra; cum enim attritio sit vera displicentia & dolor licet imperfectus, ut supra explicuimus, sufficiens erit ad talem deletionem ponendam: imò si loquamur de venialium deletionem in Sacramento penitentiae, saltem attritio requiritur, cum hoc Sacramentum, sine contritione vel attritione esse non possit. His præsuppositis.

Prima difficultas est, an ad hoc ut venialia peccata extra Sacramentum deleantur, contritio latè, seu aliqua formalis detestatio requiratur, vel sufficiat virtualis vel eminentialis. Aliqui sic præsentem proponunt difficultatem; an ad venialium deletionem, vir.

virtualis pœnitentia requiratur. Sed vterque proponendi modus in idē reddit, de qua res tres sunt sententiæ.

Prima sententia est, pœnitentiam formalem necessariā esse ad venialium remissionē ita Durandus 4. dist. 16. q. 2. Paludanus eadem dist. q. 1. art. 2. & alij.

Secunda sententia est doctoris subtilis 4 dist. 21. q. 1. Gab. dist. 16. q. 5. & aliorū, quod ad venialium remissionem nulla requiratur pœnitentia, sed quilibet actus bonus sufficiat, qui magis Deo placeat, quam peccatum displiceat veniale, etiam si talis actus bonus ad venialis peccati remissionem non ordinetur.

Nostra sententia sequenti explicatur conclusione. *Peccata venialia ut remittantur, requiritur, & sufficit pœnitentia virtualis vel eminentialis.* Hæc est Doctoris sancti, & discipulorum eius sententia.

Probatur primo eleganti eiusdem sancti Doctoris testimonio hic q. 87. art. 1. cuius in corpore habet: *ad remissionem venialium non sufficit habitua-*

lis displicentia qua habetur per habitum charitatis vel pœnitentia virtutis: quia sic charitas non compateretur peccatū veniale, quod patet esse falsum. Vnde sequitur, quod requiratur quedam virtualis displicentia, puta cum aliquis hoc modo fertur secundum affectum in Deum, & res diuinas, at quid quid sibi occurreret, quod cum ab hoc motu retardaret, displiceret ei & doleret se commisisse etiam si actu de illo non cogitaret, quod tamen non sufficit ad remissionē peccati mortalis. Hæc ille. Vbi vt vides, vult D. Thomas ad remissionem venialium talem boni actus exercitium requiri quo operans sit taliter affectus quod si venialia occurrerent, de illis doleret; vel displicentiam haberet; quæ displicentia licet vocatur à D. Thoma virtualis, absolutè tamen, est solum eminentialis vt ex terminis liquet.

Probatur secundo ratione desumpta exposito D. Thomæ testimonio. Peccata venialia per id sufficienter destrui possunt cui formaliter opponuntur; sed peccata venialia

nialia charitatis feruori opponuntur; ergo per eundem charitatis feruorē destrui possunt; sed ille actus quo homo est taliter affectus erga Deū, & res diuinas, quod si venialia occurrerent, quæ talem motum habent retardare illa detestaretur, est perfectissimus charitatis feruor; ergo per illum venialia peccata destrui possunt: patet autem, quod ille actus est solum quædam displicentia eminentialis; ergo &c.

Confirmatur primo præcedens argumentum, nam ideo ad peccatum mortale delendum formalis requiritur poenitentia, quia cum sit vera & propria à deo auersio, tolli debet per veram, & propriam in Deum conuersionem; sed peccatum veniale non est vera, & propria à deo auersio, sed solum secundum quid, & impropria; ergo sufficienter tolli potest per illum actum, quo homo taliter, erga Deū, & res diuinas afficitur, quod si venialia occurrerent, detestarentur.

Sed dices, peccata venialia, habent sufficientem offe-

sæ rationem cum possint esse obiectum materiale destruendum poenitentia, vt disput. 1. q. 6. difficultate 2. cū D Thomas docuimus; ergo destrui debent per veram, & propriam poenitentiam. Antecedens est nostrum assertū; Consequentia probatur, nam ratio offense, nō nisi per id, quod offense respicit rationem tolli potest, Atqui sola poenitentia est huiusmodi; ergo.

Respondetur quod, si peccatum veniale in mentem veniat, secundum quod est aliqua dei offensa, non destruetur directè secundum hanc rationem, nisi per oppositam displicentiam; licet secundū hanc offense rationem indirectè destrui possit, dum alijs modis destruitur. Vnde nos nō dicimus peccatum veniale non posse destrui per poenitentiam, cum per hanc optimè destruat, sed quod dicimus est, posse etiam, & bene destrui per poenitentiam eminentialem à nobis dictā. An autem hoc solum habeat verum, cum peccata venialia in mentem non veniunt, an etiā quando veniunt, videtur satis

M aperte

apertè ex D. Thoma colligi, id solum verum habere, quādo in mentem nō veniunt, ita quod si in mentem veniant non doleantur per talem pœnitentiam eminentialem, sed aliqua formalis requiratur.

Confirmatur secundo, plura requiruntur ad remissionē mortalis, quam venialis; sed peccatum mortale remittitur aliquando per Pœnitentiam eminentialem, nempe per charitatem; ergo à fortiori, id fieri poterit in peccato veniali. Sed de hac re videātur ea, quæ diximus de sacram. in genere disput. 9. quæst. 2. vbi ostendimus, quod ad hoc vt sacramentalia, peccata remittant venialia, nulla requiritur pœnitentia, nisi illa eminentialis à nobis explicata, quæ sufficienter saluatur in hoc, quod quis sacramentalibus vtatur, sciens ad hoc esse instituta, vt venialia deleant. Argumenta in oppositum relinquo, quia ex dictis sufficienter soluta manent.

Secūda difficultas, an peccatum veniale remitti possit, de quo actualis habetur complicitas, vel saltem virtua-

lis de eo habetur affectus? De primo nulla est difficultas, cū certum sit implicare contradictionem peccatum tunc deleri, dum actu committitur. De secundo est maior difficultas; nam Didacus Nugnus id negat, Caietanus affirmat, in casu quem sic proponit, h. q. 87. art. 1. ad 2. D. Thomæ; *In responsione ad secundum adverte idem esse iudicium de dormiente occiso pro Christo, vel baptizato, quod intelligo secundum merita secundarum causarum. Nam si quis iuisset dormitum cum proposito dicendi mane mendacium officiosum, & interim dormiens occideretur pro Christo, crediderim ego ex diuina largitate etiā illius peccati plenissimam remissionem per martirium consequi, quamuis per baptismum illius remissionem non consequeretur, propter voluntatē actualiter abstinentie virtuali peccato inbarentem, Sed hæc Caietani doctrina videtur purgare cum illa soluione D. Thomæ. Verba Angelici sunt sequentia: Passio pro Christo suscepta, obtinet vim baptismi, & ideo purgat ab omni culpa, & veniali,*

•

& mortali, nisi actualiter voluntatem peccato inuenerit inbarens. Puto tamen ex diuina largitate fieri, quod ille martyr, vel antequam moriatur, vel vt aliqui volunt, in ipso mortis instanti sufficienter talem retractet voluntatem, & sic martyrium, suum plenissimum producet effectum.

Tertia difficultas, an quoties peccata remittuntur venialia, toties fiat aliqua gratiæ habitualis infusio? Respondet D. Thomas negatiuè hic q. 87. art. 2. dicēs: *unumquodque tollitur per suum contrariū. Peccatum autem veniale non contrariatur habituali gratiæ, vel charitati: sed retardat actū eius, in quantum nimis inhaeret homo bono creato, licet non contra Deum: & ideo ad hoc quod peccatum veniale tollatur, non requiritur aliqua habitualis gratia, sed sufficit aliquis motus gratiæ, vel charitatis ad eius remissionem.* Quæ doctrina difficilis omnino videtur, eiusdem sancti doctoris discipulis. Sed habet planam explicationem, tum in sententia eiusdem sancti Do-

ctoris, tum in sententia aliorum. In sententia quidem sancti Doctoris, & nostra, qui volumus gratiam, & charitatem, non augeri in esse habitus, nisi per actus intensiores, licet in esse gratiæ, seu acceptationis, seu iuris ad gloriam per quoslibet actus augeatur, vt fusè docuimus in tract. de merito disput. vltima q. 3. & 4. & sic dum dicit D. Thomas, quod ad hoc vt peccatum veniale tollatur non requiritur gratiæ habitualis infusio, iam sufficienter suam explicatam mentem, quod loquatur de gratia in esse habitus, nō in esse gratiæ, & iuris ad gloriam, cum certum sit actum deuotionis erga Deum, & res diuinas in homine iusto esse meritum gratiæ, & gloriæ correspondentis, quantumvis remissus sit. Si autem peccata venialia remitterentur per actum intensiorem, tunc temporis gratia augetur etiam in esse habitus, vt patet; ob idque aduertenter dixit Angelicus, non requiri ad hoc, vt venialia remittantur, quod fiat gratiæ habitualis infusio, non tamen dicit, quod non

possint remitti etiã per eiusdem habitualis gratiæ infusionem. In aliorum etiam sententia dictum D. Thomæ saluari potest, dato namq; quod gratia augetur in esse habitus per actus etiam remissos, tunc talis gratia, etiamsi daretur, non daretur tamen ex vi remissionis venialium, sed ex vi præcisè actus boni per quem venialia remitterentur, cum enim venialia cum gratia nullam habeant oppositionem, ratione sui gratiam non requirunt, vt deleantur, sed sufficit, quod eorum ponatur oppositum; licet postea ex talis oppositi positione gratia non infundatur.

Quarta difficultas, an quoties noua infunditur gratia, toties aliqua venialia remittantur? Affirmatiuè respondet Angelicus loco citato in hæc verba. *Quia tamen in habitibus usum liberi arbitrij, in quibus solis possunt esse venialia peccata, non contingit esse infusionem gratia, sine actuali motu liberi arbitrij in Deum, & in peccatum, ideo quandocunque de nouo gratia infunditur; peccata venialia*

remittuntur. Quæ etiam doctrina apud aliquos suam patitur difficultatem; nam vel loquitur D. Thomas de prima gratiæ infusione, quando nimirum adultus iustificatur, & hoc non videtur semper habere verum, cū possit quis omnia mortalia peccata detestari, complacendo, vel cōseruando affectum, saltē virtualem ad omnia venialia. Vel loquitur de secunda gratiæ infusione, seu de augmento illius: & hoc nequit esse verum in sententia eiusdem sancti Præceptoris, cum non per quemcunque actum bonum venialia deleantur peccata, sed solum per illos, qui sunt deuotio, erga Deum, & res diuinas, & qui sint virtualis quædam peccati venialis displicentia, taliter quod homo sit tunc temporis taliter affectus, quod si venialia occurrerent illi displicerent, & de illis doleret, quod non contingit, vt patet, in omnibus actibus meritorijs, & subinde non in quacunque gratiæ infusione, alioqui non differet D. Thomæ sententia, à sententiâ Scoti, pro prima difficultate.

ficultatē relati. Sed D. Thomæ doctrina nullam patitur difficultatem, si rectē intelligatur. Vnde dico, posse intelligi de prima gratiæ infusione, & de secunda: de prima per se locuendo, esset autem per accidens, quod quis omnia detestaretur mortalia, & quod ad omnia venialia, saltem virtuales haberet affectum. De secunda, quia licet peccata venialia non remitterentur tunc temporis, vi illorum actuum, qui non sunt nec eminentialis venialium detestatio, remitterentur tamen à Deo ratione strictioris acceptationis ad propriam amicitiam; cum rationi consentaneum videatur, quod dū amicus ad maiorem, & intimiorem admittit amicitiam, & familiaritatem alterum amicum, quod sibi leuiore condonet offensas, de quibus nullum habet affectum. Sed obijcies contra prædicta; si peccata venialia remittuntur, vel per gratiæ infusionē, vel per actū deuotionis erga Deum, & res diuinas &c. frustra postea confiterentur; hoc

dici nequit; ergo non ita facile remittuntur.

Respondent aliqui, quod licet necesse non sit peccata venialia clauibus subijcere, tamen quando extra Sacramentum remittuntur, per ordinem ad idem Sacramentum remittuntur, proportionali modo, ac peccata mortalia, licet sit differentia in hoc quod mortalia sunt materia poenitentiae Sacramenti necessaria, & de necessitate clauibus subijci debeant, non venialia; cum solum sint materia sufficiens. Sed hæc solutio nō placet; cum enim peccata venialia non sint materia Sacramenti poenitentiae necessaria, nec per formalem poenitentiam de necessitate deleri debeant sed per feruorem vel deuotionem explicatā, sequitur non deleri per ordinem ad poenitentiam Sacramentum, cum solū id per ordinem ad hoc Sacramentū deleatur, quod etiam extra Sacramentum propriam, & formalem requirit poenitentiam. Melius ergo respondetur, quod etiam si peccata venialia

nialia sine ordine ad pœnitentiam deleantur, non tamē frustra, & inutiliter confitentur, sed valde vtiliter, cum & noua detur per Sacramentū gratia, & nouo, ac nouo titulo remittantur, vt iuxta dicemus de peccatis mortalibus alias confessis.

Quinta difficultas, cum in homine iusto per vnicū deuotionis actum, non omnia dimittantur peccata venialia, quænam in particulari dimitti dicentur? Respondetur, illa dimitti dicentur, quæ magis directè opponentur tali deuotionis actui; vnde si deuotionis actus sit circa Missā, venialia, quæ in Missā commissa sunt magis delebuntur: Si circa officium diuinum, talis versetur deuotio, eiusdem diuini officij leues destruet transgressiones &c.

Sexta difficultas, an peccatum veniale coniunctum cum mortali, remitti possit sine mortali? Respondet Angelicus Magister q. 87. citata art. 4. negatiuè cuius elegantem assignat rationem, quia peccatum veniale non remittitur,

nisi per actū feruoris, vel deuotionis erga Deum, & res diuinas, qui actus feruoris sine charitate, & gratia nō habetur; ergo. Tum quia peccatum veniale non remittitur, sine vel gratiæ infusione, vel augmento illius, siue in esse habitus, siue in esse gratiæ, vel vel acceptationis, vel meriti ad gloriam, hæc autem esse nō possunt cum peccato mortali, vt patet; ergo &c.

Septima difficultas quomodo remittatur veniale post mortem? supponit difficultas contingere posse, quod iustus aliquis ex hac vita decedat cum aliquo veniali nō retractato, ac proinde non dimisso, vt si v.g. de repente casu aliquo moriatur, vel interficiatur; sic enim etiam iusto complacentiam habenti de aliquo veniali, mors euenire potest.

Ad quā difficultatem dicunt aliqui peccata venialia tolli post mortem per eos actus, quibus anima acceptat, & patienter tolerat pœnas purgatorias. Alij dicunt culpas veniales remitti iusto post mor-

mortem, per actus charitatis, & aliarum virtutum, meritorios, quos dum mortalis viueret excreuit. Alij volunt remitti venialia per puram Dei condonationem. Sed melius hanc resoluit difficultatē Doctor Angelicus q. 7. de malo art. 1. 1. versus corporis finem, ut sic loquitur: *Quandoque contingit, quod aliqui in ipsis actibus peccatorum venialium vel in proposito venialiter peccandi occupentur somno, vel aliqua passione auferente usum rationis, quibus manifestū est, quod in hac vita peccata venialia non dimittuntur; & tamen propterea non impediuntur perpetuo à vita aeterna, ad quam nullo modo perueniunt, nisi omnino immunes ab omni culpa effecti, & ideo oportet dicere, quod venialia remittuntur eis post hanc vitam, etiam quan-*

tum ad culpam, eo modo quo remittuntur in hac vita, scilicet per actum charitatis in Deum repugnantem venialibus in hac vita commissis, quia tamen post hanc vitam non est status merendi, ille dilectionis motus in eis tollit quidem impedimentum venialis culpa; non tamen meretur ab solutionem vel diminutionem pœne, sicut in hac vita. Vnde primus modus dicendi optimus est si ad sensū Thomisticæ doctrinæ intelligatur secus reiciendus. Secundus dicendi modus pessimus est, cum nullus per opera bona possit sibi peccatorum futurorum mereri remissionem. Tertiū etiam falsus est, cum ut patet ex dictis in tractatu de gratia, peccatorum etiam venialium remissio fieri nequeat per puram Dei condonationem.



QVÆSTIO X:

Quale sit præceptum contritionis, qualisque eius obligatio.

PRæsens supponit quæstio contra Franciscum à Victoria apud Canum 4.p. relectionis de pœnitentia, dari præceptum de cōtritione habenda: vt manifeste ex sacris colligitur litteris Luc. 13. *Nisi Pœnitentiam egeritis omnes simul peribitis.* Actorum 4. *pœnitentiam agite, & baptizetur unusquisque vestrum,* & alibi passim. Sed dices cū Victoria speciali præcepto, speciale opponitur peccatum; sed finalis impœnitentia, quæ pœnitentiæ opponitur, non est speciale peccatum, sed solū circumstantia illius peccati in quo quis moritur, vt docet Angelicus 2.2.q.14. ergo de Pœnitentia, seu contritione non est speciale præceptum. Nam responderetur duplicem esse impœnitentiam; vna est impropria, quæ est peccati continuatio, & hæc non est speciale peccatum, nec pœnitentiæ, seu contritioni ex dia-

metro opponitur, sed generali, & eminentiali oppositione, sicut cætera opponuntur peccata. Altera est propriè dicta, quæ est formale, vel saltem virtuale propositum non conterendi de peccatis mortalibus, & hæc est speciale peccatum, directè cōtritioni oppositum. Hoc supposito quæritur primò quale præceptum sit de contritione elicienda, an nimirum iuris diuini positiui, an naturalis.

Prima est aliquorum sententia post Medinam C. de pœnit. tract. 1.q.2. ar.2. quod hoc præceptum sit diuinum posituum.

Nostra sententia sequenti explicatur conclusione. *Præceptum cōtritionis est diuinum naturale.* Hæc est expressa D. Thomæ sententia, & discipulorum eius, vt videre est apud Nugnum hic q. 2. supplem. art. 3. Pro quo nota, quod dum dicimus contritionis

nis præceptum esse diuinum naturale, per *h* naturale, non intelligimus, id quod supernaturali opponitur, seu quod non est ordinis supernaturalis; sed intelligimus id quod est connaturale ordini gratiæ, quod consequitur ad gratiã, quod ipsi gratiæ est consentaneum, quomodo præcepta fidei, spei, & charitatis dicuntur præcepta diuina naturalia, quia sunt ipsi gratiæ consentanea; ita quod ordine gratiæ posito suapte natura hæc præcepta consequantur, unde de his non datur positium præceptum. At vero præcepta sacramentorum sunt quidem supernaturalia, sed positiua, quia de his gratiæ ordo nihil dicitur, nec sunt ipsi gratiæ connaturalia, nec ad gratiam suapte natura consequuntur. Dicimus ergo contritionis præceptum non esse diuinum positium (intellige præinsidendo ab hoc quod contritio sit pars Sacramenti poenitentiae, quia secundum hanc rationem de illa est præceptum positium ratione ipsius confessionis) sed diuinum naturale, quia est gratiæ or-

dini connaturali consentaneum, &c.

Probatur primo eleganti D. Thomæ testimoniò hac p. q. 84. art. 7. ad primũ ubi habet: *De iure naturali est, quod aliquis poeniteat de malis quæ fecit, quantum ad hoc, quod doleat fecisse, & doloris remedium querat per aliquem modum, & quod etiam aliqua signa doloris ostendat, sicut, & Niniuitæ fecerunt, ut Iona 3. legitur.* Vbi ut vides vult Angelicus, Niniuitarum poenitentiam fuisse naturalem, non quidem prout naturale à supernaturali distinguitur, sed prout ordini gratiæ talis poenitentia fuit consentanea. Ob id dicit idem Angelicus q. 86 art. 6. ad ult. quod Sacramentum poenitentiae (intellige quoad contritionem) fuit in lege naturæ, & veteri, verba D. Thomæ sunt ista. *Sciendum tamen quod etiam in veteri lege, & in lege naturæ, erat aliquo qualiter Sacramentum poenitentiae, ut supra dictum est.*

Probatur secundo ratione, ex hoc ultimo D. Thomæ testimonio desumpta. In lege naturæ erat præceptum con-

N tritio-

tritionis; sed illud non erat diuinum positium, ergo erat diuinum naturale. Maior est certa. Tum quia supposita hominis eleuatione, tenebatur post peccatum, ad gratiæ statum homo se ipsum reuocare, quod non nisi per contritionem per se fieri poterat, certè ridiculum esset dicere, hominem fuisse in finem supernaturalem eleuatum, & quod si ab ipso excideret, quod nullam haberet obligationem reuersionis. Tum etiam quia, existens in peccato mortali tenetur se ad gratiã præparare; atqui hæc præparatio per contritionem fieri debet; ergo. Minor probatur, quia in lege naturæ nullum erat præceptum diuinum positium, vt est communis Theologorum sensus, ob idque ille status, naturæ vocabatur, eo quod non essent, nisi præcepta naturalia, & statui naturali consentanea, vt quod tibi non vis fieri, alteri ne feceris; & statui eleuationis, vt sunt præcepta fidei, spei charitatis, & pœnitentiæ. Cum enim homo lapsus in eo naturæ statu tenere-

tur se ad gratiam præparare, tenebatur illos actus exercere, sine quibus gratia per se non habetur, vt sunt prædicti actus, vt ex dictis liquet.

Probatur tertio. Virtutes morales habent suos actus in præcepto sibi connaturali, ita quod vnaqueque virtus moralis, naturali pondere ad suos actus eliciendos inclinatur, modo, & tempore, & loco, quo naturalis ratio dicitur; ergo id ipsum dici debet de virtutibus supernaturalibus, tum Theologalibus, tum moralibus infusis, & subinde idem dicendum erit de pœnitentia; Antecedens patet discurrendo de singulis, cum enim sint habitus operatiui, ad proprias innato, & naturali pondere, inclinari debent, operationes. Consequentia liquet ex rationis paritate; sicut enim est naturale virtutibus acquisitis in suas inclinari operationes; ita est naturale virtutibus supernaturalibus inclinari in suas; vnde sicut fides, spes, & charitas habent naturale præceptum de proprijs actibus quando eorum currit obligatio, ita

&

& poenitentiâ, & sic, sicut præceptum dilectionis est naturale respectu sui habitus, ita & contritio, respectu poenitentia.

Probatur quarto, est præceptum naturale resarciendi offensam homini illatâ; ergo etiam erit præceptum diuinum naturale, in homine eleuato, resarciendi offensam illatam Deo. Atqui hoc fit per contritionem; ergo de contritione erit præceptum naturale. Antecedens fundatur in illo primo rationis dictamine, *quod tibi non vis fieri, alteri ne feceris: & quod tibi vis fieri alteri feceris*. cū ergo naturaliter vnusquisque velit iniuriam, & offensam resarciri, ad hoc ipsum erga alios præstandum, naturaliter inclinabitur. Consequentia videtur euidēter sequi ex antecedenti; nam non debet esse minus fortis inclinatio gratiæ, quam inclinatio naturæ, nec debet esse minor inclinatio ad satisfaciendum Deo, quā hominibus; ergo, si natura naturaliter inclinatur ad satisfaciendum hominibus, pro offensis illatis, proportionali

pōdere, ad ipsum inclinabitur homo, respectu Dei, quod pondus in ordine gratiæ naturale erit.

Responder Suarez hic, habere quidem hominem naturalem inclinationem ad satisfaciendum Deo pro iniurijs, vel offensis illatis, at non per poenitentiam cum possit per dilectionis actum satisfacere, & subinde nullum esse contritionis naturale præceptum, sed solum satisfaciendi aliquo ex modis possibilibus.

Sed contra, quia nulla est virtus, quæ habeat pro obiecto diuinam resarcire offensam, sub ratione offensæ, nisi poenitentia; licet enim charitas peccatum destruere possit, hoc tamen est per accidens, vt supra pluries obseruauimus; ergo si semel homo lapsus, naturali tenetur præcepto, diuinam resarcire offensam, id erit per contritionem. Tū quia offensa naturaliter petit tolli per virtutem ad id deputatam; ergo cum hæc virtus sit poenitentia, ab ipsa naturali iure, per proprium ipsius actum, qui est contritio, offensa tolli debet. Tum etiā quia,

cum peccatum formalissimâ dicat auersionem à Deo, per formalissimâ tolli debet conuersionem, quæ per nullum actum melius tolli potest, quâ per contritionem, quæ non nisi per charitatis imperium poni potest.

Probatur quinto. Homo naturali præcepto, tenetur animæ propriæ salutem procurare, quando in peccato existit mortalis, sed hoc fit per cōtritionem; ergo naturali præcepto ad contritionem obligatur, post mortale peccatū perpetratum. Maior clara est, si enim naturali præcepto, homo tenetur sibi in temporalibus prouidere, à fortiori in spiritualibus. Minor patet ex dictis, nullus enim ualeat assignari actus, per quem homo in peccato mortali existens, sibi magis per se prouideat, quam actus contritionis. Maneat ergo ex dictis præceptum contritionis esse diuinum naturale, cuius obligationis radix est charitas, qua homo se ipsum diligere tenetur, ut sibi prouideat, quoad animæ salutem, iuxta illud Eccles. 30. *miserere ani-*

ma tua, placens Deo, & contine, & congrega cor tuum in sanctitate.

Vnum solum argumētum contra præcedentem doctrinam, aliquam habens apparentiam, fieri potest: finis præcepti non cadit sub præcepto, nec modus virtutis cadit sub virtute; at vtrunque caderet si contritionis daretur obligatio, ergo non datur. Maior est commune Theologorum pronunciatum. Minor patet ex dictis, nam contritio vera non datur, nisi sit charitate perfecta, nec elicit pœnitentia contritionem, nisi ex motione, seu imperio charitatis; quæ charitas, & est præceptorum omnium finis, & modus.

Respondetur, quod quando dicitur, quod charitas, quæ est præceptorum modus, & finis, non cadit sub præcepto, intelligi debet respectu illorum præceptorum, quæ cum charitate necessariam nō habent connexionem, secus respectu illorum, quæ cum charitate necessario connectuntur, & sic cum contritio, cum charitate necessariam habeat connexionem, sine eadem cha-

charitate elici non poterit, & sic respectu huius, & omnium virtutum infusarum, charitas, quæ est præceptorum modus, & finis, sub præcepto cadet, sicut & ipsa sub præcepto cadit.

Ex quibus patet resolutio secundæ difficultatis in quæstionis titulo propositæ, nimirum qualis sit cōtritionis obligatio, nam ut patet ex modo dictis, hæc obligatio formaliter est virtutis pœnitentiæ, & veluti radicaliter est charitatis; & subinde grauis ut patet. Ex his omnibus inferri potest, aliquarum resolutionum difficultatum, scitu dignissimarum.

Prima difficultas est, an hæc iuris naturalis obligatio sit tanta, ita ut etiam si scirem Deum pœnitentibus veniam non promisisse, imò si scirem nolere remittere peccata quacunque pœnitentiā posita, adhuc tenerer pœnitere? Respondetur affirmatiuè, & ratio est, quia sicut in humanis offensores tenentur quantum est de se offensam auferre, quantumvis offensus nolit illam ex malignitate remittere, ita

pariformiter peccator tenetur quantum est de se peccata auferre per contritionem, quantumvis Deus nolet offensam relaxare. Hic casus, ut patet, ex hypotesi procedit impossibili, quia secundum sententiam nostram contritio ex rei natura habet peccatum expellere, ac subinde Deum placatum reddere, &c.

Secunda difficultas, an si Deus sponte condonaret offensam, teneretur adhuc peccator de illa pœnitere. Affirmatiuè respōdeo, nam offensæ condonatio, iuris naturalis obligationem non tollit, ostēdēdi doloris signa pro offensâ irrogata; sicuti si Deus nolet ab hominibus diligi, coli, reuereri, adhuc homo deberet quantum est ex parte sua Deum colere, reuereri, &c. cum adhuc in homine talis maneret obligatio, eo ipso quod Deus est summum bonum.

Hinc alterius resolutio difficultatis infertur, an Deus in hoc naturali præcepto possit dispensare, faciendo, vel tollendo à peccatore obligationem quam habet, de proprijs pœni-

pœnitendi peccatis . Patet enim ex dictis id fieri non posse; sicut enim facere non potest, nec dispensare quod non ametur, quod non colatur, ita dispensare non potest, quod homo non pœniteat de offensis sibi illatis; quorum omnium ratio est, quia, & ea, quæ sunt intrinsecè bona, & quæ sunt intrinsecè mala, sūt talia antecedenter ad quodlibet diuinę voluntatis decretum, ad quamlibet legem, ac proinde sub dispensatione nō cadunt; ubi enim non est lex, nec legis dispensatio esse potest, cum dispensatio sit *legis relaxatio*.

Tertia difficultas, an ille qui à proprijs iustificatus est peccatis, per attritionem, & Sacramentum, teneatur ad huc ad hoc præceptū contritionis. Respondetur negativè, ratio est, quia id ipsum: quod facit contritio perfectā, facit attritio medio Sacramento; & subinde redditur omnino æquivalens; cum ponatur vera in Deum conversio, & vera peccati destructio; ob idque dicitur hominem per Sacramentum fieri ex attrito

contritum. Vnde quando dicitur pœnitentiam, vel contritionē esse de iure naturali, intelligi debet, quando alia via per se non ponitur peccati destructio, & perfectā in Deum conversio: dixi per se, quia quando homo per charitatem iustificatur, adhuc tenetur conteri, vel confiteri si peccata in mentem veniāt; cum dilectio, non nisi per accidens habeat iustificare, quando quis nullam habens peccatorum memoriam subito in Deum raperetur. Adverte tamen hoc dicendum non esse de dilectione; nam si quis iustificatus fuisset per attritionem, & Sacramentum in tempore, quo dilectionis cureret obligatio, ad huc ad dilectionis actum teneretur; nō sic si per contritionem fuisset iustificatus, cum in contritione, dilectio, ut imperans reperitur. Et ratio est quia attritio, & Sacramentum non sūt æquivalens dilectionis, cum sint diuersi ordinis, nō sunt instituta ad supplendam dilectionem, sicuti sunt instituta ad supplendam cōtritionem: nam tam per contritionem, quam

quam per attritionem, peccatum retractatur, per dilectionem non sic, ut ex hucusque dictis & in hac, & præcedentibus quæstionibus patet.

Quarta difficultas, an sit præceptum conterendi de venialibus. Respondetur quod per se loquendo nullum est: non positium, cum nullibi id reperiatur, nec naturale, vitæ spiritualis acquirendæ, vel conservandæ, cum venialia nullum habeant cum gratia oppositionem, & vita spiritualis non acquiratur per venialium detestationem, nec amittatur per illorum commissionem. Dixi per se loquendo quia si quis ex ignorantia inuincibili putaret se esse in proximo peccandi mortaliter periculo, nisi venialia detestetur, eo casu ad id teneretur.

Sed dices, homo naturali præcepto tenetur gravissima, si potest, vitare mala temporalia; ergo etiam spiritualia; Atqui venialia peccata sunt maius malum, quam omnia damna temporalia; est enim maius malum vnum veniale, quam sit amissio temporalium,

famæ; honoris, divitiarum, & ipsius vitæ; ergo si tenetur homo vitare hæc gravissima damna temporalia, à fortiori tenebitur venialia vitare, quæ longe maiora sunt mala. Tunc quia videtur esse contra propriam charitatem non detestari venialia, ex quibus sequuntur in Purgatorio gravissimæ poenæ, priuatio per multum tempus divinæ visionis &c.

Respondetur quod peccata venialia sunt quidem gravissima mala, si comparentur per ordinem ad mala temporalia; non sic, si comparentur ad mala spiritualia culpæ, cum in omnium sententia in hoc ordine sint malum leve cum vitam non destruant gratiæ, cum divinam relinquunt amicitiam, &c. Unde licet peccatum veniale sit maius malum, quam sit quod libet damnum temporale, imo quam sit quodlibet malum poenæ spirituales; in suo tamen ordine conservat quod sit malum leve, ac subinde quod gravem non inducat detestationis obligationem.

Nec est contra charitatem graviter, quod quis velit gravissimè

uissimas subire Purgatorii pœnas, non detestando venialia, cum licet hæc pœna comparatiuè ad præsentis vitæ pœnas, sit grauissima, in se tamen, seu in ordine poenarum alterius vitæ est leuissima, quia licet intensiue grauior sit, quâ pœna inferni, illa tamen acer-

bitas parua censetur ex securitate diuinæ visionis: tã grande bonum est videre Deum, quod sola securitas videndi ipsum, facit quod grauissimæ pœnæ malum, & maius intensiue, quam sit malum pœnæ inferni, leue censeatur, & videatur.

Q V A E S T I O X I.

Quo tempore obliget contritionis præceptum.

Conueniunt communiter omnes, cōtritionis præceptum in duobus casibus obligare. Primus est, quando præsens, & euidens mortis occurrit periculum, quod potest à peccatore præuideri, vel de quo rationabiliter potest dubitare. Secundus est, quando ministrandum, vel suscipiendum est Sacramentum, in quo gratiæ status requiritur, nec adest Sacerdos, qui illius sacramentalem excipiat confessionem. Ratio primi patet ex dictis q. præcedenti, quia quilibet tenetur vitare certum æternæ damnationis periculum. Ratio se-

cundi ex sacramentorum sãctitate desumitur, cum summe dedeceat sancta pollutè pertractari, vt disput. 7. q. 5. de Sacramentis in genere ostendimus. his positis.

Prima sententia est, contritionis præceptum obligare statim post peccatum & quoties idem peccatum memoriæ occurrit, ita Aletis 4. p. q. 68. mem. 2. art. 2. §. 1. Gab. 4. dist. 14. q. 3. art. 3. dub. 2. quæ sententia licet nimis dura videatur fortissima tamen pro se habet argumenta, vt postea videbitur.

Secunda est, quod teneatur homo conteri omnibus diebus

diebus festis. Ita Sūma Angelica. v. feriæ. Pro hac refertur etiam Doctor subtilis. 4. dist. 27. art. 3. quatenus dicit obligari hominem actum elicere dilectionis Dei omnibus diebus festis, & per consequens tenebitur etiam conteri, cum hi duo actus per se simul fiât.

Tertia sententia est, non nisi in mortis articulo, vel periculo contritionis præceptū obligare, hanc tuentur post. Sotum 4. dist. 12. q. 2. art. 6. Caietanum Summa v. cōtritio, & plures recentiores; & licet Didacus Nugnus q. 2. supplē art. 3. dicat hanc sententiam, sicut & præcedentes, esse falsam & improbabilem, nihilominus cum iam sit ferè cōmunis probabilissima est, præsertim cum illam satis clare innuat Angelicus Doctor 4. dist. 17. quæst. 3. art. 1. quæstiunc. 4.

Nostra sententia sequenti explicatur conclusione. *Contritionis præceptum ultra articulum, vel periculum mortis, obligat etiam aliquando in vita, quando quis diu vivit non tamen obligat statim post peccatum, nec quando peccatum*

memoria occurret; nec in diebus festi. Hanc sententiam sequitur Nugnus loco citato Lugo hic disput. 7. nu. 234. post alios quos ibi refert, est que communis. Sed in temporis determinatione variant Theologi Nugnus dicit, quod qui maneret in aliquo mortali per octo, & fortè etiam per sex menses teneretur se accusare de huius præcepti violatione; quia cū hoc præceptum (inquit) sit strictius, quam præceptum cōfessionis & hoc obliget etiam iure diuino, semel in āno, quia valde probabile est, quod etiam si illud tempus non determinasset Ecclesia, ita diuino iure obligaret; sequitur, quod si contritionis præceptum strictius obliget, ad dictum tempus debeat determinari. Sed hæc sententia nimis angusta videtur, & contra communē fidelium vsum, qui etiam si per integrum annum non cōterantur non se accusant.

Mihi videtur media via in cedendum, quod nimirum hoc præceptum obliget tertio, vel quarto quoq; anno, ita quod si quis sine annua confessione

O tale

tale tempus in mortali transigeret, contra hoc præceptum faceret, ita in simili casu docuimus de præcepto sacre communionis in tract. de Eucharistia. Conclusionem sic explicatam probant omnia argumenta, quæ in fauorem primæ, & secundæ sententiæ adducentur. Deinde alijs probatur rationibus.

Prima ratio. Homo in peccato mortali existens per longum tempus, est in morali periculo labendi in alia nisi de primo conteratur; ergo naturali gratiæ iure tenetur contritionis actum ultra præfixum tempus non differre: consequentia tenet, quia vnus quisque tenetur grauissimum peccati malum, euitare, alioqui si amat tale periculum, peribit in illo. Antecedes prohdolor, quotidiana docet experientia; nam videmus in peccatis fordescentes, non solum prolabi in alia, & alia grauiora, verum etiam mortis tempore dolorem de illis non concipere. Si enim & illi qui ardentem honorem, vel voluptatem amant, etiam si peccata sua semel in anno,

imò etiam frequentius in confessione retractant, postea tamen data occasione, honoris, vel voluptatis, affectus inordinati vehementia relabuntur, quapropter diximus supra ab istis infirmis non oportere exigere, nec adeo distinctum propositum, nec adeo expressam peccatorum super omnia retractationem, nec esse expediens distinctè proponere tentationes, peccandi pericula, &c. quanto magis labentur illi, qui diu, sine vlla peccatorum retractatione manent?

Secunda ratio. Si quis in humanis, vsque ad mortem, offensæ satisfactionem differat; grauitè peccat, si prius talem commodè potuit ponere satisfactionem; grauitè peccat, qui inimici reconciliationem vsque ad mortem difert, &c. ergo etiam grauitè peccabit, qui vsque ad mortem, offensæ Deo illatæ, satisfactionem reseruat, cum euidenti periculo non satisfaciendi, neque tempore illo: grauitè peccabit ille, qui in inimicitia Dei vsque ad mortem perseuerare contendit:
certè

certe negari non potest, quin magnus intercederet Dei cōtēptus, gratiæ, & amicitia illius, in hac contritionis dilatione, vsque ad mortem.

Primum argumentum pro prima sententia desumitur ex diuersis sacrae Scripturę testimoniis, in quibus pœnitentię reprobatum dilatio. Isa. 65. *Omnes morte corrueitis pro eo, quod vocani, & non respondistis.* Ierem. 8. *Nullus est, qui negat pœnitentiam super peccato suo, non sunt confusi, erubescere nescierunt: idcirco cadent inter corruentes, dicit Dominus, &c.* idem dicitur alibi passim.

Respondetur sacram Scripturam procedere de illis, qui nimis differunt, vltra tēpus p̄fixum, vel melius, procedere de illis, qui in peccatis perseuerant actualibus, nō vero de simplici pœnitentię dilatione, de qua nostra procedit resolutio.

Secundum argumentum. Homo magis tenetur proprio prospicere bono, quam alieno; Atqui habita opportunitate tenemur proximo prospicere, ratione p̄cepti cor-

reptionis; ergo id ipsum esse debet respectu sui ipsius. Maior ex charitatis ordine constat, quæ alios, ex sui regula, respicere facit: iuxta illud, *diliges proximum tuum sicut te ipsum*; idest regula, & modus diligendi proximum erit modus quo diligis te ipsum. Minorem docent omnes in materiam correptionis fraternæ.

Respondetur concedendo maiorem. Deinde distinguenda est minor, tenemur quam primum data opportunitate, corripere proximū nostrum, ne in peccatum perseueret, vel ne labetur in futurum, & conceditur; tenemur quam primum corripere proximum, vt à peccato commissō resurgat, & negatur; ad hoc enim non tenemur, nisi quando & ipse tenetur; vnde si videamus aliquem non confiteri, vel non conteri de peccato, quando ad id tenetur, vt in mortis periculo; quando sacramenta ministrare, vel recipere debet, &c. tūc ad correptionem tenemur: similiter quando in peccato perseuerat, vel ne futurum com-

mittat, quia in istis duobus casibus id ipsum erga nos ipsos præstare tenemur.

Tertium argumētum. Homo obligatur vitare periculū morale peccandi mortaliter; atqui ille qui mortaliter peccauit nisi pœniteat, manet in periculo peccādi mortaliter; ergo pœnitere tenetur. Maior patet, alioqui peribit in illo periculo. Minor constat ex illo communi dicto Diui Greg. *Peccatum quod per pœnitentiam non deletur mox suo pondere ad aliud trahit*. Respōdetur hoc periculum non esse proximum, sed remotum, quod ex debito peccādi mortaliter non est remouendum; si tamen daretur casus, quod tale periculum, proximum esset, remoueri deberet.

Quartum argumētū. Homo graui laborans morbo tenetur corporalem adhibere medicinam; ergo à fortiori laborans morbo spirituali, si enim quis vitare tenetur mortem corporalem, à fortiori spiritualem. Respondetur concedendo antecedens, & negando consequentiam, ratio discriminis est, quia labo-

rans morbo corporali, nisi curationem adhibeat mors ipsa sequetur; non sic laborans morbo spirituali, cum sine nouo superaddito incommodo, supra illud quod primò induxit peccatum, possit in tali spirituali infirmitate, per aliquod tempus perseuerare.

Quintum argumentum. In humanis qui alium in honore, vel rebus offendit, tenetur statim restituere; ergo etiam qui in bonis externis, per peccata, Deum offendit. Respōdetur diuersam esse rationē inter Deum, & hominem, nā Deo nullum sequitur ex tali dilatione detrimentum, ut sequitur homini. Tum quia læsio illa hominibus facta est contra rigorosam iustitiam, vnde perpetuò clamat aduersus lædentem; at vero læsio facta Deo per peccatum non est nisi contra iustitiam imperfectum, & secundum quid, & ideo non est simile.

Sextum argumentum. Filius grauē Patri irrogat irreuerentiam, si non curet reconciliari eidem Patri, quē grauiter offendit; ergo etiam homo Deum grauiter offendit,

dit, si non curet quam primū, cum eo, per poenitentiam reconciliari. Respondetur tunc solum filium grauem Patri irrogare irreuerētiam, si cum malo interno affectu, in antiqua perseuerat offensa, secus si animum malum erga Patrē deponat, & animum petendi veniam habeat, licet hoc ex quadam pigritia, vel negligentia per aliquod tempus differat, præsertim cum tantum commercium cum eo nō habeat, secus esset si quotidie ante oculos Patris sisteretur. Ex quo infertur citius obligari illos ad contritionem, vt sunt Sacerdotes, & religiosi, qui quotidie manent coram oculis æterni Patris, orando, recitando, &c. quam alij.

Septimum argumentum. Qui per infidelitatis actum fidem amisit, tenetur quam primum ad illā reuerti; ergo ille, qui per peccatum mortale amisit gratiam, & charitatem, tenetur quam primum per contritionem illam recuperare. Antecedens concedunt communiter omnes de fide tractantes, pro quo vide-

ri potest Sanchez lib. 2. præcept. cap. 1. Suarez de fide disput. 13. sect. 5. Consequentia tenet ex paritate rationis.

Respondetur concedendo antecedens, & negando consequentiam, ratio discriminis est, quia maxima Deo irrogatur offensa, si ei dicenti, & asseueranti, statim non credatur; non sic, si statim non ametur; sicuti maxima Pontifici irrogaretur iniuria, si ei suum dictum sufficienter manifestatum non crederetur, sed in longū illius dicti credibilitas differatur, nō sic, si statim ac ab aliquo cognoscitur, non ametur. Vnde licet vtrūque præceptum, & fidei, & poenitentiae sit affirmatiuum, & suis solum obligent temporibus, vnum tamen temporum quo fidei præceptum obligat, est quando res fidei sufficienter manifestantur.

Octauum argumentū, quod est secundæ sententiæ fundamentum, est tale. In diebus festis tenetur homo colere Deum, sed ad hoc status gratiæ requiritur; ergo &c. Maior patet. Minor probatur ex illo

illo *Leuit. 23. Sabatum requie-*
tionis est, affligetisque animas
vestras, anima qua non fueris
afflicta peribis.

Respondetur concedendo
 maiorem, & negando mino-
 rem; præceptum namque cul-
 tus ab homine in mortali
 peccato existente adimpleri
 potest, vt docent Theologi.
 Ad illud *Leuit.* dicitur fuisse
 tunc temporis in aliqui-
 bus sabatis Iudæis præce-
 ptum, faciendi pœnitentiam,
 sed quia tale præceptum po-
 situm erat, pro tempore eo
 durauit, non modo.

Sed quæres primo, an ille
 qui est in periculo mortis, sa-
 tisfaciat contritionis præce-
 pto, si actum dilectionis Dei
 super omnia eliciat? Aliqui
 affirmatiuè respondēt sed ab-
 solutè concedi non debet, sed
 solum per accidens, si nimi-
 rum peccata memoriæ non
 occurrant, vt cum quis subi-
 to ad martyrium raperetur,

Quæres secundo an ille
 qui in mortis periculo cum
 sola confitetur attritione, sa-
 tisfaciat præcepto contritio-
 nis? Aliqui volunt quod non,

eo quod teneatur tunc tem-
 poris sententiam sequi tutio-
 rem, quæ est de confessione
 facienda cum contritione.
 Sed verius est post Tridenti-
 num sess. 14. cap. 4. Confes-
 sionem cum attritione cogni-
 ta esse sufficientem. Nec ve-
 rum est teneri hominem se-
 qui in nullo casu sententiam
 turiorem, sed sufficit sequi tu-
 tam, & probabilem, dum-
 modo probabilitas sit, non
 solum de valido, verum e-
 tiam de licito, vt alibi nota-
 uimus.

Quæres tertio, an quando
 quis grauissimis vrgetur ten-
 tationibus, vt credat se illas
 superare non posse, nisi per
 contritionem conuertatur in
 Deum, an ad id teneatur.

Respondetur affirmatiuè,
 tali supposita credulitate.
 Ratio est, quia licet ille talis
 absolutè, & simpliciter ad
 talem contritionis actum non
 teneatur cum alia non desint
 media ad tales superandas
 tentationes; eo tamen ipso,
 quod credit contritionis ac-
 tum esse vnicum medium
 ad talem finem obtinendum

con-

conscientia obligat vt exequatur.

Quæres quarto, an in lætali existens peccato, teneatur actum contritionis elicere tēpore publicæ calamitatis, putà belli, pestis &c. Respōdetur negatiuè, & ratio est, quia in his calamitatibus, mortis periculum licet respectu totius ciuitatis sit graua, & vicinum, tamen respectu huius, vel illius, potest non iudicari vicinum, sed remotum, & respectu singu-

lorum moraliter distans; censetur tamē periculum moraliter presens tempore pestis, respectu illorum, qui infectis deseruiunt, sicuti & tempore belli, respectu illorum militum, qui ciuitatem aggrediuntur, cum horum respectu, mortis periculum non solum sit commune, verum singulorum illorum proprium & non absens, sed moraliter presens. Et hæc de poenitentia virtute dicta sufficiant. Die 8. Aprilis 1656.



DISPUTATIO TERTIA DE POENITENTIA SACRAMENTO

Quoad eius institutionem, & quidditatem.

Varijs nominibus fuit olim à Sanctis Patri-
bus vocatū hoc Sa-
cramentum, ab aliquibus nā-
que vocabatur Baptismus la-
boriosus, ab alijs manuū im-
positio; ab alijs Sacramentum
absolutionis, ab alijs Sacra-
mentum confessionis, à Scho-
lasticis tamen communiter
Sacramentum Poenitentiae vo-
citur; Et merito quidem;
nam licet in hoc Sacramen-
to omnia dicta suo modo in-
tercedant, & potissimè abso-
lutio, & cōfessio, tamen prin-
cipaliter pro *Poenitentia* hoc
Sacramentum supponit; nam
sicut alia Sacramenta, non
pro forma supponunt, sed pro

materia, ita & hoc. Vnde sus-
cipientes hoc Sacramentum
Pœnitentes dicuntur. Non ne-
go tamen quin etiam vocari
possit Sacramentum confes-
sionis, & absolutionis; imo si
aliquis vellet breuiusculè hoc
Sacramentum definire, vt fa-
cile eius definitionem in me-
morizæ armariolo conseruare
posset, hoc modo definire de-
beret, Sacramentum Poeni-
tentiae, est *Sacramentum ab-
solutionis*, ita quod *Sacramen-
tum* loco generis ponatur, in
quo cum alijs cōuenit Sacra-
mentis: & *absolutionis* loco
differentiae, in quo ab alijs
differt, eo nanque ipso, quo
dico *absolutionis*, omnia, quæ
ad

ad illam ponendam necessaria (vt materia remota, & actus poenitentis) requiruntur, intelliguntur. Sed antequam

ad hoc Sacramentum propius accedamus eius institutionem inuestigemus; sic ergo.

Q V A E S T I O I.

An Sacramentum Pœnitentiæ fuerit à Christo Domino institutum.

EX septem Ecclesiæ Sacramentis nullum est, quod magis horreant hæretici quam Sacramentum poenitentiae; namque Cathari, seu Catharistæ (sic ironice dicti) hoc Sacramentum negabāt, eo quod putabant homines semel per Baptismi Sacramentum mundatos, non posse amplius gratiam amittere, sed semper mundos, purosque manere. Eodem principio hoc Sacramentum negant Anabaptistæ, vt auctor est Lyndanus in Panoplia euangelica lib. 4. Nouatiani hoc idem negarunt Sacramentum, ex alio tamen principio, quia nimirum putabant poenitentiae locum non esse peccantibus post Baptismi receptionem,

Tandē Lutherani, & Calvinistæ negant hoc Sacramentum, quia putant omnino esse superfluum, cum vt ipsi volunt ad delenda peccata, quæ post Baptismum committuntur, sufficiat eiusdem Baptismi memoria.

Nostra sententia sequenti explicatur conclusione. *Pœnitentia illa, quæ iuxta Ecclesiæ ritum, poenitentes sua manifestant peccata Sacerdoti legitimo, cum debito dolore, & absolutione Sacerdotis eiusdem accedente, est verum Sacramentum à Christo Domino institutum.* Hæc conclusio est de fide, vt patet ex definitione Concilij Constantiensis sess. 15. Florentini in Decreto Eugenij. Et tandem Tridentini sess. 14. cap. 1. vbi dicitur:

P
cirur:

ciatur: *Quoniam autem Deus, dives in misericordia, cognovit fomentum nostrum, illis etiam vite remedium contulit, qui sese postea in peccati servitutem, & demonis potestatem tradidissent. Sacramentum videlicet pœnitentiæ, quo lapsi post Baptismum, beneficium mortis Christi applicatur. Et can. 1. eiusdem sess. dicitur: si quis dixerit, in Catholica Ecclesia Pœnitentiæ non esse verè, & propriè Sacramentum, pro fidelibus, quoties post Baptismum in peccata labuntur, ipsi Deo reconciliandis, à Christo Domino nostro institutum: anathema sit.*

Probatur primò conclusio ex illis Christi Domini verbis Ioan. 20. *quorum remisistis peccata, remittuntur eis, & quorum retinueritis retenta sunt.* Ex quibus verbis duo colliguntur, quæ ad rationem Sacramenti propriè dicti constituendam necessaria sunt; nimirum externus ritus, divinitus, non humanitas institutus; & promissio gratiæ iustificantis, illi ritui annexæ; Sacramentum nanque duo ex necessitate habere debet, & quod sit symbolum, seu signum ex-

ternum, practicè signans gratiam, & illam practicè causans, nisi obex ponatur, vt de Sacramētis in genere disp. 1. q. 1 & infra docuimus ex cōmuni Theologorum, & fidelium sēsus; ex illis autem verbis utrunq; colligitur, & gratiam signari, & signatam effici; seu ex illis verbis colligitur, quod debeat dari aliquod sensibile, quod gratiā signat, & efficiat; quod sic ostendo; nam cum Christus Dominus in illis verbis potestatem dederit Apostolis remittendi peccata, debuit hoc facere medio aliquo signo externo, ad hoc vt homines, qui corporei sunt, per illud intelligerent, sibi peccata remitti: quomodo nanque homines scire possent sibi peccata remitti, nisi medio aliquo sensibili, voce nimirum, vel signo aliquo externo? Potest id ipsum probari ex illo Matt. 16. *Tibi dabo claves regni cœlorū, & quodcumque solueris super terram erit solutum, & in cœlis, &c.* quo testimonio vtitur D. Thomas q. 87. ar. 7. ad probandam huius Sacramēti institutionem. Item D. Ambros. lib. 1.

lib. 1. de Penit. cap. 6. & 7. D. Aug. tract. 124 in Ioan. Relinquo varia hæreticorum responsa, quia facili negotio enervari possunt.

Probatur secundo, quia homo non debet esse minus prouisus in spiritualibus, quam sit in naturalibus, atqui in naturalibus habet per quod vires deperditas restauret; ergo id ipsum habere debet in spiritualibus. Maior certa est, gratia nanque imitatur naturam, & perficit. Minor patet; nam videmus, quod post infirmitatem habet homo innatam virtutem per quam vires, per infirmitatem deperditas, restaurat. Consequentia ex præmissis bene sequitur. Certè ridiculum esset dicere hominem habere quod possit vires naturales deperditas recuperare, & non habere in via spirituali, quo possit easdem vires spirituales deperditas, restaurare? Et sicut id, per quod vitam primò acquisiuit spiritualem, fuit remedium sensibile diuinitus institutum; ita & remedium ad hanc vitam reparandam, signum sensibile esse debet

ex Christi Domini institutione relictum.

Probatur tertio Christus Dominus prouidit de remedio sensibili, pro peccatis infidelium delendis, nimirum de Sacramento Baptismi, per quod infidelium peccata dimittuntur; ergo etiam conueniens fuit, quod prouideret fideles de aliquo remedio sensibili, per quod facile eorum peccata deleantur; hoc est Sacramentum penitentiae; ergo &c. Antecedens est de fide: licet enim infideles potuissent per actum contritionis, vel dilectionis iustificari, ut iustificabantur homines in lege antiqua, tamen remedium erat valde difficile, & conueniens erat, quod daretur remedium facile, per quod reciperent infideles suorum remissionem peccatorum, & fideles fierent. Ita pariformiter, licet fideles, qui gratiam amittunt baptismalem peccando, possent illam per contritionem perfectam, vel per dilectionem, similiter perfectam acquirere; tamen erat valde difficile, cum pauci sint, qui ad tales actus perfectos

pluralibus simul acceptis, siue sit genus, siue sit species, tres enim homines non sunt animal, sed animalia. Unde cum tres partes pœnitentiæ non sint tres pœnitentiæ, sed una, non potest esse quod sint partes subiectiua. Et sic patet Sacramentū pœ-

nitentiæ esse vnum specie infima, & solo numero plurificari; quomodo autē ille partes à Sacramento pœnitentiæ importentur, seu quomodo vnum constituent Sacramentum, explicabitur q. sequenti.

Q V A E S T I O II.

In quo Sacramentum Pœnitentiæ essentialiter consistat.

Alij solent hanc questionem hoc modo proponere, quænam sint partes essentielles Sacramenti pœnitentiæ: alij sic, pro quo pœnitentiæ Sacramentum supponat; sed in idem reddunt. Sunt de hac re variz Theologorum sententiæ.

Prima sententia est, pœnitentiæ Sacramentum solam materiā essentialiter importare, non quidem remotam, sed proximam, & sunt actus pœnitentis, nempe contritio, siue perfecta, siue imperfecta, & confessio; Hanc sententiā sequuti sunt plures ex antiquis, putantes in concretis

artificialibus solam materiā esse essentialē, & in recto importari, formam vero in obliquo, & vt connotata.

Secunda sententia ex opposito docet, solam formam esse de essentia Sacramenti pœnitentiæ, cōtritionem vero, & confessionem, solum requiri, vt quid præuium; satisfactionem vero, vt quid consequens. Hanc sententiam sequitur Doctor subtilis in 4. dist. 14. q. 4. & alij aliqui post ipsum.

Tertia sententia est, contritionem, cōfessionem, & absolutionem esse de huius Sacramenti essentia. Hanc sequuntur

quantur plerique moderni , præsertim Lugo hic dispu. 12. num. 20.

Nostra sententia sequenti explicatur conclusione. *Sacramentum pœnitentia essentialiter solum dicit materiam, & formam, nempe confessionem, & absolutionem; licet in obliquo indispensabiliter connotet contritionem, siue perfectam, siue imperfectam; satisfactionem, vero solum connotet, ut quid illatum, non quidem essentialiter, sed integraliter tantum.* Hæc est communis Theologorum sententia cum D. Thoma hic q. 84. art. 1. ad 2. ubi dicit: *In pœnitentia est aliquid quod est Sacramentum tantum, scilicet actus exterius exercitus, tamper peccatorem pœnitentem, quam etiam per Sacerdotem absoluentem; res autem, & Sacramentum, est pœnitentia interior peccatoris, res autem tantum, & non Sacramentum, est remissio peccati, quorum primum totum simul sumptum est causa secundi; primum autem, & secundum sunt quodammodo causa tertij.*

Quibus verbis totam explicat conclusionem. Cum

enim id solum ad essentiam pertineat Sacramenti, in quo consistit Sacramentum tantum, nimirum quod significat, & non significatur; & hoc per D. Thomam non contritioni conveniat, quia hæc est res, & Sacramentum simul, quia & significatur, & significat, significatur per confessionem, & absolutionem; significat, peccati remissionem; sed confessioni, & absolutioni, quia hæc significant, & non significantur, sequitur quod sola confessio, & absolutio sint essentialiter, & in recto Sacramentum, contritio vero solum ut connotatum indispensabiliter importatum requiratur. De satisfactione nulla est apud D. Thomam difficultas, cum luce clarius sit hanc Sacramentum supponere, & non nisi ad eius integritatem pertinere. Et ibidem Angelicus sequenti art. in corpore habet. *Duplex est materia scilicet proxima, & remota. sicut statua proxima materia est metallum, remota vero aqua; dictum est autem, quod materia proxima huius Sacramenti sunt actus pœnitentis, cuius materia sunt pecca-*

pluralibus simul, acceptis, siue sit genus, siue sit species, tres enim homines non sunt animal, sed animalia. Unde cum tres partes pœnitentiæ non sint tres pœnitentiæ, sed una, non potest esse quod sint partes subiectiua. Et sic patet Sacramentū pœ-

*nitentiæ esse vnum specie in-
fima, & solo numero plurifi-
cari; quomodo autē ille par-
tes à Sacramento pœniten-
tiæ importentur, seu quomo-
do vnum constituent Sacra-
mentum, explicabitur q. se-
quenti.*

Q V A E S T I O II.

*In quo Sacramentum Pœnitentiæ essentia-
liter consistat.*

Alij solent hanc quæstio-
nem hoc modo propo-
nere, quænam sint partes es-
senciales Sacramenti pœni-
tentiæ: alij sic, pro quo pœ-
nitentiæ Sacramentum sup-
ponat; sed in idem reddunt.
Sunt de hac re variz Theo-
logorum sententiæ.

Prima sententia est, pœni-
tentiæ Sacramentum solam
materiā essentialiter impor-
tare, non quidem remotam,
sed proximam, & sunt actus
pœnitentis, nempe contritio,
siue perfecta, siue imperfecta,
& confessio; Hanc sententiā
sequuti sunt plures ex anti-
quis, putantes in concretis

artificialibus solam materiā
esse essentialem, & in recto
importari, formam vero in
obliquo, & vt connotata.

Secunda sententia ex op-
posito docet, solam formam
esse de essentia Sacramenti
pœnitentiæ, cōtritionem ve-
ro, & confessionem, solum re-
quiri, vt quid præuium; satisf-
factionem vero, vt quid con-
sequens. Hanc sententiā se-
quitur Doctor subtilis in 4.
dist. 14. q. 4. & alij aliqui post
ipsum.

Tertia sententia est, con-
tritionem, cōfessionem, & ab-
solutionem esse de huius Sa-
cramenti essentia. Hanc se-
quuntur

quantur plerique moderni ,
præsertim Lugo hic dispu. 12.
num. 20.

Nostra sententia sequenti
explicatur conclusione. Sa-
cramentum pœnitentia essen-
tialiter solum dicit materiam,
& formam, nempe confessionem,
& absolutionem, licet in obliquo
indispensabiliter connotet con-
tritionem, siue perfectam, siue
imperfectam; satisfactionem
vero solum connotet, ut quid
illatum, non quidem essentia-
liter, sed integraliter tantum.
Hæc est communis Theolo-
gorum sententia cum D. Tho-
ma hic q. 84. art. 1. ad 2. ubi
dicit: *In pœnitentia est aliquid
quod est Sacramentum tantum,
scilicet actus exterius exerci-
tus, tam per peccatorem pœni-
tentem, quam etiam per Sacer-
dotem absoluentem; res autem,
& Sacramentum, est pœnitentia
interior peccatoris, res autem
tantum, & non Sacramentum,
est remissio peccati, quorum
primum totum simul sumptum
est causa secundi; primum au-
tem, & secundum sunt quodam-
modo causa tertij.*

Quibus verbis totam ex-
plicat conclusionem. Cum

enim id solum ad essentiam
pertineat Sacramenti, in quo
consistit Sacramentum tan-
tum, nimirum quod significat,
& non significatur; & hoc per
D. Thomam non contritioni
conueniat, quia hæc est res, &
Sacramentum simul, quia &
significatur, & significat, si-
gnificatur per confessionem,
& absolutionem: significat,
peccati remissionem; sed confe-
ssioni, & absolutioni, quia
hæc significant, & non signifi-
cantur, sequitur quod sola
confessio, & absolutio sint es-
sentialiter, & in recto Sacra-
mentum, contritio vero solū
ut connotatum indispensabi-
liter importatum requiratur.
De satisfactione nulla est
apud D. Thomam difficultas,
cum luce clarius sit hanc Sa-
cramentum supponere, & non
nisi ad eius integritatem per-
tinere. Et ibidem Angelicus
sequenti art. in corpore habet.
*Duplex est materia scilicet pro-
xima, & remota. sicut statua
proxima materia est metallum,
remota vero aqua; dictum est
autem, quod materia proxima
huius Sacramenti sunt actus
pœnitentis, cuius materia sunt
pecca-*

pluralibus simul, acceptis, siue sit genus, siue sit species, tres enim homines non sunt animal, sed animalia. Unde cum tres partes pœnitentiæ non sint tres pœnitentiæ, sed una, non potest esse quod sint partes subiectiua. Et sic patet Sacramentū pœ-

*nitentiæ esse vnum specie in-
fima, & solo numero plurifi-
cati; quomodo autē ille par-
tes à Sacramento pœniten-
tiæ importentur, seu quomo-
do vnum constituent Sacra-
mentum, explicabitur q. se-
quenti.*

Q V A E S T I O II.

*In quo Sacramentum Pœnitentiæ essentia-
liter consistat.*

Alij solent hanc quæstio-
nem hoc modo propo-
nere, quænam sint partes es-
senciales Sacramenti pœni-
tentiæ: alij sic, pro quo pœ-
nitentiæ Sacramentum sup-
ponat; sed in idem reddunt.
Sunt de hac re variæ Theo-
logorum sententiæ.

Prima sententia est, pœni-
tentiæ Sacramentum solam
materiā essentialiter impor-
tare, non quidem remotam,
sed proximam, & sunt actus
pœnitentis, nempe contritio,
siue perfecta, siue imperfecta,
& confessio; Hanc sententiā
sequuti sunt plures ex anti-
quis, putantes in concretis

artificialibus solam materiā
esse essentialem, & in recto
importari, formam vero in
obliquo, & vt connotata.

Secunda sententia ex op-
posito docet, solam formam
esse de essentia Sacramenti
pœnitentiæ, cōtritionem ve-
ro, & confessionem, solum re-
quiri, vt quid præuium; satisf-
factionem vero, vt quid con-
sequens. Hanc sententiam se-
quitur Doctor subtilis in 4.
dist. 14. q. 4. & alij aliqui post
ipsum.

Tertia sententia est, con-
tritionem, cōfessionem, & ab-
solutionem esse de huius Sa-
cramenti essentia. Hanc se-
quuntur

quantur plerique moderni ,
præsertim Lugo hic dispu. 12.
num. 20.

— Nostra sententia sequenti
explicatur conclusione. Sa-
cramentum pœnitentia essen-
tialiter solum dicit materiam,
& formam, nempe confessionem,
& absolutionem, licet in obliquo
indispensabiliter connotet con-
tritionem, siue perfectam, siue
imperfectam; satisfactionem
vero solum connotet, ut quid
illatum, non quidem essentia-
liter, sed integraliter tantum.
Hæc est communis Theolo-
gorum sententia cum D. Tho-
ma hic q. 84. art. 1. ad 2. ubi
dicit: *In pœnitentia est aliquid
quod est Sacramentum tantum,
scilicet actus exterius exerci-
tus, tamper peccatorem pœni-
tentem, quam etiam per Sacer-
dotem absoluentem; res autem,
& Sacramentum, est pœniten-
tia interior peccatoris, res autē
tantum, & non Sacramentum,
est remissio peccati, quorum
primum totum simul sumptum
est causa secundi; primum au-
tem, & secundum sunt quodā-
modo causa tertij.*

Quibus verbis rotam ex-
plicat conclusionem, Cum

enim id solum ad essentiam
pertineat Sacramenti, in quo
consistit Sacramentum tan-
tum, nimirū quod significat,
& non significatur; & hoc per
D. Thomam non contritioni
conueniat, quia hæc est res, &
Sacramentum simul, quia &
significatur, & significat, si-
gnificatur per confessionem,
& absolutionem: significat,
peccati remissionem; sed con-
fessionem, & absolutionem, quia
hæc significant, & non signifi-
cantur, sequitur quod sola
confessio, & absolutio sint es-
sentialiter, & in recto Sacra-
mentum, contritio vero solū
ut connotatum indispensabi-
liter importatum requiratur.
De satisfactione nulla est
apud D. Thomam difficultas,
cum luce clarius sit hanc Sa-
cramentum supponere, & non
nisi ad eius integritatem per-
tinere. Et ibidem Angelicus
sequenti art. in corpore habet.
*Duplex est materia scilicet pro-
xima, & remota. sicut statua
proxima materia est metallum,
remota vero aqua; dictum est
autem, quod materia proxima
huius Sacramenti sunt actus
pœnitentis, cuius materia sunt
pecca-*

pluralibus simul acceptis, siue sit genus, siue sit species, tres enim homines non sunt animal, sed animalia. Unde cum tres partes pœnitentiæ non sint tres pœnitentiæ, sed una, non potest esse quod sint partes subiectiua. Et sic patet Sacramentū pœ-

*nitentiæ esse vnum specie in-
fima, & solo numero plurifi-
cati; quomodo autē ille par-
tes à Sacramento pœniten-
tiæ importentur, seu quomo-
do vnum constituent Sacra-
mentum, explicabitur q. se-
quenti.*

Q V A E S T I O II.

*In quo Sacramentum Pœnitentiæ essentia-
liter consistat.*

Alij solent hanc quæstio-
nem hoc modo propo-
nere, quænam sint partes es-
senciales Sacramenti pœni-
tentiæ: alij sic, pro quo pœ-
nitentiæ Sacramentum sup-
ponat; sed in idem reddunt.
Sunt de hac re variz Theo-
logorum sententiæ.

Prima sententia est, pœni-
tentiæ Sacramentum solam
materiā essentialiter impor-
tare, non quidem remotam,
sed proximam, & sunt actus
pœnitentis, nempe contritio,
siue perfecta, siue imperfecta,
& confessio; Hanc sententiā
sequuti sunt plures ex anti-
quis, putantes in concretis

artificialibus solam materiā
esse essentialem, & in recto
importari, formam vero in
obliquo, & vt connotata.

Secunda sententia ex op-
posito docet, solam formam
esse de essentia Sacramenti
pœnitentiæ, cōtritionem ve-
ro, & confessionem, solum re-
quiri, vt quid præuium; satisf-
factionem vero, vt quid con-
sequens. Hanc sententiam se-
quitur Doctor subtilis in 4.
dist. 14. q. 4. & alij aliqui post
ipsum.

Tertia sententia est, con-
tritionem, cōfessionem, & ab-
solutionem esse de huius Sa-
cramenti essentia. Hanc se-
quuntur

quantur plerique moderni ,
præsertim Lugo hic dispu. 12.
num. 20.

Nostra sententia sequenti
explicatur conclusionē. Sa-
cramentum pœnitentiæ essen-
tialiter solum dicit materiam,
& formam, nempe confessionē,
& absolutionem; licet in obliquo
indispensabiliter connotes con-
tritionem, siue perfectam, siue
imperfectam; satisfactionem
vero solum connotes, ut quid
illatum, non quidem essentia-
liter, sed integraliter tantum.
Hæc est communis Theolo-
gorum sententiā cum D. Tho-
ma hic q. 84. art. 1. ad 2. ubi
dicit: In pœnitentiā est aliquid
quod est Sacramētum tantum,
scilicet actus exterius exerci-
tus, tamper peccatorem pœni-
tentem, quam etiam per Sacer-
dotem absoluentem; res autem,
& Sacramentum, est pœniten-
tia interior peccatoris, res autē
tantum, & non Sacramentum,
est remissio peccati, quorum
primum totum simul sumptum
est causa secundi; primum au-
tem, & secundum sunt quodā-
modo causa tertij.

Quibus verbis totam ex-
plicat conclusionem. Cum

enim id solum ad essentiam
pertineat Sacramenti, in quo
consistit Sacramentum tan-
tum, nimirū quod significat,
& non significatur; & hoc per
D. Thomam non contritioni
conueniat, quia hæc est res, &
Sacramentum simul, quia &
significatur, & significat, si-
gnificatur per confessionem,
& absolutionem: significat,
peccati remissionem; sed con-
fessionem, & absolutionem, quia
hæc significant, & non signifi-
cantur, sequitur quod sola
confessio, & absolutio sint es-
sentialiter, & in recto Sacra-
mentum, contritio vero solū
ut connotatum indispensabi-
liter importatum requiratur.
De satisfactione nulla est
apud D. Thomam difficultas,
cum luce clarius sit hanc Sa-
cramētum supponere, & non
nisi ad eius integritatem per-
tinere. Et ibidem Angelicus
sequenti art. in corpore habet.
Duplex est materia scilicet pro-
xima, & remota. sicut statua
proxima materia est metallum,
remota vero aqua; dictum est
autem, quod materia proxima
huius Sacramenti sunt actus
pœnitentis, cuius materia sunt
pecca-

excitentur, ideo debuit illis de remedio facili providere pro suorum remissione peccatorum, quod est pœnitentiæ Sacramentum, in quo homo cum sola peccatorum attritione iustificatur. Soluuntur argumenta in contrarium.

Primum argumentum est Caluini in sua Harmonia euangelica ad cap. 20. S. Ioan. ad illa verba Christi Domini.

Accipite Spiritum sanctum, quorum remiseritis peccata remittuntur eis &c. Vbi dicit Calvinus, quod Christus Dominus per illa verba dedit tantum Apostolis potestatem prædicandi Euangelium, & annunciandi remissionem peccatorum à se factam; ergo non instituit aliquod Sacramentum, per quod peccata delerentur.

Respondetur falsum esse Christum Dominum non instituisse tunc temporis hoc Sacramentum; licet enim ante passionem illud promississet, cum dixit Matth. 16. *Tibi dabo claves regni celorum, & quodcumque ligaueris super terram &c.* Et Matth. 18. *Amen dico vobis quaecumque alligaueritis super terram erunt ligata,*

& in celo, & quaecumque solueritis super terram, erunt soluta, & in celo. Suam tamen promissionem fuit tantum executus post resurrectionem, quando Apostoli iam erant Sacerdotes creati ab eo, & pretium nostræ redemptionis omnino solutum, & solum restabat quod per sacramenta hominibus explicaretur.

Secundum argumentum hæreticorum; de Sacramenti ratione est, quod verbo constet, & elemento, iuxta illud Augustini, *accedit verbum ad elementum, & fit Sacramentum*; Sed in hoc catholicorum ritu, nullum interuenit elementum, seu signum externum; nec Christus Dominus ullum præscripsit verbum, ergo &c.

Respondetur ex dictis, suum dari in hoc Sacramentum elementum, & verbum, ut ex sequentibus patebit magis; nec verum est, quod Christus Dominus nullum præscripserit verbum, cum ex huius Sacramenti institutione id expressè colligatur; cum enim hoc Sacramentum sit institutum per modum iudicii, in quo pœnitens partes agit, & rei,

&c

& testis, & Sacerdos iudicis, sequitur, quod sicut in externo iudicio iudex proferre debet sententiam, vel liberationis, vel condemnationis, ita id ipsum facere debet in interno, & secreto iudicio, & sic accedet verbum ad elementum, & fiet Sacramentum. Et licet absolutionis verbum non ita expressè in sacris habeatur litteris, manifestè tamen, ut patet, colligitur, & ex perpetua habetur traditione, & Ecclesiæ praxi; sicuti hoc modo habemus formam Sacramenti Baptismi, & aliorum ferè cæterorum.

Maneat ergo hoc Sacramentum à Christo Domino fuisse institutum, non in statu innocentiae, ut malè aliqui omnium Magistro Petro Lombardo dist. 22. attribuunt, cū ibi loquatur non de Sacramento poenitentiae, sed de poenitentia ipsa, quæ tunc temporis originem habuit cū fuerit tunc primo Parenti infusa. Nec etiam in Paradiso, cum dixit Deus Adamo: *Adam ubi es?* vel quando quæsiuit à Cain: *Ubi es? Abel frater tuus:* vel cū dixit Iosue ad Achor:

filij da gloriam Deo Israel, & cōfitero, ac indica mihi quid feceris, ne abscondas. Nec à D. Iacobo c. 5. cum dixit: *Confitemini alterutrum peccata vestra, & orate pro inuicem, ut saluemini.* Vel ab Ecclesia per generalem consuetudinē ut quidam dixerunt hæretici, vel in aliquo Concilio; sed ut dixi à solo Christo D. hoc Sacramentum institutū fuit, licet per Apostolos, & per Diuum Iacobum fuerit expressius, & clarius promulgatum.

Sed quæres, an hoc Sacramentum sit vnum, vel plura? Aliqui dixerunt Sacramentū poenitentiae esse vnum genere, & habere tres partes subiectiuas nempe cōtritionem, confessionem, & satisfactionem; Sed hos bene impugnat Doctor Angelicus 4. dist. 16. q. 1. art. 1. quæstiunc. 3. dicens. *Quidam dicunt quod sunt partes subiectiuæ, vno modo considerando poenitentiam, secundum quod habet tantum rationem pœnæ, quia qualibet harum partium est priuatio quedam. Sed hoc non potest esse, quia totum vniuersale non predicatur in singulari de suis partibus plura.*

pluralibus simul acceptis, siue sit genus, siue sit species, tres enim homines non sunt animal, sed animalia. Unde cum tres partes pœnitentiæ non sint tres pœnitentiæ, sed una, non potest esse quod sint partes subiectiua. Et sic patet Sacramentū pœ-

nitentiæ esse vnum specie infinita, & solo numero plurificari; quomodo autē ille partes à Sacramento pœnitentiæ importentur, seu quomodo vnum constituent Sacramentum, explicabitur q. sequenti.

Q V A E S T I O II.

In quo Sacramentum Pœnitentiæ essentialiter consistat.

Alij solent hanc questionem hoc modo proponere, quænam sint partes essentielles Sacramenti pœnitentiæ: alij sic, pro quo pœnitentiæ Sacramentum supponat; sed in idem reddunt. Sunt de hac re variz Theologorum sententiæ.

Prima sententia est, pœnitentiæ Sacramentum solam materiā essentialiter importare, non quidem remotam, sed proximam, & sunt actus pœnitentis, nempe contritio, siue perfecta, siue imperfecta, & confessio; Hanc sententiā sequuti sunt plures ex antiquis, putantes in concretis

artificialibus solam materiā esse essentialē, & in recto importari, formam vero in obliquo, & vt connotata.

Secunda sententia ex opposito docet, solam formam esse de essentia Sacramenti pœnitentiæ, cōtritionem vero, & confessionem, solum requiri, vt quid præuium; satisfactionem vero, vt quid consequens. Hanc sententiā sequitur Doctor subtilis in 4. dist. 14. q. 4. & alij aliqui post ipsum.

Tertia sententia est, contritionem, cōfessionem, & absolutionem esse de huius Sacramenti essentia. Hanc sequuntur

quantur plerique moderni ,
præsertim Lugo hic dispu. 12.
num. 20.

Nostra sententia sequenti
explicatur conclusione. Sa-
cramentum pænitiæ essen-
tialiter solum dicit materiam,
& formam, nempe confessionē,
& absolutionem; licet in obliquo
indispensabiliter connotet con-
tritionem, siue perfectam, siue
imperfectam; satisfactionem
vero solum connotet, ut quid
illatum, non quidem essentia-
liter, sed integraliter tantum.
Hæc est communis Theolo-
gorum sententia cum D. Tho-
ma hic q. 84. art. 1. ad 2. ubi
dicit: *In pænitiæ est aliquid
quod est Sacramentum tantum,
scilicet actus exterius exerci-
tus, tam per peccatorem pæni-
tentem, quam etiam per Sacer-
dotem absoluentem; res autem,
& Sacramentum, est pæniten-
tia interior peccatoris, res autē
tantum, & non Sacramentum,
est remissio peccati, quorum
primum totum simul sumptum
est causa secundi; primum au-
tem, & secundum sunt quodā-
modo causa tertij.*

Quibus verbis totam ex-
plicat conclusionem. Cum

enim id solum ad essentiam
pertineat Sacramenti, in quo
consistit Sacramentum tan-
tum, nimirum quod significat,
& non significatur; & hoc per
D. Thomam non contritioni
conueniat, quia hæc est res, &
Sacramentum simul, quia &
significatur, & significat, si-
gnificatur per confessionem,
& absolutionem: significat,
peccati remissionem; sed confe-
ssioni, & absolutioni, quia
hæc significant, & non signifi-
cantur, sequitur quod sola
confessio, & absolutio sint es-
sentialiter, & in recto Sacra-
mentum, contritio vero solū
ut connotatum indispensabi-
liter importatum requiratur.
De satisfactione nulla est
apud D. Thomam difficultas,
cum luce clarius sit hanc Sa-
cramentum supponere, & non
nisi ad eius integritatem per-
tinere. Et ibidem Angelicus
sequenti art. in corpore habet.
*Duplex est materia scilicet pro-
xima, & remota. sicut status
proxima materia est metallum,
remota vero aqua; dictum est
autem, quod materia proxima
huius Sacramenti sunt actus
pænitentis, cuius materia sunt
pecca-*

peccata, de quibus dolet, & qua confitetur, & pro quibus satisfaciis. Vnde relinquitur quod materia remota pœnitentiæ sint peccata, non acceptanda, sed detestanda, & destruenda. Cū autem sacramenta rebus, & verbis constare debeant, tanquam ex materia, & forma, vt de Sacramentis in genere disput. 2 q. 1. fusè docuimus, sequitur quod ad Sacramenti pœnitentiæ essentiam pertinere debeat, & cōfessio quæ est pœnitentis actus, tanquā materia; & absolutio, quæ est actus ministri huius Sacramenti, tanquam forma. Videatur sanctus Doctor 4. cōtra Gent. cap. 72. vbi doctrinam traditam elegantissimè explicat.

Quod yltra confessionem, & absolutionem requirantur ex parte pœnitentis etiā contritio siue perfectā, siue imperfectā, & satisfactio docet Tridentinum sess. 14. can. 4. vbi dicitur: *si quis negauerit ad integram, & perfectā peccatorum remissionem requiri tres actus in pœnitente, quasi materiam Sacramenti pœnitentiæ, videlicet contritionem, cō-*

fessionem, & satisfactionem, qua tres partes pœnitentiæ dicuntur, &c. anathema sit.

Quod autem contritio explicata debeat de necessitate supponi, admittunt omnes, & benè, quia cum hoc Sacramentum sit institutū per modum iudicij, seruare debet iudicij humani conditiones, inter quas vna est, quod reus signum aliquod doloris ostēdat de patrato, delicto. si enim cognosceretur voluntatē habere obstinatam, & complacentiam de delicto commissio, non fieret ei remissio, quin potius tāquam illa indignus, iuxta iuris rigorem puniretur. Ita similiter in hoc Sacramenti pœnitentiæ iudicio, requiritur, quod reus (si vult absolutorem recipere sententiā) aliqua doloris signa ostendat &c.

Quod autem satisfactio nō nisi vt connotatum integrale requiratur, patet, quia sicut in iudicio externo pœnæ, vel mulctæ impositio de necessitate non requiritur, sed sine illa perfici potest, imò aliquādo perficitur. Ita & in nostro iudicio, talis pœnæ, vel satisfactio.

factionis impositio nō requiritur, sed sine illa perfici potest; & aliquando perficitur, vt in mortis articulo cōtingit.

Quod modo explicata cōtritio non sit huius Sacramēti pars essentialis, nec importe-
tur in recto, nec pro illa pœnitentiæ Sacramentum supponat, rationibus agendo, sic contra Lugum ostendo.

Prima ratio, ex analogia huius Sacramenti ad iudiciū externum, desumpta, quam ille auctor, & alij omnes admittunt, sic efformatur. Illæ sunt partes essentielles, & in recto importatæ sacramenti pœnitentiæ (quod est quoddam spirituale iudiciū) quæ sunt tales in iudicio; externo; sed in iudicio externo partes essentielles sunt solū rei accusatio, & iudicis sententia, & non dolor rei de commissio delicto; ergo id ipsum dici debet de iudicio pœnitentiali. Maior docetur ab omnibus, & colligit Ecclesiæ traditio, & communis sanct. Patrum sensus, ex illo Ioan. 20. *quorū remiseritis peccata remittuntur eis*. Vbi vt definit Tridentinū

sess. 14. can. 3. Christus Dominus hanc potestatem iudicandi, & relaxandi peccata, dedit Sacerdotibus, tanquam iudicibus. Minor etiam satis clara videtur; nam in tantum rei accusatio, vel criminis manifestatio in externo iudicio requiritur, in quantum hoc necessarium est, ad hoc vt iudex sententiam proferat; nō enim potest iudex iuridicē sententiam proferre, de eo quod ignorat; imō nec de eo, quod solus ipse iudex, tāquam persona priuata vidit, vel probē nouit, sed debet in delicti notitiam deuenire, per notitiam sibi tanquam iudici intimatā; Atqui in ordine ad hoc, est perinde quod reus de proprio doleat delicto; ergo &c.

Nonne potest iudex reum absoluerē, etiamsi de delicto non doleat, vel complacentiam habeat? Certē nullus iudex punit reum, quia complacentiam de patrato delicto habet. sed quia legis transgressor fuit, & ad rectam reipublicæ gubernationem, & conseruationē pertinet, quod delicta puniātur, vt sic homines ab illis patrandis arceantur.

Q. tur,

rar, nil profus curando, præfertim quoad iudicij essentiã, quod reus habeat, vel nō habeat delicti patrati complacentiam. Vnde si quis delicti fingeret displicentiam, & ob id à iudice absolueretur, certè benè absolutus esset, quod non contingeret iuxta sensum Luganæ sententiæ.

Secunda ratio. Illud pertinet intrinsecè, & essentialiter, & in recto ad Sacramentum pœnitentiæ, quod est intrinsecè, & essentialiter, & in recto sensibile; sed contritio secundum se non est talis; ergo intrinsecè, & essentialiter, & in recto ad essentiam Sacramenti pœnitentiæ non pertinet. Maior clara est per dicta de Sacramentis in genere disput. 1. q. 1. & 2. ubi ostendimus, quod licet possit Deus aliquod instituere Sacramentum, quod esset signū insensibile, de facto tamen omnia sacramenta sūt symbola, seu signa sensibilia rei sacræ, nempe gratiæ sanctificantis. Minor etiam clara est; nam contritio cum sit actus voluntatis nequit esse de se, & in recto sensibilis, sed solum

fieri potest sēibilis per aliud.

Confirmatur hoc argumētum, quia id quod est Sacramentum, & res sacramenti, seu quod significatur, & significat, non potest esse in recto ipsum Sacramentum; sed contritio est res, & Sacramentum; ergo nō potest esse ipsum sacramentum, vel pars essentialis illius in recto importata. Maior ex se clara videtur, nā in sacramentis omnibus, sacramentum tantum distinguitur à Sacramento, & re sacramenti per hoc quod significat, & non significatur, non enim implicat quod una & eadē res solum significet, & non significetur, & quod significet, & significetur. Minor est D. Thomæ in primo testimonio relato, & est communis sensus Theologorum, & ipsius etiam Lugonis; ergo.

Tertia ratio: nō potest esse minus sensibilis forma sacramenti pœnitentiæ, quam sit materia eiusdem; sed forma est omnino sensibilis formaliter, & in recto, solum in obliquo, & connotatiuè afferre habet insensibilitatem, scilicet potestatem, & intentionem,

nem; ergo etiam id ipsum de eius materia dici debet. Maior est clara in Philosophia; vniuersaliter nanq; videmus in compositis omnibus siue physicis, siue artificialibus, seu artefactis, formam semper esse materia ipsa abstractiorem, & ratio ipsa id dicit, tum quia à forma, specifica desumitur vnitas, à materia numerica, species autem abstractior est indiuiduis. Tū quia forma limitando materiae potētiālitatem illam eleuat, & perficit; at vero materia contrahendo formam, illā deprimit. Minor luce clarior est, nec hucusque aliquis dixit formam huius, nec aliorū sacramentorum in recto, & essentialiter aliquid spirituale, & insensibile importare, sed solum supponere.

Quarta ratio; si contritio, seu dolor de peccatis intrinsecè, & essentialiter, & in recto requireretur ad pœnitentiæ sacramentum constitutendum, maximè quia confessio, quæ est pars intrinseca, sine eo solueri non potest; atqui hæc ratio est nulla; ergo &c. Maior ab aduersarijs admit-

titur, vt videre est apud Lugum num. 21. cum enim de huius sacramenti essentia sit, quod confessio sit dolorosa, & hæc sine dolore saluari nō possit, sequitur, contritionem in tantum intrinsecè ad Sacramenti pœnitentiæ constitutionem pertinere, in quantum sine illa confessio saluari non potest. Minor ostenditur, quia si ob hanc rationem contritio ad Sacramentum pœnitentiæ intrinsecè pertinet, sequitur quod etiam peccata quæ cōsentur ad idem pœnitentiæ Sacramētum intrinsecè pertineant; non enim minus esse potest confessio sine dolore, ac sine peccatorū narratione, imò hæc magis intrinsecè ad confessionem pertinet, quam dolor, cum hic ab illa valeat separari, secus peccatorum narratio.

Respondet Lugo, quod plyphicè loquendo negari non potest, quin præteritio peccati aliquo modo intret in obliquo ad constituendum Sacramentum hoc, vt omnino conuincere videtur argumentum. Sed hæc solutio est contra eundem auctorem; cum

Q 2 enim

enim ipse velit peccatū præteritum nō esse nisi quid morale, contra se loquitur dum dicit physicè pertinere ad huius Sacramenti constitutionem. Sed quidquid de hoc sit, aliter impugnatur illa solutio, nam Tridentinum sess. 14. cap. 3. ita loquitur: *Sunt autem quasi materia huius Sacramenti ipsius pœnitentis actus, nempe contritio, confessio, & satisfactio; qui quatenus in pœnitente ad integritatem Sacramenti ad plenamque, & perfectam peccatorum remissionē ex Dei institutione requiruntur, hac ratione pœnitentiæ partes dicuntur. Sanè vero res, & effectus huius Sacramenti, quantum ad eius vim, & efficaciam pertinet reconciliatio est cum Deo, &c.* Vbi ut vides Concilium non alias partes componentes hoc Sacramentum ex parte pœnitentis vult esse, nisi contritionem Confessionem, & satisfactionem; imò manifestè docet peccata non aliter adhuc Sacramentum pertinere, nisi ut effectus illius, seu nisi prout per illud destruuntur, ut ex vltimis verbis citatis colligere liquet.

Respondet ille, quod dum Concilia assignāt illos tres actus pro materia pœnitentiæ, præsertim confessionem, in obliquo assignant peccata, cum confessio sine peccatis veris esse non possit. Sed ut hanc solutionem falsitatis euincamus nota ex D. Thoma supra in secundo testimonio relato, quod peccata sunt quidem materia huius Sacramenti, sed remota, & actus pœnitentis proxima, rursus quod peccata non sint quomodo Sacramenti pœnitentiæ materia remota, sed destruenda, nō acceptanda, non compones: Hoc posito, sic datam impugno solutionem: ex mente Conciliorum, & Sanctorum Patrum, peccata sunt materia destruenda, & detestanda in pœnitentiæ Sacramento; ergo non possunt esse materia componens illud, etiam in obliquo. Antecedens patet ex se, & ex ipsa iudicii natura, vbi rei peccata, & delicta, sunt materia punienda, & hoc modo ad iudiciū pertinent, non materia iudicium ipsum componens. Consequentia etiam videtur clara
nam

nam implicat eandem materiam respectu eiusdem iudicij. esse materiam destruendam, & componendam, alioqui idem tenderet in sui ipsius destructionem; aliud nanque est rei confessionem esse iudicij partem, & aliud est, ipsum delictum confessum, esse eiusdem iudicij partem, etiam in obliquo importatam, cum delictum non confiteatur, ut iudicium componat, sed ut per ipsum destruat, vel puniatur. Non offero argumentum in fauorem sententiæ Luganæ, quia nulla sunt, & si quod fieri potest, ex dictis facile solui poterit; possunt afferri aliqua argumenta, quæ aliquam præferunt apparentiam, in fauorem secundæ sententiæ, quæ tenet solum absolutionem esse de huius Sacramenti essentia.

Primum argumentum est, quia in alijs Sacramentis actus suscipientis ad Sacramenti essentiam non pertinet; ergo neque in hoc Sacramento pertinebunt, ac subinde sola absolutio, quæ est ministri actus, huius sacramentis essentia erit.

Respondetur transcat antecedens, quia fortè potest

esse difficultas de Sacramento Ordinis, an nimirum eius materia proxima sit sola Episcopi traditio, an etiam ordinati receptio. Deinde negatur Cōsequentia; ratio discriminis est, quia hoc Sacramentum, ut ex dictis liquet, est institutum per modum iudicij, ad cuius essentiam non solum iudicis sententia, ut forma requiritur, verum etiam delicti manifestatio, ut materia.

Secundum argumentum, quod ex præcedenti inferitur est, quia si Sacramentum penitentiae coalesceret etiam ex confessione tamquam ex materia proxima, & essentiali, sequeretur, quod & huius Sacramenti gratia, & peccatorum remissio, non esset in virtute clauium, non esset à Sacerdote solum, sed etiam à poenitente; & sic de ipso poenitente, secundum quod huius Sacramenti proximam exhibet materiam, dici posset, quod sibi gratiam causet sacramentalem, quod sibi peccata remittat, quod sibi poenitentiae Sacramentum administret; hæc omnia videntur falsa, & à sensu, & communi

loquēdi modo fidelium aliena; ergo.

Respondetur negari non posse confessionem pœnitentis, nō concurrere etiam, tanquam partem minus principalem (per modum scilicet materiæ) ad gratiam in ipso pœnitente causandam, quia tamen totum hoc fit in virtute clauium, in virtute potestatis, quam habet Sacerdos ad delenda peccata; ideoque non dicitur pœnitens in se ipso gratiā causare; sibi peccata remittere, sicut nec dicitur se ipsum absoluerē; sed solum concurrere dicitur ut præbens materiam, quæ simul cum forma tanquam cū potiori, & nobiliori parte cōcurrat ad componendum pœnitentiæ Sacramentum, quod habet hæc munia præstare in virtute tamen clauium, quæ in ipso Sacerdote, tanquam in Christi Domini ministro reperiuntur.

Tertium argumentum est, quia in veriori, & cōmuniori D. Thomæ, & Thomistarum sententia, quam nos de Sacramentis in genere fusè defendimus, nouæ legis Sacra-

menta instrumentaliter physice gratiam causant in suscipiente, sed pœnitens per confessionem, gratiam in se ipso, eo modo instrumentaliter nō causat; ergo &c. Minor videtur clara ex communi fidelium sensu. Respōdetur quod licet actus nostri præcisè gratiam physice non causent, illā tamen causant, ut sunt partes Sacramenti, ut dictum est, & nisi aliunde ponatur ob ex.

Circa satisfactionem quā diximus esse partem dumtaxat integram Sacramenti pœnitentiæ, vnum occurrit breue dubiolum, an nimirum debeat esse sensibilis, ita quod teneatur Confessarius imponere satisfactionem sensibilem, an vero possit etiam imponere satisfactionem insensibilem, ut v.g. quod quis oret per tantum tempus mentaliter, quod recitet vnū Miserere mentaliter &c. Aliqui cum Alense 4. p. q. 84. mem. 2. art. 1. Almaino 4. dist. 15. q. 1. dicunt satisfactionem debere esse per se sensibilē, nec posse esse aliquid mentale: Verius tamen respondetur cū alijs satisfactionem posse esse aliquid

aliquid spirituale, & mentale, quod sufficiēter fiet sensibile per ipsam Sacerdotis impositionem, & pœnitentis acceptionem. Et meritò quidem quia cum satisfactio nō sit pars essentialis huius Sa-

cramenti, sed integralis dumtaxat, non est necesse, quod sit in se formaliter, & in recto sensibilis, sed sufficit quod sit aliquo modo talis, vt proportionaliter de contritione, seu dolore theologizati sumus.

Q V A E S T I O III.

*Quanam sit materia remota Sacramenti
Pœnitentiæ.*

PRæcedēti quæstione materiam huius Sacramēti proximam explicuimus, quæ est ipsius pœnitentis actus, modo explicato, licet enim rigorosè loquendo sola confessio sit huius Sacramēti materia proxima, tamen etiam contritio requiritur, tanquam quid in obliquo importatum; & satisfactio tanquam quid illatum; ideoque de sola materia purè remota, non quidè amplectenda, sed insectanda, sed destruenda, sed detestanda, præsens procedit quæstio.

Pro quo nota ex D. Thoma art. 2. q. 84. rei materiam duplicem distingui posse, vnā ex qua, quæ totius ingreditur compositionem, vt lignum,

ars, &c. respectu statuar; alteram circa quam, ars, scientia, vel artifex occupatur, vt infirmitas tollenda respectu Medici, vulnus curandum respectu Chirurgi, coloratum respectu visus, quæ in præsentī difficultate remota materia vocatur. Idem Angelicus 1. 2. q. 55. art. 4. aliam assignat materiam, nempe in qua, & est subiectum in quo talis res exercetur, & in præsentī, pœnitens ipse, materia in qua dicetur, cum pœnitentia in ipso subiectetur.

Conueniunt ergo Thologi materiam ex qua pœnitentiæ Sacramentum componitur, esse pœnitentis actus, vt quæstione præcedenti explicuimus,

mus, & formam huius compositi esse absolutionem, vt quæstione sequenti dicitur. Difficultas præsens solū procedit de materia circa quam, seu remota Sacramenti pœnitentiæ, de qua,

Dico primo. *Materia circa quam, seu remota Sacramenti Pœnitentiæ est actuale peccatū post Baptismum commissum.* Est omniū Catholicorum sententia, pro qua videri potest D. Thomas art. 2. citato in corpore, & in solutione ad tertium.

Probatur primo: illa est materia remota, seu circa quam, Sacramenti pœnitentiæ, circa quam destruendam hoc Sacramentum occupatur. Atqui hoc sacramentum occupatur in destruendo peccato actuali post Baptismum commissio; ergo. Maior ex dictis patet. Minor probatur, quia, vt benè aduertit D. Thomas citatus, peccatum originale ad hoc non pertinet sacramentum, sed est materia per Baptismum destruenda.

Probatur secundo: illa est materia huius sacramenti remota, quæ hoc sacramentum

non componit, sed per ipsum destruitur, per potestatem à Christo Domino datā; atqui Christus Dominus solum dedit Sacerdotibus potestatem destruendi peccata post Baptismum commissā; ergo sola hæc sunt huius sacramenti materia remota. Minor in qua est difficultas probatur; nā lo. 20. talis datur potestas Sacerdotibus remittendi peccata, quales promiserat Christus Matt. 18. Atqui hoc loco Matthæi solum promiserat dare facultatem dimittendi peccata fidelium, de illis namque solū loquebatur, vt colligere liquet ex illo verbo *dic Ecclesie*; ergo. Tū quia, vt docet D. Thomas supra, pœnitere est eorum quæ nostra voluntate commisimus, peccatum autē originale non est sic: Vnde licet possimus originale peccatum detestari, in quantum nos Dei constituit inimicos, vt faciebat Dauid cum dicebat psalm. 50. *Ecce enim in iniquitatibus conceptus sum, & in peccatis concepit me mater mea*, non tamen est huius Sacramenti materia remota, seu circa quam cum sub nostra

stra non cadat retractatione; sed solum est materia remota sacramenti Baptismi, sicut & omnia alia peccata, quæ ante ipsum Baptismum committuntur.

Dico secundo *inter peccata actualia, quæ post Baptismum committuntur, peccata mortalia sunt materia necessaria, venialia vero sufficiens*. Est de fide, ut videre est in Tridentino sess. 14. cap. 5. & can. 7. Ratio est quoad mortalia, quia Christus Dominus hoc sacramentum instituendo, voluit, quod solum per illud, vel per ordinem ad illud baptizaturum peccata dimitterentur; unde si quando per contritionem perfectam, vel dilectionem dimittantur, remaneat obligatio illa subiiciendi huic sacramento. Ratio vero quoad venialia est; quia in illis vera offensæ ratio reperitur, ut supra ostendimus; ob idque diximus, venialia esse propria, licet non necessaria poenitentiae virtutis materia; ita pariter ob eandem rationem sunt

propria poenitentiae sacramenti materia, licet non necessaria; solum enim primario est hoc sacramentum institutum pro mortalibus delendis; cū sit secunda post naufragium tabula, deinde etiam pro venialibus.

Dico tertio *peccata siue mortalia, siue venialia solum quoad rationem culpæ, sunt huius Sacramenti materia remota, non vero quoad reatum poenæ, licet secundo, & ratione remissionis culpæ, etiam poenæ aeternæ in mortalibus remittantur*; ratio clara est, quia illa est primario materia huius sacramenti remota, super quam primario cadit absolutio, sed hæc primario cadit supra culpam; ergo hæc primario, & per se primo est huius sacramenti materia remota, ob idque diximus quæstione precedenti satisfactionem esse dumtaxat partem huius Sacramenti integram; cū hæc ad poenæ tendat deletionem, ut postea dicetur.

Q V A E S T I O IV.

*Quenam sit Sacramenti Pœnitentiæ legitima
forma, ubi aliæ difficultates resol-
uuntur.*

EXplicata vtraque huius sacramenti materia, proxima nimirum, & remota, formam illius explicemus oportet. Pro cuius explicatione nota in hoc cōuenire omnes, qui hoc admittunt sacramentum, vti sunt fideles omnes, quod huius sacramenti forma, sit iuridica à peccatis absolutio, præcindendo ab hoc, quod sit, vel non sit verbalis, ita docent Scholastici omnes, cū Magistro, & Theologi cum D. Thoma hic q. 48 art. 3. & docet Tridentinum sess. 14. cap. 6. vbi habet. *Quisvis autem absolutio Sacerdotis, alieni beneficii sit dispensatio, tamen non est solum nudum ministerium, vel annunciandi Euangelium, vel declarandi remissa esse peccata; sed inftar actus iudicialis, quo ab ipso, vel à iudice sententia pronunciat.*

Conueniunt etiam omnes hanc iuridicam peccatorum absolutionē debere esse verbalem, licet P. Suarez hic pro opposita sententia referat Paludanū, Petrū Soto, Syl. Nauarum, & alios, dicentes absolutionem fieri posse signis, nutibus &c. quos ab hac P. Suarez censura liberat viros hos omnino catholicos, Didacus Nugnus, cum non sit credibile tales tantosque viros doctissimos, & sapientissimos Concilij Florētini ignorasse definitionem in decreto super vnionem Græcorum, & Armenorum, statuentis huius sacramenti formam esse illa verba, quæ profert Sacerdos, *ego te absoluo*; est etiam hæc veritas definita in Tridentino sess. 14. cap. 3. vbi dicitur: *Docet præterea sancta Synodus, Sacramenti pœnitentiæ formam, in qua præcipue eius vis sita est,*

est, in illis ministri verbis positum esse: ego te absoluo.

Sed dices primò, quia hoc sacramentum per modum iudicij institutum est, atqui iudicium humanum saluari essentialiter potest per sententiam signis, & nutibus prolata; ergo hoc idein de hoc spiritali iudicio dicendum erit. Respondetur esse quidè hoc Sacramentum per modū iudicij institutum, sed specialem habet absolutionis formam, vt quandoque in alijs etiam præscribitur iudicijs; si enim princeps stature potest in suis iudicijs specialem formā seruādam, quare id ipsum non potuit facere Christus? imò & de facto fecit, vt ex Concilijs, & PP. & ex perpetuo Ecclesiæ vsu, constat.

Dices secundò: accusatio in alijs iudicijs, imò, & in hoc scriptis fieri potest; ergo etiā absolutio. Respondetur ex dictis negando consequentiā, expressior nanque significatio in forma requiritur, quam in materia requiratur sacramentorum. Et licet in matrimonio signa, & nutus sufficiant, non tamen in alijs sa-

cramentis, vt constat ex perpetuo Ecclesiæ vsu, quæ nutibus non baptizat, nec Sacerdotes consecrāt, &c. ratio autem ob quam nutus, & signa in matrimonio sufficiant, est specialis huius sacramenti ratio, quia nimirum, est contractus humanus, in quo verba solum requiruntur, vt internus exprimat consensus, qui cum sufficienter alijs modis exprimi possit, quam per verba, sine istis fieri potest, nec voluit Christus ad verba hoc sacramentum coarctare, ne aliquis habilis ad humanam propaginem excluderetur, vt sunt muti. His positis: præsentis quæstionis difficultas ad hoc reuocatur, vt videamus quænam verba essentialiter requirantur ad huius sacramenti essentialiam.

Rituale Romanum sequentia præscribit verba *Misereatur tui omnipotens Deus, & dimisis peccatis tuis perducatur te ad vitam æternam, Amen.* Deinde Sacerdos eleuata manu dextera dicit: *Domine N. I. Christus te absoluat & ego &c.* Deinde, *ego te absoluo à peccatis tuis in nomine*

Patris, & Filij &c. Postea subiungit. *Passio Domini N. Iesu Christi &c.* Est certum apud omnes illa verba *Misereatur tui &c.* Dominus noster &c. quæ dicuntur ante absolutionis formam; & illa alia quæ dicuntur post absolutionem, nimirum passio D.N.I.C. etiã sine peccato veniali relinqui posse; cum vt docet Tridentinum sess. 14. cap. 3. solum *laudabiliter adiungantur de Ecclesia more.* de reliquis verbis nempe, *ego absoluo te à peccatis tuis in nomine Patris, & Filij, & Spiritus sancti*, est aliqua inter Theologos difficultas. Nam Durandus in 4. dist. 22. q. 2. vult omnia illa esse necessaria. Gab. dist. 14. q. 2. vult ista esse necessaria: *ego absoluo te ab omnibus peccatis tuis.* Sed Rituale Romanum illam particulam *ab omnibus* abstulit, cum contingere possit, imò frequenter contingat, quod quis de venialibus non doleat, vel non de omnibus. Alij volunt omnia ista verba esse necessaria *ego absoluo te à peccatis tuis.* Alij ex opposito volunt sufficere verbum *absoluo*; vnde si quis,

fit in periculo mortis, & deberet absolui à censura, & peccatis posset Sacerdos illud verbum proferre cum intentione absoluendi prius à censura, deinde à peccatis, ita tenere videtur Sotus in 4. dist. 22. q. 1. art. 1. §. postremū tēdem dubium, & aliqui alij.

Nostra sententia sequenti explicatur conclusione. Legitima, & essentialis sacramenti pœnitentiæ forma, est *Absoluo te*, est communis. Habetur in Tridentino sess. 14. cap. 3. Illam docet D. Thomas, & omnes Theologi hic q. 84. art. 3.

Probatur ratione qua vtitur D. Thomas loco mox citato, quia illa est forma cuiuscunque sacramenti, quæ habet significare, id quod fit in illo; sed ista verba *te absoluo* significant id quod fit in hoc sacramēto; ergo hæc est sufficiens forma huius sacramēti. Maiorem probat Angelicus inductione facta in alijs sacramentis; quia enim in Baptismo fit animæ ablutio, ideo dicitur; *te baptizo* &c. Et quia in Confirmatione datur ipirituales vires ad fidem

con-

constanter sustinendam, propterea eius forma est, *configno te signo crucis, & confirmo te chrismate salutis, &c.* ergo cum id quod fit in hoc sacramento sit peccatorum absolutio, eius forma sufficiens erit: *Absoluo te*. Licet enim hæc verba applicari possint ad plures absolutiones, quæ fieri possunt, tamen posita peccatorum confessione, & alijs circumstantijs, sufficienter determinantur ad peccatorum absolutionem significandam. Vnde persona ministri sufficienter exprimitur per verbum, *Absoluo*: persona poenitentis per particulam *te*: materia remota, nempe peccata à quibus poenitens absoluitur, per eadem verba, secundum quod in hijs circumstantijs proferuntur &c.

Sed quæres primo, quale peccatum sit relinquere illas particulas *ego*, & à *peccatis tuis*: omnes magis communiter dicunt, non esse peccatum mortale illas relinquere; plures tamen volunt esse veniale; ego dicerem, illum non peccare venialiter per se loquendo, qui diceret *absoluo te à*

peccatis tuis, secus si solum diceret *absoluo te*, cum sit contra communem Ecclesie praxim, licet non videatur esse in materia grauis.

Quæres secundo, an hæc forma pronuciari debeat modo enunciatiuo, vel deprecatoriuo? Respondeo cum D. Thoma loco citato, & opus. 15. debere proferri enunciatiuè, & si aliter proferatur, absolutio erit nulla. Vnde si quis dicat *Absoluat te Christus, vel Deus, vel absoluaris à Deo*; vel (vt quidam confessarius ignarus dicebat *Dominus noster Iesus Christus te absoluat in nomine Patris, & Filij &c.* Qui dum illum corripere, pertinaciter dicebat illam formulam esse sufficientem pro venialibus, non pro mortalibus) absolutio est nulla. Ratio D. Thomæ est, quia Sacerdos in hoc sacramento est iudex; iudex autem non profert sententiam deprecatoriè, sed absolutoriè. Quod si dicas in sacramento extremæ unctionis, forma est deprecatoriua; ergo etiam in hoc sacramento. Respondet D. Thomas opus. citato: *seruatur autem hoc pro-*

pro-

propter auctoritatē sacra Scriptura: dicitur enim Iacobi 5. *Oratio fidei saluabit infirmum, & alleviabit eum Dominus, & si in peccatis sit remittentur eis. Vbi etiam ratio huius singularis observantiæ assignari videtur. In alijs enim sacramentis nihil corporaliter agitur, quod non statim ex operatione ministri sequatur; sic statim in baptismo fit ablutio corporalis, quæ spiritualement designat, & sacramentaliter causat. Sanatio autem corporalis non statim sequitur ex unctione, sed petitur præstanda à Deo. Vnde & interior sanatio, quæ per eā signatur sub deprecatione à Domino deponitur. In sacramento autem pœnitentiæ verba scriptura, quæ maximè sunt scèdanda non faciunt mentionē de aliqua deprecatione, sed magis verbo indicativo vtitur. Non enim dicit: *Quæcunque petieris esse soluenda erunt soluta, sed quæcunque solueris erunt soluta.* Hæc D. Thomas. Effet tamen valida absolutio si reuerentiæ causā dicas, absoluo Dominationem vestrā, Sanctitatem vestram, Maiestatem vestram, &c. Quia for-*

ma hæc non est deprecatoria, sed absoluta. Similiter est valida per verba æquivalentia, vt si quis dicat remitto tibi peccata tua, relaxo peccata tua &c. videantur quæ diximus de Sacramentis in genere disput. 2. q. 3. & 4. Sed Ecclesiæ ritus semper seruandus est.

Quæres 3. an forma absolutionis dari possit in sensu imperatiuo, vt dicendo. *Absoluaris, vel absoluitur Petrus &c.* Similiter fidicatur volo absoluaris, placet te absolui? Et respondeo affirmatiuè ratio est, quia illa absolutionis forma est sufficiens ad valorem Sacramenti, quibuscunque verbis proferatur, quādo per illam actus iudicis, sententiā decisiuam proferentis, quo pœnitens à peccatis soluitur, sufficienter significatur, atqui totum hoc soluitur in verbis illis imperatiuis; dum namque dico *absoluaris* & persona ministri implicatur, & virtualiter ibi exprimitur persona quæ absoluitur; cum idem sit dicere *absoluaris* ac *absoluo te*, quoad inclusionem personæ Sacramentum recipientis.

Quæ-

Quæres 4. an effectus huius Sacramenti producat per sola illa verba *Absoluo te*, quando simul cum alijs proferuntur verbis, quæ cum illis implicantur, ut *ego*, & à peccatis tuis vel etiam omnia concurrant? Et respondeo, quod cum illa verba *Absoluo te*, quando solitariè proferuntur, suum producant effectum, prout sibi alia duo implicant, & virtualiter continent, scilicet *ego*, & à peccatis tuis, sequitur quod si hæc duo verba *ego*, & à peccatis tuis expressè ponantur, simul cū alijs suum producent effectum, & sic tūc temporis omnia illa assumuntur, ut peccata remittant. Unde reiciendus est Lugo hic disput. 13. nu. 34. oppositum sentiens. Cum enim ista verba *ego absoluo te à peccatis tuis*: sint realiter idem cum istis *absoluo te*, & in tantum ista sufficient in quantum omnia illa continent, & solum differant secundum maiorem, & minorem expressionem, sequitur quod si hæc duo verba *absoluo te* peccatorum faciunt remissionem, etiam omnia illa, nempe *ego absoluo te &c.*

si enim illud *ego* virtualiter expressum concurrat ad peccatorum faciendam remissionem, quare non etiam concurret, quando expressè ponetur? cum sit regula generalis, quod id, quod ad aliquem concurrat effectum, ut est virtualiter tale, à fortiori concurret, quando erit formaliter tale; si namq; calor virtualis, qui reperitur in spiritibus vini, habet stomachum calefacere, à fortiori id ipsum præstabit calor formalis, ut liquis vinum ebulliensumat &c.

Sed dices cum Lugo, quod ex nostra sententia sequeretur, quod si aliquis postquam dixit *ego absoluo te à peccatis*, relinqueret *tuis*, non absolveret, cum propositio non sit adhuc completa. Respondetur quod quando omnia illa verba proferuntur, omnia eleuantur ad suum effectum producendum, quando vero non omnia; dummodo sint essentialia, semper producet effectus, cuius rei optimum habemus exemplum in sententia D. Thomæ & Thomistarum, ut videre est apud N. Cōplut. in Logica de quantitate discreta,

creta, vltima nanq; vnitas est forma numeri, & cum non sit maior ratio, quod vna sit vltima, quam alia, illa habebit hoc munus præstare, cui contigit ratio vltimæ. Ita in præfenti cum forma absolutionis perfici possit per aliquod ex illis verbis, vt si quis dicat *ego à peccatis tuis te absoluo*, per hoc vltimum forma completur; si dicat *ego absoluo te à tuis peccatis*, ly *peccatis*, erit vltimum formæ complemētum, & sic de alijs.

Quæres 5. an absolutionis forma possit cōditionatè proferri? Hanc difficultatem fusè examinauimus de Sacramentis in genere dip. 7. q. 9. Ideoque illam breuiter resoluemus. Dic ergo. Validum esse pœnitentiæ Sacramentū si eius forma sub conditione de præseti, vel præterito subsistente proferatur, quia nec suspendit effectum, nec sensū, nec efficit aliquid illa conditio, quod valori formæ, & Sacramenti, officere possit. Imo aliquando licitum est talem apponere conditionem, vt si confessarius dubitaret, an verba protulerit absolutionis, cū

tali conditione, & validè, & licitè posset conditionem apponere, vel vocaliter expressa, vel mente concepta: *Si nō es absolutus ego te absoluo* &c. Similiter si dubitaret Confessarius, an ea, quæ pœnitens cōfiteatur (vt contingit in personis valde spiritualibus, & in pueris) sint peccata, posset validè, & licitè absolutionis formā sub conditione proferre: videlicet *si ea quæ confessus es sunt materia sufficiens ego te absoluo* &c. Nullotamen modo valet hoc Sacramentū per formam cum conditione de futuro, quia hæc suspendit effectum, sensum, & Sacramentum, vt loco citato probauimus; vbi etiam assignauimus differentiam huius, & aliorū Sacramentorū, à matrimonio.

Quæres sexto, an absolutio possit dari absenti? Ante decretum Clem. VIII. anno 1602. erat multorum Theologorum opinio, vt Paludani dist. 17. q. 2. Petri Soto lect. 11. de Confess. Siluest. V. Confess. 3. Medina C. de Confess. q. 15. & aliorum, qui dicebant absolutionem validè conferri posse absenti, imò & licitè, en-

necessitatis tēpore. Sed modo hæc sententia nō est amplius probabilis, propter eiusdem Pontificis decretum quod est sequentis tenoris. *Sanctissimus Dominus noster &c. remature, ac diligenter considerata, hanc propositionem, scilicet licere per litteras, seu inter-nuncium Confessario absenti peccata sacramentaliter confiteri, & ab eodem absente absolutionem obtinere, ad minus uti falsam, temerariam, & scā-daliosam damnavit ac prohibuit præcepitque ne unquam aliquo casu tamquam probabilis desedatur.* Sed de hoc infra de cō-fessione.

Quæres septimo, an abso-lutionis forma possit à pluri-bus ministris proferri? Hanc difficultatem pertractauimus in tract. de Baptismo disput. 3. q. 4 & 5. ubi docuimus tan-quam certū idem Sacramen-tum posse à pluribus confici ministris, quando omnes tan-quam causæ, totales, & inde-pendentes formam pronun-ciant, secus quando tamquā causæ partiales. Solum hic v-num restat suggerendum, fa-cilius posse hoc sacramētum,

à pluribus ministris ministrari quam alia non solum successi- uē (cum luce clarius sit ean- dem materiā dari posse pluri-bus iudicibus iudicandam; unde potest quis venialia pec- cata, imò & mortalia pluries clauibus subijcere, & absolu-tionem ab illis obtinere) ve-rum etiam simul, ut cum quis in naufragio peccata sua cō-fitetur pluribus Sacerdotibus audientibus, & ab illis omni-bus beneficium recipit abso-lutionis. Cum enim hoc sa-cramentum per modum iu-dicii sit institutum, & eadem causa possit à reo pluries pro-poni cognoscēda pluribus iu-dicibus, sequitur, quod si alia sacramenta possunt à pluri-bus ministris ministrari, etiam hoc poterit.

Dubium esse posset, an tūc temporis fiat vnum tantum, vel plura poenitentiae sacra-menta. Respondet Lugo hic disput. 13. nu. 164. esse plura. Sed contrarium prorsus est asserendum præsertim in sen-tentia D. Thomæ; nam cum non possint esse duo poenitē-tiae sacramenta specie distin-cta, ut omnes tradunt; neque

duo numero, cum implicet duo accidentia solo numero distincta in eodem recipi subiecto, patenter sequitur esse vnum, & idem numero sacramentum, quando quis simul à pluribus absoluitur mini-

stris, secus si fiat successiue, cū eadem materia, vt dictum est, possit pluribus inseruire iudicijs. An autem possint eo casu ministri dicere *nos te absolui-*
mus, vel ego te absoluo &c. loco citato explicuimus.

Q V A E S T I O V.

Quem sensum habeant illa verba: Absoluo te.

R Elieto nostri temporis hæreticorū errore, qui dicunt horum verborum *Absoluo te*, sensum alium nō esse, quam declaro te esse absolutum, vel per fidem conceptā, vel per verbum prædicationis: sententias refero catholicorum.

Prima sententia est Abulensis in prima parte sui defensorij cap. 5. & 6. qui vult, quod per *Ly absoluo te*, culpæ, vel pœnæ æternæ remissio nō significetur, sed quod significetur dumtaxat remissio reatus, seu obligationis ad pœnam; cuius fundamenta postea soluentur.

Secunda sententia est, quod *Ly te absoluo*, non significet, quod Sacerdos re vera ab-

soluat à pœna, vel à culpa, sed solum declarat pœnitentem esse à Deo absolutum, ac subinde quod hoc sacramentum efficax non sit, nisi quando iam ante homo per contritionem perfectam à Deo absolutus fuit. Hæc sententia magistro tribuitur sententiarum 4 dist. 18. Alense ibidē q. 80. mem. 1. & 2. Bonauart. 2. q. 1. & 2. & alijs antiquis, quorum fundamenta postea adducuntur, & soluentur.

Nostri sententia sequenti explicatur conclusione. *Sacramenti pœnitentiæ forma: nempe absoluo te, faciunt istum sensum: ego vicē Christi, seu vt Christi Domini minister, & iudex ab eo constitutus, de facto,*

facto, & practice absoluo te à peccatorum culpis, seu remitto tibi peccatorum tuorum culpas, & subinde poenas aeternas illis debitas. Vel breuius cum D: Thoma q. 84 art. 3. ad 5. & in idē reddit: *absoluo te, id est sacramentum absolutionis tibi impendo.* Hæc conclusio est vera, & communis inter catholicos.

Probatur primò ex illis Christi Domini verbis Io. 20. *quorum remisistis peccata remittuntur eis, & quorum retinueritis retenta sunt;* nam hic apertè datur potestas Sacerdotibus absoluendi à peccatis; atq; hæc exercetur in poenitentiae sacramento per Sacerdotem, media absolutionis formæ; ergo. Maior patet, nam potestas dimittendi peccata, non est potestas dimittendi reatum, seu obligationem ad poenam peccatis debitam; non est declarare hominem à Deo esse absolutum, sed est potestas dimittendi peccata quoad culpam, & subinde quoad poenam.

Cōfirmatur primò hoc argumentum; nam Christus Dominus eo loco Ioan. eam de-

dit Sacerdotibus potestatem circa peccata, quam ipse habebat, vt D. notat Chrysostomus lib. 3. de sacerdotio dicens: *Patrem omnisariam filio potestatem dedisse; & eandem ipsi omnisariam potestatem à Deo filio, Sacerdotibus esse traditam.* Atqui Christus Dominus habuit à Patre potestatem non solum absoluendi à peccatorum reatu, & declarandi hominem à peccatis per Deum esse absolutum, sed veram, & propriam habuit potestatem absoluendi à peccatorum culpis; ergo eandem dedit Sacerdotibus: vnde videmus quod eodem modo loquebatur cum ipse peccata remittebat: *remittuntur tibi peccata;* ac quando dedit potestatem Sacerdotibus illa remittendi: *quorum remisistis peccata, &c.*

Confirmatur secundò, quia potestas remittendi peccata Sacerdotibus à Christo Domino Io. 20. concessa, eousque se extendit, quousque se extendit potestas eadem peccata detinendi; eisdem Sacerdotibus, eodem loco, ab eodem Christo Domino concessa:

sed potestas quam habet Sacerdotes detinendi peccata, est non solum quoad reatū pœnæ, quoad declarationem &c. sed quoad culpam; ergo etiam potestas absoluendi. Maior est D. Augustini lib. 1. de Pœnitentia cap. 2. Minor patet, tum ex usu, & communi Ecclesiæ praxi; Tum ex ratione ipsa; nam si Sacerdos potestatem non haberet detinendi peccata quoad culpā, nullus damnaretur præcisè ratione negatæ absolutionis, vel ex defectu sacramentalis absolutionis.

Probatur secundo ex sacrosancto Concilio Tridentino sess. 14. cap. 1. ubi dicitur: *Dominus autem Sacramentum Pœnitentiæ tunc præcipue instituit, cum à mortuis excitatus, insufflauit in discipulos suos, dicens: Accipite Spiritum sanctū: quorum remisistis peccata, remittuntur eis: & quorum retinueritis, retenta sunt. Quo tam insigni facto, & verbis tam perspicuis, potestatem remittendi, & retinendi peccata ad reconciliandos fideles post Baptismum lapsos, Apostolis, & eorū legitimis successoribus fuisse cō-*

municatam, uniuersorum Patrum consensus semper intellexit &c. Quibus in Concilij verbis, illud ponderandum est, quod ex communi SS. PP. cōsensu, pœnitentiæ sacramentum est institutum ad reconciliandum Deo homines post Baptismum lapsos, per peccatorum remissionem, patet autem homines Deo non reconciliari, nisi per culpæ remissionem; ergo.

Probatur tertio, si absolutio à pœnā esset primarius huius sacramenti effectus, ut vult prima sententia, & prætextus horum verborum sensus *Absoluo te, &c.* esset à tali pœnā, vel reatu liberare, sequeretur hoc sacramentum solum esse validum quando confitentur peccata mortalia, vel venialia, nondum remissa, non autem quando confitentur peccata aliàs confessa, & dimissa, tunc enim temporis reatus pœnæ æternæ non deletur, cum iam deletus supponatur; hoc est cōtra fidelium usum, & praxim, qua solent homines se accusare de peccatis aliàs confessis; ergo &c. Soluuntur argumenta in contrarium. Pri-

Primum argumentum pro Abulensis sententia est. Peccatum non est aliquod vinculum; ergo per absolutionē tolli non potest, ac proinde horum sensus verborum *Ab-soluo te*, non potest esse, quod verē homo à peccatis solvatur. Consequentia tenet, vbi enim non est vinculum, nec vinculi solutio esse potest; ergo si semel peccatum non est vinculum, nec per solutionem tolli poterit. Antecedens probatur, nam si peccatum nō manet transacto actu peccati, nisi secundum reatus rationem; ergo solum secundum reatus rationem, tolli potest. Antecedens cōstare videtur, cū nihil queat assignari quod maneat, peccati actu transacto.

Respondetur negando antecedens, nam re vera peccatum vinculum quoddam spirituale est, ligans animam ad modum vinculorum physico-
rum, & materialium; multis nanque modis peccatum animam spiritaliter ligat. Primò ligat animam maximo, & summo vinculo per reatū scilicet culpæ, per quam ligatur

taliter cum bono commutabili, ad quod creatura peccando se conuertit, quod non nisi iussu Dei, & per Sacerdotale manum solui potest, vt D. notat Ambros. lib. 9, in Luc. explicans illud Matt 21. *Ite in Castellum quod contra vos est, & inuenietis asinam alligatā, & pullum eius cum ea, soluite, & adducite mibi*, dicens: *non poterat solui, nisi iussu Domini. Soluit eum manus Apostolica. Talis actus, talis vita, talis gratia. Esto talis, & tu ut possis ligatos soluere*. Secundò animā ligat per reatum poenæ æternæ, & temporalis, quæ peccatum consequuntur ratione auersionis, & conuersionis. Tertiò quia per illud taliter ligatur, quod omnem gratiā amittat, omnia dona, & quod nullo modo expedita sit pro gloria. Quartò ligat quantum ad obligationem illud peccatum confitendi, etiam si per contritionem perfectam sit deletum. Ad probationem quod peccatum non maneat, peccati actu transacto, patet ex dictis in p. 2. vbi fusè probauimus hominem transacto peccati actu, verē manere
macu-

maculatum ; quod maximè habet verum in communi Thomistarum sententia , & nostra , quod peccatum habituale in positivo consistat .

Secundum argumentū pro secunda sentētia est, quia solus Deus peccata quoad culpam remittere potest; ergo remissio peccati nequit esse sēsus illius formæ *Absoluo te*. Consequentia tenet . Antecedēs probatur ex illo Isa. 45. *ego ipse deleo iniquitates, & peccata populi mei*. Id ipsū docere videtur D. Ambros. apud Gratianum dist. 3. de Pœnitentia can. *Verbum Dei*, dicens: *Verbum Dei dimittit peccata; Sacerdos est iudex, Sacerdos quidem officium suum exhibet; sed nullius potestatis iura exercet*. Et D. Augustinus in illud Ioan. . *Eccc agnus Dei, ecce qui tollis peccata mundi*, dicit: *nemo tollit peccata mundi, nisi solus Deus*.

Respondetur distinguendo antecedens: Solus Deus peccata dimittit tanquam causa principalis, & cōceditur: omnibus modis, & negatur. Licet namque solus Deus, vt causa

principalis peccata relaxet, tamen sacerdos per potestatem sibi concessam, quā media forma dicta, exequutioni mādāt tamquam Dei instrumentum, id ipsum exequitur. Eodem modo intelligi debet S. Ambrosius, & Augustinus, & si qui sunt alij, modo colloquentes .

Tertium argumentum, qui ad Sacerdotem vt absoluator accedit, vel est debite contritus, vel non: Si non est debite contritus, Sacramentum nullum est, si autē sit debite contritus, iam peccatum quoad culpam dimissum est; ergo nihil dimittendum est, ac subinde per talem formam significari non potest, peccati quo ad maculam, remissio.

Respondetur quod quādo homo in mortali existens ad Sacerdotem, vt absoluator accedit, non quidem perfecte contritus, sed attritus, tunc absque cotrouersia certū est, per Sacramentum, & attritionem illam, veram fieri peccati remissionem; quod si nec attritus, nec cōtritus accedat Sacramentū nō fiet: Quomodo autem fiat peccati remissio

in calu, quo quis cōtritus accedit, cum iam per contritionē remissum sit, sequens questio explicabit.

Q V A E S T I O VI.

*Quem effectum habeat absolutionis forma;
quando quis contritus sua confite-
tur peccata.*

E Adem difficultas procedit, quando quis peccata alias confessa, & absoluti, in secunda, & tertia, & sic deinceps, confessione, iterum confitetur, & ab illis absoluitur, uti est fidelium usus, de qua re variae sunt. Theologorum sententiae,

Prima Sententia est Coninchii hic disput. 4. dub. 8. nu. 55. quod peccata etiā tunc temporis dimittantur, & quod per illa verba *ego te absolvo à peccatis tuis*, à Sacerdote prolata, in huius sacramenti administratione, significatur, reo hic, & nunc peccata dimitti; sed cum hac conditione, quantum Sacerdos ex ipsa confessione cognoscere potuit ipsum eorum esse reum, & ad eorum remissionem esse dispositum.

Itaque istius auctoris sensus esse videtur, quod in tantum peccata remissa, vel per contritionem, vel per confessionem, iterum in alio, & alio poenitentiae sacramento remittantur, in quantum Sacerdos habet illam conditionem, qua cognoscit confitentem esse reum, & esse dispositum.

Sed hæc sententia prorsus eliminanda est. Primo quia est contra omnium Confessariorum praxim, cum nullus prudens Confessarius restringat suam intentionem ad hoc, quod reus sit verè reus, quod sit dispositus, quando peccata alias confessa, vel remissa confitetur, quod patet, quia nullus confessarius poenitentem interrogat, an de illis peccatis habeat contritionem, an alias illa

illa fuerit confessâ, quod tamen necesse esset ad hoc ut talem haberet cōditionem; unde & pœnitentes eodem modo confitentur peccata alias confessâ, ac non alias confessâ, & Sacerdos eodem modo illos absoluit, quando scit peccata fuisse alias confessâ, & non fuisse.

Secundo demus Sacerdotem ex ipsâ confessione cognoscere, vel reum non esse reum, vel nō esse dispositum, & reuera confitens, & reus esset, & dispositus; absolutio tunc tēporis à Sacerdote data per illum auctorem esset nulla, cum per illum absolutio tunc temporis data, non habeat illam conditionem, quam illa requirit. Terzo non video quomodo Sacerdos possit cognoscere ex pœnitentis confessione, illum esse reum modo, modo non, ex peccatis iam dimissis; si namque Sacerdos scit peccata illa, quæ iterum clauibus subiiciuntur esse dimissâ, iudicabit confitentē, vel semper reum, vel semper non reum.

Secunda sententiâ est, quod huius sacramenti effectus in

casu proposito non sit peccata dimittere, cum iam dimissa supponantur, sed sit obligationem tollere, illa clauibus subiiciendi. Hanc sententiam sequutus est Alensis 4.p. q. 21. Gab. 4. dist. 18. q. 1. & alij. Sed hæc sententiâ nec vera est, nec difficultatem evacuat. Non est vera; quia est cōtra sensum verborum formæ *ego te absoluo à peccatis tuis*. Non tollit difficultatem, quia licet admitteretur, quo ad peccata per contritionem, sine sacramento dimissâ, in quibus obligatio remaret illa Ecclesiæ clauibus subiiciendi, tamen admitti nō potest, quo ad peccata venialia, & mortalia alias confessâ, in quibus talis non remanet obligatio.

Tertia sententiâ est P. Suarez quam refert, & impugnât Nugnus hic q. 84. art. 3. dub. 2. quod huius Sacramenti effectus, eo casu, sit producere gratiam sanctificantem peccati remissiuâ, ob idque vult quod sensus horum verborum *ego te absoluo à peccatis tuis*; sit iste, *ego tibi gratiam sanctificantem confero, quantum est de se, remissiuam peccati*: Ita quod

quod per Suarium, quando hoc sacramentū peccata non supponit remissa, tunc primarius huius sacramēti effectus, sit gratiam conferre, & media illa peccata expellere; quando vero peccata remissa supponuntur, tunc sacramentum sufficienter saluatur, per effectus primarij productionem. S. gratiæ peccati remissuæ.

Sed hæc etiam sententia reici debet. Primò quia est contra communem Theologorum sensum, quod nimirū peccata sēper nō remittantur. Secundo quia est contra sensum etiam ipsorum fidelium, qui putant peccata toties remitti, quoties confitentur. Tertio quia est contra sensum illorum verborum formæ *ego te absoluo à peccatis tuis*, quorum verborum sensus, omnino diuersus est ob illo quem prætedit Suarez. Quarto quia confundit sensum verborum formæ, cū ipsius sacramenti significatione; nam licet & hoc, & omnia sacramenta secundum quod dicunt materiam, & formam, principaliter gratiam habeant significare; tamen forma ipsa solita-

riè, propriam habere potest significationem, vt videre est in aliorum formis sacramentorum, nam forma Sacramenti Eucharistiæ significat præsentiam corporis, & sanguinis Christi, sub speciebus, & illa efficit, at ipsa postmodū forma, & species, vt totum componunt sacramentum, gratiam significant, & postea conferunt. Ita similiter, licet absolutionis forma, & confessio dolorosa, vt poenitentia cōponunt sacramentum, primariò gratiam signent, & causent; ipsa tamen forma solitariè, primariò peccati significabit remissionem, & illam causabit. His reiectis.

2. Nostra sententia sequenti explicatur conclusione. *Absolutionis forma verè, & propriè peccata remittit, siue alias remissa sint per contritionem, siue per aliam, & aliam confessionem.* Hæc conclusio est communis fidelium sensus; illam docent Thomistæ post Angelicum Præceptorem hic q. 84. art. 3. ad 5. & alij communiter.

Probatur 1: quoad peccata per contritionem dimissa.

T Nam

peccata in alia, & alia confessione remissa. Nam ad hoc ut vnum, & idem peccatum iterum, & iterum remittatur, sæpe, ac sæpius, verè, & realiter coram Deo, & quoad culpæ rationem deleatur, sufficit, quod ita sit moraliter præsens in pœnitentis apprehensione, ut pœnitens ipse ita se gerat circa illud, ac si realiter eius foederat animam, ipsum detestando, de ipsoq; dolendo ex supernaturali motivo; sed hoc ipsum faciunt homines de peccatis alias ritè confessi; ergo possunt per iuridicam Sacerdotis sententiam iterum, & iterum deleri, quod varijs modis solet explicari.

Primò exemplo mutue reconciliationis humanæ, quæ postquam semel facta est, alio postmodum tempore iteratur, etiam sæpe, ac sæpius: & qui læsit, iterum, atque iterum ab eo quem læsit veniam poscit, non obstante, quod alias illam veniam petierit, & obtinuerit, & sic cum peccatum longe maiorem habeat malitiam, & offensæ rationem, quam in purum habeat hominem offensam; & Dei mi-

sericordia, longe hominum transcendat misericordiam, sequitur non repugnare, neque ex parte Dei, neque ex parte peccati, neque ex parte hominis, quod iterum, ac iterum idem peccatum quoad culpam remittatur. Et sicut ille, qui se ad aliquid obligauit, iterum, & secundo, &c. ad id se obligare potest, ut faciunt religiosi in votorum renouatione; ita ille, qui alium offendit, potest petere veniam secundo, tertio, &c. ac subinde remissionem recipere; ergo, &c.

Secundo explicari hoc solet exemplo fori externi; nam si quispiam reus ad varia vocetur tribunalia, ab inuicem independentia, & neuiquam subordinata, & in ijs omnibus à crimine, quod patrat, absoluat, tunc illa criminis remissio in vno facta tribunali, non propriè confirmatur in alio, cum supponatur ab illo independens, sed in vnoquoque tribunali ita benè, ac iuridicè fit, ac si in eo solo fieret tribunali, & absolutio quæ postea in alijs fit tribunalibus omnino per accidens se ha-

de indignitate positiua, quæ peccato remisso relinquatur, & subinde ipsum arguat, quia peccato dimisso, nulla relinquatur in dignitas; nā Coninchus non loquitur de indignitate positiua relicta, peccato dimisso, sed priuatiua, vel negatiua, ad eum modo, quo ipse Lugo supra disp. 3. nu. 10. dicit hominem per imperfectiones auerti à Deo negatiuè, in quantum priuatur auxilijs vberioribus, quæ habuisset, si actum perfectionis eliciuisset. Ita ille qui peccauit, etiam peccato dimisso, habet quandam indignitatem priuatiuam, vel negatiuam; quia si nō peccasset intimiorem cum Deo habuisset amicitiam, & subinde maiorem dignitatem, intimitatem &c.

Sed quidquid sit de mente istorum, iste modus explicandi videtur mihi concionatorius magis, quam Theologicus, Primò quia non est assignabilis illa malitia, quæ directè per singulas dimittatur confessiones. Secundò dato quod assignari posset, non videtur posse sustineri, quomodo per primam confessionem

omnis illa malitia non tollatur, nam, si solum aliqua ex illis infinitis malitijs, per primam confessionem tolleretur remaneret obligatio confitendi secundò, tertio, & sic in infinitum, vt possint malitiæ illæ omnes directè tolli; admitto quidem in peccato molitiarum infinitatem, secundum eam rationem, secundum quam est destructiuum Dei secundum omnem rationem, nam eo ipso quod per peccatum ex affectu peccantis destruitur Deus in ratione vltimi finis, destruitur etiam secundum omnes alias perfectiones, tamen secundum quod istæ malitiæ infinitæ, infinitis Dei opponuntur perfectionibus, per primam confessionem destruantur, siue directè, siue indirectè importentur; cum per hoc sacramentum totalis culpæ, quoad omnes illius malitias, fiat remissio. Soluuntur argumēta in contrarium.

Primum argumentum. Si illorum verborum effectus esset, peccata remittere, deberet iste effectus, cum primarius, & essentialis sit, semper poni, quoties verum,

&

formæ cum dicatur, *Per istam sanctam unctionem &c. indulgeat tibi Deus quidquid peccasti &c.* Sed de huius argumenti materia dicemus, cum de extrema unctione in sequenti tractatu agemus. Pro modo responderetur negando antecedens, non enim potest validè hoc extremæ unctionis Sacramentum dari, nisi

illi qui aliquando actualiter peccauit, siue postea tunc temporis dum confertur actualia dentur, siue non dentur peccata, ob idque docet Diuus Thomas supra, non posse hoc sacramentum conferri pueris ante rationis vsum, sed de hac materia tractatu sequenti sermo reddi-

DISPUTATIO

QUARTA

De contritione, & attritione, ut sunt partes materiales Sacramenti Pœnitentiæ.

Disputatione præcedenti, materiam huius sacramenti remotam, explicuimus, imò & proximam, ut videre est q. secunda per totam, ac subinde explicuimus quomodo contritio, siue perfecta, siue imperfecta, ad hoc sacramentum pertineat; vnde solum restat ut aliqua magis particularia de contritione, & attritione

explicentur, ut sic explicata maneat contritionis natura, & secundum quod ad pœnitentiam virtutem pertinet, & secundum quod pertinet ad pœnitentiam sacramentum. Nam ut pertinet ad pœnitendam virtutem, explicata fuit supra disputatione secunda ferè per totam; secundum vero quod ad pœnitentiam Sacramentum pertinet

præ-

vel sufficiat præcedentia' naturæ modo dicitur.

Quod vero non sit necesse, quod dicta contritio, vel dolor peccatorum, tempore vel natura confessionem præcedat. Probatur ex communi fidelium sensu, qui sufficienter putant, se esse dispositos pro absolutionis beneficio obtinendo, si contritionem habeant post confessionem, sed ante absolutionem: Imò & iste Confessariorum usus est; nam suorum auditis poenitentium peccatis, si videant sufficientem non habere dolorem, curant ad eum habendum illos excitare, antequam illos absoluant. Similiter videmus illos, qui generalem faciunt confessionem, pluries ad Confessarium accedendo, referunt dolorem pro tempore eo, quo confessionem perficiunt. Deinde probatur ratione. Nam si ob aliquam rationem dolor præcedere deberet confessionem, maximè, vel quia est causa illius, vel ut per illam fiat sensibilis; sed ob neutrum requiritur quod præcedat; ergo. Maior videtur illius auctoris fundamentum, non

enim alia assignari causa potest, talis præcessionis. Minor probatur, quoad utramque partem; & quidem quoad primam, quia necesse non est, quod dolor sit causa confessionis, imò videtur quod nullo modo illius causa esse possit, cum non solum possit quis de peccatis dolere, absque confessionis imperio, seu absque eo quod dolor causet confessionem, verum etiam quia confessio non à dolore imperatur, sed ab illa voluntate, qua quis vult peccata sua Ecclesie clavibus subijcere. Deinde probatur etiam quoad secundam partem, quia dolor reddi potest sensibilis absque confessione, & quando nil aliud esset, nec suspirium, nec lachrymæ, nec pectoris tussio, sufficeret permanentia sensibilis poenitentis, ante tribunal Sacerdotis, ut dolor ille sensibilis fieret. Vnde dolor de peccatis nec causa confessionis est, nec effectus illius, sed est effectus illius voluntatis à qua, & ipsa confessio imperatur, & cum hæc voluntas imperat permanentiam poenitentis ante pedes Confessoris,

V foris,

foris, quamdiu absolutionis beneficium non impetrat, per talem perseverantiam ex tali voluntatis imperio, dolor ad confessionem requisitus, fit sufficienter sensibilis, cum talis volûtas ad omnia illa pœnenda, se extendat, quæ necessaria sunt pro confessione perficienda. Soluuntur argumenta in oppositum.

Primum argumētum. Dolor necessarius ad pœnitentiæ Sacramentum ponēdum debet esse sensibilis; atqui sensibilis esse nequit, nisi per confessionem ab ipso dolore præcedentem; ergo Confessio debet ab ipso dolore procedere, ac subinde dolor debet confessionem præcedere. Maior ab omnibus conceditur; cum enim sacramenta signa esse debeant sensibilia, eorum partes componentes, debent esse aliquo modo sensibiles, vel per se, vel saltē per aliud. Minor etiam clara est. Primo quia nō videtur assignari posse, per quid aliud, dolor, sensibilis fieri possit, nisi per confessionem. Secundo quia confessio non est simplex peccatorum narratio, sed dolorosa;

alioqui, si quis sua narraret peccata præcisè, & historialiter, si postea dolorem eliceret, posset absolutionis beneficium recipere; quod non videtur dicendum.

Respondet Lugo disp. 14. num. 17. dolorem fieri posse sensibilem per confessionem præcedentem, in quantum quod confessio significat desiderium obtinendi absolutionem, & per consequens, pœnitens vult ponere ea omnia, quæ ad hoc ipsum sunt necessaria; quod exemplo explicat satisfactionis, quæ sensibilis redditur per verba Sacerdotis, & per pœnitentis acceptionē, ut cum Sacerdos moribundo imponit pro satisfactione, quod corde proferat dulcissimum IESV nomen, vel quod eliciat actum dilectionis, vel contritionis; & sano quod recitet aliquid mentaliter, vel tanto tempore, mentali vacet orationi, &c. & tamen hæc impositio antecedit ipsam satisfactionem; ergo pariter dolor, sensibilis fieri poterit per præcedentem confessionem.

Sed hæc solutio nullo modo

do debet sustineri. Primo quia est contra sensum omnium philosophorum, dum volunt actus intellectus, & voluntatis, non reddi sensibiles per actus externos, nisi quatenus sunt vel eorum causæ, vel effectus, sumus enim in materia signi naturalis, non ad placitum: signum autem naturale, nullibi reperitur, nisi ibi intercedat ratio causæ, vel effectus, ut omnes docent; cum sola causa, possit naturaliter suum ostendere effectum, & effectus causam; ubi enim hæc connexio non reperitur, ratio signi naturalis reperiri non potest. Sed dolor positus post confessionem non est confessionis causa, nec effectus, ut ex se liquet, & concedit ille; ergo non potest fieri sensibilis per præcedentem confessionem.

Nec exemplum quod adducit, illi fauet; imò manifestè est contra ipsum; nam ut patet, illa satisfactio est effectus impositionis sensibilis, & acceptationis; quod non contingit in nostro casu. Deinde dico, non esse necesse satisfactionem esse sensibilem, nec

in se, nec in alio, cum solum partes essentielles sacramentorum sensibiles esse debeant, non partes integrales; unde dato, quod tunc temporis satisfactio nullo modo sensibilis redderetur, adhuc posset esse pars integralis, ut patet; cum pertineret ad poenitentiae sacramentum, ut integrale complementum illius.

Hac ergo solutione relicta, respondeo ex dictis, quod quando dolor non præcedit confessionem, & non fit per illam sensibilis, potest fieri sensibilis per aliquid aliud, quod sit eiusdem doloris aliquo modo effectus, ut suspiria, lachrymæ, tussio pectoris, perseuerantia ante tribunal confessionis, oculorum, seu palpebrarum motus, vel quid simile. Deinde dico quod dolor, ut est sacramentum, & res sacramenti, nempe prout significatur, & significat, non debet esse sensibilis, cum secundum hanc rationem sit sacramenti effectus, purè internus, prout nimirum perseuerat, sacramento finito; secundum enim hanc rationem dicitur sacramentum, & res sacramenti;

V 2 simi-

similiter prout est pars sacramenti non quidem in recto importata, sed in obliquo, sed ex connotato, non est necesse, quod sit sensibilis, sed sufficit quod confessio à qua connotatur sensibilis sit. Per quod patet ad illud quod de confessione dolorosa dicebatur, nam ad hoc quod confessio dolorosa dicatur, non est necesse, quod dolorem supponat, vel connotet, vt antecedentē, sed sufficit vt connotetur vt cōsequens, eo namque ipso quod quis sua confitetur peccata, vel habet de illis dolorem, vel vult illum concipere, vt absolutionem obtineat, dispositus sufficienter censetur, quantum ad dolorosam confessionem.

Secundum argumentum. Si sufficeret ad pœnitentiæ sacramentum ponendū, quod dolor post confessionem poneretur, posset quis historialiter, sua Sacerdoti narrare peccata, & postea de illis dolorem elicere, & absolutionis beneficium obtinere; Atqui hoc est falsum; ergo & il-

lud ex quo sequitur. Maior sequi videtur ex illa sententia; in tantum enim simplex peccatorum narratio, non est sufficiens ad pœnitentiæ sacramentum ponendum, in quantum quod confessio, quæ est pars essentialis Sacramenti pœnitentiæ debet esse dolorosa; atqui non est dolorosa, si dolorem non supponat; ergo si semel potest dolorem non supponere, simplex sufficiet peccatorum narratio. Minor patet, nam simplex peccatorum narratio, non est pars essentialis huius sacramenti.

Respondetur negādo maiorem, nam simplex, & historialis peccatorum narratio, (nisi virtute repetatur, vt si quis post illam narrationem diceret *de peccatis narratis me accuso &c.*) nō est confessio, hæc enim fieri debet ex voluntate absolutionis obtinendæ, ac subinde debet cōnotare dolorem, & omnia requisita ad pœnitentiæ sacramentum ponendum, quorum vnum est dolor de peccatis.

Q V A E S T I O II.

Andolor peccatorum debeat pro singulis sacramentis replicari.

Petrus confessus fuit sua peccata, sufficienti cum dolore de illis; recepto absolutionis beneficio, recordatur se omisisse vnius, vel plurium peccatorum confessionē, quæ statim eidem Sacerdoti confitetur, & absolutionem recipit, & nouum ponitur sacramentum; quo casu inquiritur, an nouus dolor poni debeat. Vel certè vt faciunt scrupulosi, recepta semel peccatorū absolutione, petunt secundò, & tertio per nouam accusationem, nouam à Sacerdote absolutionem; an tunc, nouus etiam dolor, poni debeat, vel sufficiat præcedens? similiter moribundus absoluitur ab vno peccato, quod cōfitetur, deinde respirat parumper, & aliud confitetur peccatum, & absoluitur, & sic tertio, quarto, &c. an in his, & similibus casibus, quoties nimirum nouum ponitur sacramentum, nouus dolor poni

debeat; & procedit difficultas, quando dolor fuit vniuersalis de omnibus peccatis, & non fuit retractatus, sed sufficienter perseuerat.

Prima sententia est, nouum semper requiri dolorem, quoties nouum ponitur sacramentum. Hanc sententiam sequitur Bonacina de sacram. disput. 3. q. 4. puncto 4. & alij.

Nostra sententia sequenti explicatur conclusione. *Non est necesse, quod quoties nouum ponitur Sacramentum, nouus ponatur dolor, vt in casibus prius enumeratis, &c.* Hæc conclusio est communis in scholis, & constat ex communi praxi confessariorum, qui in supradictis casibus non sunt solliciti exigere à pœnitentibus nouum de peccatis dolorem.

Probatur ex dictis quæstionibus præcedentibus; quia dolor de peccatis, nō est pars essentialis Sacramenti Pœnitentiæ

tentiæ in recto importata, sed solum vt connotatum; atqui idem dolor potest à pluribus confessionibus cōnotari; ergo non est necesse ad singulas confessiones nouum dolorem apponere. Maiorem ostendimus disput. præcedenti q. 2. Minor etiam constat; nam id quod solum tanquam connotatum ad aliquid requiritur, non est necesse, quod materialiter replicetur, sed sufficit quod replicetur formaliter. Exemplum habemus in Sacramento Eucharistiæ, vbi corpus Christi solum in obliquo à Sacramēto importatur; vt contra Lugum fusè probauimus disput. 1. de Eucharistia quæst. 3. & tamen ad numericam Sacramenti Eucharistiæ multiplicationem, non est necesse; imò nullo modo Christi Domini corpus multiplicari debet; sed sufficit quod multiplicetur formaliter ratione scilicet diuersæ cōnotationis diuersorum sacramentorum, quæ per diuersas ponuntur consecrationes. Ita pariformiter cum dolor non sit ipsum pœnitentiæ sacramentum, nec pars illius in

recto importata, sed solum in obliquo, vt corpus Christi respectu Eucharistiæ, necesse non erit, quod ad singula pœnitentiæ sacramenta ponenda, dolor nouus ponatur, sed sufficiet nouam eiusdem doloris ponere connotationem. Exemplum etiam habemus ex communi Confessariorum praxi, qui pro diuersis pœnitentiæ sacramentis, eandem quandoque imponunt satisfactionem: vt si quis post suorum peccatorum confessionē, & absolutionem receptam, & post impositam satisfactionē, alicuius peccati non confessi recordetur, & illud eidē confessorio statim confiteatur, eādem quam prius imponit satisfactionem; vt si pro prima cōfessione vnā imposuit coronam, eandem, pro secunda confessione, imponit confessorius. Si enim in alijs etiam rebus, per vnum opus potest quis pluribus satisfacere obligationibus, quare non etiam in hoc casu id ipsum fieri potest? & ratio vniuersalis est, quia vna, & eadem res, à pluribus connotari potest præceptis; ergo &c. Soluuntur argu-

argumenta in contrarium.

Primum argumentum est: vna & eadem confessio non potest pro pluribus inseruire sacramentis; ergo neq. vnus, & idem dolor. Antecedens patet; nam implicat sacramentum numero plurificari, quin numero plurificetur materia, cum enim numerica vnitas à materia vna numero desumatur, non potest sacramentum numero plurificari, quin numero eius plurificetur materia; confessio autem, vt patet, est proxima, poenitentiae sacramenti, materia. Consequentia probatur, ex paritate rationis, nam licet contritio, seu dolor non sit ipsa poenitentiae sacramenti materia proxima in recto, ad illam tamen pertinet in obliquo, & tanquam indispensable connotatum; Atqui est eadem ratio rei, & connotati indispensable illius; ergo.

Respondetur concedendo antecedens, & negando consequentiam; ad probationem dico, magnam esse inter confessionem, & dolorem disparitatem: nam confessio est pars materialis, essentialis, &

in recto importata, & à qua numerica Sacramenti poenitentiae vnitas, desumitur, non vero contritio, vel dolor, vt ex dictis liquet; at vero dolor solum ex connotato importatur, numerica autem rerum vnitas, non à connotatis, sed ab earundem rerum, materia, desumitur. Alia etiā differentia addi potest ex ipsa sacramenti poenitentiae natura: nam cum hoc sacramentum per modum iudicii sit institutum, & in iudicio noua non detur sententia, sine noua causae cognitione, sequitur quod nouum non ponatur poenitentiae sacramentum, sine noua accusatione, seu confessione, per quam fit noua causae cognitio &c. Non sic dolor, vel poena, vel multa, quae non ex necessitate, in iudicio etiam humano, plurificari debet.

Secundum argumentum. Si vnus, & idem dolor posset pro pluribus inseruire sacramentis, sequeretur quod posset quis in ipso anni principio, elicere propriorum dolorem peccatorum, in ordine ad primam confessionem ponendam,

nendam, & postea (si nunquā per mortale peccatum interrumpetur) deferuire poterit pro omnibus confessionibus, quæ postea per totum annū ponentur, absque eo quod nouus dolor ponatur, hoc autem non viderur dicendum; ergo. Maioris sequela probatur, nam non est maior ratio, quod vnus, & idem dolor pro duabus deferuiat confessionibus, quam pro pluribus, dummodo nunquam interrumpatur. Minor etiam clara est, cum esse videatur contra communem fidelium sensum, qui quoties confitentur, toties conantur, nouum ponere dolorem.

Respōdetur imprimis hoc argumentum nequaquā procedere posse, quando confessio fit de peccatis nouis, de quibus dolor non præcessit: noua namque peccata, nouū requirunt dolorem; sed solū procedere potest de eorundē peccatorum confessione, de quibus dolor præcessit, & cōfessio; ad quod dico, quod ille dolor deferuire poterit pro omnibus confessionibus, quæ postea fient de iisdem pecca-

tis, de quibus ille dolor fuit. Et iste est mos piorum, qui cū frequenter de leuibus confiteantur peccatis, ne ob vsum, sacramentum nullitatis periculo, exponatur, se accusant de aliquo præteritæ vitæ peccato, de quo, aliquando habuerunt dolorem, & sic exponendo materiam talem, pœnitentiæ sacramentū, nullitatis periculo, non exponūt; cum & materia sit certa, quæ exponitur, & de ea dolor præcesserit; qui mos in mea religione maximè est in vſu; & rationabiliter certè, primò ob dictam rationem non exponendi sacramentum nullitatis periculo. Secundò, quia dum illud peccatum de nouo subiicitur de quo dolor aliquando præcessit, dolor ipse; in ipso peccato, ad præsens tribunal, modo aliquo reuocatur; & sic fit virtualiter præsens, & quasi virtualiter renouatur. Tertiò quia hoc sacramentum est institutum ad similitudinem forēsis iudicij, in quo multo tempore post causæ discussionem, absolutio, vel condemnatio fieri solet; ergo hoc ipsum fieri potest

test in hoc sacramentali iudicio, quandiu scilicet actus penitentis censentur moraliter permanere, in ordine ad novam causæ cognitionem; tandiu autem permanere dicuntur, præsertim in ordine ad hoc tribunal, quandiu permanent habitualiter, idest quandiu, nec expressè; nec impressè, seu implicite retractantur. Vnde hanc sententiam post Ledesmam, & Ioannem de la Cruz, sequitur Lugo disput. 14. num. 34. quibus adde Hurtadum de sacram. in genere disput. 1. diff. 11. & Præpositum quem refert, & sequitur Diana p. 5. tract. 14. resol. 67. Ex quo principio deducit idem Diana cum au-

ctoribus illis, quod si quis vesperi suam examinet conscientiam, & dolorem eliciat peccatorum, in ordine ad confessionem mane faciendam, non erit necesse novum ponere mane dolorem, sed sufficiet ille, quem vesperi posuit. Quæ omnia bene in mentis armariolo conservari debent, quia valde practicabilia sunt; melius tamen & securius est, novum semper ponere dolorem. An autem dolor sufficiens ad confessionem ponendam, aliquam habere debeat relationem ad confessionem ponendam, seu an necesse sit referre dolorem ad confessionem ponendam sequens quæstio explicabit.

Q V A E S T I O III.

Quam relationem ad confessionem dolor ad illam requisitus habere debeat. Vbi an requiratur propositum non peccandi.

Certum in primis est, necesse non esse poenitentem, dum de peccatis dolet, expressè talem referre dolo-

rem ad confessionem ponendam; ista namque videtur fidelium praxis, quod solum curant de dolore concipi-

X
cipiendo,

cipiendo, non de tali forma-
li ad cōfessionem ponendam,
relatione. Solum ergo diffi-
cultas esse potest de relatio-
ne aliqua virtuali, de qua.

Prima sentētia est, nullam
relationem requiri in dolore
elicitō, ad hoc ut pro sequen-
ti cōfessione deseruiat. Ita
Lugo hic disput. 14. sect. 4. nu.
37. & sequentibus.

Nostra sententia sequenti
explicatur conclusione. *Dolor,
pro peccatorum absolutione sa-
cramentali obsequenda, debet ali-
quo modo referri ad talem finē.*
Ita Suarez, & alij cōmuniter.

Probatur primo ex sacro-
sancti Tridentini Concilij te-
stimonio sess. 14. cap. 4. ubi di-
citur: *Fuit autem quouis tem-
pore ad impetrandam veniam
peccatorum hic cōtritionis mo-
tus necessarius, & in homine
post Baptismum lapso ita demū
præparat ad remissionem pec-
catorum, & si cum fiducia di-
vine misericordie, & voto præ-
standi reliqua coniunctus sit,
quæ ad ritè suscipiendum hoc
sacramentum requiruntur.* Pe-
to modo à C. de Lugo, quid
sibi velit Tridentinum, dum
vult contritionem in homine

baptizato esse dispositionem
ad gratiam, seu præparare ad
gratiam, secundum quod cō-
iungitur cum voto præstandi
ea, quæ ad ritè hoc sacramē-
tum suscipiendum requirun-
tur? peto inquam an hoc sit,
contritionem aliquo modo,
saltem virtuali ad sacramen-
tum referri, vel non? si dicat
quod sic, habemus intentum;
si quod non: explicet quid si-
bi velit Tridentinum: certè
contritionem coniungi cum
voto confitendi, & præstandi
reliqua ad hoc sacramentum
requisita, non potest non ha-
bere, vel non dicere relatio-
nem aliquam virtualem. Et si
contritio, virtualem habere
debet, ex Tridentino, relatio-
nem, ad sacramentum, à for-
tiori id dici debet de attritio-
ne, quæ nullo modo habet
extra sacramentum iustifica-
re, nec ad gratiam disponere,
nisi medio sacramento. Sed
agamus contra Lugum ratio-
nibus.

Prima ratio est, quia Ba-
ptizatorum contritio, non ali-
ter habet iustificare, & ad
gratiam disponere, nisi prout
est votum saltem virtuale hu-
ius

ius sacramenti; ergo non aliter elici potest, nisi prout virtualiter ad hoc sacramentum ordinatur, ac subinde implicabit in adiecto dicere, quod quis queat contritionem elicere, & non per ordinem ad sacramentum. Antecedens est de fide, ut patet ex citato Tridentini testimonio, & ex Bulla Sixti IV. in qua damnauit Petrum Oxouiensem dicentem peccata mortalia deleri per contritionem, sine ordine ad clauas Ecclesiæ, ut vidimus supra disput. 2. q. 2. Consequentia patet, quia non aliter elici potest contritio, quam eius natura requirat; atqui eius natura est, quod ad sacramentum saltem virtualiter ordinetur; ergo non aliter elici poterit. Hæc ratio est Tridentini loco citato, ubi dicitur: *Docet præterea, et si contritionem hanc aliquando charitate perfectam esse contingat, hominem Deo reconciliare, priusquam hoc sacramentum actu suscipiatur, ipsam nihilominus reconciliationem ipsi contritioni sine sacramenti voto, quod in illa includitur, non esse adscribendam.* Et sic cum de

mente Concilij, sacramenti votum in ipsa contritione reperiatur, implicabit per idem concilium, contritionem dari, sine voto sacramenti, ac proinde sine relatione, ac respectu ad illud.

Secunda ratio ad hominem contra Lugum. Contritio per illum auctorem est materia proxima partialis, & in recto importata, sacramenti poenitentiae; ergo dum ponitur, poni debet cum aliquo ordine, & relatione ad ipsum poenitentiae sacramentum. Antecedens est Lugonis beneplacitum. Consequentia probatur, implicat aliquid fieri de nouo, vel esse alicuius compositi pars, cuius prius non erat, sine aliqua ad idem compositum relatione, omnis namque pars, cum alicuius sit pars, ad id cuius est pars, ordinem dicere debet, alioquin non magis esset huius, quam cuiusque compositi pars, si non magis ad hoc, quam ad alia composita ordinem diceret; ergo cum dolor per illum auctorem, sit pars essentialis huius sacramenti in recto importata, & secundum nos importetur in-

dispensabiliter vt connotatū , vt obliquum , cum de huius sacramenti essentia ex Tridē- tino sess. 14. cap. 5. sit veniæ peccatorum omnium petitio, aliquem ordinem, vel relatio- nem ad hoc sacramentum di- cere debet.

Confirmatur hæc ratio, nā si pars sacramenti ad sacra- mentum referri non deberet, sequeretur posse aliquem, puerum abluere, sine inten- tione baptizandi illum, sed solum cum intentione ipsum lauandi, & deinde mutata in- tentione, formam baptismi proferre, & facere sacra- mentum. Similiter idem fieri pos- set de confessione; posset nā- que aliquis, sine animo sua peccata confitendi, sed solū historialiter narrandi, ea con- fessario manifestare, & dein- de accedēte absolutionis for- ma, absolui; quod nemo di- cit. Non enim est maior ratio de vna parte materiali, quam de alijs, quando eodem mo- do importantur, vt in nostro casu contingit.

Respondet Lugo, quod nō omnes actiones sacramenta- les poni debeant ex intentio-

ne ponendi sacramentum, vt manifestum est in matrimo- nio, vbi si quis intendat illud ponere in ratione contractus, etiam si nō intendat illud po- nere in ratione sacramenti, quia ignorat matrimonium esse sacramentum, adhuc vt sacramentum ponetur. Simi- liter species panis sunt mate- ria sacramenti Eucharistiæ, & tamen necesse nō est, quod qui illas conficit, habeat intē- tionem ponendi sacramentū; alioqui qui facit hostias, talē habere deberet intentionem. Tum quia solum illud ex in- tentione faciendi sacra- mentum poni debet, respectu cu- ius Sacerdos, vel quilibet alius operatur vt minister Christi, hoc autem non est respectu recipientis sacramē- tum, sed administrantis illud, ob idque ablutio poni debet ex intentione ponendi sacra- mentum, non contritio &c.

Nam contra est, quia pars vt pars à quocūque ponatur, semper poni debet per ordi- nem ad totum, alioqui non ponetur vt pars, ergo cū con- tritio ex intrinseca, & essen- tiali ratione hoc sacramentū

vt

ut pars respiciat, vel in recto per Lugum, vel aliquo modo in obliquo, ut volumus nos, hoc modo, & non alio poni debet.

Nec exempla quæ adducit Lugo illi profunt, imò maxime obsunt, nā eo ipso quod quis contrahit matrimonium, intentionem habet virtualemente ponendi omnia, quæ ad eius substantiam requiruntur, inter quæ est ratio sacramenti ut patet; ob idque videmus, quod si quis positiuè nollet matrimonium facere, qua ratione est sacramentum, sed solum qua ratione est cōtractus humanus, matrimonium non faceret secundū aliquos, licet nos oppositum putemus, cum ratio contractus, quæ ad sacramenti rationem supponitur non sit sacramentalis, nec pars sacramenti, sed de hoc suo loco. Secundum exemplum de speciebus panis, vel procedit de speciebus, ut sunt materia proxima Eucharistiæ, & hoc modo poni non possunt, nisi ex intentione ponendi sacramentum, imò sunt ipsum sacramentum in recto, ut in tract. de Eucha. disp. 1. q. 3.

docuimus, vel certè procedit de speciebus, ut materia remota sacramenti Eucharistiæ, & tunc non est ad rem, cum certum sit materiam cuiusque sacramenti remotam, poni nō debere ex intentione proprii sacramenti. Nec ratio quam ille auctor adducit, est ad rem; nam si aliquid valeret, probaret etiam, necessarium non esse confessionem poni, cum intentione faciendi sacramentum, cum poenitens dum confitetur, non concurrat, ut minister Christi, ut illius personam repræsentat, sicuti quando dolorem ponit; sed solum ut purum suscipiens sacramentum. Aliud ergo est concurrere ad sacramentum, ut minister Christi, & aliud concurrere ad sacramentum, ut suscipiens illud, in utroque casu proportionata requiritur intentio, cum differentia tamen, quod in ministro, talis poni debet intentio, per quam eius ministerium exprimitur; & in suscipiente talis similiter intentio poni debet, per quam susceptio significatur; unde ut vides ratio Lugonis ipsi aduersatur.

Circa

Circa' propositum nõ peccandi de cætero ad pœnitentiæ sacramentum requisitum, sunt variæ sententiæ, aliqui namque volunt requiri propositum formale, vt Medina C. de confess. quæst. de confessione sistã iteranda. Toletus

lib. 3. cap. 4. Alij volunt nullũ requiri propositum. Hæc Suarez disput. 20. sect. 4. num 32. tribuit Soto. Verior, & tenenda sententiã est quod sufficiat propositio virtuale in ipso dolore contentum, vt supra disput. 2. q. 2. §. quares 2. explicuimus.

Q V A E S T I O IV.

*Quale peccatum sit confiteri venialia sine vlllo dolore? & an sufficiat dolor virtualis.
Vbi aliæ difficultates enodantur.*

Philippus Faber 4. dist. 17. q. vnica disput. 14. cap. 3. num. 51. defendere conatur non esse peccatum mortale, confiteri peccata venialia, sine vlllo dolore, sed solum esse veniale, ita quod si quis mortalia confiteatur peccata. sine vlllo dolore, peccet mortaliter; si vero venialia confiteatur, sine dolore vlllo, peccet solum venialiter; quia, inquit, in primo casu frustratur sacramentum in re graui, in secundo vero solum in re leui. Sed hæc sententia nullatenus valet sustineri; vnde.

Nostra sententia sequenti explicatur cõclusionẽ. *Si quis sola venialia confiteatur, & de illis nullum habeat dolorem, peccat mortaliter peccato sacrilegij.* Hæc conclusio est omnino certa, & illam defendũt omnes Theologi.

Probatur primò conclusio. Reddere sacramentum nullum, est graue irreuerentiæ peccatum; sed confiteri venialia sine vlllo illorum dolore, est reddere pœnitentiæ sacramentum nullum, ergo erit grauẽ irreuerentiæ peccatum, ac subinde mortale. Maior est com-

commune Theologorum sensus; cum enim sacramenta sint res grauissimæ, ordinatæ ad sanctificandos homines, reddendo illos diuinæ consortes naturæ; non potest non esse, grauissimum sacrilegij genus, illa suis frustrare effectibus; cum enim nihil sit in mundo dignius, nihil nobilius post Deum, gratia sanctificante, & vnione hypostatica, & nulla actio esse possit dignior, nulla nobilior actione productiua illarum, sequitur, quod sicut grandis esset irreuerentia, impedimentum ponere vnioni hypostaticæ, ita similiter crit, simile irreuerentiæ genus, ponere impedimentum gratiæ sacramentali; hoc autem fit in sacramento poenitentiae, dum peccata venialia sine ullo dolore consentuntur; ergo. Minor etiam patet, & concedit Philippus Faber; ergo.

Respondebis cum Fabro esse quidem graue irreuerentiæ peccatum frustrare sacramentum suo effectui in re graui, non tamen in re leui. Nā contra est. Primò, quia licet peccatorum venialium remis-

sio, sit res leuis, impedire tamen sacramentum, ne gratiā, ad quam ordinatur, producat, non potest non esse res grauis; aliud namque est peccata remitti venialia, esse quid leue, aliud vero, formam sacramenti falsam, reddere; & sacramentum ipsum suo effectui frustrare, & nullum reddere, esse quid leue; aliud est, acetum esse quid leue, & aliud est ipsum consecrando, Eucharistiæ sacramentum non efficere, & eiusdem Eucharistiæ formam, falsam hic, & nunc scienter reddere: certè nullus sanæ mentes dicere audebit solū esse veniale peccatum verba consecrationis calicis supra acetum proferre, vel supra aliā materiam inneptam, &c. Quid enim refert ad homicidij grauitatem, quod homo sclopeto, vel bombarda occidatur? quod ense, vel acu? certè homicidij grauitas nunc à medio præcisè desumitur, sed ab hoc, quod homo vita, quæ res grauissima est, priuetur: ita pariformiter, parum refert ad sacrilegij, erga sacramenta, gra-

uita-

uitatem, quod pœnitentiæ v.g. sacramentum irritum reddatur, ex defectu doloris, vel materiæ, vel intentionis, vel per quodlibet aliud, cum in se res grauissima sit; sūt enim sacramenta sola, & suprema Christi Domini, & diuinitatis instrumenta in ordine supernaturali ad gratiam causandam, ad homines iustificandos, ad ipsos diuinæ confortes naturæ reddendos, &c. Secundò, quia licet leue sit, venialium peccatorum dolor, non tamen leue est, ponere cætera, ad Pœnitentiæ sacramentum requisita, & non ponere dolorem: est leue ponere, vel non ponere venialium dolorem vt ex se liquet, non tamen est leue ponere cætera ad hoc sacramentum requisita, & non ponere consulto dolorem, dolor namque non requiritur, vt ponatur ratione venialium, sed ratione sacramenti, cum de huius ratione sit vt supra, & infra dicemus, quod indispensabiliter connotetur, cum omnia Cōcilia, & Patres velint dolorem esse modo alibi explicato, Pœnitentiæ sacramenti, partem;

unde ob id sicut esset peccatum mortale cetera ad hoc sacramentum requisita ponere, & non ponere confessionem, ita, & non ponere dolorem, alioqui si ob materiæ leuitatem in se esset solum veniale non ponere dolorem, in Pœnitentiæ sacramento, ita ob eandem rationem solū veniale peccatū esset in Baptismo non ponere ablutionē, cum in se res leuissima sit.

Probatür secundò ex inconuenientibus quæ in Fabri sententiâ sequuntur. Primò namquē sequeretur non esse peccatum mortale frustrare Pœnitentiæ sacramentum suo effectu confitendo mortalia sine dolore, licet. n. peccatum mortale res grauissima sit, nō tamen est res grauissima, nec grauis, sed leuis quod deleatur per confessionem A, vel per confessionem B. Sequeretur non esse mortale, quod Baptizatus iterum rebaptizetur cum nullo fructu se priuet cuius sit capax. Sequeretur non peccare mulierem, quæ habitu induta virili, sacros reciperet ordines, cum nullo fructu capaci se priuet. Sequere-

queretur Sacerdotē non peccare mortaliter panem consecrando hordeaceum, cum ipse nullo se priuet fructu, cū solum fiat irritum sacramentū in re leui, quæ gratiæ fructum impedire non valet, & etiamsi valeret sponte eo se priuare posset, cum nulla sit obligatio operandi pro gratiæ augmento acquirendo, hæc omnia, vt patet absurda sunt, & ex Fabri sententia sequi videntur: ergo. Soluuntur argumenta in oppositum.

Primum argumentum: si quis plura confiteatur venialia, & de omnibus nō doleat, sed solum de aliquo, vel aliquibus, non peccat mortaliter; ergo neque si de nullo doleat; Antecedens admittūt omnes. Consequentia probatur; nam in vtroque casu confitens leui priuatur emolumento, & in vtroque casu, frustratur sacramentalis absolutio, effectu leui; ergo &c.

Respondetur concedendo Antecedens, vt postea videbitur, & negando consequentiam; ad probationem iam patet ex dictis, nam in casu quo quis de nullo doleat ve-

niali sacramentalis absolutio absolute & simpliciter frustratur, cum sacramentum sit nullum, at vero in casu quo quis plura venialia confiteatur peccata, licet absolutio frustratur secundum quid, nō tamen simpliciter, quia materia datur sufficiens ad verū, & validum ponendum sacramentum.

Secundum argumentum: In Caietani, & aliorum sententia quæ tenet, Eucharistiæ sacramentum suum gratiæ effectum non producere, nisi in homine cum actuali attentione, & deuotione accedente, si quis sine illa accedat non peccat mortaliter, & non ab aliam rationem, nisi quia censetur leui effectu priuari; atqui hoc idem in nostro casu contingit; ergo. Respondetur diuersam esse rationem in casu Caietanæ sententiæ, & nostræ, nam in sententia illa Caietani, licet Eucharistiæ sacramentum suo frustratur effectu, nō tamen sit nullum; at in nostro casu nullum ponitur sacramentum. Deinde dico, quod ob id Caietani sententia communiter reicitur,

Y cum

cum res grauis videatur, venerabile Eucharistiae sacramentum, suo scienter frustrare effectum; cum volūtaria, accedēdo, districtione. Ob hoc diximus de Eucharistia, hoc sacramentum ad sui effectus productionem non requirere actualem attentionem, nec deuotionem, licet optimum sit hæc habere.

Tertium argumentum. Nō est peccatum mortale, leuem non adimplere poenitentiam; ergo neque erit peccatū mortale confiteri leuia, sine dolore. Respondetur diuersam planē esse rationem antecedentis, & Consequentis; nam in casu Antecedentis, sacramentum non fit nullum, benè in casu consequentis. Vnde etiā si in primo casu, aliquo, sic confitens, priuetur effectum, non tamen peccat mortaliter, cum verum ponat sacramentum, & aliunde obligatio grauis non intercedat, cum materia sit leuis.

Quartum argumētum, potest quis ob grauis damni uitiationem, exterius matrimonium contrahere, & interius, contrariam habere intentio-

nem, & sic nullum facere sacramentum, vt communiter admittunt Theologi; & hoc sine peccato mortali, imò aliquando etiam sine veniali; ergo etiam poterit quis saltē ex aliqua occasi one, sine peccati mortalis reatu, facere poenitentiae sacramentū nullum.

Respondetur concedendo Antecedens, & negando consequentiam. Ratio discriminis multiplex. Prima quia potest dari casus, in quo quis excusetur à non ponendo interiori cōsensu pro matrimonio non ponendo, non tamen casus assignari potest, in quo quis possit sua peccata confiteri, & possit excusari à dolore non ponendo. Nā matrimonium est contractus onerosissimus, afferens vinculum indissolubile, vnde si quis cogere velit aliquē ad contrahendum, & iste non possit ob mortis metum recedere, poterit interiorē non ponere consensum; non sic in dolore. Secūda, quia in matrimonio, ratio sacramenti, non est per se primo inspecta; sed ratione contractus naturalis, quem
ratio

ratio sacramenti sequitur, ex Christi Domini institutione; unde id quod excusare habet, à non ponenda contractus intentione, excusare etiam habet, à non ponenda ratione sacramenti. Nō sic est in alijs sacramentis, cum in illis ratio sacramenti ratione sui, nō ratione alterius inspiciatur. Vnde matrimonium licet sacramentum sit, est tamen in multis priuilegiatum, ut quod fieri quæat per procuratorē; quod possit fieri per appositionem conditionis de futuro &c.

Circa secundam difficultatem in quæstionis titulo positam, an nimirum requiratur dolor formalis; an vero sufficiat virtualis. Est prima sententia Tamburini in opus. expeditæ confessionis lib. 1. c. 3. §. 1. num. 1. & 2. quod pro venialium confessione, virtualis dolor sufficiat. Vnde dicit, quod si quis accedat ad confitenda venialia sine actuali illorum complacentia, cum desiderio recipiendi sacramentum, eiusque effectum; cū in hoc desiderio sufficien-

ter, virtualē habeat derestationem, bene erit dispositus.

Sed hæc Tamburina sententia est prorsus eliminanda. Primò quia est contra apertā Tridentini doctrinam sess. 14. cap. 3. vbi dicitur: *sunt autem quasi materia huius sacramenti ipsius pœnitentis actus, nempe contritio, confessio, & satisfactio, qui quatenus in pœnitente, ad integritatem sacramenti, ad plenamque, & perfectam peccatorū remissionem ex Dei institutione requiruntur, hac ratione pœnitentie partes requiruntur.* Patet autem, quod desiderium recipiendi sacramentum, nec contritio perfecta, nec imperfecta est, ut patet ex eodem Cōcilio cap. sequenti, vbi utrinque contritionis naturam explicat.

Secundò quia est contra communem Theologorum sensum, qui volunt pœnitentie sacramentum de necessitate importare dolorem peccatorum. Videatur Magister Angelicus q. 90. art. 2. & omnes eius expositores. Tertiò quia est contra manifestam rationem; Nam ille dolor

requiritur ad pœnitentiæ sacramentum ponendum, per quem fiat peccati retractatio, & detestatio; sed dolor virtualis, seu displicentia virtualis, quæ habetur ex desiderio confitendi, non est talis, ergo. Maior patet, sacramentum namque pœnitentiæ est institutum ad tollendum peccatum retractatū; eodem enim modo quantum ad hoc facit pœnitentiæ sacramentū venialium deletionem, ac mortalium, & eadem dispositio proportionalis requiritur ad delenda venialia per sacramentum, ac mortalia. Minor probatur, quia displicentia virtualis, quæ habetur in desiderio recipiendi hoc sacramentum, stare potest cum affectu ad peccatum, saltem veniale; ergo hæc displicentia virtualis, cum affectum peccandi non excludat, non erit sufficiens dispositio ad hoc sacramentum recipiendum. Unde licet peccata venialia remitti possint extra sacramentum per solam illorū virtutem, & simplicem displicentiam, tamen in sacra-

mento, non nisi per displicentiam formalem, & efficacem remitti possunt, cum talis sit huius sacramenti natura. Sicuti si quis fuisset à mortalibus per dilectionis actum iustificatus, adhuc deberet formalem, & efficacem doloris actum elicere, quando illa postea confiterentur, ut suo loco notauimus, & docent omnes.

Sed quæres primò, an sufficiat ille dolor, quo quis dolet se non dolore, seu an sufficiat ille actus quo quis desiderat conteri, seu dolere. Comitoli apud Victorellum in Summa Toleti lib. 3. cap. 4. ubi etiam citat Nauar. & videtur esse eiusdem Toleti sententia, tenet partem affirmatiuam, vnde dicit, quod qui nullo afficitur dolore, dicit tamen se vehementer dolere, quod de suis peccatis dolere non possit, sit sufficienter dispositus, pro sacramento pœnitentiæ ponendo. Sed hæc sententia præcisè ut sonat non est vera, cum, ut patet ex dictis, dolor de peccatis ex aliquo supernaturali motu omni-

omnino requiratur ad poenitentiae sacramentum ponendum. Puto tamen esse valde difficile, & practicè impossibile, quod quis vehementer doleat se non dolere, vel consideret efficaciter se dolere, vel conteri, & quod sufficientem non habeat dolorem, licet reflexè illum non cognoscat; præsertim quādo est purè internus, & passionem in sensu non causat.

Quæres secundo, an poenitens sub mortali teneatur dolere de omnibus venialibus, quæ confitentur, an vero sufficiat dolere de aliquo, ad hoc, ut poenitentiae sacramentum subsistat. Verior, & communior Theologorum sententia est, ad poenitentiae sacramentum ponendum sufficere de aliquo veniali dolere, nec esse necesse de omnibus dolore, quæ in confessione dicuntur. Ratio communis est pro omnibus sacramentis, quia videmus omnia sacramenta subsistere, etiam si cum propria, & idonea materia, alia non idonea ponatur, ut in baptismo, si quis aqua utatur naturali, non adeo pura, vel

in qua alterius liquoris pars minima, reperiatur, si quis utatur hostia nō adeo ex fursure purgata &c.

Quæres tertio, an in casu præcedentis difficultatis teneatur Poenitens certiore facere confessarium se non habere dolorem de omnibus peccatis, sed solum de illo, vel illo. Respondetur negativè, si enim teneretur certiore facere confessarium de doloris carentiā, nulla esset ambigendi difficultas in casu præcedentis difficultatis; nec requiritur quod poenitēs habeat positivum animum non ponendi illa venialia, ut confessionis materiam, sed sufficit quod ea omnino ponat, quæ necessaria sunt ad validum ponendum sacramentum.

Quæres tertio, an id quod diximus de peccatis venialibus valeat etiam quoad mortalia iam confessa, ut quando quis confessionem facit generalem, an teneatur de omnibus peccatis mortalibus, alias confessis dolere. Et respondeo idem esse dicendum in utroque casu, sicut enim qui

gene-

generaliter confitetur, non tenetur omnia mortalia alias confessa exponere, ita non est obligatio de omnibus dolere, licet aliunde sit valde difficile dolere de vno mortali, & non dolere de omnibus, saltem virtualiter, de quo supra.

Quæres quarto, an attritio cognita, sit sufficiens dispositio cum sacramento, ad gratiam ponendam. Respondetur affirmatiuè cum communi Theologorum sententia, & constat apertè ex Tridentino sess. 14. cap. 4. vbi absolute id docet, nulla facta mentione bonæ fidei, vel quod debeat esse putata contritio, vt aliqui voluere, alioqui simplicium, vel rusticorum conditio melior esset, quam conditio Theologorum, illi enim cum nesciant distinguere inter contritionem, & attritionem, facilius possunt bonam habere fidem de contritione, quàm Theologi, quam docti, quod non est dicendum; tum quia cum hoc sacramentum sicut, & Baptismus, sit mortuorum sacramentum, à mortuo suscipi potest, non posset autem

suscipi nisi per accidens, quando suscipiens putaret esse viuus per contritionem, & mortuus esset.

Quæres quinto, ad quæ peccata venialia se extendat ille dolor, quo quis quando confitetur, dicit me accuso de omnibus venialibus, vel de omnibus mendacijs? Respondere optimum consilium esse in confessione (loquendo de venialibus) assignare materiã determinatam saltem in specie subalterna, vt accusare se de omnibus mendacijs, mendacium autem species subalterna est, seu quoddam genus non adeo vniuersale, habens sub se proprias species, & tunc si dolor re vera ad omnia ista venialia se extendat, & sine aliunde materia sufficienter determinata, omnia per sacramentum dimittentur, si vero quis se accusaret solum de venialibus vt sic, non descendendo ad aliquam speciẽ, vel genus magis determinatum, dummodo re vera de omnibus doleat, omnia etiã de quibus ille dolor fuit, dimittentur; dico de quibus ille dolor fuit, quia si post talem

lem doloris vniuersalis actum aliquod veniale committeretur, hoc directè non dimitteretur, ac autem indirectè constat ex dictis. super disput. 2. q. 9. vbi plura diximus de venialium remissione. Hæc ut dixi procedunt de venialium confessione, & dolore, quia si de mortalibus loquamur, licet dolor possit esse vniuersalis, confessio tamen debet esse determinata quoad species peccatorum, & numerum, quia cum hoc sacramentum sit institutum per modum iudicii, & in iudicio de causis grauib; debeant ipse causæ in particulari cognosci, sicut in leuib; sit quod mortalia debeant particulariter confiteri, venialia vero possunt etiam in sua vniuersalitate cognosci, &c.

Quæres sexto, an dolor, seu attritio vniuersalis, qua quis doliuit de omnibus peccatis venialibus, & mortalibus, reuocetur, per subsequens peccatum veniale, ita quod si quis, eo casu sine nouo dolore ad Pœnitentiæ sacramentum accederet, indispositus accederet. Affirmatiuè respon-

det Lugo, loquendo speculatiuè, quia sicut nouum mortale præcedentem interrompit dolorem, ita, & nouum veniale. Sed nec speculatiuè, nec practiue vera est illa sententia, nam peccatum nouum veniale, per se interrompere non habet dolorem de mortalibus, & venialibus habitum, cum optimè stare possit, quod quis doleat de omnibus peccatis præteritis, & tamè nouum comittat veniale; ut modo dicitur de proposito. Nec argumentum, quo conuincitur Lugo, aliquid probat, nam licet verum sit peccatum nouum mortale interrompere dolorem præteritum, non tamen nouum veniale per se loquendo: quod sequens difficultas magis dilucidabit.

Quæres septimo, quale propositum requiratur ad hoc ut quis venialium obtineat, per Pœnitentiæ sacramentum, remissionem. Supponit difficultas requiri propositum non peccandi de cetero, ad sacramentum Pœnitentiæ ponendum, ut docet Tridentinum, & Theologi omnes, licet sufficiat tale propositum esse

esse virtuale; de eius vniuersalitate, vel particularitate disquiritur: ratio difficultatis est, quia non videtur quomodo possit quis, dum dolet de omnibus venialibus præteritis, habere propositum vitandi omnia venialia futura; cum enim propositum debeat dolori commensurari, & dolor sit vniuersalis, etiam propositum vniuersale esse debet, hoc autem non videtur esse possibile, cum omnia venialia futura vitari non possint.

Ad hanc difficultatem respondet Suarez hic disput. 4. sect. 3. nu. 5. & in comment. art. 1. q. 87. quod dum quis dolet de omnibus venialibus non potest habere propositum vitandi omnia venialia, sed solum faciendi quantum est ex parte sua, & quantum in ipso erit vitandi, vel minuendi omnia venialia, quantum humano modo id fieri potest. Sed hæc responsio nullo modo sustineri debet, primò quia non explicat modum quo propositum dolori respondeat. Secundò quia tale propositum non potest à vera oriri contri-

tionem; nec attritionem, nam dolor de peccatis sufficiens ad iustificationem, debet (per Tridentinum sess. 14. cap. 4.) affectum ad peccatum excludere, atqui tale propositum non excludit, ergo neque dolor à quo causatur. Minor ostenditur, nam optimè stare potest cum affectu non solum ad venialia, verum etiam ad mortalia, quod proponat illa vitare quantum humana patietur fragilitas, & illa minuire. Tercio quia cum tale propositum non sit efficax, ut patet, nec dolor à quo procedit, efficax erit.

Lugo hic disput. 14. n. 133. & sequentibus, duobus modis ad propositam respondet difficultatem. Primò, quod quando quis dolet de omnibus peccatis suis venialibus, non intendit dolere nisi de illorum collectione; nò de singulis; ad eum modum quo religiosus se accusat de transgressionibus regulæ; tunc enim temporis non intendit dolere de singulis transgressionibus, sed solum de illarum collectione, vel frequentia, & de hac frequentia tollenda procedit propo-

propositum. Secundò dicit sensum illius doloris de omnibus venialibus non esse volitionis absolutæ vitandi peccata futura, nempe *velo nunquam peccare venialiter*: sed conditionatæ, & sensum esse: *velo quantum est in me, nunquam peccare venialiter, licet sciam ex fragilitate me peccaturum*.

Sed neutra responsio placet, non quidem prima, quia non puto verum, quod dum fideles de omnibus suis dolent peccatis eorum intentio non ad peccata ipsa, se extendat, sed ad solâ peccatorum collectionem, & frequentiam, inò de utroque quandoque dolere solent, nempe & de peccatis ipsis, & de illorum frequentia, tanquam de peccatorum quadam circumstantia: certè ridiculum esset, fideles dolere de illa peccatorum venialium circumstantia, & non magis, & prius dolere de peccatis ipsis. Tum quia, dato quod de illa collectione, vel frequentia, ut sic, dolerent fideles, ex consequenti tamē etiam de ipsis peccatis sub tali collectione contentis do-

lere debent, nec remitti potest peccatum sub illa ratione generali, quin etiam remittatur sub rationibus specialibus illius. Tum etiā quia, adhuc non explicatur, quomodo propositum dolori respondeat, nam si dolor est de illa collectione, etiam propositum erit de eadem collectione dumtaxat vitanda, pariter autem quod collectio, sub proposito ad confessionem necessario, non cadit, nā propositum ad confessionem necessarium, affectum erga peccatum futurū excludere debet; atqui propositum vitandæ collectionis peccatorum stare potest cum affectu erga peccatum, licet excludat frequentiam illius, vel collectionem; ergo.

Neque etiam solutio secunda placet, nam licet verum sit, posse esse dolorē de peccatis cum sufficienti proposito correspondēte ex vna parte, & ex alia possit dolens credulitatem habere, se postea ex fragilitate casurum; tamen & dolor, & propositum correspondens, esse debent volitionis, non solum conditionatæ;

nata, sed efficax, verū etiam absolutā, quod ille negat, & ratio est, quia omnis dolor, & propositum correspōdens, ad hoc vt sit sufficiens, pro peccatorum remissione faciendā, siue extra, siue intra sacramētum debet esse absolutus nō conditionatus; cum dolor cōditionatus stare possit cum affectu ad peccatum, vt patet, imō propositum quod Lugo ponit, absolutum esse videtur, vult enim sensum illius doloris vniuersalis esse *doleo de omnibus peccatis meis, & quantum est in me nunquā peccare volo venialiter, licet sciam ex fragilitate me peccatorum*: certē iste actus non est conditionatus, sed absolutus, non enim video sub qua conditione fiat, aliud namque est dolere, vel proponere vitare peccata sub conditione, & aliud est scire, se ex fragilitate esse peccatorum, hoc enim non est conditio, vt patet. Adde illum auctorem duo repugnantia dicere videri, nempe illud propositum esse efficax, & non esse absolutum; quod enim efficax est, absolutū est, & quod sub conditione est,

cum à conditione ipsā dependeat, efficax non est. His ergo prātermisiss.

Respondetur ad difficultatem propositam cum Doctore Angelico q. 87. ar. 1. ad primum, vbi ita loquitur. *Pœnitentia de peccatis mortalibus requirit, quod homo proponat abstinere, ab omnibus, & singulis peccatis mortalibus; sed ad pœnitentiam peccatorum venialium requiritur quod homo proponat abstinere à singulis, non tamen ab omnibus; quia hoc infirmitas huius vite non patitur.* Quorum verborum sensus est, quod in hoc discriminetur propositum vitandi mortalia, in eorundem mortalium dolore contentum, à proposito vitandi venialia, quod illud esse debet de omnibus, & singulis mortalibus, hoc vero nō de omnibus collectiue, sed de singulis solum diuisiue, propositum autem vitandi singula venialia diuisiue, contenta sub illo vniuersali dolore, non reuocatur, per commissionem huius, vel illius venialis, sed per commissionem omnium venialium diuisiue sumptorum, sub illa colle-

collectione contentorum; cū enim propositum vitandi venialia in illo vniuersali dolore contentum, sit de omnibus venialibus diuisiuè acceptis: (collectiuè namq; omnia vitare venialia humanam transcendit infirmitatem) non cēsetur reuocatum per commissionem huius, vel illius venialis; sicut nec propositum vitandi hoc veniale tollitur per cuiusque venialis commissionem, sed per commissionem illius dumtaxat. Adde valde probabile esse, quod dolor, & propositum de aliquo, vel aliquibus, vel omnibus venialibus habitum, non reuocetur per commissionem cuiuscunque venialis, sed solum per expressam retractationē; & iste videtur esse communis sensus fidelium, qui posito de aliquo, vel aliquibus venialibus dolore, etiāsi postea alia venialia committāt, vel ante, vel etiam in ipsa confessione,

non sunt solliciti de nouo dolore ponendo, vnde diximus supra q. 2. esse piorum vsum confiteri de aliquo peccato vitæ preteritæ, de quo aliquādo dolorem habuerunt, vt si fortè tunc propter vsum, non habeant verum dolorem, & propositum emendationis illarum leuiū culpatum, quas confitentur, sacramentum nō fiat irritum; Vnde omnes fateri debent differentiā esse inter dolorem, & propositum quoad mortalia, ac quoad venialia, quod illud per quodlibet peccatum reuocetur, vt ex se liquet, hoc vero non nisi expressè; alioqui magnis scrupulis exponerentur fideles, si semel dolore, & proposito de aliquo peccato veniali habito, per aliud veniale reuocaretur; imò frequentissimè confessiones inualidè fierent, cum post peccatorum dolorem venialium, alia venialia committantur.



Q V A E S T I O V.

An auritio, vel dolor quem ostendit ille, qui sua confitetur peccata manens in occasione proxima, vel qui statim relabitur, censeatur sufficiens ad pœnitentiæ sacramentum ponendum. Vbi etiam aliæ difficultates resolvuntur.

Ocasio proxima cõmuniter definitur, quod sit illa, in qua quis positus, vel per se, moraliter loquendo, vel vt in plurimum, labitur in peccatum; occasio vero remota illa est, in qua quis positus nec per se, nec vt in plurimum labitur in peccatũ. Deinde occasio proxima diuiditur in liberam seu voluntariam, & in non liberam, seu non voluntariã, occasio proxima libera, illa est, quã quis sine scandalo, sine graui infamia, sine magno spirituali, vel temporali detrimento vitare potest, non libera illa dicitur, quam quis vitare non potest sine scãdalo, sine infamia &c. hoc posito.

Dico primò, in remota exi-

stens occasione absolui potest, dum de proprijs dolet peccatis. etiamsi propositum non habeat tale vitandi occasionem. Est communis Theologorum sententia, alioqui opportheret de mundo exire, vt dicit Apost. 1. Cor. 5. cum in omnibus ferè statibus occasio detur remota mortaliter peccandi. Vnde ob hoc dicunt plures, absolui debere adolescentes, qui laborando cum fœminis, vel conuersando, cum in eadem domo habitent, etiamsi cum illis peccent cogitatione, consensu, tactu, & copula; quia ea occasio remota censeatur, dummodo proponant se non amplius peccaturos.

Dico secundò, existens in occasione proxima libera, absol-

ui non potest, per se loquendo, cum tunc non censetur sufficienter dispositus per dolorem, & propositum requisitum, nam qui in proxima peccandi occasione libere manere vult, censetur affectum ad peccatum conseruare. Dixi per se loquendo, quia per accidens absolui posset, qui sufficienter dispositus censeretur. Si poenitens extraordinarium ostenderet peccatorum dolorem, & extraordinarium propositum. Similiter si proponeret noua adhibere remedia ad non cadendum, cautellas nouas, vt si occasio esset cum domestica foemina, proponeret nunquam manere velle cum ea in eodem cubiculo, sed quoties in illius cubiculum intrabit, erit associatus, &c.

Dico tertio, qui est in occasione proxima non libera absolui potest, & sufficienter dispositus censetur, dummodo verè de suis, doleat peccatis, & proponat quantum in se erit non peccaturum, etiamsi aliunde credat ex fragilitate peccaturum fore. Et hoc colligitur ex cap. consulisti de frigidis, &

maleficiatis, vbi decernitur eos qui matrimonium nullum contraxerunt ex defectu potestatis coeundi, ob infamiam vitandam, posse manere simul tanquam frater, & soror; etiamsi aliquando aliqua sequerentur peccata, vt oscula, tactus, &c. Et ratio est, quia nullus obligationem habet illas vitandi occasiones, quæ vt auferantur in propria non sunt potestate. Sic filius familias, qui cum famula peccare solet, absolui potest, & sufficienter dispositus censetur, etiamsi talem non remoueat occasionem, cum in eius non sit potestate illam remouere; idem dic de famulo, qui cum hera peccare solet, si sibi valde damnosum sit, talem famulum relinquere, quia difficulter alium inueniet dominum; in hijs tamen, & similibus casibus, curare debet prudens confessarius, de aliquo remedio, vt quod ille famulus solus non agat cum hera, quod ipsa corripiat, &c. Ratio dicti est, quia proxima occasio non necessitat ad peccandum, sed cum proposito non peccandi stare potest.

Sed quæres primo, an Pœnitens, qui sepius confitetur, sepius etiam relabitur, sufficientē habere censeatur dolorem, & propositum, & subinde semper possit absolui. difficultas hæc potissimè procedit respectu illius qui sepe absolutus fuit absque proximæ occasionis remotione, ob graue detrimentum, quod passus fuisset in illius remotione. Ad quam difficultatē respondet Suarez disput. 32. sect. 2. & alij, quod ille talis cogendus sit tale detrimentū subire, & talem occasionem relinquere, nec aliter absolui possit, cum non videatur habere, nec dolorem sufficientem, nec propositum, cum semper relebatur, nec vlla correctio reperitur. Verior tamen, & communior est sententia opposita, cum qua dico *talem relapsū per se loquendo absolui posse, & debere.* & ratio communis est, quia adhuc post talem relapsū, & talem experientiam, verus dolor, verumque propositum stare potest, cum positua voluntate talem non auferendi occasionem, non absolutè, sed

cū tali detrimento; ergo. Antecedens patet, quia Pœnitens ob graue detrimentum fuit excusatus quando primò confessus fuit, & ob hoc non tenebatur illud subire pro illa vitanda occasione, ac subinde esse poterat sufficienter dispositus, ergo etiam modo. Antecedens admittunt omnes: consequentia probatur, quia detrimentum quod semel excusat, semper excusare potest; si enim semel quis nō tenetur se ipsum infamare, numquam per se loquendo, tenebitur id facere: dixi per se loquendo, quia si ex tali relapsu, doloris, & propositi carentia argueretur, tūc absolui non posset.

Quæres secundò, an ille sit sufficienter dispositus per dolorem, & propositum, qui nō vult vitare occasionem labēdi in aliquod mortale incommuni, seu indeterminatum. v g. Petrus expertus est, quod quoties conuersatur cum Ioanne, toties in aliquod peccatum labitur, vel saltem vt in plurimum, vt ex octo vicibus quibus cum illo conuersatur, labitur quinque vicibus, sed modo

modo in carnis peccatum , modo in peccatum detractio- nis , modo in peccatum gulæ &c. An tunc teneatur Petrus, Ioannis conuersationem vitare ; & si noliteam vitare cen- scatur non esse dispositus per dolorem , & propositum suffi- ciens . Suarez , & Filliucius apud Lugum disput. 13. nu. 161. dicunt Petrum non teneri talem occasionem vitare , eo quod occasio labendi in aliquod peccatum in com- muni , seu indeterminatum non censeatur proxima , sed remota ; volunt namque occa- sionem illam proximam dici , inter quam , & peccatum ip- sum , mediat tentatio proxi- ma ad peccatum in particu- lari ; quando vero mediat tē- tatio ad peccatum nō in par- ticulari . sed solum in com- muni remota occasio sit . Sed hæc sententia displicet Lu- go , & alijs communiter , & merito quidem . Quia illa eadem obligatio , & maior quæ me obligat ad vitandum hoc peccatum numero , me etiam obligat ad vitandum hoc , vel illud , quid enim re- fert quod ego sciam quod cō-

uersando cum tali ; peccabo peccato grauis detractio- nis , vel quod sciam quod con- uersando cum illo tali pecca- bo mortaliter , licet nesciam , an tale mortale debeat esse detractio- nis , vel gulæ ? &c. certè illa obligatio , quam habeo vitandi occasionem , non peccandi peccato detrac- tio- nis , me etiam obligat ad vitandum quodlibet aliud mortale , etiam si determina- tē nesciam quodnam illud sit , dummodo sciam quod re ve- ra mortaliter peccabo . Nec- verum est quod occasio pro- xima illa sit inter quam , & peccatū mediat tentatio par- ticularis , ad particulare pec- catum ; nam cæteri Theologi non requirunt ad occasionē proximam medium tentatio- nis , sed nexum moralem , la- bendi , saltem vt in plurimum in peccatum , alioqui ille , qui ludi occasione peierat , vel blasphemat , talem occasionē vitare non teneretur , quia non mediat tentatio proxima & particularis ad tale periuri- um ponendum ? Maneat er- go esse obligationem vitandi occasionem peccandi mor- taliter ,

taliter, siue hæc occasio sit ad determinatum peccatum, siue ad indeterminatum, cum utrobique periculum gratiæ perdendæ reperiatur.

Quæres tertio, an confessarius possit Pœnitenti relapso, aliquando absolutionem differre, an vero teneatur illum absoluerè, præsertim quando dicit se esse sufficienter dispositum per dolorem, & propositum. Ioannes Sancijs in suis practicis disputationibus disput. 9. nu. 6. & sequentibus, dicit non posse confessarium reciduo absolutionis beneficium denegare, nec etiam ad experimentum differre, sed teneri illi statim absolutionem impendere, & teneri credere Pœnitenti dicenti se dispositum esse per dolorem, & propositum. Sed communior sententia oppositum tenet, præsertim quando confessarius videt, Pœnitentem, pluries fuisse relapsum, sine ullo emendationis signo. Si tamen confessarius modo, nouum obseruaret dolorem, & propositum, seu videret firmitus proponere, & nouas proponeret adhibere

diligentias, absolui deberet; nec confessarius facilis esse debet in differenda absolutione, quia, vt experientia didici, maiora sequantur mala. Hoc consilium executioni mādent confessarij, præsertim cum iuuenibus, in carnis relapsibus, quia certè stare potest dolor & propositum, sufficiens, cum illis relapsibus, cum inimicus sit adeo potēs, vicinus, & numquam abscedat, &c.

Quæres quarto an Pœnitens recidiuus possit non confiteri consuetudinem peccandi? Conueniunt omnes, consuetudinem peccandi, non esse nouum peccatum, distinctum ab illis, quæ ex tali consuetudine committuntur, & proinde non teneri Pœnitentem consuetudinem peccandi confiteri, sed sufficere, si ipsa peccata fateatur, vt est communis fidelium vsus, vix .n. vnum inuenies, qui talem consuetudinem confiteatur. difficultas est, an si Pœnitēs à confessario interrogetur de tali consuetudine, teneatur respondere. Ioannes Sancijs loco supra citatq. dicit nō teneri

teneri Poenitentem. respondere, sed posse vti equiuocatione interius retenta, vel cōcepta scilicet vt teneatur dicere: cum enim inquit ille, non sit obligatio confitendæ consuetudinis, cum modo per cōfessionem interrumpatur, & ex alio parte cum timeat Poenitens, quod si cōsuetudinem fateatur, confessarius absolutionis beneficium denegabit, vel differet, habet sufficiens fundamentū vtendi æquiuocatione. Communior tamen sententia oppositum tenet, quia confessarius ius habet cognoscendi Poenitentis dispositionem, & peccandi consuetudo infirmū arguat emendationis propositum, sequitur confessarium posse Poenitentem de consuetudine interrogare, & Poenitentem teneri respondere; est enim Cōfessarius tum iudex, tum Medicus habens ius cognoscendi ea omnia, quæ necessaria sunt tum ad Poenitentis correptionem, tum ad eiusdem Poenitentis sanitatē spirituales.

Quæres quinto, an si detur casus, quod poenitens aliquod

peccatum commiserit, & illud non confiteatur; Confessarius qui hoc scit possit talem poenitentem nō absolvere? Prima sententia tenet Confessarium non posse talem poenitentem absolvere; quia sacramenti forma pronunciari nō debet, vbi constat subiectum esse indispositum. Ita plures apud Dianam de sacram. res. sol. 105. Secunda sententia est poenitentem absolui debere. Ita alij apud eundem Dianā: Mihi media via incedendum videtur: Si re vera confessario constaret de poenitentis indispositione, certè nullo modo absolueudus esset; cū enim Sacerdos sit in hoc Sacramento iudex, non potest sententiam proferre absolutiuam, supra subiectum incapax; si vero id non constet; quia licet sciat Confessarius poenitentem, tale peccatum commisisse, persuadere tamē sibi potest, poenitentem etiā de illo interrogatus, illud negare, non quia illud non commiserit, sed quia putat non teneri illud confiteri, tunc si aliunde videat poenitentem esse sufficienter dispositum,

A a cum

eum absolueret debet; alioqui grauis illi iniuria irrogaretur.

Quæres sexto, an Confessarius possit absolutionem illi negare, qui habet iurandi cōsuetudinem, ex inaduertētia. Et respondetur communiter negatiuè, & ratio est, quia iuramentum, & blasphemix ex inaduertentia prolatae, non sunt peccata, eo quod ex sui natura illi actus requirunt, quod ab vtente ratione proferantur. Vnde postquam pœnitens firmo proposito habitum, vel consuetudinem liberè peierandi retractauit, si postea ex inaduertentia iterū in tales actus prorumpat, nullum peccatum committet; ac subinde si aliunde sit sufficiens dispositus absolui debet, nec est necesse, quod de illis actibus ex inaduertentia factis doleat, vel proponat &c. cum peccata non sint.

Quæres septimo, an ille

pœnitens censeatur non habere sufficientem dolorem, & propositum, qui non vult restituere nisi per partes, ob aliquod emolumentum inde proueniens, si creditor nolit dilationem non sibi nociuam concedere; aliqui volunt nō habere sufficientem dispositionē, & sic absolui non posse. Alij id admittunt, quando emolumentum, est alicuius considerationis, & alter vel nullum, vel paruum patitur damnum ex tali dilatione, eo enim casu præsumi potest de rationali intētionē, licet irrationabiliter talē creditor facere nolit dilationem, & hoc est valde probabile: nec confessarius deberet ea occasione, nimis pœnitentem vrgerē, nec negare, nec differre absolutionem; cum fortē, vel non restitueret, vel nimis differret, & sic minus vtiliter vtriusque negotium ageret.



DISPUTATIO

Q V I N T A

De sacramentali Confessione, quoad præceptum illius.

DE confessionis præcepto præsens procedit disputatio, nõ de eius institutione. vel natura: nam de illius institutione egimus sufficienter quæstione prima disput. 3. ubi ostendimus poenitentię sacramentum fuisse à Christo Domino institutum, non ab Apostolis, vel Ecclesia, vel ab aliquo Concilio. Similiter de Confessionis essentia, vel natura patet ex dictis loco citato, in ipso disputationis principio, ubi Poenitentię sacramenti definitionem posuimus. Quod si velis ipsius confessionis solitarie definitionem habere, dico illam optimè definire M. Soto 4. dist. 18. q. 2. art. 1. quod sit *Sacramentalis peccatorum accusatio ad illorum remissionem, virtute clauum, obtinendam.* Solum aliqualis

difficultas esse potest, an Confessio sit actus virtutis, & cuius virtutis esse possit; Et dico confessionem prout in peccatore, gratiæ præcedit infusionem, non posse esse actum virtutis poenitentię infusæ; nam cum hæc virtus, vt supra dicebamus, non nisi cum gratia infundatur, ante gratiam esse nequaquam potest; prout autem gratiam supponit, potest esse actus poenitentię infusæ exterior. A qua autem virtute sacramentalis confessio in peccatore imperetur, dico secundum aliquos ab illa imperari, vel esse actum exteriorem illius virtutis, à qua attritio elicitur; quod si attritio non ab aliqua virtute, sed ab auxilio eliciatur eiusdem auxiliij, & attritionis virtute, Confessio proficietur, sed verius esse confessionem, vel

A a 2 ab

ab aliqua supernaturali, virtute vt fide, spe, &c. imperari, vel ab auxilio elici nō à cōtitione, vel attritione, vt patet ex dictis supra dis 4. q. 1. cōtra

Coninichum. Relicta ergo cōfessionis sacramentalis natura, & institutione, ad præceptum illius, & annexa descendimus: Vnde sit.

Q V A E S T I O I.

An sacramentalis Confessio, sit diuino iure necessaria ad salutem, vbi alia curiosa tanguntur.

Alij quæstionem hāc sic proponere solent, an nimirum confessio auricularis sit necessaria ad salutem, præcepto diuino, respectu hominis, qui mortaliter post Baptismum susceptum, peccauit, sed vt vides, in idem recidit.

Pro quo nota primò, Confessionis nomen multismodis sumi posse, quandoque namque pro gratiarum sumitur actione, & pro laude Dei, iuxta illud Psalm. *Confessio, & pulchritudo in cōspectu eius. & Confitebor tibi Domine in toto corde meo, & Confitemini Domino quoniam bonus.* Quādoque fidei significat prote-

stationem. Quandoque pro debiti accipitur confessione, vt habetur ff. *de confess.* per totum. Quandoque pro confessione delicti, quæ duplex est, iudicialis, & extra iudicialis, iudicialis, quæ fit iudici, quando factum est notorium, vel semiplenè probatum, vel reus publica flagrat infamia; extra iudicialis est, quæ extra forense iudicium fieri solet, & est duplex generalis, vt quæ fit in principio Missæ: & particularis, & est duplex, alia est consultiua, quæ amico fieri solet, & dicitur secreti sigillum, & alia est auricularis facta Sacerdoti habenti facultatem absoluendi, & dicitur

tur

tur sacramentalis, quia est pars Sacramenti poenitentiae, vt disput. 3. q. 2. ostendimus; & de hoc præsens procedit difficultas, an nimirum sit diuino iure necessaria. Pro quo.

Nota secundò, Confessionem non posse esse de iure naturalis, cum certum sit naturam nil, de hac sacramentali Confessione dictare, nō enim naturæ ius ad supernaturalia extenditur, sacramentum autem hoc, sicut & alia sacramenta Evangelica, supernaturalia sunt, & quia sunt professiones fidei supernaturalis, & quia sunt instrumenta supernaturalia gratiæ. Non est tamen confessio contra naturæ ius, sed potius, fide supposita, ad illam naturam inclinatur, & infligit; cum naturale sit homini à peccato velle liberari, & vt amico, & maximè Deo, medio eius ministro, cordium secreta pandantur. His positis.

Prima sententia est nostri temporis hæreticorum, quod confessio sacramentalis, non sit de iure diuino, sed sit Ecclesiæ inuentum, à tempore Innocentij V. introductum,

unde Lutherus Confessionem vocat *tyrannidem*, & docet esse nimis Ecclesiæ nociuam, diff. conuenientem, & esse multarum dissensionum causam.

Nostra sententia sequenti explicatur conclusione. *Sacramentalis Confessio mortalium peccatorum, post Baptismum commissorum, est de iure diuino, seu est ex Christi institutione necessaria, vel in re, vel in voto.* Hæc conclusio est de fide unde illam tuentur omnes Catholici.

Probatur primò ex tribus sacra Scripturæ locis, ex quibus sacramentalis Confessio, & peccatorum absolutio, manifestè colligitur. Matth. namque 16. dicitur: *Tibi dabo claves regni cælorum, & quodcunque ligaueris super terram, &c.* vbi vt vides promissio facta est D. Petro, & in ipso Sacerdotibus omnibus dandi illis clauibus ligandi, atque soluendi à peccatis, ac subinde confessio sine qua absolutio dari nequit à Christo Domino est instituta, ac proinde iuris erit diuini. Matth. 18. eadem habetur promissio; *Quaecunque solueritis super terram, erunt solu-*

soluta, & in cœlis. Cum autem diuina veritas mentiri non possit: soluendi potestas in Sacerdotibus dari debet ex Christi institutione. Eadem etiâ promissio habetur Io: 20. in illis verbis; *Quorum remiseritis peccata remittuntur eis, & quorum retinueritis retenta.*

Probatur secundò ratione desumpta ex mox citato Diui Ioannis testimonio. Nam, non potest iudex de aliquo crimine sententiam ferre, nisi crimen ipsum iudici manifestetur; sed Sacerdos in pœnitentiæ sacramento est iudex; ergo non potest sententiam de crimine ferre, nisi sibi crimen ipsum propaleatur; atqui hoc non fit nisi media confessione, quæ est peccati, seu criminis manifestatio, cum accusatione, & veniæ petitione; ergo eodem iure quo Sacerdos est iudex, eodem etiâ iure dari debet criminis manifestatio: esse iudicem est de iure diuino, vt constat ex allegato D. Ioannis testimonio; ergo etiam cōfessio, ad talem iudicis rationem necessaria, de iure diuino erit.

Confirmatur, & explicatur hoc argumentum, quia qui præcipit finem ex consequenti præcipit omnia ea, quæ ad talem finem consequendum omnino sunt necessaria; Atqui Christus Dominus præcipit quod in Ecclesia sacerdotes sint reorum iudices, ergo etiam debet ex consequenti omnia illa præcipere, quæ ad tale iudicis exercitium sunt necessaria, inter hæc vnum est criminis confessio, ergo.

Probatur tercio, quia illud est necessarium ad animæ salutem ex diuino præcepto, quo posito ponitur peccatorum remissio, & quo non posito, non ponitur; sed posita facultate in iudice dimittendi peccata, & non posita peccatoris confessione, & veniæ petitione, peccatorum remissio non ponitur, & hac posita ponitur, ergo confessio est ex diuino iure necessaria ad salutē animæ ponendam, in homine post Baptismum in lethale peccatum lapsō. Maior nota est ex Philosophia, Minor patet ex natura iudicij; quam habet hoc sacramentum, nam in iudicio sine criminis

minis notitia sententia non fertur.

Probatur quarto, quia si Confessio non esset de iure diuino, deberet saltem esse de iure humano; atqui non est, ergo debet esse de iure diuino. Maior patet, nam cum Confessio in Dei Ecclesia sit præcepta, & exequuta, debet aliquo iure esse introducta. Minor patet, nam si Confessio iuris esset humani; cum sit res grauissima, deberet eius institutio consistere saltem ex aliquo Concilio; sed non constat, nam in omnibus Concilijs, ubi de Confessione fit mentio diuino iuri tribuitur; vt videre est in Concilio Laodicen. can. 2. in 8. synodo can. 31. in Concilio Carthagin. 3. Africano can. 10. in Cabilon. 1. can. 8. 2. can. 32. Turronico 3. cap. 22. in Remensi, can. 12. & 16. in Moguntino cap. 26. Vormation. cap. 25. in Lateran. cap. 21. Constant. sess. 8. in Florentino in instruct. Armenorum, & in Tridentino sess. 14. per totam.

Probatur quinto ex difficultate quam habet Confes-

sio, per eam namque detegere oportet peccata quæcunque, quamtumuis arcana sint, turpia, pudenda, & horrenda, & Confessarij iudicio stare, & mulctam ab eo iniunctam subire; hoc autem ab Ecclesia statui non potuit, cum humani præcepti cancellos transcendat, ergo diuino, hoc factum est, imperio, hoc est diuinæ promissionis, diuinæque institutionis &c. Confirmatur hoc argumentum ex utilitate nimia quam affert sacramentalis Confessio, quæ non nisi diuino fieri potuit consilio. Hic enim diuina elucet misericordia, quæ nostram extorquet confessionem, vt sanet; elucet iustitia, dum hominis superbia humilitate comprimitur. Hic pastor suarum cognoscit morbos ouium, vt conuenientia afferre possit remedia. Hic ablata restituuntur; iniusti rescinduntur contractus, iniurici reconciliantur, peccatorum remissio obtinetur, instructiones, consilia, consolationes multæ, habentur; quæ omnia non nisi diuino consilio haberi potuerunt.

Pro-

Probatur sexto ex varijs congruentijs, quæ suadent confessionem diuinæ esse institutionis diuinique præcepti. Prima est, quia cum homo anima constet, & corpore, & vtraque pars ad peccandum concurrat, congruum erat, quod vtraque etiam ad diuinam obtinendam indulgentiam concurrere concurreret namque anima per dolorem, & corpus per auricularem confessionem. Secunda est, quia cum difficile valde esset perfectam habere contritionem congruum valde erat, quod sacramentum institueretur, per quod facilius peccatorum indulgentia haberetur, per solam scilicet attentionem, & quia sacramenta signa esse debent sensibilia, debuit aliquod dari sensibile, quod est confessio, per quod occulta panderentur peccata. &c. Tertia, quia ipsa humilis peccatorum confessio multum defert ad sufficientem excitandum dolorem pro peccatorum obtinenda remissione: Imò, & ipsa prudentis confessoris exhortatio, & correctio. Quarta, quia per pro-

priorum Confessionem peccatorum, facilius instruuntur homines, quoniam modo futura vitare possint peccata, tollendo occasiones, pericula fugiendo. Vnde refert M. Soto apud Nugnum hic, quod Teutonici hæretici, qui prius confessionem abstulerant, videntes mala, quæ ex tali Confessionis ablatione proueniant, miserunt ad Carolum V. Imperatorem, ut imperiali potestate Confessionem præciperet, ut tot illa mala cessarent. Soluuntur hæreticorum argumenta.

Primum argumentum est, quia in lege veteri, quæ longè grauior erat, nulla erat peccatorum Confessio, ergo neque in lege noua, quæ longè suauior, benigniorque Mosaica est. Imò videmus Christum Dominum quando peccata remittebat, non exegisse Confessionem, sed solum publicam aliquam, & generaliter eorumdem peccatorum testificationem, ut colligitur ex remissione peccatorum, facta Paralitico Matt. 9. & Magdalene Luc. 2. & Latroni Luc. 23. Tum quia omnium peccato-

catorum confessio impossibilis prorsus videtur, iuxta illud *delicta quis intelligis* & ergo.

Respondetur concedendo Antecedens, & negando consequentiam, cum enim lex evangelica facilior, suaviorque sit, debuit de facili, suaviq; providere remedio, pro peccatorum remissione obtinenda; est autem confessio, quæ cum sola attritione peccata delere potest; in lege autem veteri, perfecta requirebatur contritio, quæ difficulter haberi poterat. Addit Galatinus lib. 10. de *arcanis* cap. 3. in lege veteri plures non solum fuisse confessionis figuras, verum etiã confessiones, licet non sacramentales, ac subinde non esse grauiorem, legem nouam, veteri, sed longe suaviorem. Ad illud quod de Christo Domino dicitur, dico ideo factum esse, quia adhuc confessio sacramentalis instituta non erat, ut postea dicetur. Nec verum est confessionem esse impossibilem, cum ea solum adhiberi debeat diligentia in recensendis pecca-

tis, quam solent adhibere viri cordati in negotijs alicuius momenti.

Secundum argumentum. Ius diuinum nullus hominũ tollere potest, atqui confessionẽ abstulit Nectarius Archiepiscopus Constantinopolitanus Teodosij senioris tẽpore, propter quoddam scãdalum occasione cuiusdam confessionis ortum, ut testatur Socrates lib. 5. historię cap. 19. Sozom. lib. 7. cap. 16 & alij, quam confessionis abrogationẽ approbavit Chrysostomus, Nectarij Successor ho. 2. in Psal. 50. vbi dicit: *Non dico ut confiteraris confesuo, qui exprobet, dicito Deo;* idem docet ho. 4. de Lazaro, & alibi frequenter, ergo &c.

Respondetur negando Minorem, Nectarius namque confessionem non abstulit, sed duo alia, quæ ab Episcopis occasione hæresis Nouatianæ confessioni addita fuerant; nimirum, qui publica habebat peccata publicẽ confitebatur Pœnitentiali Præsbýtero, & non alteri, ex deputatis ab Episcopo. Deinde quod iudicio eiusdem

Pœnitentialis Presbyteri, aliqua peccata publicè recitabântur in satisfactionem aliorum, quæ duo rectè fuerunt à Nectario sublata, non ipsa sacramentalis confessio, vt colligitur ex eodem Socrate, Sozom. & alijs.

Tertium argumentû; Christus Dominus *non venit soluere legem, sed adimplere*; atqui si daretur, de confessione præceptum diuinum ab ipso Christo Domino impositum, *venisses soluere legem, non adimplere*, ergo. Minor probatur, nam sustulisset legem naturalem de propria fama conseruanda, contra illud Prouer. 21. *melius est nomen bonum quam diuitia multa.* & Eccl. 41, *curam habe de bono nomine hoc enim magis permanebit tibi quam mille thesauri pratiofi, & magni.*

Respondetur concedendo Maiorem, & negando Minorem, Cum enim peccata nō dicântur sacerdoti vt homini, sed vt Deo, nulla subinde sequitur infamia; & dato quod aliqua sequeretur apud sacerdotem infamia, per ipsum dolorem quem osten-

dît, per ipsam confessionem, quàm facit; per ipsam absolutionem, quam recipit, sufficienter abstergeretur. Et dato quod adhuc aliqua relinqueretur infamia, sufficienter compensaretur ex bonis multis, quæ ex confessione sequuntur, & Deus potuit confessionem præcipere; cum sit dominus famæ, ob maius bonum nostrum.

Sed quæres primò, an confessio sit necessaria solum necessitate præcepti diuini, an etiam medij. Pro solutione nota ex alibi dictis, tribus modis aliquid esse necessariû ad salutem: necessitate medij tantum, præcepti tantum; medij & præcepti simul: medij tantum vt gratia, auxilia, prædestinatio, & huius generis alia, sine quibus salus haberi non potest, & tamen de illis nullum datur, præceptum.

Præcepti tantum, vt restitutio, Fæstorum obseruantia &c. sine quibus solus haberi potest, quia vel non semper currit præceptum, vel de ignorantia excusans dari potest. Præcepti & medij simul

mul est id sine quo salus haberi non potest, & cum sit in nostra potestate de eo datur præceptum, ut Batismus respectu adulterum, & Poenitentia respectu illorum, qui post Baptismum peccauerunt. his breuiter notatis; dico confessionem esse necessariam adultis post Baptismum relapsis, necessitate medij, & præcepti simul, vel in re, vel in voto, ut de Baptismo, suo loco notauimus. Colligitur ex Tridentino sess. 14. cap. 5. & can. 6. vbi dicitur: *si quis negauerit, Confessionem sacramentalem, vel institutam, vel ad salutem necessariam esse iure diuino; aut dixerit, modum secretè confitendi soli sacerdoti, quem Ecclesia Catholica ab initio semper obseruauit, & obseruat, alienum esse ab institutione, & mandato Christi, & inuentum esse humanum; anathema sit.*

Quæres secundò quo tempore fuerit confessio à Christo Domino instituta? Respondetur de fide esse, fuisse institutam Ioannes 20. cū Christus Dominus Apostolis dixit: *Accipite Spiritum San-*

ctum: quorum remiseritis peccata &c. ita Tridentinum sess. 6. cap. 14. vbi dicitur: *Pro ijs qui post Baptismum in peccata labuntur Christus Iesus sacramentum instituit Poenitentia cum dixit Accipite spiritum sanctum, quorum remiseritis peccata &c.* idem docet sess. 14. cap. 5. & can. 3. Nota tamen hanc doctrinam intelligi debere de huius sacramenti propria institutione, quia ut rectè notauit Angelicus in 4. dist. 22. quæst. 2. art. 3. quæstiunc. 3. confessio quoad eius vtilitatem prædicata fuit Matt. 4. quoad necessitatem Luc. 13. sed eius institutio quoad potestatem Ioan. 20.

Sed obiecies primò. Nouæ legis sacerdotes tunc accipiunt absolnendi potestatem, cum ordinantur, ergo etiam Apostoli: sed Apostoli ordinati fuerunt sacerdotes in cæna; ergo in cæna potestatem absolnendi acceperunt, ac proinde tunc temporis hoc sacramentum debuit esse institutum. Antecedens est Tridentini sess. 23. de reformat. cap. 13. Consequencia patet, quia

si semel verum est sacerdotes potestatem absoluendi recipere in sua ordinatione, id ipsum dicit debet de Apostolis. Est autem de fide Apostolos sacerdotes in cœna fuisse ordinatos, vt docet Tridentinum sess. 22. cap. 1. & can. 2.

Respondetur sacerdotes ex vi ordinationis solum recipere potestatem ordinis, nō iurisdictionis, hāc enim recipiunt cum Episcopus post sacerdotum ordinationem dicit: *Accipite Spiritum Sbnctū, quorum remisistis peccata* &c. Vnde idem dicendum est de Apostolis, in cœna namq; sacerdotes ordinati fue re, & tunc potestatem acceperunt in corpus Domini verum, & post resurrectionem in corpus Domini mysticum, & quia illa ad hanc supponitur, & illa est radix huius, propterea dū illam acceperunt, radicaliter, & hanc recepisse censentur. Obijcies secundo Pœnitentiā ad Eucharistiam ordinatur, ergo ante illam, vel saltem cum illa institui debuit; Atqui Eucharistia instituta fuit in cœna, ergo & Pœni-

tentiā, seu sacramentalis cōfessio. Tum quia videmus omnia alia sacramenta ante Christi Domini mortem instituta fuisse, licet declarata fuerint post mortem, vt patet de Baptismo, qui licet ante mortem institutus fuerit, post mortem tamen fuit declaratus, illis verbis, *euntes in mūdum &c predicata &c. Baptizantes eos &c.*

Respondetur quod pœnitentiā solum per accidēs ad Eucharistiam ordinatur, ex suppositione videlicet peccati; vnde Eucharistia est necessaria absolutē, Pœnitentiā solum ex suppositione, ob idq; illa prius institui debuit, hęc posterius. Per quā patet ad illud quod de Baptismo additur; cum enim hoc sacramentum sit omnium aliorum ianua, debuit ante alia institui. Adde congruum fuisse Pœnitentiæ institutionē fuisse reseruatam vsque ad factā resurrectionem, quia tunc temporis fuit data Christo Domino omnis potestas in ordine ad corpus mysticum, vt ipse Domino dixit: *data est mibi omnis potestas in celo, &c.*

in

in terra, ob idque alias nota-
uimus, quod licet Christus
Dominus Apostolos conse-
crauerit sacerdotes in cæna,
Episcopos tamen nō nisi post
resurrectionem, quia sacerdo-
tium, corpus Christi verum
respicit, Episcopatus verò
misticum.

Quæres tertio, an Chri-
stus Dominus instituerit con-
fessionem secretam, seu auri-
cularem, an vero solum om-
nium peccatorum confessio-
nem, præscindēdo à publica,
vel secreta? Respondetur
Christum Dominum præscrip-
sisse quidem modum faciē-
di confessionem secretò, tali-
ter tamen, quod reliquit fi-
delibus facultatem, vt ex a-
liqua rationabili causa, pos-
sint publicè sua confiteri pec-
cata. Sicut enim Princeps po-
test aliquid suis subditis præ-
scribere, vt licet cogi non
possint ad ponendum opposi-
tum, tamen si velint illud po-
nere possint; ita Christus Do-
minus fidelibus præscripsit
confessionem, & modū eius
secretum, liberam illis relin-
quendo facultatem, quod si
velint ex aliqua rationabili

causa, peccata sua publicè
confiteri, id facere valeant.
Ita expresse docet Tridenti-
num sess. 14. cap. 5. his ver-
bis: *Ceterum quoad modum
confitendi secreto, apud solum
Sacerdotem, & si Christus non
vetuerit, quin aliquis in vin-
dictam suorum scelerum, & sui
humiliationem, cum ob aliorū
exemplum, tum ob Ecclesiæ a-
dificationem delicta sua publi-
cè confiteri possit, non est tamē
hoc diuino præcepto mandatum,
nec satis consultè humana ali-
qua lege præcipiatur, &c.*

Quæres quarto, an neces-
sitata sacramentalis confessio-
nis iure diuino sit de solis
mortalibus, an etiam ad ve-
nialia extendatur. Responde-
tur necessitatem ad sola mor-
talia extendi capacitatem
etiam ad venialia, vnde com-
muniter dicitur peccata mor-
talia esse huius sacramenti
materiam necessariam; ve-
nialia vero sufficientem; ita
apertè colligitur ex Tridenti-
no sess. 14. cap. 5. & can. 7. Ra-
tio est, quia mortalia non nisi
per hoc sacramentū in re, vel
in voto susceptū remitti pos-
sunt; at vero venialia multis
alijs

alijs modis , vt supra ostendimus, & tenet fidelium vsus .

Quæres quintò, an si Christus Dominus hoc sacramentum instituisset , & nullum de eo præceptum posuisset , vt fecit de Confirmatione , Ordine, &c. Potuisset Ecclesia huius sacramenti exercitium præcipere , vt quod semel v. g. in anno fideles sua peccata confiterentur . Et affirmatiuè respondeo cum Nugno, & alijs, contra Durandum , Paludanum , & alios , quos refert idem Nugnus q. 6. supplem. art. 1. dub. 3. Ratio est, quia Ecclesia præcipere potest, quæ ad rectam deferuiunt gubernationem , & aliunde etiam cedunt in maximam fidelium vtilitatē , sed ad rectam Ecclesiæ gubernationem multum secreta confessio deferuit , & in maximam cedit fidelium vtilitatem , ergo . Minor probatur, Maior namque ex se clara est nam ad Ecclesiæ gubernationem pertinet ea statuere per quæ fideles à peccatis retardentur, atqui per confessionem secreta fideles à peccatis retardantur , & hoc in maximā

cædit ipsorum fidelium vtilitatem , ergo: quod autem fideles per cōfessionem à peccatis retardentur ipsa docet experientia , & ipsi cognouerunt Germaniæ hæretici , vt supra vidimus .

Sed contra hoc obijcies prinò, quia Ecclesia præcipere nequit actus internos ex cap. *erubescens* dist. 2. Atqui confiteri peccata interna , est præcipere actus internos, ergo . Tum etiam quia Ecclesia præcipere nequit, quæ iudicare non potest, atqui (vt commune est proloquium) Ecclesia de internis non iudicat, ergo . Tum etiam quia frustra præcipitur, quod puniri non potest, si transgrediatur; atqui Ecclesia huius præcepti transgressorem punire non potest cum hoc ignoret , ergo .

Respondetur pro modo, Ecclesiam præcipere non posse actus internos solitariè acceptos , & conceditur ; prout necessarij sunt ad externorū consistentiam , & negatur . Præciperet ergo eo casu Ecclesia confessionem perfectā, & integram , quæ sine inter-

norum peccatorum manifestatione esse nequit; per quæ patet ad duo, quæ subiciuntur in argumento; licet enim Ecclesia nec iudicare, nec punire possit actus purè internos, poterit tamen illos punire non secundum se, sed quatenus non ponitur actus externus, ad cuius actus internus pertinet, consistentiâ.

Obijcies secundo, quia ideo Deus, ut supra vidimus, potest confessionem præcipere, quia est nostræ domini famæ, at qui Ecclesia nullum habet nostræ famæ dominiū, ergo confessionem præcipere non potest: Cum enim Pœnitens occultissima pandendo scelera, se ipsum apud confessarium infamet, sequitur quod talium scelerum manifestationem solum præcipere possit qui famæ sit dominus.

Respondetur primò concedendo Maiorem, & augendo minorem, eo namque ipso quod Christus Dominus confessionem instituisse, & eam non præcepisset, censeretur dedisse aliquale dominium nostræ famæ Ecclesiæ, ratione cuius potuisset, etiam data

tali infamia, confessionem præcipere.

Respondetur secundo non sequi infamiam ex confessione, & si aliqua sequeretur, summa utilitate, quæ ex illa desumitur compensaretur, ut supra dicebamus. Dicitur etiam potest quod dato quod ex confessione aliqua sequeretur infamia, Ecclesia in hoc naturali iure posset dispensare ob maximum bonū quod inde sequeretur.

Quæres sexto, quo tempore obliget præceptum diuinū confessionis? Huius resolutio difficultatis sufficiēter habetur ex dictis de obligatione contritionis ex diuino præcepto, supra disput. 2 q. 11. Maioris tamen gratia claritatis illam breuiter resoluemus. Dico ergo primò *in omnium sententia teneri hominem in mortali existentem, quando mortis urget periculum, vel eius articulus*. Ratio est, quia tunc homo maiorem habet huius sacramenti necessitatē, ut patet ex dictis supra de contritione.

Dico secundo, *teneri etiam per se hominem, tertio, vel quarto*

to quoque anno, dum in mortali existit, si Ecclesia diuinum non determinasset praeceptum: patet ex dictis de contritione, & Eucharistia. Dico tertio, de facto huic praecepto satisfacere hominem, semel in anno confitendo, cum enim Ecclesia diuinum determinauerit praeceptum, dum Ecclesiasticum obseruatur, & diuinum obseruabitur. Dico quarto, obligare hoc praeceptum ratione Eucharistiae sumendae, patet ex dictis de Eucharistia disp. 14. quaest. 5.

Duo solum dubia restant nunc breuiter examinanda. Primum est, an teneatur homo iure diuino confiteri quoties cognoscit in se graue periculum peccandi mortaliter. Respondet Suarez apud Nugnū hic q. 6. art. 5. dub. 1. quod si periculum sit incidendi in aliquod mortale determinatum, nisi confiteatur, ad hoc tenebitur; secus si periculum sit incidendi in peccatū mortale in communi. Sed hunc modum dicendi reiecimus supra disput. praecedenti q. 5. quia maior est obligatio vitandi periculum incidendi in

multa mortalia, quam in vnū determinatē tātum; cum maius periculum sit multorum peccatorum, quam vnus, vel alterius. Tum quia sicuti est peccatum exponere se periculo peccandi in determinata materia, ita in indeterminata; nec est minus peccatū, peccatum in communi, quam peccatum determinatū. Hoc modo dicendi reiecto. Dico primò Theologos communiter non agnoscere obligationem frequentioris confessionis ob periculum in noua cadendi peccata; quod colligūt tum ex Ecclesiae determinatione, si enim semel Ecclesia absolutē diuinum determinauit praeceptū ad confessionem semel in anno ponendam, frequentiorē non agnouit necessitatem; tū etiam quia difficile videtur hominem ad tales reuocari angustias, quod nullum aliud supersit medium euadendi peccata, nisi ipsa confessio.

Dico 2. si talis casus daretur, vel ob ignorantiam, vel ob rei veritatem, tunc diuino iure tenetur ille ad confessionem ponendam. Ratio est, quia tunc temporis, maximè huius sa-

cra-

cramenti necessitas, vrgeret, cum enim hoc sacramentum sit institutum non solum vt medium seu instrumētum remittendi peccata, sed etiam vt medium vitandi futura, toties habebit iure diuino obligare, quoties cognoscetur esse medium necessarium ad futura peccata vitanda.

Secundum dubium est, an quando est periculum obliuiscendi aliquod peccatum, vel aliqua, vel etiam multa, teneatur quis diuino iure frequentius, seu ante annum cōmunicare? Affirmant aliqui apud Dianam de sacram. resol. 135. horum ratio est, quia iure naturæ tenemur ad integram confessionem ponendā, & proinde toties teneri peccata confiteri, quoties periculū currit obliuiscendi peccata, vnde volunt hoc præceptum multoties violari ab illis, qui semel tantum in anno confitentur, & de hoc debeant pœnitentes à confessarijs interrogari.

Sed verius dicendum cum Soto, Henriquez, & alijs quos refert, & sequitur Diana ibidem, talem non extare obli-

gationem. Primò quia alioqui Ecclesia non benè tempus vnius anni determinasset. Secundò quia sequeretur, obliuiosos teneri statim de suis peccatis maximè de internis de quibus facilius currit obliuio, cōfiteri, quod nemo diceret: vnde solum obligamur ea peccata confiteri, quorum, dū confitemur, recordamur, & solum moralem tenemur adhibere diligentia, vt per examen, ad memoriam reuocentur, dum ea confiteri volumus; nec tenemur extraordinaria vti diligentia, ne à memoria defluant; alioqui esset obligatio scribendi peccata, vel singulis diebus ne dicam horis, memoriam refricendi peccatorum, ne à memoria excidant, quod non est dicendum.

Quæres septimò, an præceptum diuinum confessionis, adimpleatur per cōfessionem validam, sed informem. Certum est non adimpleri per cōfessionem inuvalidam, cum enim diuinum præceptum sit de vero sacramento, & confessio inuvalida non sit talis, per illam diuinum, non adim-

plebitur, præceptum; de informi, ergo præsens procedit interrogatio, & procedit ex suppositione quod confessio informis dari possit, de quo infra. Aliqui cum Adriano de Confess. q. 5. dub. 4. id negant, ex falso fundamento, quod nullum præceptum adimpleatur, nisi per actum in suo genere perfectum. Communis tamen sententia post Sotum dist. 18. q. 3. art. 3. af-

firmat. Ratio est, quia confessio informis est verum sacramentum, habens veram, & propriam essentiam, licet careat gratiæ effectu, ergo per illam diuino satisfit præcepto. Tum, quia, si per talem informem confessionem, diuino, non satisfaceret, præcepto, remaneret obligatio iterum eadem peccata confitendi; atqui Theologi talē nō agnoscunt obligationē; ergo.

Q V A E S T I O II.

An sit præceptum Ecclesiasticum Confessionis, ubi alia ad eandem materiam pertinentia resolvuntur.

IN cap. omnis utriusque sexus de penit. & remiss. annua præcipitur confessio his verbis. *Omnis utriusque sexus fidelis, postquam ad annos discretionis pervenerit omnia sua solus peccata, saltē semel in anno fideliter confiteatur proprio Sacerdoti; & in iūctam sibi pœnitentiam proprijs viribus studeat adimplere suscipiens reuerenter ad minus in Paschate Eucharistia sacra-*

mentum. Quod præceptum renouauit Tridentinum sess. 14. can. 8. Sed ut hoc præceptum plenē percipiatur aliquas proponemus difficultates, ex quarum solutionibus perfecta huius præcepti intelligentia habebitur.

Prima difficultas est, an Ecclesia annuam præcipere potuerit confessionem? Durandus in 4. dist. 17. q. 8. Peludanus q. 2. art. 2. & alij dicunt

eunt Ecclesiam non potuisse, nec posse annuam præcipere confessionem, sed solum declarare tempus obligationis diuini præcepti.

Nostra sententia sequenti explicatur conclusione. *Ecclesia potuit præcipere annuam confessionem.* Est communis Theologorum sententia, & patet ex dictis q. præcedenti §. *quæres 5.* ubi ostendimus quod si Christus hoc sacramentum instituisset & nullum de eo præceptum posuisset, illud Ecclesia ponere potuisset.

Probatum deinde, quia Ecclesia in sacramentorum nouæ legis dispensatione ea potest statuere, quæ magis expedire iudicabit suscipientium utilitati, & eorumdem sacramentorum venerationi, sed Ecclesia rectè iudicare potest conuenire fidelium utilitati, & huius sacramenti venerationi quod semel in anno sumatur; ergo id præcipere potest, Maior stabilitur in Tridentino sess. 21. cap. 2. Minor nota esse videtur, ergo.

Confirmatur hoc argumentum, quia Ecclesia præcipere potest actum externum bo-

num, ut ieiunium, Missæ auditionem, &c. ergo etiam præcipere potest annuam confessionem, supposita huius sacramenti institutione. Antecedens est notum: consequentia probatur, quia non est maior ratio de Missæ auditione, officij recitatione, ieiunio, &c. quam de orali confessione. Nec valet dicere confessionem esse de re magis ardua, & difficili: non inquam hoc valet, quia aliqui magis arduum habent vnius quadragesimæ ieiunium, quàm semel tantum in anno confiteri, videantur dicta q. præcedenti.

Secunda difficultas, an præceptum annuæ confessionis sit purè humanum, an vero diuinum supponat præceptum vel includat illud? Prima est Adriani 4. q. 1. de confess. & aliquorum aliorum sententia, quod annuæ confessionis præceptum sit purè humanum, & quoad substantiam, & quoad tempus, & nullo modo diuini præcepti modificatiuum, pro qua sententia stant omnes illi, qui volunt præceptum diuinum

confessionis; solum pro mortis articulo obligare.

Nostra, & communis sententia est, quod præceptum annua Confessionis quoad substantiam sit diuinum, quoad temporis determinationem, sit humanum. Hoc clare significat Tridentinum sess. 14. cap. 5. dicens: *Neque enim per Lateranense Concilium Ecclesia statuit ut Christi fideles confiterentur, quod iure diuino necessarium, & institutum esse intellexerat, sed ut præceptum confessionis saltem semel in anno, ab omnibus, & singulis, cum ad annos discretionis peruenissent, impleretur.* Et ratio est, quia licet præceptum diuinum extra periculum, vel mortis articulum, obliget tertio, vel quarto quoque anno ut præcedenti quæst. docuimus, hoc tamen non est, ex ipsius diuini præcepti determinatione, cum nullam habeat extra periculum, vel mortis articulum; sed quia maior dilatio euidenter affert periculum in aliis peccata cadendi, & videatur quidam & Dei, & sacramenti contemptus, velle amplius in Dei ini-

micitia manere; ac proinde cum diuinum, de confessione præceptum, sit vagum, sit indeterminatum, ab Ecclesia quoad substantiam non ponitur, sed quoad temporis determinationem.

Tertia difficultas, an summus Pôtifex possit in præcepto annuæ confessionis dispensare? Certum est non posse Pontificem dispensare in præcepto diuino Confessionis, & multo minus illud abrogare, cum nullus inferior possit ius superioris auferte, absque speciali eiusdē superioris commissione, quam commissionem nullus vnquam Theologus agnouit in Pontifice, in ordine ad abrogandū vel dispensandū in præcepto diuino confessionis, sicuti agnoscunt in ordine ad dispensandū in voto, iuramento, &c. difficultas ergo solum procedit de præcepto confessionis, ut annuo. Est communis Theologorum sententia affirmatiua, ita quod non maneat amplius obligatio confitendi determinatè, cum enim hoc præceptum sit purè Ecclesiasticum, quoad de-

ter-

terminationem, sequitur pos-
se à Summo Pontifice tolli, si-
cut & alia huius generis cete-
ra. Ex quo inferitur, Papam
peccati mortalis cōscium te-
neri iure diuino confiteri, non
solum in mortis articulo, vel
periculo, verum etiam tertio,
vel quarto quoque anno, vti
diximus teneri omnes. Non
tenetur tamē ad annuam cō-
fessionem sub mortali, quia
par in parem non habet im-
perium *L ille S. tempestiuum*
ff. ad Treb si tamen esset scā-
dalo alijs, si non confiteretur,
ratione scandali vitandi ad
id teneretur, maximē cū te-
neatur quandoque publicē
celebrare, vel communica-
re, quo casu diuino iure con-
fiteri teneretur si mortali pec-
cati cōscius esset. Eo autem
casu quo Papa confiteatur,
sacerdos, qui illius audit cō-
fessionem ex hoc solum iuris-
dictionem accipit quod Papa
eum eligit, & illi subijcitur.
Alij dicunt quod sicut sacer-
dos in sua ordinatione iuris-
dictionem accipit absoluendi
pro mortis articulo, ita acci-
pit iurisdictionem absoluendi
Pontificem, ita quod omnis

sacerdos eo ipso quod ordi-
natus talem recipiat potesta-
tem. Alij dicunt Pontificem
delegare suam facultatē pro-
prio confessario, quādo ipsum
eligit. Quomodo autem se
gerere debeat confessarius
Pontificis quando ipsius au-
dit confessiones: dico quod
quando ad id munus vocatur
Pontificis confessarius, pedes
illius osculatur, deinde sedet
& cooperit se, Pontifice
genuflexo, & peccata confi-
tente, cætera persoluit, vt
moris est.

Quarta difficultas, an Ec-
clesia præcipere possit, vt ea-
dem peccata bis confiteātur?
Est communis Theologorum
sententia quod non. Funda-
mentum commune est, quia
in tantum Ecclesia potuisset
confessionem præcipere, si
Christus Dominus illam in-
stituisset, & non præcepisset,
in quantum Pœnitens ad hoc
ipsum tenetur, ne diu in Dei
maneant inimicitia; sed ille
qui semel ritè sua confessus
est peccata in Dei non ma-
neant inimicitia; ergo nullo mo-
do tenetur; ergo nec obliga-
ri poterit ad nouam ponendā

cor-

confessionem. Tum quia, i-
deo Ecclesia præcipere potest
peccatorum confessionem,
quia hoc cedit in maximum
bonū pœnitentium, ob quod
aliquam subire tenentur in-
famiam; Atqui non currit
hoc respectu peccatorum ritè
confessorum, ergo.

Sed obijcitur primò statu-
tum ordinis Cisterciensis, quo
præcipitur, quod religiosi, qui
per totum annum proprio cō-
fessi sunt confessario, in fine
anni eadem peccata Abbati
confiteantur; ergo signum est
Ecclesiam posse præcipere, vt
bis eadem peccata cōfiteātur
Vasquez apud Lugū hic disp.
15. nu. 95. dicit tale statutum
fieri potuisse concessa confes-
sarijs facultate absoluendi, &
iniungēdi simul in pœnitentiā
onus iterum eadem peccata
confitendi. Sed hæc solutio
meritò displicet Lugo. Nam
potuisset facile ab alio con-
fessario commutari. Simili-
ter si vera esset illa doctrina
posset quilibet confessarius
peccata superiori reservare,
imponendo pro pœnitentia,
quod pœnitentes superiori i-
terum confiteantur. Tunc e-

tiam quia talis pœnitentia
per indulgentiam cessari pos-
set, sicut, & aliæ, vt suo lo-
co dicemus. Alij volunt tale
statutum processisse ex voto,
vel consensu subditorum, quo
iuri suo, illius religionis sub-
diti cesserunt, vti semel in
anno cōfiteretur Abbati. pro-
palando, & manifestando
omnia peccata, quæ per to-
tum annum commisissent, vt
sic Abbas suarum cognosce-
ret ouium vultum, & sic fa-
cilis, & melius ad maiore
dirigeret spiritualem profe-
ctum, quod valde probabile
videtur.

Respondet Lugo tale sta-
tutum sine subditorum con-
sensu fieri potuisse, quia licet
non possit fieri lex generalis,
quod omnes teneantur bis
eadem confiteri peccata, pe-
test tamen fieri pro aliqua
speciali communitate, vel
congregatione, vel religione
obseruante. Hoc probat e-
xemplo suæ religionis, in qua
singulis præcipitur religionis,
vt bis saltem in anno totam
suam conscientiam superiori
manifestent, ita vt nihil gra-
ue ipsos lateat.

Sed

Sed hæc Lugana responsio facile reici potest . Primò quia videtur incongruū quod maiorem habeat potestatem religio in subditos, quam habeat Pontifex in omnes fideles, ergo si per illum auctorem, Pontifex non potest cōdere legem, quod fideles, bis eadem confiteantur peccata, nec hoc facere poterit Generalis, pro tota religione, vel Abbas, vel Prior, pro suo monasterio . Imò docēt omnes, maiorem potestatem habere Pontificem respectu totius Ecclesiæ, quam habeat Generalis respectu suæ religionis, vel Prior respectu totius monasterij; ergo quod nō potest facere Pāpa respectu omnium fidelium, nec id facere poterit Generalis respectu totius Cōgregationis.

Sed dices in fauorem Luganæ sententiæ tale statutum non fuisse factum a Generali, vel Abbate virtute propria, sed Pontificis auctoritate, potest autem Pontifex aliquid statuere pro vna particula rī communitate, quod statuere non potest pro tota fidelium congregatione, Nā

contra est, quia tale statutum, licet postea fuerit à duobus Pontificibus cōfirmatum, tamen primò factum fuit ab illa religione, nullo habito Pontificis mandato . Sed de-
mus illam religionem non propriam, sed Pontificis auctoritate tale edidisse statutum, adhuc sequitur, quod si Pontificia potestas potest tale statutum facere pro vna determinata communitate, quod etiam saltem validè facere possit pro omnibus fidelibus; aliud namque est aliquid nō congruere omnibus, aliud fieri non posse . Tum quia nullibi reperitur Pontificis auctoritas determinata pro vna familia, taliter quod saltem valide id quod potest pro vna, non possit pro alijs; ergo cum per illum auctore Pontifex non possit legem pro omnibus facere, pro cōfitendis bis iisdem peccatis, nec etiam pro aliqua particulari communitate id facere poterit & si semel pro particulari communitatem talē legem facere potest, saltem licitè, pro fidelibus omnibus id ipsum facere poterit. Et sic
po;

poterit Põtifex conderè legẽ quod omnes fideles saltem ſemel in vita, omnia reconſiteantur peccata, proprijs Parochis; omnes Parochi Episcopis; omnes Episcopi & Cardinales Pontifici; niſi aliunde nimia impediãtur diſtancia, &c.

Secundò impugnatur illa ſolutio, quia ſpiritalis proſectus religioſorum, non videtur eſſe tantæ exſtimationis, quod ob illud res difficilima, & dura valde præcipi poſſit, vt eſt peccatorum rite confeſſorum reconfeſſio; quod maiorẽ habet vim contra Lugonem qui vult propter difficultatem non potuiſſe Eccleſiam confeſſionem præcipere, ſi à Chriſto Domino præcepta non fuiſſet: patet autem maiorem eſſe difficultatem reconſiteri peccata iam dimiſſa, quam primò illa conſiteri; nam in prima confeſſione iuuatur pœnitens ad peccata conſitenda ex motiuo ne in Dei maneat inimicitia, cum periculo æternæ damnationis &c. & in reconfeſſione, vix iuuari poteſt ex motiuo ſpirituælis profe-

ctus, qui fortè rectius, & melius aliunde haberetur.

Ad illud quod addit de ſuæ ſocietatis obligatione, maniſteſtandi totam conſciẽtiam Prælato bis in anno, dico nõ eſſe meum iudicare de bonitate talis obligationis: etiam in mea religione bis ſaltem in anno fit ſpirituælis conferentia Prælato, ſed nõ habemus obligationem maniſteſtandi ea ex quibus apud Prælatum aliqua ſequeretur infamia, imò fortè multoties non expediret, ſed ea maniſteſtare conſueuimus, quæ ipſi Prælato deſeruere poſſunt ad rectam noſtri gubernationẽ; non nego tamen, quia optimũ conſilium ſit, etiam occultiffima maniſteſtare ad capiendum conſilium, vel remedium, vel directionem, a Prælato prudenti, docto, ſancto, & qui poſſit iuuare; tamen quia non omnes tales ſunt, ideo talis ſocietatis obligatio, mihi nimis dura videtur, aliorum tamen ſit iudicium, cum poſſit aliquid vni expedire religioni, quod cæteris damnofum eſſet. His relictis.

Re-

Respondetur ad argumētum cum Henriquez lib. 5. de pœnit. cap. 17. statutum illud intelligi posse non de peccatis ritè confessis, sed de nondum confessis, cum possit statui, quod semel in anno, imò & pluries religiosi suo confiteantur Prælato; vt idem Prælatus suorum mores religiosorum perspectos habeat, ob idque hortamur nos, sepe nostris confiteri Prælati. Hoc sensu intelligitur statutum Martini V. in extra. *ad uberiores fructus*, vbi præcipitur quod illi qui fratribus per annum confitentur, semel in anno proprio confiterentur Parocho, & alia huius generis statuta, quæ postmodum in fauorem mendicantium sublata fuerunt.

Obijcitur secundo, quia Patres societatis iter agentes, si in aliquod peccatum in sua religione reseruatam incidant, absolui possunt, cū onere tamen comparandi postea, & manifestandi tale peccatum prælato; ergo potest quis obligari ad idē peccatum bis manifestandum, seu confitendum.

Respondet Lugo loco citato nu. 115. Patrem Mutium Vitalescum eiusdem societatis Præpositum Generalem litteris ad eandem societatem directis rem hanc declarasse. Primò non esse societatis mentem cam facultatem dare, quando subditus de industria confessionem differt, vt possit in itinere absolui. Secundo hanc absolutionem non posse impendi ab extraneis, cum adsunt proprii. Tertio (sunt verba Vitaleschi) *obligationem illam esse conditionē sine qua nullo modo societas concedit facultatem, ideoque qui non habet animum acceptandi, vel implendi, non posse vti facultate illa; & in usu eius facultatis tacitè contineri acceptationem conditionis, qua subditus in re tanti momenti, atque ad bonum societatis maxime conducentis, illi se obligat.* Vnde patet in societate obligari quidem illius religiosos ad confitendum bis eadem peccata, sed ex tacito illorū consensu, non ex lege absoluta &c. quomodo autem adsit illorum consensus, & quomodo per talem acceptationem

D d nem

nem priuentur, vel priuari possint confessores extranei, (casu quo Patres societatis illis confiteantur) propria potestate, ne omnino illos ab omni comparendi obligatione absoluant, alibi Deo dante examinabitur.

Quinta difficultas, an Ecclesia possit præcipere venialium confessionem? Responderetur affirmatiuè contra Paludanum, & alios quos congerit Suarez hic disput. 22. sect. 8. nu. 2. Est communis scribentium sententia. Patet ex dictis, quia si Ecclesia posset mortalium confessionem præcipere, si à Christo Domino præcepta non fuisset, & de facto illà præcepit quoad temporis determinationem, à fortiori præcipere potuisset, quod venialia confiterentur. An vero de facto id factum sit, ita quod qui per totum annum nullum mortale commisit teneatur venialia confiteri ad præcepto annuæ confessionis satisfaciendum, dico cum communi Theologo. rum sententia de facto id non fecisse; unde qui sola habet venialia, ad annuæ confes-

sionis præceptum non obligatur. Ratio duplex: prima quia Ecclesia nouum non condidit præceptum quoad substantiam, sed diuinum determinauit; atqui diuinum, ut tradit Tridentinum sess. 14. cap. 3. ad sola mortalia extenditur, ergo: secunda quia Ecclesia cap. illo *omnis utriusque sexus* præcipit absolute peccatorum confessionem, nomine autem peccati absolute prolata, mortale, non veniale venit.

Sed dices Monachos S. Benedicti obligari ad mensuram confessionem Clement. 1. *de Statu Monac.* ac proinde ad venialia confitenda. Responderetur talem Clementinam intelligi ad sensum capitis *omnis utriusque sexus*, nimirum si mortalia adsint, secus si solum venialia.

Sexta difficultas per quam confessionem Ecclesiastico satisfiat præcepto annuæ confessionis? Certum est satisfieri per confessionem validam etiam informem: si enim per hanc etiam diuino satisfiat præcepto, à fortiori & humano satisfiet, cum nec Christus,

itus, nec Ecclesia fructum præcipiat sacramenti, sed sacramentum ipsum. Difficultas, ergo præsens est, an quis Ecclesiastico satisfaciat præcepto annuæ confessionis per confessionem voluntariè nullam.

Prima sententia est affirmatiua, quam post Fagundes, Paludanum, Gab. Syluest. Alex, & Victoriæ sequitur Diana de sacram. resol. 120. ex eo quod Ecclesia solos actus externos præcipere possit.

Secunda sententia communior, & probabilior est negatiua, & ratio est, quia Ecclesia id ipsum præcipit, quod Christus Dominus præcepit; diximus enim supra Ecclesiam, quoad substantiam, nouum non fecisse, præceptum, sed præceptum diuinum determinasse; Atqui Christus verum præcepit sacramentum, ergo. Nec ratio præcedentis sententiæ probatur primò, quia licet Ecclesia non possit præcipere actus internos directè, benè tamen indirectè. Secundò quia datò Ecclesiam non posse actus

internos præcipere nec indirectè, præcipit tamen sacramentum, quod est signum sensibile, confessio autem exterior voluntariè nulla, non est sacramentum, ergo.

Sed quæret aliquis, an præcedens sententia procedat solum in casu nullitatis confessionis, quando talis nullitas à confitente procedit, an vero procedat, etiam in casu nullitatis confessionis, quando talis nullitas non à penitente, vel confitente procedit, sed à Sacerdote. Aliqui volūt etiam in hoc casu procedere, mihi verius videtur casum hunc esse exceptum, cum cōfitens fecerit quod in se erat, vt Ecclesiastico satisfacere præcepto, nec per ipsum steterit, quominus satisfactum non fuerit, vnde putarem istum nullam contrahere penam v.g. excommunicationis, quæ in aliquibus Episcopatibus, lata fulminatur, sententia. Imò putat Enriquez lib. 4. cap. 4. §. 1. *sa verbo confess.* quod in casu quo confessio sit nulla ex parte poenitentis, etiam si præcepto non satisfaciat Ec-

eclesiastico; poenam tamen non contrahet Ecclesiasticā, etiam si sit latę sententię. Sed oppositum videtur verius; cū enim Ecclesia præcipiat Poenitentię sacramentum sub pæna excommunicationis, vt in aliquibus fieri solet Episcopatibus, talis pæna incurretur si verum non ponatur sacramentum. Puto tamen probabilius, per talem confessionem nullam, ex parte Poenitentis, tolli peccatorū reservationem, si fortè Poenitens aliqua confiteatur, apud confessarium à reservatis absolueret potentem: & ratio est, quia licet illa confessarij absolutio non tollat peccata, tollit tamen id quod potest, nempe peccatorum reservationem.

Septimā difficultas, an ille qui per totum annum non confitetur, teneatur elapso anno confiteri, vt præcepto satisfaciatur Ecclesiastico. Hęc difficultatem expediuimus de sacramento Eucharistię disput. 14. q. 9. difficultate 3. in simili præcepto annuę communionis, vbi duas oppositas retulimus sententias,

& quod teneatur, cum tale tempus detur, non ad terminandum, sed ad sollicitandum obligationem: & quod non teneatur, eo quod tale tempus præcisè præfiniatur, ac proinde eo elapso obligatio finiatur; & ratio probabilitatis vtriusque sententię est, quia Lateranense Concilium, dum tale posuit præceptum, potuit vtrunque intendere; quid nam autem de facto intenderit, non constat; semper tamen suadendum est in sacramento, & præcepti fauorem, ita quod, si quis nō satisfecit, adhuc anno elapso satisfaciatur, & iste videtur cōmunis mos Parochorum, qui semper vrgent eos, qui his præceptis non satisfecerunt. Idem iudicium faciendum est de illa difficultate, quam proponunt hic aliqui, an nimirum ille, qui præuidet se non posse toto anno sequenti confiteri, teneatur anticipare; vtraque namque pars ex dictis probabilis est, & vtraque facile defendi potest, in praxi tamen pars sacramento magis fauorabilis suaderi debet.

Ora.

Octava difficultas, an ille qui ex obliuione, vel aliqua rationabili causa aliqua peccata mortalia in confessione omittit, teneatur illa confiteri quam primò possit, an vero possit illorum differre confessionem, vsque ad annum sequentē. Respondetur posse differre, ita Victoria *summa* nu. 137. quem refert, & sequitur Nuguus hic q. 6. art. 5. difficultate 6. ratio est, quia ille talis iam Ecclesiastico satisfecit præcepto; ergo &c.

Nona difficultas, ex quibus capitibus excusetur quis ab impletione præcepti annuæ confessionis. Respondetur excusari ob impotentiam physicam, quia non potest confessarium adire. Moralem, ut nimia difficultas itineris, iudicio prudentis: damnum graue, tum corporale, tum spirituale, quæ talia sunt quod etiam ab aliorum excusarent obseruantia præceptorū; res facilis est maiori non indiget discussione.

Sed queres, an in casu, quo quis excusaretur à confessione faciēda peccatorum mortalium, quia timet illorum

reuelationem, an tunc teneatur venialia confiteri. Et respondeo cum veriori sententia, quod non; cum enim ad venialia confitenda nemo teneatur, & aliunde excusetur ille à mortalium confessione, sequitur eo casu non teneri venialia confiteri.

Decima difficultas, quomodo computandus sit annus annuæ confessionis. Sunt duo modi magis communes dicendi, vnus est, quod annus computari debeat à prima Februarij die, vsque ad vltimam diem Decembris eiusdem anni. Hunc dicendi modum sequitur Lugo nu. 157. post Vasquez, & alios. Secundus modus communior, & verior est, quod annus à Paschate in Pascha computetur. Hic modus communiter seruatur à Parochis, qui tunc temporis confessionem requirunt à Parochianis: imò innui satis clare videtur à Tridentino sess. 14. cap. 3. his verbis: *vnde iam in Ecclesia cum ingenti animarum fidelium fructu obseruatur mos ille salutaris confitendi sacro illo, & maximè acceptabili tēpore quadragesima, quem*

quem morem sancta synodus maxime probat, & amplectitur, tanquam pium, & merito retinendum. Nec fundamentum Lugonis cogit nos, ut hanc Tridentini doctrinam relinquamus. Fundamentum illius auctoris est, quia cogere-
retur quis intra spacium decem mensium bis confiteri: ut si hoc anno confiteatur die prima Martij, quæ esset Dominica in Albis, & anno sequenti eadem dies esset ultima Martij. Nam responderetur primò hoc esse omnino per accidens, & sicut nullum est inconueniens id ipsum admittere quoad communionem, ita neque quoad confessionem. Secundò quia id quod hoc anno deest ad anni complementum, sequenti anno lucrabitur. Tertiò quia huius anni computatio non est mathematica, sed moralis, sed

ecclesiastica.

Ultima difficultas, quas pœnas contrahat huius præcepti transgressor? Responderetur iure communi nullam pœnam ipso facto incurrere, sed solum sunt duæ pœnæ inferendæ à iudice, nempe *uiuens ab ingressu Ecclesiæ arceatur, & moriens Ecclesiastica careat sepultura.* In aliquibus tamen Episcopatibus, est pœna excommunicationis latæ sententiæ, quæ pœnæ ponuntur violentibus quodcunque præceptum, siue confessionis, siue communionis, nec est necesse quod vtrunq; violetur, licet aliqui vtrunque transgredi velint, quod non est improbable quoad pœnas capitis *omnis*, quoad excommunicationem vero, obseruandus est sensus illius loci, ubi excommunicatio fulminatur.



QVÆSTIO III.

Quinam, Ecclesiastico annuæ confessionis præcepto, obligentur.

DVobis modis potest hæc obligatio considerari, ratione videlicet materiæ, & ratione ætatis: quoad materiæ rationem, in omniū sententiâ certum est, hanc obligationem solum homines baptizatos respicere, qui post Baptismum mortaliter peccauerunt, ut ex supradictis liquet. Quoad ætatem vero, etiam constat, ex verbis capituli omnis teneri illos qui ad discretionis annos peruenierint. Difficultas esse potest quis sit discretionis annus, an nimirum sit ipsum septenniū, vel ante illud, si rationis aurora appareat: de qua re.

Prima sententia est septenrij nomine intelligi in masculis annus 14. & in feminis 12. Ita Sotus apud Lugum hic numer. 149. ex generali doctrina, quod pueri ante id tempus præceptis non teneantur Ecclesiasticis.

Secunda sententia ex opposito dicit pueros obligari ante septenniū si rationis radius illucescat, & ante id tempus mortaliter peccent. Ita Martinus de S. Ioseph. in mon. confess. trac. 6. nu. 9.

Nostra sententia sequenti explicatur conclusione. *Nec pueri confiteri obligantur ante septenniū, nec possunt expectare 12. vel 14. annum, sed tenentur confiteri circa annum 8.* Est communis sententia, & patet ex citato cap. omnis vtriusque sexus cum ad annos discretionis peruenierint; unde conclusio magis eget explicatione quam probatione: Dixi non obligari pueros ante septenniū si ante id tempus rationis appareat aurora, & mortaliter peccent; quia leges non sunt de ijs, quæ per accidens fiunt, sed ijs leges adaptantur, quæ frequentius accidunt, illis spectis casibus, qui

qui de raro cōtingunt. *L. nam ad ea ff. de Legib.* Ob idque rectè docet Diana resol. 42. par. 1. tract. 9. post alios, posse ijs pueris carnes præberi in vigilijs, & quadragesima, quia lex humana, modo procedit humano in obligando, & sic cum non intendat obligare nisi vsum habentes rationis, solum obligare intendit quādo idem rationis vsum communiter præsumitur, non curando, quod in hoc, vel illo puero acceleretur, vel non.

Dixi quod nec possunt expectare 12. vel 14. annum. Primò quia is est fideiũ sensus, & vsum. Secūdo quia hoc non est purum præceptũ humanũ, sed est iuris diuini determinatio; vnde sicuti pueri rationis vsum habentes tenentur in mortis articulo confiteri ad diuino præcepto satisfaciendum, ita tenebuntur ante illud tempus ad præceptum diuinum sic per Ecclesiasticum determinatum. Notat tamen, & benè, Nugnus hic difficultate prima; cum Soto, non teneri pueros, nec ligari censuris Ecclesiasticis

ante illud tempus, quia ita habetur in cap. *pueris*, de delictis. Vnde quando in Parochia excommunicantur, qui in Paschate non sunt confessi, pueri non ligantur.

Dixi quod confiteri tenentur circa annum octauũ, quia si puer perueniat ad vsum rationis per duos, vel tres menses ante Pascha, vel per minus tempus, non tenebitur confiteri, sed poterit sequens Pascha expectare, cum non videatur credibile, quod statim quo quis peccat, post rationis vsum, confiteri teneatur, sicut nec tenentur adulti, sed obligatio cōfitendi à primo Paschate, post peccatum, incipiet, & complebitur in secundo. Id quod de pueris ante septennium dictum est, à fortiori ad amentes applicandum est. Sed restant aliquæ difficultates examinandæ ad plenam dicti præcepti intelligentiam.

Prima difficultas est, an publicæ meretrices ligentur præcepto ecclesiastico annuæ confessionis, & an incurrant pœnas transgressorum illius. Cōcedunt

cedunt omnes teneri meretrices ad observantiam præcepti annuæ confessionis, sicut & communionis & aliorum ecclesiasticorum præceptorum, non enim ex hoc quod illarum miserimus status dissimulatur, à præceptis eximuntur ecclesiasticis. Nonnulla difficultas est, an incendant in censuram synodalem, v.g. excommunicationis latæ sententiæ, vbi contra transgressores annuæ confessionis fulminatur. Certum in primis est, non incidere in pœnas canonis *omnis utriusq; sexus*, nisi post sententiam, cū enim illæ pœnæ non sint latæ, sed ferendæ sententiæ, non nisi post iudicis sententiam contrahi possunt, vt omnes docent, vnde licet publicæ meretrices Ecclesiastica priuentur sepultura, vt etiam est videre hic Romæ, vbi publicæ meretrices in quodam loco, extra Portam Populi sepeliuntur, non tamen id est in pœnam transgressionis præcepti Ecclesiastici, cum, vt suppono, per sententiam non fuerint diiudicatæ, sed quia supponuntur mortuæ in statu

damnationis, & in publico peccato mortali; vnde difficultas ad solam pœnam latæ sententiæ reuocatur v.g. excommunicationis, vel priuationis Ecclesiasticæ sepulture si alicubi fulminetur, negat Leander de sacram. tom. 1. tract. 5. disp. 3. q. 58.

Sed verior sententia est Card. de Lugo hic disput. 13. num. 148. quod re vera meretrices illam pœnam contrahant, nisi contrariam intentionem habeant Episcopi, qualem fortasse habent plures propter dissimulationem Reipublicæ circa tales meretrices.

Secunda difficultas, an ignari idiomatis teneantur confiteri per interpretem, vt Ecclesiastico satisfaciunt præcepto annuæ confessionis. Concedunt omnes posse confessionem per interpretem fieri, sicut & publicè, vt vsus est in naufragio, incendio &c. ratio est, quia ad confessionis valorem, & essentiam solum requiritur, quod Sacerdoti fiat vt iudici, quod autem hoc, vel illo fiat modo, scilicet secretè, vel publicè, per se, vel medio

E c inter-

interprete parū refert. Difficultas est an fieri debeat aliquando.

Est communis Theologorum resolutio, talem nō extare obligationē confitendi per interpretem, vt præcepto satisfiat. Ecclesiastico annuæ confessionis, quod clarè colligitur ex illo cap. *omnis utriusque sexus*, vbi ponitur particula huius casus exclusiua, dum dicitur: *seneatur solus cōfiteri sua peccata proprio Sacerdoti*, patet autem quod confiteri per interpretem, non est confiteri solus, proprio Sacerdoti. Nonnulla difficultas est de præcepto diuino, de qua sunt duæ sententiæ: prima est, quam defendit Lugo hic disput. 15. au. 66. vbi dicit, quod licet præceptum diuinum nō obliget confiteri cum graui detrimento extrinseco, ex cōfessione tamen facta per interpretem fidelem, & prudentem, tale detrimento non sequitur, ob idque obligabitur quis per interpretem confiteri quando diuinum obligabit præceptum, vt in mortis articulo.

Nostra sententia sequenti

explicatur conclusione. *Per se loquendo nullus obligatur cōfiteri per interpretem ad satisfaciendum diuino præcepto.* Est communis Theologorū sententia quos refert, & sequitur P. Diana de sacram. resol. 129. Dixi per se loquendo, quia per accidēs ratione charitatis, qua tenetur se ipsum homo diligere, obligari poterit, vt si probabiliter putet se nō esse contritum, dum est in mortis periculo, vel articulo, vt æternam fugiat damnationem, per interpretem confiteri tenebitur. Ita Diana loco citato. Sed contra istum dicendi modum insurgit Lugo num. 62. dicendo Dianam consequenter non loqui, quia si quis confiteri tenetur quādo probabiliter dubitat de sua contritione, etiam tenebitur quādo probabilem habet de sua contritione existimationem, nam qui probabilem habet de sua contritione existimationem, probabiliter de illa dubitat, & sic consequenter non loquitur, qui dicit moribundum ex diuino præcepto confiteri non tene-
ri, quando probabilem habet

de

de sua contritione existimationem, & postea dicit, teneri quando de illa dubitat.

Sed non benè reprehenditur Diana à Lugo, cū videatur satis loqui consequenter, non enim est idem, probabilem habere de sua contritione existimationem, & prudenter de illa dubitare, qui enim prudenter de sua dubitat contritione, non dicitur habere probabilem de sua contritione existimationem; in omniū enim sententia, probabilitas, à dubietate distinguitur; nec est idem conscientia probabilis, & conscientia dubia, nam cum conscientia probabili de actus bonitate, licitum est practicè operari, at vero cum conscientia dubia, an actus bonus, vel malus sit hic, & nunc, non est licitum operari, ut omnes tradunt, in materia conscientia probabilis, & dubia: & sic qui rectam habet, & probabilem de sua contritione existimationē per interpretem confiteri non tenebitur, secus si de illa dubitet, ut ex dictis liquet.

Probatur deinde quod per se loquendo nulla sit obliga-

tio confitendi per interpretem in articulo v.g. mortis, ad satisfaciendū diuino præcepto. Nam Concilium Tridentinū sess. 14. cap. 5. satis apertè declarat præceptum diuinum nullo modo obligare ad faciendam confessionem publicam, licet illā fieri posse permittat, sed solum obligare ad faciendam illam secretò; ergo non est obligatio confitendi per interpretem. Antecedens est certum: consequentia probatur, quia confessio per interpretem facta non est absolute secreta; ergo.

Respondet Lugo num. 37. Concilium solum loqui de confessione secreta prout distinguitur à publica, qualis non est, quæ per interpretem fit, cum non sit publicum, quod per interpretem fidelissimum, stricto præcepto obligatum, dico confessario. Sed hæc solutio videtur cum verbis Tridentini pugnare: sic enim loquitur Tridentinum. *Ceterum quoad modum confitendi secretò apud solum Sacerdotem; etsi Christus non venteris, quin aliquis in & indicta suorum scelerum, publicè con-*

ferri possit. Vbi ut vides Concilium vult confessionis obligationem, esse de illa confessione, quæ apud solum Sacerdotem fit, & per consequens cum confessio facta per interpretem non fiat apud solum Sacerdotem, de iure diuino esse non potest.

Confirmatur primò, quia in tātum homo putat diuino se vrgeri præcepto confessionis, & illi se subijcit, in quantum scit nullum esse casum in quo confessarius possit sua manifestare delicta, at non est sic respectu interpretis, cū proprio sacramentali sigillo non teneatur, secundum saltem aliquorum opinionem, vt Caietani, & Soti apud Suarez disput. 33. sect. 4. sed posset in aliquo grauissimo casu, grauissimum manifestare delictum v.g. prodicionis, &c. ergo.

Confirmatur secundò, quia minora incommoda excusāt ab obligatione seruandi præcepti diuini, vt iter, prudentis iudicio laboriosum, ob quod diximus supra non obligari Sacerdotem ad illud subeundum, vt illud præceptum ob-

seruet pro Missa celebranda, vel communione facienda, & fatentur omnes; ergo multo magis non obligabit diuinum præceptum ad confessionem ponendam cum illo incommodo confitendi per interpretem: certè communiter homines maius reputāt incommodum alteri quam Sacerdoti sua manifestare peccata, quā subire iter duarum, vel trium leucarum; vnde patet nō esse adeo verum, id quod dicit Lugo num. 70. quod grauius incommodum plerūque habetur facere sex millia pro quærendo confessario ad confessionem ponendam, quam confiteri per interpretem; nam si mulierē, vel puellam verecundam interrogemus vtrum illorum subire velit, certè non solum sex, verum etiam plura potius faceret millia, quam per interpretem sua cōfiteri peccata, quod etiam communiter dicunt homines etiā prudentes, prout non semel interrogauimus, præsertim quando peccata essent enormia &c.

Confirmatur tertio ad hominem, quia per illum auctorem

rem

rem excusaretur penitens ab obseruatiâ præcepti diuini, de ponenda confessione ante cõmunionem, si non posset, nisi per interpretem cõfiteri; ergo etiam excusabitur in mortis articulo, vel periculo; Antecedens admittit ille num. 70. Consequentia probatur, quia præceptum diuinum de confessione ponenda, non magis obligat pro mortis articulo, quam pro cõmunionem ponenda; ergo si ob illud incõmodũ excusatur homo à confessione ponenda, quando cõmunionem poni debet, etiam excusabitur in mortis articulo. Antecedens patet, nam si in mortis articulo poni debet confessio ob charitatis motuum, quo tenetur quis se ipsũ diligere, & perpetuam damnationi non se tradere; ita cõmunionis tempore vrget reuerentia erga venerabile Sacramentum, & ne infiniti valoris margarita, porcis tradatur. Minimũ autem detrimentum extrinsecum Dei, maius est maximo hominis detrimento, non solum extrinseco, verum etiam intrinseco, vt patet.

Confirmatur quarto, quia si scirem confessarium reuelaturum vni soli, quantumvis prudentissimo, & secretissimo viro, non tenerer mea confiteri peccata, vt omnes tradunt; ergo neque teneor illa cõfiteri per interpretem. Antecedens admittunt omnes. Consequentia probatur, tum ex paritate rationis, tum ex ratione ipsa, quia fideles non graue habent, quod propria peccata sciatur ab illo iudice à quo absoluitur, valde autem graue habent, quod ab alio quam à iudice ipso sciatur. Sed arguit Lugo, quia subditus graue non habet, quod eius peccatum reseruatum, à superiore sciatur; ergo nec ab interprete. Respondetur poenitentem nõ multum curare, quod eius peccatũ à prælato sciatur, valde autem curare, quod non sciatur persona; unde ob hoc non ipsi subditi ire volunt ad prælatum, pro facultate petenda, pro reseruatiõne tollenda, sed mittunt confessarium, qui talem impetret dispensationem, vel facultatem, nulla personæ facta mentione.

Sed

Sed quæres primò, an ille, qui in mortis articulo confiteri tenetur per interpretem, eo quod de sua dubitat contritione, teneatur omnia peccata cōfiteri, an sufficiat, quod vnum, vel alterum confiteatur, de quo minus verecundatur, vt mendaciū leue &c.

Respondetur hoc vltimum sufficere: ita Nugnus hic q. 9. art. 3. difficult. 1. & alij, quos refert, & sequitur Diana loco citato; & ratio communis est, quia illa videtur sufficiens causa excusandi ab integritate materiali confessionis. Idem dicendum est, quando confessio publicè fieret, vt in naufragio, incendio, & tēpore pestis, quando plures peste infecti in eodem manent cubiculo, & confessarius à longe manet, ne peste inficiatur; in his enim & similibus casibus, debet Confessarius illos pœnitentes monere, vt dicāt solum vnum, vel alterū peccatum, de quo non verecundantur, & sic absoluantur, ita obseruabatur Papiæ, vbi ego eram anno 30. quando pestis ibi, & per totam fere Longobardiam grassabatur. An au-

tem tūc temporis licitum sit, sicut & in naufragio, incendio, &c. plures simul, & semel absolvere? Respondeo affirmatiuè res clara est ideo sistendum.

Quæres secūdò, an mutus, surdus, idiomatis ignarus, balbutiens, & vniuersaliter quilibet, qui ob defectum loquelæ integram facere non potest confessionē, teneatur peccata scribere ad satisfaciendum præcepto Ecclesiastico. Affirmatiuè respondēt Suarez, Turrianus, & alij apud Dianam de sacram. resol. 128. Opposita tamen sententia quam post Ioannem de la cruz, Sorum, & alios, tenet Diana, probabilior est; ratio est quia lex ad insolita non ligat, atqui peccata scribere insolitum est; ergo. Tum quia peccata scribere est illa publicationis periculo exponere; ad quod Ecclesiasticum non adstringit præceptū, imò neque diuinum, vt dicebamus, nisi per accidens, quando quis de sua dubitaret cōtritione.

Quæres tertio, an cōfitens, sine necessitate, sed ob pudorem,

rem, vel ob aliam similem rationem, possit peccata scribere, & ea legenda Confessario tradere, & postea absolui. Negat Facundez apud Dianā loco citato resol. 127. affirmat Villalobos, & alij quos refert, & sequitur idem Diana, quod mihi placet, dummodo postea ante absolutionem dicat de omnibus illis peccatis me accuso, vel pectus tundat in signum dolorosæ confessionis; licet aliqui non improbaliter velint sufficere scripti traditionem, & lectionem. Hoc tamen non debet ita facile permitti cum sit contra communem Ecclesiæ usum, ac proinde per se peccatum saltem veniale, nisi sufficiens causa prudentis iudicio Confessarii excuset; idē dicetur de infirmo qui ob gutturi morbum difficulter loqui posset, tunc enim posset eo modo confiteri: Non tamen placet quod dicunt ali-

qui, idem facere posse nutibus, qui scribere nesciunt; cum non ita benè peccata explicentur nutibus, ac scriptura.

Quæres quartò, an muti, qui scribere nesciunt, teneantur per nutus confiteri, ut præcepto satisfaciant Ecclesiastico. Respondetur affirmatiuè, non solum quoad præceptum diuinum, verum etiam Ecclesiasticum: ratio est, quia ex isto confitendi modo, nullum sequitur incommodum, imò maximum commodum, cum nec adsit interpret, nec scriptura, imò nec verba, in quibus aliqui maximè verecundantur. Nota tamen in casu mutorum, surdorum, balbutientium, & ignarorum idiomatis, dari de facili confessionem non integram, materialiter, per quæ consolabatur quidam Confessarius, quando similium confessiones audiebat:



Q V A E S T I O I V.

*An possit quis saltem ut præcepto satisfaciatur
Ecclesiastico, confiteri per nuncium, vel
per litteras confessario absenti.*

Magna fuit inter Theologos disceptatio ante Clem. VIII. decretum, supra disput. 3. quæst. 3. S. quæres 6. relatum, circa confessionem absenti faciendam, nam ex vna parte Paludanus 4. dist. 17. quæst. 2. Adrianus quæst. 1. de confess. Petrus Sotus lect. 11. de confess. Medina C. de confess. quæst. 15. Nauar. cap. 21. num. 36. & alij plures dicebant licere absenti confiteri. Ex alia vero parte Caietanus summa V. confessio condit. 11. Sotus 4. dist. 18. quæst. 2. art. 6. Victoria nu. 171. & alij plures dicebant non licere. Et hanc sententiã determinauit Clem. VIII. decreto illo citato, quod postea approbatum fuit à Paulo Quinto.

Ratio à priori, est Christi Domini institutio, instituentis pro parte materialij sacramē-

ti, confessionem Sacerdoti præsentem factam; quæ institutio ex perpetuo Ecclesiæ vsu, & praxi colligitur.

A posteriori etiam probari potest, quia Sacerdos in tali confessione rationabiliter, & prudenter dubitare potest, num pœnitens animum mutauerit, in eo temporis spacio, quo ab eo discessit nuncius, vel epistolam scripsit; & sic, cum in re dubia, non ferenda, sed suspendenda sit sententia, quando alijs medijs succurri potest, sequitur quod cum hoc Sacramentum per modum iudicij sit institutum, eo casu absolutionis sententia ferri non possit. Si enim ut non infrequenter videmus pœnitentes etiam ad Confessarij pedes animum mutant, à fortiori mutabunt ipso absente.

Sed

Sed ut rem hanc plenius habeas, aliquas tibi propono difficultates, ex quarum solutionibus, plenissimam habebis huius materiæ intelligentiam.

Prima difficultas est, an liceat Sacerdoti audita pœnitentis cōfessione proprio ore, & in præsentia facta, illū post suū discessum absoluerē per internuncium, vel litteras, ita quod confessio fiat præsenti, sententia, seu absolutio impertiatur absenti.

Parrem affirmatiuam tenuit P. Suarez hic, & sic interpretabatur Clementis VIII. decretum. Sed Paulus V. Suarez sententiam reprobauit, ut constat ex eiusdem P. Suarez causa die 14, & 20. Iulij, & 18. August. anni 1605. quam ad verbum refert Petrus Fayus disput. 3. ad art. 3. quæst. 5. supplem. ut testatur Isamb. hic disput. 18. ar. 5. Vnde omnino dicendum, nec confessionem, nec absolutionem absenti dari posse, & certē decreti verba id volunt, & rationes factæ id ipsum conuincunt.

Secunda difficultas, an cō-

fessio absenti facta, & absolutio data pariter absenti, sint solum illicitæ, an etiam inualidæ, irritæ, cassæ. Paludanus supra relatus. Turrecrem. in cap. quem pœnitet, de pœnitentia, & alij, volunt talem confessionem, & absolutionem esse validas, sed illicitas.

Sed opposita sententia est sustinenda, unde dico tales confessiones, & absolutiones absenti factas non solum esse illicitas, verum etiam inualidas, nullas, irritas &c.

Probat̃ur clarē ex Tridentino sess. 14. cap. 2 ubi loquēs de Baptizatis, & de remedio pro illorum peccatis sic loquitur: *Nam hos, si se postea crimine aliquo contaminauerint, non iam repetito Baptismo ablui, cum id in Ecclesia Catholica nulla ratione liceat, sed ante hoc tribunal, tanquam reos sisti voluit* (loquitur de Christo) *ut per Sacerdotum sententiam non semel, sed quoties ab admissis peccatis ad ipsum pœnitentes confugerint, possent liberari.* Ergo ex mēte Cōcilij hoc Sacramentum taliter institutum est, quod pœnitens ut peccatorum ob-

F f tineat

tineat remissionem debet sisti ad pedes Confessarij, & vt sic absolui, sisti autem ante iudicem non est medio alio comparere ante iudicem, sed se ipso corporaliter, vt declarat Vlpianus 2.lib. Digestorū tit. 11. l. 1. §. si quis.

Probatur etiam ex ipso Clem. VIII. decreto, quod tales confessiones, & absolutiones sint nullæ, quia illud quod validè, sed illicitè fit, aliquando & validè, & licitè fieri potest; sed confessio, & absolutio absenti in nullo casu fieri potest; ergo nō solum illicitè, sed etiam inualidè fit. Maior patet, quia ideo aliquando licitum est cum sola contritione communicare, vt quando non est Confessarij copia, quia communio vel missæ celebratio sine confessione solum illicitè fiunt, si enim inualidè in nullo casu fieri possent: Minor stabilitur in Clementis VIII. decreto, ergo.

Confirmatur ex alio decreto Pontificio lato die decima octaua Augusti anno 1605. contra doctrinā P.Suarez; cum enim hac 3. par. dis-

put. 2. 1. sect. 4. scripisset, post Clem. VIII. decretum, corporalem præsentiam tum pœnitentis se confitentis, tum Sacerdotis absoluentis non esse pœnitentiæ sacramento essentialem, & Clem. 8. decretū in sensu dumtaxat copulatiuo diceret intelligendā esse, fuit à Summo Pontifice sequenti censura notatus, vt refert Petrus Fayus supra. *Die decima octaua Aug. 1605. Sanctissimus decreuit, ex tom. 4. P. Suarez Iesuita in 3. partem S. Thomæ disput. 21. de confessione sectionem 4. cui titulus est utrum de necessitate confessionis sit, vt pœnitens Sacerdoti absenti immediatè, & per se ipsum reuelet peccata sua, totam esse amouendam, nec aliam illius loco subrogandam.* Ergo signum est pœnitentiæ sacramentum, & quoad confessionem, & quoad absolutionem non solum copulatiuè, verum etiam diuisiue non solum illicitum, verum & inualidum esse.

Confirmatur hoc idem ex cap. quam pœnitet, de pœnit. dist. 1. vbi sic habetur: *Præcepit Dominus mundandis, vt* *osten-*

ostenderent ora Sacerdotibus, docens corporali præsentia confitenda peccata, non per nuncium, non per scriptum manifestanda; dixit enim ora monstrate, & omnes, non unus pro omnibus &c. Vbi ut vides est Domini præceptum, corporali præsentia confiteri peccata, non per nuncium, non per scriptum, ac proinde aliter facere nec confessio, nec absolutio valida erunt.

Potissimum sententiæ Patri Suarez fundamentum ex natura desumebatur iudicii, cuius est poenitentiae sacramentum, sic: Christus Dominus ita euexit contractum matrimoniale ad sacramenti rationem, sicut euexit iudicium poenitentiale ad rationem sacramenti poenitentiae; ergo sicuti contractus matrimonialis per hoc quod fuerit euectus in sacramentum non amisit rationem essentialem contractus, ita per hoc quod euexit iudicium in sacramentum poenitentiae, non debet ea quæ de iudicii ratione sunt amittere; Sed iudicium inter alia habet, quod fieri possit inter absentes; ergo. Hæc mi-

nor subsumpta de qua sola difficultas esse potest, experientia ipsa docetur, videmus enim quotidie in tribunalibus reo ipso absente, imò comparere nolente iudicium contra eum perfici, condemnari, sententiarum, ergo.

Respondetur Christum Dominum euexisse quidem iudicium ad sacramenti rationem, sed & apponendo aliquas circumstantias, quæ iudicio forensi extrinsecæ sunt; & limitando generalem iudicii rationem. Apposuit conditiones iudicio forensi extrinsecas, ordinando, quod ipsemet reus esset sui accusator etiam occultissimorum, & sibi soli peccatorum cognitorum, cum tamen in alijs iudicijs reus nullatenus teneatur se ipsum accusare, ubi contra eum per sufficientem probationem nihil probatur. Limitauit generalem iudicii rationem faciendo, & ordinando, quod licet iudicium generaliter sumptum, inter absentes exerceri possit, hoc tamen secretum conscientiae iudicium non nisi inter præsentes exerceretur,

quæ Christi ordinatio notuit per Ecclesiæ vsum, & Conciliorum determinationes, præsertim Tridentini supra relati. Igitur iudicium fori interioris non nisi in præsentia fieri potest; iudicium vero fori exterioris etiam in absentia fieri potest, ob id dicunt

cômuniter Theologi, & colligitur ex cap. *sane*, causa 24. quæst. 2. ex Concilio Calcedonense, absentes posse, & excommunicari, & absolui, cum hæc ad iudicium exterius pertineant, secus sacramentaliter absolui, cum hoc iudicij sit interioris.

DISPUTATIO

S E X T A

De Confessionis qualitate.

SExdecim communiter confessionis assignantur conditiones, quæ ex ipsius cōfessionis Medulla eliciuntur, quæ sequentibus versibus continentur.

Sit simplex, humilis, confessio, pura fidelis,

Atque frequens, nuda, discretæ, libens, verecunda;

Integra, secreta, lacrimabilis, accelerata;

Fortis, & accusans, & sit parere parata.

Harum quædam conditionum de intrinseca sunt Confessionis ratione, ut quod sit accusans, integra, & fidelis; quod sit nuda, nempe cum circûstantijs necessarijs; quod parere parata; sine istis namque conditionibus sacramentalis confessio esse nequit.

Quod sit secreta non est omnino necessaria, ut ex dictis supra liquet, similiter aliæ cōditiones necessariae non sunt ut quod sit humilis, frequens, lacrimabilis, accelerata, &c. Aliqui sic practicè tales exponunt conditiones, nimirum debet confessio esse simplex, & nu-

& nuda, ne verbis utatur, ornatis, ne narrentur res domesticæ, vel facta, aut peccata aliena, ne veletur colore obfcurantē peccati turpitudinē, vel voce demissa, ut Confessarius peccata non audiat, vel discernere nesciat ob verborum inuolucrum. Debet esse humilis, ut poenitens confusus appareat, genuflexus, discooperito capite. Pura sine mixtione rerum impertinentiū, nec peccata indicet aliena, nec complices. Fidelis ut non dicat mendacium. Frequens esse debet ex consilio. Discreta, verbis scilicet honestis, præsertim in explicatione peccati luxuriæ. Libens, ut amore spiritualis fiat salu-

tis. Verecūda, ut dicat peccata, quæ nouit, & non expectet cōfessarij interrogationē. Intēgra, ut species & numerus non retineatur peccatorum. Secreta, ut fiat Sacerdoti vicem Dei gerenti. Lachrimabilis, idest cum cordis dolore, licet etiam exteriores lachrimæ laudentur. Accelerata, ut statim commissum confiteatur peccatum. Fortis, ne quid pudore fileatur. Accusans, ut sibi non dæmoni, vel alteri creature peccatum imputet. Parere parata, in ijs, in quibus prudenti Confessario obedire tenetur. Sed antequam potissimæ explicentur confessionis conditiones, sit.

Q V A E S T I O I.

An detur confessio sacramentalis valida, sed informis, & ex quibus capitibus.

Primum quod in quæstionis titulo posuimus admittunt ferè omnes Theologi, ut constat ex ijs quæ de sacram. in genere disp. 4. q. 5. docuimus; contingere namq;

potest, quod quis validum recipiat poenitentię sacramētum, taliter quod poenitens non teneatur amplius, peccata confessā, Ecclesiæ clauibus subijcere; & tamen effectum sacra-

sacramenti nō recipiat, nempe gratiam; plura etenim requiruntur ad recipiendum sacramētum, & effectum illius, quam ad solum sacramentū, sine illius effectū. Tunc autē & hoc, & alia recipiuntur sacramenta informia, quando recipiuntur cum fictione non tollente veritatem sacramenti, ut citato loco aduertimus, si enim sacramenti veritas tollatur, sacramentum non erit. De secundo ergo solum currit præsens difficultas, ex quibus nimirū capitibus pœnitentiæ sacramenti veritas, per fictionem non tollatur, seu ex quibus capitibus pœnitentiæ sacramentum informē dari possit.

Ex duobus capitibus dicunt magis cōmuniter Theologi confessionem informem esse posse, nimirum ex defectu sufficientis doloris ad gratiam causandam, & ex defectu sufficientis examinis. Primum ponit D. Thomas in 4. dist. 17. q. 3. art. 4. quæstion. 1. ubi sic loquitur: *Confessio secundum, quod est pars sacramenti, sic ordinat confitentem ad sacerdotem, qui habet cla-*

ues Ecclesia, qui per confessionem conscientiam confitentis cognoscit, & secundum hoc confessio etiam potest esse in eo, qui non est contritus, quia potest peccata sua sacerdoti innotescere, & clauibus Ecclesia se subijcere, & quamvis tunc non percipiat absolutionis fructum tamen recedente fictione percipere incipiet, sicut etiam est in alijs sacramentis; unde non tenetur iterare confessionem, qui fides accedit, sed tenetur postmodum fictionem suam confiteri. Hæc D. Thomas. Vbi nota per contritionem nō intelligere D. Thomam solum contritionem perfectam, verum etiam imperfectam supernaturalem, cum certum sit secundum Tridentini determinationem sess. 14. capite 4. attritionem supernaturalem esse sufficientem cū Pœnitentiæ sacramento, cum sit donum Spiritus sancti ad iustificationem, media gratia ponendam; neque vult Angelicus dari confessionem informem sine vilo prorsus dolore, quia licet dolor non sit de essentia huius sacramenti in recto, debet tamen in obliquo

bliquo connotari, cum autē per Concilium supra, dolor supernaturalis sit sufficiens ad ponendam confessionem formatam, sequitur quod tunc ponetur confessio informis quando aliquis dolor aderit, non tamen sit ille, qui est sufficiens ad faciendam confessionem formatam, & iste erit dolor naturalis. Et sic si quis accedat bona fide ad confitēda peccata cum dolore solum naturali, putet tamen se habere sufficientem dolorem supernaturalem, faciet confessionem validam, cum sit sufficiens dolor essentialis supposita ignorantia, sed informem, cum talis dolor, cum sit naturalis, etiam cum sacramento, nequeat esse ultima ad gratiam dispositio; & sic ablato postea tali obice illud Pœnitentię sacramentum suum producet gratię effectum. Hęc est communis Theologorum sentētia ut videre est apud Bonacinam de Pœnitentia disput. 5. q. 5. puncto 5. ubi citat D. Thomam, Caletanum, Ledesnam, Sotum, Sylvestrum, Nauar. Co-

uar. Capreolum, Durandum, & alios multos.

Probat, quia quādo penitens dolorem habet naturalem, & bona fide dolorem prætermittit supernaturalem, adsunt omnia necessaria ad sacramentum Pœnitentię cōficiendum, licet non adsint omnia necessaria ad gratię effectum ponendum; ergo tunc temporis Pœnitentię sacramentum erit informe. Antecedēs probatur, dolor naturalis bona fide positus est sufficiens materia ad ponendum Pœnitentię sacramentum, quoad suam substantiam, vel essentiam; ergo cum tunc, ut suppono, adsit confessio, & sacerdotis absolutio, ponetur Pœnitentię sacramentum validum, seu secundum suam substantiam, vel essentiam, licet informe. Quod autem dolor naturalis sit sufficiens materia ad ponendum Pœnitentię sacramentum quoad substantiam, vel essentiam patet. Primò, quia dolor supernaturalis non requiritur præcise ratione sacramenti ponendi, sed ratione ponendi

di gratiæ effectum; gratia nâ- que non ponitur in adulto, nisi dispositio supponatur, dispositio autem ad formam debet esse eiusdem ordinis cum forma; est enim dispositio veluti principium, vel exordium formæ, & sic cum gratia sit supernaturalis, eius dispositio supernaturalis esse debet. Secundò, & est maior præcedentis explicatio, aliorum materiæ sacramentorum naturæ cancellos non transcendunt, sed sufficienter saluantur cum materia naturali, vt videre est in Baptismo, cuius materia est ablutio; in Cōfirmatione, cuius materia proxima est vnctio, remota oleum, vel Chrisma, in Matrimonio cuius materia est mutuus coniugum consensus & sic de alijs; ergo etiam in Pœnitentiæ materia naturalis esse debet, & si pars aliqua illius est supernaturalis vt dolor, non est ratione ipsius sacramenti præcisè, sed ratione effectus illius nempe gratiæ. Tertiò quia huius sacramenti materia in recto importata, nempe confessio, est

naturalis; ergo quantum ad Pœnitentiæ sacramentū saluandum, etiam materia in obliquo, & ex connotato importata, potest esse naturalis, & si semel supernaturalis requiritur, id est, non ratione sacramenti præcisè quoad substantiam, vel essentiam illius, sed quoad rationem effectus; vt dictum est. Igitur si quis bona fide hoc sacramentum recipiat, cum solo dolore naturali, validum recipiet sacramentum, licet informe; Quod si quis sciens, & volens, vel dubitans, aut etiam ignorans ignorantiā mortaliter culpabili se non habere dolorem supernaturalem, validum non recipiet sacramentum, non enim hoc sacramentum validum esse potest cum peccato mortali; & ratio est, quia cum dolor, quicumque ille sit, qui ad hoc sacramentum ponendum requiritur, debeat esse peccatorū retractatiuus, ac subinde virtuale continere debeat propositum non peccandi, & hoc stare non possit in casu dicto, patenter sequitur, validum nō poni

poni sacramentum, cum tunc temporis fictio veritatem tollat sacramenti; unde non placet Pefantius apud Bonacinā ubi supra dicens, quod etiam eo casu sacramentum validū sit, licet informe; quia tunc tota sacramenti essentia ponatur. Non inquam hoc placet, quia re vera tota essentia sacramenti non ponitur, cum non ponatur dolor sufficiens, qui debet esse peccatorū retractatiuus, quem non habet ille, qui sciens, & volens sine dolore accedit supernaturali, cum tantum abest, quod peccata non retractentur, cum potius nouum ponatur, ut patet; est autem obligatio in suscipiente sacramenta, omnia illa ponere, quæ requiruntur ad ponendum sacramentum, & effectum illius; unde ille, qui sciens & volens non vult ponere, quæ requiruntur ad hoc sacramentum ponendum cū illius effectū, habet fictionem, huius sacramenti veritatem destruētem, cum non adsit dolor sufficiens, ut patet.

Alij solent & valde probabiliter explicare cōfessionem informem ex defectu doloris

non vniuersalis: ut si quis habens peccatum furti, & homicidij, & doleat de homicidio ex motiuo particulari propter turpitudinis, de furto autem nullo modo doleat, quia in mentem non venit; tunc qui sic dolet, & cōfiteretur peccatum homicidij, facit poenitentię sacramentum informe; & ratio videtur esse, quia ex vna parte iste gratiam percipere, nequit, cum peccatum furti nec confiteatur, nec vllō modo retractet, & ex alia parte ob ignorantiam, à nouo excusatur peccato: habet sufficientem dolorem pro cōfessione sacramentali ponenda: adeest Sacerdotis absolutio, & subinde omnia, necessaria ad poenitentię sacramentū quad substantiam, vel essentiam ponendum. Hunc dicendi modum sequuntur plures moderni, post Suarez, & Lugo hic disput. 14. nu. 74. contra quem fieri solēt aliqua argumenta, quæ quia ex dictis facile solui possunt, omitto.

Alij etiam solent alia via explicare cōfessionem informem ex defectu doloris, & dicunt quod ad hoc ut verum

G fiat

fiat sacramentum formatum; requiritur (& benè dicunt) dolor supernaturalis, sed efficax, vt clare docere videtur Tridentinum scilicet. 14. cap. 4. vbi definit contritionem, quæ est pars sacramenti, *quod sit animi dolor, & detestatio de peccato commissõ cum proposito non peccandi de cætero.* Ad hoc vero vt fiat sacramentum informæ, requiritur quidem dolor ex motiuo supernaturali, sed non est necesse quod sit efficax, sed sufficiet inefficax; vt si quis bona fide putet habere dolorem supernaturalem efficacem, & habeat solum inefficacem, & quãdam velleitatem: sacramentum informe recipiet; quod frequenter videtur contingere, dum dolent peccatores de peccatis, propter pœnas inferni, etiã cū aliquali emendationis proposito, sed inefficaciter, sed remisè, sed debiliter. Hunc modum dicendi sequitur Nugnus hic q. 9. art. 1. & alij post ipsum, & videtur valde rationabilis, propter humanam infirmitatem, & valde cõducit ad diuinam commendandam clementiã,

quæ tam benè, nostræ prouidere voluit infirmitati.

Secundum caput ex quo confessio valida, sed informis efficitur, est defectus examinationis, qui sic à Nugno vbi supra, & à plerisque Thomistis explicatur, quãdo scilicet homo sufficientem habet dolorem suorum peccatorum, & omnia ea confitetur, quæ memoriæ occurrunt, ad quod aliqualem fecit diligentiam, nõ tamen sufficientem, sed ignorantia mortaliter culpabili iudicat illam sufficientem, tunc validum facit sacramentum; cum omnia ad illud substantialiter, vel essentialiter requisita posuerit; non tamen gratia ponitur sacramenti, cū ponatur obex peccati, nempe examinationis insufficientia mortalis: tunc autem iudicatur examinationis insufficientia grauis, & mortalis, quando quis adeo leuem fecit conscientie discussionem, quod plura fuerunt peccata oblita, quam in confessione narrata, & hoc nõ fecerit scienter; quia eo casu confessio nulla fuisset, neque ex ignorantia affectata, crassa, vel supina, quia hæc igno-

ignorantiæ, scientiæ, quantum ad hoc, videntur comparari, sed ignorantia vincibili mortali: videatur Nugnus loco citato, qui optimam ponit harum ignorantiarum distinctionem, quæ ego consulto omitto, quia suo loco, nempe in p. 2. Deo dante explicabo.

Sed quæres primò, an pœnitentiæ sacramentum informe, ablato obice suum gratiæ producat effectum. Affirmatiuè respondeo, ratio est, quia peccata in sacramento informi manifestata, per aliquod pœnitentiæ sacramentū sunt remittenda, ut patet, non per aliud sacramentū cui subiiciatur, cum nulla sit confitendi illa obligatio; ergo per illud tollentur informe, quando obex auferetur, seu quādo necessaria dispositio ponetur ad fructum sacramenti ponendū. Ita Nugnus, & alij cōmuniter.

Quæres secundò, an attritio cognata sufficiat ad tollendum pœnitentiæ sacramenti obicem? Respondeo sufficere, quando obex fuit ipsa attritionis absentia, & aliunde ille non peccauit mortaliter, post ipsam confessionem in-

formem; ratio communis est, quia illa eadem dispositio requiritur, ad hoc, ut sacramentum informe, fiat formatum, per obicis ablationem, quæ primò sufficiens fuisset ad illud formatum ponendum; atqui hoc est attritio cognita; ergo videatur Nugnus loco citato dub. 5.

Dixi quando fuit ipsa doloris absentia, & aliunde pœnitens non peccauit mortaliter, quia si obex positus fuisset ex defectu examinis, tunc attritio non sufficit, sed nouum pœnitentiæ sacramentum requiritur, in quo & peccata oblita subiiciantur, & culpabilis illa negligentia confiteatur. Similiter quando quis nouum cōmisit peccatū mortale post confessionē informē, attritio non sufficiet, sed noua requiretur confessio; cum præcedens confessio non possit peccatum post illam patratum remittere, alioqui sacramentū factum, posset peccata futura remittere, quod est nouorum hæresis hæreticorū, qui volunt sacramentum Baptismi peccata remittere futura, ex sui sola recordatione.

QVÆSTIO II.

An confessio debeat esse vera, & fidelis.

Confessionis fidelitas duo postulat. Primum est, quod pœnitens nec plus, nec minus confiteatur quam commiserit, alioqui nec verus, nec fidelis est. Secundum est, quod certa certo cōfiteatur, & dubia, ut talia exponat, alioqui periculo exponetur falsa confitendi. Hinc deducitur primò nūquam licitum esse præsertim in confessione mentiri; cum enim sit præceptum negativum de non mentiando, præsertim coram iudice legitimo, & Sacerdos in tribunali confessionis sit iudex legitimus, sequitur nūquam licitum esse in confessione mentiri. Deducitur secūdo quod celare peccatum mortale, quod pœnitens confiteri tenetur, est peccatum mortale; dixi quod confiteri tenetur, quia si illud reticeatur ob aliquā iustam causam, ob quam confessio non integra materialiter esse potest, nullum peccatum erit, & si

pœnitens à Confessario interrogetur liberè negare potest, utendo æquiocatione, vel amphibologia.

Deducitur tertio, quod sit peccatum mortale, venialis tantum confiteri, quæ pœnitens non commisit, quia eo casu nullum ponitur sacramentum, ut supra docuimus, cum & sacramentum res gravis sit, & notabilis Deo irrogetur iniuria. Non erit tamē mortale, vnum, vel alterum confiteri veniale, quod quis non commisit, quando alia commissa confitentur peccata, cum tunc irritum non fiat sacramentum. Quod maiore affert in hac materia difficultatem est, an confessio a deo vera, & fidelis esse debeat, quod quodlibet peccatū excludere habeat; Et an cōfessionis fidelitas, & veritas saluetur, si quis ex fine venialiter malo confiteatur.

Pro huius difficultatis resolutione nota primò, in hoc con-

conuenire plerique, quod si quis externam ponat confessionem ex motiuo vanæ gloriæ, vel ex alio quocunque, veniali, dummodo cetera adfint, requisita ad confessionis validitatem ponendam, sacramentum non inualidabitur; cum enim confessio sit actio externa, & hæc possit esse aliunde bona, & mala, etiam si hic, & nunc ex malo motiuo veniali mala sit, sacramenti poenitentiae pars materialis esse poterit, ac subinde sufficiens ad ponendū sacramentum, quod ex opere operato gratiam habeat causare; à fortiori idem dicendum est, quando vanagloria, vel quodlibet aliud peccatum veniale non est confessionis finis, sed solū concomitanter se habet: esset enim valde durum dicere quod ille, qui ex motiuo acquirendi bonam existimationem apud Confessarium, vel apud suos sodales, vel dum confitetur gloriatur de bona, quam concipit existimatione apud illos, nullum faciat sacramentum, cum optime stare possit confessio, ex vanæ gloriæ motiuo impera-

ta, cum voluntate absolutionis obtinendæ; seu cum optime stare possit quod vnus, & idem actus exterior; vna, & eadem confessio ex duplici motiuo imperetur, bono scilicet, & malo, non tamen erit tunc & bona, & mala, sed absolute mala, extrinsecè quidem, quod non officit, quominus non possit esse ex opere operato simul cum reliquis sacramenti partibus, gratiæ causa; sicut enim Sacerdos veram ponit absolutionem; etiam si illam ex vanæ gloriæ motiuo ponat, quare etiam poenitens veram non ponet, & sufficentem oris confessionem, etiam si ex vanæ gloriæ motiuo illam ponat?

Nota secundò etiam dolo-rem, nempe contritionem, & attritionem esse posse cum vanagloria concomitante, vel cum alio quouis peccato veniali; & ratio clara est, quia quilibet virtutis actus stare potest cum aliquo veniali concomitante; potest enim quis, etiam dum actu diligit Deum, habere alium actum, quo sibi complaceat de tali dilectione.

Nota

Nota 3. quod quando dicitur, quod quis virtute aliqua malè vti potest, dupliciter hoc valet intelli: primò obiectiue; secundo effectiue. Malum vsum obiectiuum admittunt omnes, cum Diuo Thoma mox referendo, cum experientia constet aliquos, quascunque odisse virtutes, alios de illis superbire, vel vanagloriari, alios etiam de omnibus, vel aliquibus male sentire: ob id dicebat magnū Ecclesiæ lumen D. Augustinus: *Superbiam bonis operibus insidiari*, plerique namque infirmi occasionem accipiunt ex aliquo, vel leui virtutis actu, gloriandi, superbiendi, & se inaniter extolendi.

Malum vsum effectiuum admittunt etiam plerique Theologi, in virtutibus intellectualibus, prudentia excepta, cum enim virtutes intellectuales ex suo genere ad bonū actus vsum non determinent, cum non respiciant bonū sub ratione boni, sed sub ratione veri; sequitur, quod possint à voluntate ad fines prauos ordinari, de qua re vide-

ri possunt ea, quæ prima parte de sacram. in genere docuimus disput. 5. q. 3. In virtutibus Theologicalibus fidei, & spei talem malum vsum effectiuum plures admittunt, de quo suo loco. In Charitate communiter negant, vt suo loco dicetur, & ex mox subiiciendis satis constabit.

Difficultas ergo præsens ad solas virtutes morales siue infusas, siue acquisitas reuocatur, inter quas non infimū locum tenet Pœnitentia. Et licet proposita difficultas de sola procedat Pœnitentia, vt tamen vniuersalior sit doctrina, vniuersalis erit resolutio.

Prima sententia est, quod virtutes morales possunt esse malæ effectiue, seu quod in idem reddit, potest voluntas malè vti virtutibus moralibus tamquam principijs effectiuis & sic poterit voluntas vti Pœnitentia ad eliciendum contritionis actum ex motiue vanagloriæ, vel comparandi bonam apud confessarium existimationem &c. Hanc sententiam defendit Luco hic disput. 15. sect. 9. & 10.

Nostra

Nostra sententia sequenti explicatur conclusione. Nul-
lus potest malè uti ut principio
effectiuo virtute morali, ac su-
binde non poterit quis imperare
Pœnitentiæ, ut actum eliciat
contritionis, ob vanagloria mo-
tium. Hæc est aperta D. Tho-
mæ, & Thomistarum senten-
tia, quam rectè defendunt N.
Salm. 1. 2. to. 1. tract. 11. di-
sput. 6. nu. 29.

Probatur eleganti D. Tho-
mæ testimonio par. 2 q. 55.
art. 4. ad 5. vbi sic fatur: Vir-
tute potest aliquis malè uti tã-
quam obiecto, puta cum malè
sentit de virtute, cum odit eam,
vel superbit de ea; non autem
tandem principio usus, ita sci-
licet, quod malus sit actus vir-
tutis. Hæc D. Thomas. Et
quest. 56. art. 3. assignans dif-
ferentiam inter virtutes in-
tellectuales & morales, quod
intellectualibus potest quis
malè uti, non moralibus, sic
loquitur: *Dupliciter habitus,*
aliquis ordinatur ad bonum a-
ctum: uno modo in quantum
per huiusmodi habitum acqui-
ritur homini facultas ad bonũ
actum sicut per habitum grã-
matica habet homo facultatem

rectè loquendi, non tamen grã-
matica facit quod homo sem-
per rectè loquatur: potest enim
grammaticus barbarizare, aut
sollacissimum facere, & ea-
dem est ratio de alijs scientijs,
& actibus. Alio modo aliquis
habitus nõ solum facit faculta-
tem agendi, sed etiam facit
quod quis rectè facultate uta-
tur; sicut iustitia non solum fa-
cit quod homo sit prompta vo-
luntatis ad iusta operandum,
sed etiam facit ut iustè opere-
tur: & post pauca subdit.
Et quia virtus est quæ bonum
facit habentem, & opus eius
bonũ reddit, huiusmodi habitus
simpliciter dicuntur virtus,
quia reddunt bonum opus in
actu, & simpliciter faciunt
bonum habentem. Vbi ut vi-
des vult Angelicus Doctor
virtutes morales facere bo-
num habentem, & opus il-
lius bonum reddunt; quod est
communis virtutis moralis
definitio, quam communi-
ter tradunt morales Philo-
sophi.

Ex quibus D. Thomæ te-
stimonijs sic primam pro no-
stra conclusione formamus
rationem. De ratione virtu-

tis moralis est, non solum potentiam inclinare ad bonum actum, verum etiam ipsum actum in exercitium bonum facere; atqui hoc non præstaret, si quis posset virtute uti ad malum finem; ergo nullus male uti potest virtute morali. Maior patet, tum ex D. Thomæ testimonio; tum ex differentia, quam idem D. Thomas assignat inter virtutes morales, & intellectuales, quam differentiam omnes morales Philosophi amplectuntur; tum ex ratione ipsa, nam cum de ratione virtutis sit inclinare potentiam in ordine ad propriū illius bonū. sequitur quod sicut intellectus non potest uti scientia ad producendam conclusionem falsam, ita neque voluntas uti poterit virtute morali ad producendum actum malum; infallibiliter namque virtus intellectualis ad verū, & infallibiliter virtus moralis ad bonū fertur; & si semel daretur scientia, quæ inclinaret ad falsum, esset & non esset scientia; ita si daretur virtus, quæ inclinaret ad malum, seu quæ posset deferuire ad inferendā

conclusionem practicam malam, seu actum malum, esset, & non esset virtus. Minor probatur, nam si semel quis posset morali virtute uti ad malum finem, non esset de ratione moralis virtutis ponere actum bonum, id enim de cuius ratione est ponere actum bonum, non potest etiam ex alterius imperio ponere actum malum, cum nullum imperium queat extrahere potētiā extra sui obiecti latitudinem; & sic, sicut nulla potētia potest extrahere scientiam à latitudine veri scientifici, & facere quod actum producat falsum, quia verum, & non falsum est scientiæ obiectum: ita nulla potentia, nullum imperium extrahere poterit virtutem moralem à ratione boni, & facere quod actum producat malum, cum virtutis moralis obiectum sit bonum, & nō malum; alioqui habitus non essent potentiæ determinatiui ad specialia, & determinata ipsarum potentiarum obiecta, sed illas in earum relinquere indeterminatione, & vniuersalitate.

Se.

Secunda ratio: implicat in adiecto aliquam esse virtutē moralem, voluntatem perficientem, & voluntatem posse illa male uti; ergo (descendendo ad particulare poenitentiae) implicabit poenitentiam, virtutem esse moralem, & voluntatem posse illa ut principio male uti. Consequentia ex antecedenti benè sequitur. Antecedens ipsum, sic discurrendo demonstro: nam de virtutis moralis essentia est, quod volūtati bonum tribuat vsum; atqui implicat aliquid essentialiter bonum tribuere vsum voluntati, & quod voluntas eo malè utatur; ergo. Antecedens in quo est difficultas ostenditur; nam de virtutis moralis essentia est, quod habeat pro obiecto bonum morale, atqui cū bono morali essentialiter inspecto malus nequit stare vsus; ergo &c. Vbi enim est malus vsus, ibi bonum morale esse non potest, cum bonum morale in bono vsu, non in malo, esse queat.

Tertia ratio, de virtutis moralis essentia est, quod prudentia reguletur; sed pruden-

tia regulatio esse nequit cum malo vsu; ergo implicat esse virtutem moralem, & ad malum vsum ex voluntatis imperio, tanquam principium efficiens, ordinari. Maior fuit communis Philosophorū sententia, ut testatur D. Aug. lib. 6. de Trinitate cap. 4. Ob id definitur virtus moralis, quod sit habitus electivus; quia consistit in medio, quod sibi à prudentia præstituitur, & determinatur, vnde sicut implicat dari virtutem moralem sine medio, ita implicabit quod detur sine prudentia. Minor nota est, nam vbi prudentia est, ibi recta electio est, rectum iudicium, bonum imperium, ac. subinde recta regulatio, bonusque vsus.

Quarta ratio: Implicat actum virtutis imperare actum vitij; ergo etiam implicabit actum vitij, vel vitiosum imperare actum bonum. Antecedens ostenditur ex communi Philosophorū, & Theologorum consensu, volunt nāque omnes, actum misericordiae erga pauperem non posse imperare actum furti, cū enim virtutis actus debeat esse ho-

H h nestus,

ueltus, & misericordia, furti actum imperans, non sit honesta, sed inhonesta, non poterit esse actus virtutis, qui malum imperat actum. Consequentia ex Antecedenti sequi videtur, ex paritate rationis.

Respondet Lugo loco citato num. 208. concedendo Antecedens, & negando consequentiam, quia in actu virtutis honestas apparere debet, non apparet autem in actu eleemosynæ hic, & nunc per actum malum facta v. g. furti. At vero in actu bono oppositum cōtingit cum in actu virtutis ex fine malo bonitas illius ex obiecto conseruetur, ut cum quis ex motivo vanæ gloriæ actum exercet temperantiæ, fortitudinis, &c.

Sed contra, quia nō minus repugnat actum virtutis imperare actum vitij, quam actum vitij actum virtutis; non minus repugnat actum bonum imperare actum malum, quā actum malum imperare bonum: non minus repugnat eleemosynam imperare furtum, quam furtum imperare eleemosynam; ergo. Antece-

dens ostenditur, quia magis participat actus imperatus de imperante, quā imperas de imperato, cū plus tribuat imperans imperato, quā imperatus imperati, ergo si actus bonus imperans malum, efficitur malus, à fortiori actus ex obiecto bonus imperatus à malo, malus efficitur. Vnde falsum esse videtur, vanagloriam posse actum formalem virtutis tēperantiæ, vel fortitudinis &c. imperare, sed materiale solū, cū temperantia à vanagloria imperata, nō sit actus virtutis formaliter, sed materioliter tantum.

Igitur in casu pœnitentiæ, licet possit huius virtutis actus esse simul cum vanagloria cōcomitanter, non tamen potest pœnitentiæ actus elici à pœnitentia, ex motione, ex imperio vanagloriæ; Et sic quantumvis vanagloria conaretur pœnitentiæ actum imperare, nunquam sibi à pœnitentia obediretur, cum talis actus sic circōstantionatum à pœnitentia elici nequeat, ut ex dictis liquet. Argumenta oppositæ partis non refero, quia solum probant posse da-

ri poenitentiam, vel confessionem cum vanagloria comitanter, vel obiectiue mo-

do supra explicato, quod nos cum Diuo Thoma spontè cōcessimus.

Q V A E S T I O III.

*An confessio necessario integra esse debet,
& quo iure.*

COnueniunt Catholici omnes confessionem integram esse debere, ita quod omnia mortalia, nō confessa, post Baptismum susceptum commissa, quæ post sufficiens conscientiae examen, memoriae occurrunt, debeant confiteri, vt constat ex cap. *omnis utriusque sexus*, ex Concilio Florentino in decreto Eugenij, ex Tridentino sess. 14. c. 5. Et ex ratione ipsa. Nam illud est necessario confitendum, quo omisso sacerdotalis absolutio est nulla; sed non facta omnium confessione peccatorum mortalium non confessorum, quæ poenitentis occurrunt memoriae, post sufficientem conscientiae discussionem, sacramentalis absolutio est nulla, cassa, & irrita; ergo omnium peccatorum di-

etorum confessio necessario facienda est. Maior nota est. Minor ostenditur, nam vnum peccatum remitti non potest, quin cætera dimittantur; atqui peccata non dimittuntur per hanc interioris fori absolutionem, nisi cognoscantur, & iudici ipsi subiiciantur; ergo.

Difficultas ergo præsens de iure procedit, an nimirum confessionis integritas sit humani, an diuini iuris. Quidam Petrus Oxouiensis, quem refert hic Nugnus q. 9. art. 2. dicebat, quod ex Christi Domini institutione, solum sit, peccata in generali, vel in communi confiteri; at vero confiteri peccata in particulari, Ecclesiasticæ sit institutionis. Hunc errorem secutus, fuit postea Erasmus in cap. 19. Actuum Apostolorū, Lutherus, & alij.

H h 2 No.

Nostra sententia sequenti explicatur conclusione. *Moralis confessionis integritas, est de iure diuino.* Hanc conclusionem sequuntur omnes Catholici. Pater ex dictis disput. præcedenti q. 1. & 2. ubi ostendimus Ecclesiam non præcepisse cōfessionem quoad eius substantiam, sed solum quoad temporis determinationem.

Probatur etiam ex Tridentino sess. 14. cap. 5. ubi habet *ex institutione sacramenti pœnitentiæ uniuersa Ecclesia semper intellexit, institutam etiam esse à Deo integram peccatorū cōfessionem, & omnibus post Baptismum lapsis iure diuino necessariam esse.* Vbi ut vides omnium peccatorum cōfessio, per Tridentinum, diuino iure necessaria est, non solum necessitate mediij, verum etiā præcepti, propter regulam generalem multoties traditam; quod nimirū id quod est necessarium necessitate mediij, & est in nostra potestate illud exequi, vel est aliquid à nobis exequibile, sit etiam necessarium necessitate præcepti diuini. Igitur confessionis integritas, tum iure diuino, tum

humano necessaria est. Aduerte tamen quod in conclusione consulto posuimus illā particulam *moralis confessionis integritas*, vt detur intelligi, quod nec ius diuinum, nec humanum præcipit physicam confessionis integritatem, sed moralem, seu vt alij dicunt formalē, nempe illorum peccatorum, quæ post sufficientē discussionem memoriæ occurrunt; & quæ modo humano, & commodo confiteri possunt; quia vt supra tetigimus, & infra magis dicetur, quando talis omnium peccatorum confessio haberi non potest, & si haberi potest, non nisi graui sequuto incommodo, tunc non obligat, & dicitur tunc cōfessio integra moraliter, vel formaliter, non matetialiter.

Sed quæres primò, quot peccata mortalia committat ille, qui scienter facit confessionem non integram moraliter, seu quando quis absque sufficienti causa, & hoc scienter, aliquod, vel aliqua non confitetur peccata. Aliqui volunt tria committi peccata, quando talis confessio fiet

ret

et quando præceptum diuinum, & humanum confessio- nis habet obligare: vnum nimirum, quatenus diuinum, & humanum transgreditur præceptum confitendi, cum per talem confessionem illis præceptis non satisfiat, vt etiam nos supra docuimus: secundum peccatum, quatenus transgreditur vtrunque præceptum de confessione integra ponenda, quia hoc præceptum omnino diuersum à primo videtur. Tertium peccatum quatenus nullum facit sacramentum, quod est speciale irreli- giositatis peccatum, contra reuerentiam sacramentis, & sacratissimis rebus debitam. Alij volūt duo committi pec- cata, vnum commissionis cō- tra præceptum diuinum natu- rale negatiuum non inuali- dandi sacramentum confes- sionis; alterum omissionis cō- tra præceptum affirmatiuum diuinum, & humanum (cum enim præcepta hæc ex eodem procedant motiuo, vnam so- lum ponunt transgressionis malitiam) integræ confes- sionis ponendæ.

Sed saluo meliori iudicio

mihi verius videtur vnum tā- tum committi peccatum: & ratio plana est, quia omnia illa, idem habere videntur motiuum, scilicet ponēdi hoc sacramentum cum illis omni- bus constantijs, nempe & tali tempore, & cum tali inte- gritate, & religiositate, eidem sacramento debita, si enim præcipitur huius sacramenti exercitium, id est ob huius sacramenti sanctitatem, reli- giositatem, necessitatem; si eius præcipitur integritas, ob idem motiuum præcipitur; idem prorsus dicendum de eius validitate; nec refert, quod præcepta, diuersa vi- deantur, nimirum affirmati- uum, quoad tempus; negati- uum sed diuinum positium quoad integritatem; negati- uum, sed naturale, quoad il- lius validitatem; nam omnia ista ex eodem motiuo proce- dere possunt, vt in p. 2. docui- mus, & casus noster manife- stè deuincit.

Quæres secundò, an quan- do quis aliquod, vel aliqua nō cōfiteretur peccata putans cau- sam ad id faciendum habere sufficientem, & de facio non est,

est, verum conficiat sacramentum. Respondetur quod si quis talia omittat peccata putans causam habere sufficientem ex ignorantia crassa, vel supina, vel affectata, facit nullum sacramentum: si vero id faciat ex ignorantia inuincibili validum facit sacramentum, dummodo dolor sit vniuersalis, & ad omnia se extendat peccata; si vero ignorantia sit vincibilis, & dolor sit vniuersalis, & sufficiens ad validum ponendum sacramentum, re vera ponetur, sed informe. Ita Nugnus loco citato concl. 6.

Et ratio est, quia eo casu ponuntur ex parte vna, omnia necessaria ad validum ponendum sacramentum, nempe contritio, confessio, & absolutio; ex parte vero alia sacramenti effectus poni non potest, cum nouum peccatum mortale ponatur, non ponendo confessionem integram, quam ponere tenetur, & aliunde ab huius præcepti transgressionem non excusetur, cum ignorantia sit vincibilis, sed de hac re videantur ea, quæ quæst. 1. huius disputationis docuimus.

Q V A E S T I O IV.

In quibusnam casibus licitum sit confessionem non facere integram. Vbi an ob hoc complex queant manifestari, & alia necessaria panduntur.

Primus casus de quo magna est inter Theologos disceptatio est, an superior qui sibi aliqua reseruauit peccata possit illa sola audire, & ab illis solis poenitentem absolueret, remittendo eundem

poenitentem ad alium confessorium, ut illi alia quæ habet confiteatur peccata, & ab illis absolueretur. De qua re tres sunt sententiæ.

Prima sententia absolute docet id fieri posse: hanc tenet

net Caietanus, Paludanus & alij apud Nugnum q. 9. art. 2. dub. 1.

Secunda sententia in alio extremo docet id nullo modo fieri posse. Quam sententiam sequitur Durandus, Adrianus, & alij apud eundem Nugnum.

Nostra sententia media incedens via, sequenti explicatur conclusione. *Quando superior est ita occupatus, quod non possit totam penitentis audire confessionem, & aliunde iudicat conueniens non esse, quod peccatum reservatum ad inferiorem remittatur, tunc potest penitentem à reservato absoluerè, & illum ad inferiorem remittere pro ceterorum peccatorum confessione faciendâ.* Ita Nugnus, & iuniores communiter & ratio est, quia cum confessionis integritas sit de iure diuino, sine graui, & virgènti ratione omitti non potest; atqui in nostro casu grauißima virgat ratio, ergo in nostro casu confessionis integritas poni non poterit. Maior patet. Minor ostenditur, nam ex parte superioris est grauis occupatio ratio-

ne cuius sà tota confessione audienda excusatur, & ex alia parte non expedit, vt suppono, quod peccatum ab inferiore sciatur; si enim hæc ratio nõ curreet, deberet superior (si totam audire non posset inferioris confessionem, & illum absoluerè) tollere reservationem, vel absoluerè à censura, & illum postea remittere ad inferiorem à quo integè confiteatur, & absoluator.

Sed quæres 1, an confessorius inferior absoluerè possit à non reservatis, & remittere penitentem ad superiorem pro reservatorum absolutione. Conueniunt omnes id non licere, nisi quando penitens est in confitendi necessitate, vel ratione præcepti, vel ratione communionis, vel ratione infamix &c. ob quæ non potest tunc tēporis superiorem adire pro reservatorum absolutione. Si Penitens necessitatem habeat confitendi ratione communionis, & nõ habeat copiam confessoris potentis absoluerè illum à reservato, poterit existimare se copiam non habere confessoris,

ris, & sic poterit conteri, & communicare: ita Diana post alios multos, quos longa manu refert de sacram. resol. 104. siue pœnitens habeat necessitatem confitendi ratione peccati reservati, siue ratione excommunicationis; licet aliqui valint debere eo casu confiteri Sacerdoti inferiori, omnia peccata etiam reservata, & tunc absoluat directè à non reservatis, & indirectè à reservatis, & remanebit obligatio comparendi postea ad superiorem pro directâ peccatorum reservatorum absolutione. Alij etiam volunt debere tunc temporis pœnitentem, sola non reservata confiteri, & dolorem vniuersalem elicere, & sic omnia dimittentur peccata, sed remanebit in reservatis obligatio illa superiori confitendi &c.

Qui omnes dicendi modi probabiles sunt, & practicè possunt observari, secundus tamen dicendi modus securior est, & magis suadendus, tum quia contritio perfecta non ita facile ponitur, tum etiam quia ex parte confessionis

integritas saluatur.

Quod si pœnitens necessitatem habeat confitendi, vel ratione præcepti confessionis, vel ob infamiam vitandam; poterit reticere reservata quæ superiori postea confiteatur, alijs confessis, vel (quod mihi tutius videtur) confiteri omnia, & directè absolui à non reservatis, & indirectè à reservatis.

Quæres 2. an in casu quo superior absoluit pœnitentem à solis reservatis, & pro non reservatis illum ad confessarium remittit inferiorem, duo fiant sacramenta, an vnum tantum. Nauarrus & alij quos refert Suarez in præsentis disp. 31. sect. 1. dicunt vñ fieri sacramentum. Sed hæc Nauarr. sententia non ita recepta videtur; nam in eo casu dantur distinctæ numero sacramentales peccatorum confessiones, cum eorundem peccatorum sufficienti dolore, item distinctæ numero iuridicæ absolutiones; ergo duo numero sacramenta. Antecedens clarum est. Consequentia probatur quia nouæ legis sacramenta
nume

numero multiplicantur ad formæ, & materiæ multiplicationem; sed in nostro casu multiplicatur forma, nempe absolutio, & materia nempe confessio; ergo.

Quæres tertio an in casu quo poenitens à superiore à solis absoluitur reseruatis, teneatur postea inferiori confiteri omnia, non reseruata scilicet, & reseruata, à quibus iam fuit absolutus. Respōdetur negatiuè; & ratio est, quia quoties poenitens materialiter dimidiat confessionem, vel propter obliuionem, vel propter aliam causam sufficientem non tenetur amplius ea confiteri peccata, quæ iā confessa, & absoluta sunt, quod maiorem habet vim in nostro vsu, cum duò, vt diximus, fiant sacramenta, & in vtroque (nisi aliunde ponatur obex) gratia producat.

Quæres quarto an in casu quo poenitens peccata confiteatur reseruata superiori, & ab eo absoluator, sed absolutio ex aliquo confitentis defectu fit nulla, reseruatio ipsa tollatur, ita quod à quocunque confessario ordinario ab-

solui postmodum possit. Respondetur affirmatiuè, ita Nugnus hic q. 9. art. 2. part. 2. dub. 4. quem postea sequuti sunt plures alij. Et ratio est quia superioris absolutio totum id quod potest debet operari; atqui non operatur peccatorum reseruatum absolutioem, ergo saltem operari debet reseruationis ablationem. Idem docent in casu quo censuratus nullam facit confessionem, apud confessarium potentem à censura absoluere, & ab illa de facto absoluentem, licet aliunde peccatorum non ponatur absolutio, ob obicem à poenitente positum. Idem similiter dicunt, quando quis confessus est Iubilei tempore; per talem namque confessionem, licet peccatorum non receperit absolutioem, recepit talem tamē reseruationis ablationem: si enim est probabilis multorum Theologorum sententia, quod ille qui habebat votum reseruatum, per confessionem tempore Iubilei factam etiam si aliunde nulla fuerit, acquisiuit ius petendi dispensationem post

iubileum, quam iubilei tempore non petijt; quare etiam probabile non crit, quod per talem confessionem, etiam si aliunde nulla fuerit, reservatio non tollatur? videatur P. Diana tom. 1. resol. 18 de bulla Cruciata, & tom. 3. tr. 4. miscel. resol. 24. Eadem resolutio procedit in casu quo quis peccati reservati obliuiscitur, dum apud superiorem confitetur. Nugnus supra.

Secundus casus, de quo minus controuertunt Theologi, in quo non integra fieri potest confessio, est tempore ineundi, prælij, vel naufragij, de quo breuiter dico, quando prælium est ineundum, vel plures patiuntur naufragium, & Sacerdos est vnicus, vel sunt numero pauciores quam pœnitentes, nec prælium, vel naufragium moram patiuntur, pro facienda distincta, singulorum peccatorum confessione, licet tunc, imò oportet confessionem dimidiare, patet hoc vsu fidelium militum, & naufragantium. Militum quidem, quia dum instat prælij tempus sin-

guli duces suos exhortantur milites vt fortiter, género seque se generant in prælio pro obtinenda de hoste victoria, & Cappellani coortum eisdem hortantur milites, vt se se Deo ex corde commendent, quod se de peccatis accusent, quod veniam depræcentur, qua accusatione præmissa, breuem illis assignant pœnitentiam, ac statim illis absolutionis impendunt beneficiū. Naufragantium etiam, quia vt communis docet experientia clamando, & se se accusando absolutionis petunt beneficium, & statim a sacerdote illis impenditur, &c.

Tertius casus quem communiter admittunt Theologi est, quando ex confessione talis, vel talis peccati, vel circumstantiæ graue timetur damnum, vel proprium, vel alienum, corporale, vel spirituale. Præceptum namque diuinum de confessionis integritate non obligat cum tali incommodo. Hinc excusatur ille à confessionis integritate qui timet confessorem certum peccatum fore reuelaturum; Excusatur mulier si

sciat

sciat ex talis peccati confessione, sibi periculum fore spiritalis ruinæ, vel etiam ipsi confessario. Hinc excusant scrupulosum à confessionis integritate, quia perpetuo angitur de oblitis peccatis. Hinc etiam excusant pœnitentem, pestis tempore, à confessionis integritate, quando est periculum infectionis, siue ex parte pœnitentis, siue ipsius confessarij. Imo si sint plures in eodem conbiculo peste infecti, possunt simul absolui accusando sese de aliquo peccato in communi, & secundum aliquos, dicendo omnes esse peccatores, seu se peccasse sicuti sufficit in naufragio. Excusatur infirmus qui dicto vno, vel altero peccato, periclitatur. Excusatur infirmus qui dum ei defertur viaticum depræhenditur multas fecisse confessione inualidas, & vel gravitas morbi dilatione non patitur, vel scandali periculum maiorem non patitur moram, tunc enim temporis debet prudens confessarius facere quod pœnitens de omnibus doceat peccatis, & de omni-

bus in genere confiteatur, & tempore opportuniore, si erit, faciat illum de omnibus confiteri. Ita post alios diligens Diana p. 5. trac. 3. resol. 75.

Quartus casus est importetia physica, Deus namque nec homo ad impossibile nõ obligant. Hinc (quod etiam supra notauimus) excusant mutuum à confessionis integritate, & si vnum tantum, vel alterum per nutus exponat peccatum; nec tenetur illa scibere, vt supra meminimus. Hinc similiter excusatur ignorans idiomatis, si non integrè confiteatur, vel si non integrè intelligatur, nec tenetur vt supra dicebamus per interpretem sua confessario peccata exponere. Hinc item excusatur moribundus, qui vsu linguae destitutus non potest nisi magna cum difficultate integrè confiteri, sed de hoc quæst. sequenti.

Quintus casus à confessionis integritate excusans, est ne confessionis sigillum violetur; vt si confessarius peccauit in alicuius confessionis auditione, & non possit suum confiteri peccatum, nisi con-

confessarius veniat in pœnitentis cognitio nem, tunc ne frangat sigillum, debet vel peccatum ipsum, vel circumstantiam illā reticere, quandiu alterius confessoris copiam non habeat, cui sine talis fractione sigilli, valeat confiteri.

Sextus casus de quo aliqui valde altercantur est, quando pœnitens suum nō potest manifestare peccatum, absque eo quod complicem manifestet, vt si quis peccauit cum matre, vel sorore, & currat tempus confitendi, & non sit Confessarius, qui complicem ignoret, an nimirum tunc teneatur peccatum manifestare, etiā secuta complicitis manifestatione, vel possit tunc tale peccatum reticere, quādiu habeat confessarij copiam, qui complicem ignoret. De quo casu tres sunt sententiæ probabiles.

Prima sententia est, quod nullo modo id liceat. Ita Marfilius in 4. dist. 16. q. 12. Viguerius cap. 16. §. 4. num. 17. M. Bannez 2. 2. q. 33. art. 8. dub. 8. Nauar. cap. 7. nu. 3. Valentia disput. 7 q. 11. punct. 1. & alij quos refert, & sequitur

Diana de Circumstantiis aggrauant. resol. 49.

Secunda sententia, quam plures sequuntur moderni, est quod possit tunc tēporis pœnitens complicem manifestare, non tamen teneatur.

Nostri sententia est, quod *non solum possit pœnitens peccati complicem manifestare, verum etiam quod teneatur.* Hæc est aperta D. Thomæ sententia vt postea videbitur, illā defendit Nugnus hic q. 9. art. 2. dub. 3. Lugo hic disput. 16. nu. 394. post alios plures, quos ibi refert.

Sed antequam nostram probamus conclusionem. Nota primò illā procedere quādo pœnitens nō potest commodè alteri confessario confiteri, qui complicem ignoret, si enim hoc commodè facere potest ad id tenetur, cum vnusquisque teneatur, quantum commodè potest, famæ proximi sui prouidere. Nota secūdò conclusionem procedere quando ex talis complicitis manifestatione aliud non sequitur damnum nisi in fama, nam si aliud sequeretur damnum graue præter infamiam

miam apud confessorum manifestari non posset, ut patet ex dictis casu 3. His breuiter notatis.

Probatur primo conclusio eleganti D. Thomæ testimonio, in 4. dist. 16. quæst. 3. artic. 2. quæstiuncula 5. ubi tale proponit argumentum: *ex circumstantijs recitatis aliquando alicuius personæ peccatum innotescit; sed homo in confessione debet se accusare, non alterum infamare; ergo videtur quod non debeamus circumstantias confiteri.* Respondet: *Homo in confessione debet famam alterius custodire quantum potest, sed suam conscientiam magis purgare debet. & ideo si circumstantia, quæ ducit in cognitionem personæ; si de necessitate confessionis secundum regulam datam, tunc debet confiteri occultando personam quantum potest, si autem non sit de necessitate confessionis, debet dimittere, ne peccatum alterius prodas.*

Idem docet D. Bernardus in formula honestæ vitæ, ubi sic loquitur: *De nullo prorsus sinistrè loquaris, quantumcumque sit verum, vel manifestum,*

nisi in confessione, & hoc ubi non potes aliter manifestare, peccatum tuum.

Probatur secundo ratione à priori desumpta ex huius sacramenti institutione; Nam hoc sacramentum institutum est per modum iudicii, in quo poenitens integrè suam debet deferre causam Sacerdoti, à quo tanquam à iudice iudicetur, & sententietur; atque huic intrinsecū est, quod omnia peccata manifestentur. quacunque sequuta apud Sacerdotem infamia; ergo siue infamia sit respectu poenitentis, siue complicitis, peccata integrè debent manifestari. Maior nota est ex multoties supra repetitis. Minor ostenditur nam si semel de huius sacramenti ratione est, quod omnia manifestentur peccata, quantumuis grauias, quantumuis secreta, sequitur quod omnia debeant manifestari peccata, quacunque infamia sequuta, ac proinde quod infamia, quæ peccato annexa est, nullo modo impediatur illius confessionem; implicat enim hominem, ex huius sacramenti institutione obli-

obligari, ad integrè omnia peccata confitenda, & quod non obligetur ad subeundam infamiam, quæ ex eorundem peccatorum confessione sequitur, siue talis infamia sit propria, siue sit complicitis,

Probatur tertio. Pœnitens diuino precepto tenetur facere confessionem integram, explicando suorum peccatorum circumstantias, speciem mutantes, quando talis explicatio hic, & nunc, est sibi licita; ergo quando complicitis persona peccati speciem mutat, & est pœnitenti licitum talem personam explicare, id facere debet; Sed ratione solius infamiæ complicitis, licitum est pœnitenti suum explicare peccatum; ergo. Hæc Minor subsumpta de qua sola est difficultas, ostenditur. Peccatum cognitum extra sacramentalem confessionem, iusta interueniēte causa, propalari potest; sed pœnitens iustissimam habet causā propalandi sui peccati complicitē; ergo potest illum propalare, Maior ab omnibus admittitur. Minor probatur. Nam iustissima causa, est confessio-

nis integritas diuino præcepta iure; iusta etiam causa est maior peccati dolor, maiorque etubescientia, imò & maior satisfactionis fructus, quatenus confessarius peculiarem imponit pœnitenti pœnitentiam, maiori malitiæ peccati correspondentem. Iustissima etiam causa manifestandi suum peccatum tale quale commissum fuit, est obligationis cessatio, ad illud iterum alteri Sacerdoti manifestandum cum propria infamia apud illum. Si enim potest quis ad proprium, & graue damnum præsertim in fama vitandum, alterius manifestare delictum quantumuis secretum, extra tamen confessionem cognitum; quare id ipsum fieri non poterit in secretissimo Pœnitentiæ foro.

Probatur quarto vnusquisque maiusius habet propriæ famæ conseruandæ quam aliorum; sed ad seruandam sacramenti Pœnitentiæ integritatem teneor meum confiteri peccatum etiam si mea sequatur infamia; ergo etiam tenebor etiam si alterius infamia sequatur. Maior patet, si enim

enim vnusquisque maius ius habet propriæ conseruandæ vitæ, quam alterius, ita maius ius habet propriæ conseruandæ famæ, quam alterius. Minor ab omnibus conceditur, patet ex se, alioqui nulla esset obligatio confitendi illa peccata ex quorum confessione infamia apud confessariū, penitenti sequitur.

Confirmatur hoc, quia cōplex consentiendo peccato, vel committendo peccatum quod sciebat debere à Pœnitente confiteri, & dedit huic infamiæ pœnitentis causam, & censetur proprię cessisse infamiæ, cum sciret pœnitentē habere, integræ confessionis ponendæ, obligationem, & nihilominus peccare voluit.

Probatur quinto, quia nullus tenetur cessare ab opere exercendo ad quod habet ius ob nocumentum saliquod, quod ex tali opere per accidens sequitur, sed infamia, quæ ex cōplicit propalatione, ipsi complicit per accidens sequitur; ergo non tenetur pœnitens à tali complicit manifestatione cessare, & cū aliunde obligationē habeat

integram ponendi cōfessionē ad id tenebitur, qaamtumuis complicit sequatur infamia. Maior est D. Thomæ 1. 2. q. 73. vnde communiter dicitur quod si ego non possum me ab inuasore tueri, nisi ipsum occidam, ex qua occisione æterna illius sequatur damnatio, possum occidere. Minor probatur, quia Pœnitentiæ sacramentum non ordinatur ad infamandum aliquem, neque ipsum pœnitentem, sed ad bonum spirituale illius; ergo si aliquando, vel ipsi pœnitenti, vel alteri, aliqua sequatur infamia, id erit per accidens.

Probatur sexto argumento quō vtitur Nugnus loco supra citato; confessionis integritas est de iure diuino; ergo omitti non potest, nisi magna ex causa; atqui complicit infamia apud confessorē est leuis; ergo ob illam confessionis integritas omitti non potest.

Hæc ratio displicet Lugo, & dicit supponere sententiā, falsam, quod non sit peccatum graue, dicere absque rationabili causa, crimen secretum

nūm proximi, vni, qui illud secretū seruabit. Tum quia, inquit, si ego scirem confessarium, meum, vel mei complicitis peccatum reuelaturum vni, vel alteri excusarer à peccato integrè confitendo. Imò si scirem meum confessarium id dicturum suo soli confessario sub sigillo confessionis; ergo infamia illa apud confessarium grauissima est, cum me excusaret à confessionis integritate.

Sed non ita facilè falsitatis damnanda est doctissimorum virorum sententia, nimirū Caietani 2. 2. q. 73. art. 2. Nauar. de restitut. lib. 2. cap. 4. nu. 334. Graffij lib. 2. cap. 137. & aliorum multorum. Quam sententiam probabilè vocant etiam illi, qui oppositum sequuntur, Lugo ipso excepto, vt Tannerus nobilis suæ societatis scriptor 2. 2. disput. 4. q. 8. dub. 7. nu. 138. Filliucius eiusdem societatis tom 2. tract. 40. cap. 4 nu. 9. & alij quos viderim: nec deest pro modo sufficientissima ratio: nam reualere crimen alterius oculum, apud vnum vel etiam alterum, qui non

sint alijs reuelaturi, vel non est infamia, vel si est, leuis valde est; ergo non erit peccatum graue, talem facere reuelationem. Antecedens ostenditur: nam infamia, famę opponitur, cum sit illius denigratio; atqui fama non saluatur per bonum conceptum vel per bonam existimationē, quam quis habet, ratione præsertim operis boni secreti, apud vnum solum, vel alterum; ergo neque infamia erit per malum conceptum, apud vnum, vel alterum tantum. Argumentum hoc est adeo clarum vt non sit necesse illud magis expendere. Deinde dato quod tam fama quam infamia apud solum vnum, vel alterum esse posset, certè vtraque leuis esset, nonne leuis extimabitur fama illius, qui apud vnum, vel alterum solum sanctus habetur? censetur ne sanctitate famosus ille, cuius sanctitas soli confessario nota est? Sicuti ergo non censetur sanctitate, vel pietate famosus, qui apud solum confessarium est talis: & dato quod vera, & propria saluetur fama, & infamia.

infamia apud solum confessorium, tamen sicut illa levis reputatur, & ista pariter levis reputabitur.

Nec illa quæ in sui fauorẽ adducit Lugo illi profunt, nã quod ille qui sciret suum cõfessarium suum crimen reuelaturum, non teneatur illud confiteri, non est præcisè ratione infamiæ, quæ levis est, nec est tante ponderationis, quod ob illam precisè deberet diuinum, non obseruare, præceptum, sed ob alia plura damna, quæ per se sequerentur ex sacrosancti sigilli confessionis fractione; de quo infra.

Sed obijciunt primò, quia ius naturale, iuri positiuo præponderat; sed ius conseruandæ famæ proximi, est ius naturale, & ius ponendi integrã confessionem est ius positiuus; ergo illud præponderat huic, ac proinde hoc obseruandum nõ erit in præiudicium illius.

Respondetur quod ius naturale præponderat positiuo quandiu in suæ obligationis vigore perseverat, secus quando non perseverat, vt de facto in nostro casu non perseverat.

Explicatur solutio, nam est naturæ iuris præceptum de propria vita conseruanda, & tamen hoc naturę ius in multis circumstantijs cessat. Cessat hoc ius ob maius bonum proprium, quo modo sancti viri carnem macerant disciplinis, ieiunijs, vigilijs, &c. licet præuideant inde futurum, quod eorum vita abbreviabitur. Non tenetur quis vxorem non ducere etiam si medicorum iudicio, cito, nisi hoc faciat, sit moriturus. Non tenetur inuasus, inuasorem occidere, vt propriam conseruet vitam, sed potest permittere ab inuasore occidi, vt omnes tradunt. Ita pariformiter, non tenetur quis, naturale obseruare præceptum, de alterius fama, in istis circumstantijs ponendi integram confessionem: imò, vt dixi, tale præceptum, tunc temporis non obligat, sed omnis eius cessat, in istis circumstantijs, obligatio, ac proinde ipsũ diuinum obligabit præceptũ, de confessionis integritate.

Obijciunt secundo, quia si posset pœnitens, vel deberet sui peccati complicem mani-

K k festare

festare ad diuino satisfaciendum præcepto, integritatis confessionis, sequeretur quod id ipsum facere posset Confessarius, quando aliter peccatum, quod in huius sacramenti ministracione commissit, manifestare non potest; atqui hoc nõ admittitur; ergo neque illud.

Respondetur negando sequelam, ratio discriminis est, quia in casu nostro sufficiens reuelationis ratio reperitur; non sic in casu Confessoris, qua nullus fingi potest casus, in quo licitum sit sigillũ frangere cõfessionis, vt infra Deo dante dicitur.

Sed antequã ex dictis aliquæ inferãtur illationes, placeat aliqua vtriusque Thomæ verba referre, quæ valde deseruiunt ad maiorem dictorũ, & dicendorum intelligentiã. D. ergo Thomas 2. 2. q. 75. art. 2. in corpore sic fatur: *con-*
singit quandoque quod aliquis
dicit aliquid uerba per qua di-
minuitur fama alicuius non
hoc intendens, sed aliquid aliud,
hoc autem non est detrabere
per se, & formaliter loquendo,
sed materialiter, & quasi per

accidens. Et si quidem uerba
per qua fama alterius dimini-
tur, proferat aliquis propter
aliquod bonum, vel necessariũ,
debitis circumstantijs obseruatis
non est peccatum, nec potest di-
ci detractio. Ex quibus verbis, non solum manet confirmata nostra cõclusio, verum etiam ratio ex Nugno deducta; & infirmari etiam videtur Cardinalis de Lugo doctrina, cũ velit Angelicus non esse detractiõem, non diffamationem, crimen occultum alterius manifestare, propter aliquod bonum, vel necessitatem, quæ in nostro casu reperiuntur, est enim bonum, & necessitas integram facere confessionem.

Sed audiamus etiam alterius Thomæ, nempe Caietani, doctrinam supra eundem articulum: *Nota* (inquit) *detractiõem materialiter scilicet nõ*
animo detrabendi, non esse re-
gulariter mortale peccatum: per
accidens tamen posse esse mor-
tale si notabiliter ladat famam
proximi. Sed aduerte quod non
laditur fama proximi saltem
notabiliter, ex hoc quod nar-
ratur secreto crimen eius tali
persona, apud quam perinde

erit,

erit, ac si non esset dictum, ut contingit in colloquijs inter virum, & uxorem de criminibus filiorum, & confessionibus eorum, qui cōfiteſcentes peccata propria dicunt imprudenter Confessori personam, cum qua grauiſſimè peccauerunt, & ſimilibus. Ex his autem non la-diſur ſama proximi, vel parum la-diſur, quia propterea non impeditur à bonis iuſſè conſe-quendis, & vnius notitia infamiam non niſi ſecundum quid remotè conſtituit ſi in illo ſeſſitur, & verum licet oculum diſum eſt, &c. Vbi ut vides vult Ca-icetianus non ſolum non pec-care mortaliter quando pruden-ter compliceis persona ma-niſteſtatur, quando nimirum id neceſſarium eſt ad proprii peccati maniſteſtationem, ve-rum etiam quando impruden-ter maniſteſtatur, quando ni-mirum id non eſt neceſſariū ad peccatum maniſteſtādum, & hoc non ob aliam rationē, niſi quia maniſteſtare vni alte-rius crimen oculum, non eſt, ſaltem grauis, tamē læſio &c.

Ex dictis inferitur primò obligationem maniſteſtandi proprium crimen, tale quale

fuit, ut integrā ponatur con-ſeſſio, quando pœnitens non poteſt ſuum explicare pecca-tum, niſi alia maniſteſtetur perſona currere etiam quan-do illa perſona non fuit pec-cati complex, fuit tamen pec-candi occaſio v.g. filius ſciens matrē eſſe ex concubitu grauidam, illā occidit, & inſimul prolem quam vêtre geſtabat, debet ut integrè conſiteatur maternitatis gradum maniſteſtare, & ſimul explicare il-lius grauidantiam, licet Con-ſeſſarius inde cognoſcat illā fuiſſe adulteram.

Inferitur ſecundò eandem obligationem currere, ut de-clarentur in conſeſſione na-turales proximi defectus, quā-do peccatum mortale aliter maniſteſtari non poteſt. Eſt enim minor huius ratio, quā ſit maniſteſtandi criminis, ut ex ſe patet.

Inferitur tertio noſtrā con-cluſionem de peccato veniali non procedere, ita quod pœ-nitens qui ſuū veniale in con-ſeſſione explicare non poteſt, ſine compliceis maniſteſtatione, debere illud reticere; nam obligatio maniſteſtandi per-

sonam complicitis fundatur in iure diuino integrè confitendi; atqui hæc obligatio de solis procedit mortalibus; ergo. Idem dicendum puto de peccatis mortalibus, alias confessis apud alium Confessarium; licet enim sint materia sufficiens confessionis, non tamen sunt materia necessaria illius.

Inferitur quarto non esse peccatum mortale manifestare in confessione complicitis personam, quando id necessarium non est ad peccati manifestationem, & explicationem, patet ex verbis D. Tho-

mæ, & Caietani relatis, D. Thomæ quidem, quia tunc tēporis non est propria criminis diffamatio: Caietani etiā quia sicut non est peccatum mortale reuelare alterius crimen secreto ei qui non est reuelaturus, à fortiori id nō erit in cōfessione, in qua sigilli vinculum est strictissimum, & sacratissimum. Idem procedit de propalatione alterius cuiuscunque, præsertim si fiat ad animi consolationem, ad petendum consilium &c. quibus casibus nec veniale erit, maxima tamen propetia opus est &c.

D V B I V M

Incidens, an possit aliquando Confessarius obligare Pœnitentem ad manifestandum sibi, peccati complicitem.

ANtequam ad punctum accedam difficultatis, suppono primò ea in quibus omnes de hac re scribentes conueniunt. Cōueniunt ergo primò non posse Confessariū obligare pœnitentem ad cō-

plicitis manifestationem, quando id non est necessarium, ad peccatum, quod pœnitens confitetur, integrè manifestandum, non solum cum facultate vtendi tali scientia, verū etiam sine illa: ratio primi est,

est, quia cum poenitentiae sacramentum sit sacrum quoddam arcanum non debet ad alios usus assumi, quam ad proprium, qui est in ordine ad peccatorum notitiam habendam. Tum quia si forte detur casus in quo sit necesse Confessarium habere illius notitiam extra sacramentum, poterit sibi dari ab eodem poenitente extra ipsum sacramentum, seruando reuerentiam erga sacrum arcanum; certe retraherentur poenitentes ab usu huius sacramenti, si scirent posse cogi à Confessarijs ad complices manifestandos, quando non est hoc necessarium ad explicandum peccatum. Ratio secundi est, quia talis notitia præcisè sacramentalis, ad nihil prorsus deseruit, & aliunde redio afficiuntur poenitentes, & valde contristantur, dum vrgentur à Confessarijs ad complices, imò aliquando ad non complices manifestandos. Vnde reprehendi debet tales Confessarij, qui id faciunt; nec video quonam modo à mortali excusari possint; præbent namque mali occasionem, vel vt

poenitentes non confiteantur, vel vt peccata reticeant, vel saltem vt valde crucientur &c.

Conueniunt secundo licere poenitenti siue extra, siue intra confessionem dare Confessario licentiam, vt possit vti Confessionis scientia, quando id rationabiliter iudicatur expediens, pro bono, & poenitentis, & complicitis. Ratio est, quia confessionis arcanum potissimè in bonum poenitentis est ordinatum, & in fauorem illius; ergo sicuti potest poenitens talem facere reuelationem extra confessionem, vt ad petendum consilium, vel remedium, etiam poterit id ipsum facere intra confessionem &c. Imò magis expediens est talem complicitis reuelationem facere in confessione, quam extra, quia magis complicitis famæ consulitur, cum Confessarius ad illius secretum vi sigilli confessionis teneatur. Ex quo infertur posse mulierem manifestare adulterum Confessario, vt sibi caueat, quia maritus, qui de eo suspicatur, vult illum occidere. Similiter potest

test

test mulier adulterum Confessario reuelare, vt ipsum moneat, ne amplius ad domum illius vadat, quia iam de peccatis pœnituit, & Deū amplius offendere non vult. His suppositis ad difficultatē propositam accedo.

Circa ergo propositam difficultatem sunt duæ sententię extremæ. Prima est, quod possit Confessarius in multis casibus pœnitentem obligare ad complicitis manifestationem, & si pœnitens nolit talem facere manifestationē, possit Confessarius illi absolutionis beneficium denegare. Hanc sententiam primò induxit Ferdinandus Guerrerus Granatanensis Archiepiscopus. Vnde volebat, posse Confessarium obligare pœnitentem ad reuelandum cōplicitem dogmatizantem. Volebat obligari posse pœnitentem manifestare Confessariū abutentem sacramento pœnitentiæ ad sollicitandum. Volebat obligari ad manifestandum Sacerdotem fictum, seu non ordinatum, publicè sacramenta ministrantem. Similiter obligati posse vole-

bat pœnitentem ad manifestandum Medicum, vel Pharmacopolam, qui mortiferas præbent medicinas. Item obligari fœminam ad manifestandum mariti amicum à quo sollicitatur, quando est consensus periculum, & aliūde est spes emendationis, & talem reuelationem marito facere nequit, quia occidet amicum, &c. In his, & similibus casibus volebat Guerrerus posse Confessarium obligare pœnitentem ad complicitem, vel etiam non complicitem manifestandum, vt posset illum corrigere, & peccata illa impedire. Hanc sententiam sequuti sunt postea Suarez hic disput. 34. sect. 4. Fagundez secundo Ecclesiæ præcepto cap. 2. nu. 11. & alij recentiores.

Nostra sententia sequenti explicatur conclusione. *Confessarius nullo modo potest imponere Pœnitenti obligationem manifestandi complicitem, vel alium quemcumque ad ipsum corrigendum.* Hanc sententiam acriter defendit M. Bānez. 2. 2. quæst. 33. in fine, & alij.

Pro-

Probatur primò, omne medium debet esse suo finì proportionatum; sed sacramentalis confessio non est mediũ proportionatum ad corrigendum complicem; ergo non potest ad illud deferuire, ac proinde Pœnitens obligari non poterit ad talem reuelationem faciendam, in ordine ad talem finem improporcionatum. Hæc vltima illatio patet; in tantum enim aliquis obligari potest ad aliquod medium ponendum, in quantum tale medium est proportionatum ad finem præpensũ, ergo si semel complicis manifestatio non est medium proportionatum ad complicis correptionem ponendam ad id obligari Pœnitens non poterit. Minor ergo in qua est difficultas probatur; nam Præcepta sacramentorum nõ sunt media proportionata, in ordine ad obseruantiam præceptorum naturalium, vt est correptionis præceptum; ergo manifestatio complicis in Pœnitentiæ sacramento facta non est medium proportionatum ad complicis correptionem. Antecedens probatur;

nam si semel Præcepta sacramentorum essent media proportionata ad obseruantiam præceptorum naturalium. debuisset Deus sacramenta instituere in ipso Mundi exordio, & præsertim hoc Pœnitentiæ sacramentum, cum tũ temporis huius medij necessitas inceptit, quod nemo dicit.

Respondet Suarez, hoc argumentum esse parui momenti, cum certum sit rem superioris ordinis, ordinari posse ad rem ordinis inferioris; Deus namque vnionem ordinauit hypostaticam ad gratiam nostræ sanctificationis, gratiam ipsam ad naturæ bonum, & legis naturalis obseruantiam: similiter licitum est ordinare confessionem ad finem extrinsecum honestum, vt si quis propria confiteatur peccata vt corporis obtineat sanitatẽ, similiter potest vir sanctus alicui Sacerdoti confiteri, vt suo exemplo eum ad Pœnitentiam, aut ad vitæ moueat puritatem, ergo etiam licitum erit ordinare confessionem ad complicis, vel alterius correptionem.

Sed

Sed hæc solutio vim Banneſiæ rationis nō infringit; nā eius eſt medium ad finem ordinare, cuius eſt ipſa mediſ bonitas, ſeu in cuius bonum, & diſpoſitionem ipſum medium eſt ordinatum; atqui ſacramentalis confeſſio, eſt medium ordinatum in bonum Pœnitentis, non confeſſoris. ergo ab ipſo Pœnitente poterit in alterum extrinſecum finem ſibi bonum ordinari, non à confeſſario. Certe cum Pœnitentiæ ſacramentum ſit ordinatum in bonum Pœnitentis, ab ipſo Pœnitente ordinari poterit ad omnes illos fines recensitos à Suarez, non vero ab ipſo confeſſore; vnde licet Deus ordinaverit hypoſtaticam vnionem ad gratiam ſanctificantem nobis concedendam, hoc tamen non poſſum facere ego, ſed debeo me ipſum, meam gratiam, & omnia mea ad Chriſtum ordinare, & Chriſtum ad Deum iuxta illud Apoſtoli: *omnia veſtra ſunt, vos autem Chriſti, Chriſtus autem Dei*. Et licet Deus gratiam ſanctificantem in bonum ordinaverit naturæ, non tamen

hoc ego facere debeo, ſed naturam gratiæ ſubijcere debeo, nec poſſum facere gratiam naturæ pedi ſequā. Similiter licet Pœnitens poſſit ordinare Pœnitentiæ ſacramentum ad alium finem extrinſecum bonum, non tamen hoc facere poteſt confeſſarius: & hæc omnia, & alia huius generis cetera, non ob aliam rationem, niſi quia ordinare media, non eſt cuiuſcunque, ſed cuius ſūt media, ſeu in cuius vtilitatem ſunt ordinata. Cum ergo confeſſio ſit medium in Pœnitentis vtilitatē ordinatum, ſub Pœnitentis eiufdem erit diſpoſitione, non confeſſarij, cum in illius vtilitatem non ſit ordinata.

Confirmatur hæc ratio, & explicatur, ex ipſius Sacramenti Pœnitentiæ natura; nā hoc ſacramentum eſt inſtitutum per modum iudicij ſecreti, in quo Pœnitens eſt accuſatur ſui, & teſtis; & Sacerdos ſententiam proferre tenetur iuxta allegata ab eodē Pœnitente, nec habet Sacerdos ius deducendi extra hunc forum, quæ in hoc foro deponuntur, vel ad hoc forum

rum deducuntur, sine Pœnitentis libero consensu ; ergo non habet ius obligandi Pœnitentem ad reuelandum cōplicem , quando non est necessarium ad peccati explicationem , sed solum vt ipsum corripiat . Antecedens patet ex huius sacramenti natura , Consequentia probatur, nam si semel confessarius Pœnitentem posset obligare ad cōplicem manifestandum , ob solum correptionis finem, iā haberet ius cōfessarius deducendi extra Pœnitentiæ forum , quæ in ipso secreto deponuntur , & si semel tale ius deducendi non habet , nec habet ius cogendi Pœnitentem ad talem ponendam cōplicis manifestationem . Adde confessarium ex huius sacramenti natura non habere ius interrogandi Pœnitentē , nisi de ijs , de quibus est culpatus , ex sui accusatione , & depositione ; ergo non habet ius interrogandi de tertia persona culpata , alioqui Sacerdotale officium in hoc sacramento non respiceret solum bonum Pœnitentis , sed etiā externum rei publicæ bonum

& pacem , ad quam pre alijs fraterna concurret correptio . Probatur secundo . Quoniam huius sacramenti minister hoc debet , nec potest illud magis onerosum , & intollerabile reddere , sed potius quantum in ipso est, debet illud facilitare ; sed hoc non præstaret si posset pœnitentem ad complicem manifestandum obligare ; ergo id non potest : Maior nota est . Minor ostenditur ; nam valde onerosum est pœnitenti , imò & intollerabile quod cogatur ad manifestandum complicem , qui potest esse illius amicissimus , cui fortè iurauit nunquam illum manifestaturum ; cuius honorem magis curat , quam proprium ; qui potest esse ipsius Confessarij mater , vel soror , vel persona in dignitate constituta &c.

Vnde optimè aduertit M. Bannez debere omnino Confessarium ab ista correptione abstinere , sed solum obligare pœnitentes ad illam per se ipsos faciendam , vel per aliā personam magis idoneam ; Penes namque ipsum pœni-

sentem est correptionis obligatio, imò si ipse pœnitens rogaret Confessarium ut talem faceret correptionem, deberet per se loquendo id recusare, ne faciat hoc sacramentum odiosum, cum possint illi suspicari ad id coegisse pœnitentem, huius sacramenti occasione. Et si res ad tales redigeretur angustias, quod nullus alius posset talem facere correptionem, nisi ipse Confessarius, non posset tunc obligare pœnitentem,

qua Confessarius ad talem concedendam licentiam, sed solum posset illius obligationem declarare, quam si exequi nollet, tanquam indispositum reicere posset, & non aliter. Argumenta partis oppositæ non refero, quia ex dictis soluta manent, & ad summum probant teneri pœnitentem ad talem ponendam correptionem, vel per se, vel per alium magis idoneum, qui possit proficere, non officere.



DISPUTATIO

SEPTIMA

*De integritate Confessionis pro casu
necessitatis.*

Pura diximus de cōfessionis integritate disp. præcedenti à quæst. 3. vsque ad finem, sed quia restant difficultates pro casu necessitatis, præsertim in mortis articulo, ideo præsentem excitamus disputationē; antequam tamen ad particulares descēdamus quæstiones aduette ex communi Theologorum sensu, quod confessionis integritas poni non potest ex defectu poenitentis, vel Confessarij, vt si Confessarius totam audire nō possit confessionem, vel ob periculum, vt tempore pestis, vel ob instantem mortem, vt tempore naufragij, vel grauis eiusdē Confessarij infirmitatis, vel alias ob causas, & ratio clara est, quia formalis confessionis integritas solū requirit, quod

ea confiteantur peccata, quæ hic & nunc dici possunt, cæteris omissis; vnde sicut non est contra confessionis integritatem ex naturali obliuione aliqua omittere peccata, vel ob damnum graue, quod ex eorum confessione timeatur; sic non erit contra eiusdem confessionis integritatē, quod ob impotentiam confitendi, illa omittantur, siue hæc impotentia ex parte poenitentis oriatur, siue ex parte Confessarij. Sed huius occasione ponam hic vnum de quo paucis ab hinc diebus interrogatus fui; an nimirum tunc temporis sufficiat dicere vnum peccatum veniale, an vero debeat dici mortale quod habetur, & si habeat ille plura mortalia debeat grauius confiteri, ex suppositione, quod

Ll 2 vnum

unum solum possit confiteri. Quoad mortalia puto nō esse necesse, quod grauius dicatur; quoad venialia vero puto non sufficere, sed deberi materia necessaria confiteri,

quando confessio secreto fieret; secus si coram alijs, vt in naufragio, &c. Sed vt ad particulares descendamus difficultates, sit.

Q V A E S T I O I.

An possit absolui infirmus, v.g. qui solum dicit peccaui.

COnueniunt Theologi, absolui posse moribundum, qui aliquod peccatum confitetur, tum in specie, siue infima, vt fornicatus sum; siue subalterna, vt peccaui contra castitatem; tum in genere, vt si dicat peccaui mortaliter; si enim id est sufficiens extra omne periculum, vt cum quis scit se peccasse mortaliter, & non recordatur cuius speciei fuerit, tunc tenetur in genere confiteri, ita id ipsum sufficiens erit in mortis periculo, quando pœnitens nil aliud dicit nisi peccaui mortaliter. Similiter si est probabilis sententia, quod ille, qui non nisi venialia habet, potest etiam extra periculum, sic confiteri,

peccaui venialiter, licet consultum sit semper aliquod veniale saltem in specie subalterna subijcere, à fortiori valde probabile, & tutum erit in mortis periculo illam absolvere, qui solum in genere dixit, peccaui mortaliter. Difficultas ergo solum est, quando pœnitens solum generalissimè dicit: peccaui.

Prima sententia est, quod eo casu moribundus absolui non possit, habet hæc sententia plures patronos, quos cōgerit Lugo hic disp. 17. nu. 7. post P. Dianam in tractat. de absolut. moribund. resolut. 1. Quorum fundamenta postea reicremus, & soluemus.

Nostra sententia sequenti expli.

explicatur conclusione. *Potest, & debet absolui moribundus, qui solū dixit peccavi, vel sum peccator.* Hanc sententiam satis apertè docet D. Thomas in 4. dist. 21. art. 1. & 2. D. Antoninus, Ricardus, Medina, & alij innumeri quos refert Diana loco citato. Videatur Nungus hic q. 9. art. 2. dub. 2.

Probatur primo. Potest stare confessionis valor, etiam si aliqua relinquantur peccata, ut ex dictis liquet, & concedunt omnes; ergo etiam stare poterit eiusdem confessionis valor etiam si peccata solū in ea confiteantur generalitate. Antecedens constat. Consequētia probatur, quia non minus sufficiens datur materia confessionis in casu cōsequentis, quam antecedentis; ergo si vera solvatur confessio in casu Antecedentis, etiam in casu consequentis saluabitur. Antecedens probatur, nam magis se extendit ratio peccati ut sic, ad omnia peccata, quam ratio particularis peccati confessi, ad ea quæ non confitentur; nam vera species non completitur sub se aliā specie, benè autem genus,

species: quod doloris exemplo demonstro, nam dolor generalis ad omnia peccata se extendit, non sic dolor particularis de aliquo peccato, secundum propriam illius talitatem, vel deformitatem.

Probatur secundò, quia qui peccavit peccato aliquo, & non recordatur; nec species, nec generis, nec grauitatis, vel leuitatis illius, an sit mortale, an veniale; tunc debet hoc ipsum confiteri, & tamen tunc non nisi rationem peccati, ut sic præscindentem à mortali, & veniali determinatè confitetur, & tamen in omnium sententia verum facit sacramentum; ergo id ipsum fieri debet in nostro casu. Soluuntur argumenta in oppositum.

Primum argumentum est, quia confessio sacramentalis debet esse actus singularis, de quo Sacerdos ut iudex iudicare possit, & sententiā proferre; sed quando quis solum dicit *peccavi*, actum singularem non ponit, de quo Sacerdos iudicare possit, & sententiam proferre; ergo ille actus nequit esse sufficiens ad veram confessionem ponendam. Maior

ior

ior clara videtur, cum enim absolutio sit quædam sententia, seu quoddam iudicium, à prudētia regulari debet, prudentia autem, vt docent morales Philosophi, est singulare, est enim habitus dirigens intellectum prætium in ordine ad aperabilia &c. Minor etiam constat, nam dicere *peccavi* nō est materiam singularem exponere, sed cōmunem, non est particularem facere confessionem, sed generalem, qualem facit Sacerdos in Missa, & qualem faciunt in completorio, & prima &c.

Respondetur concedendo maiorem, & negando minorem; licet enim ly *peccavi* secundum se sit indifferens ad confessionem generalem, & particularem, tamen prout in talibus profertur circumstātijs, est confessio particularis, & determinata, licet imperfecta, & imperfectam, sed sufficientem pro eo casu præbēs notitiam Confessario ad iudicium, & sententiam ferendā; Vnde licet talis confessio, extra talem casum, sufficiens non esset ad hoc vt Sacerdos

sententiam ferret, in tali tamen necessitatis casu sufficiens est; est enim generale in omnibus, quod in casu necessitatis minus requiratur, quam extra illum.

Secundum argumentum. Non potest dari vera confessio, nisi aliquid directè remittatur, sed dum quis solum dicit *peccavi* nihil directè remittitur, ergo tunc vera dari non potest cōfessio. Maior conceditur ab omnibus, cum enim hoc sacramentum sit quoddā secretum iudicium, in quo sacerdotalis absolutio, est quædam sententia absolutoria, & hæc debeat supra aliquam materiam directè cadere, sequitur, quod si semel nihil directè remittatur, vera poni non possit confessio. Minor ostenditur; nam id quod in confessione directè remittitur, non amplius debet Ecclesiæ clauibus subijci; atqui omnia peccata debent postea Ecclesiæ clauibus subijci, si ille superuiuat; ergo nihil directè remittitur.

Confirmatur, & explicatur hoc, nam non potest remitti directè aliqua ratio communis,

nis, nec particularis; ergo nulla; non ratio aliqua particularis peccati v.g. furti, quia hæc non confitetur, & quia si semel hæc remitteretur nulla restaret obligatio confitendi postea tale furtum. Non ratio communis, nam hæc, vel est aggregatum confusum ex omnibus inferioribus, & hoc non, quia si hoc semel verum esset, omnia peccata, saltem confusè remitterentur; vel illa ratio communis est ratio, vel gradus metaphysicus, & neque hoc, quia peccato mortali, & veniali nihil datur commune vniuocum, ut omnes fatentur, & nos in p. 2. docuimus, ergo.

Respondetur concedendo Maiorem; & negando Minorem. Ad probationem dico verum esse, quod id quod directè remittitur Ecclesiæ clauibus amplius subijci non debeat, & sic cum in eò necessitatis casu, peccata solum remittantur, vel secundum illam rationem metaphysicā, siue vniuocam, siue analogā, vel secundum rationes proprias etiam specificas, & individuales, secundum quod

in illo peccati confusè omnia cōtinentur, & cōfitentur, quod probabilius videtur, sequitur quod secundum has rationes confusas amplius confiteri non debeant, nisi in simili necessitatis casu; sed solum secundum proprias rationes distinctas, quæ directè clauibus subiectæ non fuerunt: Obligatio namq; non est cōfiteri peccata secundum rationes generales, sed secundum rationes speciales, numericam, & specificam, & quamdiu hæ rationes non cōfitentur, tamdiu manet obligatio illas confitendi, confessis namque rationibus specificis, & individualibus, rationes superiores confitentur, non è contra, & remissis directè rationibus specificis, & numericis rationes superiores remittuntur, non è contra. Exemplum habemus quando quis habet peccata reseruata, & non reseruata, & confitetur apud Confessorem inferiorem potentem absoluerè à non reseruatis; tunc enim temporis omnia dimittuntur, non reseruata directè, reseruata indirectè, non quod

re vera etiam referuata non remittantur; certum namque est omnia remitti secundum omnes rationes, alioqui gratiam non reciperet ille, & posset vnũ mortale sine alio dimitti, quod est falsum, sed quia cum sit obligatio ex Christi Domini institutione, quod omnia peccata Ecclesiæ clauibus subijciantur, & talis Sacerdos inferior habeat Ecclesiæ clauēs quoad peccata non referuata, & illas non habeat quoad referuata, remanet postea obligatio cōparendi ad superiorem, qui clauēs habeat quoad referuata.

Sed quæres primò, an Sacerdos eo casu non solum possit, verum etiam teneatur talem sic confitentem absolueret? Respondetur affirmatiuè: est communis Theologorum sententia, vt videre est apud Dianam supra resol. 9. & ratio est, quia cum hæc sententia sit adeo probabilis, & tuta, & ex altera parte adeo fauorabilis, in tali periculo constitutis, tenetur ex Charitate Sacerdos illis subuenire, cum contingere possit,

quod eo casu contritio perfecta non habeatur, sed sola attritio, quæ accedente sacramento, perfectam ponet iustificationem.

Quæres secundò, an eo casu possit Sacerdos absolutionem absolute proferre, an vto debeat illam conditionatè. Communis Theologorum sententia est, quod conditionatè. Si tamen aliquis talem non apponeret conditionem, vel quia non fuit recordatus, vel quia putat adeo esse probabilem sententiam dictam, quod ob id necesse non sit conditionem opponere; illum excusarem, præsertim cum semper tacita reperiatur conditio de ponendo sacramento, quando necessaria adsunt; Ob idque non improbabiler dicunt aliqui, in nullo casu necessarium esse, conditionem opponere; cum semper tacita, & sufficiens reperiatur, etiam si non apponatur, cum vnusquisque religiosam semper censeatur habere intentionem, faciendi, quod magis in reuerentiam, & dignitatem redundat sacramenti.

Quæres tertio, an possit absolui

solui Sacetdos , vel alius in virtute confessionis generalis quam fecit in Missa , vel in Choro . Respondeo negatiue , & ratio est , quia confessionis generalis recitatio , non est sacramentalis , vt docet D. Thomas in 4. dist. 21. q. 2. art. 1. & 2. sed est quædam oratio nomine Ecclesiæ facta , quæ licet ex eiusdem Ecclesiæ institutione sit sacramentale , & venialia remittat , non tamen est sacramentalis , ac proinde non est sufficiens ad verum ponendum Pœnitentiæ sacramentum . Sacramentalis namque confessio per ordinem ad clauces esse debet : si tamen ratione circumstantiarum colligi posset esse sacramentalem , & fieri per ordinem ad Ecclesiæ clauces , vt si quis videns mortis periculū imminere , confessionem recitaret generalem , tunc posset esse sufficiens .

Quæres quartò an doctrina à nobis tradita valeat etiā quando moribundus nullum peccatum dixit , neque in cōmuni , sed solum exhibet aliqua doloris , & contritionis signa .

Docent omnes quod quādo doloris signa exhibentur in ordine ad cōfessionem , vel ad clauces Ecclesiæ tunc sufficientia sunt adhuc vt sacerdos absolutionis impendat beneficium , vt si sacerdos dicat moribundo , doles de peccatis ? & ipse tunc dat pactus annuat oculis , stringat manum &c. Et iste est communis confessoriorum vsus cum istis moribundis ; & ratio est , quia vt optimè aduertit Nugnus supra , eadem pectoris tussio ad duo deseruit , scilicet ad reddēdū dolorem sensibilem , & pro confessione signāda , non enim implicat quod pro eo necessitatis casu idem actus exterior , & sit peccatorum confessio , & doloris manifestatio , imò puto per se primò esse confessionem , cum hæc in rectò , in Pœnitentiæ sacramento importetur , & secūdariò doloris manifestationem . Difficultas ergo procedit quando illa doloris signa non cognoscuntur vt peccatorum confessio , vt cum moribundus in confessoris præsentia tundit pectus , vel etiā dicit *Miserere mei Deus* ,

Mm

Ad

Ad quod dico, quod si constaret talia doloris signa causari ex dolore, ex angustia, ex mœrore, vel morbi, vel mortis nullo modo absolutio dari posset, si vero illud non constaret, vt in plurimum nō constat, dari posset absolutio tacita sub conditione, ratio patet ex dictis, quia licet illud doloris signum, internum ma-

nifestet dolorem, est tamen pro eo casu sufficiens etiam peccatorū manifestatio. Addit Diana, & benè loco citato resol. 3. absolutionem dari debere sub conditione quando dubitaretur, an illa signa procederent, ex morbi, vel mortis mœrore, vel ex dolore peccatorum, & ex animo obtinendæ absolutionis.

Q V A E S T I O II.

*An absolui possit moribundus, qui nec confessio-
nem petijt, nec aliquod doloris signum
dedit. Vbi alia curiosa, & necessa-
ria resolvuntur:*

CUm pœnitentiæ sacramentum, in pœnitentium fauorem sit institutum, & tanquam medicina, qua pœnitentes à peccatorū morbis liberantur, sequitur, quod quando duæ currunt sententiæ probabiles, vna in pœnitentiæ fauorem, & alia in fauorem pœnitentium, hæc sequi debet, alia relicta, secus cus quando altera vel parua, vel nullam habet probabili-

tatem, si ergo semel probabimus verum saluari posse sacramentum in casu in quæstionis titulo posito, patenter sequetur, talem absolutionē, & dari posse, & debere.

Pro quo nota primò non procedere difficultatē in casu quo homo nequam, subito sensibus destituitur, de isto enim nec dolor nec signū aliquod præsumi potest, per quod saltem imperfectè sua dicatur mani-

mani-

manifestare delicta; sed procedere difficultatem de viro probo, qui Christiano more viuere solebat, qui bonus, ac fidelis homo extimeretur.

Nota secundò; quod cum poenitentiae sacramentum sit signum sensibile, debet de necessitate, eius materia proxima, nempe confessio, esse sensibilis; vnde in nullo necessitatis casu, potest hoc sacramentum ministrari, nisi sit aliqualis præsumptio, sacramentalis confessionis alioqui euidenti exponeretur periculo nullitatis. Notatertio quod in eo necessitatis casu non est necesse, quod illa imperfecta sacramentalis confessio, confessario innotescat, sed sufficit quod rationabiliter, eam præsumere possit; ob id in calce præcedentis quæstionis ex Diana aduertimus, posse Confessarium, moribundum absoluerè, quando dubitat an signa quæ exhibentur, fuerint exhibita ex morbi, vel mortis mœnore, vel ex peccatorum dolore, & ex desiderio obtinendæ absolutionis. His prænotatis de præsentì difficultate duæ sunt sententiæ.

Prima sententia est, quod nullo modo liceat talem moribundum absoluerè, qui subito sensibus destitutus, nec confessionem petijt, nec doloris signa exhibuit. Hanc sententiam post alios sequitur Lugo disput. 17. nu. 39.

Nostra sententia sequenti explicatur conclusione. *Vir bonus, & probus, qui nec confessionem petijt, nec aliquod manifestum signum doloris exhibuit, sub conditione absolui potest.* Hanc conclusionem docuit D. Antoninus vir tum doctrina, tum sanctitate insignis, ex Ordine Prædicatorum ad Archiepiscopatum Florentinum assumptus, cuius verba referuntur in Sacerdotali Romano antiquo in tractat. de de sacram. poenitentiae cap. 26. & sunt sequentia: *Talis infirmus, qui amisit loquelam, vel usum rationis, si bene vivebat, ut bonus fidelis, & frequentabat confessionem, & communionem, quamuis non petierit sacramenta, quia ex insperato talia acciderunt: vel etiam si malus, & obstinatus diu perseuerans in peccatis est, & diu non confessus, si petijt Sacerdotem,*

ut confiteretur, & ostendit se velle facere omnia, quæ debet, & in secula factus est mutus, vel phreneticus, & periculum est in mora, debet præsupponi contritus, & faciente aliquo confessionem generalem pro eo, si quis sit in populo, Sacerdos faciat absolutionem, ab omni sententia, & peccato. Deinde debet dari ei Eucharistia à proprio Sacerdote seculari, quamvis non sit confessus, quia non potuit. Hæc D. Antoninus.

Nec valet dicere cum Lugo ubi supra nu. 36. D. Antoninum non loqui de absolutione sacramentali, sed de absolutione illa generali, quæ extra sacramentum dari potest. Quia ad dandam absolutionem non sacramentalē, non requiritur, quod homo præsupponatur contritus; ut vult supponi in dicto casu Divus Antoninus. Tum quia in virtute absolutionis generalis non sacramentalis, & deprecatoris, nō debet, nec potest quis communicari, ut vult D. Antoninus, & constat ex verbis relatis.

Hanc sententiam sequutus fuit Clemens VIII. non qui-

dem, quia absoluit ex D. Petri Fabrica ruentem, ut plures volunt; quod negat Lugo nu. 34. de quo non disputo, cum sit res facti, sed quia ut admittit auctor ille, interrogatus Pontifex de tali, vel simili casu dixit se cum absoluturū si adesset.

Hanc sententiam sequutus fuit Gregorius XV. dum esset Archiepiscopus Bononiensis in memoriali Confessorū c. r. de forma sacram. Pœnitentię nu. 16. eandem sententiā sequitur Hemobonus in exam. part. 1. tract. 7. cap. 18. q. 48. Molles. sum. tom. 1. trac. 7. c. 5. num. 48. & 49. post alios plures, quos ibi refert. Idem docet Antonius de litter. in sum. ædita hic Romæ anno 1611. p. 1. cap. 33. num. 7. Et est iam fere communis recētorum sententia, & licet ego aliàs, oppositæ fuerim sententiæ, re tamen maturius considerata, & cum viris doctis discussa, & ob facti contingentiā, hanc sequor, & præcor lectorem eandem sequi, si casus occurrat, cum & sit hæc sententia probabilis propter principia extrinseca, ut testatur

tr Diana de absolutione moribundi resolut. 8. & propter efficacissimas rationes quas subiicio.

Probatur primò conclusio; Ad hoc vt Confessarius in eo necessitatis casu moribundo, absolutionis impendat beneficium sub conditione non est necesse; quod sibi constet de illa sensibili, & imperfecta confessione, quæ tunc temporis est sufficiens, sed sufficit quod rationabiliter, seu prudenter de ea præsumere possit; sed in casu in quo vir probus subito ab infirmitate oppressus, confessionem non petijt, nec manifestum signum dedit, talem imperfectam confessionem præsumere potest; ergo tunc rationabiliter illum sub conditione absolvere poterit. Maior patet ex tertio notabili; & ex ipsa experientia, nam quando Confessarius certam non habet absolutionis materiam, absolutionis beneficium sub conditione impendit, vt quando dubitat, an ille qui confitetur vsu habeat rationis; vt in pueris, vel quando dubitat, an illa materia exposita, sit peccatum, nec ne; &

in alijs casibus sexcentis. Minor probatur. Primò, quia videmus Ecclesiam præsumere in talibus sufficientem voluntatem ad hoc vt illis Eucharistiæ, & extremæ vnctionis sacramentum ministretur, vt omnes docent, & etiam nos docuimus de sacramentis in genere disput. 8. q. 1. ergo etià præsumi potest, quod signum aliquod exhibeant sufficientis doloris, & confessionis. Vnde in facti cōtingentia fui correptus à quodam, qui cum subito à morbo correptus, nec cōfessionem petiisset, nec mihi manifesta signa dedisset, non cum absolui; qui postea ad se melius reuerfus, dixit, se exhibuisse doloris signa, & quod debebam illum absolvere, & quod bene debebam, ita de illo præsumere, & quod si tunc fuisset mortuus de sua desperabat salute: à quo die proposui mutare sententiam. Secundò, quia in talibus angustijs nō adeo ratio absumitur, licet absuman- tur sensus; quin possit aliquē motum sensibilem doloris, & confessionis expressiuum causare, licet non dignoscatur.

ergo

ergo sicuti in omnium sententia possum moribundum abso-
lvere quâdo pectus pugno
colndit, quando Sacerdotis
manum stringit, quando su-
spirium emittit, quando ima-
ginem respicit, quando pal-
pebras mouet &c. quâdo ista
à Sacerdote dignoscuntur;
quare etiam absolui non po-
terit, quando hæc, & similia
præstat moribundus, licet nō
dignoscantur, dummodo præ-
sumi possint / vt possunt faci-
le præsumi de viro bono, pro-
bo, & qui Christiano more
vixit.

Vnde pestis tempore, an-
no scilicet 19. dum essem Pa-
piæ, hanc sententiam ad pra-
xim deducebant Confessarij,
cum enim in multis, pestis il-
la, statim phrenesim causaret,
vel maximum capitis dolorē,
ita quod, multi dare nequi-
rent doloris signum manife-
stum, absoluebantur; quia
facile talis dolor præsumeba-
tur, imò confessarios roga-
bant, vt si forte morbo illo
inficerentur, illos absoluerēt,
quia sperabant se posse ali-
quod doloris signum exhibe-
re, etiam si forte non cogno-

sceretur; quod & ego meo
confessario dixi, & illum de
hoc obnixè rogavi, harum
tamen ignarus sententiarum,
cum iuuenis essem.

Probatur secundò destruc-
do potissimum partis opposi-
tæ fundamentum; nam ideo
negant oppositores non posse
in nostro casu moribundus
absolui, quia cum absolutio
ex Tridentino Concilio sess.
14. cap. 9. sit actus iudicialis
exerceri non potest, vbi nul-
la accusatio reperitur, atqui
hoc est falsum in nostro casu,
non enim dicimus absolutio-
nem impendi posse sine ali-
qua accusatione saltem im-
perfecta, sed eo casu posse, &
debere impendi quando de
illa rationabiliter præsumitur;
neque dicimus hoc sacramē-
tum sine materia, seu confes-
sione aliqua sensibili subsiste-
re posse, hoc enim (vt opti-
mè ad vertit Petrus Fay, hic. q.
9. art. 2. disput. 2.) indiscre-
tè, & ignoranter dicitur, &
sine vllò prorsus fundamen-
to, sed dicimus talem confes-
sionem omnino requiri, & si-
ne illa sacramentum nullum
esse dicimus, sed quod dici-
mus

mus est, quod tunc dari potest absolutio, quando sufficiens confessio datur, licet à cōfessario nō dignoscatur, sed præsumitur. Imò hoc ex ipsa huius sacramenti ratione deducitur, nam ad verum iudicium ponendum, præsertim necessitatis tempore, non requiritur adeo expressè causæ cognitio, non exigitur adeo expressa delicti probatio, non requiritur adeo expressa rei accusatio, sed sufficit quod hæc omnia suo modo adsint, scilicet summarie, & non servatis iuris apicibus: ita in nostro Pœnitentiæ iudicio, licet extra necessitatem clarā, & distinctam requirat accusationem, in casu tamen necessitatis, summaria sufficit, & non ita expressa, nec est necesse quod iudici constet expressè, sed sufficit quod præsumatur, prout in viro bono, & probo præsumitur; si enim talis probitas facit præsumptionem voluntatis recipiendi Eucharistiam, & Extremam unctionem, uti dicebamus, quare non poterit etiam facere præsumptionem doloris sufficientis pro tali articulo,

cum præsumatur tunc temporis maximè suæ memor salutis.

Sed dices cum Lugo vbi supra num. 41. Quod si hæc præsumptio valeret de viro probo, valeret etiam de improbo, quia etiā de isto præsumitur, quod tunc temporis suæ sit memor solutis, & quod tunc habeat attritionem, ex tali salutis æternæ memoria, aliquo externo signo expressa, quæ sit sufficiens confessio pro tali necessitatis tempore.

Sed hæc solutio est contra suum auctorem de sacram. in genere disput. 9. nu. 125. vbi vult quod generalis intentio suscipiendi Eucharistiam, & Extremam unctionem in homine sensibus destituto, currat, & præsumatur de illo qui Christiano vixit more, non de homine nequam, quomodo namque de homine malo, qui nunquam suæ fuit memor salutis, præsumi potest, quod eo tempore sit memor? certè rationabiliter præsumere possum de homine probo, qui antea suæ erat salutis sollicitus, quod magis sit tempore illo

illo necessitatis, at vero de homine nequam, qui antea non erat suæ memor salutis, rationabiliter; & prudenter talem facere non possum præsumptionem pro eo necessitatis tempore, cum unusquisque præsumatur in eo statu continuare in quo diu vixit; & licet cōtingere possit, quod aliquis nequam & necessitatis tempore sit suæ memor salutis, cum tamen hic casus sit rarus, non dat rationabilem præsumptionem Confessario, de necessariò requisitis ad pœnitentiæ sacramentum ponendum, ac proinde rationabili nullitatis periculo sacramentum exponit.

Probatur tertio. Sacramentum Baptismi in casu necessitatis conferri potest; in materia dubia; ergo etiam sacramentum pœnitentiæ. Consequentia tenet ex paritate rationis, ita enim est necessarius Baptismus non Baptizatis, sicuti sacramentum pœnitentiæ post Baptismum relapsis. Antecedens ostenditur; nam in casu necessitatis, ne quis sine Baptismo moriatur, deficientē aqua naturali, aqua rosa-

cea adhiberi potest, vel ex succis expressa, sub conditione, ut post Puteanum, Præpositum, Tannerum, & Chamerotam, docet Diana *de casibus occurrentibus tempore mortis* resol. 2. ubi refert idem tenere Lugo. Similiter in eodem necessitatis casu, potest quis Baptizare sub conditione cū glacie, niue, pruina, rore, &c. Similiter in qualibet corporis parte, potest quis eo necessitatis tempore Baptizari.

Confirmatur, quia si quis dubitet, an adultus Baptismum petierit, sub conditione, illum administrare potest. Itē si quis dubitet an Baptizandus sit viuus, vel mortuus, Baptizari debet ex cap. *de quibus*, de Baptismo, ratione nāque dubij licitè fiunt, quæ alias non fierent, ut notat gloss. dicto cap. *de quibus*; dubietas namque conditione appositæ vincitor: Sed in nostro casu minus currit quam dubium; ergo à foriori absolutio dari poterit conditione adhibita. Maior patet. Minor ostenditur, nam in nostro casu rationabilis intercedit præsumptio, quæ dubito minor est, cū

ad

ad probabilitatem accedat; ergo : Rationabilius namque operatur, qui cum præsumptione veritatis, quam qui cū eiusdem veritatis dubitatione, operatur.

Probatur quartò ex doctrina, quam admittit Lugo vbi supra nu. 40. Nimirum si in repentina hostium aggressionem, milites confitendi spatium non habeant, & dicant ex corde, se desiderare confessionem, & ex tunc sacramentalem petant absolutionem, si postea in mortis cadāt periculum, possunt in virtute illius voluntatis à Confessario absolui, etiamsi sine sensu morientes inueniantur, quia iam pro temporis angustia petierunt confessionem, & ostenderunt confitēdi desiderium. Peto namque à Lugo, an illi milites, qui ante hostium congressum confessionem petierunt, vel absolutionem, an quando sensibus destituti inueniuntur saltem imperfectam habeant confessionem, signo aliquo sensibili manifestatam, etiamsi à Confessario non cognoscatur, vel non habent, & solum absol-

uuntur in virtute illius desiderij confitendi? Non hoc secundum, quia desiderium confitendi, non est confessio, neque imperfecta: aliud namque est desiderare confiteri, vel absolutionem sacramentalem in mortis articulo habere, & aliud est habere confessionem, vel imperfectam; hucusque nullus dixit desiderium confessionis, vel habendi absolutionem esse poenitentiae sacramenti materiā essentialem; dicunt quidem aliqui desiderium contritionis esse attritionem, eo quod putent stare non posse aliquē efficaciter desiderare conteri de proprijs peccatis, & in hoc efficaci desiderio non inuolui aliquem, saltem imperfectum de peccatis dolorem. Quod si primum velit, nimirū quod tunc temporis milites illi sine sensibus reperti habeant aliquam saltem imperfectam confessionem, eo quod non est adhuc totaliter absorptus rationis vsus, vel antequam absorberetur aliquis motus externus fuit imperatus, qui adhuc virtualiter perseveret, quique sit & confessio, & do-

N n loris

loris manifestatio, tunc dicit quod nos diximus, & nostrâ confirmat conclusionem.

Dices in fauorem Cardinalis de Lugo, quod milites illi ideo tunc absoluantur, quia ob illud desiderium, quod ostenderunt, Sacerdos moralem habet certitudinem de cæteris requisitis ad sacramentum ponendum. Nam contra est, quia non minorem habere potest certitudinem de requisitis ad sacramentum ponendum, Sacerdos, de viro bono, & probò, quam de militibus, hi enim semel tale ostenderunt desiderium, vir autem probus in omni vita sua. Milites tale ostenderunt desiderium, sed mortis metu: vir vero probus sine illo. Sicuti ergo vt supra dicebamus, vitæ probitas sufficienter declarat Sacerdoti voluntatem recipiendi in eo vitæ extremo sacramentum Eucharistiæ, & Extremæ vnctionis, quare eadem vitæ probitas non erit eidem Sacerdoti euidens testimonium voluntatis recipiendi sacramentum pœnitentiæ in eo necessitatis casu? Partis oppositæ argumenta

non refero, quia non militant contra nostram conclusionem, sed solum probant non posse esse veram confessionem, nisi exterius aliquo signo sensibili manifestetur, quod nos libenter concedimus.

Sed quæres primò, an qui Confessario absente confessionem petijt, vel pœnitentiæ signa dedit, possit ab eodem Confessario superueniente absolui.

Prima sententia est, quod non, eo quod videatur esse contra Clem. VIII. decretum de non facienda confessione absenti.

Secunda sententia verior est, quod absolui possit, & debeat. Hæc docuit D. Thomas opus. 65. de extrema vnctione in fine. S. Antoninus 3. p. tit. 10. cap. 2. Ioannes de la Cruz, & alij plures, quos affert, & sequitur Lugo hic disput. 17. nu. 44. Eandem sententiam sequitur N. P. Thomas à Iesu in tribunali conscient. cap. 11. S. 10. Montefinus, & alij plures, quos longa manu refert, & sequitur P. Diana de absolut. moribundi resol. 4.

Pro-

Probatur primò ex Concilio Arausicano 1. cap. 12. vbi sic determinatur : *Subito obmutescens, prout statutum est, pœnitentiam accipere potest, si voluntatis praterita testimonium aliorum verbis habeat, aut præsensis in suo nutu.* Hic locus refertur, & approbatur in iure, nimirum in cap. qui recedunt 26. quæst. 6. Idè docetur in Concilio Carthaginensi 3. & citatur in cap. agrotantes, de consecrat. dist. 4. Idem docuit D. Leo Papa Epist. 89. & stabilitur in Rituali Rom. edito anno 1615. iussu Pauli V. in ritibus de sacram. Pœnit. vbi dicitur: *Si inter confitendum, vel etiam antequam incipiat confiteri, vox & loquela agri deficiat; nutibus, & signis conetur* (scilicet Sacerdos) *quoad eius fieri potest peccata pœnitentis cognoscere, quibus utcumque, vel in genere, vel in specie cognitis, vel etiam si confitendi desiderium, siue per se, siue per alios ostenderit, absolvendus est.*

Probatur secundò, quia si ob aliquam rationem, talis confessio fieri non posset maxime quia fieret absenti, con-

tra Celm. VIII. decretum; sed hæc ratio est nulla; ergo fieri potest. Maior est oppositæ sententiæ fundamentum. Minor probatur, quia ut apertè colligitur ex dictis à nobis in hac quæst. illa imperfecta confessio sufficiens, & necessaria pro tali necessitatis casu non est dictum testimonij, testificantis talem moribundum confessionem petijisse, vel doloris signa dedisse, sed est aliquod sensibile bgnum ipsius Pœnitentis virtualiter perseverantis, quod præsumitur in viro probo, & probatur etiã in improbo per testimonij dictum. Vnde patet parum referre, quod testis testificetur in præsentia pœnitentis, ut aliqui volunt, ut sic saluente confessionem non fieri absenti, vel in absentia; cum morientis confessio non sit illa, quam facit testis veluti inter-nunciatus, sed quam fecit ipse, dum confessionem petijt, vel doloris signa dedit, & adhuc in aliquo sui effectu virtualiter perseverat. Ob id Clem. VIII. testificatus postea fuit, hunc casum non compræhendi in suo decre-

to, quam testificationem ex Armacano refert Lugo supra.

Quæres secundò quid faciendum, quando quis si cōfiteatur mederi non potest, & si medetur, vel moueatur, periclitatur. Respondetur tūc posse Confessarium audire vnum solum peccatum, & absolvere, & dare locum vt mederi possit, quod si postea superuiuat ceterum audiat confessionis, eo namque casu est sufficiens ratio non ponendi integram confessionē.

Quæres tertio quid faciendum quando moribundus nō potest manere solus, vt est mulier parturiēs, quæ in partu periclitatur, & sola manere non potest &c. Aliqui volunt debere adstantes claudere aures, ne moribundi audiant confessionem; sed non

placet. Primò quia forte id facere nō poterunt. Secundò quia est valde difficile quod mulierum curiositas detineatur, quin aliqua audiantur. Vnde puto posse tunc confiteri vnum peccatum leue, ceteris retentis &c.

Vnum pro huius quæstionis coronide aduerto, quod id quod diximus de absolutione à peccatis, à fortiori procedunt de absolutione à censuris: vnde pro mortis articulo, vt quis censuratus absoluator nō est necesse, quod doloris signa ostēdat, sed sufficit nō constare de voluntate fordescendi in illis. Plus addit Diana p.9. trac.7. resol.13. etiam laicum posse pro mortis articulo ex benigna Ecclesiæ dispensatione à censuris absolvere, de quo suo loco Deo dante dicemus.



DISPUTATIO

OCTAVA

*De peccatis, quæ sunt confessionis materia:
Vbi de eorundem peccatorum cir-
constantijs.*

PRobauimus supra disput. 6. quæst. 3. de fide esse, confessionem per se loquendo, debere esse integram, non solum formaliter, verum etiam materialiter; & quæst. 4. retulimus casus in quibus licitum est aliquando non facere confessionem integram materialiter; & disput. præcedenti id ipsum docuimus quoad mortis articulum. Est ergo certum omnia peccata mortalia post Baptismum commissa esse confessionis materia necessaria, vt statuit Tridëtinum sess. 14. can. 7. & habetur cap. *omnis* *utriusque sexus*, & ratio ipsa

suadet, nam si Deus non potest vnum mortale dimittere sine alijs, quia remissio fit per gratiam Dei, quæ talem non patitur diuisionem, ita nec Sacerdos, qui vice Dei fungitur talem ponere poterit diuisionem. Tum quia contritio, vt supra docuimus, non potest esse diminuta, sed omnium debet esse peccatorum; ergo etiam confessio, alioqui fidelis non erit. Tamen, quia adhuc restant aliquæ difficultates in particulari examinanda circa peccatorum confessionem, & circumstantias eorundem, ideo præsentem excitamus dispositionem, sit ergo.

QVAE.

Q V A E S T I O I:

*An peccatum quod fit in ipso instanti Baptismi,
sit Pœnitentiæ sacramenti materia.*

DE peccato, quod in ipso instanti, in quo sacramentum Baptismi perficitur quæstio procedit, cum certum sit, peccata, quæ ante illud instans committuntur, non esse pœnitentiæ sacramenti materiam, cum huius sacramenti materia sint peccata hominis Baptizati, ut docet Tridentinum sess. 14. cap. 2. & alibi. Certum etiam est, quod peccata, quæ vel ante, vel in ipso Baptismo, etiam in illo instanti, quo perficitur committuntur esse pœnitentiæ sacramenti materia, si cõtinuentur post illud instans, licet enim qua parte ante Baptismum committuntur ad pœnitentiã non pertineant, qua tamen parte post Baptismum continuantur, sacramenti pœnitentiæ sunt materia, cum eo casu sint peccata hominis Baptizati; unde ob hanc rationem D. Thomas infra referendus docet peccatum fictionis in

Baptismate per Baptismum non tolli, sed per subsequentem pœnitentiam. De solis ergo illis peccatis præsens procedit difficultas, quæ simul cum Baptismo perficiuntur.

Prima sententia est, quod illa peccata sint Pœnitentiæ Sacramenti materia; unde si adultus dum Baptizatur, furandi, vel fornicandi haberet intentionem, deberet postea illa peccata Ecclesiæ clauibus subijcere. Hanc sententiam sequitur Lugo disput. 16. nu. 23. pro qua nullum refert auctorem.

Nostra sententia sequenti explicatur conclusione. *Peccata, quæ simul cum Baptismo perficiuntur, licet sacramenti effectum nempe gratiam impediant, cum tamen eiusdem Baptismi valorem non tollant, non sunt sacramenti Pœnitentiæ materia, sed per ipsum Baptismum tolluntur, quando dispo-*

dispositio ponetur ad eius reuivisceniam. Hanc sententiam sequuntur communiter Thomistæ, vt idem Lugo testatur, vbi supra nu. 10. vbi nominatim refert Syluestrum, & Ioannem de la cruz.

Probatur primò eleganti Tridentini testimonio sess. 14. cap. 2. vbi dicitur: *constat certe Baptismi ministrum iudicem esse non oportere, cum Ecclesia in neminem iudicium exerceat, qui non prius in ipsum per Baptismi ianuam fuerit ingressus. Quid enim mihi (inquit Apostolus) de ijs qui foris sunt, iudicare? Secus est de domesticis fidei, quos Christus Dominus lauacro Baptismi sui corporis membra semele effecit. Nā bos si se postea crimine aliquo contaminauerit, non iam repetito Baptismo ablui cum id in Ecclesia catholica nulla ratione liceat, sed ante hoc tribunal tamquam reos sibi voluit &c.* Vbi duo ponderanda veniunt primum est Ecclesiam nullā habere iurisdictionem in illos qui nondum Baptismi lauacro sunt regenerati; patet autem, quod peccata, quæ fiūt in eo instanti, in quo Baptis-

mus perficitur, non sunt peccata hominis regenerati, cum tunc temporis regeneretur, sed solum, quæ post illud instanti fiunt; in eo namque instanti non est homo regeneratus, sed regeneratur, non est tunc Ecclesiæ subditus, sed fit subditus: secundum est Concilium aduertenter dixisse: *Quod si se postea crimine aliquo contaminauerint; vt daret intelligi, quod ea solum peccata per Ecclesiæ clauces remitti possunt, quæ postea, hoc est; post Baptismi receptionem, commissa sunt, non autem ea, quæ in ipso Baptismo committuntur.*

Respondet Lugo num. 31, quod dum Concilium dicit: *Ecclesiam in neminem exerce- re iudicium, qui non prius in ipsā per Baptismi ianuam fuerit ingressus:* non velle quod Ecclesia non possit iudicare de peccato, quod antequam fieret, homo non erat in Ecclesiam ingressus, sed solum dicit, quod homo debet esse in Ecclesiam ingressus, priusquam exerceatur iudicium in ipsum. Deinde dicit quod illud *postea* non restringitur ad tempus

tempus subsequens, sed prout includit ipsum tempus in quo Baptismus perficitur, vel dato quod illud *postea* ad tempus subsequens restringeretur, deberet intelligi de solis dignè Baptizatis, qui in ipso Baptismo non peccant, non de illis qui in ipso peccant Baptismo.

Hæc omnia videntur effugia. Et primum quidem: quia si rectè, & attentè legatur Concilium, non solum vult Ecclesiam non ferrè iudiciū, nisi in hominem prius Baptizatum, sed etiam vult, materiam, de qua Ecclesiæ iudicium ferri potest, debere esse hominis Baptizati; ridiculū namque esset dicere, Sacerdotem posse exercere iudiciū in hominem, dum actu Baptizatur, & actu peccat, dum baptizatur; similiter ridiculū esset dicere posse hominum Baptizari, & simul confiteri peccatum, quod tunc temporis, seu in illo instanti committit, dum Baptizatur. Nec duæ glossæ, quæ ad illud *postea* adhibentur, valent; non quidem prima; quia illud *postea* refertur, ad illud: *Eccle-*

sia in neminem iudicium exercet, qui non prius in ipsam per Baptismi ianuam fuerit ingressus: ita quod, nisi quis prius in Ecclesiam ingrediatur non potest iurisdictionis Ecclesiæ esse, sed tunc erit, quando postea erit Baptizatus, & ea sola peccata ad iudicium pertinere Ecclesiæ, & quæ post ipsum Baptisimum committuntur, quod magis patet ex modo loquendi eiusdem Concilij cap. 5. vbi dicit; *integram peccatorum confessionem, omnibus post Baptisimum lapsis iure diuino necessariam existere.* & can. 1. dicit. *Pœnitentiā esse sacramentum pro fidelibus, quoties post Baptisimum in peccata labuntur, à Christo Domino institutum.* Per quæ patet falsitas secundæ glossæ illius auctoris, nam non loquitur Concilium de solis dignè Baptizatis, sed de omnibus fidelibus, vt ex mox citatis verbis liquet.

Probatur secundò D. Thomæ manifesto testimonio q. 69. art. 10. ad 2. vbi habet: *Filius non remouetur per Baptisimum, sed per Pœnitentiā subsequentem, quare remota Baptis-*
mus

mus aufert, & culpam, & re-
atum omnium peccatorum præ-
cedentium Baptismum; & etiã
simul existentium cum Baptis-
mo. Nihil clarius contra Lu-
gum. Sed audiat lector
quid ille respondeat, nu. 39.
vbi cum D. Thomæ verba re-
tulisset sic dicit: vbi per pec-
cata quæ existunt simul cum
Baptismo non oportet intelli-
gere ea, quæ fiunt ipso vlti-
mo instanti Baptismi, sed quæ
fiunt tempore illo, quo pro-
fertur forma, vel effunditur
aqua ante vltimum instans
quæ omnia tolluntur postea
virtute Baptismi, recedente
fitione, & ablato obice: sed
hæc glossa nõ videtur cohere-
re cum verbis D. Thomæ, nã
peccata non dicuntur existe-
re cum Baptismo, quando ad
huc Baptismus non est; atqui
Baptismus non est, ante illud
instans; ergo. Maior clara est.
Minor ostenditur, nam Bap-
tismus si esset ante illud in-
stans, quo perficitur, suum
causaret effectum ante illud
instans, & sic, si quis moria-
tur dum Baptizatur, & ante
illud instans gratiam recipe-
ret regeneratiuam, & salua-

retur, quod nemo dicit.

Probatur tertio ratione: il-
la peccata non sunt sacramenti
Pœnitentiæ materia, quæ pos-
sunt per ipsum Baptismi sa-
cramentum deleri; sed illa
peccata quæ in eo instanti
committuntur, quo Baptismus
perficitur, per ipsum Baptis-
mum remitti possunt; ergo nõ
sunt sacramenti pœnitentiæ
materia. Maior nota est, cum
enim vt Concilia, & PP. lo-
quuntur, pœnitentia sit secũ-
da, post naufragium tabula,
ea erunt eiusdem pœniten-
tiæ materia, quæ per primã,
post naufragium tabulam, re-
mitteri non possunt. Minor ostē-
ditur, nam si Baptismus re-
mittere non posset ea pecca-
ta, quæ ipsi coexistunt, non
videtur, quæ ratione posset
reuiuiscere, cum informe ac-
cipitur, cū enim non solum in-
forme accipitur cum fictio
ponitur, nimirum cum poni-
tur tale peccatum, quod post
ipsum perseuerat, sed etiam
cum in ipsa Baptismi recep-
tione peccatur, qui enim pec-
cat mortaliter dum baptiza-
tur Baptismi effectum habet
impedire: respectu ergo horũ

peccatorum, quæ Baptismo coexistunt, Baptismus non reuiuisceret; quod sic discurrendo ostendo; nam vt omnes docent Theologi, & ipse Lugo, ad hoc vt sacramentū Baptismi reuiuifcat, quoad ablationem eorum peccatorum, quæ post ipsam Baptismi susceptionem facta fuerunt, sufficit, quod illa dispositio ponatur, quæ sufficiens erat, vt Baptismus suum produceret effectum, nempe sufficit attritio; atqui hæc non sufficeret, si semel illa peccata essent pœnitentiæ materia; ergo. Minor probatur; nam peccata, quæ sunt pœnitentiæ materia non remittuntur per se, nisi per contritionem & votum pœnitentiæ, vel per attritionem simul cum ipso pœnitentiæ sacramento, ergo si semel illa peccata, quæ Baptismo coexistunt, sunt pœnitentiæ sacramento materia, Baptismus quoad ista reuiuifcere non poterit, per solam illam dispositionem, qua primò viuus fuisset Baptismus. Soluuntur argumenta in contrarium.

Primum argumentum est;

Peccatum quod in instanti, quo Baptismus completur committitur, est peccatū hominis Christiani, & Christi charactere insigniti, atque adeo Ecclesiæ subditi; ergo pertinet ad iudices Ecclesiæ, ac subinde erit pœnitentiæ sacramento materia. Antecedens non probat Lugo, quod tamen probare debebat.

Respondetur negādo Antecedens, cum enim homo in illo instanti fiat Christianus, Characterem recipiat, subditus fiat Ecclesiæ, peccatum quod eo instanti fit, non est peccatum hominis Christiani, sed est peccatum hominis, qui tunc fit Christianus, non est peccatū Christi charactere insigniti, sed eius qui tunc Christi Characterem insignitur, &c.

Secundum argumentum; Ecclesia posset hominem excommunicare, pro peccato quod in instanti, quo Baptismus perficitur, committitur; ergo signum est tale peccatū esse Ecclesiæ iurisdictionis. Cōsequētia nota est, quia Ecclesia non potest nisi subditū excommunicare; ergo si semel

mel posset quis excommuni-
cari pro peccato tunc tempo-
ris commisso, signum est tale
peccatū esse sub iudicio Ec-
clesiæ. Antecedens probat,
quia homo in illo instāti quo
Baptismus perficitur est sub-
ditus Ecclesiæ; ergo potest
excommunicari. Antecedens
probat duplici exemplo, reli-
giosi, & coniugis; nam reli-
giosus in eo instāti, quo reli-
gionis vota emittit, potest cō-
tra illa vota peccare, ut si in
illo instāti quo proficitur
habeat animum non obediē-
di &c. similiter coniux in eo-
dem instāti, quo matrimo-
nium contrahit, potest pecca-
re contra ius alterius coniu-

gis, & tale peccatum malitiā
habet adulterij.

Respondetur negādo An-
tecedens. Ad probationem,
negatur similiter Antecedēs,
ut enim vidimus non est tunc
homo Ecclesiæ subditus, sed
tunc fit. Ad duo exempla,
quæ pro Antecedentis pro-
batione adducuntur, dico nul-
lum esse verum, nam nec re-
ligiosus peccaret contra vo-
ta pro eo instāti, quo vota
emittit, cum peccatum con-
tra votum, supponat illud.
Nec coniux ius lædit alte-
rius coniugis, pro eo instan-
ti, quo ius non supponi-
tur in altero coniuge, sed
datur.

Q V A E S T I O II.

*An peccata alias confessa, sint materia confes-
sionis. Vbi aliæ difficultates practi-
cabiles resolvuntur.*

Certum est peccata alias
confessa, siue mortalia,
siue venialia sint, esse mate-
riam non necessariam, sed
sufficientem sacramenti pœ-

nitentiæ; difficultas solū esse
potest, an ad hoc ut peccata
alias ritè confessa, secundò,
& tertio confiteantur, taliter
confiteri debeant, quod cō-

confessarius cognoscat illa peccata iam fuisse alias dimissa.

Prima sententia est Turriani in Opus. Theolog. censur. 4. dub. 7. quod necesse sit peccata ita confiteri, quod confessarius percipiat illa peccata non esse noua, sed alias ritè dimissa, vnde ob hoc dicit non esse probabilem illorum sententiam, qui dicunt, quod ille qui generalem facit confessionem, non teneatur explicare an tale peccatū fecerit post vltimam confessionem,

Nostra sententia sequenti explicatur conclusione. *Potest Poenitens, per se loquēda, non explicare, an peccata, quae confiteretur fuerint alias ritè confessā.* Vnde qui generalem facit confessionem non tenetur per se loquendo certiore reddere confessarium, an peccata, quae confiteretur, fuerint commissā post vltimam confessionem; dixi per se loquendo, quia per accidens ad id tenebitur, vt ratione mutationis peccati quoad nouae circumstantiae super additionem, vt si religiosus generalem faciat totius vitae confessionem,

si carnis peccata confiteatur, tempus quo talia commisit peccata explicare debet, ob voti circumstantiam. Similiter ratione reservationis, vt si peccatum est commissum modo, quo est reservatum, vel ante; quod habet verū, quando confessio fit apud confessarium non potentem à reservationis absoluerē, secus quando confessio fieret apud habentem potestatem supra reservata. Hanc sententiam sic explicatam tenent communiter Theologi, quos affert, & sequitur Diana to. 2. tract. 4. resol. 62. & tom. 3. de conscientia dub. resol. 63. eandē sequitur Lugo hic disput. 16. nu. 43.

Probatur conclusio; nam circumstantia temporis non est per se loquendo in confessione deponenda; sed quod peccata sint commissā ante, vel post vltimam confessionem est temporis circumstantia; ergo non est necessario deponenda, Maior est certa, cum enim tempus sit quid extrinsecum rei, & non pertineat intrinsecè ad rationem specificam, vel numericam rei, non ha-

habet pertinere ad rationem specificam, vel numericam peccati, quæ sunt rationes necessario confitendæ. Minor etiam clara videtur, nã quod peccatum sit confessum, vel non confessum, sit remissum, vel non remissum, sit ante, vel post ultimum confessionem, non facit peccatum esse alterius speciei, vel numeri.

Sed obijcies primò, peccatum non esse confessum, necessariam continet circumstantiam, vt confiteatur, non vero peccatum confessum; ergo qui confitetur peccatum non confessum, debet illam circumstantiam explicare. Antecedens patet; nam peccatum confessum, non est materia necessaria confessionis, peccatum vero non confessum est materia necessaria. Consequentia etiam nota est; nam omnes peccatorum circumstantiæ necessariæ in confessione sunt deponendæ.

Respondetur distinguendo. Antecedens peccatum non confessum continet circumstantiam necessariam vt confiteatur, taliter quod hæc circumstantia se teneat ex parte pec-

cati, & negatur, taliter, quod se teneat ex parte Pœnitentis, & conceditur; habet nãque Pœnitens obligationem confitendi peccata grauia nõ confessa, non tamen ratio nõ confessionis, est peccati circumstantia, vt ex dictis liquet.

Obijcies secundo peccatũ non esse confessum est circumstantia necessario confitenda ad hoc vt confessarius cognoscat, quam Pœnitentiam imponere debeat; nam pro peccatis alias ritè confessis, minorem imponit pœnitentiam, pro non confessis maiorem.

Respondetur non teneri Pœnitentem ea confiteri, quæ si scirentur à confessario maiorem imposeret satisfactionem, circumstantiæ namque aggravantes maiorem exposcunt satisfactionem, & tamen in veriori sententia, vt postea dicetur, non sunt necessario exprimendæ. Cum enim hoc sacramentum sit institutum per modum iudicij, & ad iudicium ponendum ea solum explicari debeant, quæ sunt de essentia iudicij, sequitur, quod

quod non teneatur reus ea omnia explicare, quæ si sci- rentur, iudex maiorem impo- neret multam.

Obijcies tertio quia dum Pœnitens dicit se velle con- fessionem generalem facere indicat quod, quæ confitetur peccata, alias fuerit confessa ac proinde subiiciendo pecca- tum non confessum, simul cū peccatis alias ritè confessis, non cōfitetur peccatum, quod re vera fecit. Respondet Lu- go nu. 53. quod si quis confi- teretur peccatum nouum, & diceret esse antiquum, suum non confiteretur peccatum, quod fecit; in casu autem cō- fessionis generalis licet Pœ- nitens velit, & proptet con- fessarium intelligere illud peccatum esse antiquum, cū simul cum antiquis illud de- ponat, tamen id non dicit, sed vt vt est illud confitetur, non enim peccati vnitas, & ratio ab exultimatione dependet Confessarij, sed ex propria ipsius natura, quam licet non explicet pœnitens, non tamē expresse negat. Quod autem peccatum nouum confessum, vt antiquum nō sit idem pro-

bat, quia res se ipsis durat, atque adeo assignantur essen- tialiter ad talem durationem, ac proinde actus voluntatis, qui sit hodie, non est idem cū eo, qui potuit fieri anno præ- terito, & sic, qui dicit pecca- tum quod fecit hodie, se fe- cisse anno præterito, peccatū quod fecit nō confitetur, sed aliud, quod non fecit.

Sed ego puto non solum satisfacere pœnitentē, qui con- fitetur peccatum quod fecit, absque eo, quod dicat tem- pus quo illud fecit, seu reti- cendo tempus, quo fecit, imò desiderando, quod Confessa- rius id ipsum existimet, ne bo- nam, quam apud illum habet exultimationem, amittat; ve- rum etiam si posituē diceret (de omnibus peccatis, quæ simul confitetur, inter quæ etiam illud quod modo fecit cōtinetur) hæc peccata com- misi in iuuentute mea: quia erubescit, quod Confessarius cognoscat se modo talia pa- trasse; & ratio est, quia licet peccatum quod committitur hodie non sit, nec possit esse illud ipsum numero, quod commissum fuit, vel commit- ti po-

ti potuit heri, non quia temporis circumstantia sit intrinseca rebus; nec quia res, se ipsis durent, quod est falsissimum, cum duratio, secundum Philosophum, sit accidens rei creatæ, & quid extrinsecum illis, seu modus illorum, ut ostendi in Philosophia; sed quia penitens sufficienter suum manifestat peccatum, non solum moraliter, verum etiam physice; ad hoc enim ut quis actum suum manifestet, & moraliter, & physice, sufficit, quod illud exponat; & si semel requireretur, quod tempus manifestaretur, communiter nullus suum manifestare posset peccatum: ponamus enim quod quis peccet in hoc instanti: si penitens interrogetur à Confessario, quando tale peccatum commiserit: certe illud manifestare non posset, cum sit impossibile cognoscere instans in quo tale peccatum commissum fuit. Vnde si quis statuarius hoc anno statuam faciat, & dicat se hanc statuam alio anno fecisse, non propterea confitetur se aliam statuam fecisse, sed ad summum mentitur, cum

dicat se hanc statuam anno fecisse præterito, cum hoc anno illam fecerit. Item si quis petatur à Præfato, an comederit ealem rem; & dicat se illam comedisse heri, cum illam comederit hodie, non ob id aliam fatetur, vel alterius rei comestionem, sed eiusdem; & hoc non ob aliud, nisi quia unitas rei, non dependet ex dicto personæ loquentis, sed ex propria natura. Dummodo ergo poenitens, qui fornicationem, v. g. commisit, suam confiteatur fornicationem, suæ satisfacit obligationi: Vnde si peteretur à Confessario, an talem fornicationem commiserit hodie, qua die mansit in propria domo conuersando cum propria sorore, ne in huius deueniat Confessarius cognitionem, poterit (utendo æquiocatione ne mentiatur) id negare; & tunc nullus prudens Confessarius hunc obligabit ad iterum tale peccatum confitendum.

Sed quæres primò, an ille qui generalem facit confessionem, debeat omnia, quæ fecit peccata deponere, an vero possit, quæ velit reticere.

Est

Est communis sententia, quod possit quæ velit reticere, dummodo aliàs, quæ reticentur fuerint ritè confessà, & absoluta; vnde licet pœnitens dixerit se velle facere confessionem generalem, non tamen ob id decipit confessorium, quoad ea, de quibus est iudex necessarius, sed ad summum ipse Confessorius decipitur, putans pœnitentem omnia deponere, cum non omnia deponat, quæ non necessario deponi debent. Imò puto solum peccaturum venialiter, qui vt bonam acquirat opinionem apud Confessorium diceret, se velle facere generalem totius vitæ confessionem, & in illa nullum mortale deponeret, cum tamè plura, eaque grauissima commisset.

Quæres secundò, an peccet mortaliter pœnitens qui duos habet Cōfessarios, quorum vni leuia, alteri graui deponit peccata? Respondetur negativè: communis ratio est, quia licet vnus Confessorius decipiatur, putans pœnitentem esse sanctum, hæc tamen deceptio à pœnitente nō

causatur, cum ipse non mentiatur, sed ipse Confessorius sibi ipsi talē causat deceptionem occasione desumpta ex pœnitentis confessione.

Quæres tertio, an peccatū veniale in communi extra mortis articulum sit materia sufficiens cōfessionis, ita quod possit quis sic confiteri; peccavi venialiter. Conueniunt Theologi id esse sufficiens in mortis articulo vt disput. præcedēti notauimus, sicut enim est sufficiens dicere peccavi, vel signa doloris ostendere, à fortiori sufficiens erit dicere peccavi venialiter. Similiter cōueniunt, quod quando quis peccauit mortaliter, & non recordatur peccati, sufficiat id dicere, imò necesse sit illud in communi sic confiteri. Item conueniunt optimum consilium esse, semper materiam determinatā confessionis deponere, vt supra obseruauimus; solum difficultas est, an extra necessitatis articulum, quis non habens nisi venialia, possit & validè, & licitè sic confiteri: *Pater venialiter peccavi, doleo, & absolutionem exposeo*, saluo meliori iudicio mihi

mihi probabile videtur id fieri posse, nec damnarem sic facientem, sed suaderē, quod materiam magis certam deponeret. Et ratio est quia peccatum veniale in genere

est materia sufficiens confessionis, atqui non habens materiam necessariam, ut hoc sacramento utatur, sufficit quod sufficientem deponat; ergo.

Q V A E S T I O III.

An peccata dubia sint confessionis materia necessaria.

DVbium quantū ad præsens attinet aliud est positivum, quando scilicet utrinque sunt rationes, vel coniecturæ de illa re; aliud negativum, quando pro nulla parte sunt rationes ad inclinandum assensum magis ad unam, quam ad alteram partem. Conveniunt Theologi, quod in dubio positivum de suo peccato, vel de Confessione, ad nihil teneatur, & sic si quis habeat rationes, vel coniecturas quod peccaverit, vel non peccaverit mortaliter, non tenetur tale peccatum confiteri, & sic illud peccatum licet sit materia sufficiens confessionis, non tamen necessaria: similiter, si quisque utrin-

que habeat rationes, quod peccatum fuerit confessus, non tenetur illud confiteri, nec est materia confessionis necessaria, sed sufficiens. Et sic de dubio negativo præsens procedit quæstio.

Prima sententia est, quod in dubio negativum, siue de peccato, siue confessione, nulla sit obligatio confitendi, vel reconfitendi illud. Ita Layman, & Io: Propositus, apud Lugum. Et Merchantius, & sapientissimus P. Caramuel apud Dianam p. 10. tract. 12. resol. 2. Quorum fundamenta postea adducemus, & solvemus.

Nostra sententia sequenti explicatur conclusione. *Peccata*

rata dubia sunt materia necessaria confessionis. Hæc est verior, & communior Theologorum sententia, ut testatur Diana supra.

Probatur primò conclusio Eleganti D. Thomæ testimonio in 4. dist. 21. q. 2. art. 3. ad 3. ubi sic loquitur: *Quando aliquis dubitat de aliquo peccato, an sit mortale, tenetur illud confiteri dubitatione manente: quia qui aliquid committit, vel omittit, in quo dubitat esse mortale peccatum, peccat mortaliter discrimini se committens. Est similiter periculo se committit, qui de hoc quod dubitat esse mortale negligit confiteri: non tamen debet asserere, illud esse mortale, sed cum dubitatione loqui, & iudicium Sacerdotis expectare, cuius est discernere inter lepram, & lepram.*

Ex quo testimonio sic primam formamus rationem. In dubio tutior pars est eligenda, ergo qui dubitat se peccasse mortaliter, tenetur illud confiteri. Antecedens est D. Thomæ; alioqui exponit ille dubitans, se ipsum periculo. non confitendi aliquid

quod reuera commisit: Hæc rationem reicit Lugo disput. 16. nu. 63. quia in dubio voti nullus cogitur votum observare, licet tutius sit id facere, in dubio præcepti nullus cogitur præceptum observare, ergo neque in dubio peccati, nullus cogi debet peccatū confiteri, cum tam in casu peccati, quam in alijs libertas possideatur.

Sed contra, quia licet admittam, meliorem esse in dubio conditionem possidentis, non solum in materia iustitiæ, verum etiam in materia cæterarum virtutum, ut suo loco dicetur, tamen in materia peccati, illa doctrina non currit, non solum quia possessio stat pro peccato, & simul præsumptio; sed etiam quia ita rei natura exposcit, quod sic discurrendo ostendo; quia illud omne debet esse confessionis materia, quod est materia contritionis; sed peccatum dubium est materia contritionis; ergo etiam confessionis. Maior videtur de fide, ex Tridentino sess. 14. cap. 5. quatenus docet contritionem perfectam, quæ pecca-

peccata habet dimittere etiā extra confessionem, non aliter id præstat, nisi quatenus est votum confessionis. Minor probatur, nam demus dubitantē de peccato commissō, re vera illud commississe; tunc sic: tale peccatum, per te non est materia necessaria confessionis, ideoque potest non confiteri, & de facto non confiteatur, tunc nō aliter deleri potest, nisi per contritionem per se loquendo, alioqui, si neque per cōtritionem deleatur, & cum eo talis moriatur, damnabitur.

Confirmatur hæc ratio, nā peto ab aduersarijs, an qui dubitat de peccato mortali in mortis articulo teneatur de illo conteri, vel non: si primum admittant, admittere etiā tenentur, quod tale peccatum dubium debeat confiteri, cum contritio ex Tridē- tino citato, non aliter peccata dimittat post poenitentiae sacramenti institutionem, quā prout est eiusdem poenitentiae sacramenti votum; ac proinde quod cadit sub obligatione contritionis, cadit etiam sub obligatione confessionis. Se-

cundum dici nequit, quia teneatur vnusquisque non se exponere euidenti damnationis periculo.

Sed dices ex hac nostra ratione sequi hominem teneri non solum confiteri peccatū dubium, verum etiam probabile, seu hanc nostram rationem procedere, non solum in dubio negatiuo, verum etiā in dubio probabili præsertim in mortis articulo contra id quod supra supposuimus. Sequela probatur, nam ille, qui de suo peccato dubium habet positium quod peccauerit, & non peccauerit, potest esse, quod re vera peccauerit: demus quod peccauerit si non conteratur, vel confiteatur damnabitur; ergo est eadem ratio de vtroque casu.

Respondetur primò disparē esse rationem de dubio positio, & negatiuo; nam in dubio positio, cum homo iudicet probabiliter se peccasse, & non peccasse, probabiliter iudicat se esse in gratia, & se non esse in gratia, se conseruare amicitiam Dei, & nō conseruare illam, & subinde, dum vult aliquod recipere

sacramentum nullam irrogat sacramento irreuerentiam, dū cum tali gratiæ probabilitate illud recipit, sicut enim in alijs rebus homo sufficienter suis satisfacit obligationibus, vel præceptis, quæ habet, sequendo tale dubium positium, seu sententiam probabilem, ita & in sacramentorum receptione, alioqui non liceret sequi in materia quacunque sententiam probabilem probabilitate practica, seu quoad licitum, vel illicitum.

Respondetur secūdò, quod si loquamur de mortis articulo, ut procedere videtur argumentum, puto eandem esse rationem de utroque dubio; nam utrobique exponitur homo periculo damnationis æternæ, quod periculum vnusquisque vitare tenetur; quod tale periculum sequatur, patet, nam etiam in dubio probabili, seu positivo, contingere potest, quod reuera peccatum commissum fuerit, & licet sententiæ probabilitas à nouo excuset peccato, non tamen peccatum delet mortale, cum non deleatur, nisi per contritionem, & confes-

sionem per se loquendo, ut ex se liquet.

Secunda ratio desumitur ex Tridentino sess. 14. cap. 5. vbi habetur: *Ex his colligitur oportere à pœnitentibus omnia peccata mortalia, quorum posset diligentem sui disquisitionem conscientiam habet.* & can. 7. dicitur: *si quis dixerit, in sacramento pœnitentiæ ad remissionem peccatorum necessarium non esse iure diuino, confiteri omnia, & singula peccata mortalia, quorum memoria cum debita, & diligenti præmeditatione habeatur &c.*

Sed peccata mortalia dubia, sunt vera peccata mortalia, de illis vera habetur conscientia, & memoria, ergo confiteri debent. Probatur minor quoad omnes partes; nam ita est verum peccatum dubium, ac certum, ac probabile, sicuti est tam vera conscientia certa, dubia, ac probabilis, licet differentia sit, quod conscientia probabilis dat ius operandi, sicut & certa, non sic dubia dubietate negatiua, ut in p. 2. ostendimus, Quod de illis habeatur conscientia, iam patet ex se; quod

quod similiter de illis memoria habeatur, supponitur.

Tertia ratio, Potuit Christus Dominus poenitentiae sacramentum taliter instituere quod in eo peccata omnia, etiam dubia deponerentur; ergo de facto sic institutum fuit. Antecedens admittunt omnes. Consequentia probatur, ex ipso fidelium usu, & universalis Ecclesiae praxi, cuius initium creditur ab Apostolis emanatum; ergo certum esse debet, eo modo hoc sacramentum institutum fuisse: Est enim optimus legis interpretes, modus, quo ab omnibus lex illa intellecta, & exercita est; cum ergo semper fuerit iste mos in Ecclesia, quod peccata dubia confiteantur, ab eo non est recedendum. Soluuntur argumenta.

Primum argumentum, quod maximè urget Caramuel desumitur ex Tridentino sess. 14. cap. 5. ubi docet, ut nos etiam aduertimus, quod ea peccata in confessione deponi debent, quorum homo conscientiam habet post diligentem discussionem; sed peccati dubij conscientia non habetur;

ergo peccata dubia ex necessitate confiteri non debent; Minor probatur, quia conscientia, est notitia scientifica; sed dubium non est notitia scientifica; ergo dubium in conscientia non habetur. Nec valet respondere, quod conscientiae nomen non solum dicatur de scientia scientifica, verum etiam de notitia dubia, probabili, & scrupulosa. Nam contra est, quia Tridentinum, per conscientiam, solum notitiam scientificam intelligere videtur: vult enim Tridentinum poenitentiae sacramentum iudicium esse, & Sacerdotes iudices, qui hoc iudicium secretum exercere non possunt nisi cognita causa; sed causa dubia non est cognita; ergo de causa dubia iudicium hoc exerceri non potest.

Respondetur sustinendo solutionem traditam. Ad probationem dico, ita posse cognosci causa dubia, sicut certa, sicut probabilis, & sicut Sacerdos potest sententiam proferre in causa certa, ita in probabili, ita in dubia; alioqui peccata dubia, & probabilia,

non

non possent esse materia neque sufficiens, quod nemo dicit.

Secundum argumentum; quia in dubio melior est conditio possidentis L. si debitor ff. de pignor. non vulgat. & dubius ab ignorante non distat L. manifestissimi §. si autem nefcius C. de furtis: imò æquiparantur, Surdus decif. 265. nu. 19. ergo sicut in alijs materijs dubius, & ignorans non grauantur, neque in hoc grauari debent. Consequentia ostenditur, quia quoad ignorantiam certum est, neque in confessionis materia neminem grauari, cum certum sit neminem teneri confiteri peccata, quæ verè, & propriè ignorat; Quoad dubium, etiam certum est neminem sua spoliandum esse innocentia, & iustitia quam possidet, quamdiu nocens, & iniustus non probatur, sicut in alijs omnibus materijs. Vnde in nullo iudicio nullus animaduersionis virga pulsatur, vel feritur, nisi factum sit manifestum, & peccatum contra legem esse probetur. Quapropter Confessarij prudentes suis consulunt

pœnitentibus, ne se de aliquo accusent peccato, nisi certo affirmare possint se illud commisisse.

Respōdetur ex dictis, quod nimirum licet in alijs materijs in dubio melior sit conditio possidentis, in hac tamen materia id non esse verum, cum vnusquisque teneatur habere saltem iudicium probabile, quod Dei gratiam retineat, quod iudicium in materia dubij de peccato habere nō possumus. Et sic licet verum sit dubitantem ignoranti comparari, & æquiparari, non tamen in hac materia, vt patet; nec verum est, quod prudentes Confessarij talem suggerant doctrinam pœnitentibus, quando de vero agitur peccato dubio, sed de dubio scrupulorum, quod, vt alias monuimus, non est verum dubium, sed scrupulo cōparatur. Ideo in materia conscientia scrupulose docuimus cœtitudinē, seu scientiam in scrupuloso æqualere dubio; dubium scrupulo, & scrupulum, aliud non esse nisi leuitatem.

Ad quem sensum intelligi debet sollemnis quædā Ioan.

Socij

Soncij doctrina apud Dianā de sacram. resol. 107. quod ille, qui sufficientem fecit suæ conscientiæ perquisitionem, in ordine ad peccatorum cōfessionem efficiendam, non teneatur de antea vita cogitare; & si aliquid occurrat in confessione non explicatū, poterit sibi persuadere illud iam fuisse memoratum.

Tertium argumentum: in humanis nullus obligatur refarcire offensam, quam dubitat proximo intulisse: ergo neque in ordine ad Deum. Antecedens admittunt omnes. Consequentia liquet ex paritate rationis. Respondetur cōcedendo Antecedens, & negando Consequentiam, ratio discriminis est, quia præceptū restituendi, est præceptum negatum non lædendi, vel nō continuandi in proximi læsione, vnde si non constat de læ-

sione proximi non possum cogi, ad talem læsionem tollendam; at vero præceptum refarciendi iniuriam Deo illatam, est præceptum affirmativum, tenemur namque omnes non solum nescire Deum offendisse, verum etiam eius amicitiam positiuè habere, ac proinde peccata dubia fateri, alioquin non habebimus iudicium saltem probabile, de amicitia, & pace cum Deo, ut ex dictis patet.

Vnde licet dubitās de alijs præceptis, præsertim erga proximum, ad præceptum nō teneatur; in nostro tamen casu tenetur, & propter rationē dictam; & etiam quia, licet peccatum sit dubium, seu dubium sit de peccato, non tamen dubium est de præcepto, cum certum sit esse præceptū de dubijs peccatis confitendis.



Q V A E S T I O IV.

An peccatum confessum ut dubium, si certum efficiatur debeat iterum confiteri:

Prima sententia est quod non: Hanc primo inuenit in scholis Lugo disput. 16. nu. 78. & quamvis illam non auferis absolutè affirmare, dicit tamen rationes in oppositum adeo ipsum conuincere quod vel hæc admitti debeat, vel communis doctrina, quæ dicit quod qui hoc modo cōfiteatur, *commisit tale peccatum decies plus minusue* reici debeat, cum utrobique peccatum ut dubium confiteatur; Quam *Lugonis* doctrinam, sequati sunt postea plures, ut Leander tom. 1. tract. 5. disput. 3. q. 27. Martinus de San Ioseph tract. 6. de Pœnitentia nu. 9. Marcus Vidali in arca tit. de Pœnit sacram. Inquisit. 5. num. 37. & alij plures, quorum sententia saltem per principia extrinseca est probabilis.

Nostra sententia sequenti explicatur conclusione *Siquis confiteatur peccatum, ut dubiū,*

si compereat postea esse certum, tenetur illud ut certum confiteri. Hæc est communis Theologorum sententia, quam post alios sequitur Diana de sacramentis resol. 91. & parte 6, tract. 6. resol. 31. & Ioannes Martinon tom. 5. disput. 50. sect. 8. num. 95. Probat Martinon, quia peccatum ut certum notabiliter aggrauat confessarij iudicium; ergo debet ut certum postea cōfiteri. Antecedens probat, quia peccatum quando ut certum dignoscitur, transfertur de materia sufficienti in necessariam: ergo notabiliter variat iudicium confessarij. Sed hæc ratio nulla est, ut enim præcedenti vidimus quæstione, peccatum ut dubium non est materia sufficiens confessionis, sed necessaria, proinde dum peccatum fuit ut dubiū confessum, non fuit depositū ut materia sufficiens, sed ut necessaria, ac proinde per aduen-

aduentum certitudinis , non transit de materia sufficienti, in necessariam.

Alij probant , quia differentia certi, & incerti est moraliter specifica , sicut differentia mortalis , & venialis; ergo sicut ille, qui confessus est peccatum vt veniale , si postea comperiat esse mortale , tenetur illud confiteri, vt mortale, ita quando fuit quis confessus peccatum vt dubiū si postea comperiat esse certū vt tale confiteri tenebitur. Sed neque hæc ratio aliquid euincit, quia fornicatio vt dubia, & vt certa, nec physice, nec moraliter variatur, licet enim certitudo, & dubietas specie distendantur (concedunt namque omnes notitiam certam, & dubiam esse diuersæ speciei) res tamen ipsa de qua talis habetur dubietas, & certitudo potest esse vna, & eadem: nec enim est obligatio confitendi notitias illas, sed peccatum illud quod sub talibus notitijs cōtinetur. Nec ratio peccati mortalis, & venialis probat. quia etiam mortale, & veniale eiusdem speciei esse possunt, vt sunt

leue, & graue, sed quia vnū priuat gratia, & ob hoc est materia necessaria confessionis, non aliud.

Vera ergo ratio desumitur ex dictis quæst. præcedenti ex Tridentino, quod nimirum peccatum debeat in confessione deponi eo modo quo est in conscientia; ergo quando peccatum fuit clauibus subiectum, vt dubium, si postea comperiat certum, debet iisdem clauibus subijci. Antecedens est certum ex Tridentino, consequentia probatur, quia peccatum certū, subiectum vt dubium, non est subiectum, prout est in conscientia, seu prout est factum; licet enim quando primò fuit peccatum illud confessum, prout tunc temporis in conscientia erat fuerit depositum, non tamen prout fuit factum; ergo. Sed maior nostræ, & communis sententiæ corroboratio, ex argumentorum solutionibus petenda est.

Primum argumentum, quo conuincitur Lugo est, quia ille, qui confitetur, decies v.g. plus minusue peierasse, si postea certò meminit se peierasse

se duodecies, non tenetur de duobus illis periurijs confiteri, sed censetur illa in tali cōfitemdi modo sufficienter manifestasse, & tamen, qui sic cōfitemur, non omnia illa vt certa confitemur, sed octo; dumtaxat, & alia 4. vt dubia; dum enim dicit peieravi 10. circiter, seu plus, minusque, 8. periuria, vt certa confitemur, & 4. vt dubia, vnde si postea comperiat esse 12. nēpe duo plura, vel duo pauciora nihil facit, quia & hæc vt dubia deposita fuerunt; ergo si in hoc casu licet confiteri peccata vt dubia, sine obligatione illa reconfitemdi si certa reperiātur, id ipsum licitum erit, quando separatim peccatū vt dubium confitemur.

Respondetur concedendo Antecedens, & negando consequentiam, ratio discriminis clara est, tum ex rei natura, tum ex fidelium vsu. Ex rei quidem natura, quia hoc sacramentum maiorem requirit substantiæ peccatorum explicationem, quam numeri, sicuti maiorem requirit peccatorum explicationem quoad speciem, quam quoad nume-

rum; cum numerus sit extra rei essentiam, non substantia, non species; & sic, cum sit obligatio cōfitemdi peccata prout sunt in consciētia, & quoad substantiam, & quoad numerū, sequitur, quod quoad numerum sufficiet explicere sub dubio quando aliter non habetur, quoad substantiam vero id non sufficiet, cum maior debeat esse huius, quam illius declaratio.

Tum quia conueniens fuit, quod minor requireretur declaratio peccatorum quoad numerum, quam quoad substantiam, & speciem; cū enim species facilius dignoscantur, quam numerus, & facilius speciei memoria retineatur, quam numerus, debuerūt homines minus grauari de numero, quam de specie; onus namque valde graue fuisset, obligare homines ad numerū omnino exactum, cum sit hoc ferè impossibile; & sic, sufficit numerum circiter declarati, non sic substantiā, quando id fieri potest, vt in nostro casu contingit. Patet etiam rationis dispositas ex vsu fidelium, nā fideles minus solliciti sint
de

de numero peccatorum explicando, quam sint de eorūdem peccatorum substantia, & specie, quoad numerum namque confitentur communiter *pet circiter*, seu per *plus minusue*, non tamen quoad substantiam, & speciem peccatorum; nullus enim dicit *commisi peccatum contra castitatem quod habet circiter, quatuor luxurie species*, vel *quatuor plus minusue circōstantias mutantes speciem*, certè puto, quod & ipse Lugo non esset de hoc confitendi modo contentus, sicut esset si quis diceret *commisi quatuor plus minusue fornicationes*.

Secundum argumentum: qui dispensationem obtinet à voto, vel censura dubia, non tenetur nouam petere dispensationem si postea comperiat votum, vel censuram certam esse: & idem dicitur de casu reseruato, ergo idem dicendū est de peccato confesso vt dubio.

Respondetur concedendo Antecedens, & negando Cōsequentiam. Ratio discriminis est, quia in nostro casu est obligatio deponendi peccata

Sacerdoti eo modo quo sunt in conscientia, ac proinde dubium nihil suffragatur; at vero extra nostrum casum dubium multum suffragatur; in materia namque dispensationis, vel reseruationis, dubium tribuit ius dispensandi, vel absoluendi, cū enim hæc sint odiosa stricte sunt interpretanda, ac proinde intelligenda de re tali simpliciter, non de quibus est res dubia, & sic dubiū in alijs materijs ius tribuit dispensandi, vel absoluendi nō in dubio de peccato; cum de hoc dubio specialis sit obligatio, vt patet; vnde si Ecclesia præciperet, vel declararet, quod non solum tale peccatū certum, verum etiam dubiū, esset reseruatum, tunc dubiū nullum ius tribueret.

Sed quæres primò, an quādo peccatum fuit confessum vt certum, si postea vt dubiū appareat debeat confiteri? Respondetur negatiuè, ratio est, quia peccatum confessū, vt certum à fortiori est cōfessum vt dubium, non è contra, sicuti, qui cūfessus est 10. per iuria, & postea reperit esse solum 6, non tenetur iterum

confiteri; quia in 10. reperiū-
tur 6. non ē contra .

Quares secundo , an qui
dubitat se ex verecundia ali-
quod in confessione reliquisse
peccatum , teneatur totam
repetere confessionem, an ve-
ro sufficiat cōfiteri peccatum
omissum . Carolus Baucius,
quem refert Diana part. 10.
tract. 14. resol. 12. tenet quod
eo casu non debeat pœnitens
obligari ad totam confessio-
nem repetendam , sed suffi-
ciat confiteri peccatum omis-
sum. Cuius potissima ratio est,
quia in dubio onus graue im-
poni non debet, est autē onus
grauissimum penitentem ob-
ligare ad totam confessionem
repetendam, nec dubiū aliud
operari debet, nisi quod pec-
catum ipsum de quo dubita-
tur, in confessione deponatur,
& non aliud .

Hanc sentētiā impugnāt
Diana, quia qui volūtariē re-
liquit aliquod peccatum in
confessione , nullam fecit cō-
fessionem , ac proinde totam
debet confessionem repetere,
sed ille qui dubitat se reli-
quisse aliquod peccatum in
confessione fecit confessionē

inualidam ; ergo tenetur illā
repetere . Minorem hāc pro-
bare debebat Diana; nō enim
ex hoc, quod quis dubitat se
aliquod reliquisse peccatum
in praterita confessione , se-
quitur, quod nullam fecerit
confessionem ; nulla quidem
fit confessio, quando quis vo-
lūtariē aliquod relinquit pec-
catum graue, etiamsi dubium
sit, cum peccatum etiam du-
bium, sit confessionis materia
necessaria, vti iam docuimus.
Vnde puto sententiā Baucij
probabilissimam esse , & in
praxi sequi posse . Est enim
grandis disparitas inter pec-
catum dubium , & confessio-
nē etiam dubiam , quod pec-
catum dubium ideo debet
confiteri , & si certum postea
appareat , reconfiteri , quia
vtroque modo est materia
necessaria confessionis, & hoc
iure diuino ; at vero confessio
dubia non sic ; cum possit, cū
eius dubietate, eiusdem va-
liditas stare , & aliunde dubie-
tas multum suffragetur .

Sed dices in fauorē P. Dia-
næ, quod qui est dubius de
confessione, est etiam dubius
de peccatorum confessione ,
cum

cum peccata certò non confiteantur, nisi in confessione certa, & dubiè, in dubia; sed qui est dubius de peccato tenetur illud confiteri; ergo qui est dubius de confessione tenetur illam repetere.

Respõdetur dupliciter posse aliquem esse dubium de confessione, scilicet, vel de tota, vel solum ratione vnius peccati: quando quis de tota dubitat confessione, etiam est dubius de omnibus peccatis, & sic debet totam confessionem repetere. Quando vero quis est dubius de solo vno peccato non confessos licet teneatur hoc peccatum confiteri, tamen potest non dubitare de tota confessione, & sic potest non totam repetere, dubio suffragante.

Sed huius occasione quæret hic tertio aliquis, an ille qui plura habuit desideria inhonesta, carnis, odij, furti, &c. & illis positiuè consentiebat, quia putabat non esse peccata mortalia, & ob id illa non confitebatur, si postea cognoscat esse peccata mortalia, teneatur illa confiteri, idem dubiū procedit de illo, qui igno-

rantia inuincibili putabat nō esse peccatum mortale, voluntariè pollui. Aliqui volunt non solum debere peccata illa materialia confiteri, verum etiam volunt, quod omnes præteritæ confessiones debeant refici.

Sed dicendum absolutè est neutrum fieri debere. Et ratio plana est, quia confessionis materia necessaria, non est peccatum mortale materiale, sed formale, quod nimirum est verè peccatum mortale, hominē spoliens diuina gratia, & amicitia; sed consensus in desiderium inhonestū in illo, qui ex ignorantia inuincibili putat non esse peccatum mortale, non est peccatum mortale, alioqui ignorantia inuincibilis à culpa non excusaret, quod est cōtra communem omnium intellectum, & sensum; ergo nō est materia necessaria confessionis, imò neque sufficiens, nisi aliunde sit peccatū mortale.

Quæres quarto, quantum se extendant illa verba *plus minusue*, seu *in circa*. Aliqui volunt extendi ad duo, vel tria,

tria, quia putant illa verba esse absoluta, non respectiua. Sed hoc communiter respuitur, quia in numero maiori v. g. millenario ad plura se extendunt illa verba, & esset minus restrictus illorum verborum sensus in numero adeo grandi. Alij volunt cum glosa in l. hac adiectio ff. de verb. signis, restringi ad quartam partem summæ, vt si quis dicat commisi 100. furta verificetur si fuerint 125. vel 75. sed nimis ampla hæc regula videtur, vt ex se liquet. Alij volunt extendi ad 5. pro quolibet centenarij, quod est nimis strictum

cum in numero paruo nō habeat locum. Verior modus dicendi est, quod *ly plus minusue* respectiue ad materiam intelligatur, ita tamen, quod semper paruum quid censeatur respectu summæ dictæ. Vnde si quis dicat peccaui decies plus minusue extēdatur ad tres, vel ad summum ad quatuor vices; si dicat peccaui centies extendatur ad septem, vel octo, vel ad summum decem, & sic hæc regula iudicio prudentis regulari debet, & ex communi fidelis intellectu, quem puto esse illū quem nos innuimus.

QVÆSTIO V.

Quanam circumstantiæ sint necessario in Confessione explicandæ.

Circumstantia, quam latini appendicem dicunt, est *accidens actioni adiacens*, vel *accidens actus humani*, vt tradit D. Thomas 1.2. q.7. Et sic circumstantia peccati, est accidens peccati, id enim quod non est substantiale rei, vel ad rei substantiam non pertinet,

eiusdem rei accidens est, vt docet Baldus in l. vendentes §.4. C. de contrab. empt. Assignatur autem circumstantiæ seprē, nimirum.

Quis, quid, ubi, quibus auxilijs, cur, quomodo, quando.

Alij ponunt quosies: Hoc modo; *Quis, quid, ubi, per quos, quo-*

quoties, cur, quo modo, quando. Sed D. Thomas loco citato ar. 5. non ponit circumstantiã, *quoties*. Et merito, quia circumstantiã, eundem actum circumstant, numerus autẽ vnus, & eandem nõ circumstat operationem, sed pluribus cõuenit operationibus, non enim secundum furtum est circumstantia primi, sed vtrunque in confessione est deponendum.

Circumstantia ergo est extra substantiam actus; licet attingat actum, quæ attingẽtia, vel est quoad causam actus, vel quò ad actum ipsũ, si quò ad causam, vel quò ad causam efficientem, vel materialem, vel finalem: si quò ad causam efficientem, vel est quò ad causam efficientem principalem, & est circumstantia *quis*; si quò ad causam instrumentalem est circumstantia, *quomodo*; si quò ad causam materialem est circumstantia *quid*, vt circa furtũ, adulterium, &c. si quò ad causam finalem est circumstantia *cur*, vt ob lucrum, luxuriam, &c. si quò ad actũ, vel est quò ad substantiam actus,

& est circumstantia *quid feceris quis*: vel quò ad mensurã loci & est *vbi*: vel temporis, & est *quando*; vel est mensura modi, quo factus est actus, & est, *quibus auxilijs* & sic patet numerus circumstantiarum septenarius, qui magis explicatus manebit ex singularum explicatione infra tradenda.

Circumstantiarum quædã sunt impertinentes, aliæ minuentes, aliæ augentes, aliæ ad aliud peccati genus trahentes. Circumstantiæ impertinentes ille sunt, quæ nec grauant, nec minuunt peccatum, nec ad aliam speciem trabunt, vt occidisse sinistra, vel dextra manu, ante, vel post prandium, peccasse allectum mulieris pulchritudine, pretio, vel precibus & hæc relinqui debet, quia tendunt ad peccati excusationem, & non deseruiunt ad peccati accusationem, & manifestationem, & si apponantur, licet confessionem non irritent, communiter tamẽ venialiter peccatur in talium circumstantiarum appositione.

Circumstantiæ minuentes,
vel

tria, quia putant illa verba esse absoluta, non respectiua. Sed hoc communiter respuitur, quia in numero maiori v. g. millenario ad plura se extendunt illa verba, & esset minus restrictus illorum verborum sensus in numero adeo grandi. Alij volunt cum glosa in l. hac adiectis ff. de verb. signis. restringi ad quartam partem summæ, vt si quis dicat commisi 100. furta verificetur si fuerint 125. vel 75. sed nimis ampla hæc regula videtur, vt ex se liquet. Alij volunt extendi ad 5. pro quolibet centenarij, quod est nimis strictū

cum in numero paruo nō habeat locum. Verior modus dicendi est, quod *ly plus minusue* respectiue ad materiam intelligatur, ita tamen, quod semper paruum quid censatur respectu summæ dictæ. Vnde si quis dicat peccaui decies plus minusue extēdatur ad tres, vel ad summum ad quatuor vices; si dicat peccaui centies extendatur ad septem, vel octo, vel ad summum decem, & sic hæc regula iudicio prudentis regulari debet, & ex communi fidelium intellectu quem puto esse illū quem nos innuimus.

QVÆSTIO V.

Quanam circumstantiæ sint necessario in Confessione explicandæ.

Circumstantia, quam latini appendicem dicunt, est *accidens actioni adiacens*, vel *accidens actus humani*, vt tradit D. Thomas 1.2. q.7. Et sic circumstantia peccati, est accidens peccati, id enim quod non est substantiale rei, vel ad rei substantiam non pertinet,

eiusdem rei accidens est, vt docet Baldus in l. vendentes §.4. C. de contrab. emps. Assignatur autem circumstantiæ sepré, nimirum.

Quis, quid, ubi, quibus auxilijs, cur, quomodo, quando.

Alij ponunt quosies: Hoc modo; *Quis, quid, ubi, per quos, quo-*

quoties, cur, quo modo, quando. Sed D. Thomas loco citato ar. 5. non ponit circumstantiâ, *quoties*. Et merito, quia circumstantiæ, eundem actum circumstant, numerus autem vnam, & eandem non circumstat operationem, sed pluribus cōuenit operationibus, non enim secundum furtum est circumstantia primi, sed vtrunque in confessione est deponendum.

Circumstantia ergo est extra substantiam actus, licet attingat actum, quæ attingētia, vel est quoad causam actus, vel quò ad actum ipsū, si quo ad causam, vel quò ad causam efficientem, vel materialem, vel finalem: si quò ad causam efficientem, vel est quò ad causam efficientem principalem, & est circumstantia *quis*; si quò ad causam instrumentalem est circumstantia, *quomodo*; si quò ad causam materialem est circumstantia *quid*, vt circa furtū, adulterium, &c. si quò ad causam finalem est circumstantia *cur*, vt ob lucrum, luxuriam, &c. si quò ad actū, vel est quò ad substantiam actus,

& est circumstantia *quid fecerit quis*: vel quò ad mensurâ loci & est *vbi*: vel temporis, & est *quando*; vel est mensura modi, quo factus est actus, & est, *quibus auxilijs* & sic patet numerus circumstantiarum septenarius, qui magis explicatus manebit ex singularum explicatione infra tradenda.

Circumstantiarum quædā sunt impertinentes, aliæ minuētes, aliæ augētes, aliæ ad aliud peccati genus trahētes. Circumstantiæ impertinentes ille sunt, quæ nec grauāt, nec minuunt peccatum, nec ad aliam speciem trahunt, vt occidisse sinistra, vel dextra manu, ante, vel post prandium, peccasse allectum mulieris pulchritudine, pretio, vel precibus & hæc relinqui debēt, quia tendunt ad peccati excusationem, & non deseruiunt ad peccati accusationē, & manifestationem, & si apponantur, licet confessionem non irritent, communiter tamē venialiter peccatur in talium circumstantiarum appositione.

Circumstantiæ minuētes,
vel

vel ita minuunt vt omnino culpæ rationem tollant, vel faciunt ex mortali veniale, & tunc possunt non confiteri, si tamen quis velir tale peccatum confiteri, debet illas circumstantias apperire, alioqui in graui materia confessariū decipiet; vt si quis occidit hominem putans esse feram. tūc enim non sufficit dicere occidi hominem, sed debet dicere, putans esse feram, quæ vero solum minuunt peccatum melius est non confiteri, quia potius ad excusationem vergunt.

Circumstantiæ aggrauantes, vt dicunt, in infinitum, sunt quæ faciunt ex veniali mortale, & quæ nouum peccati genus adiiciunt, in omnium sententia sunt confitendæ. Non nulla difficultas est, an circumstantiæ præcisè aggrauantes sint necessario confitendæ, vt si quis furatus est mille, an sufficiat dicere furatus sum materiam grauē, si quis per integrum diem permanfit in actu odij, vel desiderij occidendi inimicū sufficiat dicere habui actum odij, vel desiderij occidendi

inimicum &c.

Prima sententia est quod circumstantiæ aggrauantes sint necessariò explicandæ. Ita Suarez. disput. 22. sect. 3. post alios quos refert: eandem sententiam sequitur Thomas Sanchez in decal. lib. 2. cap. 32. nu. 39. & lib. 4. cap. 11. nu. 24.

Nostra sententia sequenti explicatur conclusione, *Circumstantiæ aggrauantes non sunt per se necessariò explicandæ.* Dixi per se, quia per accidens potest esse id necessarium; vt si alicubi reseruetur furtum excedens valorē 100. nummorum. Hanc sententiam post Durandum, Gub. Palud. Scotum, Almainum, Bonauent. Albertum, Antoninum, Adrianum, Nauar. & alios plures sequitur Vasquez quæst. 91. art. 1. dub. 2. Reginaldus, Valentia, Lessius & alij quos refert, & sequitur Diana tract. 1. de circumstantijs aggrauant, resol. 1. Qui omnes doctrinam hanc desumpserunt ex Angelico Doctore in 4. dist. 16. q. 3. art. 2. quæstiuncula 5. vbi sic loquitur. *Omnes circumstantias confi-*

confiteri est impossibile, quædam autem confiteri est necessitas: sed in hoc est differentia opinionis, Quidam enim dicunt, quod omnes circumstantiæ, quæ aliquam notabilem quantitatem peccato addunt confiteri necessitatis est; si memoria occurrant. Alij vero dicunt, quod non sint de necessitate confitendæ, nisi circumstantiæ, quæ ad aliud genus peccati trahunt, & hoc probabilius est. Hæc D. Thomas.

Probatur primò ex Tridentino sess. 14. cap. 5. vbi dicitur: *Ex his colligitur, oportere à Pœnitentibus omnia peccata mortalia, quorum post diligentem sui discussionem conscientiam habent in confessione recenseri.* Ex quibus verbis sequentem formamus rationē. Iure diuino nō tenentur Pœnitentes confiteri nisi omnia; & singula peccata mortalia: sed circumstantiæ aggravantes, non sunt peccata mortalia, sed accidentia illorum; ergo circumstantiæ aggravantes non sunt necessario confitendæ. Maior nota videtur ex Tridentini doctrina toto illo cap. 5. Minor patet ex di-

ctis: circumstantia namque ex sui natura, debet esse extra essentiam, & substantiam rei, cuius est circumstantia, ac proinde, ad hoc vt quis rem explicet quoad suam substantiā, necesse non erit illius circumstantias aperire; vnde in materia præcepti videmus, præceptum prohibere substantiā actus, non circumstantiā, quando enim dicitur non *furaberis* furtum graue grauitè prohibetur, absque eo quod descēdatur ad speciales eiusdem furti circumstantias aggravantes, vt quod non furētur 100. 200. &c.

Sed dices debere explicari circumstantiæ aggravantes ad hoc vt Sacerdos, qui in huius sacramēti administratione est iudex, adæquatum, & rectum ferat iudiciū, similiter adhuc vt peccata integrè explicentur, nisi enim hæ circumstantiæ explicentur mutilum deponitur peccatū; Item adhuc vt ade quātam imponat satisfactionem. Sed contra, quia vt patet ex Tridentino can. 7. eiusdem sess. Sacerdos nō est iudex nisi quoad species, numerum peccatorum, & circū-

stantias mutantes speciem; ergo de his non de circumstantiis aggrauantibus debet ferre sententiam. Et solum secundum has rationes speciei, numeri, & circumstantiarum speciem mutatum, debent peccata integrè deponi; & quoad illas satisfactio imponi.

Probat^{ur} secundò. Induci nō debet necessitas adeo dura, & difficilis, qualis est confiteri circumstantias notabiliter aggrauantes, sine aliquo notabili fundamento, vel in scriptura, vel in aliqua Ecclesiæ definitione, vel Patribus, sed nec ex scriptura, nec ex Ecclesiæ definitione, nec ex Patribus habetur, quod tales circumstantiæ debeant confiteri; ergo. Maior patet, quia ex scriptura solum colligitur pœnitentiæ sacramentum esse iudicium quoddam, in quo peccata diiudicentur, ad quod non requiritur circumstantiarum depositio, præsertim cum rationabile valde sit, quod Christus Dominus, hoc sacramentum instituerit, per modum iudicii, non adeo rigorosi, non adeo exacti, sed paterni. Neque id habetur ex aliqua Ec-

clesiæ definitione, quia potius oppositum colligitur, ut constat ex Tridentino sess. citata can. 7. ubi solum de circumstantiis mutantibus speciem declarat esse obligationem confessionis. Neque ex Patribus ergo.

Probat tertio Lugo hic disput. 16. nu. 110. tribus rationibus quas desumpsit ex Vasquez loco citato. Prima quia ex opposita sententia deberet etiam explicari circumstantiæ notabiliter alleuiantes, quod nemo dicit. Secunda quia deberent etiam confiteri circumstantiæ durationis, intensiōis, & aliarum similes, & tamē hæ circumstantiæ à nemine declarantur. Tertia quia si deberet declarari quantitas furti, deberet etiam declarari quantitas detractiōis; hoc non fit; ergo. Sed hæ rationes non conuincunt aduersarios, quia omnes istas sequelas admittunt quando ille circumstantiæ notabiliter alleuiant; quando duratio, & intensio est notabilis; quando detractiōis quantitas, notabiliter aggrauat; videatur Nugnus q. 9. art. 2. dñb. 2.

Primum argumentum pro parte contraria est, quia confessarius potest Pœnitentem interrogare de circumstantiis aggrauantibus, & Pœnitens ipse respondere tenetur; at qui hoc non esset verum si Pœnitens confiteri non teneretur circumstantias aggrauantes: ergo illas confiteri tenetur. Maior ab omnibus admittitur: Minor probatur, quia si semel Pœnitens confiteri non tenetur circumstantias aggrauantes, respondere non teneretur, sed posset uti æquiocatione, vel amphibologia, nemo enim obligatur ad id ad quod non tenetur.

Respondetur concedendo maiorem, & negando Minorem. Ad probationem dico quod licet Pœnitens non teneatur fateri circumstantias aggrauantes, obligari tamē potest, ut patet etiam in alijs; non enim est nouū quod quis obligetur à superiore, vel iudice ad id ad quod prius non tenebatur; non tenetur reus fiteri delictum semiplene probatum si à iudice nō

interrogetur, tenetur tamen si interrogetur.

Secundum argumentum; si quis decem vicibus intercalatis decem numos furetur, decem peccata committit; ergo qui vna voce totidem numos furatur licet vnum tantum peccatum committat, tenebitur tamen eam quantitatem in confessione deponere. Consequentia probatur, quia tanta malitia reperitur in vnico furto 100. aureorum, ac in decē, decem aureorum; tum quia est eadem proximi læsio; tum & maximē, quia tanta malitiæ intensio reperiri potest in vno furto, ac in 10.

Respondetur concedendo Antecedens, & negando consequentiam; siue enim sit tanta malitia in vno furto ac in 10. siue non, peccatorum numerus, diuino iure est explicandus, non maior malitiæ grauitas, ut ex dictis liquet.

Tertium argumentum: in incestu consanguinitatis gradus est explicandus, & tamē est solū circumstantia aggra-

uans; ergo circumstantiæ aggrauantes sunt in confessione explicandæ.

Respondetur quod supposita D. Thomæ sententia 2.2. quæst. 154. art. 9. Caietani ibidem, Nugni hic quæst. 9. art. 2. dub. 3. quod incestus inter consanguineos, & affines sint eiusdem speciei, necesse non erit explicare gradum consanguinitatis, & affinitatis, cum secundum hanc sententiam ratio primi, vel secundi gradus sit solum circumstantia aggrauans, & per consequens qui peccauit cum Matre, vel sorore, sufficit dicere commissi incestum, absque eo quod gradum exprimat.

Quartum argumentum: mulieris sollicitato est circumstantia aggrauans; & tamen est confitenda; ergo. Respondetur negando Antecedens, ita Lugo nu. 142. post Vasquez, & ratio, est quia sollicitationis malitia quoad speciem, & substantiam, licet non quoad intensiorem, habetur, quan-

do quis mulierem cum qua peccauit sollicitauit, ac quando non sollicitauit, quia semper est illius causa peccati, & ad illud cooperatur; quæ doctrina applicari potest ad omnia peccata ad quæ cooperatur, etiam si fuerit primum mouens, seu sollicitas, unde qui in missa de præcepto voluntariè distrahitur colloquijs, sufficit quod dicat in confessione, Missæ tempore fui notabiliter distractus confabulationibus, & sic de alijs similibus.

Quintum argumentum, qui vnico ictu occidit plures v.g. decem, sufficienter suum non deponit peccatum dicendo feci homicidium, sed debet dicere occidi plures; & tamē est solum circumstantia aggrauans; ergo. Idem dicitur de voluntate occidendi plures, & de desiderio. Hoc argumentum petit vt explicetur radix ex qua peccatorum numerus desumatur; ideoque sit.

D V B I V M

Incidens, unde sumenda sit unitas numerica peccatorum.

HAnc materiã fusè pertractaui in p. 2. modo breuiter solum, quæ necessaria sunt tanguntur. Conueniunt omnes, tunc peccatum esse vnum numero, quando idem numero affectus perseuerat, siue formaliter, siue virtualiter, in se ipso, vel in suo effectû. Vnde qui per horam continuat in eodem affectu occidendi inimicum, vnum peccatum facit; quia ille affectus internus in se ipso, vel formaliter, vel virtualiter durat; idem dicendum est, si durat in suo effectû, seu in opere externo; vt cum quis ex affectu occidendi inimicum, parat arma, sternit equum, habet iter &c. & vt docuimus de sacram. in genere disp. 7. q. 8. per somnum, & per alias ordinarias occupationes non interruptitur actus ille, ob rationes ibidem adductas.

Conueniunt etiam pecca-

tum numero plurificari per retractationem, non quidem physicam, sed moralem, cum enim peccatum voluntarium esse debeat, vbi voluntarietas cessat, & peccatum cessare necesse est; cessat autem voluntarietas per retractationem moralem vt patet; desumitur autem moralis, retractatio ex communi hominum sensu, qui eam magis, vel minus extendit secundum rerum diuersitatem.

Dico primo, *veritas numerica peccati non desumitur à materia circa quam actus ipse versatur, sed ab actu ipso.* Hæc est communis Theologorum sententia. Et ratio est, quia ibi est vnum numero peccatum, vbi est vna numero malitia, atqui vbi est vnicus voluntatis actus tendens in plures materias solo numero diuersas, ibi est vnica peccati malitia; ergo & vnicum

cum peccatum. Maior patet Minor ostenditur, nam licet malitia obiectiua ab obiecto desumatur, formalis tamen, in qua est ratio peccati, à voluntatis actu desumitur; ergo ubi est vnus numero voluntatis actus, ibi vna numero malitia erit.

Sed dices cum Vasquez quæst. 91. art. 1. dub. 4. quod ubi sunt plures materiæ numero distinctæ, ibi sunt plura peccata, ex eo, quod actus licet in esse physico sic vnus, moraliter tamen est multiplex numero, ob malitiarum pluralitatem, & sic putat Vasquez, quod qui vnico ictu plures occidit, plura committat peccata; qui vnico voluntatis actu plures interimit, plures internas committat occisiones; qui vnico actu ad plures mulieres accedere desiderat, plures fornicationes committat, qui pluribus detrahit, plura detractionis peccata committat sic deinceps. Sed contra quia secundum veriolem D. Thomæ, & Thomistarum sententiam, plura numero accidentia, non possunt esse in eodẽ

subiecto; ergo plures numero malitiæ non possunt esse in eodem actu, ac subinde, vnus, & idem actus etiam si versetur erga plura obiecta mala, numero dumtaxat distincta, non poterit plures habere malitias, ac proinde, nec plura peccata erunt. Antecedens optimè probant N. Salm. to. 1. de principio indiuiduationis. Consequentia bene sequitur ex Antecedenti, malitia namque est verum ens morale, reale, habens suum genus, suas species, & sua indiuidua; ac proinde, si semel plura accidentia physica solo numero distincta, nequeunt esse in eodem subiecto, neque plura accidentia moralia, propter eandem rationem. Vnde sicut in esse physico vna, & eadem actio potest in plura tendere (vnica namque visione plura videntur, vnica intellectione plura cognoscuntur &c.) & tunc illa plura materialiter vnicũ formale terminatiuum constituent. Ita & ingenere Moris, & sic quando quis vnico voluntatis actu, plures desiderat occidere, vnicum peccatum

catum est, quia illa plura, vnum totale, & formale illius actus terminatiuum constituunt Dixi quando illa plura solo numero distinguuntur, quia si distinguerentur specie morali, plurificarentur tunc temporis in eodem actu peccata specie; vt si quis vnico actu vellet occidere Patrem, & Sacerdotem, vel quando Pater ipse quem vellet occidere, esset etiam Sacerdos, tunc duæ hæ species essent in confessione deponendæ.

Ex quibus manet explosa Cardinalis *Lugonis sententia* hic disput. 16. num. 134. quod nimirum in illo actu, quo quis vult plures occidere, sint plures malitiæ numero, vnum tamen peccatum sit ob vnitatem actus, ob quod vult, quod sufficiat tunc in confessione dicere, *occidere semel volui*; & si quis vnico ictu de facto plures occidat debeat dicere *occidi plures*, alioquin suum non deponet peccatum. nam in hoc casu cum hoc peccatum plures habeat malitias, debent ille exprimi, si autem diceretur commisi homicidium, diceret a-

ctum, qui vnicam dumtaxat exprimit malitiam.

Ex quibus inquam manet *prædicta doctrina explosa*, nam vt patet ex dictis plures malitiæ numero in eodem actu esse nequeunt. Et si semel dari possent, peccata numero multiplicarent; si enim plures malitiæ specie, peccata specie multiplicant; quare plures malitiæ numero, non debent peccata numero multiplicare? Vnde cum fundamentum illius auctoris sit nullum, sequitur sufficienter deponi peccatum si dicatur, *semel volui occidere*, vel *desideravi occidere semel*, & si de facto occidit; sufficiet dicere *occidi*, vel *fecit homicidium*, cū tunc temporis vnica homicidij malitia reperiatur; idem dic de alij casibus supra recensitis: Dico 2. *quandiu actus positiue moraliter non interruptitur, censetur peccatū virtualiter moraliter continuari*. Pro quo nota, quod vt docuimus de sacram. ingenere disput. 7. quæst. 16. perseuetia virtualis est duplex, physica, & moralis; physica est illa, quæ vel in se, vel in sua virtut.

virtute, vel affectu perseuerat, vt in applicatione membrorum, in determinatione phantasie &c. Moralis vero in non retractatione; est enim communis hominum intellectus, quod cuiusque voluntas tendit perseueret moraliter, quam diu illam non mutat; vnde videmus Principes, & Prælatos, velle sua exequi mandata, quam diu de eorum non constat reuocatione, & tam en, & sommus, & negotiorum tractatio, & obliuio, & inconsideratio intercedunt. Qui ergo aliquid facere deliberauit, vult, & censetur velle, quod tandiu talis voluntas perseueret, quandiu morali retractatione non retractatur, nec est cuiusque animus, quod obliuione, inconsideratione, distractione, somno, negotijs, alijsque interrumpatur. Diana de sacram. resol. 95.

Inquires primò, quot peccata committat ille, qui proponit diuinum non recitare officium, vel non ieiunare per totam Quadragesimam. Respondetur vnum tantum peccatum committere, ratio p4.

tet ex dictis, quia est vnus actus, qui habet pro obiecto totam illā diuini officij omissionem, vel ieiunij: si tamen postea quotidie omittat, vel non ieiunat, toties peccat, cū illa præcepta sint alligata diei, quod verum est quando id exequi potest, si enim non posset non peccaret; vt si quis ex tali animo non recitandi Breuiariū proiecisset in mare, tunc temporis peccasset, non tamen postea, cum ad id iam sit impossibilitatus.

Inquires secundò, quot peccata committat, qui debitam restitutionem per longū tempus non facit? Respondetur vnicum peccatum committere, quia prima cōtinuatur damnificatio, nisi contrariam habuerit voluntatem, moralem scilicet illam non physicam, quam iam explicuimus.

Inquires tertio, quot peccata committat, qui plurium audit confessiones in peccato mortali? Respondetur probabile esse quod vnum tantum peccatum committat, ita Lugo loco citato nu. 558. Et idem dicendum de illo, qui
phures

plures communicat in mortali; & ratio est, quia licet plura sacramenta conficiantur, in virtute tamen eiusdē intentionis conficiuntur, non quia administrētur in eodem tribunali, seu Confessionario vt vult Lugo, nam si Confessarius locum successiue mutaret adhuc vnicum peccatum committeret, nec quia ille actiones sacramentales contineant irreuerentiam contra Deum, & Christum, quia alioqui peccata omnia essēt eiusdem speciei, & numeri, cum hanc irreuerentiam peccata omnia contineant; sed ob rationem dictam à nobis.

Sed dices, hinc sequi quod si quis ex eadem intentione fornicandi, successiue cognoscat tres foeminas vel tres occidat, vel eandem foeminam ter successiue cognoscat, eundem actum continuando, vnum peccatum committat, sequela probatur, quia ita sūt tres actus completi, tria poenitentiae sacramenta successiue administrata in mortali, ac sunt tres copulae cōtinuae, vel tria homicidia; parū enim refert quod copulae sūt

cum eadem, ac cum pluribus foeminis; propterea dicunt communiter Theologi, vt videre est apud Dianam *de circumst. aggravant. resol. 13.* quod qui tres commisit fornicationes, siue cum vna foemina, siue cum tribus, satisfaciatur si dicat *commisi tres fornicationes*. Si ergo semel probabile est, quod qui tria poenitentiae administravit sacramenta in mortali successiue, siue vni, siue pluribus, vnum tantum peccatum committat, etiam probabile erit, quod qui tria commisit homicidia, vel tres foeminas successiue cognovit, vel vnam tantum; vnum tantum peccatum mortale committat, cum utrobique eadē militet ratio.

Ingenue fateor me non inuenire adaequatā, & quae mihi satisfaciatur, huius argumēti solutionem, nō tamen ob hoc vilo modo, est huius argumēti concedenda sequela, sicut videtur illam concedere Zanardus in director. confess. §. 1. de sacram. poenit. cap. 18. dum dicit de illo, qui pluries copulam cum eadē, vna nocte habuit, quod sufficiat, si

Si dicat

dicat in cōfessione *mansuona nocte cum meretrice, & feci quod potui*. Vnde non est audiendus quidam modernus, qui posito principio de vnitatē peccati, diuī plures successiue cōfitentur, vt nos posuimus, sequatur sequela in argumento posita. Et ratio est, quia licet adæquata, & sufficiens omnino, nō assignetur disparitas, omnino tamen negari debet sequela illa. Primò, quia cum simus in materia morali, moraliter metiri debet, & non secundum logicales illationes; alioqui moralia nō cōsiderarentur moraliter, nempe ex vsu, ex praxi, ex sensu communi hominum. sed physicè, vel philosophicè; patet autem, vsu, praxim, & communem hominum sensum esse, quod singulæ fornicationes, singula constituent numero morali peccata, nec vnus post aliā successio facere potest, quod plures in vnā numero moralem coalescant. Secundò, quia in materia morali non valet argumentari à maiori ad minus, nec à minori ad maius, non solum in hijs,

quæ sub præcepto cadunt humano: cum videamus multoties præcipi minus, non præcipi maius, prohiberi maius, non prohiberi minus; reseruari peccatum minus, non reseruari maius, vt quando reseruatur incestus, non reseruatur odium Dei, &c. verum etiam in alijs rebus, vnde non valet argumentari, afficere proximum iniuria in vita, in fama, in honore, sunt diuersa peccata, ergo etiam velle, vel desiderare ista proximo, diuersa erunt peccata; cum secundum veriore in sententiam odium proximi, diuersarum esse nequeat species, & sic sufficit dicere in confessione, se toties odisse proximum, nec opus est explicare, an tale odium fuerit versatum circa vitam, famā, honorem &c. Tertiò, quia negari non potest, quin maior quædam vnio moralis reperiatur in auditione plurium cōfessionem in peccato mortali, quam sit in pluribus homicidijs successiue factis, & in pluribus fornicationibus, siue cum vna, siue cum pluribus foeminis; nam confessio-

nes

nēt facilius , & communius sunt vna post aliam , non sic homicidium, non sic fornicationes; secunda namque fornicatio , nouam in fornicante requirit preparationem , nouam excitationem , quæ non requiruntur in plurium confessionū auditione. Vnde potius admitterem peccati unitatem in pluribus homicidijs successiuè ex eodem ire impetu commissis sicut admittitur in pluribus iniurijs erga proximum; vt cum quis vocat alium furē, adulterū &c. Et in pluribus blasphemijs, quam in fornicationibus: non solum quia secundum probabilem sententiam , & contumeliæ, & blasphemix omnes, sunt eiusdem speciei, sed etiā quia omnia ista successiuè facta, maiorem quandam habent vnionem, quam habeāt fornicationes, ob rationem tactam.

Inquires quartò, an oscula, tactus &c. quæ præcedunt, & subsequuntur copulam, vnum compleant peccatum? Respondetur vnum integrare peccatum, dummodo oscula, & tactus, qui præcedunt, ad

copulam ordinentur, & qui subsequuntur, ob nouam non fiant; si enim oscula, & tactus præcedentes ob copulam nō fuerint facti, sed casu, & deinde copula sequuta fuerit, verius videtur, quod sint peccata distincta, quia tunc non consentur facere vnum, cum copula, tanquam illius exordium. Similiter qui subsequitur, si fiant ad nouam copulā initiandam, etiamsi illa non sequatur, peccatum distinctū erunt à prima copula, cum tunc non censeantur primæ copulæ complementum.

Inquires quintò, quid facere debeat poenitens quādo non habet numerum, & species peccatorum? Conueniūt Theologi non sufficere poenitenti sua confiteri peccata mortalia in genere, sed debere illa etiam in numero confiteri, non tamen necessarium est vnumquodque sigillatim dicere, sed sufficit numerum determinatum proferre, vt commisi decem fornicationes, tot blasphemias protuli, &c. Difficultas solum est, quando poenitens numerum non habet peccatorum, vt sūt

meretrices, concubinarij, & alij ceteri. Respondeo tunc sufficere dicere animi præparationem, & tempus quo in tali peccato fuit: semper tamen obseruandum est, vt saltem frequentiores species, & magis extraordinariæ dicantur: Et aduertere debet Confessarius, ne nimis interrogationibus pœnitentem grauet, ne confessionem reddat exosam, & sic retrahantur pœnitens à confessionibus, neque debet omnino relinquere interrogationes, vt volunt aliqui, dicentes sufficere pœnitentem audire, & absoluerè, cum officium iudicis non fiscalis, non Aduocati agat.

Sed hic inquireret aliquis primò, an meretrices, & quilibet alius, qui grosso illo modo confessi sunt, si postea ad clariorem deueniant notitiã, debeant postea illa explicare. Est probabilis aliquorum sententia, vt Vasquez q. 91. art. 1. dub. 5. Card. de Lugo disput. 16. nu. 582. quod nò, secundum quam sententiam Confessarius facile expedire se paterit ab illis, qui si miles fecerunt confessiones, vt sunt

pueri, rustici, & alij similes, qui postea ad clariorem deuenientes cognitionem, volunt generales facere confessiones. Sed quia huius sententiæ fundamentum videtur esse quod talia fuerint confessio, saltem vt dubia, (alioqui, si neque vt dubia fuissent confessio omnino confiteri deberent, cum sit de fide ex Tridentino sess. 14. cap. 5. & can. 9. omnia peccata quoad numerum, & speciem debere confiteri,) & hoc fundamentum fuerit à nobis supra ex Diuo Thoma, & Tridentino reprobatum: ideo puto verius, talia peccata esse confitenda; excusarem tamen à talium peccatorum confessione, in duplici casu: Primus est, quando quis cōfiteatur peccata prout illa commisit; ita quod si certa, vt certa; si dubia, vt dubia; si mortalia, vt mortalia; & si venialia, vt venialia; 2. quando ita illa confitetur, prout in scientia Dei sunt, vel alio simili modo; tunc enim temporis, non confitetur illa, vt dubia, nec quoad substantiam, speciem, & numerum, Confessarius tamen prudens,

ex modo quo confitetur sufficientem colligit esse confessionem, pro qualitate, & cōditione personarum, quod iudicium Confessarij, semper præsumi debet, nisi de opposito constet.

Inquiret secūdò, quomodo Confessarius moralem intelliget retractationem, à qua nō à physica, desumitur peccatorum numerica vnitas: pro huius difficultatis intelligentia aduerte, quod actus dupliciter retractari potest, physicè, & moraliter: v.g. cœna retractari potest physicè, cum quis ab ea surgit; siue animū habeat reuertendi, & continuandi illam, siue non; & moraliter ad quod non sufficit, quod ab ea surgat cum animo non reuertendi, & continuandi illam; sed etiam quod tale tempus intercedat, quod prudentis iudicio moralem ponat discontinuationē, quod tempus secundum aliquos est

vnus horæ spatium, quod nimis videtur; secundum alios dimidiæ horæ, vel quod verius videtur, vnus quadrantis; vel iudicio prudentis; & ratio est, quia vnitas moralis, moraliter considerari debet, sicut physica physicè; ergo sicut physica vnitas physicam requirit continuationem, ita moralis moralem, vnde sicut vnitas physica tollitur per physicas interruptiones, sic moralis per morales; & sic moralis vnitas per physicas tantum non tollitur interruptiones; sed per morales, quæ tempus morale requirunt assignatum. Per quā doctrinam facile possunt Confessarij se expedire maxime à scrupulosis, qui in actibus internis plures habent retractationes, & cum putent tot esse peccata, quot retractationes, multū detinent confessarios in illis recēsendis, infinitas referendo reflexiones &c.



Q V A E S T I O VI:

*Explicamur, quæ ad circumstantiam
quis pertinent:*

Circumstãtia *quis* est circumstantia personæ, quæ dupliciter solum, ordinē dicere potest, ad regulas morū, vel quia dicit specialem oppositionem inter actum, & personam, vt est actus incontinentiæ in religioso, vel alio castitatis votum habente, similiter vt est peccatum luxuriæ in vxorato cum alia &c. Item omnia peccata, vel ex malicia, vel contemptu; in persona maioris virtutis, sciëntiæ, dignitatis, &c. ratione quarum conditionum, magis dedecet peccare. Ob eandē rationem exercitium alienæ iurisdictionis talem affert oppositionem, vt cum laicus alterius vsurpat potestatem iudicando, sententiando &c. similiter cū vsurpat laicus Sacerdotis potestatem celebrando, sacramenta conficiendo, &c. hæc & alia huius generis cætera dicunt ordinem ad regulas morum ratione

specialis oppositionis inter actum, & personam.

Vel quia persona supra suā reflectitur conditionem, præferendo se, vel subiiciendo se alijs; qua ratione diximus supra disput. 2. q. 4. contritionem esse aliquo modo pro peccatis satisfactionem; & quomodo in satisfactione attendi debeat personæ subiectio, sicuti in offensa fuit contemptus. Sed quia hoc secundum communiter solum affert circumstantiam aggravantem, quam diximus non esse necessariò explicandam, sicuti est in primo casu quoad peccatum ex malitia, vel contemptu in persona maioris virtutis, sciëntiæ &c. nisi contemptus sit formalis, de quo suo loco, ideo solum restat aliqua adducere circa primū. Est ergo certum alienam vsurpantem iurisdictionem in materia graui debere hoc explicare in confessione, cum specia-

specialem contineat deformitatem, vel iniustitiæ, ut in laico respectu iurisdictionis laicalis; vel contra religionem, ut quando spiritualis iurisdictionis usurpatur. Est etiam certum uxorem debere suum statum Sacerdoti nescienti explicare, ut sciat illud peccatum esse adulterium, contra consortis ius. Est item certum habentem castitatis votum debere id ipsum explicare in peccato contra castitatem; tamen, quia de hoc speciales sunt difficultates, breuiter illas referemus, & soluemus.

Prima difficultas, an Sacerdos, vel religiosus professus, qui contra castitatis votum peccauit, debeat explicare, an votum quod habet sit simplex, vel solemne. Dependet præsentis difficultatis resolutio ex illa questione, quæ in materia de voto pertractatur an nimirum votum castitatis simplex, & solemne sint eiusdem speciei; illi qui volunt esse eiusdem speciei, ut Sanchez de matrim. to. 2. lib. 7. disput. 27. num. 27. & alij volunt id sufficere,

quæ sententia saltem per principia extrinseca est probabilis; illi vero qui volunt esse diuersæ speciei, ut Aragonius 2. 2. q. 88. art. 7. & D. Thomæ discipuli, probabilius negant id sufficere: sed de hoc suo loco.

Secunda difficultas, an habens votum castitatis peccet contra castitatem, si suadeat alteri, quod contra eandem peccet castitatem. Videtur mihi certum, quod habens votum castitatis, si suadeat peccatum contra castitatem alteri, non habenti tale votum, non peccare contra votum castitatis proprium; ratio est, quia qui votum vouit castitatis obligauit se ad seruandam castitatem, non vero se obligauit ut non inducat alios ad non peccandum contra castitatem; unde religiosus, qui suaderet sæculari ut concubinam adiret & cum ea peccaret, non teneretur in confessione proprium castitatis votum aperire. Videtur etiam mihi certum, quod si habens votum castitatis suadeat peccatum contra castitatem, illi, qui voto adstringitur

gitur castitatis, non teneatur votum illius explicare, ratio est, quia vt dixi non peccat talis suadens contra propriũ castitatis votum, quia meum votum me obligat, vt sim ego castus, non tamen per tale votum me obligauit ne suaderem alijs castitatis violationem, vel peccata contra castitatem; nec contra votum castitatis, alterius cum alterius votum me non afficiat. Tum quia, talis suasio non opponitur castitati, sed charitati cum sit peccatum scandalis; quod vt diximus in materia de scandalo, charitati opponitur, siue sit scandalum directè, cum alterius ruina intenditur; siue sit scandalum indirectè, quando scilicet quis positiuè neminem ad malum inducit, sed solum præuidet, alios ex suo dicto, vel facto ruinæ spiritualis occasionem sumpturos, in quibus scandalis cum charitati opponantur non est necesse nec personarum numerum, nec conditionem exprimere; sed solum scandalis peccatum faceris si ergo talis suasio non est peccatum contra castita-

tem, sed contra charitatem, vel contra misericordiã spirituales, non erit contra alterius votum, ac proinde religiosus suadens, vel consulens alteri religioso, vt violet castitatem, nec proprium, nec alterius violat votum, ac subinde satisfaciet; si sic confiteatur *peccaui contra charitatem fraternam, vel contra misericordiam spiritualem proximi, vel melius scandalizavi proximum meum in materia graui*. Hinc deducitur, quod si religiosus faciat se ipsam pollui ab alio religioso debet religiosus pollutus suum votum explicare, non religiosus polluentis, & religiosus polluens nec suum, nec polluti votum explicare tenetur, nisi & ipse sit pollutione passus, vel veneream delectationem. Ratio est ex dictis, quia religiosus polluens, nisi & se ipsum polluat, vel delectationem habeat, ratione puri instrumenti habet, ad quod ex vi voti non se obligauit, peccat tamen contra castitatem, quia alterius peccato contra eadem castitatē cooperatur, vnde sufficet si dicat,

dicat, *alium pollui*, & pollutionē passus satisfaciet dicendo, *alienis castibus fui pollutus*. Sed oppositum est suadendū.

Tertia difficultas, an sponsus, & sponsa carnaliter se commiscantes, vel alij cum iisdem, teneantur talem faceri circumstantiam. Tres sūt sententiæ probabiles; prima est affirmatiua. Hanc tenet Naldus in Sum. V. sponsalia nu. 12. & alij: secunda affirmat de sponsa, negat de spōso. Hanc tenet Villalobos post alios to. 1. tract. 9. dub. 36. num. 16. Tertia absolutē de omnibus negat. Hanc tenet post alios Megala in 1. part. lib. 5. cap. 11. q. 5. nu. 9. & ratio est, quia ratio spōsalium est solum circumstantiæ aggrauans, ac proinde non necessario confitenda, sed de hac re sermo reddibit suo loco.

Quarta difficultas est, an virgo quando prima vice peccat contra castitatem teneatur hanc circumstantiam in confessione aperire? Id volunt aliqui tam in masculo quam in femina. Alij id volunt in femina, non in Ma-

sculo. Alij in nullo: ita Sanchez de matrim. lib. 7. disput. 4. nu. 5. & alij plures, quos congerit Diana de *circūst. aggrauant.* resol. 11. quod à fortiori habet verum in delectationibus, & desiderijs internis: & sic, qui desiderat virginem non debet hanc circumstantiam fateri, nisi intēderet illius violentiam; ratio est, quia virgo est sui corporis domina, & sic, si semel ipsa cōsentiāt, non nisi simplex intercedit fornicatio.

Quinta difficultas, an cōfessarius, qui cū proprio peccauit Poenitēte teneatur hanc circumstantiam fateri? vera & communis resolutio est negatiua, cum hoc peccatum specialem non afferat malitiam ratione confessionis.

Sexta difficultas, an qui aliquod commisit peccatum cuius antea periculo se exposuit, teneatur periculi circumstantiam aperire? Respondet negatiuē Diana loco citato resol. 44. quando inter periculum, & peccatum moralis non intercessit interruptio, scilicet quando illa intercessit. Sed pro hac re melius intelli-

T t genda

genda nota, periculum esse duplex, formale, & probabile: formale tunc est quando quis certò credit se peccaturum; probabile tunc est, quando id non est certum, nec ut in plurimū cadit, sed est probabile quod cadet, & est probabile quod non cadet. Et de hoc probabili periculo dico, non esse peccatum illi se spontè exponere, cum unicuique liberum sit opinionem sequi probabilem. De formali vero periculo dico non licere illi se exponere alioqui amabit illud, iuxta illud *qui amat periculum, peribit in illo*. Sed de hoc magis alibi.

Septima difficultas, quot peccata committat religiosus, qui Prælati præceptum transgreditur. Respondetur cum Ledesma, Caietano, & Soto, quos refert Diana ubi supra resolut. 16. quod vnum tantum peccatum committat contra obedientiæ votum, & ratio est, quia præceptum tantum imponitur, in quātum id exigitur ad hoc ut votum suam explicet obligationem, unde non habet speciale malitiam, sed solum illam, quam

à voto participat, quod maxime habet verum in mea religione, ubi religiosus ex vi voti, nunquam sub mortali, Prælato obedire tenetur, nisi talis obligatio per præceptū sibi manifestetur; Tum quia materia præcepta, nec præceptum ipsum me obligaret, nisi talem obligandi vim à voto, quod ego emisi obediendi, mutuarer; unde licet præceptum transferat rem præceptam ad specialem virtutem, hæc tamen translatio ortum habet à voto, & materialiter importatur ab illo; Et sic, si Prælatus præciperet mihi ieiunium, & illud non facerem non committerem tria peccata, ut aliqui volunt, vnum contra votum, aliud contra præceptum, & tertium contra virtutem temperantiæ, ad quam materia præcepta fuit translata, sed vnum tantum, contra religionem, seu contra votum, quod tunc me obligat ratione talis materiæ sic præceptæ, & sic, & materia præcepta, & præceptum ipsum tunc temporis proprias non afferunt malitiās, cum solum assumantur in instrumenta.

decla-

declaratiua meæ obligationis, ex vi voti.

Sed dices cum Lugo supra nu. 172. cui oppositum magis placet, quod sicut religiosus per votum paupertatis promissit seruare iustitiam, non accipiendo ex rebus conuentus absque Prælati licentia, & si accipiat, & peccat contra votum, & contra iustitiam, & si præceptum accederet, contra idem præceptum peccaret; ergo similiter si transgredia-
tur ieiunium præceptum & peccabit contra temperantiã, & contra votum, & contra præceptum. Respondetur religiosum dum vouit paupertatem non se obligauit seruare iustitiam, sed ad non habendum alicuius rei dominiũ neque vsum independentem, & si, vsurpando bona Conuentus sine debita venia peccat contra iustitiam, ideo est, quia iam talis materia supponitur, non quia fiat per votum, vel per præceptum, & sic, in transgressione voti paupertatis duo intercedunt peccata, vnũ contra iustitiam, quod etiam antecederet ad omne votũ fuisset, aliud cõtra votũ, quod

quis sponte emisit. At vero in nostro casu talis nõ supponitur materia grauis, sed assumitur per præceptum, vt purum instrumentum, ad hoc, vt votum suum explicet obligationem.

Dices etiam, quia si Ecclesia præciperet tale ieiunium, transferret illud ad temperantiæ materiam; & sic, qui tale ieiunium non faceret, intemperantiæ peccati reus esset; ergo. Respondetur quod in casu, quo Ecclesia tale ieiunium præciperet, vnum solum peccatum committeret transgressor contra temperantiã, ad quam materia illa præcepta, per præceptum esset translata, non contra præceptum; nisi adesset præcepti, vel præcipientis contemptus: At in nostro casu talis intemperantiæ peccatum non adesset. Et ratio discriminis est, quia in casu nostro præceptũ, & res præcepta nõ inspiciuntur, nec assumuntur nisi vt media ad declarandum ex vi voti obligationem, quæ alias nulla esset; at in casu Ecclesiæ præcipientis ratione generalis subiectionis, non specialis,

non spontaneæ, talis adesset præcipiendi potestas. Non est tamen eadem ratio de transgrediente votum, quod iuramento confirmavit quia licet iuramentum factum Deo, dicatur rationem voti habere quoad potestatem dispensandi &c. nō tamen quoad proprias rationes formales, nam violatio voti est contra fidem Deo datam, violatio vero iuramenti est contra obligationem non adducendi Deum in testem falsi. Vnde qui violaret votum iuramento firmatum duplicis peccati reus esset: oppositum tamen sua non caret probabilitate, quando iuramentum religionis intuitu est emissum, de quo alibi.

Octava difficultas, an Eunuchus, vel frigidus fornicans teneatur illam circumstātiā explicare. Respondetur affirmatiuè, ratio est, quia illa circumstantia transferre videtur tale peccatum ad aliam speciem, nempe ad peccatum contra naturam, cum nulla in tali peccato esse possit generatio, & naturæ finis destruat, sed de hac materia ser-

mo redibit in tract. de mati.

Nona difficultas, an explicari debeat personæ peccantis dignitas? Respondetur negatiuè, nisi addit scandalum: ratio est, quia talis circumstātia est solum aggrauans, & sic non explicanda. Eadem resolutio est de Gubernatore, vel alio simili, qui tenetur ex iustitia furtum, v.g. impedire, si enim & ipse furetur non tenetur illam circumstātiā declarare, sed solum quando illa furta non impedit, ad hoc enim secundum, se obligauit ex vi officij ad primum autem nequaquam; sicut vineæ custos non tenetur sua furta cū tali circumstantia in cōfessione aperire, sicut tenetur quando aliorum furta non impedit. Eadem item resolutio est de Sacerdote percutiēte laicum, quod nimirum non teneatur dicere se esse Sacerdotem, est enim solum circumstantia aggrauans, non mutās speciem, cum talis perculsio non dicat specialem oppositionem cum virtute, ratione personæ.

Decima difficultas, an ille, qui ex ignorantia vincibili pecca-

paccavit, tenetur talem ignorantiam fateri, an vero sufficiat, quod tale peccatum fateatur, sine vlla ignorantiae mentione. Respondetur hoc secundum sufficere, est communis Theologorum sententia, quam post alios optimè defendit Sanchez in præcepta lib. 1. cap. 17. nu. 15. & lib. 2. cap. 7. num. 24. vbi contra aliquos probat hoc idem dicendum esse de ignorantia mysteriorum fidei. Ratio clara est, quia peccatum ex ignorantia, & ex certa scientia sunt eiusdem speciei, parum enim refert quod Missam non audias in die festo, ex certa scientia, vel ex malitia. Excipiuntur tamen aliqui casus. Primus est, quando ignorantia à censura excusat, tunc explicari debet, ut sciat Confessarius non adesse censuram. Secundus, quando ob ignorantiam exponitur periculo committendi peccata alterius speciei, ut cum quis fuit fornicatus, ignorans, an illa esset soluta, vel vxorata, vel castitatis voto adstricta. Aliqui addunt quando ignorantia esset affectata, sed hæc circumstan-

tia non videtur nouam afferre malitiam supra peccatum ex certa scientia factum, imò aliqui volunt adhuc esse maius peccatum, peccare ex certa scientia, quam ex ignorantia affectata, cum peius videatur violare præceptum notum, quam illud nolle scire, ut sine remorsu violetur.

Sed dices, quia qui res fidei ignorat ignorantia culpabili, quando cas scire tenetur, non peccat peccato infidelitatis; ergo peccatum ex ignorantia, & ex certa scientia non sunt eiusdem speciei. Antecedens patet, alioqui qui sic, res fidei ignoraret fieret infidelis, fidem amittendo quod non videtur dicendum: certè nimis durum videtur, quod illi, qui ignorantia vincibili res fidei nesciunt, sint infideles, vel hæretici, maxime cum hæc peccata pertinaciam requirant, quæ in tali ignorante non reperitur. Consequentia etiam patet, nam peccatum contra fidem ex certa scientia est peccatum infidelitatis, vel totalis, vel partialis, &c.

Respondetur distinguendo
Ante-

Antecedens, qui ignorat mysteria fidei, quæ scire tenetur non peccat peccato infidelitatis perfectæ, & consumatæ, & conceditur: non perfectæ, & non consumatæ, & negatur; fides autem non destruitur per quodlibet peccatum infidelitatis, sed per perfectū, & consumatum; cum enim fides sit assensus certus, & determinatus diuino innixus testimonio, quando hæc ratio formalis non destruitur, nunquam fides amittitur; hæc autem ratio formalis non destruitur, nisi per peccatum infidelitatis perfectū, quo quis positivè diuino non assentitur testimonio, sed de hac re suo loco.

Vndecima difficultas, an Poenitens habeat obligationem confitendi consuetudinem peccandi? Respondetur negativè: ita Bonacina, & alij plures apud Dianam supra resol. 15. nisi quando quis cognosceret consuetudinem fuisse proximam occasionem, vel periculum peccandi, & non peccasset, vt supra de periculo proximo dicebamus. & ratio est, quia

sicut nulla est obligatio confitendi periculum quādo hoc cum peccato coniungitur, sed sufficit confiteri peccatum; ita non est obligatio confitendi consuetudinem quando hæc cum peccato coniungitur, sed sufficit confiteri peccata, quibus confessis & ipsa consuetudo confessa censetur, secus quādo separata daretur, vt de periculo dicebatur. Difficultas esse potest, an teneatur quis curare auferre peccandi consuetudinē? conueniunt omnes obligationem esse tollendi consuetudinem peccandi ex aduertētia, sicuti est obligatio tollendi proximum peccandi periculum.

De consuetudine peccandi sine aduertentia est aliqua inter Theologos difficultas, aliqui namque absolutè id volunt, alij absolutè id negat, alij distinguunt de consuetudine committendi actus in deliberatos, qui adhuc malitiam conseruant obiectiuā vt est homicidium, pollutio, &c. & de istis dicunt esse obligationem tollendi hanc consuetudinem, & ratio est, quia

quia licet actus illi de facto non sint peccata ob indeliberationem, suam tamen obiectiuam retinent deformitatē, & sunt peccata mortalia materialiter, & secundum se, ac proinde tenetur unusquisque illa impedire; alioqui, qui observasset se in somnis, vel ebrietate solere homicidia committere, non haberet obligationem, nisi ut nō inebrietur, vel ut nō detineat arma prope lectum, ne aliquem occidat. Vel consuetudo est committendi actus indeliberatos, qui prout sic, malitiam non retinent obiectiuam, ut sunt contumeliae, blasphemiae, & iuramenta, & de illis dicunt nullum esse obligationem talem tollendi consuetudinem. Hanc sententiam tenet Sanchius apud Dianam supra resol. 55.

Mihi magis placet esse obligationem tollendi utramque consuetudinem, & ratio clara videtur, quia negari nō potest, quin tales blasphemiae sine rationis usu prolatae, licet obiectiuam non consequentur malitiam, maximam tamen afferrunt indecentiā; unde audientes non solū mirantur, verum etiam non benè audiunt, & horrescunt tales audire materiales blasphemias. An autem Poenitens teneatur respondere confessario interroganti de consuetudine peccandi? negat Sanchius ubi supra, quia obligaretur bis eadem cōfiteri peccata. Varius affirmant alij, quia cum confessarius sit iudex, ius habet petendi à penitente ea omnia, quae sibi necessaria videntur ad Poenitentis statum percipiendum.



Q V A E S T I O VII.

*De circumstantia Quid, & de pertinentibus
ad ipsam,*

AD circumstantiam quid
pertinent ea, quæ ad
personam, cum qua peccatur
pertinent, item quæ ex parte
rei volitæ se tenent; & effe-
ctus ex peccato sequutus, de
quibus aliquæ difficultates
proponuntur & soluentur, ex
quarum solutionibus collige-
tur, quid in alijs similibus di-
cendum sit.

Prima difficultas, an Pœ-
nitens debeat explicare pec-
catum consummatum, quando
illud consumauit, an vero
sufficiat cuiusque peccati ini-
tium in confessione deponere?
v.g. quis peccatum cõ-
misit fornicationis, an satis-
faciat dicendo peccaui gra-
uiter contra castitatem cum
soluta; quis vnâ ex se com-
mittit pollutionem, an satis-
faciat si dicat, tetigi me libi-
dinosè grauiter, seu in mate-
ria graui contra castitatem;
quis alium occidit, an satisfa-
ciat si dicat, læsi grauiter

proximum in vita, & sic de-
inceps. Ad quod respondeo
quod cum peccatum vt con-
summatum non addat supra se
ipsum nisi circumstâtiâ ag-
grauantem (non enim pec-
cati consummatio nouam ad-
dit supra se ipsum speciem,) &
circumstantia aggrauans in
sententia D. Thomæ, & nostra
non sit necessario in confes-
sione deponenda, sequitur,
quod quando quis sua confi-
tetur peccata, non teneatur
consumationis circumstâtiâ
confiteri; solum præ oculis
haberi debet ne species va-
rietur, tunc enim temporis,
vt ex se clarum est, non suffi-
ciat; & quia cūmunior Theo-
logorum sententia est, quod
tactus specie distinguantur à
copula perfecta, ideo si quis
fornicationem commisit, non
satisfaciet dicendo *tetigi im-
pudicè feminam*: similiter qui
se ipsum polluit non satisfa-
ciat dicendo *me ipsum impu-
dicè*

die tetigi, cum pollutio, & tactus specie, secundum veteriorum sententiam, determinentur; quando tamen actus principalis explicatur; explicari censentur secundarij, ob idque diximus supra non esse necesse fateri distinctè oscula, & tactus, qui copulā præcedunt, & subsequuntur. Hinc resoluens dubium quod communiter proponitur, an in sodomia peccato necesse sit explicare fuisse agētem, vel patientem. Lugo namque hic disput. 16. nu. 43. tenet debere illam circumstantiam explicari, quia ex parte vnius interuenit pollutio, non ex parte alterius. Diana vero de sacram. resol. 156. apud Lugū loco citato id negat; & ratio est duplex: prima, quia esse agentem, vel patientem in tali peccato est solum circumstantia aggrauans, in quantū quod vnus polluitur, & magis peccat, alter cooperatur, & minus peccat. Secunda, quia est Filliucij, Machadij, Caramuelis, & Mazuchelli, apud Dianam p. 7. tract. 10. resol. 8. sententia, quod omnia peccata cōtra naturam sint eius-

dem speciei infimæ de quo alibi. Idem dicendum est de sodomia cum foemina, quod nimirum non sit necesse hanc circumstantiam explicare, nisi vbi sodomia est reseruata, quia reseruatō de perfecta intelligitur sodomia, quæ non est inter personas diuersi sexus, vt omnes tradunt. Imò sodomia inter ipsas foeminas nō est peccatum reseruatum, nisi in casu quo femina, medio aliquo instrumento, seminat intra vas alterius, quod aliter fieri nō posse dicunt. Addunt aliqui non improbabiler, peccatum sodomia, quando reseruatur, nisi aliud exprimat, de solo agente intelligi debere, & quando seminat intra vas; vnde sodomia inter illos, qui nondum seminant vt sunt impubes, non est reseruata. Aduerte etiā quod P. Diana diligentissimus sententiarum perquisitor par. 3. tract. 4. resol. 101. docet in peccato sodomia nō esse necesse explicare gradum affinitatis, vel consanguinitatis, cum hi sint in ordine naturali, non contra naturam, quod etiam admittunt alij aliqui.

V u Vide

Vide eundem auctorem p. 7. tract. 12. resol. 23. ubi ex Mazzuchello docet in peccato sodomizæ non esse explicandam personam cum qua peccatur, sed satisfaciet dicendo *peccavi toties contra naturam*; & per hanc doctrinam liberavit Diana quendam vxoratum, qui verecundabatur fateri se ita, cum propria vxore peccasse. Imò volunt aliqui nõ esse necesse, quod vxoratus hanc circumstantiam explicet; cum ius vxoris non violet, nisi quãdo alterius tori est violator, & quando redditur impotens ad reddendum debitum &c. sed de his in tractatu de matrimonio, Deo dante, sermo redibit.

Secunda difficultas, an qui peccat contra aliquam materiam duplici præcepto præceptam, vel prohibitam, teneatur talem deponere, circumstantiam; quis v. g. non audiuit sacrum in die Dominico in quo incidit festus aliquis sancti, vel non ieiunauit in aliqua vigilia sancti aliquius in quadragesima, &c. Respondetur non esse talem obligationem, quando illa præ-

cepta ex eodem motiuo procedunt, vt in casibus dictis; nam sacri auditio est ex eodẽ religionis motiuo, & ieiuniũ ex eodem motiuo temperantiæ, &c.

Tertiã difficultas, an coniugatus quãdo cum alia peccat coniugata teneatur explicare in confessione vtriusque statum, similiter religiosus qui cum alio religioso peccauit teneatur id in confessione manifestare.

Respondetur quod nõ, sed sufficiat coniugato si dicat, commisi adulterium, nec est necesse, quod dicat coniugiũ suum, & complices; similiter religiosus, qui cum religioso, vel religioso peccauit, sufficit, quod suum exprimat peccatum absq; alterius status manifestatione. Et ratio clara est, quia vxoratus committens adulterium cum alterius vxore, si deberet hoc explicare, vel hoc ideo esset, quia esset duo adulteria, numero diuersa, vel speciei; nõ numero, quia secundum sententiã D. Thomæ, & nostram in eodẽ actu non possunt esse duo, vel plura accidẽtia solo numero distincta,

stincta, & sic eadem copula vxorati, cum vxorata, nequit duas adulterij malitias solo numero diuerfas habere.

Neque specie, quia adulteria illa, imò & omnia, vt talia, sunt eiusdem speciei; iniuria namque quam vxoratus suæ facit vxori adulterando, non est specie diuersa ab illa iniuria, quam adultera suo facit marito.

Respondet Lugo loco citato, nu. 258. re vera fundamentum duarum malitiarum solo numero distinctarum in eodem actu, nō esse sufficiens, seu conuincens, ad adstruendas duas illas malitias, & ad imponendam poenitenti obligationem deponendi vtriusque statum, sed dici debere illas duas malitias esse specie differentes, quia diuersa est obligatio; qua ego debeo esse castus, ab illa, qua ego debeo non esse alteri causa quod peccet contra castitatem; & sic diuersa est obligatio, qua vxoratus tenetur non lædere ius propriæ vxoris, ab illa, qua tenetur facere quod alter nō lædat ius alterius. Sed hæc doctrina semper mihi falsa

visa fuit, quia vt disput. i. huius tractatus docuimus vna, eademq; virtus, quæ me inclinat vt sim castus, inclinat etiā me, vt velim alios esse castos, eadem charitas, quæ me inclinat, vt Deum ex puro corde diligam, inclinat etiā me, vt id velim in alijs, eadem temperantia, quæ me inclinat vt sim temperatus, inclinat me, vt desiderem alios esse temperatos, alioqui deberet multiplicari virtutes; & sic deberet dari vna charitas, quæ me inclineret ad diligēdū Deum super omnia, & alia, quæ me inclineret ad id volendum in alijs, &c. Eadem ergo virtus, quæ inclinat primariō vxorātū ne ius propriæ violet vxoris, inclinat eundem secundariō, ne violet ius alterius: Si enim principium illud naturale: *quod tibi non vis fieri, est ratio a priori inclinans in illud, alteri ne faceris*, nec hoc secundum nouam affert difficultatem, pro qua superanda noua synderesis vis addi debeat; quare etiam illa inclinatio, qua vxoratus inclinatur in hoc, quod ius, quod in propriam habet vxorem non

violetur, non erit sufficiens, ad inclinandum, ne velit, quod non violentius alterius?

Quarta difficultas, an ille, qui se de aliquo peccato iactavit, vel se, vel alium de aliquo peccato laudavit, debeat peccatum, de quo se iactavit, vel laudavit explicare? de peccato iactantiæ procedit difficultas, nam laudare se, vel alium præcisè de dexteritate, de arte, de inuentione, de viribus, quæ in ipso peccato patrato manifestantur, licet sit quædam iactantia, non tamen est peccatum mortale. De sola ergo iactantia est difficultas, nam si simul cum iactantia etiam desiderium, vel complacentia reperiatur, certum in omnium sententia est, debere peccatum de quo talis habetur complacentia, vel desiderium manifestari, quando tamen complacentia esset efficax, quia quâdo non est efficax, est aliquorum sententia non debere explicari, saltem quoad omnes conditiones, quas habet illud peccatum à parte rei, vnde si quis simpliciter habeat complacentiam de co-

pula habita cum vxorata, dicunt non habere malitiam adulterij, sed simplicis fornicationis, vt dicitur de delectatione morosa, vt suo loco dicitur.

Sunt duæ sententiæ; prima est, quod tale peccatum de quo quis se iactavit debeat in confessione explicari. Hanc tenet Sanchez summa to. 1. lib. 1. cap. 3. num. 23. vbi citat Lopez, & Rodriguez, sed isti vt benè obseruat Diana de sacram. resol. 161. loquantur in casu, quo quis complacet sibi de peccato de quo se iactat.

Secunda sententia verior, & probabilior, quam tenet Diana supra, post Nauarrum, & Lugo supra, nu. 268. post Palaum, est quod sufficiat dicere *gloriatum sum*, vel me iactavi de peccato mortali, absque eo quod peccati speciem explicet, & ratio est, quia in peccato iactantiæ, peccatum illud de quo quis iactatur nõ terminat ratione sui, nec specificat iactantiam ratione sui, sed ratione gloriæ captandæ, ergo non est necesse peccatum illud de quo est iactantia manifestare.

nifestare. Antecedens patet nam iactator, dum se iactat laudem præendit, & ut laudem consequatur ex actione sua, assumit pro medio peccatum; ergo id quod terminat, seu quod specificat iactantiam, non est peccatum ipsū sed motiuum, nempe gloria, & laus, & sic, cum peccata specificentur à motiuo, non ab eo quod materialiter inspicitur, & motiuum gloriæ, & laudis possit desumi à peccatore ex omni peccato; sequitur, peccatum de quo quis iactatur, solum materialiter importari, ac proinde non debere ex necessitate explicari.

Hoc tamen intelligi debet quando iactantia aliam malitiam non affert, ut contingit quando quis iactando se de aliquo peccato, proximum infamaret manifestando v.g. complicem; vel quando grauis irreuerentia, vel iniuria sequeretur, ut cum quis iactatur publicè de cōtumalia, vel iniuria illata Principi, vel Prælato. Similiter quando scandalum non sequitur, nam si quis alium

laudet de peccato, scandalū facile oriri potest. Aduerte tamen iactantiam eandē habere malitiam, & esse peccatum eiusdem speciei, siue illud peccatum de quo est iactantia fuerit verè commissū, siue non, nec esse necesse hanc circumstantiam in confessione declarare. Item aduerte, quod id quod dictum est de alterius laude, intelligi debere, etiam de alterius vituperio, quia tam in laude quam in vituperio, non est peccati species explicanda, cum oppositorum sit eadem ratio, & disciplina.

Quinta difficultas, an cōsulens opus illicitum teneatur illud explicare. Respondetur affirmatiuè, & ratio est quia consilium duplicem habet malitiam, scandalī, cum proximum inducat ad peccatum, & malitiam contra illam virtutem contra quam consilium datur, cum directè illius virtutis transgressio suadeatur; sicut enim desiderium efficax à re desiderata specie desumit, ita consilium à re consulta. Quia tamen obseruari communiter Poenitentes

rentes solum, se accusare, de malo consilio dato, & confessarij etiam prudentissimi de hoc non sunt solliciti, dicerem non esse improbable, salvo meliori iudicio, non teneri consulentē fateri materiam, de qua consilium dedit, sed sufficere si dicatur *male cōsului in materia gravi*, imò & *peccaui peccato scandali*; cum enim consilium fraternæ opponatur correptioni, & peccatum scādali eidē fraternę correptioni, vel virtuti misericordiæ spiritualis, cuius actus est correptio opponatur, sequitur quod si cōsiliū aliā non affectat malitiā specificam, nō erit necesse peccatū illud de quo fuit consilium, deponere. Quod autem Consilium aliā non habeat malitiam quam scandali, patet, quia sicut in iactantia, peccati ratio attenditur ex motiuo gloriæ, vel laudis, non ab eo quod de materiali importatur, ita & in Consilio; consulens namque suo consilio; proximē ruinam sui proximi intendit, seu cōsulentis motiuum proximum, est sui proximi ruina, seu inducere, vel directē, vel

indirectē proximum suum in peccatum, quod consulitur, vel etiam secundum alios capere, medio consilio, prudentis conceptum, & estimationem, quia, tamen hæc ratio nisi directē intendatur, est solum circumstantia generalis, non est necessario in confessione deponenda. Similiter quod directē, vel indirectē, seu expressē, & minus expressē proximi ruina intendatur, peccati speciem non mutat, cum solum se habeant, vt peccatum consummatum, & non consummatum si ergo motiuum consilij non est motiuum virtutis contra quam peccatur, sed solum illud vt medium assumitur, vel instrumentum, vel vt materia inductionis, alioqui cōsiliū prauum, non esset in specie scādali; sequitur, quod consilium non habeat malitiā illius virtutis contra quam est peccatum, ad quod consulitur, ac proinde necesse non erit illud peccatum fateri, sed sufficiet dicere *consului peccatum graue*, nisi aliunde circumstantia alia adsit, vt odiū, inuidia, &c. vt si quis consu-

lat

lat homicidiū ex odio, quod habet illius cuius homicidiū consulitur.

Ad rationem in contrariū, quod nimirum consilium habeat malitiam contra illam virtutem contra quam consilium datur, dico id non esse verū; cum consilium non habeat pro motiuo oppositū illius virtutis formaliter, sed solum materialiter, & secundario; alioqui motiuum consilij, vt dictum est, non esset inductio directa, vel indirecta ad peccatum, nec esset consilium prauum in specie scādali, quod dici nequit. Hoc ex opposito explicari potest, nam in omnium sententia cōsulens castitatem, actum non facit castitatis, nec habet tale consilium bonitatem castitatis: consulens ieiunium, nō elicit actum temperantię, nec tale consilium bonitatem habet temperantię, nisi aliunde affectum habeat erga temperantiā; ita pariformiter ex hoc præcisē, quod quis consulit actum intemperantię, malitiam contrahit intemperantię, nisi aliunde tale con-

silium detur ex prauo affectu erga temperantiā, de quo nulla est controuersia.

Aliqui solent hic pertrahere, an sit necesse explicare in confessione voti diuersitatem, an vero sufficiat dicere peccaui contra votum, vel cōtra religionem, & idem inquirunt de iuramento, sed quia hæc difficultas propriam habet sedem in materia religionis, ideo puto esse prætermittendam; solum vnum aduerto esse valde probabile omnia vota, & omnia iuramēta esse eiūdem spei, prout præcisē vota continentur intra terminos voti, & iuramēta intra præcisos iuramenti terminos, ideo præscindendo à materia, sufficere dicere peccati contra votum. Disputant etiam aliqui hic, an sit necesse explicare species infidelitatis, nempe Iudaismum, Paganismum, & Hæresim, & Hæresis speciem; sed & hæc disputatio ad 2. 2. pertinet, vbi Deo dante pertastabitur, promodo dicere sufficiat tres illas species explicari debere, non tamen esse necesse specialem

cialem explicare heresim, sed *contra fidem*, vel habui assensum *hereticum*, dicere sufficiet *habui errorem*.

Q V A E S T I O VIII.

Alia de circumstantia quid explicantur.

Explicuimus quæstione præcedenti plura, quæ de circumstantia *quid* dicuntur præsertim de hijs, quæ ad materiam circa quam peccatur, pertinent, nunc restât aliqua explicanda de ijs quæ pertinent, vel se tenet ex parte personæ cum qua peccatur, vel contra quam peccatur, & licet regula tradatur generalis, quod tunc personæ circumstantia explicari debeat, quando nouam reſpondit malitiam specie distinctâ, tamen quia hoc in multis difficile explicatur, ideo ad aliquos casus particulares est descendendum.

Primus casus est, an si quis odio proprios habeat parâtes, debeat hanc circumstantiam explicare, an vero sufficiat, quod dicat, *odio habui proximum meum*. Respondetur de-

bere illam circumstantiam explicare, & ratio plana est, quia tale odium non solum est contra charitatem, verum etiam contra pietatem, qua filius tenetur non solum procurare bonum parentum, verum etiam bonum illorû desiderare, cui desiderio tale odium opponitur. Vnde omnia peccata filiorum imparâtes, hanc afferunt circumstantiam, quæ bonum parentum grauitè lædit; Vnde si filius parentes percutiat, occidat, inhonoret, tenetur illâ circumstantiam deponere: similiter si grauitè, proprijs, filijs, detrahat, parentibus; si illorum bona dilapidet, quando tamen talis dilapidatio tanta esset, quod in necessitate, & angustia ponerentur, secus si tenuis sit dilapidatio; & sic, tunc filij fami-

familias

miliæ tenentur in furtis parentum hanc fateri circumstantiam, quando furtum est adeo graue, quod non solum peccant contra iustitiam, verum etiam contra pietatem, quia scilicet ponitur pater in tali necessitate, à qua filius tenetur illum eripere. Hæc eadem circumstantia explicari debet à parentibus quando peccant in filios, licet materia grauior esse debeat, cum minor sit obligatio parentum in filios quam filiorum in parentes, idem fere dicendum est de peccatis mariti in uxorem, & e contra. An autem hæc obligatio extendatur ad fratres, puto extendi, sed non est ita facile peccare contra pietatem prout ad fratres extenditur, ac prout ad dictos. Ad alios gradus inferiores puto non extendi pietatem, ac proinde non esse necesse illam circumstantiam coniunctionis exprimere. Sed quia pietas non solum parentes respicit, verum etiam patriam, & patriæ patres, propterea si quis grauiter læderet patriam, vel patriæ patres, ut sunt principes, & gubernatores,

teneretur hanc circumstantiam in confessione deponere, hoc tamen intelligi debet de læsione patriæ, qua patria est, & parentum patriæ, qua tales sunt: peccata vero, quæ committuntur contra alios superiores tunc nouam afferunt malitiam in confessione necessario deponendam, quando eorum superioritas offenditur, secus quando illa peccata non tangunt superiores, qua tales sunt.

Secundus casus, an si quis delectetur interius de obiecto malo, debeat circumstantiam, vel circumstantias obiecti, quibus à parte rei circumstantionatur, declarare. Quis v. g. in die veneris delectatur de esu carnum, an sit tunc peccatum, & debeat hanc circumstantiam declarare. Religiosus delectatur de sumptibus, quos faceret, si esset sæcularis, in hac, vel in illa occasione. Quis delectatur de copula cum Berta uxore, an debeat fateri circumstantiam mulieris alienæ. Regula generalis imprimis est, quod quando delectatio non est de re mala, vel ratione,

fui, vel ratione conditionis appositæ, nullum est peccatûs unde si quis præcisè delectetur de usu carnum in die veneris, non peccat, ex eo quod præceptum de non comedendis carnibus, est de actuali usu, non de non delectando de illo: similiter religiosus, qui præcisè delectatur de sumptibus quos faceret, in illa, vel illa occasione non peccat, quia paupertatis votum ad illas, internas delectationes, non se extendit, sed solû quod omne à se abdicet dominium, & usum independentem: similiter non peccat, qui ratione conditionis appositæ, se ponit in tali statu, in quo talis res sibi licita esset; ut si quis religiosus se ponat mente in statu seculari, dicendo si essem sæcularis, vellem ducere uxorem, & de hac delectetur, sub illa cōditione, non peccat; quia tale obiectum sub illa conditione, non est illicitum. Si tamen diceret si essem sæcularis vellem tenere concubinam; vellem fornicari; occiderem illû; te percuterem, &c. tunc peccaret, quia illa conditio mu-

rationis status, non reddit obiectum licitum, sed illicitum relinquit; nisi fortè illius mēs esset, solum ostendere, quid faceret, si sæcularis esset, at-tenta propria inclinatione; eo namque casu non peccaret.

Si delectatio sit de re mala, vel est de re mala, quia prohibita, & de hac dicunt plures, quos retuli in prima secunde; quod non sit peccatum delectari de illa secundum se; vel est de re mala secundum se, & hæc certissimè est peccatû, ut cum quis delectatur de fornicatione, de homicidio, de furto, &c. Difficultas solû est, an tota obiecti malitia redundet in actum, an solum illa, de qua ipsa procedit delectatio. Exempli gratia, quis delectatur de uxore alterius, an talis delectatio, solam habeat fornicationis malitiam, an etiam adulterij.

Prima sententia est, quod tota obiecti malitia in actum delectationis redundet, & sic delectatio de uxore alterius habet malitiam, & fornicationis, & adulterij, & sic utraque malitia est in confessione deponenda. Hanc sequitur Lugo

Lugo, hic nu. 383. & alij plures.

Nostra sententia sequenti explicatur conclusione. *Delectatio de obiecto male, non habet totam obiecti malitiam, sed illam solam de qua est delectatio; unde qui delectatur de copula uxorata, nisi delectetur etiam qua uxorata est, solum malitiam habet fornicationis, & sic necesse non erit dicere in confessione statum obiecti, de quo talis fuit delectatio, sed sufficit dicere delectatus sum de fornicatione.* Hanc sententiā sequitur Vasquez 1.2. disput. 121. & 112. Reginaldus, Sacyrus, & alij, quos refert, & sequitur Diana de circumst. aggravant. resol. 48. & part. 3. tract. 3. Miscel. resol. 34. & tractat. de sacram. resol. 67. Pro huius conclusionis intelligentia nota: actus voluntatis in duplici esse differentia, alij namque sunt efficaces, qui ut tales respiciunt executionem, & sunt desiderium, & omnes volitiones efficaces, quæ quantum est de se, obiecti respiciunt consequutionem; alij sunt inefficaces, & sunt simplices rei affectus, circa obiecti

consequutionem. Est autem differentia inter istos actus, quod illi, qui efficaces sunt, suam speciem sumunt ab obiecto, sic à parte rei circumstantionato; cum enim efficaces sint, obiectum habent respicere, seu in obiectum habent tendere prout est sic à parte rei circumstantionatum, ac proinde obiectum totam quam habet malitiam, in actum refundit; at vero actus inefficaces, seu simplicis complacentiæ, non respiciunt obiectum secundum omnia, quæ habet à parte rei, sed solum secundum illam rationem, qua habet simplicem illam complacentiam mouere, excitare, & terminare; unde si quis complaceat de alterius vxore, licet in hoc obiecto, de quo est complacentia sit ratio delectationis contra castitatem, & alterius iniuria; complacentia tamen non est de iniuria, sed de delectatione, & sic cum sola delectatio excitet complacentiam, sola etiam terminabit, & subinde specificabit, & ratio iniuriæ per accidens, & materialiter se habebit.

XX 2 Hoc

Hoc posito probat Vasquez nostram conclusionem, quia delectatio morosa non specificatur ab objecto, sed à virtute cui opponitur, per oppositum, desiderium efficax ab objecto specificatur, ergo objectum suam refundit malitiam in desiderium, non in delectationem. Antecedens videtur supponere Vasquez. Consequentia patet, nā virtus cui apponitur delectatio de coniugata, non est iustitia, sed castitas, ac proinde hæc sola suam refundit malitiam; secus respectu desiderij efficacis.

Sed hanc rationem fusè impugnauit in p. 2. in tract. de delectatione morosa. Nam vt rectè docet D. Thomas p. 2. q. 18. art. 2. & q. 19. art. 1. & 2. & q. 24. ar. 4. & q. 72. ar. 1. & 2. & q. 74. art. 8. & alibi frequenter, omnis actus speciem sumit ab objecto, est enim hoc commune Theologorū, & Philosophorum pronūciatum. Tum quia, omnis voluntatis actus, siue efficax sit, siue inefficax, est tendentia in objectum; ergo ab objecto specificari debet. Tum etiā, quia

ab eo actus specificatur, à quo malitiam sumit; atqui sumit malitiam ab objecto, ergo ab illo specificatur; in tantum namque actus alicui opponitur virtuti, in quantum tendit in objectum malum tali virtuti oppositum. Tum denique, quia idem est actum specificari per oppositionem ad virtutem, ac specificari per ordinem ad objectum; cum enim actus virtuti non opponatur, nisi media materia, vel objecto circa quod talis actus versatur, sequitur, quod idem erit actum specificari à virtute, & ab objecto; vnde qui obscenè delectatur, in tantum hæc delectatio castitatis virtuti opponitur, in quantum talis materia delectationis, castitati opponitur.

Vera ergo nostræ conclusionis ratio desumitur ex notabili posito, quod nimirum quando voluntatis actus est inefficax, non tendit in objectum secundum totum quod est à parte rei, sed solum secundum quod mouet, quod excitat delectationem, atqui id quod excitat delectationē in delectatione copulæ, non est

est quod illa persona sit vxorata, seu nō est alterius, nempe mariti illius, iniuria, sed solum explere libidinem; idē dic quando quis delectatur de Moniali, de matre, de sorore, &c.

Tertius casus, an in iudicio temerario necesse sit explicare personā de qua tale fuit iudicium. Respondetur negatiuē, vnde sufficit dicere habui tot iudicia temeraria de proximo meo, absque eo quod proximus nominetur; imō neque est necesse explicare iudicij materiam, vt iudicaui furem, adulterum, &c. quia in *teriori* sententia omnia iudicia temeraria sunt eiufdem speciei moralis, licet specie physica determinentur; cum enim iudicium temerarium sit contra iustitiam commutatiuam, prohibentem ne lædam famam proximi mei, nec internē per iudicium, nec externē per detractionem, & cōtumeliam, sequitur omnia iudicia esse eiufdem speciei, sicut & omnes detractiones, & omnes contumelie.

Quartus casus, an sit necesse explicare effectum ex

peccato subsequutum. Quis v.g. percussit aliquem grauiter, & postea dolens, vel confitens suum retractat peccatum, postquam retractationē mors percussi sequitur, an iste teneatur postea talem percussi mortē fateri? Quis præbuit alicui venenum, & statim de tali dolet peccato, vel confitetur illud, & cum non possit mortem impedire post aliquod tempus sequitur, an ille teneatur hoc homicidium confiteri?

Sunt duæ sententiæ extreme: prima sententia est, quod sit necesse talem effectum sequutum in confessione deponere. Hanc sententiam sequitur Sanchez de lib. 9. de mal. disput. 4. §. 30. & alij quos affert Lugo disput. 16. n. 439.

Nostra sententia sequenti explicatur conclusio. *Nulla est obligatio confiteri dictum effectum subsequutum.* Hæc est communis Theologorum sententia, quam defendunt communiter Expositores D. Thomæ 1. 2. q. 71. art. 5. videatur M. Curiel ibidem dub. 3. §. 3. Bonacina de legibus disp. 2. quæst. 4. puncto 4. num. 8. & alij

alij quos affert, & sequitur *Diana de circumst. aggravant. resol. 64. & de sacram. resol. 67.* Communis nostrae conclusionis ratio est, quia obligatio quam habent fideles ex Tridentino sess. 14. cap. 5. & can. 7. est confitendi peccata, sed effectus ex peccato sequutus non est peccatum, sed peccati effectus; ergo nulla est obligatio confitendi peccati effectum sequutum.

Confirmatur primò hæc ratio, quia posita peccati retractatione, effectus peccati non sequitur ex peccato, moraliter, sed physicè, & naturaliter; ergo nulla est obligatio talem effectum confitendi. Antecedens patet, nam si posita peccati retractatione adhuc effectus moraliter sequeretur, plura sequerentur absurda. Primū quod tale peccatum non esset retractatum. Secundū quod si ille, qui causam dedit illius effectus moreretur, deberet ex necessitate damnari, suppono enim quod talis effectus post illius mortem sequatur; si enim tale peccatum, vel talis effectus confiteri debet, quia homo

tunc peccat quando effectus ille sequitur, si iste sequatur post mortem, post illam damnari deberet, vnde si iste esset in Purgatorio, vel etiam in cælo ad inferos trāsire deberet, quod est absurdum. Tertiò sequeretur, quod quis gratiam amitteret, sine libertatis usu, v.g. in somnis, vel in ebrietate, vt si quis in vigilia pollutionis causam dedisset, & statim retractans dormiat, vel inuoluntariè inebrietur, & tūc pollutio sequatur, gratiam amitteret, &c. alia huius generis sexcenta sequerentur absurda.

Confirmatur secundò ratio illa, quia illud est confessionis materia, quod est materia contritionis; sed effectus ex peccato sequutus nō est materia contritionis; ergo neque confessionis. Maior patet ex Tridentino, nam contritio non aliter peccata remittit, nisi quatenus votum retinet confessionis. Minor probatur; nam vbi non est ratio peccati, ibi nulla est contritionis materia, sed in effectū ex peccato sequuto nulla est ratio peccati; ergo
neque

neque est confessionis materia. Minor est certa, alioqui effectus ex peccato sequutus, non esset effectus peccati, sed peccatum, quod est contra suppositum.

Adde, quod etiam si voluntas præterita peccati, non esset retractata adhuc effectus sequutus non esset necessario confitendus. Primò quia quantumvis voluntas praua non sit retractata, non tamen ob hoc sequitur obligatio confitendi effectum ex peccato sequutum, sed solù peccatum ipsum. Secundò quia non est necesse confiteri peccatum vt consumatum, vt supra dicebamus; ergo neque necesse erit peccati effectum fateri, cum hoc nec sit peccatum, nec circumstantia illius. Vnde patet manifesta differètia inter effectum subsequutum, & actum externum, nam actus externus re vera est peccatum, cum peccatum definiatur *dictum, factum, & concupisum contra legem Dei*, at vero effectus subsequutus, quando est purè talis, non est peccatum, sed effectus peccati: dixi quando

est purè talis, quia quando habet rationem facti, vt in homicidio, quando quis aliquem occidit, tunc debet confiteri, quando vero, habet rationem effectus, vt quando ex vi alterius sequitur actionis, vt ex datione veneni, præsertim voluntate retractata confiteri non debet, ex necessitate.

Sed inquireret hic aliquis, an si tali peccato ratione effectus subsequuti imposita esset censura, vel reseruatio, incideret ille talis in talem censuram, vel reseruationem? vt si quis venenum clerico præbuisset, incideret postea in excommunicationem ratione homicidij clerici: vel si homicidium esset reseruatum, deberet postea effectus subsequutus confiteri ratione reseruationis tollendæ, Affirmat Lugo nu. 445. & est sententia probabilis quoad censuram, quia tunc temporis incurreretur, nō ratione peccati quod tūc sit, sed ratione peccati præsuppositi; vnde secundum istam sententiam potest quis in gratia existens contrahere non solum irregularitatem

tem, ratione homicidij sequuti, verum etiam excommunicationem, & tenebitur iste superiorem adire, non ratione peccati, sed ratione censuræ. Sed mihi verior videtur sententia opposita quæ sequitur Henriquez, Fagundes, Mazachellus, & alij quos refert, & sequitur Diana p. 8. tract. 7. resol. 85. vbi casus speciales de excommunicatione ponit, Primus, si sit lata excommunicatio contra homicidium committentes, qui propinavit venenum, & ante mortem illius resipi-

scit, excommunicationem postea non contrahit. Secundus si quis litteras scribat excommunicato vitando, & resipiscat, postquam illas nuncio consignauit, si postea adhibeat diligentiam ad illas recuperandas, etiam si postea non recuperet, excommunicationem minorem non contrahit, ob participationem cum excommunicato vitando. Idem dicit de procurante abortum, de præbente venenum clerico, de scribente litteras monialibus, quando sub tali cœsura prohiberetur.

Q V A E S T I O IX.

De circumstantia vbi, & alijs connexis.

Circumstantia vbi est circumstantia loci, nullus autem locus vel primam peccati speciem tribuit, vel nouam super addit, nisi sacer sit vnde licet occidere aliquem in loco sæculari, licet immuni, vt est domus principis, vel alterius sic priuilegiati, vt alicubi obseruauit, quod aliqui Comites, vel Marchiones, ex

Regis, vel Imperatoris priuilegio habent proprias domos vt confugientium asyla, possit esse circumstantia, peccatum, modo aliquo, aggravans, non tamen mutans speciem. Solus ergo locus sacer id habet, qui aliquando primam tribuit speciem, quando scilicet alias, actus bonus esset, vt est actus iudicialis
exer-

exercitium, reorum extractio, copula coniugulis &c. Aliquando nouam addit specie vt est voluntaria seminis effusio, quæ sit peccatum mortale, magna sanguinis effusio, quæ sit peccatū mortale, percussio grauis cum sanguinis effusione, homicidium, & furtum, de quibus aliqua breuiter dicentur; relictis ijs, quæ Ecclesiam habent pollueri, quia de hijs iam satis dictum est in tract de sacrosācto Misæ sacrificio disput. 3. quæst. 3. aliqua tamen breuiter tangētur de locorum sacrorum immunitate.

Quæres ergo primò, an quando pollutio, vel copula illicita, sunt occulta, & Ecclesia tunc non polluitur, vt communis tenet sententia, & nos citato loco docuimus, cōtrahant illa peccata malitiā sacrilegij in confessione manifestandam. Negat Vasquez in 1. 2. to. 1. disput. 98. cap. 3. nu. 6. Basilius Pontius de matrim. lib. 10. cap. 10. num. 15. & alij apud ipsos. Verior tamen sententia affirmat, quam tenet Raphael de la Torre 2. 2. q. 99. art. 1. disput. 7. San-

chez de matrim. tom. 3. lib. 9. disput. 15. num. 11. Bonacina de matrim. 4. puncto vltim. nu. 7. & alij apud ipsos. Et ratio est, quia si ille actus nō esset sacrilegus, si postea publicaretur, Ecclesia non pollueretur, & tamen si publicetur, Ecclesia polluitur: implicat autem, quod per publicationem actus, qui à principio sacrilegus non erat, sacrilegus fiat.

Quæres secūdò, an tactus, aspectus lasciuui, verba turpia &c. si fiant in Ecclesia specialem sacrilegij malitiā contrahant ex loco sacro. Antoninus Diana de circumst. aggrauant. resol. 23. tres refert sententias. Prima affirmat de omnibus, secunda negat de omnibus, tertia admittit de tactibus magis impudicis, & turpibus, vt partium pudendarum, negat de leuioribus. Ego existimo esse distinctione vtendum, vel enim loquimur de malitia sacrilegij, quæ præcisè oritur ex positiuo Ecclesiæ iure, & tunc secunda sententia est vera, cum ius Ecclesiæ, ad solam copulam, & pollutionem voluntariam

se extendat, vel certè loquimur de sacrilegij malitia, quam habent illa peccata ex rei natura, quæ tenemur loca sacra reuereri: & tunc dico omnia illa aliquam habere sacrilegij malitiam: quis negabit graue non committere sacrilegium ille, qui supra Altare Idolum poneret, & thus adhiberet? Benè verum est, non omnia peccata hanc habere specialem malitiam, sed illa sola, quæ specialem afferunt oppositionem, inter actû, & locum, vt sunt præsertim actus inhonesti; & quæ aliquâ afferunt supra loci dignitatē, reflexionem; neque semper est peccatum graue tale sacrilegium, sed vt in pluribus veniale, nisi illa oppositio inter actum, & locum, & illa reflexio supra loci dignitatē, moraliter grauem afferat deformitatem, quod ex prudentis iudicio, & communi hominum sensu est desumendū.

Quæres tertio quo casu furtum, malitiam contrahat sacrilegij in cōfessione deponendam? Respondetur tunc talem sacrilegij circumstantiā contrahi, quādo quis res Ec-

clesiæ furatur, vel ibi depositas, vel ad custodiam datas, quando rerum custodia ad ipsam pertinet Ecclesiā; similiter si furentur res, Ecclesiæ accommodatæ, ad illius ornatum, & cultum, secus si quis in Ecclesia, alterius furetur crumenam; cum tunc solum locus sacer materialiter se habeat respectu illius, item si aliquis furetur calicē consecratum, qui sit Ecclesiæ, etiam si extra Ecclesiā existat; secus si non sit Ecclesiæ, licet sit consecratus, cum id in iure non caueatur. Vnde traditur regula à Ioanne Papa Octauo in cap. *Quisquis inuentus* 17. q. 4, quod sacrilegium committatur *auferendo sacrum de sacro, vel non sacrum de sacro, vel sacrum de non sacro*; idest auferendo res sacras de loco sacro, res non sacras (Ecclesiæ custodia deputatas vt omnes glossant) de loco sacro; vel sacrum quod sit Ecclesiæ, de non sacro, vt notat Lellius Zecca de Pœnit. cap. 11. & alij.

Hoc tamen intelligi debet de malitia sacrilegij, quæ ex iuris humani transgressione desu-

desumitur; nam si loquamur de illa, quæ desumitur ex ipsa rei natura, negari non potest, quin sacrilegium intercedat, ut enim rectè docet D. Thomas 2.2.q.99. art. 3. tres sunt sacrilegij species, nempe circa personas sacras, circa locū sacrum, & circa res sacras, ob idque qui res sacras in loco sacro furatur duarum sacrilegij malitiarum est reus, quia & loco, & re sacra abutitur.

Queres quartò quid de Ecclesiæ immunitate sit dicendum? Ad Ecclesiæ reuerentiam pertinet quod taliter immunis sit, quod ad eam confugientes, tanquam ad domum Dei tuti sint, & inde inuiti non extrahantur; si enim in lege Moysei erant ciuitates refugiorum, ad quas homicidæ, & alij malefactores confugientes, tuti erant, ut constat Num. 35. Deuteron. 19. Exo. 2. quare id in lege uoua, loca aliqua refugij esse non debent! Et si, ut tradit Pausanias, id seruabant Corinthij de templo Deæ Hebræ: & de Apollinis templo, ut tradit Virgilius Aeneadam 4. quare id fieri non debet de no-

stris templis Deo vero dicatis? & si apud Ethnicos Asyla erant ad quæ rei confugiebant, ut tradit D. Aug. 1. de ciuitate cap. 24. Liuius lib. 1. cap. 36. Halicarnaseus lib. 2. Strabo lib. 5. & alij, quod etiā statuit Ageselaus pro secta Græcorum, ut notauit Aemilius Probus in Ageselao; quare esse non debebant etiā pro Christianis Asyla? Merito ergo Ecclesia statuit, quod Ecclesiæ essent reorum Asyla, ad quæ confugientes, inuiti extrahi non possint, ut statuitur cap. *proferatim*. cap. *Mirror*. cap. *reum*. cap. *constituit*, & cap. *frater* 17. q. 4. & cap. *inter alia*, cap. *fin. de immunit. Eccles.* & L. præsentis C. *de his, qui ad Ecclesias*: ubi statuitur quod violare Ecclesiæ immunitatem sit crimen læsæ maiestatis. Et cap. *frater*. cap. *nul.* cap. *si quis*. cap. *definiuit* 17. q. 4. huius violator immunitatis, omnium ingressu priuatur Ecclesiarum, & excommunicatur, quas poenas innoauit & firmavit Greg. XIII. constitut. 7.

Ecclesiastica hac immunitate gaudent omnes Ecclesiæ

Yy 2 etiam

etiã non consecratæ, sed solum benediçtæ, etiã si adhuc ibi non sit celebratum, imò etiã interdictæ, gaudēt Capellæ, & Oratoria Episcopi auctoritate fundata, quæ habent portam publicam, & campanille, gaudent Monasteria, & septa regulariũ arg. cap. *cum pro causa de sent. ex. com.* Ecclesia matrix hac gaudet immunitate per 40. passus circa eam, & aliæ Ecclesiæ per 30. cap. *sicut antiquitus* 17. q. 4. passus continet tres pedes L. 3. ff. *de verborum signif.* licet hoc, consuetudo non admittat, maximè intra muros ciuitatis ob loci angustiam, cap. *quisquis* 17. q. 4. Vbi Archid. Hac immunitate gaudent cœmeteria siue cōtigua Ecclesiæ, siue separata dicto cap. *quisquis*. Item domus Episcopi, cap. *constituimus* 17. q. 4. Imò etiã palatia Eminētiss. Cardinaliũ extra Urbem Romæ, vt obseruat Diana tom. 1. tract. 1. resol. 37. similiter domus Canonicorum, & Clericorum prope Ecclesiam, quæ vocatur *Canonica*: eadem gaudent immunitate. Hospitalia etiã

Episcopi auctoritate fundata.

Gaudent autem hac immunitate omnes personæ deptis illis, quæ in Gregoriana constitutione excipiuntur, qui sunt hæretici, vel de hæresi suspecti; Iudæi, & qui post conuersionē apostatauerunt; item publici latrones, viarumque grassatores, agrorũ depopulatores: homicidia in Ecclesijs, & cœmeterijs perpetrantes, qui proditoriè aliquem occiderunt, assassini, nimirum qui pecunia, vel alia re pretio extimabili aliquem occidunt, & qui committunt crimen læsæ maiestatis in ipsius Principis personã, & nõ aliter. Et licet aliqui velint id intelligi solum de Principe superiorem non recognoscẽte, id tamen non videtur verum, cum constitutio id non limitet, sed absolutè loquatur.

Sed quæres primò, & est casus de quo alias interrogatus fui, an reus qui confugit ad Ecclesiam, & ab ea exiit ad debita naturæ soluenda, & tunc fuit à satellitibus captus, gaudeat Ecclesiastica immunitate. Respondetur affirmative

matuè dummodo ad alienas ædes nō accedat cap. *defininit* 7. q. 4. Lellius Zecca trac. de Missa cap. 9. *S. declaratur verò pradiſta*. Et ratio est, quia qui exit ob naturæ necessitates, nō censetur se absentare, alioqui immunitatis priuilegium, vel parum, vel nihil concederet, cum non sit conueniens tales naturæ necessitates in Ecclesia deponere.

Quæres secundò, an Ecclesiæ rector possit concedere iudici sæculari veniam extrahendi reum ab Ecclesia. Respondetur negatiuè in ordine ad cognoscendum de crimine, hoc enim pertinet ad episcopum, etiam si constaret notariè talē reum immunitate Ecclesiæ non gaudere, posset tamen Ecclesiæ rector talem facultatē iudici concedere, accepta idonea cautione, quod de illo delicto reus non punietur, sed liber relinquetur, sed hoc ad nihil deseruit.

Quæres tertio an regulares apostatæ, Ecclesiæ gaudeant immunitate. Negat Peregrinus, de immunitate cap. 12. num. 16. affirmant

Duardus in Bullam eęnæ lib. 2. cap. 13. q. 16. nu. 15. & alij; sed distinctione vtendū est, quod nimirum non gaudeant tali immunitate in proprijs Ecclesijs, vel monasterijs eiusdem religionis, bonè tamen in alijs Ex quo deducet alterius resolutionē difficultatis, an nimirum religiosi hac gaudeant immunitate ita quod si ad Ecclesias confugiant non possint à proprijs extrahi superioribus, patet namque non gaudere in proprijs Ecclesijs, vel monasterijs, bonè autem in alijs, alioqui numquam possent in carcerem à suis trudi prælatis, cum semper sint in monasterio, vel Ecclesia, quod est absurdum. Idem dicunt aliqui de clericis, alioqui parochi delinquentes non possēt ab Episcopo in carcerē trudi.

Quæres quarto an qui Sacerdotem tangit deferentem Eucharistiam ad infirmum, vel ingredientem cubiculum vbi infirmus est communicandus hac gaudeat immunitate; Respondetur affirmatiuè; est communis, quoad tangentem Sacerdotem Eucharistiā deferentem.

ferentem, & est valde probabilis quoad intrantem cubiculum vbi infirmus communicatur, videatur Diana p. p. tract. 1. resol. 28. Addunt aliqui hac gaudere immunitate, qui dum persequitur à Satellitibus Cardinaliū curum tangit.

Quæres quintò, an excommunicatio, quam contrahūt hanc violantes immunitatem tolli possit ab Episcopo, an vero sit Pontifici reservata. Respōdetur ab Episcopo tolli posse, ita docent plures quos longa manu refert Diana loco citato resol. 41.

QVÆSTIO X.

Reliquæ breuiter recensentur circumstantiæ.

Circa circumstantiam *quibus auxilijs*, est notandum illam explicari debere quando nouam affert malitiam, vt cum quis alicuius viri, vel mulieris vtitur industria, ad sollicitandam mulierem, est enim ibi saltem scādali malitia, nisi aliunde parati essent. Huc pertinet, quod notat Lopez 1. p. cap. 34. cū Princeps fidelis vtitur opera Principis infidelis, vel hæreticorum, contra Principem catholicum in bello: quod ego concederem si iste Princeps bellum foueat iniustum, & alterum iniuste deprimat, vel inuadat; tunc enim tem-

poris, si Princeps inuasus nō potest se ab opprēssione tueri, nisi auxilio vtatur infidelium poterit id facere; secus si bellum esset iustum, vt docet Syl. V. bellum.

Huc etiā pertinet difficultas de complice reuelando, de quo, quoad Pœnitentiæ sacramentum dictum est supra, quoad complicem propalandum iudici interroganti; pro modo dico, quod reus non tenetur complicem iudici interroganti propalare, quando occultus est, si scit eū esse emendaturum, vel Dei intuitu, vel fraterna posita correptione, vbi autem nulla adesset

ad esset emendationis spes & aliunde alteri graue damnum sequeretur, posset propalari, nisi illi vitæ periculum immineret, quia vitæ bonum, bonis alijs est præponendum, *argu. cap. officij de pen.*

Circa circumstantia *cur* aduertè, tunc esse in confessione manifestandam, quando affert finis malitiam, vt si quis furetur, vt fornicetur, cōfiteatur vt confessarij mar-supium suffuretur, si vadat ad Ecclesiam, vt amasiam libidinosè inspiciat, & turpiter adamet, si vero finis aliam non habeat malitiam quam medij, vel omissionis non est necesse finis circumstantiam fateri, vt si quis furetur vt libros emat, & studeat, sacrū omittat, vt studeat, vt enim diximus in p. 2. sufficit tunc temporis omissionem, vel factum malum fateri, relicta causa illius, quādo causa propria non habet malitiam.

Ad circumstantiam *quomodo*, pertinet modus violentiæ, vt in furto, & tunc transfertur ad rapinam, & sic illa violentiæ circumstantia est confitenda, etiam in virginis raptu, &

alijs similibus. Ad hanc circumstantiam pertinet modus peccandi ex consuetudine de quo supra: pertinet modus peccandi ex ignorantia, de quo similiter supra diximus, non esse necesse ignorantiam explicare, nisi ad declarandā excommunicationem incursum, vel non incursum: pertinet modus peccandi ex cōscientia erronea, de quo diximus in p. 2. non esse modū necessario confitendum, cum peccatum ex conscientia erronea, & ex certa scientia sint eiusdem speciei. Et Idē sit relinquere sacrum in die festo, & in die feriali, quando quis putat esse diem festū, & nihilominus illud reliquit. Pertinet etiam ad hanc circumstantiam modus ipse peccandi: vt situs variatio vase scidato in copula, siue licita, siue illicita, sed de hoc intratatu de Matrim. Dubium mouet Diana de sacram. resol. 67. an qui fornicatur cū reliquijs collo appensis. debeat hanc circumstantiam fateri, & resoluit quod non, quia licet sit aliqua irreuerentia sanctis illata, tale committere

tere peccatum, cum eorum reliquijs collo appensis, non videtur tamen irreuerentia grauis, nisi eo animo fieret. De circumstantia *Quando*, nihil notandum occurrit, cum non sit per se loquendo nisi

circumstantia aggrauans, vt si quis peccauit in die veneris sancti, non tenetur hanc circumstantiam fateri, cum solum notabiliter aggrauet, non speciem mutet.

Q V A E S T I O X I.

Quibus in casibus sit peccatorum confessio reiteranda.

PLures communiter assignantur casus reiterandæ confessionis, qui tamen omnes ad duo capita reduci possunt, nimirum ob defectum ortum ex parte Confessarij, & ob defectum ortum ex parte Pœnitentis. Ob defectum quidem Confessarij, vt si absoluit sine iurisdictione, ob quod absolutio est nulla, vt disput. sequenti dicitur; vel si habuit quidem iurisdictionem, sed censura impeditam, vt si sit publicus clerici percussor, qui nulla tergiuersatione possit suum crimen celare, vel nominatim excôcommunicatus denunciatus: si formam absolutionis substantialiter vitiauit;

si intentionem absoluendi nō habuit; vel peccatum nullum audiuit. Dixi nullum, quia si aliqua mortalia non intellexit, ob surditatem, vel somnū, vel distractionem, confessio valida fuit; si hoc factum sit, bona Pœnitentis fide, sed sufficiet repetere peccatū, quod Confessarius non audiuit, vel illa de quibus dubitatur, & si dubitatio de omnibus esset peccatis, omnia repeti deberent. Quod si mala Pœnitentis fide id factum sit, vt faciūt adolescentes, qui surdos quærent Confessarios, quibus sua exponant peccata, tota cōfessio repetenda est, cū vt patet, sit nulla, secus si bona fide fiat.

Aliqui

Aliqui tamen non impro-
babiliter volunt, quod si poe-
nitens mala fide aliquam fe-
cit confessionem inualidam,
si postea malę fidei obliuiscat-
ur, & subsequentes cōfessio-
nes bona fide faciat, solā illa,
quę mala fide facta est sit re-
petenda quando illius malę
fidei recordatur, quod maxi-
mē verum habet, quando in
confessionibus bona fide fa-
ctis, dolor adfuit vniuersalis,
eo namque casu etiam illa
peccata malę confessionis in-
directē remittuntur. Alij etiā
volunt, Confessionem esse
nullam si facta sit Cōfessario
ignoranti, qui distinguere ne-
quit inter mortale, & veniale.
Ita Vasquez q. 93. ar. 3. dub. 1.
post alios. Verius tamen est
dictā confessionem validā
esse, si bona adsit poenitentis
fides. Ratio est, quia ad hoc
vt confessio bona fide facta
valida sit, scientia non requi-
ritur Confessarij, sed iurisdic-
tio, alioqui mortis tempore
confessio tali facta Confessa-
rio nulla esset. Tum quia vt
supra dicebamus cōfessio ali-
quando valida est, vbi nullū
confitetur in particulari pec-

catum; ergo à fortiori qu an-
do peccatum confitetur, sed
ignoranti. Dixi quando ea
confessio bona fide facta est,
quia si mala fide facta sit, vt
quia poenitens talem consul-
to quæsiuit Confessarium quī
medere non posset, tunc cum
non censeatur ritē dispositus,
confessionem facit nullam; ac
proinde erit repetenda. Est
etiam repetenda confessio,
quę nulla fuit ex defectu or-
to ex parte poenitentis, vt si
erat excommunicatus, & mala
fide ad confessionē accessit, nō
petita excommunicationis abso-
lutione. Dixi mala fide, quia
si bona fide hoc fecit, vt quia
suam ignorabat excommuni-
cationem, vel memoriā illius
non habebat, absolutiō vali-
da est, vt est cōmunis Theo-
logorū sensus, nec potest esse
Ecclesię intentio in eo casu
excommunicatum sacramen-
torum priuare participatione.
Imò si Sacerdos ante pecca-
torum absolutionem absolue-
ret, vt moris est, ab excom-
municatione, per illa verba
absoluo te ab omni vinculo ex-
communicationis &c. omnem,
secundum aliquos, tolleret

excommunicationem etiam reservatam, licet remaneat comparendi obligatio, ad superiorem quoad reservatam, verius tamen est, quod sola non reservata tollatur. Si tamen confessio superiori ipsi facta fuisset etiam reservata excommunicatio fuisset ablata, ut in simili diximus supra de peccatorum reservatione. Toties ergo confessio repetenda est, quoties nulla fuit, vel quia aliquod peccatum sine necessitate non est confessum; si dolorem non habuit sufficientem, quod à posteriori colligitur, quando Confessarium quæsiuit ignarum, indoctum, surdum, &c. si nolit peccandi tollere occasiones cum facile possit. Si peccatum apud cōplicem cōfiteatur, secundum aliquos, quod non placet, nisi in casu quo tales irritentur, vel prohibeantur cōfessiones, ut in aliquibus fit Episcopatibus.

Sed adverte, quod in illis casibus in quibus est repetenda confessio apud eundem confessarium, non est necesse illam repetere materialiter, sed sufficit illam repetere formaliter dicendo, *de omnibus peccatis,*

qua in tali confessione deposui me accuso, necesse necesse, quod Confessarius illorum recorderetur peccatorum distinctè, sed sufficit quod vel in communi, & in confuso aliqualem vel leuem memoriā habeat, vel etiam status pœnitentis, vel etiam pœnitentiæ, vel etiā sufficiet si recorderetur Cōfessarius illum pœnitentem audiuisse. Quod si cōfessio apud alium Confessarium esset repetenda, & formaliter, & materialiter repeti deberet, ut ex se liquet.

Sed quæres primò, an sufficiat formalis confessionis repetitio, quando quis extra confessionem, suo Confessario narrauit peccata, vel ad ipsum informadum, ut nimirum sui status exactam habeat notitiam, vel ne confessio in longum nimis differatur, vel ob alium finem. Respondetur affirmatiue, iste enim est fidelium usus, qui fundamentum habet in huius sacramenti natura; cum enim hoc sacramentum per modum iudicii sit institutum, & in iudicio sufficiat criminis, extra iudicium narrati, ad memoriam iudi-

iudicis, reuocatio, ita & in hoc sacramentali iudicio, id ipsum sufficiet; vnde Poenitens, qui sua narrauit peccata Confessario extra confessionem, satisfaciet si postea dicat, *de omnibus peccatis, quæ extra confessionem tibi narraui, me accuso, &c.*

Quæres secundo, an qui peccatum confessus est, & est oblitus illius circumstantiam, speciem mutantem, debeat iterum peccatum fateri addendo circumstantiam; an vero sufficiat circumstantiam ipsam sine peccato fateri. Quis v.g. Sacerdos fornicationem commisit, illam confessus est, oblitus circumstantiæ voti, an teneatur fornicationem cum circumstantia voti, vel sacrilegij fateri, vel sufficiat fateri circumstantiam sacrilegij? Respondetur sufficere fateri circumstantiam ipsam dicendo, *commisi unum sacrilegium, vel peccaui grauiter contra votum*: vel vt alij volunt: *peccaui grauiter contra religionem*. Et ratio est, quia nulla est obligatio confitendi simul peccatum, & eius circumstantiam speciem mutantem, sed suffi-

cit (vt ex Tridentino sess. 14. c. 5. & can. 7 colligitur) fateri omnia peccata quoad speciem, & numerum, sed iste confitetur omnia peccata sua, quoad speciem, & numerum; ergo.

Sed Lugo disp. 16. nu. 657. licet admittat præcedentem doctrinam propter auctoritatem tot Theologorum, qui illam sequuntur, quos refert nu. 645. & sunt Nauarr. Henriquez, Valentia, Sanchez, Sa, Bonacina, & Suarez. Stando tamen in ratione semper hæc sententia sibi difficilis visa est, potissimum fundamentum, quo Lugo, conuincitur est, quia qui furatus est centum, & dicat in confessione se furatum viginti, non confiteretur peccatum, quod fecit, sed aliud; ergo ille qui dicit se violasse votum, & non dicit, quod talis violatio sit contra castitatem; non confitetur peccatum, quod fecit. Cōsequentia probatur; quia ideo ille, qui dicit se furatum viginti, suum non confitetur peccatum, quia peccatum erat furtum centum, non viginti, & dum dicit se furatum 20. significat diuersum furtum ab illo, quod cō-

missum est : sed etiam, qui dicit se violasse votum, non explicando fuisse cōtra castitatem, significat illud peccatum non habuisse aliam malitiā, nisi violationis voti; ergo cōfiteatur peccatum, quod non fecit, & non quod fecit; peccatum enim quod fecit duas habebat malitias, vnā contra religionem, aliam contra castitatem.

Sed hoc fundamentum ob quod Iugo communem relinquit doctrinam mihi semper infirmum visum est, cuius infirmitas ex duplici subiicienda solutione patebit. Prima est negando Antecedens, qui enim 100. furatus est, & confitetur se furatum 20. suū fatetur peccatum, quod sic ostendo; nam quod furtum sit 20. vel 100. est solum circumstantia aggrauans furtum in individuo, vnitas namque individualis furti à materiæ gravitate desumitur, quęcunque illa sit; ob id, qui furatus est centum, sufficit quod dicat, se materiā gravem fuisse furatum, alioqui circumstantia aggrauans esset necessario confitenda, quod negat ille;

ergo si ratio viginti, vel centum, est circumstantia aggrauans, numericam, vel indiuidualem peccati rationem, indiuidualiter non variabit, ac prinde idem numero peccatū graue furti, sufficienter confitebitur, siue addatur circumstantia aggrauans, scilicet cētum, vel minus (dummodo maneat intra materiæ gravitatem) scilicet viginti. Vnde si esset vera Lugonis sententia, illi qui ex verecundia, vel alio motiuo, sua minuūt peccata, adducendo excusationes, &c. vel qui augent intra eandem speciem, etiā ex ignorantia, sua non confiterentur peccata, ac proinde tenerentur postea, illa per se, reconferri.

Secunda solutio negat cōsequentia, rationem assignat discriminis, quia qui confitetur solitariē circumstantiam speciem mutatē, omnia sua confitetur peccata, cum vna species sit ab alia separabilis, saltem moraliter, & in ordine ad confessionem, non sic est numerica peccati vnitas respectu suæ materiæ; alioqui, qui furatus est decem, quod esset

esset materia grauis, diuisiuè, pro decem peccatis, posset dicere, *commisi 10. furti*, quod est falsum.

Sed petes primò, an doctrina tradita locum habeat in omnibus circumstantis speciem mutantibus, an solum in aliquibus. Lugo citato loco num. 649. post Suarez, quem ibi allegat, dicit, id solum habere locum in circumstantijs disparatis, quorum malitia intelligi potest sine malitia ex obiecto principali desumpta, vt est circumstantia voti, non vero de illis circumstantijs, quæ malitiã non habent disperatam, quæ scilicet intelligi non possunt sine malitia actus principalis, vt est circumstantia violentiæ, qua mulier violatur, quia hæc cum intelligi non possit separata, separatim confiteri non poterit. Sed alij absolutè loquuntur, nec verum est circumstantiam violentiæ separatam ab actu principali intelligi non posse,

cum violentia iustitiæ opponatur, & copula illa castitati, si enim virtutes separatim intelligi possunt, etiam opposita vitia intelligi poterunt.

Petes secūdò, an in eadem confessione possint circumstantiæ speciem mutantes ab actibus principalibus separari. Negat Lugo nu. 652. ob fundamentum solutum. Melius affirmet Suarez apud eundem auctorem, & ratio plana ex dictis, quia solum est obligatio confitendi numerum, & species peccatorum, siue ille species sint actus principales, siue sint principalium actuum circumstantiæ, cum hoc quod est vnã speciem, esse alterius circumstantiæ, non sit peccatum nouum, nec numero, nec specie distinctum ab actu principali, sed circumstantia specifica illius. Vnde qui furatus est propter mæchiã, sufficit quod furtum, & mæchiã diuisiuè fateatur, & sic de alijs.



DISPUTATIO

N O N A

De Ministro ad Sacramentum Pœnitentiæ conferendum necessario.

Explicatis essentialibus Sacramenti Pœnitentiæ partibus; & conditionibus requisitis ad illas, de eiusdem Sacramenti Ministro est agendum, antequam ad partem integram, quæ est satisfactio, accedamus, ut melius huius sacramenti natura intelligitur; cum enim sit per modum iudicii institutum, explicatis huius iudicii partibus, debet ipsius

iudicis conditio inuestigari, alioqui non ita clarè explicatæ manebunt ipsius partes iudicii; qui enim iudicis conditiones non nouit, nec ipsius iudicii naturam noscere potest. Est autem huius & aliorum sacramentorum Minister duplex, ordinarius, & delegatus, & de utroque suæ proponentur difficultates, sit tamen prius.

Q V A E S T I O I.

An solus Sacerdos sit huius Sacramenti Minister.

Prima est hæreticorum sententia non solum Sacerdotes, sed etiâ quosuis alios homines esse huius Sa-

cramenti ministros: quam hæresim prius tenuit Vuicleph, & alij qui postea hanc potestatem etiâ ad mulieres extenderunt

Vc-

Veritas Catholica sequenti explicatur conclusione. *Soli Sacerdotes possunt esse huius Sacramenti ministri.* Vnde si aliquis in sua ordinatione characterem Sacerdotalem, non acciperet, quamvis Episcopus proferret super illum illa verba, *Accipe potestatem, quorum remisieris peccata &c.* non posset peccatum dimittere, sed deberet reordinari. An autem quando sacerdos ordinatur, duplicem accipiat Characterem, vnum qui tribuat potestatem in Corpus Domini verum, alium in mysticum, de Sacramento ordinis dicitur. Conclusio posita est de fide, definita primò in Concilio Lateranensi sub Innoc. III. & in alijs Concilijs & tandem in Tridentino sess. 14. cap. 6. vbi dicitur: *circa ministerium huius Sacramenti declarat sancta synodus, falsas esse, & à veritate Evangelij penitus alienas doctrinas omnes, quæ ad alios quosvis homines, præter Episcopos, & sacerdotes, Clauium ministerium perniciosè extendunt, &c.* & can. 10. dicitur: *si quis dixerit non solos Sacerdotes esse mi-*

nistros absolutionis &c. anathema sit. Et huius ratio à priori est, quia cum hoc sacramentum sit institutum per modum iudicij, & iudicandi potestas nequeat esse in omnibus de populo, sed solum in illis, qui aliqua sunt dignitate insigniti, sequitur, quod huius sacramenti ministeriū esse debeat penes illos, qui dignitate sunt insigniti sacerdotali. Tum quia congruū valde erat, quod illi soli haberent potestatem in corpus Christi mysticum, qui illam habebant in corpus Domini verum: unde videmus quod etiam ipsa Episcopalis dignitas sacerdotalē supponit dignitatem.

Sed quæres primò, an sacramentalis absolutio saltem in aliquo necessitatis casu dari possit à laico? Respondetur negatiuè, cum absoluedi potestas ex necessitate characterem supponat sacerdotalē, sequitur, quod vbi talis character non supponitur, sacramentalis absolutio esse nequeat. Est tamen licita absolutio depræcatoria, sicut & confessio causa humilitatis, & D. Thomæ tempo-

re erat in usu, & eam laudat
ut videre est hic quæst. 8. art.
3. ad primum, quod absolu-
tio deprecatoria licita sit, pa-
tet; nam & moniales in Cho-
ro se mutuo deprecatoriè ab-
solvunt in officio diuino, pri-
ma nimirum, & completo-
rio: quod etiam confessio cau-
sa humilitatis licita sit patet,
quia quod ad humilitatem,
& contritionem excitandam
conducit, non potest non esse
honestum. Tum quia id po-
test aliquando fieri ad captan-
dum consilium, ad habendâ
verecundiam illam, in pœnâ
priorum peccatorum, ut plu-
res modo prout audiui faciunt
in ciuitate Neapolitana, ubi
pestis adeo grassatur, & videtur
ibi Ionæ tempora renouata.
Si tamen laicus non esset
contentus absolutionem dare
deprecatoriam, sed tentaret
dare sacramentalem, fieret ir-
regularis; licet aliqui non
improbabiliter velint, quod
nō; ex eo, quod quilibet exer-
cens actum ordinis quem nō
habet irregularitatem cōtra-
hit, non qui hoc sacramentum
tentat administrare, quia hu-
ius sacramenti administratio,

non est actus ordinis, sed or-
dinem supponit, & aliunde
hæc irregularitas non expri-
mitur, sicut exprimitur, de
clerico solemniter baptizan-
te, sine parochi venia, cap.
si quis, de baptismo, sed de
hoc suo loco.

Sed dices, est probabilis
Glossæ in cap. à vobis. & in
cap. *Pastoralis* de sent. excō-
municat. Syl. Armillæ, Ta-
bienæ, Panomitani, Auilæ,
Valerij, Ioannis de la cruz,
& aliorum plurium sententia,
quos refert; & sequitur Dia-
na de sacram. resol. 133. quod
laicus in mortis articulo exi-
stens cēsuratus præsertim ex-
communicationis censura,
possit ab alio laico absolui,
quia ita de pia matre Ecclesia
est præsumendum, ergo etiâ
poterit absolui à peccatis, ab-
solutione sacramentali.

Respondetur transeat An-
tecedens, & negatur conse-
quentia, Ecclesia namque
potest laico facultatem facere
absoluedi à censura, cum
sit ipsius iurisdictionis, & po-
testatis, non tamen potest hâc
facultatem facere laico, cum
careat charactere sacerdotali
iure

iure diuino necessario ad talem absolutionem impertinendam.

Quæres secundo an quilibet sacerdos possit, præcisa Ecclesiæ prohibitione, quolibet accedentes, absolvere? Affirmauit hoc Armacanus lib. 1. quæst. Armenicarum cap. 4. quod probabile reputauit Durandus 4. dist. 19. q. 2. Almainus dist. 17. art. 4. & alij.

Communis, & vera Theologorum sententia oppositū tenet, ut clare colligitur ex Tridentino sess. 14. cap. 7. ubi dicitur: *Quoniam igitur natura, & ratio iudicij illud exposcit, ut sententia in subditos dum taxat feratur, per suum semper in Ecclesia Dei sit, & verissimum esse synodus hac confirmat, nullius momenti absolutionem eam esse debere; quam sacerdos in eum profert, in quem ordinariam, aut subdelegatam non habet iurisdictionem.*

Sed antequam communē hanc sententiam rationibus confirmemus, nota sacerdotem in sua ordinatione duas accidere potestates, seu or-

dinationem sacerdotale adquatē, & completē acceptam duas completi potestates, vnam in corpus Domini verum, consecrandi scilicet corpus, & sanguinem Domini. Alteram in corpus Domini mysticum, pro remittendis baptizatorum peccatis, & hæc secunda potestas, vel est nouus Character à præcedenti distinctus, vel (quod mihi vnus videtur) est præcedentis extensio. Est autem inter has duas potestates differentia, quod cum prior sit absolutē potestas, in ordine ad sacramentum conficiendum, posita materia præsentī, nō est in Ecclesiæ potestate facere, quin illam sacerdos in corpus, & sanguinem Christi conuertat, si super illam debitam proferat formam.

At vero secunda potestas cum sit in ordine ad corpus Christi mysticum, iurisdictionē completam requirit, alioqui expedita non erit, ad suum ponendum effectum; quod ut fundamentaliter percipias aduerte; potestatem absoluedi à peccatis dupliciter

considerari posse, completè scilicet, & incompletè, tunc completè consideratur, quando omnia habere intelligitur, quæ ex parte sacerdotis requiruntur, vt sit principium efficiens, & actiuum, remissionis peccatorum, seu exercendi iudiciariam potestatem, remittendi peccata, seu exercendi illam potestatem remittendi peccata, quam in sua recepit ordinatione.

Tunc autè incompletè illa potestas remittendi peccata, consideratur, quando consideratur vt est tantum iudicialis potestas absoluedi baptizatos à suis peccatis, præscindendo ab hoc, quod hic & nunc sit potens executioni mandari. Sacerdos ergo vi suæ ordinationis hanc secundum recipit potestatem non primam. Primam tunc recipit quando sibi inferiores, vel subditi designantur, quod vno, vel altero exemplo declarabitur.

Potest namque Rex dupliciter sui populi iudices creare, primò creando, seu constituendo illos iudices pro toto regno, non tamen assignā-

do ciuitatem, vel prouinciā in qua suam exerceant iurisdictionem, seu iudiciariam potestatem. Secundò potest Rex iudices creare, & simul illis prouinciā assignare in qua iudiciariam exerceāt potestatem. Primo solummodo constituuntur sacerdotes iudices in sua ordinatione. Similiter quando aliquis laurea insignitur doctoratus v.g. in Theologia, Cancellarius, Pontificis auctoritate, tribuit laureando Euangeliorum librum, & dat illi facultatem prædicandi verbum Dei, & tamen adhuc id ipsum non potest præstare, nisi mittatur iuxta illud Apostoli. Quomodo prædicabunt, nisi mittantur? His positis ratione agamus.

Prima ratio, illud sacramentū validè non ponitur, quādo in ministro aliquid essentialiter, ad illud ponendum desideratur, sed quādiu sacerdoti non dantur subditi, aliquid essentialiter desideratur adhuc sacramentum ponendum; ergo tunc hoc sacramentum validè non ponetur. Minor probatur ex dictis, nam

Pœ.

Pœnitentiæ sacramentum pœnivalide non potest, nisi cōpleta absolucendi potestas ponatur; sed quandiu non dantur subditi, talis potestas non ponitur; ergo. Hæc Minor patet, quia tunc temporis solum prima datur potestas nō secunda.

Secunda ratio: Nullum iudicium siue forense ciuile, siue canonicum validum est, vbi in iudice, vel ordinaria, vel delegata non datur iurisdicctio; ergo neque in hoc interno iudicio, sententia valida erit, vbi non datur talis, vel ordinaria, vel delegata iurisdicctio. Antecedēs est ab omnibus receptum. Consequētia patet ex Tridentino citato. Soluuntur argumenta in contrarium.

Primum argumentum desumitur ex vsu primitiuæ Ecclesiæ, quando licitum erat fidelibus omnibus, sibi eligere Confessarium, vt habetur cap. *placuit de pœnit* dist. 6. Iure postmodum positiuo introductū est, quod proprio Parocho fideles confiterentur, vt habetur cap. 1. & 3. q. 1. & primus, qui hoc ius edidit fuit

Dionysius Papa, qui circa annum 252. Ecclesiæ præfuit. Hic Pontifex Parochias diuisit, & vnicuique Parocho suā plebem commisit, & prohibuit ne quis alterius Parochie terminos, vel ius inuaderet. Et Calistus Papa I. vt habetur c. 1. 9. q. 2. statuit, vt nullus alterius Parochiam vsurparet, nec alterius parochianum iudiceret, & idem statuitur in cap. in *Dominicis* 9. q. 3. & cap. *item nullus*, & cap. 2. de Parochis: ergo signum est quemlibet Sacerdotem diuino iure, seu ex vi suæ ordinationis posse quemlibet sacramentaliter absolueret; & solū id esse vetitum Ecclesiastico iure.

Respondetur nūquam licitum fuisse quemquam absolueret in quem iurisdicctio ordinaria, vel delegata non haberetur. Vnde in primitiua Ecclesia, quādo fidelium numerus erat paruus, ex eiusdē Ecclesiæ tacito consensu, quilibet Sacerdos habebat iurisdictionem saltem delegatam, in quoslibet fideles, facta autem Parochiarum diuisione, tacitus ille consensus abrafus est; & expressus requiritur, vt

ex Tridēfino citato loco colligitur.

Secundum argumentum : Illa potestas est sufficiens in quolibet Sacerdote ad absoluendum quemlibet fidelem, quæ est sufficiens ad absoluendum Summum Pontificem ; sed quilibet Sacerdos vi suæ ordinationis habet potestatem ad absoluendum Summum Pontificem ; ergo etiam recipiet ad absoluendum quemlibet fidelem. Maior nota est. Minor ostenditur, nam potestas quam habet Sacerdos ad absoluendum Pontificem habere non potest ab ipso Pontifice, cum par ia parem non habeat iurisdictionē ; alioqui si Pontifex posset alicui facultatem facere, ut ab eo absolueretur, posset etiam facultatem facere ut excommunicetur ; neque talem potestatem habet ab aliquo Concilio, cum Concilium non sit supra, sed infra Pontificem : nec vlibi talis facultas facta reperitur.

Confirmatur hoc, quia illam potestatem recipit Sacerdos vi suæ ordinationis, quam receperunt Apostoli in sua, sed

Apostoli illam receperunt pro tota Ecclesia ; ergo & alij. Respondetur concedendo maiorem, & negando minorem. Ad probationem dicitur Pontificem suam delegare facultatem confessario, quem eligit, cum enim Christus Dominus summo dederit Pontifici, summam super alios iurisdictionem, debuit etiam illi facultatem facere, ut suam daret facultatem suo Confessario supra se, cum & ipse iudice absolvente indigeat, unde tenetur Pontifex suo obedire Confessario, in ijs omnibus, in quibus & alij in hoc iudicio tenentur. Ad confirmationem dico Apostolos recepisse completam in omnes fideles à Christo Domino iurisdictionem, non quidem quando in cœna ordinati fuerunt Sacerdotes, sed quādo post resurrectionem dedit illis potestatem in corpus mysticum, cum dixit *Accipite potestatem quorū remiseritis peccata &c.* quia Christus Dominus illam omnem dedit Apostolis potestatem, quam modo Pontifici summo concedit ; unde dedit illis supremam iurisdictionem.

tionem in omnes fideles, respectu omnium peccatorum, imò, & in omnes Apostolos ad inuicem, sic enim tunc cōueniebat, cum mitterentur ad remittenda omnia baptismatorum peccata, sicut mittebatur ad omnes baptizandos.

Tertium argumentum, illa potestas sufficit in quolibet Sacerdote ad absolvendum quemlibet fidelem, quæ sufficit in Sacerdote excommunicato, suspenso, & degradato, imò, & hæretico pro mortis articulo, sed hæc habetur in propria ordinatione; ergo. Itē illa potestas sufficit ad absolvendum quemcunque, quæ est sufficiens in eo, qui putat habere iurisdictionem, & non habet, iste enim verè absoluit. Item quæ sufficit ad absolvendum à venialibus. Item quæ sufficit in Parocho habente dumtaxat ius coloratum ad beneficium parochiale, quod obtinet. Sed hæc potestas habetur ex vi ordinationis; ergo.

Respondetur explicando Maiorem quoad omnes casus recensitos; nam pro mortis articulo omnes Sacerdo-

tes ab Ecclesia habent absolvendi sufficiētem iurisdictionem, ut constat ex Tridentino sess. 14. cap. 7. An autem talis potestas sit absoluta, an vero solum in defectum proprii Sacerdotis potentis absolvere, aliqui affirmant, alij tamen verius negant, cum talis facultatis concessio subsidiaria sit pro tali periculo, vide Dianam tom. 2. tract. 4. Miscel. resol. 161. Similiter qui probabiliter putat, se habere iurisdictionem, vel etiam qui habet titulum coloratū tantum, vel secundum alios etiā simul communem errorem; vel etiam, ut alij volunt, solū errorem communem, iurisdictionē ab Ecclesia recipit, videatur Sanchez lib. 3. de matrim. disput. 22. nu. 14. ubi explicat L. Barbarius, in qua dicta doctrina fundatur, quod etiā nos suo loco præstabimus.

Ad illud quod de venialibus tangitur, dico tres esse de illis sententias Prima est Caietani in sūma V. absolutio, 2. quod Sacerdos potestatem recipiat ab ipso poenitente, eo ipso quod sibi subiicitur, ut venialia peccata dimittantur, sed

sed hæc sententia communiter rejicitur, quia pœnitens potestatem conferre non potest; quam non habet, patet autem quod pœnitens, præfertim laicus, iurisdictionem in pœnitentiæ foro non habet; ergo &c.

Secunda sententia est, quod quilibet Sacerdos in sua ordinatione potestatem, seu iurisdictionem recipiat absolvendi à venialibus, ac subinde illā habeat à Christo; ita Paludanus, Capreolus, Canus, Ricardus, & Ledesma, quos affert, & sequitur Vasquez hic q. 93. art. 1. dub. 6. quorū ratio est, quia peccata venialia non sunt materia necessaria confessionis, ac proinde credibile est, Christum Dominum quoad illa non subdidisse fideles Ecclesiæ potestati. Hæc sententia valde probabilis est, & secundum hanc, nostrarum statutum Constitutionum p. 1. c. 6. nu. 8. quò cauetur *ne nostri Sacerdotes sine Generalis, vel Provincialis, vel Prioris licentia confessiones audiant, & quod si illas audiant, sine tali licentia respectivè, tales confessiones nul-*

le sint, & si sit aliquod privilegium, vel consuetudo in contrarium renunciatur, non habet vim, quoad peccata venialia, secus quoad mortalia; cum facultas audiendi confessiones venialium, non sit, secundum hanc sententiam, privilegium, vel consuetudo, quibus possit renunciari, sed Christi potestatis.

Tertia sententia verior, & communior est, Sacerdotem potestatem habere absolvendi à venialibus ab Ecclesia. Ratio est, quia ut docet Tridentinum sess. 14. c. 7. Pœnitentiæ sacramentum est institutum per modum iudicii, quod non exercetur nisi ab habente potestatem ordinariam, vel delegatā. Patet autem, quod simplex Sacerdos non habet potestatem ordinariam, cum non sit pastor, alioqui esset omnium pastor fidelium, cum posset illorum omnium audire venialium confessiones; imò ipsi simplices sacerdotes essent ad inuicem pastores, & subditi, cū posset ad inuicem confessiones audire. Neque habet potestatem delegatam, cum
hæc

hæc à sola delegetur Ecclesia, ergo. Quod dictum est de potestate absoluendi à venialibus, dici, & applicari debet ad potestatem absoluendi

à mortalibus alias dimissis; neque in hoc est immorandum cum nulla inter scribentes sit concertatio.

Q V A E S T I O II.

Quis sit minister ordinarius, quisque delegatus in Pœnitentiæ sacramento.

Minister ordinarius, qui & proprius sacerdos dicitur, ille est cui ex officio animarum cura incumbit, & est iudex in foro pœnitentiæ, quod dicitur ad excludendum Episcopum electum, antequam sit sacerdos, qui licet habeat iurisdictionem, sacramentum tamen Pœnitentiæ exercere non valet ut ex se liquet. At minister delegatus qui & legitimus dicitur, licet non proprius, ille est, qui ab alio delegare valente, iurisdictionem accipit.

Circa ministrum ordinarium nota; fideles omnes seculares tres habere proprios, siue ordinarios huius sacramenti ministros: Papam pro vniuersa Ecclesia, Episcopum

pro tota diecesi; & Parochum pro sua parochia. Deinde Papa potest quem maluerit sibi eligere confessarium. Familiars Papæ præter ipsum Papam habent Pœnitentiarium summum, qui est eorum proprius sacerdos, qui potest alium delegare ut familiam absoluat, & hoc intelligitur de commensalibus Papæ, non de familiaribus, qui per orbem sunt dispersi, nisi nouo potiantur priuilegio. Episcopi, Archiepiscopi Ordinarii Generales, Episcoporum Vicarii, Abbates, Prouinciales, & superiores locales, possunt sibi eligere confessorem simplicem sacerdotem ut docent omnes quos congerit Diana de dubijs regularium resol. 1.

& tom. 2. tract. 4. Miscel. resol. item 1. Parochi, seu Ecclesiarum curati non possunt sibi eligere, nisi ab Episcopo approbatum Cardinales nisi sint legati communi iure nō possunt sibi eligere confessorum, licet ex consuetudine id illis concedatur. Religiosi, qui non sunt prælati, non possunt sibi confessorum eligere, sed confiteri debent, vel proprio prælato, vel alteri ab eodem prælato exposito Peregrini, & viatores proprium habent ministrum nempe illum parochum ubi inveniuntur Paschatis tempore, ut dixit Eugenius IV. ut testatur Caietanus in sum. V. absol. idem dicendum de vagabundis.

Quæres primò, an si quis bona fide confiteatur sacerdoti simplici peccata venialia & mortalia, maneat ab omnibus absolutus? Respondetur affirmatiuè, etiamsi simplex ille sacerdos mala fide id faceret, dummodo intendat absoluerè à venialibus à quibus potest ut supra dicebamus; & ratio est, quia ille sacerdos habet iurisdictionem,

& potestatem dimittendi venialia, & sic illa dimittuntur directè, & mortalia indirectè, remanebit tamen obligatio in Pœnitente reconfitendi illa mortalia ut directè dimittantur quoties id nouerit. Eadem resolutio procedit de illo Pœnitente qui bona fide confitetur reseruata apud confessarium non potestatem absoluerè, nam tunc remittuntur indirectè, remanebit tamen onus comparendi ante superiorem potentem absoluerè.

Quæres secundò, an Episcopus, vel Parochus, vel Regularis habens facultatem delegatam, possint absoluerè proprios subditos extra diocesim. Respondetur Affirmatiuè. Ratio est quia huius potestatis exercitium, non est cum strepitu iudiciali, cum illa potestas non sit contentiosa ut omnes tradunt.

Quæres tertio, an subditus possit eligere simplicem Sacerdotem cui sua confiteatur peccata, quādo proprius Parochus est ignarus: de simplici procedit Sacerdote, quia de alijs approbato, quando
extra-

extaret, nulla est difficultas? Negat Lugo disput. 19. n. 11. Verior opinio affirmat, propter textum in cap. placuit 9. q. 2. & de poenit. distin. 6. vbi dicitur. *Placuit ut deinceps nulli Sacerdoti liceat quemlibet commissum alteri Sacerdoti recipere ad poenitentiam sine consensu eius, cui se prius commisit, nisi per ignorantiam illius, cui peccans prius confessus est.* Et ratio clara est, quia alioqui Ecclesia sufficienter non prouidisset poenitentibus in casu ignorantie, reddentis confessarium inhabilem ad id munus: Non placet tamen aliquorum, extensio, Theologorum, apud Suarez disput. 37. sect. 2. num. 11. nimirum non solum posse poenitentem propter proprii pastoris ignauiam, sibi simpliciter eligere confessarium; verum etiam quando proprius pastor reuelare soleret confessiones, vel quando esset excommunicatus, aut suspensus; ius enim citatum in casu solum ignorantie, eam concedit facultatem, ob poenitentis quietem; in alijs autem esse rur copiam, non habere confessarii.

Quæres quartò, quinam possint iurisdictionem audiendæ confessionis alteri delegare? Verbo vno respondeo, omnes illos id posse, qui iurisdictionem habent ordinariam; vt Papa pro omnibus fidelibus; Episcopus, pro sua diocesi; Parochus pro sua parochia. Vnde qui habent hanc delegationem à Papa vbique locorum confessiones audire possunt, absque alia Episcoporum licentia: Qui ab Episcopo, possunt id ipsum præstare in tota diocesi, absque Parochorum venia, intellige quando talis licentia est illimitata; bene verum est, optimum esse consilium id non præstare sine Episcoporum, vel Parochorum respectu scientia, vt sciant quid agatur in proprio territorio erga proprias oues. Idem dicendum est de regularibus, vnde qui facultatem habet vniuersalem à Generali, sine alia Prouincialium, vel prælatorum inferiorum venia, omnium audire potest confessiones religionum, similiter, qui à Prouinciali. In mea tamen religione limitantur qui habent iurisdictionem

risdictionem à Prouinciali, vt non possint id exequi sine Priorum venia, & qui iam deputati sunt, possunt suspendi ab iisdem Prioribus, & si facta tali suspensione confessiones audiant, licet confessiones validę sint, possunt tamen à Prioribus puniri; nō sic qui à Generali sunt deputati, isti namque neque à Priore, neque à Prouinciali suspendi possunt.

Quæres quintò, an Parochus possit suam delegare iurisdictionem simplici Sacerdoti, vt suorum audiat confessiones Parochianorū? Certum est Parochum posse exponere alium Parochū eiusdem Diœcesis, vt est cōmunis Parochorum mos in propriarum, præsertim, Ecclesiarum, festiuitatibus, vt non semel obseruauī. Item certum est posse exponere regularem in illa diœcesi approbatum. Nonnulla difficultas est, an Parochus possit exponere parochum alterius diœcesis, & regularem, vel sæcularem in alia diœcesi approbatum. Affirmat Ioānes de la cruz q. 5. dub. 6. conclus. 3. Henriquez

lib. 7. cap. 12. num. 4. Cōtinet hic disput. 8. dub. 7. nu. 57. & alij, quia habent conditiones à Tridētino requisitas sess. 23 cap. 15. vbi dicitur, *quod nullus etiam regularis sæcularium audiat confessiones, nisi aut Parochiale beneficium habeat, aut ab Episcopis per examen, si illis videbitur esse necessarium, aut alias idoneus iudicetur; & approbationem obtineat.* Cum ergo Parochus alterius diœcesis Parochiale obtineat beneficium, & approbatus in alio Episcopatu, sit verè ab Episcopo approbatus, sequitur, posse, saltem deputari à Parochio, illius Parochianos audire, &c. Ex hoc fundamento aliqui inferrebant approbatū in vno Episcopatu posse vbique confessiones audire, sed à contraria ne recedas sententia, præsertim quoad approbatus in vno Episcopatu, post quandam declarationem Innoc. X. in quadam causa contra Iesuitas, quam refert N. Lezzana in consulto in fauorem Iesuitarum ab ipso factō. Vide Dianam de sacram. resol. 24. vbi materiam traditam diligenter examinat.

Ma-

Maiores ergo difficultates sunt de simplici Sacerdote, an nimirum Parochus possit illum eligere pro suis Parochianis, imò etiam pro se non ratione simplicis deputationis, ut in casu præcedenti, sed ratione delegationis propriæ iurisdictionis, præscindendo à prohibitionibus Conciliorum, & Põtificum. Concedunt omnes, quod illi, qui habent solam potestatem delegatam non possint illam alteri subdelegare, nisi sit delegatus principis: vel nisi sit delegatus ad vniuersitatem causarum, ut videre est apud Sánchez lib. 3. de matrim. disput. 3. ubi dicitur, quod delegatus ad vniuersitatem causarum, possit subdelegare ad vnam, vel alteram causam, non tamen ad totam causarum vniuersitatẽ, ex quo principio P. Diana tom. 1. tract. 3. Miscel. resol. 53. cū alijs docet quod si Episcopus det Prælato regulari facultatem absoluendi à casibus reservatis, poterit illam alteri cõfessorio subdelegare quoad vnum, vel alterum reservatũ. Quod alij extendunt etiam quando Confessarius habet

facultatem absoluendi toties quoties ab aliquo reservato, quod possit illam subdelegare vna, vel altera vice. Hoc posito, P. Coninchius hic disput. 8. dub. 4. num. 28. Lugo disput. 19. & alij dicunt non posse Parochum talem facere delegationem. Sed verior videtur sententia affirmatiua P. Ledesmae summa tom. 1. de sacram. poenit. cap. 12. Ludouici de San Ioan Sum. de poenit. diffic. 12. & aliorum multorum Ratio est quia omnes illi possunt suam delegare iurisdictionem, qui eam habent ordinariam, ut patet cap. cum Episcopus de officio ordinarij in 6. Sed Parochus, ut omnes tradunt, in suas oues iurisdictionem habet ordinariam; ergo potest illam Sacerdoti simplici delegare; non enim minus habet potestatem, seu iurisdictionem ordinariã Parochus in proprias oues, quã Episcopus in suas.

Confirmatur, quia Parochus potest simplici Sacerdoti suam delegare iurisdictionem, alia ministrandi sacramenta, ut matrimonium, Extremam vnctionem, Eucharistiam

stiam &c. ergo etiam pœnitentiam, prohibitione præcisa. Antecedens est notū. Consequentia probatur ex paritate rationis.

Respondet ad hoc argumentum Cardinalis de Lugo loco citato, ex doctrina quam desumpsit ex Conincho loco citato, quod diuersa sit ratio, huius, & aliorum sacramentorum, nam in alijs sacramentis ratio delegatur officij, non actus personalis, nec attenditur in illis persone industria, at vero in hoc pœnitentiæ sacramento actus delegatur personalis, & persone attenditur industria. Sed contra. Primò, quia non minus est actus officij in Parocho subditorum audire confessiones, quam alia ministrandi sacramenta; ergo est eadem utrobique ratio, Antecedens ostenditur, quia potestas, seu iurisdictio in Parocho ad suscipiendas subditorum confessiones, ad rationem sequitur officij, alioqui non esset talis iurisdictio in Parocho, potestas ordinaria, ob idque Concilium Tridentinum supra citatum, vult, quod co

ipso, quod quis Parochiale obtinet beneficium, absque alia Episcopi approbatione, subditorum valeat audire confessiones. Secundò, quia si nō posset Parochus suam delegare potestatem simplici Sacerdoti audiendi confessiones, quia persone industria attenditur, sequeretur nullum delegatum, etiam Papæ, posse talem facere delegationem; & sic nec Episcopus, nec eius Vicarius posset talem facere delegationem, eorum sequendo sententiā qui dicunt Vicariū esse Episcopi delegatū & Episcopum Papæ. Tertiò, quia hucusque nemo dixit, quod industria persone requiratur in eo, qui habet potestatem ordinariam, sed ad summum in eo cui fieri debet delegatio, quam persone industriam attendere potest Parochus in eo cui delegationem vult facere. Quarto, quia illa doctrina videtur esse contra suum auctorem, dum admittit eum quadam limitatione Prælatū regularem habentem facultatem a Episcopo absoluedi à reservatis, posse ad casus particulares subdelegare, cū tamen

tamen personæ industria magis attendatur in absolutione casuum reservatorum, quam non reservatorum.

Quæres sextò, an delegatus, ut validè absoluat, debeat habere notitiam suæ delegationis? Respondeo sufficere probabilem existimationem sufficientis potestatis. Exempli gratia quis scripsit Pontifici, vel magno Pœnitentiariorum, vel Episcopo respectuè pro facultate absoluedi à reservato, non est necesse, quod responsum expectet in quo talis facultas continetur, sed sufficit quod probabiliter iudicet, tunc esse datam talem facultatem: est doctrinæ communis. Unde regularis qui putat se habere privilegium absoluedi ab vno casu, & re vera habet, licet illud nunquā viderit validè absoluit, & licet, si id prudenter faciat.

Quæres septimò, an quis possit ex usu, vel consuetudine acquire potestatem audiendi Confessiones? Respondetur quod si consuetudo fiat in scio potente facultatem facere, nunquam iurisdictio conceditur, si vero fiat sciente, &

non contradicente eo, qui potest talem facultatem facere, cum possit facile contradicere, potestatem tacitè concedere censetur. Hinc soluitur dubium aliud, quod solet hic proponi de superioris ratihabitione, an sufficiat ad hoc, ut quis confessionem audiat: communis responsio est ratihabitionem de futuro non sufficere, bene de præsenti, quando scilicet Superior videt Petrum Sacerdotem simplicem, confessiones audire, & hoc scit & videt, & potest facile impedire, & non impedit, tacitè censetur consentire, & iurisditionem concedere.

Quæres octauò, an celsate delegatione, dum delegatus audit confessionem, possit illam perficere? Respondetur affirmativè, est communis scribebantium resolutio; ratio desumitur ex cap. *Gratum* & ex cap. *relatum*, de officio delegati ubi dicitur delegatione non finire morte delegantis, re non amplius integra; in casu autem præsenti, res est iam cepta, ergo.

Quæres nonò, an Sacerdos

dos dubitans de sua iurisdictione, possit pœnitentem absolvere? Respondetur, quod si dubium sit positivum, seu probabile, cū vtrinque habentur rationes probabiles, potest absolutio impendi: ratio communis, est quia Ecclesia confert iurisdictionem pro validitate actus, non solum quando est titulus coloratus, & error communis, verum & magis quando est opinionis probabilitas, ob publicā vtilitatem. Suarez, disput. 26. sect. 6. nu. 3. Diana cum multis *de opinione probabili* to. 1. resol. 2. Si vero dubium sit negativum id non licet, nisi in casu necessitatis, quando nullus alius adesset, qui certam, vel probabilem haberet iurisdictionem.

Quæres decimò, & est casus de quo olim à quodam Episcopo fui interrogatus, nimirum, an Episcopus possit delegare alicui facultatem absolvendi ab hæresi, supposita multorum probabili sententia, quod in Bulla Cænz, facultas à Tridentino Episcopis concessa absolvendi ab hæresi occulta non reuocetur?

Respondetur Affirmatiuè, vt tradit Sanchez summa to. 1. lib. 2. cap. 11. nu. 23. post alios. Nam Concilium solum exclusit Vicarium deputatum ad omnes casus, non ad aliquem in particulari, nec exclusit alios à Vicario: quam resolutionem postea inveni in sapientissimo Patre Diana p. 3. tract. 4. miscel. resol. 92.

Hinc deduces alterius casus resolutionem, an nimirum Regularium Superiores, si vera est sententia Bauny p. 1. moralis Theologiæ tract. 4. q. 3.: quod Regularium Superiores habeant facultatem absolvendi in foro conscientie suos subditos, prout ex Rodriquez, & Candido concessit Pius V. P. Dominicanis, testatur idem Bauny, ab hæresi occulta, possint eandem facultatem alteri delegare? Respondetur quod tali sententia admissa (quæ tamen admitti non debet, propter S. C. decretum de quo Diana p. 8. tract. 2. resol. 63.) possent superiores talem facere delegationem videatur idem Diana loco citato vbi refert ex eodem Bauny, in-

dultum

dultum concessum Prælati
Congregationis S. Benedicti
Valisolectani, vt annis singu-
lis, prima die Lunæ quadra-
gesimæ, possint omnes præ-
fatæ Congregat. Religiosos

absoluere ab omnibus pec-
catis, censuris, & pænis etiã
in casibus, &c. Et quod Gre-
gorius XIII. id ipsum conce-
ssit Patribus Societatis, anno
1584.

Q V A E S T I O III.

*Quinam possint peccata reservare: quæque pec-
cata reservari possint, ubi alia valde
vtilia explanantur.*

Suppono primò contra
Lutheranos, & Caluini-
stas esse in Ecclesia Dei pote-
statem reservandi casus, vt
definit Tridentinum sess. 14.
can. 7. & can. 11. & ratio cla-
ra est; quia sicut iudex Supe-
rior fori exterioris, potest si-
bi reservare aliquarum cau-
sarum cognitionem, vt velit
nullomodo cognosci posse à
iudice inferiori; ita iudex
superior fori interioris id ip-
sum facere potest.

Suppono secundò peccata
posse simpliciter reservari, vel
ratione solius censuræ, vel
ratione solius culpæ, vel ra-
tione vtriusque. Certum est

de facto omnia peccata Pon-
tifici reservata, esse talia ra-
tione censuræ, an autem sint
etiam reservata ratione cul-
pæ disputatur, aliqui nam-
que non improbabiler di-
cunt ratione solius censuræ re-
servari, ita quod ablata cen-
sura non maneat peccatum
reservatum; alij probabilius
oppositum tenent; videatur
Nauar. cap. 27. nu. 261. Ca-
ietanus in sum. V. casus. His
suppositis ad primum quod in
q. titulo propositum est, di-
co eos omnes posse sibi casus
reservare, qui ordinariam ha-
bent iurisdictionem, vt Pon-
tifex pro tota Ecclesia, Epi-
scopus

scopus pro sua diecesi, Parochus pro sua parochia, quod non est in usus, & Religionū Prælati respectu suorum subditorum respectuè, & ratio est, quia qui habet ordinariâ iurisdictionem, potest eam pro libito concedere, nempe cum aliqua limitatione, vel restrictione, excipiendo scilicet aliqua peccata. Sed hic occurrit dubium de Parocho quomodo Episcopus possit casus referuare respectu illius cum habeat iurisdictionem ordinariam, non delegatam ab Episcopo, si nāq; Episcopus non dat Parocho iurisdictionem, cum illam habeat à Pontifice, à quo est Parochiarum institutio, non poterit illam limitare. Respondetur Episcopum ex antiqua consuetudine à Pontificæ approbata, & in Tridentino confirmata talem facere posse Parochis iurisdictionis restrictionem.

Quoad secundum, est primum dubium de peccatis venialibus, an nimirum valeant referuari? Respondetur quod sequendo illorum sententiâ, qui dicunt potestatem absol-

uendi à venialibus, & à mortalibus alias confessis recipi à Christo in Sacerdotis ordinatione, Ecclesia non potest talem reservationem facere; sequendo vero communio sententiam, quod talis potestas sit ab Ecclesia, poterit talis apponi reservatio, & sic licet homines peccata non teneantur fateri venialia, ex suppositione tamen, quod illa fateri velint, deberent absolui à potente talem facere absolutionem; videantur ea, quæ diximus q. prima huius dispensationis versus finem.

Secundum dubium est, an peccatum dubium cadat sub reservatione. Certum est posse Ecclesiam peccatum dubium referuare; cum peccatum dubium sit materia necessaria confessionis, ac subinde cadens sub Ecclesiæ restrictione quoad eius absolutionem: de facto tamen dubia peccata, nullibi reservata reperiuntur. Difficultas est, an quâdo reservatur aliquod peccatum absolute, censetur reservatum peccatum dubium? conveniunt omnes peccatum dubium positivè sub reservatione non

non cadere; cum habeat
vtrinque rationes probabiles,
& licet, cuique quam ma-
iorem sequi probabilem opi-
nionem. De dubio vero
negatio est opinionum va-
rietas. Nam Corduba in
Regulam S. Francisci cap. 7.
p. 4. quæstio 1. cas. 5. post alios
dicit peccatum dubium ne-
gatiuum manere reservatum.
Verior tamen opinio oppo-
situm tenet, quæ post alios
sequitur Diana de conscien-
tia dubia resol. 4. ratio est,
quia cum reservatio sit odio-
sa, de solo peccato certo est
intelligenda, non de dubio.
Idem dicendum est quando
reservatur peccatū, aliquod,
quod potest esse completum,
& consummatum, & incomple-
tum, & non consummatum, nā
tunc reservatio de solo comple-
to, & consummato intelligi-
tur, non de intentato, nisi in
reservatione exprimitur, vt
aliquando exprimi solet. Sed
quid dicendum, quando, quis
ratione dubietatis, vel incō-
pletionis fuit absolutus ab
aliquo peccato alias reserva-
to, comperit postea tale pec-
catum fuisse certum, vel com-

pletum, ac proinde verè re-
servatum, debet ne compa-
re ante superiorem, vel abso-
lutè fuit absolutum? Respon-
detur fuisse verè absolutum,
ac proinde nullam esse obli-
gationem accedendi ad Su-
periores pro tali peccato
tollendo, cum ipsa dubietas,
& incompletio, ad talem de-
lectionem conferat potestatem,
& jurisdictionem, ita Lugo
hic disput. 20. sect. 2. num. 32.
quod probat ex Sanchez, exē-
plo voti dubij alias reservati,
a quo fuit absolutus pœnitens
ratione dubietatis ab inferio-
re, quod si postea comperia-
tur eius certitudo, adhuc ma-
net pœnitens absolutus.

Hinc deduces alterius dif-
ficultatis resolutionem, an
quando Pœnitens confitetur
peccatum verè reservatum,
Confessario non valente ab-
soluere, sed ignorat pœnitens
tale peccatum esse reservatū,
an tunc tale peccatum verè
& directè dimittatur? Eadem
difficultas est, quando pœni-
tens scit suum peccatum ve-
rè esse reservatum, & illud
cōfitetur Sacerdoti inferiori,
quem putat ab eo posse ab-

Ccc sol-

soluere, an re vera maneat absolutus? Respondetur affirmatiuè, ratio est, quia Ecclesia tacitè in his, & similibus casibus sufficientem confert iurisdictionem in bonum animarum; alioqui innumeri fideles anxij remanerent de suis confessionibus: Imò aliquando grauiter deciperentur, cum sint plures Confessarij, qui casus ignorant reseruatos, & aliunde non sit proprium pœnitentium id scire; vnde siue Confessarius absoluen- do peccet, siue non, pœnitens bona fide procedens validè videtur absolui, quoties tamen pœnitès id resciat ad superiorem sistere debet.

Tertiū dubium, an si quis committat peccatum reseruatum, ignoret tamen eius reseruationem, absolui possit à quocunque approbato Confessario? Sunt de hoc dubio tres sententiæ. Prima est absolute negatiua, quam defendit Mazuchellus de casibus reseruatis disput. 1. q. 2. difficul. 5. Merolla to. 1. disput. 1. cap. 2. difficul. 11. num. 642. & aliqui alij. Secunda sententia distinguit, dicens reserua-

tionem aliam esse pœnalem, & aliam esse medicinalem, seu per modum legis determinantis casus, in quibus pro meliori remedio applicando, recurrendum est ad Prælatus pro absolutione.

Peccata ergo reseruata in pœnam delicti, reseruatiōe non habent, quando reseruatō illa pœnalis ignoratur; quando vero est medicina, seu lex determinans casus medicinalis est, incurritur, etiā ab ignorantibus. Ita ferè Lugo disput. 20. sect. 2. num. 9. & infra. Sed explicandum erat quænam peccata reseruētur in pœnam, & quænam in medicinam; & quomodo id dignoscatur.

Tertia sententia verior, & communior inter modernos absolute docet ignorantem reseruationem non incidere in illam, eo quod putat, omnem reseruationem esse propriè pœnam. Hanc post Nauar. in man. cap. 27. num. 80. Grassiū de casibus reseruatis reseruatis lib. 2. cap. 40. n. 29. sequitur Pater Ioseph de San Ioan de casibus reseruatis resol. 1.

Pro-

Probatur primò, omnis casuum reservatio est pœnalis; ergo non incurritur ab ignorantibus illam. Consequentia pro modo supponitur, & admittitur à contrarium nostræ sententiæ sentientibus. Antecedens in quo est difficultas ostenditur, supponendo tamè breuiter, quod reservatio, vel est de re mala, quia prohibita, vt loquutio cum Monialibus, vel est de re prohibita, quia mala, vt homicidium; sed siue sit reservatio de re mala, quia prohibita, siue de re prohibita quia mala semper est pœnalis; ergo. Minor hæc subsumpta probatur.

Nam si reseruetur res mala quia prohibita, vt loquutio cum Monialibus, talis reservatio, cum sit de re alias in differente, & solum mala ex parte pœnitentis, talem prohibitionem transgredientis, non potest non esse in pœnâ talis transgressionis. Si vero reservatio sit de re prohibita quia mala, est in pœnam delicti, ergo.

Sed dices primò, quod reservatio non est semper in pœnam delicti, vel transgres-

sionis, sed ob bonam Ecclesiæ gubernationem, ac proinde non semper est pœnalis. Nam contra est; nam in tantum fit reservatio ob bonam Ecclesiæ gubernationem, in quantum expedit, quod transgressores præceptorum diuinorum, vel Ecclesiasticorum, compareant ad Ecclesiæ Proceres, vt delicta puniantur, vel facilius retrahantur ab illorum transgressionibus, & sic primum, & potissimum, quod in reservatione inspicitur est delictorum pœna. Adde, quod ipsa comparèdi obligatio, quæ in reservatione referatur, est maxima delinquentium pœna, & hæc primò inspicitur saltem exequutionis via, nam via intentionis est altera pœna, nempe delicti punitio, quæ postea in bonam resultat Ecclesiæ gubernationem.

Dices secundò reservationem non esse factam pœnitentibus, sed esse limitationem iurisdictionis Confessarij, & sic reservationem non esse pœnam delinquentis, sed limitationem absoluentis. Nam contra est, quia ideo limitatur

absolutionis iurisdictione, quia pœnitens illa commisit peccata reservata; unde non limitatur absolute absolventis iurisdictione, sed ratione pœnitentis, vel per ordinem ad pœnitentem; ac proinde si pœnitens ob ignorantiam à tali pœna excusatur, absolventis iurisdictione non limitabitur.

Probatur secundò, quia peccatum alias reservatum, commissum ab ignorante reservationem, est actus inuoluntarius, prout dicit reservationis qualitatem; ergo non contrahit reservationis rationem; Antecedens est certum, sicut enim actus, qui à parte rei duas habet malitias, si una ignoretur, vnius solum malitiæ reus est; ita peccatum quod alias annexam habet reservationem, si illa ignoretur, non contrahetur. Consequentia ex Antecedenti clarè satis, sequi videtur.

Adde quod admissa communi doctrina, quod non solum ignorantia invincibilis, verum etiam vincibilis, dummodo non sit affectata, & supina, & naturalis obliuio, seu actualis inconsideratio excō-

municationis, & aliarum censurarum excuset ab illarum incurfione, sequitur, quod, si quis talem habet ignorantiam, vel inconsiderationem censurarum, quibus casus Pontifici sunt reservati, poterit à quocunque Confessario absolui. Unde Magister Serra post alios multos quos congerit Diana p. 9. trac. 6. resol. 13. dicit in par. 2. tom. 2. q. 76. art. 3. dub. 2. *ignorantia etiam mortaliter culpabilis tam facti, quam iuris communis Pontifici, quam etiam censura excusat non solum à pœna, excommunicationis, sed etiam à cæteris omnibus alijs censuris, suspensione, interdictione, irregularitate, &c.* & probat ex cap. cum animarum, de cōstit. 6. vbi dicitur, *ut animarum periculis obuietur, sententijs per statuta quorumcunque Ordinariorum prolati ligari nolumus ignorantes, dum tamen eorum ignorantia crassa non fuerit, aut supina.* Vbi sapienter notat Serra ex Sylvestro, quod dum dicitur: quorumcunque Ordinariorum simpliciter, etiam Pontifex intelligatur.

Quar.

Quartum dubium est, an qui commisit peccatum Pontifici reseruaturn legitime tamen impeditur ne personaliter Pontificem adeat, possit à quocunque absolui, eo quod eo impedimento posito, ex benigna Pontificis intentione cesset illius casus reseruaturn. Responderetur negatiue, sed vel teneri per internuncium si potest, vel per litteras, vel secundum alios tenetur adire legatum: vel etiam secundum sententiam Bosij de iurisdic. Episc. disput. 1. dub. 3. nu. 23. post alios multos, quos ibi citat, sufficere adire Episcopum, qui vigore facultatis generalis absoluendi impeditos cum onere se presentandi, poterit illos absolvere, absque eo quod mittant, vel scribant Romam, quia nullibi talis reperitur obligatio: oppositum tamen practicatur, ut testatur Thesaurus in praxi de poenis p. 1. cap. 24. ampliat. 3.

Sed quid, si legitime impeditus adire Romam, sit etiam legitime impeditus adire Episcopum, poterit ne absolui à Parocho, vel à quo-

cunque Confessario approbato? Negatiue responde. Vasquez q. 91. art. 3. dub. 81. nu. 4. & dub. 9. nu. 23. nisi in articulo mortis. Oppositum videtur verius, quod post Cano, Soto, Ledesma, & alios tenet Palaus to. 4. tract. 33. disput. vnica, puncto 15. nu. 3. Suarez to. 4. disput. 30. sect. 3. nu. 10. & alij plures, & ratio est, quia facultas reseruandi casus non debet esse in destructionem animarum, sed in bonum, esset autem in destructionem, si semel talis impeditus non posset à legitimo confessario, & Parocho absolui, bene verum est, quod semper remanet obligatio comparendi respectiue. Idem putat esse dicendum, idem Palaus, loco citato, de eo, qui habet casum reseruaturn Episcopo, quod nimirum si non possit Episcopum adire possit absolui à Confessario approbato, cum onere ut supra.

Quintum dubium esse potest, an tempore pestis cesset casuum reseruaturn, ita quod possint casus habentes reseruatos, à quibuslibet Confessari-

farijs absolui? Affirmat Marchinus in *Bello diuino*, part. 3. c. 3. nu. 4. quando pestis grassatur, quia tunc omnes censetur esse in periculo mortis, in quo omnes Sacerdotes etiam simplices, excommunicati &c. possunt ab omnibus casibus absolvere, idem dicitur de proximè ingressuris bellum, de nauigantibus orta procella &c. Vñus tamen videtur in contrarium, deberent tamen tunc temporis Episcopi, & suos casus referuatos relaxare, & idem curare de Pontificibus, pro animarum consolatione, vt fecit Sanctus Carolus, quando pestis Mediolani grassabatur.

Sextum dubium, an in loco exempto cesset casus reservatio, vt si quis secularis committat peccatum sodomiz in monasterio exempto, incidat in reservationem? Negant aliqui, quia regularium monasteria sunt exempta solum ratione personarum ipsorum religiosorum, non secularium, ac proinde seculares ibidem contra Episcoporum statuta facientes, ab eodem Episcopo puniri pos-

sunt. Alij quos refert, & sequitur Diana p. 5. tract. 9. resol. 66. appositum tenent, quia religiosorum monasteria non solum sunt exempta ratione ipsorum religiosorum sed ratione sui, ita quod ita se habeant, ac si essent extra diocesim, sed de hac re alibi Deo dante sermo redibit.

Solum vnum, dum occurrat, aduertat velim, quod nimirum habens casum referuatum, extra diocesim, in qua non est talis casus referuatus, absolui potest, etiam si consulto ibi eat, vtitur namque iure suo.

Septimum dubium, an casuum reservatio includat peccata præterita? affirmatiue respondeo, nisi aliud exprimitur, & nisi reservatio anaxam habeat censuram, quæ ob peccata præterita non fulminatur. Non displicet tamen aliquorum sententia, qui dicunt, peccatorum reservationem absolutè factam, non extendi ad peccata præterita, eo quia cum sit odiosa restringi, non extendi debeat.

Dubium vltimū, an pueri ante

ante pubertatis annos, in casus incident reservatos? Affirmatiuè respondent aliqui apud Dianam p. 2. trac. 15, & 1. Miscel. resol. 1. Ipse tamen melius cum alijs negatiuè respondet; & ratio est, quia cum, vt supra dicebamus, reservatio sit poena, &

puer ante probertatis annos in alias non incident poenæ, neque in hanc incident, vnde videmus, neque in foro externo puniri saltem poena ordinaria si forte aliquod committant delictum, vt obseruat Grassius apud eundem Dianam.

Q V A E S T I O I V.

An Prælati Regulares possint pro libito sibi subditorum peccata reservare,

Certum est, vt supra dicebamus, omnes eos sibi posse peccata reservare, qui iurisdictionem habent ordinariam, & sic cum Regularium Prælati, sint tales, peccatorum, suorum subditorum, facere poterunt, reservationem, sicut Pontifex pro tota Ecclesia, & Episcopus pro sua diœcesi. Et sicut Episcopus mortaliter peccat nimiam faciendo peccatorum reservationem, cum abutatur potestate, in destructionem nimirum animarum, licet reservatio secundum aliquos teneat; ita Prælati Re-

gulares grauiter delinquant, nimiam faciendo reservationem; Ob id Clem. VIII. prudenter limitauit Prælatorum Regularium potestatem, ne plusquàm vndecim casus quos in suo decreto incipiente *Sacrosanctissimus Dominus Noster* enumerat; & quod si aliquod peccatum graue pro Religionis conseruatione reservari deberet id fiat in Capitulo generali, vel Prouinciali matura facta discussione, & consensu. Et sic patet non posse Regulares sibi pro libito subditorum peccata reservare.

Sed

2. Sed dubitalis primò, an Regulares Prælati possint aliquid præcipere, vel prohibere sub excômunicatione reservata? Respondetur negatiuè, ita declarauit Sac. Congregatio 7. Iulij 1617. in hæc verba. *Cum à nonnullis Regularibus dubitare ur an in decreto sal. rec. Clem. Pape VIII. anno 1553. 16. Maij super qualitate casuum ab eorundem Regularium superioribus reservandorum cæto, censura etiam comprehendatur, ita ut iisdem superioribus absque Capisuli Generalis, aut Prouincialis consensu, aliquibus peccatis in decreto huiusmodi non contentis excommunicationem annexere, eiusdemque absolutionem sibi reservare liceas?* S. Congregatio Cardinalium negotijs Regularium, Præpositum, Illustrissimo Bandino referente, censuras in supradicto decreto comprehendi censuit. Roma 17 Iulij 1617. A. Mar Episc. Ostiënsis, Cardinalis Gallus Et merito quidem id S. declarauit Congregatio; quia alioqui Pontificis mens illuderetur, & res ad antiquum reuocaretur statû, si semel casus quof-

cunque ratione censuræ possent Regularium Prælati sibi reservare.

Dubitabis secundò, an Regularium Prælati possint propria auctoritate sibi reservare casus in Clem. decreto contentos, an vero requiratur consensus Capituli Generalis, vel Prouincialis, sicut requiritur pro alijs non contentis? P. Bordonus in Consilijs Regularium, resol. 37. q. 30. nu. 42. partem tenet affirmatiuam. Sed hæc Bordoni resolutio non videtur ad mentem Pontificis, sic enim loquitur Pontifex. *Ideo, ut huic malo Sanctitas Sua oportune prospiceret, decreuit, ut nemo ex Regularium superioribus peccatorum absolutiones sibi referret, exceptis ijs, quæ sequuntur:* deinde casus enumerat, & postea subdit. *Si quod aliud præterea peccatum graue pro religionis conseruatione, aut pro conscientia puritate reservandum videbitur, id non aliter fiat, quam Generalis Capituli in toto Ordine, aut Prouincialis in Prouincia, matura discussionem, & consensu.*

Dubitabis tertio, an Prælatus

latus regularis qui casum re-
servauit, incidat in casum re-
servatum, si in talem casum
incidat? Communis resolu-
tio est negativa, *cum par in-
parem non habeat iurisdictio-
nem*, & multo minus, quia
nullus iurisdictionem habet
in se ipsum. Difficultas ma-
ior est, an superior ille, qui
facultatē habet alios absol-
uendi, sicut dare potest fa-
cultatem alteri, ut alios ab-
soluat, ita possit illam dare
suo confessario, ut absoluat
se ipsum, si forte in casum in-
cedat reservatum Exemplum
habet in Vicario Episcopi, an
possit dare facultatem suo cō-
fessario, ut ipsum absoluat, à
reservato Episcopo. Et idē
procedit de Prælato regulari
respectu casuum à quibus
potestate ordinaria absolvere
potest, ut sunt casus in consti-
tutionibus nostris reservati, à
quibus Prælati locales absol-
vere possunt. Ad quam re-
spondeo affirmativē, & est
communis sententia, ut vi-
dere est apud Dianam de Sa-
cram. resol. 147. & ratio est
quia Prælatus dum confert
alteri potestatem delegatam

absoluendi à non reservatis,
confert potestatem, ut & ip-
se absolvatur, ergo cum con-
fert potestatem absoluendi à
reservatis, illam confert etiā
pro se, alioqui inferioris es-
set conditionis alijs.

Dubitabis quartò, an Præ-
latus regularis (& idem est
de quolibet alio) qui habet
facultatem absoluendi à re-
servatis, verè absolvat, quā-
do subditus, qui habet reser-
vata illi confitetur, sed prop-
ter obliuionem, illa non de-
ponit, vel non omnia. Negat
Suarez hic. disput. 31. sect. 4.
& Vasquez q. 92. art. dub. 1.
Communior, & vera opinio
affirmat, quam sequitur Gab.
Adrianus, Syl. Angelus, Ro-
sella, Navar. Couar. Cano,
& Ledesma apud Suarez, eā-
dem sequitur Nugnus hic q.
9. art. 2. par. 2. dub. 4. Co-
ninch. disput. 8. dub. 12. nu.
98. & alij plures, & ratio est,
quia & subditus dum confi-
tetur intēdit absolutionis be-
neficium recipere in omni
latitudine, & Sacerdos absol-
uens intendit absolutionem
impendere omni meliori mo-
do; si enim Sacerdos dum

generalem facit excommunicationis absolutionē, ab omni ea præsumitur absoluerē; ita dum absolutam confert à peccatis absolutionem, eam absolutam facere præsumitur & sic censetur directè reservationem peccatorū obliturum, vel non expositorum tollere; & currit non solum in habente potestatem ordinariam absoluendi à reservatis, verum etiam in habente delegatam cū sit eadem vtriusque ratio. Secus esset si Confessarius suam restringeret intentionem ad peccata confessā, sicut quando quis à particulari absoluit excommunicatione, seu particularem facit alicuius excommunicationis absolutionem. Hoc idem admittunt communiter omnes, vt alias monuimus quando facultas absoluendi data est infavorem Pœnitentis, vt iubilæi tempore; Vnde si quis tempore iubilæi nullā fecit confessionem, quia factō conscientię examine nullum adinuenit peccatū mortale, cum tamen reservatum

haberet, poterit transacto iubilæi tempore à quocunque confessario approbato ab illo peccato absolui, quia per lucrationem iubilæi ad id ius acquisiuit. Idem dic si quis iubilæi tempore non fuit confessus etiam reservata, quæ habebat, quia confessarij copiam non habuit, dummodo alia opera exequatur. Idem dic quando confessio fuit inualida etiam aduertenter facta, licet aliqui id nolint pro tempore iubilæi, quia non videtur Pontificis intentio esse de dāda tali facultate illi, qui non habet intentionem lucrandi iubilæum, qualem non habet, qui consulto inualidè confitetur; secus dicendum de illo, qui consulto inualidā facit cōfessionem apud Prælatum, vt absolutionem obtineat à reservatis, quia Prælatum cum talem ignoret subditi intentionem, absolutam facit absolutionem, ac proinde licet non sequatur peccatorum ablatio, fit tamen ablatio reservationis illorum.

QVÆSTIO V.

*Resoluuntur aliquæ difficultates ad materiam
reseruationis pertinentes.*

Prima difficultas est, an Confessarius, qui peccatum commisit, reseruat, ut facultatem à Prælato obtineat, absque sui manifestatione, ut à suo absoluator Confessario, possit sub hac forma talem petere facultatem. Peto facultatem ut absoluator vnus subditus tuus; seu vnus subditus tuus facultatem petit ut absoluator à tali reseruato. Respondetur affirmatiue, cum enim etiam Confessarius sit subditus, in tali petitione includetur, argumento legis, *Paulus respondit §. fin. ff. de pignoribus*, ubi dicitur, quod quando seruus ex Domini consensu, in aliquo contractu, omnia Domini bona obligauit, etiam seruus ipse obligatus censetur.

Secunda difficultas, an petens facultatem ut à reseruatistis pro vna vice, vel pro hac vice absoluator, possit absol-

ui etiam à peccato reseruato, quod post petitam, & obtentam facultatem commissum est? Aliqui absolutè negant, alij absolutè concedunt. Verius distinguendum est, vel enim licentia data, est pro absolutione peccati determinati, vel pro absolutione à peccatis reseruatis illimitatè. Primo modo, ut patet, non extenditur, bene secundo modo, etiam si quis differat absolutionem, vel confessionem per aliquod tempus, ut absoluator à committendis. An autem licentia Prælati, ut quis absoluator à reseruatis extendatur ad illa peccata, quæ quis ob confidentiam obtinenda absolutionis commisit, dubitant aliqui: Verius tamen dicendum est extendi; sicuti id communiter admittunt Theologi de illis, qui ob Iubilei confidentiam peccant; certum enim est, & hæc peccata

Ddd 2 per

per Iubileum tolli, cum in ipso Iubileo talium peccatorum non fiat exclusio.

Hoc idem dicitur, quando ob aliquam causam in Iubileo confessio differtur, si enim quis tempore illo intermedio aliquod committat reservatum, poterit ab eo, à quocunque Confessario approbato absolvi: & ratio est, quia per Iubileum Pœnitens acquisivit ius, ut absolvatur à reservatis per confessionem ponendam, per accidens autem est, quod aliud commiserit reservatum. Idem volunt aliqui de dispensatione voti; sed de hoc suo loco.

Tertia difficultas, an Regulares tempore Iubilei, ut à reservatis absolvantur, sufficiat quod confiteantur suo Prælato, vel alteri religioso de illius venia, ab Ordinario, seu ab Episcopo non approbato; an vero requiratur, quod confiteantur Confessario ab Episcopo approbato. Prima sententia est, quod requiratur, quod confessio fiat Confessario ab Episcopo approbato, ita post Suarez, & aliquos alios tenet Lugo dispu-

tio vigesima num. 143. Secunda sententia verior, & probabilior, & magis in usu est, quod sufficiat proprio confiteri Prælato, etiam ab Episcopo non approbato, vel alteri religioso de venia proprii Prælati, etiam si ab Episcopo approbatus non sit; ita communiter recentiores post Bonacinâ de sacram. disp. 5. q. 7 p. 4 §. 1. nu. 14.

Probatur primò, Religiosus ante Iubilei tempus potest, & debet proprio confiteri Prælato, vel alteri religioso, de eiusdem Prælati venia; ergo etiam tempore ipso Iubilei; Antecedens ab omnibus conceditur. Consequentia probatur, quia per Iubileum non extrahitur Religiosus, ab illa, quam proficitur observantia; Atqui extraheretur, si semel deberet confiteri religioso ab Episcopo approbato, vel seculari; ergo. Maior videtur nota; nam Iubileum datur in bonum animatum, non in destructionem; datur Iubileum ut fideles maiori cum fervore Deo deseruiant, peccatis dimissis, & penis illis debitis; non esset au-

tem sic, si semel Religiosus, ab illa, quam proficetur obseruantia, extraheretur. Minor ostenditur. Nam potissima Religionis obseruatiua est, quod Religiosi in Monasterijs maneat, sub obedientia, & oculis proprij Prælati, si autem deberent confiteri approbato ab Episcopo, locus daretur vagationis; cum in multis Monasterijs, nullus reperiatur Confessarius ab Episcopo approbatus, ut contingit in illis, qui sæcularium non audiunt confessiones, uti sunt Carthusiani, & Capucini, & contingit in nostris eremis, imò dato quod esset vnus, vel alius sic approbatus, certè nimis durum esset, totam ad illum, vel illos restringere cõmunitatem, præsertim cum contingere possit, quod aliqui cum eo, repugnantiam habeant, vel confidentiam non habeant.

Probatum secundò, quia in Iubileo facultas datur, ut quis absolui possit à reseruatiss, per Confessarium, ab Ordinatione approbatum; sed Prælatus proprius, est religiosi Ordinarius; ergo ab eo absolui po-

test, vel etiam ab illo, qui eiusdem Prælati est delegatus. Minor, in qua est difficultas, ostenditur; Nam religiosus cum sit ab Episcopo exemptus, pro proprio Ordinario, eundem Episcopum habere non potest, sed eius est proprius Ordinarius, qui est illius superior, cui subijcitur, & à quo gubernatur: Hucusque namque nemo dixit, Episcopum esse exemptorū Ordinarium, sed subditorū priorum.

Sed dices cum Lugo num. 141. quod licet Ordinarij nomine Prælatus regularis intelligi aliquando possit, non tamen in Iubileo eo quod ibi dicatur, quod possit eligi Confessarius ab Ordinarijs locorum approbatus, nomine autem Ordinarij locorum, soli Episcopi intelliguntur. Nam cõtra est, quia peterem à Lugo, ubi inuenit, quod nomine Ordinarij locorum, soli Episcopi intelligantur? Nonne Regularium Prælatus sunt suorum locorum exemptorum, seu Monasteriorum Ordinarij? certè sunt; ergo cum Pontifex dicat eligi pos-

se Confessarium ab Ordinarijs locorum approbatum, per distributionē locutus est accommodam; videlicet, quod vnusquisque eligat Confessarium à proprio Ordinario approbatum, sæcularis ab Episcopo, & Regularis à proprio Prælato.

Quarta Difficultas, an per Iubileum anni Sancti reuocentur Regularium facultates, si quas habent, absoluedi à reſeruatis? Respondetur negatiuè, reuocantur quidem indulgentiæ, & facultates absoluedi, causa indulgentiæ lucrandæ, sed non absolute: ita plures, quos refert, & sequitur Lugo, disput. 20. num. 145.

Quinta Difficultas, an cōfessarius inferior possit absoluerē à reſeruatis, quando superior absoluedi facultatem concedere renuit, sed vult quod subitus ad suos pedes

apparet. De Regularibus nulla est difficultas; concessit namque Clem. VIII. in suo decreto pro regularium reſeruatiōe, quod si confessorius petat à Prælato veniam absoluedi subditū illius, ab aliquo reſeruato, & illā Prælatus denegat, possit pro vna vice confessorius talem Pœnitentem absoluerē. Difficultas est de sæculari de qua re, aliqui quos refert, & probabile putat Diana de Sacra. resol. 29. putant id fieri posse. Sed Melior est contraria opinio quam sequuntur communiter Theologi, quos longe manet refert, & sequitur Layman lib. 1. trac. 6. c. 13. nu. 3. Nam Tridentinum sess. 14. c. 7. solum mortis articulum excipit, extra quem nullus potest in reſeruata, nisi ordinariam, vel delegatam, quoad illa, habeat facultatem.



Q V A E S T I O VI.

De Confessarij approbatione, ubi pulchræ difficultates expediuntur.

PRæter potestatem ordinariam, vel delegatam, requiritur in Confessario approbatio; vel potius ut melius dicam approbatio ab Ecclesia requiritur, ut quis habeat potestatem ordinariam, vel delegatam ad audiendas confessiones. Sunt autem duo modi approbationis: primus per Pæciæ collationem, secundus per examen, ut statuit Tridentinum sess. 23. cap. 15. de reformatione, ubi sic dicitur. *Decernit Sancta Synodus, nullum etiam regularem, posse Confessiones secularium etiam Sacerdotum audire; nec ad id idoneum reputari, nisi aut Parochiale beneficium, aut ab Episcopis per examen si illis videtur esse necessarium, alias idoneus iudicetur: & approbationem, quæ gratis detur, obtineat, privilegijs, & consuetudine quacunque etiam immemorabili, non obstantibus. Sed*

antequam dubia, quæ ex hoc Concilij decreto oriuntur proponantur, nota primò, quod quoad Parochos nullum requiritur examen, quia ex eo quod ad id munus assumuntur, siue per examen, & cōcursum, ut communiter observatur; siue sine illis, censentur idonei, eo quod præsumitur quod nullus ad illud munus assumatur, quin valde sit idoneus, licet aliquando oppositum alicubi observaerim, assumuntur namque aliquando ad illud periculosum munus, Sacerdotes, qui vix legere sciunt, & sic cæci sunt, & duces cæcorum. Nota secundò, quod ille, qui approbationem habebat ratione Parochialis beneficii, si postea renunciât, vel alio quocunque modo priuetur, illam amplius non habet approbationem, sed alia requiretur, si confessiones audire velit, ratio

tio est, quia Concilium vult, illū esse approbatum quoad sæculares beneficiarios, qui Parochiale obtinet beneficium; & sic, si amplius non obtineat, tali non fruitur indulto.

Aliqui tamen, & non videtur improbable id concedunt, quia talis videtur mēs esse Concilij, nam vult Concilium Parochum examini nō subiacere, quia iam supponitur idoneus, quam idoneitatem non amittit per Paraciæ renunciationem, si enim in regulari examen non requiritur quando alias idoneus iudicatur, idem dicendum erit de illo, qui alias idoneus fuit iudicatus per Parochialis beneficii collationem; sed à primo dicendi modo non videtur recedendum.

Nota tertio, quod regularis priuilegiatus, seu exemptus ab Episcopi iurisdictione, non accipere ab Episcopo iurisdictionem, sed à Pōtifice, posita Episcopi approbatione, vt conditione, quod non solum colligitur ex iure communi, præsertim ex cap. *Dudum*, de sepulturis, verum

etiam ex citatis Tridentini verbis, vt consideranti patebit: his positis.

Quæritur primò, an regulares suorum virtute priuilegiorū possint absolvere à casibus iure communi Episcopis reseruatis? Respondetur affirmatiuè, quod vt intelligas referam per extensum verba decreti Clement. VIII. prohibētis, ne regulares prætextu priuilegiarum absolvere audeant à casibus, quos Episcopi sibi reseruant, vel in posterum reseruabunt. *Nec etiam à casibus quos Ordinarij locorum hactenus reseruauerunt, vel in posterum sibi reseruabunt, nullo casu etiam necessitatis, vel impedimenti, nisi in mortis articulo.* Et infra in eodem decreto habetur eiusdem Clem declaratio, quoad casus Papales in hæc verba: *Sub eiusdem prohibitione illos tantum in posterum comprahēdi casus, qui in Bulla cœna Domini legi consuecta continentur. Ac præterea violationis immunitatis Ecclesiasticæ in terminis constit. sel. rec. Greg. XIII. violationis clausura Monialium ad malum finem. Prouocantium,*

de pugnantium in duello. Inijcientium violentas manus in Clericos. Simonia realis scienter contracta, atque etiam conscientia beneficiæ. Item omnes casus quos Ordinarij locorum sibi reseruarunt, vel in posterum reservabunt. Et licet Paulus V. & Urbanus VIII. in suis decretis absolute prohibeant ne regulares à casibus absoluant Episcopalis; cum tamè sint præcedentis decreti cõfirmatio, de solis illis casibus Episcopalis intelliguntur, quos sibi Episcopi reseruant, nõ de illis, qui à iuri sibi reseruantur, ita post alios Diana p. 3. tract. 2. resol. 13. & p. 8. trac. 7. Miscel. resol. 71. Addit post alios Diana loco primò citato, hoc idem dicendum esse de excommunicationibus Episcopis reseruat; Et de casibus Papalibus alias Pontifice reseruat, exceptis citatis; & ab omnibus illis à quibus (quia oculi) absolvere possunt Episcopi, quia tunc cum fiant Papales à iure Episcopis reseruat, in virtute præcedentis decreti absolvere possunt Regulares.

Quæritur secundò, an Prælatus Regularis possit absque Episcopi approbatione, sæcularium audire confessiones? Affirmat Henriquez lib. 7. de Indulgentijs cap. 12. num. 3. ubi refert idem sensisse viros doctissimos ex Dominicano-rum familia, videlicet M Mantium, Gallum, Medinam, & Bannesium. Eandem sententiam tenet Ioannes Valerus in differentij vtriusque fori v. nullitas, differentia 5. num. 5. Eo fundamento quia Tridentinum vult Parochos esse ministros confessionis idoneos; atqui Regularium Prælatus est verus Parochus, suarum animarum custos, & rector; ergo.

Sed non est recedendum à communi sententia, quam post alios tenet Diana to. 1. tract. 2. miscel. resol. 46. & ratio plana est, quia Regularis Prælatura non est beneficium Parochiale, sed altior dignitas, & dato quod esset Parochus, Regularium Prælatus, ad summum sequeretur, quod non sæcularium, sed suorum subditorum Parochus esset,

E e c &

& sic, quod posset suos subditos, non sæculares audire. Per quæ patet ad fundamentum oppositum.

Quæritur tertio, an approbatus ab Ordinario, sed limitatè scilicet pro solis rusticis, vel pueris, vel mulieribus, vel viris, possit iubei tempore ab omnibus eligi, tanquam verè approbatus. Negat Lugo disput. 2. r. nu. 16. post Suarez, & alios quos ibi refert, sed à solis illi eligi potest, pro quibus fuit approbatus. Sed verior, & communior sententia affirmat, quam sequitur Nugnus q. 8. art. 5. dub. 4. Bonacina hic disput. 5. q. 7. p. 4. §. 1. num. 22. Petrus Fay hic q. 8. art. 5. disput. 3. concl. 5. ad 4. Henriquez loco citato lib. 6. c. 6. nu. 8. Fagundez lib. 7. c. 2. nu. 45. & alij ferè omnes de hac materia scribes. Et ratio est, quia Iubileum debet aliquid suffragari, vel aliquid operari, dum facultatem concedit eligendi Confessarium ab Ordinario approbatum; atqui nihil operaretur, si semel requireretur vniuersalis approbatio; ergo. Certum

namque est, quod ille, qui est vniuersaliter approbatus, ab omnibus sine Iubei priuilegio est eligibilis; ac proinde, cum Iubileum concedat facultatem eligendi ab Ordinario approbatum, quæcunque sufficiet approbatio; dummodo aliunde per doctrinā idoneus sit, licet ex alijs capitibus limitatè sit approbatus, vt quia iuuenis &c. Idem dicendum quando aliquis est approbatus pro vno solum oppido, hic enim est eligibilis, per se loquendo, ab alio. Hic vnum aduerte, non esse necesse, quod approbatio detur in scriptis, sed quis statim est approbatus, ac ab Episcopo, vel ab examinatore, vel examinatoribus deputatis, idoneus censetur; vnde si cædulæ, vel scripturæ datio differatur, vt aliquando multum differtur non est expectanda, sed statim quod quis scit fuisse idoneum reputatum potest confessiones audire, & ita vidi viros doctos obseruare, nisi aliunde contrarium de Ordinarij mente constaret: & ratio est, quia Concilium simplicem

plicem requirit approbationem, non scripturam, vel per scripturam firmatam.

Queritur quartò à quo Ordinario debeat Confessarius approbari. Variæ sunt Theologorum sententiæ. Prima docet cuiusunque Episcopi approbationem sufficere, ut quis ubique audiat confessiones. Tum quia Tridentinum solû petit quod Cõfessarius sit ab Episcopis approbatus, nec determinat, quod ab hoc, vel ab illo determinatè; & sic, cû lex ista sit odiosa, restringi nõ debet, plus quam verba sonant. Tum etiam quia assignari non potest cuius Episcopi approbatio requiratur. Si enim dicatur quod requiratur approbatio Episcopi loci ubi fit confessio, ut vult Gutierrez lib. 1. can. 1. c. 27. nu. 16. contra est, quia Petrus Sacerdos Mediolani approbatus, potest ciuem Mediolanensem hic Romæ sacramentaliter absolovere. Si dicatur quod requiratur approbatio Episcopi poenitentis, ut voluit plures apud Suarez disput. 28. sect. 6. nu. 5. in quod ipse Suarez valde propendit; contra

est, quia alioqui Cõfessarius hic Romæ non posset extraneum confiteri, cum ab illius Episcopo non sit approbatus. Si vero dicatur Episcopû approbantem debere esse Confessarij ipsius Ordinarium, ut vult Lugo disput. 2. 1. num. 35. post Suarez, & alios. Etiam contra est, quia ex ista sententia sequeretur non posse Episcopum Laudensem approbare pro audiendis confessionibus Religiosum, vel etiam sæcularem hospitẽ, qui Cremonæ habeat domicilium, quod tamen est falsum, & contra praxim, nam concionatores, qui alibi habent domicilium approbantur frequenter ubi concionantur, ut mihi Laudæ contigit, & tamẽ non eram ibi conuentalis, sed hospes. Tum etiam, quia Episcopus non dicitur propriè Regularium Ordinarius, cum isti sint ab eius iurisdictione exempti, & licet subijciantur illi quoad idoneitatis testificationem, non tamen quoad iurisdictionem habendam, cum illam habeant à Pontifice, posita Episcopi approbatione. Ob has forte ra-

tiones Henriquez lib.7. de Indulgentijs cap. 12 §.4. & lib.9 de pœnit cap.6. nu.7. & alij, hanc tenent sententiam. Pro eadem sententia Lugo nu.28. citat Dianam tom.1. tract.11. de Bulla cruciatæ, & de sacramento. resol. 110. Sed nullibi Diana id dicit, in primo namque loco solum loquitur de electione virtute bullæ cruciatæ, vel iubilæi, vel alterius privilegiij, quod nimirum ratione illorum approbatus ab aliquo Episcopo, quis eligi possit. In secundo vero loco, loquitur de Parocho, an scilicet possit exponere approbatum ab aliquo Episcopo, & licet pro affirmatiua sententia aliquos referat, ille tamen illam non sequitur.

Quare relicta ista sententia, cum contra se habeat Pontificum declarationes, præsertim Innoc. X. in causâ definita contra Iesuitas, in fauorem cuiusdâ Episcopi Indici, quæ videri potest in N. Lezana in consulto in fauorê Iesuitarû factô. Dico 1. *Regularium approbatio ab Episcopo, necessaria non est respectu omnium pœnitentium, sed solum ad audien-*

das secularium, & laicorum confessiones, ut clarè docet Tridentinum loco citato. Vnde Religiosi, qui priuilegium habent eligendi Confessarium, possunt eligere non approbatum, siue sæcularem, siue Regularem; ob id nos secundum nostras Constitutiones dum sumus in itinere tenemur confiteri apud nostros, etiam simplices Sacerdotes; & si ex nostris non habemus, possumus confiteri apud Regularem, vel sæcularem, etiâ non approbatum.

Dico secundò. *Episcopum approbantem, illum esse debere, qui est Ordinarius loci, ubi quis vult audire confessiones; & ratio est, quia non debet quis alterius oues cognoscere, nisi de illius licentia.* Vnde habita postea ab hoc Episcopo licentia, potest illius oues ubique cognoscere, & sic, ubi eas reperit audire, & absoluerè poterit. Et licet iste Episcopus nō sit propriè Ordinarius Regulariû, siue in eo Episcopatu habeât domicilium, siue hospites sint, parum refert, ad hoc vt Episcopus illorû dicatur Ordinarius, cū hoc munus acqui-

acquirat in virtute decreti Tridentini eo ipso, quod Regulares sibi quoad idoneitatis testimonium habendum sibi subijciuntur, siue medio examine, siue solo nutu, &c.

Quæres quintò, an religiosus à suis superioribus Episcopo præsentatus pro approbatione, ad sæcularium confessiones audiendas, & iniuste reprobatus, possit confessiones excipere. Certum est posse Episcopum, Regularem nõ idoneum, reprobare, id enim sibi à Tridentino citato loco conceditur. Certum etiam est Regularem præsentatum, & aliunde idoneum habere ius vt approbetur, sicut enim Parochus ex ipsa electione sua, ius habet, vt approbetur, sic religiosus, qui ex Pontificum priuilegijs est veluti Parochus delegatus (cum ab ipso Pontifice, vt Parochus habeat iurisdictionem) habet ius si idoneus sit, vt approbetur. Difficultas solum est, an si Episcopus abique iusta causa religioso idoneo deneget approbationem possit ille confessiones audire, ob iurisdic-

tionem sibi à Pontifice concessam.

Conueniunt omnes Sacerdotes sæculares iniuste reiectos confessiones audire non posse, eo quod nullibi præsumere possunt de Pontificis voluntate, de conferenda eo casu iurisdictione. De solis ergo Regularibus præsens difficultas procedit: de qua. Prima sententia est affirmatiua quam defendit Nauar. Sum. cap. 27. nu. 264. & 265. vbi docet etiam post Tridentinũ id fieri posse, sed sufficiat licentia petita, & non obtenta, eandem sententiam sequitur Diana p. 2. de dubijs Regularium resol. 24. vbi citat Cochierum, Laymanum, Finellum, Villalobum, Mirandam, Henriquez, Ioan. de la cruz, Rodriquez, Sotum, Grassium, Vegham, Cenedũ, & Fagundez; & p. 6. citat Cellotium, Baunyum, Gamacheum, & Celestinum, & hanc sententiam dicunt receptam esse inter Doctores inclytæ Sorbonæ, & probant primò ex Bonifacio VIII. in extranag. *super Cathedram*, de sepul-

sepulturis , vbi conceditur , quod postquam Generalis , vel Prouincialis petierunt facultatem ab Episcopo ad eligendos confessarios , & electos præsentarunt , si Episcopus nollet eos admittere habeantur pro admissis . Et hoc confirmauit Clem. V. in Concilio Vientiensi , relato in Clement. *dubium* de sepulturis ; Secundò probant , quia hæc Clement. non est per Tridentinum reuocata , quia Tridentinum solum priuilegia , & consuetudines in contrarium reuocauit , non ius commune , qualia censentur priuilegia , in corpore iuris inserta , ius namque commune semper illesum censetur , nisi expressè reuocetur .

Sed opposita sententia sequenda est , & videtur praxis Ecclesiæ , & raro contingit , quod quis illam sequatur , vel quia Episcopi communiter valde benigni sunt erga Regulares , vel quia etiam si quis esset malè affectus erga illos , & iniuste illos approbare nollet deberent id patienter tollerare pro bono pacis . Quod

si , vt aliquando vidi , talis exclusio in ignominiam resularet Religiosi , & subinde Religionis , ad superius tribunal esset recurrendum , nec facile deberet illam sequi sententia , quia scandala in populo oriri possent , vt alicubi contingit , quia exclusus confessiones audiebat , & Episcopus se opponebat , etiam declarando tales confessiones nullas esse . Melius se gessit quidam , qui exclusus ab examinadoribus , quia non rectè ad interrogata respondisset , eo quod illius sententiæ illorum captum superabant , qui vix vnum , vel alterum summistam viderunt ; publices exposuit thæses de illis punctis , & in illis thæsisibus , ipsos inuitabat examinadores , qui ire nolluerunt , sed apud Episcopum curarunt , vt approbationis schedula ad ipsum mitteretur , quo facto cessauit rumor .

Quæres sextò , an possit Episcopus Regularium confessarios approbare cum limitatione ad certum tempus v. g. per 6. menses , vel ad annum ;

annum, vel ad certas personas, ut v. g. regularis mulierum non audiat confessiones, nisi annum habeat quadragesimum, &c. Quoad sæculares non est dubium; quoad Regulares vero multi sustinēt id fieri non posse, quos videre poteris apud Dianam de dubijs Regul. resol. 25. quam sententiam mordicus defendit Pater Cellotius de Hierarchia lib. 5. cap. 25.

Sed praxis Episcoporum est in contrarium, solent namque ferè ubique licentiam ad annum limitare; sed hic dubitabit aliquis, an si Regularis anno transacto audiat Confessiones antequam licentia de nouo confirmetur confessiones sint validæ. Sequendo primam sententiam certum est, & validas, & licitas esse; at sequendo oppositam Episcoporum praxi firmatam, difficultas est nonnulla; aliquis enim dicet talem licentię confirmationem solum requiri ab Episcopis, ut Regulares illam ostendant subiectionem, non ut nouam conferāt approbationem, vel antiquam, quæ iam finiuit cō-

firment. Certè de Episcoporum benignitate id facillè præsumi potest præsertim si bona fide procedant Regulares.

Quæres septimò, an licentia Regularibus data ab Episcopo ad audiendas confessiones, possit ad libitum reuocari. Certum est posse reuocari à successore, ut statuit Pius V. in proprio motu; non tamen à Capitulo sede vacante. Ludouicus Cellotius loco citato post alios quos affert, docet non posse Episcopum tales licentias reuocare, eo quod Pontifices, & Cōcilium vna contentātur præsentatione. Alij volunt illas posse reuocare, & quando ad beneplacitum illas licentias concessisse, & quando limitasse. Alij dicunt posse Episcopum validè, etiam sine iusta causâ, tales licentias reuocare, non licitè, nisi iusta interueniat causâ, quod magis practicum videtur.

Quæres octauò, an religiosus ab Ordinario approbatus, sine suorum licentia Prælatorum possit sæcularium cōfessiones audire, ita quod confessiones validæ sint? Respondetur

detur affirmatiuè; ratio est, quia Prælati regularis præsentatio, non est conditio essentialis, sed accidentalis, & ad melius esse, ad hoc vt posita Ordinarij approbatione Pontifex conferat iurisdictionem; nec Episcopus in tali approbatione à regulari Prælato dependet, sed sui iuris est, &

potestatis. An autem peccet mortaliter religiosus ille, qui sine suorum licentia Prælatorum, se Episcopo approbandum representat. Affirmatiuè respondetur: ratio est, quia in extrauag. *super cathedram* talis representandi modus præscribitur, & est communis Religionum praxis.

Q V A E S T I O VII.

De scientia quam debet habere Confessarius.

QUadruplicem confessarij scientiam assignabant Scholastici antiqui, vnâ, quam vocabant clauem: *clauis scientiæ*, & hæc scientia, vt patet, non est habitus acquisitus, vel infusus, sed potestas discurrendi in foro, seu iudicio animæ, vt per eam iudicet Confessarius quis debeat ad sacramentum recipi, quisque excludi, vel quia excommunicatus, restitutioni obnoxius, &c. Alteram vocabant *scientiam ligandi* per quam Confessarius sciat monere, & obligare pœnitentem de ijs à quibus debet abstinere; per

quam sciat quantam, & qualem pœnitentiam debeat pro peccatis confessis imponere. Tertia sciëntia vocabatur *scientia absoluedi*, vt cognosceret Cōfessarius absolutionis formam; vt cognosceret à quibus peccatis, & censuris absolvere posset, an pœnitens sit cēsuratus; an casus habeat reseruatos, quæ cognitio reseruatorum non est necesse, quod habeatur ab illo, qui à reseruatis absolvere potest. Hæc scientia non est necesse, quod sit tâta, vt Confessarius sciat omnia peccata, excommunicationes, suspensiones, circum-

circumstantias, restitutiones, quia hæc est scientia eminens, quæ in paucis reperitur, imò nec requiritur mediocris per quam in promptu conclusiones habeat difficiles, sed sufficientem habere scientiã per quam sciat, quæ communiter occurrunt in eo loco, ubi confessiones quis audit, & de alijs sciat dubitare, & possit certificari, vel per recursum ad libros, vel ut peritiores consulat. Maior tamen scientia requiritur, inquit D. Antoninus 3. par. tit. 17. cap. 16. in eo qui spontè se ingerit, quam in eo, qui ex obediëntia id agit; quod limitat Navar. in man. cap. 4. nu. 3. id verum esse in ordine ad illum excusandum, si in aliquo erret. Qui cognoscit se idoneum non esse, peccat si in hoc munere se ingerit, nec Prælatus id debet ei præcipere cap. *nihil de electione*, nec subditus debet acceptare, cap. *non est putanda* 1. q. 1. Si vero subditus de sua dubitaret sufficientia posset Prælato præcipienti acquiescere, cap. *quid culpatur*. Et si Prælatus putaret illum idoneum esse, non peccaret eum exponen-

do argum. cap. *Apostolica* de cleric. exc. Quarta scientia *medica* dicebatur, per quam Confessarius ægotantis animæ mederi sciat, cap. *omnis S. Sacerdos de panis*, & *remis*. ut impenitentem emolliat, desperantem erigat, pusillanimum confortet, & cuique sua adhibeat medicamenta.

Excipiuntur duo casus in quibus Confessarius omnino ignarus, qui scilicet nescit distinguere inter lepram, & lepram, inter mortale, & veniale, &c. non peccat Confessiones excipiendo: primus est mortis articulus, tunc enim tenetur confessarius hoc sacramentum ministrare, & insufficientia illius, cedit necessitati, ut patet. Secundus casus est sufficientia Pœnitentis per quam suppletur Confessarii insufficientia, & ratio ex Philosophia desumpta esse potest, quia sicut in agente, in quo actiuitas requiritur in ordine ad subiectum, suppleri potest per eiusdem subiecti dispositionem; ita quia in Pœnitentiæ Sacramento sufficientia in Confessario requisita, est ut discernat lepram à le-

pra, mortale à veniali, vt discernat peccatorum gravitatem; an sint quædam circumstantiæ mutantes speciem, in peccatis quæ confitentur; an sint peccata reservata; an sint censuræ, &c. si horum omnium cognitio sit in Pœnitente, cum hoc sacramentum in illius bonum sit institutum, & eidem pœnitenti credatur, siue pro se, siue contra se loquatur, poterit eiusdem Confessarij insufficientiam supplere; Et sic, in hoc casu nō peccabit Episcopus ignaros approbando Confessarios pro viris doctis, qui possint eiusdem Confessarij insufficientiam supplere; nam sicut doctrina Confessarij est respectiva per ordinem scilicet ad pœnitentem, ita & approbatio. Hinc nota vnum de quo alias interrogatus fui, an nimirum Episcopi peccet mortaliter approbantes Confessarios rudes, & ignaros pro rusticis. Respondi cum distinctione, vel enim habet Episcopus sufficientes, vel non, si primum peccat, secus si secundum, melius est enim rusticis rudem habere Cōfessarium, quam nullum.

Sed hic petet aliquis, an Confessarius debeat de singulis peccati, quæ confitentur iudicare, an sit mortale, an veniale, an sit huius, vel illius generis, vel speciei? &c. Respondeo negatiue, sed sufficit, quod peccata audiat, & aliunde sciat, quæ mortalia, quæue venialia ex genere, & species, & circumstantias communiter occurrentes, & omnibus auditis, nisi aliud occurrat, confitentem absoluat; secus est, quando imponenda est restitutio, prohibendus contractus, vel quid simile; tunc enim non sufficit audire, & absolvere, sed iudicare debet in particulari de tali peccato, an habeat, vel non habeat annexam talem obligationem; idem dicendum quando petitur consilium in futurum, alioqui valde onerosum esset confessiones audire, nec esset possibile, quod quis plures, & plures vno mane audiret Confessiones, si tanta exigeretur applicatio in confessario; vt omnia iudicaret, audiat ergo Confessarius Pœnitentium confessiones, & si aliud non occurrat illos

illos absoluat, & dimittat; si
tamen vacet breuem habeat
exhortationem secundum cu-
iusque indigentiam.

Q V A E S T I O VIII.

De Confessarij obligationibus.

Prima Cōfessarij obliga-
tio, est sui muneris exer-
citatio, quam aliqui tenentur
ponere ex obedientia, vt reli-
giosi, iuxta vnus cuiusque Re-
ligionis institutum, & superio-
ris præscriptum, de quo nihil
scribendum occurrit, alij te-
nentur illam ponere, ex iusti-
tia, vt Pontifex, qui primò lo-
co ex iustitia ratione supremi
Pastoris officij ad id tenetur;
vt Episcopi, qui post ipsum
Pontificem ex iustitia ad id
ipsum tenentur, cum sint ani-
marum Pastores licet & ille,
& isti à tali ministerio exone-
rentur propter eorum grauif-
simas occupationes; & Para-
chi qui proximè ad hoc mu-
nus sunt deputati: alij solum
tenentur ex charitate, vt om-
nes illi, qui curam non habēt
animarum, & ex pura dele-
gatione audiunt confessiones,
vt sunt Regulares, de quibus

omnibus aliquæ occurrunt
difficultates breuiter exami-
nandæ.

Prima difficultas est, an Pa-
rochi teneantur audire suorum
confessiones parochianorum,
quoties volunt confiteri, an
solum aliquando.

Prima sententia est Ioan-
nis Medinæ C. de cōfess. q. 37.
Ricard. in 4. dist. 18. art. 2. q. 2.
Syluest V. Confess. 1. num. 14.
Armil. V. absolutio num. 28.
& aliorū, quod teneatur Pa-
rochus suorum Parochianorū
confessiones audire, solum se-
mel in anno, & in mortis arti-
culo.

Secunda sententia tenet,
quod teneatur toties quoties
petitur, hanc tenent aliqui
antiqui, in sua antiquitate se-
pulti.

Nostra sententia sequenti
explicatur conclusione. *Para-
chus nunquam tenetur per se*
Fff 2 ipsum

ipsum (per se loquendo) suorum audire confessiones subditorum, sed sufficit quod aliū substituat idoneum, unde sufficit, quod vel per se, vel per alium suo muneri satisfaciat, & hoc non solum in mortis articulo & semel in anno, verum aliquando per annū, & toties quoties subditus id rationabiliter petit, ut ratione festi occurrentis, Iubilei, Indulgentiæ, vel quia aliqua habet peccata, quæ ipsum gravant, & valde durum esset non posse illa deponere, nisi Paschatis tempore, &c. Dixi per se loquendo, quia per accidens Parochus per se ipsum, subditorum confessiones excipere debet, quia scilicet nullus alius est, qui substitui possit, vel si aliunde expediret, quod Parochus ipse, subditi confessionem exciperet. Et ratio est, quia Parochus tenetur ex officio sacramenta suis subditis administrare, secundum eam rationem, secundum quam Christus Dominus ea instituit; atque Christus Dominus hoc sacramentum instituit, non solum ut eo utamur, quando ad id obligamur, verum etiā quoties prudentur indicamus il-

lud nobis fore profuturum. Hæc quæ de Parocho diximus, intelligi proportionaliter debent de Regulari Prælato respectu suorum subditorum. Notat, & benè Nugnus q. 8. art. 4. dub. 3. quod non semper Parochus peccat mortaliter quando non vult audire sui subditi confessionem, etiā rationabiliter illam petentis, cum in hoc dari possit materiæ paruitas, quia licet confessio respectu præcepti annui sit materia gravis, sufficiens ad gravem inducendam obligationem, tamen respectu obligationis Parochi, non ita censenda est: per quæ patet, non benè intulisse Bonacinā disput. 6. q. 7. p. 4. §. 2. num. 23. ex ratione Nugni sequi, non esse peccatum mortale non confiteri semel in anno, si semel confessio non est materia gravis, nā ut dictum est, una, & eadem materia respectu diversorum, potest esse gravis, & levis, ut patet de missa quæ respectu præcepti Ecclesiastici, est materia gravis, respectu tamen præcepti alicuius universitatis, vel Religionis de audienda illa in diebus feri-

riali-

rialibus, est materia levis, & sic, licet Regula nostra talem missæ præcipiat auditionem, non tamen materia gravis reputatur, quia auditio vnius missæ in ordine etiam ad cultum Dei, quem alijs multis modis colit Religio, res parua videtur; non sic auditio vnius Missæ, solis festis diebus, in quibus alius non præscribitur cultus, res enim gravis censetur; plus enim est, plurisque estimatur trāsgressio præcepti raro obligantis, quā quotidie.

Sed obijcies primò, in fauorem primæ sententiæ, quia præceptū quo Parochus obligatur subditorū audire confessiones, est affirmatiuum; ergo tantum obligat necessitatis tempore; quando scilicet subditus ipse, ad illius præcepti obseruantiam adstringitur. Antecedens certum videtur. Consequentia ostenditur, quia præcepta affirmatiua cum non obligent pro semper, pro determinato tempore debent obligare, hoc autem aliud esse non potest, nisi illud, quo subditus ad illius obseruantiam tenetur; ergo,

Respondetur negando consequentiam, licet enim tale præceptum affirmatiuum sit, est tamen ordinatum in bonum, & vtilitatem poenitētis, ac proinde, quando talis vtilitatis ratio, in poenitente currit, & ius habet hoc sacramētum petendi, & Parochus illud administrare tenetur. Parochus ergo tenetur hoc sacramētum administrare quoties subditi currit vtilitas; unde obligatio Parochi non solum oritur ex obligatione subditi, verum etiam ex eius vtilitate.

Obijcies secundò, quia si Parochus, eo quia est suorum Pastor animarum, tenetur illas huius sacramenti pabulo pascere, etiam Pontifex, & Episcopi ad id tenerentur; atqui hoc videtur incongruū; ergo nec Parochus ad id tenebitur, nisi necessitatis, vel obligationis tempore? Respon- detur ex dictis, quod nimirum Pontifices Parochiarum fecerunt diuisiones, vt deputarent ministros idoneos, qui illorū, & Episcoporum vices supplerent; quod si daretur casus in quo

quo expediens esset, quod & illi confessiones audire deberent, ad ipsum obligarentur.

Secunda difficultas, an Regulares teneantur aliquando ex charitate confessiones audire. In duobus conveniunt omnes Theologi, quod in extrema proximi necessitate huius sacramenti recipiendi, & etiam in graui necessitate, nō particulari, sed communi, seu totius communitatis, & non sunt illi, qui ex iustitia tenentur, vel si sint, cum sint Pastores quidem, sed mercenarii, & non veri pastores administrare nolunt, teneantur Regulares ex charitate hoc sacramentum ministrare. Tunc autem proximus est in extrema huius sacramenti necessitate, quando taliter se habet, quod si illud non conferatur, damnabitur, ut si quis sit morti proximus, & ignoret inuincibiliter, se non posse saluari, nisi per confessionem, vel etiā quia nihil vnquam de contritionis remedio audiuit, vel quia sic fuit ab aliquo hæretico deceptus, &c. Et in hoc casu nullum est dubium, quin

Cōfessarius Regularis teneatur ad illi subueniendū, quando non est ille, vel non vult, qui ex iustitia subuenire tenetur: vnicuiq; namq; Deus mandauit de proximo suo, & charitatis præceptum, tunc temporis omnes adstringit. Grauis vero necessitas communis, vel totius communitatis tunc est, quando v.g. pestis grassatur, & Parochi, qui ex iustitia tenentur non sunt, vel vel si sint ob mortis timorem se retrahunt, ab huius sacramenti administratione, cum tamen teneantur pro fratribus, vel melius dicā, pro ouibus, animabus ponere; ne tot fideles sine hoc sacramento moriantur; ex charitate tunc tenentur Regulares, & alij omnes qui curam non habent animarum. Et ratio est, quia licet hæc necessitas sit tantum grauis, tamen, quia est communis, particulari bono præponderat. In his duobus conveniunt omnes; solum aliqualis difficultas est, an regulares teneantur cōfessiones audire in particularibus huius sacramenti necessitatibus, solum

lum modo grauib; vt quãdo obligat huius sacramenti susceptio, siue ex diuino, siue ex humano præcepto & nõ est Parochus, qui possit, vel velit audire: & aliunde, qui in tali reperitur necessitate se ipsum iuuare potest; an inquam teneantur tunc temporis regulares confessiones audire. Affirmant Valentia, Lorca, Suarez, & alij apud Lugum disp. 22. num. 11. etiam cum vitæ periculo. Verior sententia distinguit, si possit Regularis sine graui incommodo succurrere illi, sic in tali necessitate constituto, id debet ex charitate præstare: secus non; & ratio est, quia dum proximus est in periculo, & ab illo per semetipsum potest se liberare, non indiget absolutè mea ope, & sic non teneor cum tanto meo incommodo illi subuenire. Sed plenior huius materiæ resolutio, ex ijs quæ dicenda sunt in tract. de Charitate dependet, ideo nunc sistimus, & ad alias Confessarij obligationes properamus.

Secunda Confessarij obligatio est, interrogandi Pœnitentem, contra aliquos qui

dixerunt, confessarium, talẽ nõ habere obligationem: sed solum teneri Pœnitentẽ audire, & absoluerẽ; cuius rei rationem assignabant, quia cum Confessarius sit in hoc foro iudex non fiscalis, & hoc sacramentũ iudiciũ sit in quo Pœnitens est sui accusator, & testis, & sibi creditur, siue pro se, siue contra se loquatur, sequitur debere confessarium stare dicto Pœnitentis & sic ipsum audire, & auditũ absoluerẽ. Verum oppositũ, est sequendum cum sit communis Cõfessariorum praxis, & fidelium sensus: tum quia cõfessarij obligatio est, vt verum & perfectum ponatur sacramentum, ac proinde curare debet, vt qui sibi confiteatur integrè confiteatur, alioqui nõ esset fideles dispensatur mysteriorum Dei. Si ergo Confessarius aduertat in aliquo aliquem defectum, vt contingit in rudioribus, illum emendare tenetur, Pœnitentem examinando circa ea peccata, quæ videt probabiliter commisisse. Aduertant tamen confessarij, vt in hac re prudenter valde se gerant,

&

& caueant ne Pœnitens, ex eorum interrogationibus merito offendatur. Ob hoc interrogandi non sunt, Pœnitentes benè instituti, honesti, & maxime litterati, in quibus nulla probabilis suspicio esse potest de insufficiëntia confessionis, vel examinis. Cautissimus sit, circa res inhonestas, & maxime cum mulieribus, cum satius sit, aliquid non ita perfectè percipere, quam vel leuem suspicionem illis injicere. Caueat ne doceat Pœnitentem suis interrogationibus ea peccata, quæ prius ignorabat, & ita illi præbeat occasionem committendi illa. Rudes non dimittat, vt examen faciant conscientiarum, sed eos, vt poterit, adiuvet, quia vel non reuertentur; vel loco examinis coronam, vel quid simile recitabunt, cum altius non ascendant, sic docente experientia.

An Confessarius possit Pœnitentem absoluerè, quem scit aliquod commisse peccatum, & illud in confessione reticere; alibi diximus, debere absoluerè, quia existi-

mare potest Pœnitentem ex ignorantia inuincibili putare, illud non teneri fateri: si tamen nec hoc præsumere posset, sed mala fide illud reticere, deberet illum dimittere.

Tertia Confessarij obligatio est docendi Pœnitentem; de qua re aliqui distingunt dicentes, quod si Pœnitentis ignorantia sit iuris diuini confessionarius illum monere tenetur; si vero sit ignorantia inuincibilis facti, vel iuris humani, nec alterius damnum sequitur, nec est spes emendationis, sed timor, ne Pœnitens scandalizetur, non tenetur monere, ita Adrianus quodlibeto 5. art. 2. Lædesina de Pœnit. dub. 13. Nauar. sum. cap. 22. nu. 83. Et Couar. 4. decret. 2. p. cap. 6. §. 10. nu. 15. Alij nimium simbrias laxando dicunt, id ipsum verum habere in ignorantia etiam vincibili iuris humani extra tamen confessionem, vt si in itinere constitutus videam socium ex vincibili ignorantia diuinum non recitare officiû, non teneor illum admo- uere. Huius tamen rei veri-

tas

cas sequentibus dictis explicabitur.

Dico 1. *quoties ignorantia est vincibilis, & culpabilis lethaliter, cuiuscunque iuris, vel facti non potest Confessarius dissimulare, quin Pœnitentem moneat, quamvis admonitio non sit profutura, & scandalū Pœnitentis sequatur*; ratio est, quia cum ea ignorantia sit mortalis si non amoneatur sacramentum administrabitur in mortali existenti sciēter. quod non est licitum. Idē dicendum, quando Pœnitēs consciētiā habet erroneā mortaliter. Dico 2. *si Pœnitens ignorantia laboret inuincibili cuiuscunque iuris, vel facti, & est spes probabilis, quod monitio sit profutura, & nullum sequitur alteri damnum, nec scandalum, tenetur confessarius Pœnitentem admonere: secus quando nulla speratur utilitas*. Idem dicendum, quando Pœnitens habet ignorantiam inuincibilē, quæ in alterius damnum redundat, tamen ex monitione nulla sequetur utilitas, nulla est monitionis obligatio.

Sed hic quæret primò ali-

quis, quid facere debeat Cōfessarius, quando videt Pœnitentem Iudicem, non condemnare reum, quem condemnare tenetur? nā si nō moneat suæ non satisfacit obligationi, si moneat incurere videtur irregularitatem consulendo, vel hortando, vel monendo, vt reum occidat. Respondetur debere admonere, quia nulla incurritur irregularitas, vt enim post Vasquez, quem refert, & sequitur Turrianus de Censuris lib. 9. disput. 66. dub. 3. dicunt omnes fere Moderni, irregularitas ex defectu lenitatis à personis priuatis non incurritur, sed solum à iustitiæ ministris. Hæc tamen procedunt, quando iudex de sua obligatione vincibilem lethaliter haberet ignorantiam, vel etiam crassam; secus quando inuincibilem, & aliūde nullum aliud sequeretur damnum, quam reo ipsi; si namque damnum sequeretur communitati, vel scandalum publicum, Rei damnum non esset sufficiens ad excusandū iudicem inuincibili ignorantia laborantem. Idem ferē

G g deci-

decidendum est, quando Cōfessarius audit reum nolētem iudici crimen suum fateri; nā si illum hortetur ad crimen fatendum, ob quam confessionem sit morte damnandus, non sit Confessarius irregularis ob dictam rationem; Si tamen Confessarius videat reū bona fide nolle fateri crimen, quia putat ad id non obligari, debet dissimulare, præsertim cum sit probabilis multorum sententia, reum non teneri crimen fateri cum vitæ periculo, vel membrorum mutilationis. Quod si detur casus quo Confessarius iudicet reū teneri crimen fateri, & aliunde videt difficile esse reum ad id inducere; poterit confessionem differre quoadusq; sit factū rei examen, & tunc poterit ipsum absolovere, cum iam monendi occasio cessaverit.

Quæret quis secundò, an Confessarius sequi teneatur pœnitentis opinionem contra propriam? Aliqui volunt nullum Confessarium ad id obligari, siue proprius sit, siue alienus, ita Conradus Antoninus, Angelus, & Sylvester apud

Sanchz lib. 1. decal. c. 9. nu. 27. Alij volunt solum Confessarium proprium obligari, ita aliqui post Medinam *C. de confess. dimidiata iteranda S. sequitur iam*. Alij dicūt vtrumque Cōfessarium teneri. Suarez hic disput. 35. sect. 5. & alij plures, quos congerit Diana tom. 1. de opinione probab. resol. 11.

Mihi media via incedendum videtur: Confessor proprius tenetur absolovere pœnitētem secundum suam probabilem opinionem, & hoc toties quoties rationabiliter accedit; at vero Confessor alienus solum tenetur audita confessione, quia ille tunc, ius per confessionem acquisivit, v; absoluator, cum sit in bono statu, secundum suam probabilem opinionem; at poterit ille Confessarius alienus talem pœnitentem monere, quod non amplius accedat cum illa opinione, quia illum non absoluet; cum enim iste Confessarius nullam habeat obligationem illum audiēdi, iure vititur suo, si nolit ipsum audire, dum talem sequitur opinionem.

Quar-

Quarta Cōfessarij obligatio est, vt suppleat confessionis defectum, vel defectus, si quem, vel quos commisisset, pro quo nota ex Nugno q. 8. art. 4. dub. vltimo, quod tripliciter contingere potest Cōfessarium errare in Sacramēti Pœnitentiæ administratione. Primò si defectum committat circa sacramenti valorem, vt si fecerit sacramētum nullum, quia nullam habeat iurisdictionem, vel quia absoluit pœnitentem indispositum, vel non habuit absoluendi intentionem. Secundò si commisit defectum in damnum tertij, vel ipsius pœnitentis, quia non obligauit pœnitentem ad restitutionem faciendam, quam facere tenebatur; vel quia ipsum pœnitentem obligauit ad restitutionem faciendam, quam facere non tenebatur. Tertiò si commisit defectum sine alterius præiudicio, sed contra confessionis integritatem, vt si non interrogauit numerum peccatorum mortalium, species, circumstantias mutantes speciē; si non examinauit de aliqua obligatione, vel præcepto, de

quo examinare debebat, &c.

Si Cōfessarius errauit faciendo sacramentum nullum dicunt D. Antoninus, Syluest. & Nauar. apud Suarez disput. 31. sect. 6. nu. 5. & Ioannes Valerius, in differ. vtriusque fori, v. Pœnit. differ. 7. nu. 2. quod Cōfessarius ad nihil teneatur, sed solum quod doleat de culpa si quam commisit: & rationem assignat, quia illa peccata in sequenti confessione indirectè remittentur, & aliud Cōfessarius non potest sine graui honoris, & famæ detrimento pœnitentem monere. Procedit hæc sententia extra mortis articulum, quia in eo tenetur Cōfessarius pœnitentem monere; etiam cum graui ipsius damno, vt omnes volunt. Alij volunt teneri Cōfessarium pœnitentem monere, vel aliquo modo inducere, vt nouam faciat confessionem, & in ea faciat illum se accusare de peccatis in præcedenti confessione depositis. Suarez loco citato, & alij satis communiter. Hæc secunda sententia mihi placet, quando Cōfessarius ex culpa lata nullam fecit cōfessionem;

nem; si autem bona fide processit prima placet sententia. Sicut enim in materia iustitiæ, si quis alium culpabiliter infamavit, tenetur cū æquali damno, famam refarcire; qui verò inculpabiliter non tenetur cum suo damno; ita in hoc casu, qui culpabiliter nullum fecit sacramentum, tenetur etiam cum suo detrimento illud, ut ita dicam, reficere, non sic, qui inculpabiliter.

Si Confessarius erravit committendo defectum in damnū tertij, vel pœnitentis, si id fecit mala fide, positiuè dicendo v.g. non teneris restituere, cū pœnitens verè teneretur; tenetur talem errorem auferre, alioqui ipse ad restitutionem obligabitur. Ratio est, quia Confessarius est causa positiua damni tertij. Si id fecit bona fide, vel ex ignorantia invincibili ad neutrum tenetur, cum suo graui incommodo. Quod si positiuè talem restitutionis ignorantiā non causavit in pœnitente, sed omisiuè, etiam si id fecerit ex ignorantia vincibili non tenetur ipse restituere, tenetur tamen sine graui incommodo pœni-

tentem monere. Ratio est, quia Confessarij obligatio, solum est in ordine ad spiritualia, non in ordine ad temporalia pœnitentis bona, vel aliorum & sic nisi aliunde in illorum damnum, aliquē habeat influxum ad nihil tenetur; vnde si Confessarius in suo munere sit negligens, non contra iustitiam, sed cōtra religionem delinquit. Quod autem tenetur monere si commodè potest, patet, quia id est sui muneris; faciliter tamen excusabitur, ob verecundiam nimiam, ob difficultatem, &c.

Maiores difficultates est, quando Confessarius audit pœnitentis confessionem, & aduertit illius obligationem de restitutione faciendā, & tamen nec positiuè dicit, quod illam non faciat, sed consulto tacet. P. Suarez apud Nugnum loco citato, dicit Confessarium ad nihil obligari; ipse verò Nugnus affirmat, quia si Confessarius dum loqui tenebatur taceat, virtualiter dicit illum non teneri, & hoc verius videtur, Præsertim quando pœnitens ex modo confitendi virtualiter, Confessarij iudi-

cium

cium exposcit, vt si dicat *nescio an talem rem restituere tenear*, & Confessarius tacet.

Si vero confessarius errauit circa solam confessionis integritatem, vt quia numerum mortalium non petijt, &c. ad nihil tenetur; quando enim error in tertij damnum non redundat, & confessio est valida, etiamsi error fuerit sciēter commissus, Confessarius ad solam poenitentiam agendam tenetur: ita Nugnus, Reginaldus, & alij apud Dianā tom. 1. tract. 1. miscell. resol. 7. Incommodum enim & tædiū

loquendi cum poenitente de eius confessione, ab integritate materiali cōfessionis excusat. Benè verum est, quod si postea poenitens ad aliam redeat confessionem, in illa præteritæ confessionis defectus suppleri debent, non tantum pro præteritæ confessionis integritate, quam pro præsentis complemento, & perfectione; ad complementum namque præsentis confessionis spectat, quod peccata in præcedenti confessione relicta, in præsentī subiiciantur.

DISPUTATIO DECIMA

De sacro confessionis Sigillo.

Confessionis sigillum dicitur id debitum, vel vinculum quo Confessarij ligantur, ne ea reuelent, quæ in confessione audierunt, vt docet Angelicus in 4. dist. 22. q. 3. ar. 1. quæ-

stiunc. 3. Sicut nāque id quod materiali sigillo munitum est, tectum, ac tutum est, vt habetur in L. 1. §. ff. quem. test. apert. ita & debitū, quo Confessarius celare, & tegere tenetur ea, quæ in confessione à poe-

Prima sententia est Vasquez. q. 93. art. 4. dub. 1. nu. 10. Caninch. disput. 9. dub. 2. nu. 4. vbi affert Henriquez sed malè, quia oppositum sentit; qui dicunt a deo strictam Sigilli confessionis obligationem oriri ex præcepto naturali diuino positiuo.

Nostra sententia sequenti explicatur conclusione. *Adeo stricta sigilli confessionis obligatio, oritur ex præcepto naturali diuino, non positiuo.* Hanc sequuntur Theologi omnes, illis duobus exceptis, qui pro prima contentia sunt citati videatur Suarez hic sect. 1. nu. 10. Lugo disput. 23. nu. 7. & alij.

Quod Sigilli Confessionis obligatio, sit iuris naturalis. Probatur quia naturæ iure, ea proximo debemus, quæ nobis fieri volumus, *dist. 1. in prin.* Atqui nos volumus nostra peccata adeo stricto regi secreto, quod in nullo casu pandantur; ergo naturæ iure idem proximo nostro præstare debemus, vnde sicut contra naturæ legem peccat, qui alicuius secretum in eius dedecus reuelat, etiam si id vi-

tium naturæ sit, vel morale: ita à fortiori peccabit contra naturæ ius, qui peccatum in confessione depositum, pandit.

Quod autem sit iuris diuini. Probatur eleganti Diui Thomæ testimonio 4. dist. 21 q. 3. art. 1. & hic q. 12. art. 1. vbi sic loquitur: *In Sacramentis, ea quæ exterius geruntur sunt signa rerum, quæ interiorius contingunt: & ideo confessio, qua quis Sacerdoti se subijcit, signum est interioris, qua quis Deo subijcitur: Deus autem peccatum illius, qui se sibi subijcit per Pœnitentiā, tegit. Vnde & hoc oportet in sacramento Pœnitentiæ significari: & ideo de necessitate Sacramenti est, quod quis per confessionem celet, & tanquam violatur sacramenti peccat; qui Confessionem reuelat. Et præter hoc sunt alia utilitates huius celationis, quia per hoc homines magis ad confessionem attrahuntur, & simplicius etiā peccata confitentur.* Hæc D. Thomas. Ex quo testimonio sic sequentem formamus rationem. Deus tegit peccata dimissa taliter, quod in nullo

lo casu ea reuelat ; ergo & Sacerdos id ipsum facere debet, dum media confessione loco Dei, Poenitentis peccata dimittit. Antecedens patet ex multis Sacræ Scripturæ locis: ex illo *In quacunque hora ingemueris peccator, peccatorum illius non recordabor amplius*. Si enim Deus non recordatur peccatorum dimissorum, quomodo poterit ea reuelare? Et ex illo Plal. 31. *Beati quorum testa sunt peccata*. Consequentia patet, nam per hoc Sacramentum assimilari debet Sacerdos Deo, ac proinde sicut Deus in nullo casu peccata reuelat, nec Sacerdos reuelare debet, alioqui id quod exterius in Sacramentis geritur, non esset signum illius, quod interiorius genitur, seu externa peccatorum dimissio quam facit Sacerdos, illius, nempe interioris, quam facit Deus, signum non esset. Si ergo hoc Sacramentum, ex Christi institutione, habet inducere obligationem in Cōfessario, quod in nullo casu peccata reuelet audita, vt sit signum illius, peccatorum, dimissionis, quā

facit Deus, signum hoc erit iuris diuini, cum sequatur ex naturam rei supernaturalis, nempe Sacramenti.

Probatur secundo, nā qui aliquid instituit, censetur illud instituere cum omnibus illis conditionibus, sine quibus cōsistere nequit. cap. *Prætereā*; de offic. deleg. imò, & cum illis omnibus, sine quibus commodè fieri non potest *L. pen. de usufru.* Atqui confessio est à Christo instituta; ergo cum omnibus illis conditionibus instituta esse debet, sine quibus commodè fieri non posset; sed confessio à nullo fieret, imò omnibus odiosa, & exosa esset, nisi sumè secreta esset, ergo ex Christi Domini institutione id habere debet.

Sed dices, ex hac ratione sequi videtur; quod adeo stricta confessionis obligatio, nō de iure naturali diuino sit, sed de iure naturali diuino positiuo; ergo non videtur concludere, sequela ostenditur; nam id quod à causa habetur efficienti, non oritur ex principijs intrinsecis rei, sed extrinsecis; ergo si talis stricta con-

H h h fef-

fessionis obligatio est ex Christi institutione, à causa erit efficiente, ac proinde à principio extrinseco, & non ex intrinseca huius sacramenti natura. Respondetur namque, quod aliud est, aliquid esse tale ex Christi institutione, & aliud est esse tale, ex sui natura, supposita Christi institutione. Pœnitentiæ sacramentum, non affert talem sigilli obligationem primo modo, sed secundo; licet enim Christus Dominus potuerit hoc sacramentum instituere, vt publicè fieret, cum sit Dominus famæ, hoc tamen non fecit, licet permiserit id fieri posse; de facto tamen prout positiuè illud præcepit, taliter instituit, vt ex eius ratione, talis sigilli obligatio nasceretur. Instituit enim ad modum præceptorum naturalium negatiuorum perfectorum, quæ strictam afferunt sui obseruationem, vt mox subiiciemus.

Quæret aliquis, an sigilli præceptum sit affirmatiuum, an negatiuum? Respondetur esse negatiuum perfectum: pro quo nota præcepta naturalia in duplici esse differen-

tia, alia imperfecta, & alia perfecta; imperfecta dicuntur illa, quæ in sui materia, vel circumstantijs, aliquam patiuntur mutationem, ratione cuius desinunt esse formaliter de eo obiecto, & versari in illa formaliter materia, & dicuntur quidem obligare semper, & pro semper, & ad semper, prout sunt de illa formaliter materia, vel prout eorum obiecta talibus vestiuntur circumstantijs, non aliter. Exemplum habes in secreto purè naturali, quod habet obligare semper, & pro semper, & ad semper, prout est de sua materia formaliter, vel prout eius obiectum est taliter circumstantionatum, prout nimirum est ita circumstantionatum, quod sit in proximi bonum, secus si oppositum contingat; vnde si ex tali secreto sequitur proximi malum, siue temporale, siue spirituale; siue particulare, siue commune, non obligat. Idem patet in præcepto naturali *Non occides*, quod tenet, & obligat ne homicidium priuata fiat auctoritate, non publica, non in propriam defensionem, cum moderamine in.

inculpata tutelæ. Idē dic in præcepto de re aliena nō accipienda, quod in casu necessitatis non obligat, cum in eo casu res aliena non censeatur, sed propria.

Præcepta iuris naturalis perfecta illa sunt, quæ nullam patiuntur variationem, seu mutationem in propria materia, nec circumstantia, aut conditione, ratione cuius habere possint honestatis variationem; ut est mendacium, quod nullo vnquam casu potest esse licitum; ut est pollutio voluntaria, quæ nullo casu licita esse potest, & alia huius generis cetera, quorum omnium ratio est, commune bonum, quod respiciunt; si namque imaginabilis esset casus, in quo licitum esset mentiri, mutua hominum deprauaretur communicatio, & contractus, quia posset semper quis suspicari, fortē ille mihi mentitur, quia fortē putat in hoc casu id esse sibi licitum; & si semel pollutio esset in aliquo casu licita, daretur occasio talem, vel similem casum fingēdi, contra commune bonū prolis. Christus ergo Domi-

nus potuit confessionis sigilli facere, quod primi esset præcepti, tamē ob commune bonum totius Ecclesiæ, voluit esse secundi, quod nimirum nullus sit casus in quo licitum sit tale sigillum frangere, alioqui commune Ecclesiæ, & fidelium bonum, quod ex confessione habetur, destrueretur; retraherentur namque fideles à confessione facienda, si semel posset dari casus, in quo Sacerdos posset eorum peccata confessa manifestare.

Sed obijcies primò, confessionis secretū potest esse boni communis destructivum; ergo tunc temporis non obligabit. Consequentia certa videtur, quia nullum ius observari debet, cum ex eo communis boni destructio oritur, præponderat namque commune bonum, bono particulari cuiuscunque iuris. Antecedens ostenditur, si enim quis confiteatur delictum aliquod, quod in commune rei-publicæ damnum vergit, ut esset proditio, hæresis infectio, &c. tunc cōfitentur peccata communis boni destructiva; ergo.

H h h 2 Con-

Confirmatur, quia confessionis sigillum, est in pœnitentis fauorem; ergo in eius fauorem frangi poterit; vt ad manifestandam eius innocentiam, ad ipsum excusandum, vt si quis furtum in necessitate factum confiteatur, & audiat Sacerdos ab alijs taxari, vt verum, & proprium furtum, poterit rem vt vt est, manifestare.

Respondetur quod etiam si cōfessionis secretum in damnum redundet reipublicæ, nō tamen est frangendū, eo quia talis fractio in damnum maius, & superius redundat, nēpe in damnum spirituale Ecclesiæ, fidelium, & sacramentis, est enim sigillum maximū Sacramenti bonum, cum eo medio facilius exerceatur, frequēter, &c. Per quæ patet ad Confirmationem; nam licet verum sit, confessionis sigillum, etiam in bonum pœnitentis redundare, non tamē iste est eius titulus adequatus, sed etiam alij dicti maioris considerationis, & sic quādiu illi manēt, vt semper manent, nunquā poterit, quouis posito pœnitentis bono, frangi.

Obijcies secundò, quia in Concilio Carthaginensi, & refertur causa 6. q. 2. can. *placuit*, supponitur quod Episcopus possit reuelare crimen, sibi in confessione depositum; ergo non est intrinsecè illicitum, sed solum humano iure prohibitum, vt prohibetur cap. *p. nult. de pœn. in 6.* & cap. *omnis de Pœnit.* & alibi.

Respondetur falsum esse in dicto loco supponi Episcopū posse reuelare peccatum sibi in confessione depositum, sed solum Episcopum posse in aliquo casu reuelare secretū, vel delictum, quod solus ipse nouit, quando id expediret bono publico, vel ad impediendum tertij damnum.

Hic interrogabit aliquis; quot peccata committat, qui Confessionis frangit sigillum. Conueniunt omnes semper interuenire peccatum grauissimum contra religionem, ob grandem irreuerentiam huic illatam Sacramento. Difficultas est, an etiam interueniat peccatum iniustitiæ, contra ius naturale secreti, quod violatur. Ad quod dico, quod si res, quæ manifesta-

tur

tur est parui momēti, vt peccatum veniale, tunc est peccatū graue irreligiositatis, & leue iniustitiæ, quia frangitur naturale secretum, in releui Si vero peccatum, quod manifestatur est mortale, tunc distinguendum puto velenim peccatum, quod propalatur alias potuisset propalari, quia redundabat in damnum boni communis, vel particularis, & tunc dico eius fractionem continere solam sacrilegij malitiam, non iniustitiæ contra secretū naturale, quod respectu huius non ligat; vel peccatum, quod propalatur non redundat in damnum boni communis, vel particularis, & tunc talis propalatio est contra iustitiam. Hoc secundū admittit Lugo disput. vigesima tertia num. 16. non primum, quia, ille qui rem accipit sub secreto, obligat se ad illam non reuelandam, quam diu non fuerit necesse eam reuelare; atqui confessarium nulla necessitas obligat ad reuelandū ergo tenetur ratione pacti impliciti non reuelare. Sed hæc Lugonis doctrina displicet.

Primò, quia esse videtur contra eundem auctorem; nam ex illa sequeretur, quod peccaret mortaliter Confessarius contra iustitiam, reuelando peccatum veniale; si enim ratione pacti se obligauit Confessarius ad non reuelandum, & hoc currat etiam in veniali etiam in reuelatione illius culpa grauis erit. contra pactum. Et si respondeat hoc pactum cum sit de veniali esse de re leni, non illud; cūtra est, quia licet illud peccatum, quod alias propalandum esset, si aliud vinculum præter naturale non curreret, secundū se grauissima res sit tamē in ordine ad occultationē, nec est res grauissima, nec grauis, nec leuis, cum nullo modo esset occultandum, imò potius esset obligatio propalandi si aliud vinculum non ad esset, vnde in ordine ad occultationem, veniale peccatum est res magis grauis, quā peccatum mortale, quod vergit in damnum publicum. Secundò quia pactum vt sit iustum, & legitimū non potest esse vinculum iniquitatis, esset autem vinculum iniqui-

quitatis, si quis præciso vinculo superiori, se obligaret ad seruandum secretum rei vergentis in damnum publicum, vel priuatum tertij.

Ex quibus patet non esse vniuersaliter verã doctrinam Antonini Dianæ p. 5. tract. 11. resol. 2. quod in fractione sigilli Confessionis duplex scilicet per malitia intercedat vna contra religionem, quam etiã nos admittimus, alteram contra virtutem iustitiæ infusam quam nõ admittimus in omni reuelatione, nã iustitia infusa & acquisita solum in motiuo, non in materia diuersificantur, ac proinde, vbi iustitiæ acquisitæ materia nõ saluatur, nec infusa saluabitur; vnde cum yti diximus,

non semper homo per secreti confessionis reuelationẽ peccet contra iustitiam acquisitam, quia non semper eius materia grauis saluatur, sequitur, quod neque contra infusam, tunc temporis peccabit. Adde quod contra iustitiam infusam non peccatur nisi quis directè faciat contra eius motiuum, quod est seruare iustũ ex Charitatis motiuo; atqui, qui sigillum frangit non semper intendit non facere iustum contra motiũ supernaturale Charitatis, sed ex alijs motiuis inferioribus, nimirum ob lucrum, ob inuidiam, ob odium &c. ergo non semper contra iustitiam infusam peccatur Confessionis sigillum frangendo.

Q V A E S T I O II.

Quanam personæ confessionis sigillo obligentur.

IN omni sententia certum est confessarium ipsum confessionis sigillo obligari, cum pro ipso præcipuè eius

præceptum latum sit; de Pœnitente etiam certum videtur huic sigillo non obligari, cum nullibi talis reperiatur obligatio,

gatio ; unde cum sit famæ suæ dominus , potest per se loquendo , sua peccata manifestare ; an autem loqui possit Pœnitens de ijs quæ sibi dicuntur à Confessore , dico non semper loqui posse , cum possit interdum fieri , ut ex aliquo titulo ad illa reticenda obligetur , ut ex virtute prudentiæ , ne se præbeat alijs ridiculum , talia narrando , vel ne minuat estimationem , quam alij habent de confessario , vel quia re vera cadunt , & dicuntur sub secreto naturali : de alijs ergo solum personis sunt difficultates proponendæ , & dissolvendæ .

Prima difficultas est , an interpretes , vel internuncius sub confessionis sigillo , ad peccata reticenda teneatur . Prima sententia est affirmatiua , quæ post Suarez , Vasquez , & alios quosdam , extra scholam Diui Thomæ , sequitur Lugo disp. 23. nu. 21 .

Nostra sententia sequenti explicatur cōclusionē . *Interpres tenetur quidem peccata , quæ audit fidelitatis . vel secreti naturalis titulo , & quidem arctissimo celare , non tamen pro-*

prie titulo sigilli sacramentalis confessionis . Hanc sententiā sequuntur nobiliores Thomistæ , ut Caietanus in Sum. V. *Confessio* , couditione vndecima . Sotus in 4. dist. 18. q. 4. art. 5. cōclusionē 4. Ioannes de la cruz nobilissimus Dominicanæ familiæ Theologus in directo . par. 2. *de Sacram. Confess.* q. 3. dub. 7. cōcl. 1. & alij plures . Dixi in cōclusionē obligari interpretem strictissimo fidelitatis titulo , vel alio , quia cum hic obligationis titulus sit medium quid , inter purum titulum naturalem , & sacramentalem , debet ab utroque aliquid participare , à naturali , secreti rationem , à Sacramentali indisolubilitatem .

Probatur conclusio primò . Interpretes eam tantum habet obligationem seruandi secretum circa peccata quæ audit , quam habet ipse Pœnitens ; Atqui Pœnitens , non stringitur Confessionis sigillo , ut diximus ; ergo neque interpretes Probatur Maior , quia interpretes in tali confessione , quæ per ipsum fit , vices gerit Pœnitentis , & non se tenet ex par .

parte Confessarij, quia nullū Cōfessarij munus exercet, sed pœnitentis, supplendo scilicet illius defectum, subiciendo peccata in tali idiomate, vt à Confessario intelligātur, quod ab ipso pœnitente præstari non potest; vnde interpretis est pœnitentis morale instrumentum, & veluti canale, per quod peccata transeūt ad Confessarium; ergo si interpretis ex parte pœnitentis se tenet, veluti illius instrumentum, & non ex parte Cōfessarij, confessionis sigillo nō ligabitur, sicuti nec pœnitēs ipse ligatur.

Probatur secundò. Nemo tenetur sacramentaliter per interpretē confiteri, nec Christus Dominus, nec Ecclesia ad id vnquam obligauit, ergo sigilli confessionis obligatio ad interpretem non extenditur. Antecedens ab omnibus conceditur. Consequentia probatur, quia ad id extendi non potest obligatio eorum, quæ ad confessionem consequuntur, ad quod non extenditur ipsius confessionis obligatio, ergo si obligatio confitendi per interpretem nulla

est, etiam nulla erit obligatio eorum, quæ ad confessionem consequuntur, vt est eiusdem confessionis sigillum. Respondet Lugo num. 23. hoc argumentum non probare, quia etiam Christus non obligauit ad venialia confitenda, & tamen si confiteantur sub articulo confessionis sigillo à Confessario custodiri debent. Sed contra, quia hic nō loquimur de Confessario, supponimus namque ex communi omnium sententia; Confessarium teneri custodire sigillum omnium peccatorum, quæ à pœnitente dicuntur, cum pro ipso potissimè sigillum præcipiatur. Sed loquimur de persona ex parte Confessarij non se tenente, sed ex parte pœnitentis; & de hoc currit argumentum. Oppositæ partis fundamentū non refero, quia in falso fundatur principio, quod nimirū interpretis eo ipso quod confessionis sigillo non tenetur, poterit saltem in aliquo casu peccata audita manifestare, hoc enim non dicimus, quia licet dicamus interpretē confessionis sigillo nō ligari, ligatur tamē alio indissolubili explicato, Sc.

Secunda difficultas, an Cōfiliarius, quem Confessor cōsulit ad sciēdum, quid debeat in aliquo casu facere, ad confessionis sigillum teneatur, ita quod si cum alijs de illō peccato de quo fuit consultus verba faciat, tanquam sigilli fractor puniri possit? Affirmat Lugo num. 25. post alios. Negāt Nugnus, Onuphrius, Megala, & alij quos refert, & sequitur Diana tom. 1. tract. 1. miscell. resol. 14. Mihi distinctione vtendum videtur, si Confessarius cōsiliarium adiut ex pœnitentis venia. non tenetur consiliarius ad secretum ratione sigilli confessionis, sed alijs titulis, de quibus supra, & ratio est, quia eo casu illa notitia non habetur ex vi confessionis, sed ab ipso pœnitente, licentiam, vel cōsensum dante, de tali colloquutione, dum enim pœnitens dat Confessario licentiam alloquendi virum doctum, diuersam notitiam dare censetur à sacramentali, nempe notitiam loquendi extra sacramentum. Si vero Confessarius consiliarium consulat sine tali pœnitentis venia, te-

nia, tenetur consiliarius illud secretum custodire titulo sacramentalis sigilli, & ratio est, quia tunc, talis notitia, quam habet consiliarius ortum habet à confessione, ac proinde transit cum suo onere cap. *Sacerdos*, de pœnit. dist. 6. & cap. *ex litteris*, de pignoribus. Idē quod diximus de consiliario, dicendū est de Prelato, quando ab eo licentia petitur pro reservato, si enim id fiat de pœnitentis venia, Prælati notitia non est sacramentalis, secus si non fiat.

Tertia difficultas, an ille cui confessarius peccati manifestauit ad sigillum teneatur? Respondetur affirmatiuē, ratio clara ex dictis, quia talis notitia à confessione originē habet, & sic cum suo onere transit. Idem dicendum de illo qui casu, vel industria pœnitentis peccata audiuit, dum confitetur; quia talis notitia ex sola confessione procedit, & sic cum onere suo transit.

Quarta difficultas, an ille qui fingens se Sacerdotē confessionem audit, ad sigillum teneatur? Affirmant aliqui vt Suarez, & Vasquez quos re-

fert, & sequitur Lugo nu. 41. Verius, & probabilius negat Sotus apud Vasquez, Toletus & Onuphrius apud Dianam p. 5. tract. 11. resol. 15. quia cū illa confessio non sit sacramentalis, sacramentalē inducere non potest obligationem. Idē dicendum quando quis scienter laico confitetur, vel causa humilitatis, vel quia putat esse validam confessionem laico factam. Et ratio est, quia ad confessionis sigillum duo requiruntur. Primum, vt fiat confessio apud habentem auctoritatem, alioqui non confessio, sed simplex peccatorum, vel suorum erit narratio factorum. Secundum vt fiat à pœnitente animo percipiēdi sacramentū, vt tradit Onuphrius opus. de sigillo sect. 3. q. vnica dub. 4. Vnde, si quis accedat ad Sacerdotē, & fingat se confiteri, non orietur in Sacerdote sigilli obligatio.

Quinta difficultas, an ille, qui inuenit cartā in qua scripta sunt peccata, ad sigillum teneatur? Respondetur negatiuē, nam illa notitia non habetur ex confessione, cum illa

scriptura non sit confessio, vt patet; tenetur tamen inuentor illa peccata non manifestare, vt ex se liquet.

Sexta difficultas, an Confessarius ipse, teneatur ad confessionis sigillum, quando non potest defectū, quem in confessione audienda commisit, suo Cōfessario explicare, nisi peccatum illud de quo defectus commissus fuit, reuelet in confessione? Sotus in 4. dist. 14. q. 4. art. 5. Sa. v. *confessor*. Gab. in 4. dist. 21. q. 1. art. 3. dub. 1. dixerunt licitum esse Sacerdoti talem reuelationē facere, quādo id necessarium est ad faciendam integram confessionem. Sed oppositum prius tenendum est cum communi Theologorum sensu, vt videre est apud Dianā loco supra citato, resol. 9. quia obligatio seruandi secreti confessionis strictior, & maior est, quā sit obligatio integræ ponendæ confessionis; nam ab integritate confessionis plures casus excusāt, vt suo loco vidimus, at verò sigilli confessionis fractio in nullo casu licet, vt dictum est.

Q V A E S T I O III.

Ex qua confessione oriatur sigilli obligatio: ubi etiam quaenam sit eiusdem sigilli materia.

Primum citius expedimus, ut longius in secundo maneamus. Pro primi puncti propositi intelligentia nota, duplicem poenitentis distinguere posse confessionem, unam sacramentalem, non sacramentalem alteram. Sacramentalis in duas alias subdividitur, in sacramentalē scilicet perfectam, & imperfectā, seu inchoatam. Sacramentalis perfecta tunc est, quando poenitens sua confitetur peccata sacerdoti legitimo, à quo veram recipit absolutionem, & fit verum sacramentum. Inchoata tunc est, quando poenitens verè sua cōfiteretur peccata Sacerdoti in ordine ad eorum recipiendam absolutionem, tamen id non fit, vel ex eiusdem poenitentis indispositione, puta ob carentiam doloris, vel propositi, vel quia habet occasionem proximā, quam non vult relinquere,

vel ob aliam similem causam; vel ex parte Confessarij, qui, vel non habet reservati iurisdictionem; vel non habet facultatem absolendi à censura, qua poenitēs innodatur, &c. Confessio non sacramentalis tunc est, quādo licet vero fiat Sacerdoti, non tamen animo recipiendi absolutionem, sed alliciēdi ipsum Confessarium ad aliquod peccatum committendum, vel quid simile], vel quando fit Laico &c. De quibus confessionibus breviter dico, sigilli obligationem oriri ex sacramentali confessione tam perfecta quam imperfecta, seu inchoata, nō tamen ex non sacramentali. Ita D. Thomas hic q. 11. art. 1. ad primum, & omnes eius discipuli. Ob idque idem D. Thomas art. 2. ad 2. notat, quod quando aliquis dicit aliquid alteri sub secreto, isto modo, dico tibi, hoc sub sigillo confessio-

nis, nulla oriatur sigilli confessionis obligatio, sed solum vinculum naturalis sigilli, seu secreti, quia tunc temporis nulla intercedit sacramentalis confessio. Et hæc de primo puncto, in quo titulo proposito.

Quoad secundum prius ea ponenda sunt, in quibus nulla est inter Theologos difficultas; deinde difficultates proponuntur. Conueniunt ergo Theologi, peccata mortalia, siue in particulari, siue in genere, in sacramentali confessione, siue perfecta, siue inchoata, deposita sub eiusdem confessionis sigillo cadere. Vnde non potest Sacerdos vllò vnquā casu dicere peccatum confitentis mortale determinatum; nec ille confessus est peccata mortalia, vel materiam grauem deposuit; vel vt ab aliquo imprudente audiui: audiui talis confessionem in qua erat materia bona, vel etiam, ille certe habebat materiam absolutionis, cum capitis inclinatione, quia eo dicendi modo, denotat illū talem grauem, imò grauissimam habuisse confessionis materiam. Conueniunt etiā Theologi non posse manife-

stari peccata venialia in particulari, quia hoc odiosā redderet venialium confessionē, posse tamen manifestari venialia in communi dicendo, *ille confessus est peccata venialia*, eo namque ipso quod iste fuit confessus, & confessio siue venialialibus saltem consistere nequeat, sequitur ea posse in genere manifestari, non tamen potest fieri poenitentium comparatio, vt quod, *iste plura, ille pauciora confessus est: iste grauiuscula, leuiuscula ille*. Hinc deducitur illius casus resolutio, an nimirum frangat sigillum confessionis, qui dicit: *Petrus suis minutissimis peccatis scrupulosè meum obtudit caput*. Nam hic nulla est sigilli fractio, cū nullum promat veniale in particulari; abstinendum tamen est ab huiusmodi loquutionibus, quia innuunt talē esse scrupulosū, quod poenitens non bene audit.

Nec potest Confessarius dicere poenitentiam, quam imposuit, nisi sit valde leuis, alioqui ingereret suspicionē, vel peccatorum mortalium, vel saltem plurium venialium grauiorum. Hinc etiam deduci-

ducitur, non frangere sigillū Confessarium, qui reuelat Pœnitentis virtutes, extasim, & alia dona Dei, quia nullam habent cum peccatis connexionem, nec talis manifestatio confessionem reddit odiosam. Potest tamen Pœnitēs Confessarium obligare sub naturali præcepto ad ea reticenda. Quod si daretur casus, quod talium virtutum narratio, facta fuisset ad explicandum peccatum, non posset confessarius illas manifestare.

Item conueniunt Theologi, peccatorum obiecta, & circumstantias esse sigilli materiam, quia istorum manifestatio, non minus redderet odiosā Confessionē, quā manifestatio peccatorū vt, patet.

His positis Prima difficultas est, an peccatum committendum sit materia sigilli confessiones - v. g. quis confitetur se odio habuisse inimicum, quem vult occidere, vel de quo habet propositum illum occidendi, & Confessarius conatur auertere Pœnitentem à tali proposito, & cum non faciat, sic Pœnitentem vt indispositum sine absolutione dimittit: dubi-

tatur, an possit confessarius illud homicidium futurum reuelare monendo occidendum, &c. Huius difficultatis resolutio dependet ex hoc, an talis Confessio cum tali proposito committendi aliquod peccatum v. g. homicidium, furtum, adulterium, &c. sit Sacramentalis saltem inchoata, an non; si sit sacramentalis, ex illa orietur sigilli obligatio, & sic Confessarius non poterit tali vti scientia, si vero Sacramentalis nō sit, tale peccatum futurum sub confessionis sigillo non cadet. Certum omnino est (ita quod oppositum sit erroneum vt tradit D. Thomas 4. dist. 21. q. 3. art. 1. q. 1. ad primum) quod potest stare confessio sacramentalis cum proposito nō emendandi peccata in Confessione deposita, cū confessio sit dolorosa peccatorum depositio, ante propositum habita, potest enim quis non solum confiteri, sed etiam dolere de peccatis commissis, & non habere propositum, saltem expressum, futuræ emendationis: dixi saltem expressum, quia si dolor esset vniuersalis, virtuale pro-

positum futuræ emendationis contineretur; cum ergo propositum sit ipsa Confessione posterius, potest dari confessio Sacramentalis sine proposito futuræ emendationis. An autem stare possit confessio sacramentalis, cum formali proposito peccandi mortaliter, ita quod possit quis habere propositum firmum occidendi inimicum, & cum eo ad confessarium accedere ad peccata quæ commisit confitenda, retinendo propositum committendi futura? Mihi videtur quod non; non enim video quomodo stare possit voluntas recipiendi peccatorum aliquorum absolutionē, & non aliorū: cū enim propositum occidendi inimicum sit peccatum mortale, & de hoc non doleat; si enim de eo doleret propositum non conseruaret, cum dolor propositum virtuale non peccandi includat, quod propositum non peccandi, stare non potest, cum proposito formali peccandi ut patet; quod enim est virtualiter tale, id facit, quod facit id, quod est formaliter tale, ut tradunt Philosophi.

Si ergo non potest stare confessio sacramentalis cum formali proposito peccandi in futurum, sequitur, quod si quis peccatum futurum confiteatur, illud sub confessionis sigillo non cadet, si propositū formale peccandi habeat, secus si illud non habeat.

Secunda difficultas, an defectus naturales, vel acquisiti Pœnitentis, cadant sub confessionis sigillo? Si tales defectus fuerunt in confessione manifestati ad explicandum peccatum, ut si quis dicat, *ego recepi beneficium absque dispensatione ex defectu natali* &c, tunc nullo modo sunt manifestandi, quippe cum cadant sub Confessionis sigillo. Si vero ipse confessarius tales cognovit defectus ex modo quo Pœnitens confitetur, taliter quod nullam habeant cum peccatis connexionem, sub Confessionis sigillo non cadunt, nullo tamen modo debent manifestari. Primò ratione secreti naturalis; Secundò, quia communiter maiorem ruborem habent Pœnitentes ex talium defectuum manifestatione, quam pec-

catorum. Tertio quia pusilli scandalizarentur putâtes omnia cadere sub sigillo, quæ in confessione noscuntur. Hinc infert Ioan. de la cruz in direct. p. 2. de Sacram. Pœnit. q. 6. dub. 2. concl. 2. quod peccatum complicitis, quod Pœnitens sine vlla necessitate, & absque ratione connexionis cum proprijs peccatis manifestauit, non cadat sub sigillo; quia tale peccatum materialiter se habet ad Pœnitentis confessionem; vnde inquit ille, pro bono communi poterit manifestari, sicut alia secretâ naturalia.

Tertia difficultas, an peccata publica possint reuelari? est publicum Petrum commisisse homicidium: mihi cōfiteatur; an possim dicere *Petrus confessus est mihi suum homicidium*? idem dic de meretrice publica, an possim dicere de illa *audiui suas fornicationes, &c.* Affirmat Medina q. de his quæ à Confessore celanda sunt. Sed contrarium est sustinendum cum alijs omnibus Theologis, quia re vera peccatum in confessione auditum manifestatur, & est

per accidens quod aliunde sciatur. An autem confessarius loqui possit de peccatis, quæ aliunde nouerat, dico quod sic; ad tollendam tamē omnem suspicionem, quod scientia vtatur confessionis, optimum consilium est, vt dicat vnde audiuit. Similiter loqui potest Confessarius de auditis in confessione, dum modo periculum nō sit, quod in pœnitētis suspicionem veniri possit. Vnde in prædicationibus licet reprehendere peccata, quæ in confessione audiuntur, licet imprudentia esset dicere ea audita fuisse in confessione; imò cauendū, ne in præsentia eorum, qui talia peccata confessi sunt, dicantur, quia timerent suas confessiones publicari. Hinc malè faciunt Confessarij dicentes, in tali ciuitate, vel loco, peccata grauiâ committuntur, quia licet tunc nō sit sigilli fractio cum non dicantur peccata pœnitentis, sed ciuitatis, vel oppidi tamen, illius loci incolæ grauiter offenduntur, præsertim quando locus est exiguus, & sic omnino abstinendum est, eo vel maximè,

maximè ; quia simplices offenduntur , putantes ea peccata reuelari, contra cap. *nihil eum scandalo* , de præscript. & cap. *ab omni* , de vita , & honest cler.

Quarta difficultas , an fiat confessionis reuelatio , si pœnitenti post confessionem , publicam imponat confessarius pœnitentiam? Dixi post confessionem , quia publico peccatori , antequam ipsum audiat, imponere potest aliquid, per quod publicè constet , eū mutasse vitam, vt sic admissus ad confessionem, admitti etiā possit ad communionem, præsertim publicam , quam non facit Ecclesia publico peccatori , nisi de eius mutatione ipsi constet? Respondetur affirmatiuè, quia licet in cap. 1. de *Pœn. & rem.* statuatur quod pro publicis peccatis, publica imponatur pœnitentia; non tamen de pœnitentia sacramentali intelligitur , vt notat Diuus Thomas 4. dist. 14. q. 1. art. 5. Vnde malè faciunt Confessarij illi, qui pœnitentibus ieiunia iniungunt , quæ sine aliorum scientia fieri nō possunt, sic enim in suspicionem

veniunt grauium peccatorū . Idem dic de alijs pœnitentijs, quæ fieri nō possunt sine aliorum notitia , hæ enim imponi non debent, etiam pro publicis peccatis , nam etiam pro istis secreta imponi debet pœnitentia .

Quinta difficultas, an Confessarius sit sigilli confessionis fractor , si renuat dare, schedulam pœnitenti, quem non absoluit? P. Diana p. 5. trac. 17. resol. 22. tres refert sententias. Henrici, & Salmant. Doctorum , primam, liberū esse Sacerdoti dare, vel non dare . Secundam Coninchi affirmatiuam . Tertium Bonacinae negatiuam. Mihi secunda sententia verior videtur, quia nō dando schedulam datur manifestè intelligi talem Pœnitentem talia habere peccata, quæ ab illo Confessario tolli nō possunt nec tunc mentitur confessarius dando Confessionis schedulam, quia re vera ille confessus est , sed non absolutus .

Sexta difficultas , an Confessarius frangat sigillum , si famulum dimittat , quem ex confessione deprehendit esse furem?

furem? Respondetur affirmative, secus si aliunde id sciat, nec potest accipere prætextu adeo speciosum, quin famulus suspicetur talem dimissionem, ex confessione sua, habere ortum.

Septima difficultas, an Confessarius frangat sigillum, si dicat de aliquo, *illum non absolui*. Si confessio sit generalis, quæ solet esse longa, etiam si de solis sit venialibus, ut contingit in viris perfectis, puto sigillum non frangi, si dicat, *non absolui, quia facit generalē confessionem*, in qua absolutio, ad ultimam vicem, qua perficitur, impenditur. Si vero confessio non sit generalis, & non explicet Confessarius titulum omni suspicionem nudum, videtur fractor sigilli, ut post plures tenet Diana loco citato resol. 42.

Octaua difficultas, an in fractione sigilli dari possit culpa venialis ex leuitate materiæ? Dixi ex leuitate materiæ, quia ratione inaduertentia id omnino certum est; cū possit aliquis ex pura inaduertentia peccatum confessum, etiam graue, manifestare. De

sola ergo materiæ leuitate præsens procedit difficultas. Aliqui dicunt esse solum veniale, quando quis reuelat alterius veniale, absq; eo quod dicat illud scire in confessione, quia tunc temporis, leuem infert penitenti iniuriam. Sed non placet, quia quidquid sit, an iniuria poenitenti illata, sit leuis, non tamen iniuria illata sacramento. Cardin. de Lugo admittit nu. 71. disp. 23. peccatū veniale ex leuitate materiæ, quando res, quæ narratur est talis, ut sit solum periculum tenue ingerendi suspicionem alicui, & bene: quando namq; est periculum occidens suspicionis ingerendæ, est peccatum mortale, quando nullum, neque est veniale; quando vero leue, veniale erit, ex materiæ paruitate.

Sed hic inquireret primò aliquis, an Confessarii testimonium de licentia poenitentis habitum, profit in foro externo, ut eiusdem poenitentis emendatio probetur? v.g. publica meretrix confessionem fecit apud regularem, qui testificatur Parocho nolenti illi Eucharistiæ sacramentum ad-

nistrare, vel nolenti ipsâ mortuâ in sacro sepelire, an nimirû tale testimoniû sit sufficiens, & Parochus teneatur illi credere? Aliqui id negant, cum enim illa sit publica meretrix, publicaque peccatrix, nō potest ei Eucharistia v.g. administrari, nisi Ecclesiæ publicè constet de illius emendatione; atqui Confessarij solius dictum, publicam non facit attestationē, ergo. Nihilominus oppositum est verius, & vidi vbique practicatum; non solum quando Parochus talē habet attestationem à Confessario, qui talem habuit à pœnitente licentiam, verum etiam sine illa; Vnde pia mater, Ecclesia solo Confessarij dicto contentatur, quando de publico peccatore, saltem coram testibus, dicit illum fuisse emendatum, per confessionē, quam sibi fecit. Sic publici vsurarij in loco sacro sepeliuntur, qui ex Confessarij dicto, per confessionem, sunt emendati. Sic, qui in duello lethalliter vulnerantur, & confitentur, & absoluntur, ex solo Cōfessarij dicto in loco sacro sepelliuntur, &c.

Quæret aliquis secundò; an excusari possint Parochi, qui in hebdomada sancta, vt multos expediant pueros, simul multorum audiunt confessiones, & absoluunt, quando sunt doli capaces, & sufficientem exponunt materiam? Respondet Nauar. *Sum. cap. 8. nu. 13. & cap. Sacerdos nu. 110.* id nullo modo fieri posse; est enim cōtra cap. *omnis utriusque sexus*, vbi præcipitur, quod *solus soli confiteatur*. Tum quia, illi pueri audientes ad inuicem peccata, possunt faciliter illa manifestare: & etiam, quia vtuntur hoc sacramento ad iocum, & risum; iocari autem in re graui, graue peccatum est, *arg. L. minimè C. de Episc. aud. & glos. in cap. cum decorem, de vit. & honest. cler.* vbi ad iocantes Monachorū vestibus grauiter castigātur. & ob hoc docet D. Thom. 22. q. 165. ar. 2. ad primum, nō licere trahere scripturam ad iocum. Et Cōcilium Tridēt. sess. 4. c. vltimo fin. vult tales per Episcopos posse coerceri, qui nimirû sacra vtuntur scriptura ad scurrilia, vana, superstitiosa, &c.

QVAE.

QV A E S T I O I V.

An Confessarius possit loqui cum Pœnitente, de auditis in confessione.

Non potest loqui sine eiusdem Pœnitētis licentia, patet ex hucusque dictis; an autem de pœnitentis licentia: negavit Alēsis, Scotus, Almaynus, Aureolus, & alij, apud Dianam de sigillo confess. resol. 10. Vera tamen, & cōmunis sententia ex Confessoriorum vsu confirmata, affirmat. ita D. Tho. 4. dist. 27. q. 3. art. 3. & alij plures, quos congerit Diana loco citato. Ratio communis est, quia licet sigilli secretum sit iuris diuini naturalis, ob bonum Ecclesię, & huius sacramenti introductum, tamen hoc totum factum est in pœnitentis fauorem, cui renunciando, omnia ad antiquum redeunt statum; quod autem pœnitens possit huic iuri renunciare, liquet, cum sit suę dominus famę, ob quam conseruandam, tam stricta sigilli inducta est obligatio, per quę patet ad

fundamentum sententię contrarię, quod nimirum cum sigilli obligatio sit de iure diuino, & pœnitens non possit in hoc iure dispensare; neque in sigillo dispensare poterit; patet inquam, ad hoc fundamentum, quia pœnitens non dispensat in iure diuino, sed cessat ius diuinum ob materię cessationem, seu ob licentiam datam loquendi de auditis; materia namque sigilli sunt pœnitentis peccata apud Cōfessarium deposita, sine venia loquendi de illis. Hęc tamen licentia licet non debeat esse in scriptis, debet tamen esse formalis, & expressa, & nullo modo sufficit pręsumpta, interpretatiua, vel virtualis. Imò debet esse omnino libera, & spontanea, non vi, dolo, aut iniuria, aut timore extorta, aut per metum; vel per importunitatem. Vnde Diana loco citato ex alijs, optimè notat,

K k k 2 quod

quod magistri Nouitiorum, & alij superiores, valde cauere debent in ijs licentijs extorquendis, quia sola præsentia, vel auctoritas, etiam sine minis, & vultuum inuersionibus metum inducit reuerentialem; & sic tales licentiæ nullæ sunt; quanto magis id verum erit, si Magister Nouitiorum minetur nouitio expulsiōem, &c. Vnde merito ab omnibus reprehenditur Iacobus de Grassijs part. 1. lib. 1. c. 23. num. 14. vbi dicit quod quando peccati reuelatio in bonum cederet pœnitentis, tunc sigilli fractio licita esset, quia adesset tacitus pœnitentis consensus, qui tunc temporis est; cum, vt patet, omnino requiratur expressus. Imò, etiã si daretur casus, quod pœnitens teneretur Cōfessario petenti, vt loquatur de auditis, ob commissum errorem tollendum, licentiam dare, & renueret, non posset Confessarius eo inuito loqui, sed deberet talem errorem permittere, & illum sub silentio premere; vnde merito dolet Diana resol. 18. P. Suárez hæc docuisse sententiam, cum re ve-

ra sit fractio sigilli, quoties pœnitentis non adest consensus.

Sed quæres primò, an Confessarius absque pœnitentis venia, possit loqui de auditis in confessione, statim finita cōfessione? Affirmat Lugo nu. 123. Tānerus disp. 6. q. 9. dub. 6. nu. 132. & alij: rationē assignant, quia quandiu pœnitēs non discessit, censetur idem forum, vel iudicium morale perseverare. Confirmat Lugo exemplo, quia si Confessarius data absolutione imponat pro satisfactione pœnitenti tria ieiunia, & statim pœnitenti compatiens, illa, in aliquid leuius mutet, non frangit sigillum, & tamen est data absolutio; ergo signum est illud iudicium non finire per absolutionem, sed durare per aliquod tempus post, ac proinde poterit eo tempore loqui de auditis sine pœnitentis venia, cum adhuc idem iudicium continueretur.

Sed magis placet sententia P. Dianæ post Fagundez. p. 2. l. 6. cap. 4. nu. 33. quod nimirum data absolutione, & satisfactione imposita, etiam si pœni-

pœnitens adhuc maneat genūflexus non liceat amplius de auditis loqui, sine pœnitentis venia. Ratio videtur omnino clara, quia data absolutione, & imposita satisfactio-
ne, sacramentum est completum, tum essentialiter, tum integraliter; ergo non potest amplius de eo loqui confessarius. Antecedens videtur evidens. Consequentia liquet, quia Confessarius loqui potest cum pœnitente, quandiu illud iudicium, vel forū pœnitentiale durat; atqui non amplius durat, cum nihil illius sit, nec essentialis, nec integrale; ergo.

Nec valet recurrere ad durationem moralem, quia cum hæc prudentis iudicio mensuratur, posset quis illam extendere ad horam post datā absolutionem, & satisfactio-
nem. Nec Lugonis exemplū quicquam valet, cum satisfactio-
nis mutatio fieri possit, etiam post menses, & annos, ut infra dicitur, & ipse admit-
tit; aliud namque est satisfactio-
nem mutari posse, & aliud est, quod ideo satisfactio mu-
tari possit, quia sacramentum

nōndum est moraliter finitū, primum verum, secundum erroneum; cum ex eo seque-
retur sacramentum nunquā essentialiter perfici cum sem-
per satisfactio possit mutari.

Quæres secundō, an Confessarius in confessione possit memoriam refricare peccatorum in præcedenti, vel præcedentibus confessionibus auditorum? Affirmat Lugonum. : : 7. quia Sacerdos ad benè curandum Pœnitentem debet etiam peccata præterita considerare, quæ vel sunt circumstantiæ præsentium, vel indicant vehementem passionem, aut aliquid aliud consideratione dignum ad melius cognoscendum Pœnitentis statum. Sed hæc Lugonis sententia etiam si videatur multum concedere confessarijs, onus tamen importabile illis imponit, quod nimirum deberent curare, suorum Pœnitentium peccata, alias confessa, memoria retinere, cum possint esse præsentium circumstantiæ, vel aliquid simile consideratione dignum ad Pœnitentis statum dignoscendum. Vnde sententia negans

quod magistri Nouitiorum, & alij superiores, valde cauere debent in ijs licentijs extorquendis, quia sola præsentia, vel auctoritas, etiam sine minis, & vultuum inuersionibus metum inducit reuerentialem; & sic tales licentiæ nullæ sunt; quanto magis id verum erit, si Magister Nouitiorum minetur nouitio expulsionem, &c. Vnde merito ab omnibus repræhenditur Iacobus de Grassijs part. 1. lib. 1. c. 23. num. 14. vbi dicit quod quando peccati reuelatio in bonum cederet pœnitentis, tunc sigilli fractio licita esset, quia adesset tacitus pœnitentis consensus, qui tunc temporis est; cum, vt patet, omnino requiratur expressus. Imò, etiâ si daretur casus, quod pœnitens teneretur Cōfessario petenti, vt loquatur de auditis, ob commissum errorem tollendum, licentiam dare, & reuocet, non posset Confessarius eo intuito loqui, sed deberet talem errorem permittere, & illum sub silentio premere; vnde merito solet Diana resol. 18. P. Suárez hanc docuisse sententiam, cum re ve-

ra sit fractio sigilli, quoties pœnitentis non adest consensus.

Sed quæres primò, an Confessarius absque pœnitentis venia, possit loqui de auditis in confessione, statim finita cōfessione? Affirmat Lugo nu. 123. Tānerus disp. 6. q. 9. dub. 6. nu. 132. & alij: rationē assignant, quia quandiu pœnitens non discessit, censetur idem forum, vel iudicium morale perseuerare. Confirmat Lugo exemplo, quia si Confessarius data absolutione imponat pro satisfactione pœnitenti tria ieiunia, & statim pœnitenti compatiens, illa, in aliquid leuius mutet, non frangit sigillum, & tamen est data absolutio; ergo signum est illud iudicium non finire per absolutionem, sed durare per aliquod tempus post, ac proinde poterit eo tempore loqui de auditis sine pœnitentis venia, cum adhuc idem iudicium continuetur.

Sed magis placet sententia P. Dianæ post Fagundez. p. 2. l. 6. cap. 4. nu. 33. quod nimium data absolutione, & satisfactione imposita, etiam si pœni-

pœnitens adhuc maneat genūflexus non liceat amplius de auditis loqui, sine pœnitentis venia. Ratio videtur omnino clara, quia data absolutione, & imposita satisfactione, sacramentum est completum, tum essentialiter, tum integraliter; ergo non potest amplius de eo loqui confessarius. Antecedens videtur evidens. Consequentia liquet, quia Confessarius loqui potest cum pœnitente, quandiu illud iudicium, vel forū pœnitentiale durat; atqui non amplius durat, cum nihil illius sit, nec essentialē, nec integrale; ergo.

Nec valet recurrere ad durationem moralem, quia cum hæc prudentis iudicio mensuratur, posset quis illam extendere ad horam post datā absolutionem, & satisfactionem. Nec Lugonis exemplū quicquam valet, cum satisfactionis mutatio fieri possit, etiam post menses, & annos, ut infra dicetur, & ipse admittit; aliud namque est satisfactionem mutari posse, & aliud est, quod ideo satisfactio mutari possit, quia sacramentum

nondum est moraliter finitū, primum verum, secundum erroneum, cum ex eo sequeretur sacramentum nunquā essentialiter perfici cum semper satisfactio possit mutari.

Quæres secundo, an Confessarius in confessione possit memoriam refricare peccatorum in præcedenti, vel præcedentibus confessionibus auditorum? ^{Con.} Ambr. Lugonum. : 7. quia Sacerdos ad benè curandum Pœnitentem debet etiam peccata præterita considerare, quæ vel sunt circumstantiæ præsentium, vel indicant vehementem passionem, aut aliquid aliud consideratione dignum ad melius cognoscendum Pœnitentis statum. Sed hæc Lugonis sententia etiam si videatur multum concedere confessariis, onus tamen importabile illis imponit, quod nimirum deberent curare, suorum Pœnitentium peccata, alias confessa, memoria retinere, cum possint esse præsentium circumstantiæ, vel aliquid simile consideratione dignum ad Pœnitentis statum dignoscendum. Vnde sententia negans

quod magistri Nouitiorum, & alij superiores, valde cauere debent in ijs licentijs extorquendis, quia sola præsentia, vel auctoritas, etiam sine minis, & vultuum inuersionibus metum inducit reuerentialem; & sic tales licentiæ nullæ sunt; quanto magis id verum erit, si Magister Nouitiorum minetur nouitio expulsiōem, &c. Vnde merito ab omnibus reprehenditur Iacobus de Grassijs part. 1. lib. 1. c. 23. num. 14. vbi dicit quod quando peccati reuelatio in bonum cederet pœnitentis, tunc sigilli fractio licita esset, quia adesset tacitus pœnitentis consensus, qui tunc temporis est; cum, vt patet, omnino requiratur expressus. Imò, etiã si daretur casus, quod pœnitens teneretur Cōfessario petenti, vt loquatur de auditis, ob commissum errorem tollendum, licentiam dare, & reuocet, non posset Confessarius eo inuito loqui, sed deberet talem errorem permittere, & illum sub silentio premere; vnde merito dolet Diana resol. 18. P. Suárez hanc docuisse sententiam, cum re ve-

ra sit fractio sigilli, quoties pœnitentis non adest consensus.

Sed quæres primò, an Confessarius absque pœnitentis venia, possit loqui de auditis in confessione, statim finita cōfessione? Affirmat Lugo nu. 123. Tānerus disp. 6. q. 9. dub. 6. nu. 132. & alij: rationē assignant, quia quandiu pœnitēs non discessit, censetur idē forum, vel iudicium morale perseverare. Confirmat Lugo exemplo, quia si Confessarius data absolutione imponat pro satisfactione pœnitenti tria ieiunia, & statim pœnitenti compatiens, illa, in aliquid leuius mutet, non frangit sigillum, & tamen est data absolutio; ergo signum est illud iudicium non finire per absolutionem, sed durare per aliquod tempus post, ac proinde poterit eo tempore loqui de auditis sine pœnitentis venia, cum adhuc idem iudicium continetur.

Sed magis placet sententia P. Dianæ post Fagundez. p. 2. l. 6. cap. 4. nu. 33. quod nimirum data absolutione, & satisfactione imposita, etiam si pœni-

pœnitens adhuc maneat genitiffexus non liceat amplius de auditis loqui, sine pœnitentis venia. Ratio videtur omnino clara, quia data absolutione, & imposita satisfactio-
ne, sacramentum est completum, tum essentialiter, tum integraliter; ergo non potest amplius de eo loqui confessarius. Antecedens videtur evidens. Consequentia liquet, quia Confessarius loqui potest cum pœnitente, quandiu illud iudicium, vel forū pœnitentiale durat; atqui non amplius durat, cum nihil illius sit, nec essentialis, nec integrale; ergo.

Nec valet recurrere ad durationem moralem, quia cum hæc prudentis iudicio mensuratur, posset quis illam extendere ad horam post datā absolutionem, & satisfactio-
nem. Nec Lugonis exemplū quicquam valet, cum satisfactio-
nis mutatio fieri possit, etiam post menses, & annos, ut infra dicetur, & ipse admit-
tit; aliud namque est satisfactio-
nem mutari posse, & aliud est, quod ideo satisfactio mu-
tari possit, quia sacramentum

nondum est moraliter finitū, primum verum, secundum erroneum, cum ex eo sequetur sacramentum nunquā essentialiter perfici cum semper satisfactio possit mutari.

Quæres secundō, an Confessarius in confessione possit memoriam refricare peccatorum in præcedenti, vel præcedentibus confessionibus auditorum? Affirm. Lugonum. : : 7. quia Sacerdos ad benè curandum Pœnitentem debet etiam peccata præterita considerare, quæ vel sunt circumstantiæ præsentium, vel indicant vehementem passionem, aut aliquid aliud consideratione dignum ad melius cognoscendum Pœnitentis statum. Sed hæc Lugonis sententia etiam si videatur multum concedere confessarijs, onus tamen importabile illis imponit, quod nimirum deberent curare, suorum Pœnitentium peccata, alias confessa, memoria retinere, cum possint esse præsentium circumstantiæ, vel aliquid simile consideratione dignum ad Pœnitentis statum dignoscendum. Vnde sententia negans

quod magistri Nouitiorum, & alij superiores, valde cauere debent in ijs licentijs extorquendis, quia sola præsentia, vel auctoritas, etiam sine minis, & vultuum inuersionibus merum inducit reuerentialem; & sic tales licentiæ nullæ sunt; quanto magis id verum erit, si Magister Nouitiorum minetur nouitio expulsionem, &c. Vnde merito ab omnibus repræhenditur Iacobus de Grassijs part. 1. lib. 1. c. 23. num. 14. ubi dicit quod quando peccati reuelatio in bonum cederet pœnitentis, tunc sigilli fractio licita esset, quia adesset tacitus pœnitentis consensus, qui tunc temporis est; cum, vt patet, omnino requiratur expressus. Imò, etiâ si daretur casus, quod pœnitens teneretur Cōfessario petenti, vt loquatur de auditis, ob commissum errorem tollendum, licentiam dare, & reuocet, non posset Confessarius eo iniuncto loqui, sed deberet talem errorem permittere, & illum sub silentio premere; vnde merito solet Diana resol. 18. P. Suárez hanc docuisse sententiam, cum re ve-

ra sit fractio sigilli, quoties pœnitentis non adest consensus.

Sed quæres primò, an Confessarius absque pœnitentis venia, possit loqui de auditis in confessione, statim finita cōfessione? Affirmat Lugo nu. 123. Tānerus disp. 6. q. 9. dub. 6. nu. 132. & alij: rationē assignant, quia quādiu pœnitēs non discessit, censetur idē forum, vel iudiciū morale perseverare. Confirmat Lugo exemplo, quia si Confessarius data absolutione imponat pro satisfactione pœnitenti tria ieiunia, & statim pœnitenti compatiens, illa, in aliquid leuius mutet, non frangit sigillum, & tamen est data absolutio; ergo signum est illud iudiciū non finire per absolutionem, sed durare per aliquod tempus post, ac proinde poterit eo tempore loqui de auditis sine pœnitentis venia, cum adhuc idē iudiciū continuetur.

Sed magis placet sententia P. Dianæ post Fagundez. p. 2. l. 6. cap. 4. nu. 33. quod nimirum data absolutione, & satisfactione imposita, etiā si pœni-

pœnitens adhuc maneat genti flexus non liceat amplius de auditis loqui, sine pœnitentis venia. Ratio videtur omnino clara, quia data absolutione, & imposita satisfactione, sacramentum est completum, tum essentialiter, tum integraliter; ergo non potest amplius de eo loqui confessarius. Antecedens videtur evidens. Consequentia liquet, quia Confessarius loqui potest cum pœnitente, quandiu illud iudicium, vel forū pœnitentiale durat; atqui non amplius durat, cum nihil illius sit, nec essentialē, nec integrale; ergo.

Nec valet recurrere ad durationem moralem, quia cum hæc prudentis iudicio mensuratur, posset quis illam extendere ad horam post datā absolutionem, & satisfactionem. Nec Lugonis exemplū quicquam valet, cum satisfactionis mutatio fieri possit, etiam post menses, & annos, ut infra dicetur, & ipse admittit, aliud namque est satisfactionem mutari posse, & aliud est, quod ideo satisfactio mutari possit, quia sacramentum

nondum est moraliter consummatum, primum verum, secundum erroneum; cum ex eo sequatur sacramentum nunquam essentialiter perfici cum semper satisfactio possit mutari.

Quæres secundò, an Confessarius in confessione possit memoriam refricare peccatorum in præcedenti, vel præcedentibus confessionibus auditorum? Affirmo. Lugonum. : : 7. quia Sacerdos ad benè curandum Pœnitentem debet etiam peccata præterita considerare, quæ vel sunt circumstantiæ præsentium, vel indicant vehementem passionem, aut aliquid aliud consideratione dignum ad melius cognoscendum Pœnitentis statum. Sed hæc Lugonis sententia etiam si videatur multum concedere confessariis, onus tamen importabile illis imponit, quod nimirum deberent curare, suorum Pœnitentium peccata, alias confessa, memoria retinere, cum possint esse præsentium circumstantiæ, vel aliquid simile consideratione dignum ad Pœnitentis statum dignoscendum. Vnde sententia negans

nistrare, vel nolenti ipsâ mortuâ in sacro sepelire, an nimirû tale testimoniû sit sufficiens, & Parochus teneatur illi credere? Aliqui id negant, cum enim illa sit publica meretrix, publicaque peccatrix, nō potest ei Eucharistia v.g. administrari, nisi Ecclesiæ publicè constet de illius emendatione; atqui Confessarij solius dictum, publicam non facit attestationē, ergo. Nihilominus oppositum est verius, & vidi vbique practicum; non solum quando Parochus talē habet attestationem à Confessario, qui talem habuit à pœnitente licentiam, verum etiam sine illa; Vnde pia mater Ecclesia solo Confessarij dicto contentatur, quando de publico peccatore, saltem coram testibus, dicit illum fuisse emendatum, per confessionē, quam sibi fecit. Sic publici vsurarij in loco sacro sepeliuntur, qui ex Confessarij dicto, per confessionem, sunt emendati. Sic, qui in duello lethali-ter vulnerantur, & confitentur, & absoluuntur, ex solo Cōfessarij dicto in loco sacro sepeliuntur, &c.

Quæret aliquis secundo; an excusari possint Parochi, qui in hebdomada sancta, vt multos expediant pueros, simul multorum audiunt confessiones, & absoluunt, quando sunt doli capaces, & sufficientem exponunt materiam? Respondet Nauar. *Sum.* cap. 8. nu. 13. & cap. *Sacerdos* nu. 110. id nullo modo fieri posse; est enim cōtra cap. *omnis utriusque sexus*, vbi præcipitur, quod *solus solus confiteatur*. Tum quia, illi pueri audientes ad inuicem peccata, possunt faciliter illa manifestare: & etiam, quia vtuntur hoc sacramento ad iocum, & risum; iocari autem in re graui, graue peccatum est; *arg. L. minimè C. de Episc. aud.* & glos. in cap. *cum decorem*, de vit. & honest. cler. vbi ad iocantes Monachorū vestibus grauiter castigantur. & ob hoc docet D. Thom. 22. q. 165. an. 2. ad primum, nō licere trahere scripturam ad iocum. Et Cōcilium Tridēt. sess. 4. c. vltimo fin. vult tales per Episcopos posse coerceri, qui nimirû sacra vtuntur scriptura ad scurrilia, vana, superstitiosa, &c.

QVAE.

QV A E S T I O I V.

An Confessarius possit loqui cum Pœnitente, de auditis in confessione.

Non potest loqui sine eiusdem Pœnitētis licentia, patet ex hucusque dictis; an autem de pœnitentis licentia: negavit Alēsis, Scotus, Almaynus, Aureolus, & alij, apud Dianam de sigillo confess. resol. 10. Vera tamen, & cōmunis sententia ex Confessoriorum vsu confirmata, affirmat. ita D. Tho. 4. dist. 21. q. 3. art. 3. & alij plures, quos congerit Diana loco citato. Ratio communis est, quia licet sigilli secretum sit iuris diuini naturalis, ob bonum Ecclesię, & huius sacramenti introductum, tamen hoc totum factum est in pœnitentis fauorem, cui renunciando, omnia ad antiquum redeunt statum; quod autem pœnitens possit huic iuri renunciare, liquet, cum sit suę dominus famę, ob quam conseruanda, tam stricta sigilli inducta est obligatio, per quę patet ad

fundamentum sententię contrarię, quod nimirum cum sigilli obligatio sit de iure diuino, & pœnitens non possit in hoc iure dispensare; neque in sigillo dispensare poterit; patet inquam, ad hoc fundamentum, quia pœnitens non dispensat in iure diuino, sed cessat ius diuinum ob materię cessationem, seu ob licentiam datam loquendi de auditis; materia namque sigilli sunt pœnitentis peccata apud Cōfessarium deposita, sine venia loquendi de illis. Hęc tamen licentia licet non debeat esse in scriptis, debet tamen esse formalis, & expressa, & nullo modo sufficit pręsumpta, interpretatiua, vel virtualis. Imò debet esse omnino libera, & spontanea, non vi, dolo, aut iniuria, aut timore extorta, aut per metum, vel per importunitatem. Vnde Diana loco citato ex alijs, optimè notat,

K k k 2 quod

quod magistri Nouitiorum, & alij superiores, valde cauere debent in ijs licentijs extorquendis, quia sola præsentia, vel auctoritas, etiam sine minis, & vultuum inuersionibus metum inducit reuerentialem, & sic tales licentiæ nullæ sunt; quanto magis id verum erit, si Magister Nouitiorum minetur nouitio expulsiōem, &c. Vnde merito ab omnibus repræhenditur Iacobus de Grassijs part. 1. lib. 1. c. 23. num. 14. vbi dicit quod quando peccati reuelatio in bonum cederet pœnitentis, tunc sigilli fractio licita esset, quia adesset tacitus pœnitentis consensus, qui tunc temporis est; cum, ut patet, omnino requiratur expressus. Imò, etiâ si daretur casus, quod pœnitens teneretur Cōfessario petenti, ut loquatur de auditis, ob commissum errorem tollendum, licentiam dare, & reueneret, non posset Confessarius eo inuito loqui, sed deberet talem errorem permittere, & illum sub silentio præmere; vnde merito solet Diana resol. 18. P. Suárez hæc docuisse sententiam, cum re ve-

ra sit fractio sigilli, quoties pœnitentis non adest consensus.

Sed quæres primò, an Confessarius absque pœnitentis venia, possit loqui de auditis in confessione, statim finita cōfessione? Affirmat Lugo nu. 123. Tānerus disp. 6. q. 9. dub. 6. nu. 132. & alij: rationē assignant, quia quandiu pœnitens non discessit, censetur idem forum, vel iudicium morale perseverare. Confirmat Lugo exemplo, quia si Confessarius data absolutione imponat pro satisfactione pœnitenti tria ieiunia, & statim pœnitenti compatiens, illa, in aliquid leuius mutet, non frangit sigillum, & tamen est data absolutio; ergo signum est illud iudicium non finire per absolutionem, sed durare per aliquid tempus post, ac proinde poterit eo tempore loqui de auditis sine pœnitentis venia, cum adhuc idem iudicium continueretur.

Sed magis placet sententia P. Dianæ post Fagundez. p. 2. l. 6. cap. 4. nu. 33. quod nimirum data absolutione, & satisfactione imposita, etiam si pœni-

pœnitens adhuc maneat genūflexus non liceat amplius de auditis loqui, sine pœnitētis venia. Ratio videtur omnino clara, quia data absolutione, & imposita satisfactione, sacramentum est completum, tum essentialiter, tum integraliter; ergo non potest amplius de eo loqui confessarius. Antecedens videtur evidens. Consequentia liquet, quia Confessarius loqui potest cum pœnitente, quandiu illud iudicium, vel forū pœnitentiale durat; atqui non amplius durat, cum nihil illius sit, nec essentialē, nec integrale; ergo.

Nec valet recurrere ad durationem moralem, quia cum hæc prudentis iudicio mensuretur, posset quis illam extendere ad horam post datā absolutionem, & satisfactionem. Nec Lugonis exemplū quicquam valet, cum satisfactionis mutatio fieri possit, etiam post menses, & annos, ut infra dicetur, & ipse admittit, aliud namque est satisfactionem mutari posse, & aliud est, quod ideo satisfactio mutari possit, quia sacramentum

nondum est moraliter finitū, primum verum, secundum erroneum, cum ex eo sequeretur sacramentum nunquā essentialiter perfici cum semper satisfactio possit mutari.

Quæres secundō, an Confessarius in confessione possit memoriam refricare peccatorum in præcedenti, vel præcedentibus confessionibus auditorum? Affirm. Lugonum. : 7. quia Sacerdos ad benè curandum Pœnitentem debet etiam peccata præterita considerare, quæ vel sunt circumstantiæ præsentium, vel indicant vehementem passionem, aut aliquid aliud consideratione dignum ad melius cognoscendum Pœnitentis statum. Sed hæc Lugonis sententia etiam si videatur multum concedere confessariis, onus tamen importabile illis imponit, quod nimirum deberent curare, suorum Pœnitentium peccata, alias confessa, memoria retinere, cum possint esse præsentium circumstantiæ, vel aliquid simile consideratione dignum ad Pœnitentis statum dignoscendum. Vnde sententia negans

negans, quam post Fagundes sequitur Diana resol. 20. est sequenda, & sic dico non posse Confessarium loqui cū pœnitere in cōfessione præsenti, de auditis in confessionibus antecedentibus, nisi de illis tantum peccatis, quæ pœnitens tangit, si fortè aliquod tægat, de alijs vero nullo modo, nisi ex venia eiusdē pœnitentis. Et ratio est, quia pœnitens reclet omnia peccata sua de Confessarij memoria esse deleta, & erubescit, quando illa denuo audit.

Quæres tertio quas pœnas incurrat Sacerdos ob sigilli Confessionis fractionem? Respondetur duplicem incurere. Prima est perpetua depositio; Secunda est perpetua & ignominiosa peregrinatio cap. *Sacerdos, de pœnit. dist. 6.* quæ secunda pœna in cap. *omnis utriusque sexus, de pœnit. & remis.* Commutatur in perpetuam, in aliquod monasterium, inclusionem, modo autem mittuntur hic Romæ ad Ergastulum. Istæ pœ-

næ non sunt latæ sententiæ, sed ferendæ, per iudicis sententiam imponendæ. Non pertinet hoc delictum ad Tribunal Sanctæ Inquisitionis, sed Ordinarij, quando est mera sigilli fractio, secus si errorem aliquem contineret, ut si reuelans dixisset licitū esse sigilli reuelationem, vel male sentiret de Ecclesiæ Sacramentis, vel quid simile. Probatur hoc delictum per testes singulares, ob eius qualitatem, & etiam, quia vix alio modo probari posset. Ad quem autem pertineat probandi onus, variæ sunt scribentium sententiæ, quæ videri possunt apud Dianam loco citato resol. 52. Rationabilius tamen videtur, quod si Pœnitens Sacerdotem accuset de sigilli fractione, & Sacerdos neget, probandi onus ad Pœnitentem spectabit.

Si vero de reuelato crimine constet & Sacerdos dicat se reuelasse ex Pœnitentis licentia ad ipsum Sacerdotem probandi onus spectabit.

Q V A E S T I O V.

Utrum Confessarius ut possit confessionis notitia ad externum regimen, siue communitalis, siue rei privata, siue etiam ipsius Confessarij.

Sensus tituli est, an si quis subditus, siue Regularis, siue secularis apud proprium respectuè confiteatur superiorem, apud quem ante confessionem bonam habebat opinionem, quam ex Cōfessione amittit, cum ex illa peruersus cognoscatur, & inhabilis, & indignus, ut ad officia, vel dignitates promoueat, possit talis superior uti scientia habita, & talem non promouere? Similiter confessarius regularis, qui alium regularem ex Cōfessione cognouit, aliquo officio, vel dignitate indignum, possit votum denegare secretum, in aliqua electione, ut contingit in Capitulis Conuentualibus, Prouincialibus, & Generalibus? Item quia euenire potest quod Confessarius

ex Sacramentali Confessione cognoscat, malū aliquod sibi imminere, an ad illud malum grande subterfugiendū confessionis scientia, ut possit. &c. Sed ut distinctè procedamus, singulas difficultates sigillatim proponamus. Prima sit, an Prælati, vel Superior, uti possit Confessionis scientia ad externam subditorum gubernationem; & confessarius ad denegandum suffragium.

Prima sententia est affirmatiua, dummodo ex tali usu nulla reuelationis oriatur suspicio, vel peccati Poenitentis, directa, vel indirecta manifestatio; hanc tenent innumeri, quos refert Sanchez lib. 3. de Matrim. disput. 16. Et quidē hęc sententia quoad Regularium Superiores, sequi nullo

nullo modo potest, post decretum Clem. VIII. editum anno 1594. 26. Maij, vbi huius notitiæ vsus his verbis prohibuit. *Tam Superiores pro tempore existentes, quam Confessarij, qui postea ad superioritatis gradū fuerint promoti, caueant diligentissime, ne ea notitia, quam de aliorum peccatis in confessione habuerūt, ad exteriorem gubernationem utantur, &c.* Atque ita per quosunque Regularium Superiores, quicunque illi sint, obseruari mandamus. vbi, vt vides, hoc decretum de solis loquitur superioribus regularium, non de alijs superioribus secularibus; nec loquitur de sacerdotibus particularibus, in ordine ad deneganda v. g. suffragia. sed Theologorum reliquit disputationibus: de quibus.

Nostra sententia, est nullo modo licere Superioribus secularibus vt Episcopis &c. vti Confessionis notitia in ordine ad externam gubernationem; nec confessarijs in ordine ad suffragium denegandum, & vniuersaliter, non solum in illis casibus, in quibus esset periculum

frangendi sigillum, verum etiā in ijs, in quibus id esset confusio, ac pudori Pœnitenti. Hanc sententiam acriter defendit M. Bannes 2.2. q. 33. art. 8. Sanchez vbi supra, & omnes ferè moderni.

Probatur primò quia ideo tam arcta huius sigilli induta est obligatio, vt peccatorum notitia, nullo modo ad forum externum, & externam notitiam deducatur, si enim daretur casus in quo talis peccatorum confessorum notitia, ad aliorum cognitionem deduci posset, fieret hoc Sacramentum odiosum, formidabile, & nimis onerosum. Sed hoc fieret, si scirent Pœnitentes, quod eorum Superiores, vel Confessarij possent ex notitia in confessione parata, illos priuare officijs, Ordinibus, mutare ad alia loca, sibi suffragia denegare ad communes honores, & commoda &c. ergo talis vsus nullo modo licet. Sed dices, talem vsus non licere, quando Pœnitens posset dignoscere id facere Superiorem vel confessorium ex Confessionis notitia, secus quando nullo modo

do potest subditus id suspicari. Nam contra est, quia ad hoc ut hoc Sacramentum reddatur onerosum non est necesse, quod subditus suspicetur, tali officio à Superiore priuari, Confessionis occasione; Sed sufficit, quod sciat id fieri posse; nam si Pœnitens ante confessionem sciret Prælatum vel Confessarium posse uti suæ confessionis notitia, in ordine ad priuandum ipsum officio, quod possidet, à tali confessione retraheretur, etiâ si postea nesciat fuisse à tali officio amotum confessionis occasione, vel alio prætextu. Sufficit ergo ut confessio odiosa reddatur, quod sciat pœnitens, Confessarium posse aliquando ipsum lædere in honore, fortuna, fama, officijs, muneribus, &c. quia licet modo, quia amicus, confidat, postea tamen inimicus effectus, ipsum lædere poterit. Vnde Confessarius nihil agere potest, non solum ex quo alij veniant in cognitionem peccati alterius, sed neque, ex quo ipse Pœnitens, siue antecederet ad confessionem, siue post illam, possit

illud suspicari.

Probatur secundò, quia si semel posset Confessarius uti scientia parta ex confessione, destrueretur ipsius confessionis bonum; atqui id nullo modo licet; ergo neque licet tali notitia uti.

Maiores probatur. Nam confessionis bonum in hoc consistit, quod homines fidenter ad illam accedant, & ad illam respiciant, tanquam ad eorum solatium, per quod sibi peccata remittantur. & famæ eorum consulatur; atqui non esset sic, si semel posset Confessarius uti scientia parta ex confessione in ordine ad id de quo pœnitens contristaretur; ergo.

Minor ostenditur, quia honor, & religio huius sacramenti læderetur, cum homines confidentius ad illud non accederent; nec illud peccatores haberent solatium; ergo.

Obijciunt primò, quia Confessarius habet ius ad dandum suffragium cui maluerit; ergo etiâ si pœnitens sibi confiteatur, adhuc poterit dare, vel non dare pœnitenti suffragium.

Respondetur nostram resolutionem' nō fundari in aliquo iure pœnitētis ad suffragium ratione confessionis, alioqui maxima aperiretur via fraudibus, cum posset aliquis confiteri electoribus, ut sic suffragia non denegarentur; sed fundatur in hoc, quod pœnitens ex sacramento securitatem habeat, quæ det illi confidentiam explicandi sincerè omnia peccata; unde videmus, quod quando pœnitentes verecundantur, vel difficultatem patiuntur in confitendis peccatis, vel in explicandis eorum circumstantiis, ingenerant Confessarij confidentiam ex securitate, quod nunquam nec directè, nec indirectè manifestabuntur; & sic, quod non timeant, quia nullum subest periculum ex tali peccatorum manifestatione; quod delusorium esset, si semel opposita sentētia vera esset.

Obijciunt secundò, quia Confessarius utitur confessionis notitia in ordine ad alios causas; ergo etiam uti poterit in ordine ad externā gubernationem, & suffragij dene-

gationem. Antecedens ostēditur. Nemo namque negare potest Confessarium ex confessione reddi cautiorem ad similia pericula vitanda; audit pœnitentem peccasse cum Berta, quia solus mansit in cubiculo, inde Confessarius fit cautus, & proponit nunquam velle manere cum aliqua foemina solus, ne & ipse similiter cadat. Discunt Confessarij civium mores, & discunt quomodo debeant cum illis conuersari. Similiter negabit nemo, non posse Prælatum rigore deponere, si sciat ex subditi confessione se nimis rigidum esse; item si sciat se nimis laxum? Respondetur non omnem scientiæ confessionis usum illicitum esse, sed illum per quem confessio difficilis, & odiosa reddatur, secus si non reddatur, unde videmus Confessarios affici nimis erga illos pœnitentes, qui maxima cum confidentia propriam pandunt conscientiam; & tamen nemo dicit, tales Confessarios peccare; cum tamen illam confidentiā habuerint ex confessionis notitia. Hinc inferitur esse con-

tra sigillum si Cōfessarius extra confessionem pœnitenti exprobrat, si vultum seueriorem ostendat, si minus grātē loquatur, &c.

Sed quæres primò, an confessionis notitia deferuire possit ad aliquid pro foro externo, ut si casu, vel malitia talis notitia paria sit? Respondetur nihil deferuire, taliter quod omnia acta ex illa facta, cassa, & irrita sint. Couar. 4. p. 2, c. 8. §. 12. nu. 10. & alij communiter.

Quæres secundo, quid debeat facere Sacerdos, quādo ex confessarij confessione cognoscit illum non esse Sacerdotem, an possit illi non amplius confiteri? Respondetur affirmatiuè, quia ex illo notitiæ usu, confessio non redditur odiosa, si tamen casus daretur, quod odiosa redderetur, ut si resularet aliqua reuelatio indirecta, vel dedecus, ex eo quod illum relinquat, non posset illum relinquere; deberet tamen alium secreto adire à quo absolutionem impetraret.

Quæres tertio, an Cōfessarius possit uti cōfessionis no-

titia ad vitandum imminens periculum? V.g. scit confessarius in siluam cum socijs ingressus, ab vno sociorum, qui confitetur se cum alijs cōuenisse de illo occidēdo &c. vel scit sibi inlidias in tali loco parari, per quem solitus est transire; vel scit venenum positum esse in vino, quo debet celebrare; an nimirum possit fugere, vel per talem locū nō transire, vel missam non celebrare, &c. Respondetur posse Confessarium in illis casibus mortem vitare, quoties absq; vlla confessionis manifestatione id facere potest, secus si ex tali mortis vitacione, confessionis manifestatio sequatur; tunc enim potius debet mortem sustinere, quam confessionis sigillum violare.

Quæres quarto, an Cōfessarius possit vitare excommunicatum vitandum, quando id nouit ex confessione? Respondetur negatiuè, si ex tali vitacione oriatur fractionis sigilli suspicio, secus si nulla oriatur, res facilis est, ideo fisto. Et hæc de confessionis sigillo,

DISPUTATIO

VNDECIMA

De satisfactione in communi.

Est satisfactio in genere actio qua is qui alterū læsit, tantum facit, quantum sat est ad offensam compensandam. Vnde differt satisfactio à restitutione. quia restitutio est iniuriæ cessatio, non iniuriæ factæ rescissio; qui namque rem alienā inuito retinet Domino, tam diu iniuriam irrogat, quam diu res illa detinetur: deinde restitutio damnum re ipsa respicit illatū, satisfactio personam iniuria affectam, etiam si damnum nullum patiatur. Vnde nil Deo restitui potest, cum damnum nullum patiatur, illi tamen satisfit, si iniuria afficiatur; Et sic restitutio in rebus, satisfactio in actionibus versatur.

Satisfactio alia est æqualitatis absolutæ, & perfectæ; alia imperfectæ, quæ in pacto

vel donatione, vel partis offensæ acceptance fundatur. In satisfactione duplex inæqualitas est recompensanda altera ad iustitiam pertinens, altera ad amicitiam, ut docet Angelicus in 4. dist. 15. q. 1. art. 3. qui enim alterum lædit iustitiam simul, & amicitiam violat, & licet cōtingere possit, quod vna actione utrique satisfiat obligationi, aliquando tamen oppositum contingit, ut cum quis à iudice cōprehensus tantum pænæ subire tenetur quantum iniuria in alterum illata requirit, & tamen amicitia inter illos nō reformatur, cum inter iniustos esse nequeat.

Non sic respectu Dei, vñ namque non rescissitur sine altero, cum non possit homo Deo satisfacere sine acceptance, & hec sine amicitia esse nequeat.

De-

Definiunt Theologi satisfactionem in communi, quod sit voluntaria peccatorum castigatio in se ipso suscepta; seu voluntaria offensæ per peccatū Deo illatæ compensatio, cum proposito non peccandi de cetero; ponitur cum proposito non peccandi de cetero, quia satisfactio, nō solum habet rescire præteritam culpam, sed etiā pro futuris vitandis cautelam adhibere; quia ut rectè notauit Philosophus 1. Ethic. Poenæ sunt medicinæ non solum curatiuæ mali præsentis, sed & præseruatiuæ futuri. Aliiter definit satisfactionem D. Ansel. lib. cur Deus homo

scilicet.: *Satisfacere est Deo debitum honorem impendere*: dicit debitum, non utcumque quia sic, omnes homines debent Deum honorare, sed debitum ratione culpæ.

Satisfactio est duplex, alia, quæ est actus virtutis Poenitentia, de qua in præsentī disputatione erit sermo; altera, quæ est pars integralis sacramenti Poenitentia, de qua disputatione sequenti dicitur: & quia hæc supponit illam, sicut Poenitentia Sacramentum, supponit Poenitentiam virtutem, ideo prius de illa quā de ista disputabitur. Unde sit.

Q V A E S T I O I.

*Quenam ad condignam requirantur
satisfactionem.*

Quatuor sunt de quibus homo Deo debet satisfacere: Primum est culpa mortalis, si quam commisit; Secundum poena æterna illi respondens; Tertiū culpa venialis; Quartum poena temporalis, quæ quandoque cul-

pa remissa remanet persoluenda, de quibus aliqua, ex alibi dictis, sunt supponenda antequam quæstionis titulo occuramus, cum ad illum rectè intelligendum necessaria videantur.

Suppono primò, purum ho-

hominem non posse de condigno satisfacere pro culpa mortali; cum enim peccati mortalis malitia sit absolute infinita, & omnis nostra satisfactio absolute finita sit, sequitur, non posse esse de condigno, & ad æqualitatem satisfactoria. Tum quia, culpa, quæ nulla pœna absolute finita, potest de condigno puniri, absolute pœnam meretur infinitam; huiusmodi est mortale peccatum; ergo. Minor ostenditur, quia alias damnati finito tempore possent sufficienter pro suis peccatis puniri, & sic malè, pœna puniatur æterna in inferno. Idem dicendum est de pœna æterna, quæ peccato mortali debetur; cum enim hæc pœna sit infinita, infinitam requirit satisfactionem, quam nos exhibere non possumus; satisfacimus tamen de congruo, tã pro culpa mortali, quam pro pœna æterna illi correspondente per contritionem, per quam licet non exhibeamus satisfactionem ad æqualitatẽ, talem tamẽ exhibemus, qualem exhibere possumus, & qualem decet diuinam boni-

tatem à nobis exigere, quæque contenta est. An autem contritio ex natura rei culpã, & pœnam æternam habeat remittere, an vero ex diuina largitate, supra explicitimus.

Suppono secundo, hominẽ posse pro culpa veniali de condigno, & ad æqualitatem satisfacere, & idem dicendum est de pœna illi correspondente. Et ratio est, quia veniale, tam quoad culpam, quam quoad pœnam, est simpliciter finitum, ac proinde pro illo satisfieri poterit, per quos autẽ actus deleatur, & illi satisfiat, supra docuimus.

Suppono tertio, quod remissa culpa, tum mortali, tum veniali, potest aliquid pœnæ temporalis remanere: ita definit Trident. sess. 14. can. 12. vbi dicitur: *si quis dixerit totam pœnam simul cum culpa remitti semper à Deo, satisfactionemque penitentium non esse aliam, quam fidem, quam apprehendunt, Christum pro eis satisfecisse; anathema sit.* Quod etiam ex sacra Scriptura probari potest, 1. namq; Regũ 12. legitur, quod postquam Dauid adulterij, & homicidij ve-

niam

niâ impetrauit, adhuc in morte filij punitus est. Idem probatur ex facto, quod Num. 14. habetur, nimirum, quod postquâ populus ob murmurationis peccatum veniâ impetrauit, adhuc punitus est, vt terram non ingrederetur promissam; id ipsum probari potest sexcentis ex alijs, sacre Scripturæ locis. Idem verbis rotundis docet D. Chrysost. hom. 6. de Pœnit. D. Aug. lib. 2. de peccatorum meritis. cap. 33. & 34.

Suppono quartò, posse hominem pro pœna temporali peccati, relicta, peccato ipso dimisso, posse de condigno satisfacere, colligitur clarè ex Tridentino sess. citata 13. vbi absolutè definit nos posse pro pœnis temporalibus satisfacere. Hoc docet D. Thomas 4. dist. 15. q. 1. art. 2. quæstiu. 1. Ricard. ibidem art. 1. quæst. 2. D. Antonin. 3. p. tit. 14. cap. 20. & communiter moderni, Verum tamen est intermisceri aliquid misericordiæ. Primò quia Deus gratis vires concedit ad tales satisfactiones ponendas. Secundò quia opera nostra satisfaciendi vim ha-

bent ex meritis Christi; vt docet Tridentinum sess. citata cap. 8. An autem tali condignitate supposita teneatur Deus illâ acceptare, an vero etiam in hoc intercedat misericordia, verius videtur non teneri; cum enim non sit de rigore iustitiæ, licet sit modo explicato condigna, non tenetur illâ acceptare, & sic etiam in hoc misericordia intercedit. His suppositis quaeritur, quænam conditiones requirantur ad satisfactionem ponendam pro pœnis peccatis debitis.

Respondetur condiciones ad satisfaciendum requisitas esse in triplici genere; aliæ enim tenentur ex parte satisfaciæntis, aliæ ex parte operis per quod satisfactio ponitur; & aliæ ex parte personæ cui fit satisfactio; quas oportet breuiter explicare. Ex parte satisfaciæntis, requiritur primò vt sit in gratia; ita D. Thomas in 4. dist. 15. q. 1. art. 3. quæstiu. 2. & alij plures quos refert, & sequitur Lugo disp. 24. nu. 25. & licet pro contraria sententia Scotus & alij afferantur, communiter tamen inter-

interpretantur, quod non de satisfactione propriè dicta loquantur, sed de satisfatione; est autem differentia inter satisfactionem, & satisfationem, quod hæc à iudice infligitur, illa spontè assumitur; colligitur clarè hæc cōditio ex Tridentino sess. 14. cap. 8. Nec deest insufficiens ratio, quia sicut ad meritum, gratiæ status requiritur, ita ad satisfationem, quæ licet meritum non signaturam tamen meriti immittatur; quod ad meritum gratiæ status requiratur, admittunt omnes, & nos probauimus in tractatu de merito, & ratio plana est, quia dum homo manet inimicus, non placet Deo, ac subinde non potest condignè mereri; quod autem satisfactio meriti naturam immittetur patet, quia sicut inimici opera à Deo nō acceptantur ad præmium, ita non possunt esse accepta ad ipsum placandum pro pœna peccatis debita. Vnde opera facta in mortali sicut non reuiuiscunt (gratia accepta) ad meritum, ita non reuiuiscunt ad satisfationem. Nec placet quod aliqui Scoti disci-

puli dicunt, quod opera facta in mortali, licet non sint satisfactoria pro ipso operante, sint tamen satisfactoria pro existentibus in Purgatorio. Hoc inquam non placet, quia opera nostra non aliter sunt satisfactoria pro animabus purgantibus, nisi quatenus sūt satisfactoria respectu nostri, cum nos satisfationem nobis correspondentem illis applicemus. Aliam rationem tetigimus pro hac conditione, quia cum nostra satisfactio nō sit de rigore iustitiæ, diuina interuenire debet acceptatio; hæc autem amicum respicit, non inimicum. Nec etiā placet quod alij dicunt, nimirum quod reuiuiscant illa opera satisfactoria, quæ effectum relinquunt, ut eleemosyna quæ attenuat substantiam, & ieiunium corpus. Syl. V. satisfactio. Capreol. dist. 15. quia sēper verificatur, quod sint opera mortua, ac proinde reuiuiscere non poterunt.

Sed quæres primò, an satisfationis valor ex maiori satisfaciens gratia crescat? Respondetur affirmatiuè, sicut enim meritum ex maiori meren-

merentis crescit dignitate, seu gratia; ita & satisfactio, ut patet de meritis, & satisfactionibus Christi, quæ ex dignitate suppositi maximum sumpserunt valorem, imò infinitum. Crescit autè dictus valor ex gratia quam homo habet, & quâdo ieiunare v.g. proponit, & quando re ipsa ieiunat, siue quando ieiunandi voluntas ad ieiunium vsque continuatur, siue non; quando enim ieiunandi voluntas efficax est, & per ipsam non stetit, quin ieiunium poneretur suum habet valorem de quo postea.

Quæres secundo, an si quis in mortali existens ieiunare proponat, & postea in gratia ieiunet, per tale ieiunium satisfaciatur? Certum est, quod si nova superueniat voluntas ieiunandi, postquam homo est in gratia, quod tale ieiunium sit satisfactorium, cum in virtute voluntatis hominis iusti procedat, seu cum procedat ab homine iusto; Si vero noua nō superaddatur voluntas, sed in virtute illius habitæ in mortali ponatur, dicit Lugo supra nu. 30. quod non sit satisfactorium; rationem

assignat, quia tale ieiunium non ab homine iusto ponitur, sed à peccatore, nec dignificari potest sine noua voluntate, à gratia, quæ de nouo ponitur. Sed hoc semper mihi falsum est visum, & in tractatu de merito fuscè hoc impugnari, ratio potissima est, quia cum gratia totum dignificet hominem, & illum gratum Deo constituat, & omnia opera illius dignificabit, & in finem ordinabit supernaturalem, nisi spontè ab eodem homine retrahantur; certè ridiculum esset dicere, gratiam dignificare animam cum omnibus potentijs eius, & non dignificare actus ab ijs procedentibus, quando aliunde non deturpantur; sed de hoc loco citato.

Requiritur secundo ex parte satisfaciæntis, quod sit viator, sicut hoc idem ad meritum exigitur; aliàs animæ in Purgatorio existentes cum feruentissimos, & frequentissimos eliciant charitatis, contritionis, & aliarum virtutum actus, citò pro maximis pœnis satisfacerent; est quidem satisfactio post hanc vitam, cum

tantum à iudice puniantur, quantum merentur, non tamē satisfactio, cum ille pœnæ nō sint ab illis assumptæ, sed à iudice inflictæ; vnde se habēt ille animæ, sicut rei qui puniuntur à iudice &c.

Conditiones ex parte operis sunt. Prima quod opus sit bonum, & honestum, patet, quia Deus placari non potest per opus malum cum sibi displiceat. Secunda quod sit liberum, & volūtarium, vel per modum actus eliciti, vel imperati, vel saltem per modum obiecti voliti; nam satisfactio ut distinguitur à satisfatione debet esse opus humanum, ac proinde humano modo positum, & sic voluntariè. Hinc sequitur, quod pœnæ extrinsecæ nobis inflictæ, vel casu accidentes, ut sic præcisè, satisfactoriæ non sunt, nisi in Deum aliquo modo referantur, cum enim istæ a principio Intrinsicco non procedant nō possunt ab eo dignificari; ut modo contra Lugum dicebatur, sed ut dignificentur debent in Deum aliquo modo liberè referri, ut illas propter Deum liberè acceptādo, pa-

tienter sustinēdo &c. per quæ, talem afflictionem, vel pœnā quodammodo facimus nostram, taliter ut dicere possimus, nos per eas nostra punire peccata. An autem opus debeat esse afflictivum, seu pœnosum, cum specialem habeat difficultatem, specialem illi dabimus quæstionem.

Tertiam addunt aliqui conditionem, ut opus sit satisfactorium, nimirum, quod esse debeat opus supererogationis, ita quod per opus necessarium præcepti necessitate, satisfacere non possimus. Sed hoc vanū est, sicut enim per opera præcepta mereri possumus, ita & satisfacere: tum quia multa ob id nobis mandantur, ut ieiunium, & huius generis multa.

Hinc deduces longe utilius esse, hic pro peccatis satisfacere, quam hoc pro Purgatorio referuare; tum quia facilius, tum quia hic cum merito fit, secus in Purgatorio, ubi non est meritum, nec satisfactio ut dictum est, sed tantū satisfactio, in qua patientis dignitas non respicitur, sed solū pœnæ cum debito æqualitas.

Ex

Ex parte Dei vna sola requiritur conditio, eius nimirum promissio remissionis poenae. sub operis conditione. Hoc namque ipso, quod quis superioris alicuius præceptum transgreditur, ipse acquirit ius infligendi certam poenā peccato illo correspondentem,

quā remittere nō tenetur, nisi promissio adsit, sed potest vellet reum poenam taxatam, vel quam peccatum meretur subire; ita idem de Deo dicendum est; videantur quæ diximus in tractatu de merito; ubi conditionem hāc satis fuisse ostendimus.

Q V A E S T I O II:

An opus satisfactorium debeat esse poenale.

OMnino certū est, opus poenale convenientissimum esse ad satisfactionem ponendam, id namque frequenter scriptura, & Patres docent; imò & verus Dei amor, animusque verè poenitens, ad illud inclinat, taliter quod, vix aut Charitas, aut penitentia possit esse perfecta, quæ ad talia opera poenalia non inclinet eum, qui sibi persuadet aliquas poenas sibi restare persolvendas. Charitas namque sicut inclinat ad peccati detestationem, ita ad eiusdem peccati punitionem, ex hoc enim quod Charitas

inclinat ad detestandum peccata, inclinat etiam ad detestandum nos ipsos, quatenus illorum sumus auctores, quod per satisfactionem exequimur.

Nota deinde, quod ut docet Aristoteles 8. Ethic. & cū eo philosophi omnes, bonum est triplex, honestum, vtile, & delectabile; malum vero duplex, culpæ, & poenæ. Malum culpæ, bono opponitur honesto: malum vero poenæ vtili, & delectabili; unde malum poenæ, bonum honestū esse potest, cum vtile & delectabili opponatur.

M m m 2

que eleemosinæ, est malum pœnæ, quia vtili bono opponitur, pecunia namque quæ in eleemosinam datur, vtile bonum est. Ieiunium malum pœnæ est, quia delectabili bono opponitur, cum cibi potusque frequentia bonum delectabile sit. Si ergo malum pœnæ honestum bonum esse potest, ita e contra bonum honestum, malum pœnæ esse poterit; licet enim virtutis actus, qui est bonum honestum, secundum se delectabilis maximè sit, vt docet Philosophus 3. Ethic. cum sit rationi conformis, vt tamen sensualitati contradicit, pœnalis est; benè verum est, dari aliqua virtutum opera; quæ si materialiter considerentur pœnalia non sunt, benè tamen prout fiunt cum moderatione, & in virtutum specie constituuntur, vt comedere cibos delicatos, & alia huius generis cetera, & hæc virtutum opera vocantur solum secundum quid pœnalia, simpliciter vero delectabilia. An autem, vt hoc obiter dicatur, possint hæc virtutum opera imponi à Confessione pro sa-

tisfactione, dico communiter id non fieri, si tamen id fieret prout pœnalia sunt, seu prout cum moderatione fiunt & in virtutum specie constituuntur, admitti posset. His positis de proposita quaestione tres sententiæ reperiuntur.

Prima sententia est, hominem posse Deo satisfacere per omnia opera de condigno glorie meritoria, & si laboriosa, & pœnalia non sint. Ita Scotus 4. dist. 15. q. 1. Gab. ibidem art. 1. & alij quos refert, ac sequitur Vasquez hic q. 94. art. 1. dub. 5.

Secunda sententia docet per omnia opera satisfieri, siue pœnalia sint; siue pœnalia non sint, dummodo sint opera consilij; non præcepti. Sed hæc sententia manet exclusæ ex dictis q. præcedenti, quatenus diximus etiam per opera præcepti nos & mereri, & satisfacere posse.

Tertia sententia est solum satisfieri per illa opera glorie meritoria, quæ pœnalia sunt. Ita Suarez disput. 31. lect. 6. post Durandum, Bonau. & Alenssem, quos ibi citat.

Nostra

Nostra sententia sequenti explicatur conclusione. *Omne opus bonum, & gloria meritorium, est etiam satisfactorium, eo quod nulli datur opus bonum, quod penale non sit.* Hæc conclusio est communis, & eam sequitur, & optimè probat Nugnus q. 15. art. 1. difficul. 1. Pro quo nota, quod licet meritum, & satisfactio in eodem opere reperiantur ex diuerso tamen sumuntur motiuo, quæ motiua semper simul eunt, & simul reperiuntur, ex diuerso equidem motiuo meritum, & satisfactio desumuntur, quia meritum, & eius condignitas in æquitate fundatur, quæ postulat, quod operis bonitas præmiatur, ut homines ad bonè, & sanctè operandum alliciantur: at vero satisfactionis condignitas in illa æquitate fundatur, quæ exigit, ut qui se voluntariè castigauit, & pœnam laudabiliter sustinuit, iterum pati non cogatur, ne afflictio superaddatur afflictio. Hoc posito, prima conclusionis pars rationibus probatur.

Prima ratio. Illi operi cõcedenda est condignitas ad

pœnæ temporali remissionem cui cõceditur condignitas ad gloriam, ad gratiam, & augmentum illius; atqui omni operi bono condignitas ad gratiam, & gloriam conceditur: ergo etiam concedi debet cõdignitas ad satisfaciendum, Maior probatur. Primò, quia si sola opera pœnalia essent satisfactoria (dato quod daretur aliquod opus bonum, & meritorium, quod pœnale non esset) sequeretur tanto magis opera esse satisfactoria, quo magis pœnalia; atqui hoc est falsum, etiã si ab aduersarijs concedatur; ergo. Minor ostenditur; nam actus ardentissimæ, & tenerimæ erga Deum dilectionis, qui plerumque ab homine vberissima præueniente gratia excitato, concipitur, diuque suauissimè continuatur, nulla interueniente pœna, vel si aliqua multo minor, quam sit suauitas, & quam sit in vnico ieiunio, & tamen nemo dicit quod magis satisfaciatur homo per vnicum ieiunium, in quo multam sensit pœnam, & nullam suauitatem, quam per actum illum dilectionis

viri

viri sanctissimi, in quo nullam vel leuem sustinet pœnam, & grandem suauitatem; ob idq; dicunt communiter Theologi, quod illi qui à Christo Domino iustificati fuere per dilectionis actum, vt Magdalenæ, & culpæ, & pœnæ totalem receperunt remissionem.

Secundò, quia omne opus meritorium cedit in honorẽ, & obsequium Dei, & est suo modo diuinæ reconciliatiuæ amicitie; ergo erit etiam satisfactorium. Consequentia ostenditur; quia, id quod est diuinæ reconciliatiuum amicitie & in Dei cedit honorem, & obsequium vtile omnino erit ad restaurandam Dei legem auctoritatem; ergo erit satisfactorium. Tertiò, quia videmus viros perfectos, qui magno spiritus feruore feruntur in Deum, & heroicis actibus suas edomuerunt passiones, opera facere laboriosissima, promptitudine, & facilitate magna; & tamen nullus cordatus dicet illos minus satisfacere, quam viri tepidi, qui eadem opera cum maxima faciunt difficultate; dicendum ergo quod sicut per-

fecti viri tunc temporis magis merentur, quod etiam magis satisfaciant, ac subinde, quod meritum, & satisfactio simul eant, & simul maneant; alioqui, si ex sola pœnalitate satisfactio sumeretur, vbi minor pœnalitas esset, ibi minor esset satisfactio, ac proinde de terioris essent conditionis viri sancti, qui cum nulla pœnalitate, vel minima, opera faciunt laboriosa, quam sint viri imperfecti qui cum maxima pœnalitate, & difficultate opera faciunt laboriosa.

Secunda ratio. Quoties gratia infunditur, vel augetur, toties aliqua pœna remittitur. Atqui gratia augetur per omnia opera meritoria; ergo per illa omnia, pœna aliqua remitti debet. Maior licet concedatur communiter, sic tamen breuiter probari potest, quia non videtur rationi consonum, quod quis magis, ac magis, & intimius ad alterius acceptetur amicitiam, & sibi non condonentur pœnæ peccatis, seu offensis prius commissis, debita; sicut enim tunc temporis peccata remittuntur.

tuntur venialia quoad culpā, quare etiam non remittentur quoad pœnam?

Secunda cōclusionis pars, quod nullum detur opus bonum quod pœnale non sit, breuiter ostenditur; à priori siquidem, & à posteriori. A priori, quia de ratione actus boni, virtuosi, & subinde meritorij est, quod fiat conformiter ad rationem rectam; atqui in hoc semper aliqua intercedit difficultas; ergo. Maior clara est, & ab omnibus conceditur. Minor probatur. nam sensualitas rationi perpetuò insidiatur, illi semper resistit, ob id dicebat Apostolus: *Non quod volo hoc facio, sed quod nolo, hoc ago: & sentio aliam legem in membris meis repugnantem legi mentis meae, & trahentem me in legem peccati.* Quis enim sine difficultate, medium rationis habet, in virtutum actibus? bonum ex integra causa, & malum ex quocunque defectu: bonum debet esse vsquequaque bene circumstātionatum; & quis est, qui sine difficultate integram boni causam po-

nat, omnes habeat illius circumstantias? &c.

A posteriori etiam probatur, quia vt aduertit Nugnus nullum bonum est minus pœnale, quam cibos comedere delicatos, & optima potare vina, & tamen vt in singulari sit opus bonum, & virtutis actus, & meritorium, maximā annexā habet difficultatem, vt enim benè fiat non solum in bonum debet ordinari finem, sed debet cum tali moderatione fieri, quod neque sit excessus, neque defectus, sed omnino rationi conformis, & omninò benè circumstantionatus; & hoc opus hic labor est. Soluuntur argumenta in contrarium.

Primum argumentum est desumptum ex eleganti Diui Thomæ testimonio ar. 1. q. 15. supplem. vbi ita fatur: *Satisfactio respectum habet, & ad prateritam offensam, pro qua recompensatio fit per satisfactionem, & etiam ad futuram culpam à qua per eam praeservamur, & quantum ad utrumque exigis, quod satisfactio per opera pœnalia fiat. Recompensatio*

satio enim offensa importat adæquationem, quam oportet esse eius qui offendit, ad eum in quem offensa commissæ est. adæquatio autem in humana iustitia attenditur per subtractionem, ab uno qui plus habet iustit, & additionem alterius cui subtrahitur est aliquid. Vnde oportet ad hoc, quod recompensatio fiat, quod aliquid subtrahatur de peccante per satisfactionem, quod in honorẽ Dei cedit. Opus autem bonum ex hoc, quod est huius, non subtrahit aliquid ab operante, sed magis perficit ipsum. Et ideo ad hoc quod opus sit satisfactorium oportet quod sit bonum, & in honorem Dei, & pœnale, ut aliquid peccatori subtrahatur. Vbi ut vides, vult Doctor sanctus, quod ad hoc ut opus sit satisfactorium debeat esse pœnale, ut aliquid in Dei honorẽ peccatori subtrahatur; per opus autem bonum ut sic, nihil subtrahitur cum per illud homo perficiatur; subtrahitur autem per opus pœnale, quia, ut supra dicebamus, bono utili, & delectabili opponitur, & sic qui opus pœnale ponit, utili bo-

no, vel delectabili priuatur.

Respondet Mæratius disp. 37. de pœnit. sect. 4. nu. 8. per hæc verba *Tertium* (intellige argumentum quod contra se proponit) *ex ipso S. Doctore citato art. 4. quæstiuncula prima in corpore, ubi expressè docet, & probat, ad satisfactionem exigere, ut fiat per opera pœnalia. Respondeo docere quidem, & probare, sed probationem inefficacem esse: ut enim efficax esset, oporteret satisfactionem exhibendam Deo ab homine, esse ex sola stricta iustitia, & quidem commutativa, cum tamen non sit ex ea saltem sola, omnium consensu. Sed malè loquitur Mæratius. & parum reuerenter: quod enim docet Angelicus, & hic, & alibi verum est, & rationes eius, semper efficaces sunt, si rectè intelligantur. Quod autem D. Thomas optimè doceat opus satisfactorium pœnale esse debere, patet ex dictis pro nostra conclusione, cum enim omne opus bonum pœnale sit, licet bonitatis, & pœnalitatis ratio ex diuersis sumatur capitibus, sequitur, quod*

quod cum omne opus bonū sit pœnale, sit etiā satisfactorium, non qua bonitatem dicit, sed qua pœnalitatem, ob idque sanctus Doctor aduertenter dixit, quod *opus bonū ex hoc quod est huius, nihil subtrahat ab operante*, ac proinde non sit secundum hanc rationem pœnale, licet secundum alias rationes, pœnale esse debeat, ut probatum est.

Quod autem D. Thomæ ratio sit efficax, & optimè probet opus bonum esse debere satisfactorium, non qua bonum est, ut vult Mæretius, sed qua pœnale est, patet, quia satisfactio aliquam punitionis rationem habere debet, ut tollat, & casset rationem delectationis, quæ in cōuersione ad creaturam habitata fuit; hæc autem punitionis ratio, non in alio consistere potest, quam in subtractione à D. Thoma posita. Ob id dicitur in Apoc. *quantum se delectauit, & in delictis suis, tantum date illi tormentum, & lucrum*.

Nec verum est, quod dicit auctor ille, quod ad hoc ut D. Thomæ ratio efficax esset,

deberet esse satisfactio ex sola stricta iustitia. Hoc inquam non est verum, nam satisfactio ex Sancto Doctore debet quidem ponere adæquationem quantum fieri potest, sed nō omni modum, unde dum dicit doctor sanctus quod satisfactio debeat ponere adæquationem, intelligi debet cum grano solis, nimirum illam, quā purus homo ponere potest; Adde quod D. Thomas in illis verbis docere vult id quod nos supra docuimus, nimirum, quod possit homo satisfacere Deo ad æqualitatem pro pœna temporali, quæ finita, & limitata est, quippe quæ, delectationi, quæ in conuersione ad creaturam captata est correspondeat, nō tamen de toto iustitiæ rigore, cum semper misericordia ex parte Dei interueniat. Ex quibus patet solutio ad argumentum, vult enim D. Thomas omne opus bonum esse satisfactorium, non qua bonum est, sed qua pœnale est, ita Nugnus loco citato.

Secundum argumentum. Reatus pœnæ temporalis stare potest cū opere bono; ergo

Nnn non

non omne opus bonum est satisfactorium, & per consequens non omne pœnale erit? Respondetur faciliter, quod ideo reatus pœnæ temporalis stare potest cum opere bono, quia non omne opus bonum totam delet pœnam temporalem, sed ad mensuram bonitatis, & pœnalitatis.

Sed quæres primò, an ad satisfactionem ponendam requiratur intentio satisfaciendi; loquimur de satisfactione ex opere operantis, nam quænam intentio requiratur ad satisfactionem ex opere operato, quæ ex indulgentiis, & sacramentis habetur, infra dicetur? Respondetur cum Nugno q. 12. art. 1. difficult. 1. quod non requiratur formalis satisfaciendi intentio, sed sufficiat virtualis, quæ continetur in voluntate placendi Deo, & in quacunque voluntate volendi bene facere, in eo qui est in gratia; cum enim satisfactio rationem meriti sequatur, eadem intentio, quæ ad meritum ponendum requiritur, sufficiet etiam pro satisfactione ponenda; non enim satisfactio fundatur in

contractu, & intentione soluendi, sed in illa æquitate quam supra explicuimus.

Sed dices, quia satisfactio est actus iustitiæ vindicatiuæ, qua quis punit in se ipso, quod sua peccata merentur; atqui actus iustitiæ vindicatiuæ sine intentione nõ datur, sicuti nec debiti solutio; ergo. Respondetur negando Antecedens, vt enim supra notauimus, satisfactio est actus pœnitentiæ, non iustitiæ, cum respiciat deletionem offensæ, modo supra explicato. Ad illud de solutione debiti, aliqui non improbabiler volunt, quod nulla requiratur intentio; vnde si quis centum debeat Petro, & sine intentione soluendi, & extinguendi debitum, illa centum soluat, debitum extinguatur; sed de hoc suo loco.

Quæres secundò, an possimus aliter, quam per condignam satisfactionem liberari à pœna peccatis debita, vt per impetrationem, vel satisfactionem congruam, vt excludatur satisfactio ex opere operato, quæ fit per indulgentias, & sacramenta; in hac namque

namque disputatione de satisfactione ex opere operantis est sermo.

Respondetur affirmatiuè. Probatur primò, quia ut est communis Ecclesiæ, & fidelium sensus, nostris orationibus, & precibus impetrare possumus defunctis liberationem à pœnis, quas in purgatorio patiuntur, ita enim orat Ecclesia, & petit illarum animarum liberationem per iutercessionem B. V. M. & Sanctorum; ergo etià id poterit quis pro se ipso impetrare; facilius namq; est impetrare pro se, quàm pro alijs.

Sed dices primò cum Suariorio disput. 37. sect. 10. cui oppositum magis placet, quod non videtur consonum diuinæ iustitiæ, ut peccata manerent impunita, atqui manerent, si per solam impetrationem, pœnæ illis debitæ cassarentur; ergo? Respondetur talia peccata nō manere impunita, cum tunc temporis, licet non applicentur, vel orantis, vel impetrantis satisfactiones, possunt tamen applicari in virtute talis orationis, vel impetrationis satisfactiones Christi, & Sancto-

rum; unde sicut impunita nō manent peccata, quæ per indulgentias, & sacramenta cassantur; ita neque, quæ per impetrationem remittuntur.

¶ Dices secundò, non potest homo per solā, & nudā impetrationem obtinere à Deo peccatorum suorum quoad culpam remissionem; ergo neque quoad pœnam. Consequentia tenet ex paritate rationis. Antecedens patet; nam peccatorum remissio quoad culpam, nō fit per impetrationem, sed per contritionem, & sacramenta, modo alibi dicto? Respondetur Antecedens supponere falsum, nimirum, quod in peccatore esse possit propria impetratio, cum hæc solum in iustis esse possit, ut omnes docent, & nos ostendimus in tractat. de merito. *Peccatores namque Deus non exaudit.* Deinde dato quod in peccatore impetratio simpliciter esse possit, adhuc neganda est consequentia, quia ut Cōcilia, & Patres clamant, culpæ remissio, non aliter fit extra sacramenta, quam per contritionem perfectam, & dilectionem, & ra-

io est, quia solum per hæc, homo ad Deum conuertitur, & à creatura auertitur; patet autem quod per impetrationem hæc non ponantur, ac proinde per illam fieri non poterit culpæ remissio.

Dices tertio, nō potest homo iustus sibi impetrare augmentum gratiæ; ergo neque poterit sibi impetrare pœnæ remissionem. Antecedens est certum, cum gratia, & gloria bonis respondeat operibus, & dentur secundum meritum, & non aliter, mensurā; Consequentia videtur bona ex paritate rationis? Respondetur dato Antecedenti, negando consequentiam. Ratio discriminis est, quia gratia, gloriæ mensuratur, gloria ex diuina ordinatione ex meritis datur, cum per modum coronæ detur, vt dicit Apostolus, *in reliquo reposita est mihi corona iustitiæ, quam reddet mihi in illa die iustus iudex*, & sic cū detur gloria, vt præmium bonorū operum, iuxta mensuram illorum dari debet; cum hoc sit præmiorum proprium, vt æqualitas in illis ieruetur, & si præmians hoc

non faceret, non esset rectus bonorum communium distributor. Cum ergo gloria sit bonum quoddam commune, iuxta subditorum merita distribui debet; alioqui ius subditorum, nempe iustorum, ad bonum illud commune violaretur. At vero cum subditi nullum habeant ius ad pœnas, commissis delictis correspondentes, cum non sit bonum commune, quod à subditis inspiciatur, & ad quod ius proportionalis distributionis habeant, sed totū ius sit in principe, sibi à re publica communicatum, ad puniendā subditorum delicta, sequitur quod princeps, qui liberalis esse debet, vt subditorum corda in se conuertere valeat, poterit in his pœnis dispensare, & aliquando reos relaxare; vnde videmus aliquando, ob communem lætitiā, aperiri carceres, & reos omnes impunitos dimitti. Hoc maiori ratione currit in Deo, vt ex se liquet, & vt dicebamus, cum delicta non maneant impunita, sed Christi, & Sanctorum satisfactiones applicentur.

QVAE.

QVÆSTIO III.

An pœna temporalis, quæ peccato dimisso, aliquando remanet, remaneat ex natura rei, an ex diuina voluntate.

Prima sententia est Scotti in 4. dist. 22. q. 1. ubi docet peccato mortali, nullâ aliam pœnam correspondere nisi æternam, quæ dum remittitur quo ad culpam, Deus sua voluntate commutat pœnam æternam in temporale, quæ postea cassari debet, vel in hac vita. vel in Purgatorio. Hæc sententiam sequitur Iugo quatenus illam multis locis insinuat.

Nostra sententia sequenti explicatur conclusione. *Pœna temporalis quæ remanet ex peccato, [deleta culpa, non remanet ex diuina voluntate commutante pœnam æternam in temporalem, sed ex natura rei.* Hæc conclusio est communis Thomistarum sententia post D. Thomam, & illam sequuntur omnes ferè moderni.

Probatur primò ex doctrina D. Thomæ, quam pluri-

bus in locis habet, & explicat, nimirum, quod in peccato sunt duo, auersio à Deo bono infinito, & maximo, & conuersio ad creaturam; auersioni utpote infinitæ damni pœna æterna correspondet. Conuersioni vero, cum finita sit, pœna sensus respondet finita; & solum infinita est per accidens, quatenus cum pœna damni coniungitur; quando damni pœna per iustificationem tollitur, pœna sensus finita aliquando remanet, luenda vel in hac vita, vel in Purgatorio: gratia namque per quâ homo iustificatur, cum sit vera cû Deo amicitia, & ius tribuat ad gloriam, cum sit illius exordium, non potest stare cum peccato, nec quo ad culpam, nec quo ad pœnâ æternam, hæc namque ius omne ad gloriam aufert, cum sit ius ad pœnam æternam:

at vero cum pœna temporali stare potest, vt ex se liquet.

Sed Mæratius disput. 34. sect. 2. num. 8. licet nostram sequitur sententiam, dicit tamen, quod licet aliqui dicant nullam posse pro ea assignari rationem, & nullum argumentum, ipse tamen vnum affert satis efficax; *postquam*, inquit, *aliud quod ex D. Thomæ doctrina referri solet, & refutari, retulero*: hæc illæ; postea relata D. Thomæ tradita doctrina obijcit aliqua contra eandem. Sed non possum nō mirari, quia ratione dicat Mæratius, quod D. Thomæ argumentum referri soleat, & refutetur, cum cōmunis Theologorum schola tale argumentum amplectatur; & nihil sit magis tritum in scholis, quam quod peccatum habeat auersionem à Deo, & conuersionē ad creaturam?

Sed arguit ille, quia auersio, & conuersio non reperiuntur in omni peccato actuali; ergo D. Thomæ argumentum nullum est; Consequentia tenet, cum enim pœna temporalis cassanda post peccatum, quod culpam dimissum, &

quoad pœnam æternam in omni peccato reperiatur, signum est, quod à conuersione non procedat, si semel dari potest peccatum, quod cōuersionem ad creaturam non habeat. Antecedens probat, quia in odio Dei nulla est cōuersio ad creaturam, cum sit conuersio, & tendentia in Deum odio habendo illum, seu volendo illi malum. Similiter nulla reperitur conuersio in peccato omissionis actus debiti, ergo D. Thomæ doctrina est nulla.

Sed quis non videt huius argumenti pinguedinē. Vult hoc argumentum, quod pœna sensus temporalis in peccato, desumatur ab obiecto immediatē inspecto, seu specificante, ab hoc enim præcisè non desumitur, sed per ordinem ad creaturam illam, quæ in peccatore vltimū finis rationem habet, & est ipse peccans, vt doctè probant N. Salm. in 1. 2. Et sic cum omne peccatum, & ipsum Dei odium, & ommissio quæcunque peccaminosa grauiter, non habeat, nec habere possit Deum pro vltimo fine, habebit creaturam,

ram,

ram, & per ordinem ad illam temporalis pœna desumetur, & hæc erit maior, vel minor, secundum quod medio obiecto specificante, magis, vel minus ad finē ultimum creatum acceditur, in eoque deliciatur. Sed de hoc suo loco.

Probaturs secundò ratione. Nam facta peccati remissione quoad culpam, & pœnam æternam, nulla alia remanere potest pœna luenda, nisi homo ratione peccati commissi illa dignus sit, atqui nō potest homo esse dignus pœna illa temporali, nisi ratione conuersionis peccati, seu reatus, qui remanet ex conuersione ad creaturam; ergo ratione huius debet temporalis pœna remanere, ac subinde ex natura rei. Maior patet; dissonum namque valde rationi est, quod culpa dimissa quoad culpam, & pœnā æternam, restet adhuc pœna luenda, vel in hac, vel in alia vita absque eo quod homo tali pœna dignus sit: nullus namque iudex pœnam aliquam alicui infligit, nisi probetur, & iudicetur reus; quod enim quis pœna dignus iudicetur,

non pendet ex alterius voluntate, sed ex delicto commisso; si enim nullus per extrinsecā alterius voluntatem fieri potest dignus præmio, sed hoc fit ex ipso bono opere facto; ita nullus ex extrinsecā alterius voluntate fieri potest pœna aliqua reus, sed ex opere malo. Minor clara est, cum enim temporalis pœna auersioni non respondeat, cum hæc sit æterna, nil aliud restat cui respondere potest, nisi cōuersio. Nec valet recurrere ad commutationem pœnæ æternæ in temporalem, quia cum gratiæ natura sit, pœnā æternam destruere, ut dicebatur, nō potest in temporalem commutari; id namque quod in aliud commutatur, destructum supponi nō debet: quod autem gratiæ natura sit, pœnam destruere æternam, patet, quia gratia ex sui natura habet destruere totum id cū quo formalem habet repugnantiam; atqui eam habet cum reatu pœnæ æternæ; ergo. Pœna namque æterna omnimodam ponit diuinæ visionis desperationem; gratia vero spem illius ponit; pœna æter-

na

nā est priuatio iuris nunquam videndi Deum, gratia vero est ius ipsum videndi: est gratia dignitas gloriæ, est pœna æterna huius dignitatis carētia. Soluuntur argumenta in contrarium.

Primum argumentum est. Quoniā reipublicæ princeps ad quem spectat reos punire, vel relaxare, potest pro suo libito pœnam maiorem, quam reus meretur, in minorem commutare: si enim potest totam relaxare, ita poterit illam commutare; ergo id ipsū Deo non est denegandum, & sic potuit Deus pœnam æternam in temporalem commutare? Respondetur concessio Antecedente, negando Consequentiam, vt enim dicebamus, vt fiat vnus rei in aliam commutatio, debet res illa commutanda existere, dum fit commutatio; si namque prius destructa sit, commutari in aliam iure non poterit; & sic, cū pœna æterna per gratiæ infusionem destruat, nō poterit in temporalem pœnā commutari. Cum enim pœna temporalis per aduersarios nou intelligatur existere

ante iustificationem, sed post illam, & tunc temporis pœna æterna destructa sit, in temporalem commutari non poterit. Adde quod cum peccato vtræque pœna respondeat, vt iā probauimus, vtræque cassanda est, non vna in aliam commutari: potest quidem Deus pœnam temporalem maiorem in minorem commutare, sed æternam nō potest, cum hæc ex gratiæ natura, tota cassetur, & deleatur.

Secundum argumentum: Dimisso mortali peccato quo ad culpam, nulla temporalis pœna ex rei natura remanere potest; ergo id erit ex sola diuina voluntate pœnā commutante æternam, in temporalem Antecedens probatur; nam vel pœnæ temporalis dignitas ponitur ex vi, & iustificationis natura, vel ex natura peccati, neutrum dici potest; ergo ex sola Dei voluntate dictam ponente commutationem ponetur. Maior clara est, non enim aliud restat (si ex diuina non ponatur voluntate) à quo pœnæ temporalis dignitas oriatur. Minor pro-

probatur; nam talis dignitas à iustificationis natura procedere non potest, cū iustificatio non faciat hominem pœna aliqua dignum, cum potius dignum reddat æterna gloria. Neque ex natura peccati, quia peccatum postquam dimissum est, non potest pœnam aliquam nouam afferre, quam non afferret ante; atqui ante, non nisi pœnæ æternæ dignitatem afferrebat; ergo.

Respondetur negando Antecedens: ad probationem, cōcessa prima dilematis par-

te, secunda negatur; ad cuius probationem dico, peccatum mortale ratione cōuersionis, semper pœnam afferre temporalem; cum discrimine tamen, quia post deletionem peccati quoad culpam, & pœnam æternam, pœna temporalis, manet purè temporalis, at vero ante dimissionē quoad culpam, & pœnam æternam, pœna temporalis per accidēs fit æterna, ratione coniunctionis cum illa, vt in p. 2. explicuimus, & ibi à Theologis cū D. Thom. explicatur.

Q V A E S T I O I V.

*An homo teneatur satisfacere in præsenti vita;
pro pœnis, peccatis dimissis, debi-
tis, ne eas luat in futura.*

Non procedit quæstio præsens de satisfactione ex opere operato, nempe sacramentali, & quæ habetur per indulgentias, sed de satisfactione ex opere operantis, quæ est actus pœnitentiæ virtutis, de qua sunt duæ sententiæ probabiles.

Prima sententia est, quod sit præceptum diuinum satisfaciendi in hac vita pro pœnis respondentibus peccatis dimissis, ita quod non possit homo sine peccato mortali illas pro Purgatorio reseruare. Hanc sententiam sequitur M. Cano in relectione de pœnit.

O o o

nit.

nit. p. 5. Paludanus in 4. dist.
17. Valentia hic puncto 4. &
alii.

Nostra sententia sequenti
explicatur conclusione. *Non
tenetur homo sub m. reali satis
facere pro peccatis, dimissis pecca-
tis, respondentibus.* Hæc con-
clusio est communis in scho-
lis, illam sequitur M. Soto in
4. dist. 20. q. 2. art. 2. ad 3. Cor-
duba lib. 5. de indulgentiis q. 6.
Taperus art. 6. & alij commu-
niter.

Probatur primò, quia si ali-
qua esset obligatio tollendi
peccatorum pœnas in hac vita
per satisfactionem, ne rema-
neant luendæ in alia, vel hæc
esset ex aliquo positivo præ-
cepto, vel naturali, siue purè
naturali, siue naturali diuino;
atqui nullum ex ijs est; ergo.
Non positivum quia nullibi re-
peritur; non purè naturale,
quia natura de hoc nihil di-
cat, cum naturæ ordinem
transcendat; non naturale di-
uinum, ut aduersarij volunt;
nam si hoc daretur, vel ideo
esset ut diuinæ satisficeret ius-
titia, quæ peccata non per-
mittit impunita, & hoc non,
quia ex hoc quod pœnæ re-

seruentur luendæ in Purga-
torio, diuina non læditur ius-
titia, cum re vera peccata puni-
antur. Tum quia iustitia
punitiua non obligat reum, ut
se ipsum puniat, nec ut pœnâ
à iudice infligendam præue-
niat illam, alijs assumptis vo-
luntariè pœnis, cassando, sed
solum, vel ad summum reum
obligat, ut pœnam à iudice
infligendam, patienter sustineat.

Dices, hanc satisfaciendi
obligationem ex Charitate
procedere quia quisque tene-
tur in hac vita leues sustine-
re pœnas, ut purgatorij gra-
uissimas euadat. Nam con-
tra est, quia charitas erga se
ipsum, virtus quædam vni-
uersalis est, contra quam non
peccatur, nisi ex speciali mo-
tuo velit quis sibi malum, qua
malum est; alioqui quoties
quis mortaliter peccat, sem-
per contra charitatem erga
se ipsum peccaret, cum tunc
in se grauissimum causet ma-
lum, quale est peccatum mor-
tale, quod bonis supernatu-
ralibus, imò, & Deo ipso, spo-
liare habet; ergo similiter non
peccabit quis contra charita-
tem erga se ipsum omitendo
satis.

satisfactionem, & eam referuando pro alia vita, nisi id faciat ex directa intentione cau-
sandi in se malum, quatenus sibi malum est.

Probatur secundò, quia ex opposita sententia sequeretur, teneri fideles vitam in poenitentijs continuis transigere, ieiunando, ferendo catenas, cilicia, verberando se ipsos, vt sic poenae peccatis debitae in hac vita dimittantur, cum enim lapsus in venialia sint adeo frequentes, sequitur, poenas valdè multiplicari. Nec valet dicere, posse indulgentijs cassari, nam contra est, quia id est per accidens, vnde si indulgentiae reuocarentur, vt reuocantur in anno sancto, tunc poenitentiae multiplicari deberent, vt poenae ille redimerentur.

Sequeretur etiam ex opposita sententia, teneri hominē omnium venialium poenas ante mortem cassare; & subinde teneri cassare omnia venialia quoad culpam, vt sic possit eorum poena deleri; sequeretur, quod si quis in mortis articulo venialiter peccaret, peccato v. g. impatien-

tiae, reus esset alterius peccati contra charitatem qua teneretur procurare, vt alterius vitae poenae vitetur, &c. quod omnino falsum est, cum nulli constet de obligatione vitandi poenas purgatorias. Et si vera est Caietani, & aliorum sententia, de quo postea quod quis potest remittere pro purgatorio satisfactionem sacramentalem, à fortiori remittere poterit non sacramentale. Maneat ergo nullam esse talem obligationem, sed teneri dumtaxat hominem facere, quod in se est, vt in gratia maneat & poenas peccatis debitas pro alia vita seruare poterit. Noto tamen quod licet hucusq; dicta speculatiuè vera sint practicè tamen nō placēt; vnde non benè sciret ille, qui ita faceret. Suadendum ergo est omnibus, vt poenitentiam agant, & pro commissis peccatis satisfaciant, & nunquam de hoc sint contenti, sed semper maiores, ac maiores addant satisfactiones, per plures, & plures poenitentias, vt Nostra faciebat Mater Seraphica, dum inter spinas volutabatur, & dicebat:

Domine, aut pati, aut mori; & N. Venerabilis Pater Ioānes à Cruce, dum sibi Dominus diceret, Ioannes quid vis pro laboribus, respondit: Domine pati, & contemni pro te. Et iste est sanctorum sensus, hæc est

sanctorum consolatio: consolantur homines mundi in delitijs, voluptatibus, commensationibus, &c. consolantur Sancti in pœnitentijs, in ieiunijs, in flagellis, in cilijs, in catenis, &c.

Q V A E S T I O V.

An vnus iustus possit pro alio, siue viuo, siue defuncto satisfacere,

Scu, an possint fideles se inuicem suffragijs iuuare.

Satisfactio alijs applicata suffragium vocatur, suffragium namque auxilium quoddam est quod vnus alteri præstat, & sic quando vnus fidelis suas alteri applicat satisfactiones, dicitur pro illo suffragari, seu suffragia pro eo applicare.

Pro quo nota, de fide esse, dari inter fideles aliquā suffragiorum cōmunionē, vt canit Ecclesia in symbolo illis verbis *sanctorum communionē.* & colligitur ex Apost. Rom.

15. *Probauerunt enim Macedonia; & Achaia collationem aliquam facere in pauperes fratrum, qui sunt in Hierusalem, placuit enim eis, & debitores sunt eorum: nam si spiritualium eorum participes facti sunt gentiles, debent, & in carnalibus ministrare illis.* Idem colligitur ex illo Collos 1. *Gaudeo in passionibus pro vobis & adimpleo ea quæ defuncti sunt passionum Christi in carne mea, pro corpore eius, quod est Ecclesia.* Vbi, vt vides, Aposto-

solus gaudet de suis passionibus quas sustinebat pro Collofensibus, & pro toto corpore Christi, quod est Ecclesia.

Nota secundò hanc satisfactionem, seu suffragiorum communicationem non posse consistere solum in hoc, quod vnus alteri poenæ impetret remissionem, hoc enim videtur omnino discordare à doctrina Catechismi Pij V. de Sacram. Pœnit. nu. 61. vbi habetur: *In eo iūta Dei bonitas, & clementia maximis laudibus, & gratiarum actionibus prædicanda est, qui humana imbecillitati hoc condonauit, ut vnus pro alio posset satisfacere.* Si autem in sola impetratione satisfactionum, seu suffragiorum communicatio consisteret, vnus pro alio nō satisfaceret, cum impetrans præiis suis non priuatur satisfactionibus. Deinde parum infra subdit idē Catechismus: *Qui diuina gr̃tia præditi sunt alterius nomine possunt, quod Deo debetur, p̃rsolvere: quare fit, ut quodam pacto alter alterius onera portare videatur.*

Nec vero de hoc cuiquam

fidelium dubitandi locus restat est, qui in Apostolorum symbolo, sanctorum communionem proficitur. Ex quibus apparet, quod fideles sibi mutuo proprias applicare possunt satisfactiones, per veram solutionem, & non solū per impetrationem.

Sed contra hanc veritatem obijcies, quia vt communiter tradunt Iuristæ, & Theologi, est talis differentia inter debitum reale, & personale, quod reale soluitur per traditionem alterius rei distinctæ, ac subinde ab alio, quam à debitore solui potest. At vero debitum personale illud est quod ab alia persona solui non potest, sed per propriam actionem, vel passionem solui debet; atqui poenæ debitum est personale; ergo per alium solui non potest. Minor probatur multipliciter. Primò quia poenæ debitum contrahitur ratione delicti, quod est personale, ergo etiā poena respondens personalis esse debet. Secundò quia culpæ debitum personale est, vnus namque pro alio culpā delere non potest, ergo etiā de-

de-

debitū pœnæ personale erit, cum hoc sequatur ad illud. Tertiò quia pœnæ satisfactio medicinalis est; ergo personalis. Antecedens patet quia satisfactio ponitur, vt homo à futuris retrahatur peccatis; consequentia etiam liquet, ex communi Theologorum sensu, quod pœnæ medicinales per alium cassari non possint.

Respondetur quod pœna temporalis non est debitum purè personale, nec purè reale, sed mixtum, quod potest solui & ab ipso debitore, & ab alio: non sic pœna æterna, & culpa, hæc namque sunt debitum purè reale: Vnde patet ad primam probationem, licet enim hæc pœna ratione delicti contrahatur, non est tamen pœna primaria, & primario ex delicto sequuta, vt est pœna æterna, sed secundaria & secundariò sequuta, propterea debitum mixtum est, &c. Per quæ patet etiã ad secundam probationem. Ad tertiam dico, quod quando pœna purè medicinalis est, per alium cassari non potest, ob id docent Theologi, quod pœnitentia medicinalis à cō-

fessario imposita, per alium fieri non potest. At quando medicinalis non est, per aliū cassari poterit modo quo infra; communiter autem satisfactio medicinalis non est, nisi latè, improprie, & remotè, licet enim satisfactio ponatur vt etiam futura vitentur peccata, hic tamen satisfactionis influxus ad futurorum peccatorum vitiationem valde remotè influit.

Supposito modo, quod vnus possit pro alio, siue viuo, siue defuncto, vt fides docet satisfacere, & sua alteri applicare suffragia, aliquæ difficultates, quæ hic emergunt, sunt proponendæ, & discutiendæ.

Prima difficultas est, an quando vnus iustus pro alio satisfacit, illa satisfactio sit de condigno, ac subinde infallibilis, an solum de congruo.

Prima sententia est, quod ista satisfactio sit de condigno, & infallibilis, ita Suarez disput. 48. sect. 3. Lugo disput. 26. num. 5. & aliqui alij.

Nostra sententia sequenti explicatur conclusione. *Sc-*

satisfactio vnius pro alio, non est omnino de condigno, nec est infallibilis. Ita Medina, & Corduba apud Suarez, probabilè, reputat Coninchus, & illam absolute defendit Merattus disput. 39. sect. 1. & alij plures quos breuitatis causa relinquo.

Dixi in conclusione, satisfactionem vnius pro alio non esse omnino de condigno: quod ut intelligas nota; satisfactionem dupliciter dici posse de condigno. Primò latè. Secundò stricte, & propriè; satisfactio de cōdigno latè, & imperfectè, & impropriè illa est, quæ quidem est secundū quandam æqualitatem rei ad rē, pactū tamen, vel obligatio acceptādi nulla est; quo modo dicitur aliquis condignè emere, quando pretium soluit æquiualens rei, licet emēs voluntariè emat, & vendens sine obligatione, vel pacto antecedenti vendat. At vero illa satisfactio propriè cōdigna est, quæ non solū æqualis est, verum etiam talis est, quod alter illam acceptare teneatur, vel ratione pacti, vel promissionis; nullo alio

namque modo Deus obligare potest. Hoc posito dico satisfactionem vnius pro alio non esse propriè condignā, quia licet quandam afferat æqualitatem, nullū tamen Dei pactū supponit de illius acceptatione, nullā promissionem, ut supponit satisfactio pro se. His notatis.

Probatur primò conclusio eleganti D. Thomæ testimonio, quod refert Nugnus q. 25. supplem. art. 1. difficult. 2. nimirum: *In iustitia vindicatiua fieri solutionem secundum arbitrium iudicis, nō secundum voluntatem soluentis*, si ergo in iustitia vindicatiua fit solutio, seu satisfactio secundum arbitrium iudicis, & non secundum voluntatem soluentis, seu satisfaciētis, sequitur, solutionem, seu satisfactionē non esse omnino condignam, ac proinde non infallibiliter acceptari.

Probatur secundò, quia iudex etiam in humanis, pro delicto personali, ius habet puniendi ipsum reum, & sic, quātumuis alter velit rei poenam subire, iudex non teneatur illā acceptare, ut est mos

om.

omnium iudicum; ergo id ipsum de Deo dici debet. Nec valet dicere id quidem verum esse absolute, non tamen quando iudicis intercederet promissio, de alterius acceptanda satisfactione. Nam contra est, quia nullibi constat de tali Dei promissione, nec ullus suo iure spoliandus est, nisi euidenter constet, de sui iuris renunciatione; cum ergo euidenter, imò nec leuiter constet, Deum iuri suo renunciaſſe, de puniendo ipſo reo, & de non acceptanda alterius satisfactione, non debet hoc induci.

Probatur tertio. quia præcedens sententia videtur multum derogare dignitati Christi; ergo non est admittenda. Antecedens probatur, quia soli Christo concedunt sancti Patres, & Theologi, quod potuerit promereri alijs de condigno dona gratiæ, & gloriæ; ergo soli ipſi concedi debet, quod possit de condigno pro alijs satisfacere, cum satisfactio meritum sequatur, & cum eo simul vadat, & simul maneat. Certè maximus decor est Christi Domini, quod ip-

sus solum sit pro alijs mereri, & pro alijs satisfacere de condigno, &c.

Côfirmatur præcedens argumentum. Quoniam iustus sibi soli de condigno potest promereri gloriam, & gratiæ augmentum; ergo etiam sibi soli de condigno satisfacere poterit, & si recurras ad promissionem quoad hoc secundum, alter recurrere poterit, quoad primum, & tuum erit disparitatis assignare rationem. Adde quod altera sententia videtur valde alienam facere negligentiam, dum possunt homines aliorum curare satisfactiones sibi applicari.

Secunda difficultas, an suffragia, seu satisfactiones viuorum prosint de condigno, infallibiliter defunctis. De fide est viuorum suffragia defunctis prodesse; nam id habetur 2. Machabeorum 12. ubi dicitur: *Sancta, & salubris cogitatio, est pro defunctis exorare.* & Tobie 4. *panem tuum, & vinum tuum supra sepulcrum iusti constitue, &c.* & Ecclesiastici 38. *Fili in mortuum produc lacrymas.* Videatur Tridentinum sess. 25. decreto pri-

primo, quod est de Purgatorio.

Est etiam certum suffragia nō offerri, nec prodesse damnatis, si offerantur, cum in inferno nulla sit poenæ redemptio. Neque pro beatis offeruntur, nec offerri possunt, cū nec prodesse possint ad poenę remissionem cum nullam habeant; nec ad augmentum glorię essentialis, quia nō augetur in beatis, cum solum meritis in via habitis respondeat; nec ad augmentum glorię accidentalis, quia licet beati gaudium habeant accidentale ex nostris bonis operibus, tamen nō habent illud ex satisfactionū nostrarū applicatione, imō neque per nostram impetrationem, sed ad nostra sequitur opera bona. Certum est etiam, quod nostrę satisfactiones prosunt defunctis de congruo, & solum difficultas est, an prosint de condigno, & infallibiliter. His positis.

Prima sententia est, quod viuorum suffragia prosint defunctis de condigno, & infallibiliter. Hanc sequitur Sua-

rez loco citato, & alij ante, & post ipsum.

Nostra sententia sequenti explicatur conclusione. *Nostra suffragia prosunt defunctis solum de congruo, unde non ex iustitia, sed ex diuina misericordia prosunt.* Hanc sententiam sequitur Caietanus to. i. Opus. tract. 16. q. 5. M. Cano lib. 12. de locis cap. 13. ad notum. Et relectione de Poenitentia p. 5. M. Soto in 4. dist. 19. q. 2. art. 4. & lib. 3. de natura, & gratia cap. 6. quos refert Nugnus supra diff. 3. Cuius ratio est, quia poenę Purgatorii sunt diuersi ordinis, taliter quod minima Purgatorii poena, excedit omnes poenas huius vitę, ac proinde huius vitę poenę, non possunt habere condignitatem, cum poenis purgatorii. Secundò, quia vt difficultate præcedenti dicebatur, ad hoc vt satisfactio sit propriè condigna, diuinam requirit promissionem; atqui in præsentī de illa nō constat; ergo.

Tertia difficultas, an sit melius, & laudabilis sua defunctis a applicare suffragia, quam

P p p sibi

sibi retinere? Respondetur cū D. Thoma q. 21. suppl. art. 4. quod suffragium considerari potest dupliciter; *uno modo* (verba sunt D. Thom.) *ut est expiatiuum pœna per modum cuiusdam recompensationis: & hoc modo opus suffragij, quod computatur quasi eius pro quo fit, ita absoluit eum à debito pœna, quod nō absoluit facientem. Alio modo potest considerari, in quantum est meritorium vitæ æternæ, quod habet in quantum procedit ex radice charitatis, & secundum hoc nō solum prodest ei pro quo fit, sed facienti magis.* Ex alio etiam capite prodest illa applicatio, ratione scilicet eiusdem applicationis, quæ cum sit actus bonus, & est meritorius, & satisfactorius, & fortè magis, quæ sit opus quod alteri applicatur. Ex quo fit benè facere illos, qui omnes suas defunctis applicant satisfactiones; nam licet isti satisfactionibus priuentur, crescunt tamen in gratia, & charitate, ratione illius actus maximè charitatis, qui magis valet, quam valeant satisfactiones. Tum,

quia cum illæ animæ sint gratissimæ, licet pro se nihil valeant impetrare, id tamen possunt facere nobis; vnde possunt à Deo, nobis omnium pœnarum obtinere remissionem. An autem possit homo omnem satisfactionem à se abdicare, absque eo quod alteri applicet: dico quod non: sicut enim ab opere laudabili, & bono non potest abdicare meritum, ita nec satisfactionem. Nec potest illam in Ecclesiæ thesauro reponere, quia hæc repositio non fit ab homine sed à Deo, qui ex quadam æquitate ibi sanctorum, & iustorum, redundantes reponit satisfactiones, ut in aliorum seruentur utilitatem, qui ergo indiget satisfactione, non potest illam à se abdicare, nisi alteri applicet: Satisfactiones tamen ex opere operato alteri non applicantur. Non indulgentiæ nisi id à Pontifice concedatur.

Sed dices. Quoniam Melignani, quod est oppidum inter Mediolanum, & Laudam, est Ecclesia cui Pius IV. tribus diebus tenebrarum hebdoma-

domadæ sanctæ talem applicauit indulgentiam, quod vnus potest illam & pro se, & pro alijs & defunctis, & viuētibus acquirere; ergo suffragium, seu satisfactio ex opere operato, potest alijs applicari. Respondetur negando consequentiam, non enim ille qui indulgentiam pro alijs accipit prius sibi appropriat, sed posito opere iniuncto pro illis Pontifex indulgentiā applicat. Neque satisfactiones sacramentales, & quæ ex martyrio habentur; alioqui contingere posset, quod baptizato nō fieret omnium poenarum remissio; similiter martyri, & sic & statim baptizatus, & martyr possent ire ad Purgatorium, & pro illis suffragia applicari posset, quod est falsum, iuxta illud: *iniuriam facit martyri, qui orat pro martyre*. Et ratio est, quia ego dū recipio satisfactionē ex opere operato, non sum dominus illius, cū sit satisfactio Christi, & Sanctorum, sed merē passiuē me habeo, ac proinde illam abdicare non possum. Tum quia sicut non possum sacrificij fructum mihi appli-

catum à Petro Sacerdote alteri applicare; quia alioqui, ego sacrificarem, cum talis applicatio ad solum pertineat celebrantem; & sicut nō possum abdicare impetrationem mihi ab altero factam, ita neque potero abdicare à me satisfactionem ex opere operato provenientem.

Quarta difficultas, an pro alio satisfaciens possit intendere satisfacere pro vno peccato determinato, alijs exclusis: eadem difficultas currit de eodem satisfaciente, at nimirum possit suas applicare satisfactiones pro vno debito, non pro alijs? Respondetur quod quādo satisfaciens opera facit satisfactoria, & pro nullo determinato applicat debito, tūc pro omnibus proportionabiliter satisfacit; licet enim opus satisfactoriū maiorem habeat proportionem ad satisfaciendum pro vna poena, quam pro alia, vt ieiunium pro poena debita comedenti intemperatē, tamen Deus non attendit ad satisfactionis proportionem, sed ad eius valorem, & secundum hanc rationem illā acceptat,

licet etiam contrarium sua non careat probilitate, cum possit Deus tale opus acceptare secundum illius valorē pro expianda illa pœna, cum quā maiorem habet proportionem in ordine ad satisfaciendum pro illa. Si vero sa-

tisfaciens, suas applicet satisfactiones, pro determinato peccato, quoad pœnam expiēdo, illud expiabitur, & si sit superexcedens, excessus pro alijs applicabitur proportionaliter expiandis.

Q V A E S T I O VI.

Quæ conditiones requirantur, ad hoc ut satisfactiones alijs applicentur.

Prima conditio ex parte illius, qui debet satisfacere est, quod sit in statu gratiæ, qui enim in peccato mortali est, sicut non potest facere opus alicuius valoris, ut pro se satisfaciat, ita neq; pro alijs, cum enim satisfacere alijs, sit opus satisfactoriū pro illis applicare, si opus in re satisfactoriū non est, nec alijs erit. Hæc doctrina certa est de suffragijs, quæ fiunt ab ipso peccatore nomine proprio.

Dubium est de ipso peccatore, quando suffragia facit nomine Ecclesiæ, ut quando dicit orationes in Missa,

quando in communitate horę recitantur canonicæ, quando in choro canitur Missa, quando defuncti celebrantur exequiæ &c. & Ministri qui nomine Ecclesiæ ea faciunt sunt in peccato mortali; an nimirum illa opera prout ab Ecclesia fiunt, seu prout fiūt ab illis ministris Ecclesiæ nomine, sint satisfactoria; dixi prout fiūt ab illis ministri nomine Ecclesiæ, seu prout sunt Ecclesiæ ministri, quia prout illa nomine proprio exequuntur satisfactoria non sunt, cū non sint in gratiæ statu, ut dictum est.

Prima

Prima sententia est, quod illa opera tunc temporis non sit satisfactoria, sed ad summum impetratoria. Ita Lugo disput. 26. num. 27. post Suarez disput. 48. sect. 8.

Nostra sententia sequenti explicatur conclusionem. *Operata facta ab Ecclesia ministris, ipsius Ecclesia nomine, prout sic sunt satisfactoria.* Hanc conclusionem docent M. Soto, quem refert, & sequitur Nugnus q. 25. art. 1. diff. 3. & est communis Thomistarum, quam expressè docet D. Thomas in 4. distinct. 45. q. 2. art. 1. quæstion. 3. ubi habet: *Operatio peccatoris suffragia facientis potest uno modo considerari, ut est eius, & sic nullo modo meritoria esse potest, nec sibi, nec alijs. Alio modo in quantum est alterius, quod dupliciter contingit. Vno modo in quantum peccator suffragia faciens gerit personam totius Ecclesie, sicut Sacerdos cum dicit in Ecclesia exequias mortuorum: & quia ille intelligitur facere, cuius nomine, vel vice sit, ut patet per Dion. in 13. c. celest. hier. inde est quod suffragia talis sacerdotis, quamvis sit*

peccator, pro defunctis profunt. Hæc D. Thomas.

Probatur ratione, ex hoc docto testimonio desumpta. Nam quando quis nomine operatur alterius, non ipse qui operatur, sed ille cuius nomine operatur attenditur; ergo quando quis v. g. Ecclesie nomine, in Ecclesia cantat in illo cantu, non ille, qui cantat attendi debet; sed Ecclesia ipsa, cuius nomine cantat; ergo licet ille cantus prout à cantante procedit non sit bonus, & satisfactorius, erit tamen prout ab Ecclesia, quæ est sponsa sine macula, & sine ruga. Antecedens probat Angelicus ex D. Dionisio, & concedunt omnes, & usus, & Principum praxis suadet; nam id quod facit legatus, vel nuncius, vel procurator &c. nomine Principis, à Principe factum censetur: unde iniuria ministri, magis in Principem tendit, quam in ministrum.

Confirmatur ratione Nugni, quia fideles petunt aliquando quod sibi diuina applicentur officia, quod pro se cantentur Vesperæ, & matutinum

tinū, &c. quæ alias in cōmunitatis sūt obligatione; ergo signum est aliquid satisfactionis ipsi communitati correspondere, & quod ministri ipsi sua non fraudentur satisfactione. Correspondet ergo diuini officij v.g. recitationi, vt sit in communi, nomine Ecclesiæ, sua satisfactio, quæ alijs, à Prælato vel habente curam communitatis, applicari potest, & si non applicetur, inter ipsos ministros qui sunt ingrati, distribuitur & si omnes essent in peccato mortali ad Ecclesiæ thesaurū reuocaretur.

Confirmatur etiam; quoniam, vt concedunt omnes, communitas est capax peccati, ergo etiam capax esse debet satisfactionis. Antecedens probatur: nam cōmunitas, est capax transgressionis præcepti, voti, obligationis, &c. ergo est capax peccati; quod peccatum cum nō possit Ecclesiæ clauibus subijci ab ipsa communitate, debet subijci ab illis subditis, qui illud commiserūt, & sunt illi, qui in causa fuerunt, quod communitas præceptum v.g.

transgrederetur. [Vnde illud peccatum primariò est communitatis, secundariò illorū, qui in causa sunt quod communitas præceptū transgrediatur.

Obijciēs ex Suarez, quia opus in tantum est satisfactorium in quantum est pœnale; Atqui non est pœnale respectu communitatis, vel prout est ab Ecclesia; ergo prout ab Ecclesia non est satisfactoriū. Maior ex dictis liquet. Minor ostenditur, nam pœna est indiuidui, non communitatis, nec vllus vnquam dixit communitatem penam sustinere, vel pati, sicut nec Ecclesia, alioqui dici poterit, quod cōmunitas, quæ Ecclesiā representat, & Ecclesia ipsa patiatur per flagellationem, per ieiunia, &c. Ecclesia namque nec communitas non ieiunat, non flagellatur, &c.

Respondetur distinguendo Maiorem; opus in tantum est satisfactorium in quātum est pœnale respectu illius, respectu cuius est satisfactorium, & negatur: in quantum est pœnale, saltē respectu illius, qui illud ponit, & conceditur.

Ad

Ad hoc ergo ut opus sit satisfactorium respectu communitalis, non est necesse, quod sit ipsi communitati poenale, sed sufficit, quod poenale supponatur; poenalis enim est conditio ad satisfaciendum, non ratio formalis satisfactiua, alioqui ubique poenalitas reperiretur, satisfactio poneretur. Satisfactio namque desumitur ab ipsa operis bonitate, non absolute, sed prout poenalitatem, ut conditionem indispensablem, habet connotare. Maneat ergo communitatis opera esse satisfactoria, quia Ecclesiae nomine fiunt, alioqui multoties saeculares fraudarentur, dum plus pecuniae soluunt, ut missa cantetur, ut non solum habeant missae satisfactionem, quae est ex opere operato, sed etiam ipsius cantus satisfactionem, & cantantes in gratia non essent, & ipsi cantui nihil satisfactionis responderet, ut à tota est communitate, quae Ecclesiam ipsam representat.

Secunda conditio ex parte satisfaciendae est, quod ponat opus sufficiens ad satisfaciendum: quod duabus proposi-

tis, & resolutis difficultatibus explicatum manebit.

Prima difficultas est, an opera satisfactoria, quae defunctus faciebda reliquit sint illi satisfactoria post mortem, siue haeredes qui illa faciunt sint in gratia, siue nō, ut elemosina, orationes, ieiunium, & alia huius generis, quae ad ista reuocantur.

Prima sententia est, quod non: hanc sequitur Lugo disput. 26. num. 31. ubi aperte docet, quod talia opera possint quidem esse impetratoria, vel quatenus pauperes qui elemosynas recipiunt, pro defuncto orabunt, vel quia tale opus propter superabundantiam, vel Ecclesiae exhibitum multum valet ad diuinam mouendam clementiam, ut defuncti animae misereatur, & liberius preces exaudiat quae pro defuncto afferuntur; Vnde vult quod sit perinde respectu defuncti, quod haeredes, vel exequutores testamentarij sint, vel non sint in gratia. Cuius fundamentum est, quia post hanc vitam non est amplius locus merendi, vel satisfaciendi; potuit quidem mereri defunctus,

ctus, & satisfacere per illam bonam voluntatem, qua opera illa reliquit; non tamen quando post mortem eadem opera executioni mādantur: possunt tamen illa opera pro-ur exequuntur per hæredes esse iisdem hæredibus satisfactoria si cetera adsint, non tamen defuncto. Suarez apud Lugum, vult prodesse defuncto solam illam bonam voluntatem, qua opera illa facienda reliquit.

Nostri sententia sequenti explicatur conclusione, *Opera satisfactoria, qua defunctus facienda reliquit, sunt verè satisfactoria quando post mortem illius exequuntur, etiam si exequutores sint in peccato leibali.* Hanc sententiam docet Diuus Thomas 4. dist. 45. q. 2. quæstiunc. 3. Paludanus, Bonau. & Nauarr. apud Suarez, & illam optimè defendit Nugnus q. 2 s. art. 1. diff. 3. conditione secunda.

Probatur primò, docto re vera D. Thomæ testimonio, loco citato, ubi post verba supra relata, subdit: *Alio modo, quando agit ut instrumentum alterius, opus enim ministri est*

magis principalis agentis: unde quamuis ille qui agit ut instrumentum alterius, nō sit in statu merendi, actio tamen eius potest esse meritoria, ratione principalis agentis; sicut fiseruus in peccato existens quandoquunque opus misericordie facit ex precepto domini suicharitatem habentis. Vnde si aliquis in charitate decedens præcipiat sibi suffragia fieri, vel alius præcipiat charitatem habens, illa suffragia valent defuncto, quamuis illi per quos fiunt in peccato existant. Hæc D. Thomas.

Probatur secundò, ratione deducta ex hoc D. Thomæ testimonio: Instrumentū quātale, nō est suum, sed est principalis agentis, ab eo namque mouetur, & in eius virtute agit; ergo in instrumento quātale, eius status non attenditur, ac proinde parum refert, quod sit, vel non sit in gratia, vt eleemosyna, v. g. per eum facta sit, vel non sit satisfactoria. Antecedens ex physicis notum est, actio namque quā instrumentum effectum attingit, est principalis agentis, nō instrumentū; licet enim instru-
mentum

mentum propriam habeat actionem, respectu tamen illius non est instrumentum, sed causa principalis, & hæc actio effectum principalem non attingit, sed ad illum se habet veluti dispositio; ergo actio instrumenti, qua tale non est sua, seu non est instrumenti, sed principalis agentis, & sic instrumentum qua tale non est suum. Consequentia ex Antecedenti bene sequitur; si enim instrumentum ut tale non est suum, & actio instrumentaria non est sua, sed principalis agentis, in ea status instrumenti attendi non debet, sed status illius cuius est actio, neque principalis agentis, ac proinde perinde erit, quod instrumentum operis satisfactorij sit, vel non sit in gratia. Hæc D. Thomæ ratio est vniuersalis tam respectu viventis, quam respectu defuncti, & de utroque concludit. Vnde Dominus, qui per famulum mandat fieri eleemosynam, per illam satisfacit, etiam si famulus esset in peccato mortali; imò etiam si Dominus, quando talem mandauit fieri eleemosynam fuisset in mortali, dum-

modo sit in in gratia, quando actu sit, eo quia, quando agit poenitentiam, & iustificatur, saltem virtualiter mandatum confirmat. Ex quo patet omnino reiciendum esse Suariū, dum dicit eleemosynā à Domino factam per famulum in mortali existentem, non esse satisfactoriam: hoc enim male audit apud fideles, qui putant se satisfacere per tales eleemosynas, & daretur anxietatis occasio, nescientes domini, suorum statum famulorum, dum per illos eleemosynas faciunt, quod maxime verum habet in principibus, qui non per se ipsos, sed per deputatos eleemosynarios, eleemosynas faciunt. Vnde Suarez non videtur sibi constans, nam supra disp. 37. sect. 5. cum communi sententia tenet, quod actio exterior licet nullam addat bonitatem, vel malitiam supra interiorē; addit tamen satisfactionem; unde communiter, & bene dicitur, quod si duo habeant æqualem voluntatem dandi eleemosynam, & vnus realiter conferat, alius vero non, quia non habet facultatem,

& per ipsum non stetit; licet æqualiter mereantur, non tamen æqualiter satisfaciunt: & ratio est, quia satisfactio, in hoc fundatur, quod æquū sit non iterum punire eum, qui iam se ipsum voluntariè castigauit; atqui castigatio voluntaria duo includit, & voluntatem castigandi, & castigationem ipsam, plus autem se castigat, qui ieiunat, & voluntariè ieiunat, quam qui solam habet ieiunandi voluntatem. Hæc doctrina, quæ verissima est, & ab omnibus cōceditur, non cohæret cum sententia posita Suarez, quod eleemosyna à Domino per seruum facta non sit satisfactoria, est enim datio illa eleemosynæ per seruum actio exterior domini, cum vt dicebamus, actio serui, seu instrumenti, sit actio principalis agentis. Tum etiam, quia nemo negabit, quin dominus se ipsum non castiget per talem eleemosynæ dationem, cum re vera sua priuetur pecunia.

Probatur tertio, quia si vera esset Lugonis sententia valde retraherentur fideles, ne pia facerent legata in suis

testamentis, ne pecunias, & alia bona relinquerēt in eleemosynas distribuenda, si ista eleemosynarum legata, nihil operantur ad satisfaciendum pro illis, vt citius à purgantibus pœnis liberentur: certè communis fidelium sensus oppositum tenet, & videtur hic fidelium sensus stabilitus, per multa capita 1. 3. q. 2. præsertim cap. *Qui oblationes* 2.

Probatur quarto, quia ideo Iugo vult eleemosynam, faciendam, à defuncto relictam, non esse satisfactoriam; quia defunctus non est in statu satisfaciendi; atqui hæc ratio nulla est; ergo. Minor probatur, quia licet actiones, quas anima in Purgatorio existens exercet, non sint satisfactoriæ, & meritoriæ, cum non sint actiones viatoris, tamē actiones illius animæ, quæ adhuc virtualiter in via perseverant id habere possunt; manent enim actiones, & virtus principalis agentis in instrumentis vt sexcentis patet exemplis; nam virtus seminalis ad generandum hominem manet in semine deciso, mortuo homine: certè ridiculum esset dicere.

dicere, quod mortuo homine, qui est causa principalis generationis alterius hominis, virtus seminis ad generandum alterum hominem cessaret, & quod actio principalis agentis ad talem generationem ponendam, in eo amplius non esset : ita ridiculum erit dicere, quod dato mandato de eleemosyna post mortem facienda, tale mandatum executioni datum, virtutem amittat satisfaciendi, quia mandans mortuus est : Si mandans tale dedit mandatum, ut post eius mortem exequatur, quare debet eius virtutem amittere, cum in eo semper virtus mandantis perseveret, quandiu non reuocatur, ut de facto hic non reuocatur ? Si enim quis det mandatum ad occidendum aliquem, & absque reuocatione moriatur, certe homicidium sibi imputabitur, & homicidij peccatum post mortem in virtute præcedentis voluntatis non retractatæ continuabitur, & pro eo punietur. quare etiam in virtute præcedentis voluntatis mandantis eleemosynam, satisfactio non continuabitur, seu non pone-

tur, quando in virtute præcedentis voluntatis eleemosyna ponetur ? & per hæc patet ad Lugonis fundamentum.

Sed hic quæret aliquis, quid dicendum sit in casu quo eleemosyna à defuncto relicta, à ministro non detur, sed ab illo cui debebatur contra ministri voluntatem accipitur ? Respondetur quod adhuc talis eleemosyna defuncto satisfactoria erit, & ratio est, quia non debet attendi ministri voluntas irrationabilis quam habet, sed rationabilis quam habere deberet : secus esset si pecunia in eleemosynam à defuncto signatè relicta furaretur, tunc enim illius pecuniæ consumptio satisfactoria non esset, ut ex se liquet.

Secunda difficultas, an restitutio, quæ post mortem fieri præcipitur. aliquam poenâ remittat defuncto, dum executioni mandatur. Sunt duæ sententiæ extremæ : Prima negat, eo fundamento quod anima non puniatur magis ob omissam restitutionem, cum non videatur rationi consonum quod anima in Purgatorio

detineatur pro eo, quod in eius non est potestate, alias beatitudinis dilatio usque in mundi finem durare posset, si nunquam restitutio poneretur. Vnde videmus, quod si anima dum à corpore recedit nihil habet purgandum, ad patriam euolat.

Sed cōtraria sētētia probabiliior est, & magis conformis fidelium sensui, & multis reuelationibus quibus animæ suos rogabant hærēdēs, ut restitutionem facerent, ut sic à Purgatorio liberarentur. Pro quo nota, quod sicut iudex humanus, maiorem infligit pœnam reo, qui à parte læsa pacem vel condonationem non habet, quam quando illam habet: maiorem infligit pœnam reo qui rē ablata non restituit, ac quando restituit; equitas namque vult ut grauius ille puniatur, dum, ratione ipsius alius grauius læditur.

Sic proportionē seruata, dicere possumus de iudice diuino, quod maiorem pœnam taxet illi, qui restitutionem non fecit, ac illi qui fecit; qui enim fecit, alterum

liberauit à damno quod sui causa patiebatur; qui vero non fecit, alterum relinquit in damni continuatione.

Quando ergo restitutio ponitur liberabitur defunctus ab illa maiori pœna, quam cœlestis iudex, iustē taxauit, ob non factam restitutionem, alia relicta soluenda: & ob hanc rationē sollicitæ sunt cōfessorum animæ, ut restitutiones cito ponantur; quod si non ponantur, excessus ille taxatus purgatorij pœna tolli debet. Quod si totā illam pœnam in hac vita deleant, ad cælum statim euolabunt, &c.

Tertia conditio ex parte suffragiū offerentis est, quod veram habeat intentionem illud applicandi, & ratio est, quod nullus censetur opus quod sibi valde vtile est, in alium transferre, absque propria voluntate, & intentione; quam si non habeat ipsi prodest operanti, si indiget, & si non indiget ad thesaurum transit Ecclesiæ. Videatur D. Thomas 4. dist. 25. q. 2. art. 4. quæstiuncula prima.

Ex parte autem illius cui
sa-

satisfactio applicatur requiri-
tur primò, quod sit ingratia,
qui enim in mortali peccato
est, non est dignus, vt ei pœ-
na remittatur. Tum quia,
satisfactio vnus pro alio in
charitatis vnione fundatur,
atque adeo, qui charitatem
non habet, non est capax sa-
tisfactionē illam recipiendi.
Tum etiam, quia satisfactio
vnus pro alio in diuina fun-

datur promissione de illa ac-
ceptanda, seu diuinam sup-
ponit acceptionem; diuina
autem acceptatio cum ami-
cabilis sit, & gratiosa, in gra-
tia, & charitate fundatur.

Requiritur 2. quædam ac-
ceptatio saltem virtualis, quæ
consentur habere omnes exi-
stentes in gratia, & satisfa-
ctione indigentes.

QVÆSTIO VII.

*An omnia opera satisfactoria rectè contineantur
in illis tribus, quæ communiter enu-
merantur, scilicet, oratione, ieiu-
nio, & eleemosina,*

PAtet ex dictis supra,
quod non solum ieiuniū
oratio, & eleemosina sunt
opera satisfactoria, sed omne
opus meritorium, cum omne
illud sit pœnale. Tum quia
Concilium Tridentinum sess.
14. cap. 9. declarat hominē
satisfacere etiam flagellis à
Deo inflictis, & patienter to-
leratis: Et can. 15. statuit quod

non solum ieiunijs, orationi-
bus, & eleemosinis, verum
etiam alijs pietatis operibus
Deo satisfiat. Quia tamen
scholastici antiqui, & Diuus
Thomas ipse, vt videre est
art. 3. q. 15. supplem. docent
triā tantum connumerari sa-
tisfactionis opera, nēpe Ora-
tionem, ieiunium, & elemo-
sinam, ideo placuit præsentē

excitare quæstionem, ut quid sentiendum sit teneatur.

Duas rationes assignat D. Thomas prædicti numeri. Prima est, & elegantissima, quia satisfactio talis debet esse naturæ, quod per eam aliquid nobis subtrahamus, non habemus autem nisi tria bona, quæ per satisfactionem subtrahi possunt, nempe bona animæ, bona corporis, & bona fortunæ, elemosina bona subtrahit fortunæ, nempe bona exteriora; bona corporalia subtrahuntur per ieiuniū bona autem animæ subtrahi non debent quantum ad essentiam, vel diminutionem, sed per hoc quod ea submitimus Deo totaliter, quod fit per orationē; & sic patet quod solum tria enumerata opera satisfactoria esse possunt.

Secunda D. Thomæ ratio est, quia satisfactio suscipitur ut peccatorum causæ excidantur; atqui per illa tria omnes peccatorum causæ exciduntur; ergo. Maior patet, ille enim est finis saltem secundarius satisfactionis. Minor ostenditur, quia peccatorum causæ, seu radices sunt tres,

1. Ioan. 14. nimirum *concupiscentia carnis, concupiscentia oculorum, & superbia vitæ*; ieiuniū, carnis refecat, & excidit concupiscentiā, elemosina concupiscentiam refecat oculorum, nempe bonorum externorum; & superbiam vitæ refecat oratio.

Aliā rationem adducit Angelicus ex D. Aug. quia omne peccatū, vel est in Deū, & ad hoc causādū ordinatur oratio; vel in proximum, & ad hoc est elemosina, vel in nos ipsos, & ad hoc ordinatur ieiuniū.

Nihil ominus D. Thomæ mens non est quod solum ista tria strictè accepta, sint opera satisfactoria, sed quod hæc sint maximè talia, & ad satisfaciendū aptissima, unde per antonomasiam, opera vocantur satisfactoria. Si vero larga accipiantur acceptione, sub illis omnia opera satisfactoria continebuntur. Per orationē namque accipere possumus omne opus bonū in Deū ordinatū. Per elemosinā omne opus bonū, quod ordinatur in proximum. Et per ieiuniū omne opus bonum, quod ad nosmetipsos ordinatur.

DISPUTATIO

DVODECIMA

De satisfactione sacramentali.

CERTVM est, satisfactionem sacramentalem, nempe illā, quæ in sacramento Pœnitentiæ cōfidentibus imponitur esse aliquo modo pœnitentiæ sacramenti partem, vt constat ex Tridentino sess. 14. cap. 3. dum illam enumerat inter partes sacramenti pœnitentiæ videlicet, *contritio, confessio, & satisfactio*. E ratio id ipsum suadet, quia cum hoc sacramentum ad completam ordinetur peccati remissionē, & hæc consistat non solum in liberari à culpa, verum etiam à pœna, & aliæ duæ huius sacramenti partes, ponant liberationem à culpa, ad completam huius sacramenti per-

fectionem requirebatur aliquid, quod poneret liberationem à pœna, & hoc est satisfactio.

Est etiam certum quod satisfactio non sit pars huius sacramenti essentialis, cum sine illa verum detur pœnitentiæ sacramentum; vt cum absoluitur moribundus sensibus destitutus nulla imposita satisfactione, & sic restat, vt sic pars integralis, cum ad aliquam huius sacramenti pertineat integritatem, videantur ea, quæ diximus supra disput. 3. quæst. 2. & sic ijs relictis ad alia de quibus aliqua est inter Theologos difficultas transcamus.

Q V A E S T I O I.

*An satisfactio causet gratiam ex opere operato;
quando ponitur & pœnæ faciat remissionem.*

DE hac quæstione duæ sunt extremæ sententiæ. Prima est negatiua, quæ sequitur Lugo hic disput. 15. num. 2. post Palaum, Coninchum, & Præpositum, quos ibi pro se citat.

Nostra sententia sequenti explicatur conclusione. *Satisfactio sacramentalis causat augmentum gratiæ ex opere operato, quando ponitur.* Hæc est aperta D. Thomæ sententia supra q. 90. art. 2. ad 2. vbi habet: *Ad 2 dicendum, quod satisfactio confert gratiã prout est in propositio, & auget eam, prout est in exequutione, sicut etiam Baptismus in adultis;* ergo sicut Baptismus gratiam causat, ex opere operato, ita, & satisfactio. Vnde D. Thomam sequuntur eius discipuli Caietanus ibidem; Sorus in 4. dist. 17. q. 1. art. 2. Nugnus q. 13. supplem. art. 3. S. difficultas quæ est, Eandem sen-

tentiam sequitur Suarez disp. 38. sect. 2. num. 3. & alij communiter, ob quæ Luisius Turrianus in selectis p. 2. disp. 13. dub. 22. dicit contrariam sententiam temerariam esse.

Probatur primò conclusio. *Nouæ legis sacramenta gratiam causant, vt fides docet;* ergo etiam partes illorum; atqui satisfactio, est vera pars huius sacramenti, vt docet Tridentinum q. vltima præcedentis disput. citatum, ergo debet gratiam causare. Nec valet dicere non omnes sacramenti partes gratiam causare, sed solum essentielles, illud essentialiter constituentes; at satisfactio non est sic, sed solum pars integralis; Nā contra est: primò quia secundum veriorum sententiam, quam sequuti sumus supra disput. 3. q. 2. Contritio non est pars essentialis, prout in recto importatur, cū ratione sui

sui non sit sensibilis, & tamen in omnium sententia, gratiâ producit sacramentalem, ergo etiam si satisfactio nō sit pars essentialis gratiam producere poterit. Secundò, quia licet satisfactio non sit pars essentialis huius sacramenti, ad illius tamen pertinet perfectionem, & integritatem; ergo gratiam producere poterit. Consequentiam ostendo; nā pedes, brachia &c. in animali ad essentiam non pertinent animalis, nec sunt partes essentialis, sed integrales tantum, & tamen in communi Medicorum sententia, ad alterius animalis productione concutunt, cum velint seminis decisionem ex omnibus corporibus partibus fieri.

Probatur secundò, quia satisfactio non solum est præteritorum remissio peccatorū quoad poenam, verum etiam est futurorum medicina præservatiua quoad culpā; atqui ad hoc, præteritorum poenæ delictorum deletio parū aut nihil iuuat, multum autem iuuat gratiæ productio; ergo hæc per satisfactionem producenda est, ut sic per illam

facilius, futura vitentur peccata, quod est satisfactionis intentum. Nec valet dicere cum Lugonē loco citato nū. 13. quod si satisfactio haberet hunc effectum curandi, seu præseruandi à peccatis futuris, quælibet poenitentia esset proportionata cuilibet generi peccatorum, quod constat esse falsum: nam diuersis peccatis diuersæ poenitentiae, & medicinæ applicari debent, ut abstinentia curatur homo carnalis, eleemosynis avarus, &c. Nam contra est, quia, ut supra dicebamus, licet optimum consilium sit poenitentias applicare secundum quod maiorem habent proportionem cum deletionem peccati, ut ieiunium carnalibus, &c. tamen hoc non est necesse, nec Confessarij de hoc sunt valde solliciti, cū quælibet poenitentia poenas peccatorū deleat: certè inauditum est in scholis, quod ieiunium v.g. à Confessario pro satisfactione impositum, solū poenas deleat peccatorū carnalium; quid enim si Confessarius ieiunium imponat pro peccato superbix? pro

Rrr pec-

peccato avaritiæ? delebitur ne tunc tēporis ex opere operato pœna debita illis? si concedis, te ipsum destruis: si negas contra te habes Ecclesiæ praxim, & omnium Confessoriorum vsum, vt dictum est. Solvuntur argumenta in contrarium.

Primum argumentum Satisfactio ad solius pœnæ deletionem ordinatur; ergo non debet gratiā producere. Antecedens probatur, nam sacramentū pœnitentiæ adequatè sumptum ordinatur ad totalē peccati destructionem, nempe & quoad culpam & quoad pœnam; tamen si fiat partiū distributio, partibus essentialibus correspondet gratiæ collatio, & integrali pœnæ deletio; ergo satisfactio cum sit pars integralis solius pœnæ deletionem habebit.

Respondetur negādo Antecedens; vt enim patet ex dictis non solum ad pœnam delendam ordinatur satisfactio, verum etiam ad gratiam causandam sed differenter à partibus essentialibus, nam ille primam gratiam causandam per se respiciunt, satisfactio

vero secundam.

Secundum argumentum: Sacramentum pœnitentiæ in tantum gratiam causat, in quantum culpam delet; atqui satisfactio culpam non delet; ergo gratiam non causat? Respondetur maiorem esse verā de Sacramento pœnitentiæ, in quantum partes partes dicit essentialia, secus in quātum affert partem integram.

Tertium argumentum: Sacrificium Missæ, & indulgentia, remissionem faciunt peccatorum quoad pœnam ex opere operato, absque vlla gratiæ infusione; ergo id ipsū dici poterit de satisfactione? Respondetur negando Consequentiam, non enim Missæ sacrificium, & indulgentiæ sunt alicuius sacramenti pars, vt est satisfactio.

Quoad secundum, quod in quæstionis titulo proponitur de pœnæ remissione. Constat inter omnes Theologos, satisfactionem pœnam remittere peccatorum ex opere operato. Cum enim culpam nō remittat, vt dicebatur, & aliunde cum sit pars integralis huius sacramenti, quod habet per-

perfectam facere peccati deletionem, debet poenam remittere ex opere operato, sicut aliz partes remittunt culpam ex eodem opere operato. Vt tamen hæc veritas magis explanetur aliquæ difficultates proponuntur, & resoluentur.

Prima difficultas est, an quælibet sacramentalis satisfactio, omnem poenæ reatum causet, illorum peccatorum, quæ quis confitetur? Affirmât aliqui quos refert Suarez disput. 38. sect. 2. num. 7. in casu quo Confessarius prudenter existimat talem satisfactionem esse poenis, peccatis confessis, debitam, æqualem: sequenti innixi fundamēto, quod Sacerdos sit iudex arbitrarius, qui quod prudenter iudicat ratum habetur, quod ius in virtute clauium habet. Hoc duplici confirmant exemplo: primū, quia sicut dispensatio in voto, vel iuramento valida est, quando dispensans prudenter existimat causam esse sufficientem, ita & in casu præsentis. Secundum est, quia sicut indulgentia valida est, quando Pontifex prudenter putat, sufficere

tem illius adesse causam: ita satisfactio valida erit pro tota poenâ remittenda, quando Confessarius prudenter existimat æqualem esse. Verior tamen opinio negat, quia in nullo sacramento prudens ministri existimatio valet ad effectus sacramentales causando: vnde etiam si Sacerdos prudenter putet poenitentem esse dispositum pro absolutione recipienda, re vera illam non recipiet si dispositus non sit, & sic de alijs: cum enim sacramenta suos causent effectus ex opere operato, ex vi, & virtute propria, non pendent à prudentis ministri estimatione, &c. Nec fundamentum oppositum valet: nā licet admitti possit Confessarium esse iudicem arbitrium, quātum ad hoc, quod est hic, & nunc maiorem, vel minorem imponere poenitentiam, non tamen quātum ad hoc, quod talis poenitentia, maiorem, vel minorem faciat peccatorum, quoad poenas, remissionem.

Nec allata exempla probant; nam Sacerdos in satisfactionis impositione, solum

se habet vt causa applicans, non vero, vt pœnas extinguens, applicat namque satisfactionem, quæ in Sacramento virtute pœnas extinguit. At in materia voti, & dispensationis. Pontifex non se habet vt causa applicans, sed vt remittens, quia ipse immediatè remittit, non mediâ aliqua causa applicata; ipse immediatè dispensat, nō per applicationem alicuius causæ, quæ vi sua id faciat. Ita similiter in indulgentia ipse est, qui tantam, vel tantâ pœnam remittit, & non per alicuius causæ applicationem, quæ id vi sua faciat; licet nāque opus aliquod exigit Pontifex, vt indulgentiam confectat, illud tamen opus non est causa vi sua pœnæ remissionem faciens, sed est conditio, qua posita, ab ipso Pontifice, pœnæ fit remissio. At in casu nostro, Sacerdos non facit pœnæ remissionem, sed applicat causam, nempe satisfactionem, quæ vi sua, seu ex opere operato, talem facit pœnæ remissionem; ac proinde non est in Sacerdotis potestate, maiorem, vel mino-

rem facere pœnæ remissionem, sed solum, maiorem, vel minorem imponere satisfactionem.

Secunda difficultas, an satisfactio maiorem pœnæ remissionem faciat in subiecto magis disposito? Respondetur affirmatvè: cum enim sit pars huius sacramenti, & sacramenta maiorem conferant gratiam in magis disposito; etiam satisfactio maiorem faciet pœnæ remissionem in subiecto magis disposito; dispositio autem, quæ attenditur non est illa, quæ habetur quando sacramentum recipitur, hæc enim pro ipso deseruit sacramēto, sed illa est quæ habetur dum sacramentum completur, nempe quando satisfactio ponitur.

Tertia difficultas, an si quis suam impleat pœnitentiam ante datam absolutionem, pœnæ recipiat remissionem? Respondetur negativè contra Lugum oppositum sentientem, quia satisfactio, pœnæ non facit remissionem, nisi per sacramentum eleuetur, nō eleuatur autem ante datam absolutionem, cum adhuc sacramen-

eramentum non sit; an autem illam faciat post, videtur dicendum quod non, quia sacramentum non eleuat opera precedentia, sed subsequencia. Vnde patet non bene di-

cere Lugum, quod quis possit satisfactione implere antecedentem solutionem cum antea illam non sit satisfactio sacramentalis, pœnæ peccatis debite remissuæ.

Q V A E S T I O II.

An satisfactio in peccato mortali facta, suum habeat effectum, ex opere operato.

Quatuor de presenti difficultate reperiuntur sententiæ. Prima est Adriani, Ledesmae, & aliorum apud Vasquez q. 94. art. 2. dub. 5. nu. 6. quod satisfactio in mortali facta, nullum prorsus habeat effectum. Secunda est Marfilij, Medinae, & Vasquez, quod suum habeat effectum statim, quantum ad pœnæ remissionem. eo quod putet pœnæ remissionem deleta culpa, posse fieri non solum in mortali, verum etiam in inferno; unde si quis damnetur propter peccatum A. non remissum, & habeat pœnam temporalem peccati B. in inferno cassari poterit, imò quod de

facto cassabitur: videatur Corninchus disput. 10. dub. 5. Tertia sententia Paludani, Syluest. & aliorum apud Suarez. disput. 38. sect. 8. nu. 4. distinguit de satisfactione, velenim relinquit effectum post se ut eleemosina, ieiunium &c. vel non ut oratio: si non relinquit, nullum habet effectum, si relinquit suum habet effectum ex opere operato, quando peccati obex aufertur. Sed omnes istæ sententiæ reiciendæ sūt Prima namque, quia cum satisfactio sacramentalis sit pars sacramenti, debet eiusdem sacramenti naturam imitari, atqui hoc sacramentum suum habet effectum ablato obice;

obice; ergo. Secunda etiam reicienda est, quia ut supra, dicebamus homo in mortali existens non est dignus cui fiat alicuius pœnæ remissio. Etiam tertia reicienda est, nā eadem prorsus est ratio de satisfactione reliquente, vel nō relinquente effectum post se, non enim satisfactio pœnam remittit, quia effectum post se relinquit, sed quia est pars sacramenti, à quo virtutem recipit. His reiectis.

Nostra sententia sequenti explicatur conclusione. *Satisfactio sacramentalis in mortali exhibita, suum præstat effectum, ablato obice.* Hanc sententiam sequitur Nugnus q. 14. art. 3. ubi citat Caietanum, & Victoriā, & dicit esse communem Thomistarum, & ipsius D. Thomæ, nā licet articulo illo 3. dicat satisfactionem non reuiuiscere ablato obice, ut tamen notat Nugnus post Caietanum, nō loquitur D. Thomas ibi de satisfactione sacramentali, sed de non sacramentali ut considerati textum patebit, imò id colligit Nugnus ex solutione 2. argumenti, ubi D.

Thomas dicit, quod ideo Baptismus reuiuiscit ablato obice, quia est effectus, & opus Dei, non hominis, atqui, licet satisfactio non sacramentalis sit opus hominis, sacramentalis tamen est opus Dei, cum sit pars sacramenti, quod opus Dei est.

Probatur Conclusio ratione communi. Quoniam Pœnitentiæ sacramentum reuiuiscit ablato obice; ergo etiam satisfactio, quæ est pars eius. Nec valet dicere differentiam esse quia sacramentum Pœnitentiæ remittit culpam, satisfactio vero pœnam, non est autem tantæ considerationis pœna, ac culpa, unde ob hoc videmus quod audiens Missam in mortali, non recuperat fructum eius, remittendi pœnas obice ablato. Similiter indulgentia suum nō producit effectum ablato obice, ergo neque satisfactio. Nam contra est, quia licet Missæ sacrificium, & indulgentia suum producant effectum ex opere operato, non tamen sunt pars sacramenti reuiuiscētis, ut est satisfactio. Deinde dico non esse omnino

omnino improbabile quod etiam illa duo suos producat effectus ablato obice; saltem quoad indulgentiam Pōtūfex id concedere potest, an de factoid cōcedat, affirmat Syluest. V. indulg. q. 6. & potest ita præsūmi de volūtate Pōtūficis, quod si quis ponat opus præsūriptum v. g. visitet Ecclesiam in peccato mortali, cui visitationi est annexa indulgentia, & ob peccatum mortale tunc indulgentiam non consequatur, illam postmodum lucrabitur peccato mortali destructo.

Sed quæret hic aliquis, an quis possit licitè satisfactionē sacramentalem in mortali adimplere? Communis sententia affirmat. Ratio est, quia quantum est ad deletionem pœnæ, licet pro tunc non deleatur, delebitur tamen ablato obice, & non videtur res saltem gravis illa pœnæ dilatio; quantum vero attinet ad Confessarii præceptum de satisfactione illa ponenda dato quod de hoc detur, adhuc sufficit, quod in mortali ponatur, cum etiam in alijs præceptis sufficiat opus præceptū

ponere, & non sit necesse charitatis modum addere. An autem sit peccatum veniale pœnitentiam in mortali ponere, negat Lugo ex falso fundamento, quod nullā gratiam producat: ponere autem obicē præcisè remissioni pœnæ nullū est peccatū, alioqui, inquit ille, qui sacrū in mortali audiret, venialitèr peccaret; & qui Pōtūficis benedictionem in mortali acciperet venialitèr delinqueret, quod nemodicit. Affirmat Suarez vbi supra, Sotus dist. 19. q. 1. ar. 4. ad 3. & videtur rationabilius, primò quia gratiæ impedimentum ponit; secundò, quia si est mortale aliquod recipere sacramentum, vel illud ponere in mortali, eo quod gravis interrogatur iniuria sacramentis, saltem peccatum erit veniale aliquam illorum partem ponere in mortali, levis namque saltem irrogatur iniuria, illi parti, & subinde sacramento illi, cuius est illa pars: per quæ patet ad duo Lugonis exempla, nulli enim irrogatur iniuria in illis, cum nec sint sacramenti pars, nec gratiam causent.

An

An autem aliqua requiratur intentio satisfaciendi, dū quis satisfactionem ponit, an sufficiat ponere opus præscriptum? Affirmat Sanchez in decal lib. 1. cap. 130. num. 17. & lib. 4. cap. 13. in fine, vbi etiam infert, quod si Confessarius imposuit alicui ieiuniū, vel eleemosynā disiunctim, & ipse dederit eleemosynam cū intentione nō implendi pœnitentiam per illam, sed per ieiunium, non teneri postea ieiunare, quia adhuc Confessarii præceptum impleuit. Fundat Sanchez, & alij post ipsum, & ante ipsum, hanc suā resolutionem in generali omnium receptorum natura, quod vt obseruētur nulla requiratur intentio, sed sufficiat opus ponere præscriptum. Hanc Sāchij doctrinā confirmat Lugo disput. 25. nu. 37. quia in suscipiente sacramentum non est necesse, quod intentionem habeat respectu omnium partium; Vnde sicut dolor positus sine intentione recipiendi sacramentum, illi deseruit, ita positio satisfactionis sine intentione satisfaciendi, si enim quis vespe-

ri habuit suorum dolorē peccatorum, absque intentione confitendi mane, si mane cōfiteatur absque nouo dolore, confessio valida est, quia illi deseruit dolor ille, qui vesperi positus fuit; ita nulla requiritur intentio, pro satisfactione sacramentali, cum sit minoris considerationis ipso sacramento. Vnde infert Lugo num. 38. quod si quis habeat à Confessario obligationem ieiunandi, & ex deuotione ieiunet, suæ oblitus obligationis, aliud ieiunium ponere non teneatur, quia per illud verè satisfecit, cum posuerit opus à Confessario præscriptum.

Quod rursus cōfirmat, quia in suscipiente sacramentum sufficit intentio habitualis, cū possit quis in somnis, in amētia Baptizari, in virtute intentionis prius habitæ, & solum habitualiter remanentis; sic ad recipiendam satisfactionē à Cōfessario, & ad illam exequendam habitualis sufficiet intentio.

Sed hæc doctrina mihi falsa videtur, quia licet vera sit, quoad hoc, quod est satisfacere

cere legibus, & præceptis, nõ tamen quoad hoc, quod est satisfacere obligationi ponendi sacramentalem satisfactio- nem; quod sic ostendo, quia licet ad sacramentum Baptismi, Extremæ vnctionis & Eucharistiæ recipiendum habitualis, imò etiam interpreta- tiua sufficiat intentio, vt de sa- cramentis in genere docui- mus, ad recipiendum tamen poenitentiae sacramentum, sal- tem virtualis intentio requi- ritur, implicat enim quod ve- ra, & dolorosa ponatur pec- catorum confessio, in ordine ad recipiendam illorum re- missionem, sine virtuali inten- tione; ergo etiam implicabit, quod vera eorundem pecca- torum ponatur satisfactio, si- ne virtuali intentione. Ante- cedens ex se liquet. Conse- quentia probatur, quia nõ po- test quis virtualem habere in- tentionem ponendi sacramen- tũ, quia virtualem habeat in- tentionem ponendi omnes eius partes, tum essentielles, tum perfectiuas, seu integra- les; ergo cum satisfactio sit pars perfectiua, seu integralis sacramenti poenitentiae, poni

non poterit sine virtuali inten- tione; vnde licet quando quis sacramentalem ponit satisfac- tionem, ad id non aduertat, tamen in virtute intentionis illius, qua positum fuit sacra- mentum, adhuc virtualiter du- rantis, satisfactio ponitur: cen- setur namque illa intentio, tandiu perleuerare, quandiu sacramentum non cõpletur.

Nec id quod dicit Lugo de dolore, illi prodest, nam cũ dolor essentialiter ad confes- sionem ordinetur, cum sit vo- tum eiusdem confessionis, nõ requirit extrinsecam poeni- tentis ordinationem, seu inten- tionem; at vero satisfactio, seu opus satisfactorium, cum de se sit indifferens, ad hoc vt sit, vel non sit pars sacramenti, saltem id habere debet ex poenitentis ordinatione, seu intentione: per quæ patet ad id quod vltimo ab illo aucto- re adducitur pro suæ senten- tiæ confirmatione.

Adde quod si vera esset il- la doctrina sequeretur, quod sicut quis præceptis satisfacit, & legibus si ponat opus præ- ceptum, etiam si intentionem habeat contrariam non satis-

S s s facien-

faciendi, ita etiam satisfaciet pœnitentiæ impositæ, si illam ponat etiam si contrariam habeat intentionem non satisfaciendi; hoc autem est falsû; ergo. Maior patet: ex illorum auctorum doctrina, volunt enim eandem esse utriusque rationem. Minor ostenditur quia nullo modo possibile videtur, quod aliquid, quod est indifferens, ut sit, vel non sit pars sacramenti & si est pars, id habet ex intentione pœnitentis, quod de facto sit, etiam si positivè à pœnitente excludatur, seu de eo contrariam

habeat intentionem. Nec valet dicere quod præcepto satisfaciet Confessarij, de ponenda illa satisfactione, non tamen satisfaciet præcepto diuino de ponendo integro sacramento, seu de ponenda satisfactione, quæ est pars sacramenti. Nam contra est, quia Confessarij præceptum de ponenda satisfactione non est nudum, sed est de ponenda satisfactione, ut est pars sacramenti, ut est illius perfectio, & complementum; ergo si hoc non ponatur, neque Confessarij præcepto satisfaciet.

Q V A E S T I O III.

In quaplures resolvuntur difficultates circa obligationem Confessarij ad pœnitentiam imponendam.

Prima difficultas est, an Confessarius teneatur sub mortali pœnitentiam iniungere. In omnium sententia, dantur aliqui casus in quibus nulla est obligatio imponendi pœnitentiam. Primus est quando pœnitens est morti

proximus, & sensibus caret, tunc enim datur absolutio sine vlla pœnitentiæ impositione; si tamen sensibus non caret levis imponi debet pœnitentia pro tunc soluenda; & proportionatâ si conualescat. Secundus casus, quando Cōfessari-

Confessarius aduertit, & probabiliter putat, poenitentem satis fecisse pro penis peccatis debitis; quod præsertim habet verum, quando præterita, vitæ sanctus, confitetur peccata de quibus abundanter fecit poenitentiam; item si videat poenitentem intensissimam habere suorum peccatorum contritionem, vt legitur fecisse S. Vincentium Ferrerium.

Tertius casus quando iam in proximo est satisfactionis remedium, vt si instet poenitenti martyrium; vel indulgentia plena lucranda; semper tamen debet aliqua saltem leuis imponi poenitentia, ne mutilum fiat sacramentum, quando id fieri potest, vt in duobus casibus præcedentibus. Quartus casus quando poenitens non esset poenitentiam acceptaturus, quod crederem esse verum, si grauem, secus si nollet acceptare neque leuem, nisi forte illorum sequeretur sententiam; quod poenitens non teneatur poenitentiam in hac vita faciendam acceptare, sed velit illam pro Purgatorio reservare: duo namque loca posuit Deus in

quibus homo potest peccatis satisfacere, quantum ad illorum poenas, & vitam præsentem & Purgatoriū, & liberum est homini eligere, vel præsentem vitam, vel futuram; & sic nullū erit peccatum, poenitentiam, pro alia vita, reservare. Quintus casus, quando scrupulosus intra eandem v. g. horam reddit, & noua confitetur peccata, & nouam recipit absolutionem, tunc enim temporis non tenetur Confessarius ad omne sacramentum nouam imponere satisfactionem, sed iam primò iniungam, denuo, & denuo iniungere: ita Bonacina disput. 5. q. 5. sect. 3. puncto 12. num. 3. cuius fundamentum est, quia opus aliud debitum potest pro satisfactione noua iniungi. Quando queritur, an præter hos casus, teneatur Confessarius satisfactionem iniungere? Affirmatiuè respondet Lugo num. 49. vbi vult quod hæc obligatio ex genere suo grauis sit, leuis tamē esse possit ex paruitate materię: vnde si quis Confessarius ob peccata leuia, vel alia confessa, etiam si grauiora sint, nullam impone-

ret satisfactionem venialiter solum peccâre; secus quâdo non imposeret ob peccata grauiâ, non alias confessâ. Quod illa obligatio sit ex suo genere grauis patet, quia alioquin imperfectum, & mutilum poneretur sacramentû; quod autem ex materiæ leuitate possit solum esse veniale, probat, quia sicut iudicium humanum, non manet imperfectum ex defectu punitionis, quâdo reus non iudicatur poenâ dignus; sic neque hoc sacramentale iudicium: & sicut iudex humanus non peccat grauiter non imponendo poenâ leuem: sic nec in hoc nostro iudicio, ob eandem rationem peccabitur.

Sed verius dicendum, semper teneri Confessarium satisfactionem imponere, nec excusari à culpa graui, ob paruitatem materiæ; & ratio est, quia non sumus in materia humana; sed in materiâ grauiissima, nempe in materiâ sacramenti, cuius partes sunt grauiissimæ, licet enim illa satisfactio leuis in se esse possit, vt tamen est pars sacramenti, leuis non est, sed grauiissima.

Et licet facere iudicium humanum mutilum, in materia leui, res leuis sit; facere tamen iudicium sacramentale mutilum, in materia alias leui, leue non est, sed graue. Tû quia non imponere satisfactionem illam leuem, non solum est priuare sacramentum sua perfectione, & poenitentem poenæ remissione, verum etiâ, est ipsum priuare aliquo gratiæ gradu, quem diximus satisfactionem producere ex opere operato.

Secunda difficultas, an Confessarius imponere possit poenitentiam liberam, absq; præcepto, & obligatione implendi aliquam determinatâ, sed vel illam, vel aliam? Prima sententia est negatiua, quam post Vasquez, Turrianum, & Coninchum docet Lugo supra nu. 54. Secunda sententia communior, & verior est affirmatiua, quam post plures quos longa manu refert, sequitur Diana de sacram. re. sol. 83. Probatur primò, quia opus quod à Pœnitente præscribitur, dum indulgentia ab ipso conceditur causat poenæ remissionem,

sionem, quia per clauū potestatem Pontifex ad id munus eleuat illud, & tamen liberum est; ergo à pari, etiam si satisfactio liberè imponatur poterit ex opere operato, per eandem clauum potestatem poenæ remissionem facere. Respondet Lugo num. 551. discrimen esse quia indulgentiæ concessio ex sola procedit potestate soluendi; at verò poenitentia impositio, ex sola procedit potestate ligandi, non cēsetur autem Sacerdos potestatem habere ligandi, nisi vt iudex peccata puniat, & per consequens præcipiendo. Sed contra quia potestas absoluēdi libera esse potest; ergo etiam potestas ligandi, ac subinde si per potestatem absoluendi, potest imponi opus liberum, quod ex opere operato poenas relaxat, id ipsum fieri poterit per potestatem ligandi; aliud nāque est, quod Sacerdos possit poenitentem ligare, & aliud est quod ad id teneatur, aliud est, quod iudex humanus possit reum ligare, & aliud est quod teneatur, hæc namque duo separabilia sunt, & vnū

sine alio esse potest. Adde quod iudex sufficienter ligare censetur cum poenam etiā indeterminatam imponit.

Probatursicundò, quia illa Sacerdotis verba, quæ post absolutionem adiunguntur: *Quidquid boni feceris, & mali sustinueris, sit tibi in remissionem peccatorum tuorum, &c.* omnia eleuant poenitentis opera, etiam si libera sint ad hoc vt ex opere operato remissionem faciant peccatorū; ergo signum est liberum opus imponi posse in poenitentiam. Respondet Lugo illa verba non esse nisi depræcatoria, & nullo modo eleuare peccatoris opera ad satisfaciendum ex opere operato, Vnde subdit non videri probabilem illorum doctrinam, qui excusant Confessarios dum leues imponunt poenitentias pro grauissimis peccatis, quando addunt dicta verba. Sed hæc Lugo nis responsio omnino reiicienda est, sunt enim illa verba non depræcatiua, sed verè eleuatiua bonorum operum, quæ postea ipse poenitens faciet, & subinde poterit Sacerdos minorem imponere poeni-

pœnitentiam, quando illa addit, & probabiliter secundam aliquos, nullam aliam; cum per illa verba pro satisfactione omnia opera pœnitentis pro satisfactione imponantur, non enim necesse est pœnitentiam imponere determinatam, sed sufficit imponere indeterminatam. Audiatur Lugo D. Thomam, & videatur, an sit illa sententia improbabilis D. ergo Thomas, quodlibeto 3. art. 28. ubi postquam in argumento. *Sed contra* probauit, quod illa verba *Quidquid boni feceris* &c. sint aliquo modo sacramentalia, in corpore articuli hoc probat sic: *sicut potest sacerdos iniungere satisfactionem pœnitenti, ex arbitrio alieno; ita & ex arbitrio ipsius pœnitentis: sicut si dicat, facias hoc si potes & si non potes facias hoc: & simile videtur cum sacerdos dicit quidquid boni faceris, sit. tibi in remissionem peccatorum: videtur autem satis conueniens, quod sacerdos non oneret pœnitentem, graui pondere satisfactionis; quia sicut paruus ignis à multis lignis suppositis de facili exstinguitur, ita potest con-*

*singere, quod paruus effectus contritionis in pœnitente nuper excitatus propter graue onus satisfactionis extingatur, peccatore totaliter desperante: & post pauca. Et hac quæ præter iniunctionem expressam facit, accipiunt maiorem vim expiationis culpæ præteritæ, ex illa generali iniunctione quæ Sacerdos dicit: quidquid boni feceris sit tibi in remissionem peccatorum. Vnde laudabile consuevit à multis sacerdotibus dici, &c. Vbi vides plura contra Lugum docet D. Thomas: Primò posse sacerdotem arbitrariam imponere satisfactionem: Secundò illa verba: *Quidquid boni feceris* &c. esse sacramentalia & habere vim eleuandi pœnitentis opera ut ex opere operato sint satisfactoria, seu sint pœnitentia sacramentalis. Tertiò ob illa verba minorè imponi posse pœnitentiam, ne sacerdos nimis oneret pœnitentem, &c. Hanc sententiam præter D. Thomam, sequuntur plures, quos congerit, & sequitur Diana de Sacramento. resol. 97. & p. 6. trac. 7. resol. 5. & p. 9. trac. 9. resol. 54. & p. 10. trac. 16. resol. 1.*

Tertia

Tertia difficultas, quæ operari imponi possint in pœnitentiam? Respondetur quod omnia opera satisfactoria de quibus supra. An autem imponi possit opus applicandum defunctis. Negant Vega to. 2. c. 64. cas. 4. Ioan. Saneius disput. 16. nu. 1. verius tamen est quod id fieri possit. Diana de Sacram. resol. 54. sed dubium est quomodo satisfactio sacramentalis possit applicari defunctis; cum enim sit sacramentalis, & ex opere operato pœnæ peccati confessi, faciat remissionem, nō videtur quomodo defunctis applicari possit. Respondetur applicari defunctis satisfactionē illā quoad id quod habet ex opere operatis, non vero quoad id quod habet ex opere operato.

Quarta difficultas, an possit confessarius pro pœnitentia imponere pœnitenti, quod per aliquod dies abstineat à communione? Certum est quod possit ipsa cōmunio pro pœnitentia imponi: difficultas est de ipsa cessatione? Et respondetur affirmatiuē, in casu quo Confessarius iudi-

caret hic, & nunc magis pœnitenti expedire à communione cessare, quam ad illam accedere, etiam si nō sit peccati mortalis conscientia.

Quinta difficultas, an possit imponi opus purē internū, vt moribundo, vt cordē tenuocet nomen *Iesus*? Respondetur quod sic; quia licet pœnitentia sit pars integralis sacramenti, sensibilis esse tamen non debet, sicut est sacramentum, in se sensibile, sed sufficit quod sit ratione impositionis confessarij, & acceptationis pœnitentis vt disput. 3. q. 2. dictum est.

Sexta difficultas, an possit imponi opus alias præceptū? Communis responsio est affirmatiua; licet (nisi sacerdos se explicet) semper intelligatur opus supererogationis.

Quot autem peccata committat, qui opus debitum ex præcepto v. g. Ecclesiæ, & Confessarij omittit, vt iciuniū? Respondetur quod duplex; quia duo intercedunt motiua specie diuersa, temperantiæ nimirum, vt ab Ecclesia, & Pœnitentiæ, vt à Confessario præcipitur.

QVAE.

QVÆSTIO IV.

De pœnitentis obligatione ad acceptandam, & implendam pœnitentiam.

Plures sunt difficultates de hac materia dissolvendæ. Prima est, an pœnitens sub mortali teneatur confessarij pœnitentiam acceptare, & acceptatam implere? Est prima, Scoti, & aliorum apud Vasquez q. 94. art. 2. dub. 1. sententia, quod pœnitens non teneatur Confessarij pœnitentiam acceptare, si tamẽ acceptet, illam teneatur ad implere.

Secunda sententia docet neque esse obligationem acceptandi, neque implendi. Hanc sententiam docuit Caietanus, & licet aliqui eam nota inurant improbabilitatis, & alia, etiam maiori, nihilominus non desunt, non solum, qui illam probabilem vocant, verum etiam qui illam sequuntur; illam probabilem vocant Sotus, Zerola, Ioãnes de la cruz, Villalobos & alij apud Dianam to. 1.

tract. 15. resol. 52. ob hoc docet Reginaldus, Homobonus, Molfesius, & alij apud eundem Dianam, confessarium non posse dimittere pœnitentem absque absolutio-
ne, qui nolet vel leuem pœnitentiam acceptare. Hoc tamen merito limitat Faber, quod licet hæc opinio sit vera in praxi tamen de facili non est in vſu ponenda, eo quod difficile sit inuenire aliquẽ, qui bona fide confiteatur, adeo saxeum, qui nolit vel tantillum pœnitentiæ acceptare, vnde, qui nolet, nec ter *se-
sus* dicere, non videretur bene dispositus, & huius ratione esset dimittendus, nisi de opposito constaret, quia forte velet hanc sequi sententiam. Auctores vero qui illam sequuntur sunt, Faber citatus, in 4. dist. 19. q. vnica disput. 35. cap. 10. nu. 26. Pharaonius de pœnit. sess 22. ca. 10.

Grc.

Grego. Ruiz, Raphael de Cæfare, Beia, Naua, Yribarne, & Pitigianus apud Dianam loco citato.

Tertia sententia verior, & communior est pœnitentem obligari, ad acceptandam pœnitentiam, & acceptatâ executioni mandare. Pro hac sententia innumeros ferè refert Diana vbi supra, vnde à tali relatione est abstinendû.

Probatur primò, Sacrosancti Concilij Tridentini testimonio sess. 14. vbi sic dicitur: *Debent ergo Sacerdotes Domini, quâtum spiritus & prudentia suggererit, pro qualitate criminum, & pœnitentium facultate saluantes, & conuenientes iniungere satisfactiones: ne si forte peccatis conuiuant, & indulgentius cum pœnitentibus agant, leuissima quadam opera pro grauissimis delictis iniungendo, alienorum peccatorum participes efficiantur. Habeant autem præ oculis, ut satisfactio quam imponunt non sit tantum ad noua vite custodiam, & infirmitatis medicamentum, sed etiam ad præteritorum peccatorum vindictam, & castigationem. Nam clauēs Sacerdo-*

sum non ad soluendum duntaxat, sed ad ligandum concessas etiâ antiqui Patres & credunt, & docent.

Probatur secundò, ratione desumpta ex mox citatis Tridentini verbis; nam Sacerdos habet clauēs non solum soluendi pœnitentem, verum etiam ligandi; atqui non haberet potestatem ligandi si pœnitens posset non acceptare pœnitentiam, & acceptatam nō implere, ergo Maior est de fide. Minor probatur; nam sicut iudex humanus non haberet vim ligandi reū, si reus posset multâ, vel pœnam subterfugere, ita Sacerdos non habebit vim ligandi pœnitentem, si semel pœnitens posset pœnitentiam impositam subterfugere. Confirmatur ex eodem Concilio, nam vult, quod Sacerdos conuenientes iniungat pœnitentias, & quod si leues iniungat conuiueat pœnitentium peccatis, & sic eorundem participes fiat peccatorum; atqui hoc verum non esset, si pœnitens non teneretur illas pœnitentias acceptare, nec acceptatas implere, si enim le-

ues, vel nullas etiam imponeret pœnitentias faceret id ad quod pœnitens ius habet, & cooperetur rei, quam pœnitens facere potest: si enim pœnitens non tenetur pœnitentiam acceptare, nec Confessarius imponere, contra id quod supra stabilitum fuit.

Secunda difficultas, an pœnitens in aliquo casu excusetur saltem à mortali ab exequenda satisfactione iniuncta? Respondent aliqui affirmatiuè, quando scilicet materia est levis, siue sit iniuncta pro veniali, siue pro mortali, vt si quis nō recitet pœnitentiam vnius *Miserere*, videatur Dianap. 6. trac. 6. miscell. resol. 46. Vbi aliam proponit difficultatem, an scilicet pœnitens relinquens pœnitentiam grauem pro solis venialibus impositam, vt si relinquat voluntariè septem psalmos pro pœnitentia impositos, vel ieiunium, &c. peccet mortaliter, an venialiter. P. Suarez apud eundem Dianam vbi supra, putat quod relinquere pœnitentiam grauem pro solis venialibus impositam, sit solum peccatum veniale.

Sed incipiendo ab hoc ultimo, dico esse peccatū mortale grauem non ponere pœnitentiam etiam pro venialibus impositā. Ita Præpositus apud Dianam, cui addo Henriquez de sacram. c. 20. nu. 11. Coninch, hic dub. 9. num. 81. Fagundez lib. 9. de 2. Eccles., præcept. c. 3. num. 13. Et ratio est, quia materiæ grauitas, vel satisfactionis, & obligationis, nō desumitur ex peccato pro quo imponitur, sed ex re quæ præcipitur; ergo cum in hoc casu res grauis præcipiatur, & materia grauis erit, & obligatio grauis; quid enim refert, quod peccatum graue, vel leue sit pro quo pœnitentia datur, si semel materia præcepta grauis est? Si enim quis voueret ieiunium in suorum venialium expiationem, & illud non impletet, certè mortaliter peccaret, & hoc non ob aliam rationem, nisi quia voti materia, quæ transgreditur grauis est, etiam si peccatum veniale pro quo expiando votum factum est, res levis sit.

Nec prima resolutio placeat, imò valde displicet, sicut etiam

etiam displicet Nugno q. 13. art. 2. diff. 3. concl. 4. Vnde dico, quod volūtariè relinquere pœnitentiam quantumvis leuem, semper sit peccatum mortale: quod probō cum Nugno. Quia semper est peccatum mortale sacramentum voluntariè | facere mutilum, non integrum, imperfectum; atqui relinquens pœnitentiā leuem facit sacramētum mutilum, non integrum, imperfectum; ergo peccat mortaliter. Minor certissima est, eo namque ipso quod satisfactio non ponatur, priuatur sacramentum sua parte perfectiua, & integrali, ac subinde imperfectum, & non integrum ponitur. Maior etiam certa videtur, nam cum sacramentū res grauissima sit, sequitur, quod illud ponere voluntariè mutilum, non integrum, imperfectum, malum, seu sacrilegium grauissimum erit. Nec valet dicere quod illa iniuria, quæ fit sacramento, nō sit malum grauissimum, sed valde leue, cum materia illa, qua fit talis iniuria valde leuis sit. Nā contra est, quia iurare rem leuissimam, sed falso, peccatum

mortale est, vt omnes tradūt, & hoc non ob aliam rationē, nisi quia licet res illa, quæ iuramento falso affirmatur leuissima sit, iniuria tamen, quæ fit creatori, dum in testem falsi vocatur, res grauissima est; ergo similiter, licet illa satisfactio, quæ omittitur res leuissima sit, iniuria tamen, quæ fit sacramento, dum mutilum volūtariè redditur, grauissima est. Confirmatur hoc, quia, vt communis docet sententia, verba illa consecrandi calicis: *Noui, & æterni testamenti, &c.* non sunt de essentia consecrationis, sed solum de integritate, & perfectione, & tamen omnes volunt, quod si relinquuntur peccatum mortale sit, & in tantum volunt quod relinquere particulam enim nō sit mortale, quia neque de essentia consecrationis est, neque de eius integritate. Item si quis dimidiū canonis relinquat, mortaliter peccat, vt omnes tradunt (cū tamē in se materia parua sit) & hoc non ob aliam rationē, nisi quia prout canonis materia, grauis censetur, cum tamen nec ad essentiam sacra-

mēti pertineat, nec ad integritatem illius, & si fiat comparatio inter *communicantes* v.g. & vnum *miserere*, quod sit pœnitentia sacramentalis, videbitur quod illud *miserere* sit materia grauior, quam sit ipsum *communicantes*.

Nota tamen cum eodem Nugno, quod licet relinquere paruum satisfactionem sit peccatum mortale ob traditas rationes, non tamen erit peccatum mortale aliquam eiusdem satisfactionis relinquere partem etiam si alias sit maior, quam integra pœnitentia leuis, quia tunc mutilum non redditur sacramentum, & quia materiæ grauitas non semper ex rei quantitate metitur, sed formaliter, vel ex sui necessitate quandoque accipitur, vt in præsentī contingit.

Tertia difficultas, an pœnitentia debeat ab ipso pœnitente poni, an vero possit etiā poni per alium? Certum est non posse, sua sponte, pœnitentem, alium substituere, qui pœnitentiam sibi impositam perfoluat. Colligitur hoc ex Tridentino sess. 14. c. 3. &

can. 4. vbi definitur quod huius sacramenti partes sint actus ipsius pœnitentis nempe contritio, Confessio, & satisfactio, ac proinde satisfactio non potest per alium, saltem pœnitentis sponte electū executioni mandari. & ratio esse videtur, quia sacramentalis satisfactio, opus personale est, ac proinde non potest per aliū poni; sicut enim non potest quis audire Missā per alium, ieiunare per aliū, recitare officium per alium, ita nec satisfacere per alium. Difficultas ergo est, an ex Confessarij facultate possit quis satisfacere; vt si confessarius sic pœnitentiā imponat *ieiunabis semel pro tuorum satisfactione peccatorū si id præstare poteris, secus id per aliū præstabis*.

Affirmat Suarez disput. 38. sect. 9, At melius negat Vasquez q. 54. art. 2. dnb. 1. nu. 10. Coninchus disput. 10. nu. 66. & 82. Lugo disput. 25. nu. 82. & alij: Probatur 1. ex Sacri Tridentini Concilij verbis supra relatis, dum dicit partes sacramenti Pœnitentiæ esse ipsius pœnitentis actus, nempe

nempe contritionem, Confessionem, & satisfactionem? Secundò quia satisfactio poni debet, ex confessarij præcepto; atqui ille, cui ego meam committo satisfactionem peragendam, illam non ponit ex Confessarij præcepto, sed ex mea iussione, & commissione; ergo illa nequit esse satisfactio sacramentalis, suum produciens effectum ex opere operato. Aduerte hic vnum hanc sententiam procedere de illis operibus, quæ solius sunt poenitentis, vt ieiunium oratio, auditio sacri, secus de illis, quæ per alios fieri solent vt datio eleemosinæ per seruum, nam si de istis loquimur operibus, certum est per alium fieri posse; vnde eleemosina per seruum data ex Domini imperio sacramentalis est, & ratio discriminis est, quia in istis operibus seruus v.g. vt purum se habet instrumentum, & actio instrumenti, actio censetur principalis agentis, & quod per instrumentum facimus per nos ipsos facere censetur: At vero in ieiunio v.g. non sic res se habet, nam ieiunium non di-

citur iubentis, sed ieiunantis; nullus namque ieiunare dicitur, quia alius pro se ieiunat.

Quarta difficultas, an qui tenebatur tali sabbato ieiunare ob poenitentiam à confessario datam, si id obliuiscatur teneatur postea alio sabbato ieiunare, an non?

Respondetur debere alio sabbato ieiunare: nisi aliud constet de confessarij intentione, quod fuerit illi sabbato alligata, & voluerit illud ieiunium vt illius dici pondus, secus si non constet, quia cõmuniter præsumitur, sic suam nõ alligere intentionem. Adhuc tamen aliqui, posse aliaferia ieiunare, quia illa circũstantia leuis videtur.

Sexta difficultas, an qui per mensem habuit poenitentiam audiendi sacrum, festiuis diebus teneatur duos audire? Respondetur negatiuè quia vnica auditione vtrique præcepto satisfieri potest. Sicut enim, vt N. Lezzana docet V. indul. 9. potest quis eodem opere varias lucrari indulgentias, vt eadem corona, eadem communione po-

test

rest lucrari indulgentias V. sanctorum S. Caroli, &c. & varijs applicare defunctis, sibi enim vna sufficit ita eadem sacri auditione potest quis satisfacere præcepto Ecclesiæ, & confessarij. Et sicut potest, quis eadem die plures lucrari indulgentias pluries visitando Ecclesiam, vel altare &c. siue indulgentia perpetua sit, siue non, quando indulgentia conceditur illimitatè talè visitanti Ecclesiam, vel talè recitanti orationem, ita &c. Benè verum est, vt hoc obiter dicatur, quod Urbanus Octauus in indulgentiarum formulis apposuit illa verba: *volumus autè si alias pro Christi fidelibus in quocunque anni die dictam Ecclesiam, siue capellam, aut altare in ea situm visitantibus aliam indulgentiam &c. concesserimus presentes nulla sint* vbi notanda venit illa particula *econcesserimus*, quæ non ad aliorum Pontificum indulgentias refertur, sed ad proprias; de hoc tamen suo loco.

Septima difficultas, an si Confessarius imponat pro pœnitentia dationem elemosi-

næ pauperibus, satisfaciatur pœnitens si illam largiatur parètibz suis, domesticis &c. si pauperes sint, & aliunde eos alere teneatur? Respondetur affirmatiuè, quia benigna interpretatione censetur, confessarium, tali elemosina, contentum esse, etiam si alias ex charitatis præcepto eos pœnitens alere teneatur; quod enim quis teneatur alere parentes extremò indigentes, vel grauiter, nihil facit, ad hoc, vt Confessarij præcepto satisfaciatur de danda elemosina; alioqui neque satisfaceret dando extremè indigenti, quia etiam istum pœnitens ex Charitate alere tenetur Ita Leander de Pœnit. q. 47. qui addit, quod qui ex confessarij præcepto integrè tenetur recitare Rosarium, potest illud diuidere & tribus recitare diebus. Item illum cui iniunctum est in pœnitentiâ, vt quotidie per vnum annum, mensem, vel hebdomadam, Psalmos, vel coronam recitet, satisfacit si vno, vel duobus, vel tribus recitet diebus, ratio est, quia in pœnitentis, vel satisfactionibus melius

per

per se est præuenire, quam postponere; hanc sententiam libentius admitterem si satisfactio pro animabus Purgatorii esset facienda.

Octaua difficultas, an qui tenetur ob poenitentiam Sanctorum litanias recitare, teneatur recitare preces, & orationes? Respondetur negatiuè, nomine namque litaniarum, preces, & orationes non veniunt, cum sint res distinctæ, & separabiles, litanie enim propriè, Sanctorum sunt inuocationes: puto tamen venire liberationes, & rogationes vsque ad pater noster, quia videntur eandem continuare orationem. Putat etià Leander q. 73 posse poenitentem suam poenitentiam, quando est res recitanda vocaliter, vt litanie, corona, &c. mentaliter recitare posse, quia putat poenitentem sua sponte posse (saltem in melius) suam poenitentiam commutare, de quo postea.

Nona difficultas, an poenitens, qui tenetur ex poenitentia recitare B. V. coronam, satisfaciat recitando eiusdem Virginis officiū, quod ex de-

uotione solet recitare? Affirmatiuè respondet Bonacina apud Dianam de sacram. resol. 106. & rationem assignat, quia poenitentiae obligatio cessat non solum per indulgentias, verum etiam per remissionem poenae, alia via obtentam, vt per alia opera satisfactoria; hanc sententiam limitat Diana, vt non procedat de poenitentia medicinali; Vnde inferunt, quod sicut nō tenetur poenitens poenitentiam exequi, quando poenas peccatis dubitas per indulgentiam cassat; ita quando easdem poenas cassat per alia opera satisfactoria. Sed hæc sententia non placet, quia licet iste re vera ponat æqualiter satisfactiuum, negari tamen non potest, quod tunc non ponat sacramentum mutilum, & imperfectum, quod fieri nullo modo debet: deinde satisfactio sacramentalis non solum facit poenae remissionem, verum etiam gratiæ infusionem, quod alia opera satisfactoria non præstant. Sed de hoc infra, de indulgentiis.

Decima difficultas, an poenitens peccet differendo poenitentiam?

nitentiâ? Dico primò: *quando Confessarius non limitauit pœnitentiæ tempus, sed absolute pœnitentiæ imposuit, potest ad annũ differri*. Ita N. Thomas à Iesù in tribunali conscientię trac. 3. c. 2. dub. 9. & alij apud Dianam p. 3. tract. 5. resol. 15. & p. 10. tract. 12. resol. 41. Et ratio est, quia sicut quis commissum peccatum non tenetur statim confiteri, sed potest confessionem per annum differre; ita & satisfactionem illimitatam differre potest. Dico secundo: *quando Confessarius limitauit pœnitentiæ ad hebdomadam, vel mensem posse differri per aliquod dies*; vt si quis teneatur quolibet mense communicare, si differat per 6. vel 8. dies non est peccatum graue, imò neque leue si ex aliqua causa id fiat, vt quia est aliquod festũ, vel indulgentia, &c. Si teneatur communicare per singulas hebdomadas non erit peccatum graue si differat per duos, vel tres dies, & nullum peccatum erit si ex causa id fiat. Dico tertiò: *quando Confessarius determinat diem, ita vt opus alligetur diei; differri*

nō potest, sicut præcepta Ecclesiæ alligata diei differri non possunt, vt ieiunium, officium diuinum, Missa, &c. obseruandum tamen est, quod licet Confessarij præceptum aliquando videatur diei affixum, vt cum dicit *recitabis die Sabati coronam in honorem B. V. ieiunabis feria 6. in honore passionis Dominicæ*; tamen nō est, sed attendit positiuè ad operis substantiam magis, quam ad tēporis determinationem; & quā ad B. V. & passionis Dominicæ honore, & tunc peccatũ saltē graue, nō erit illa opera differre; tunc autem Confessarij præceptum est fixum, alligatumque diei, quādo potissimè diem intendit; vt si dicat: *in honorem diei veneris in quo Christi passio exequuta est, ieiunabis &c.* similiter si dicat: *In honorem diei Sabati, qui est dies Virgini dicatus coronam B. V. recitabis, &c.* Præstat hoc scire, quia quando pœnitentiæ priori modo imponitur, si tūc non impleatur, impleri potest debet. At verò quando posteriori modo, nulla est obligatio ponendi illam, quantũ est ex Confessarij præcepto, quia

quia cum opus dici alligatū præcitur, illo transacto obligatio cessat, ut patet de officio diuino, ieiunio, &c. Licet quantum ad præceptum diuinum de non ponendo sacramentum mutilū, poni debeat.

Vndecima difficultas est, an poenitens, qui tenetur recitare coram tali imagine, satisfaciat recitando alibi, & qui tenetur recitare flexis genibus, teneatur sic recitare, an vero id possit alio modo exequi? Respondet Vega apud Dianam de sacram. affirmatiuè, quia substantiam, non cir-

cumstantiam operis attendit Confessarius. Sed distinguendum est; nam aliquando circumstantia transit in substantiam operis, aliquando pura remanet circumstantia: tunc transit in operis substantiam (quātum ad præsens attinet) quando Confessarius illā apposuit. quia aduertit illam nō esse minus poenalem, quam opus ipsum, secus quādo parum poenalis est. Vnde videmus aliquos velle potius plures recitare coronas ambulantes, vel sedentes, quam vnā genibus flexis.

Q V A E S T I O V.

Quis possit poenitentiam commutare sacramentalem.

DE pluribus queri potest, an possint poenitentia commutare? ut de poenitente ipso, Confessario proprio, seu eo qui confessionem audiuit, & extraneo, qui nimirum confessionem non audiuit.

Queritur ergo primò, an poenitens ipse, suam possit commutare poenitentia, in melius?

Affirmatiuè respondent plures apud Dianā p. 1. tract. 15. & 1. miscell. resol. 53. & de sacram. resol. item 53 & p. 10; tract. 16. resol. 25. ratio potissima huius sententiae est, quia quoties quis abundantiorē offert pro debito solutionem, ad quam ex lege, vel præcepto est adstrictus, legem, vel

V u u præ-

præceptum non soluit, sed abundantius implet; nec censendum est nouam legem, pœnitentem sibi propria imponere auctoritate, mutando pœnitentiam, nec iudicij actû exercere, & iurisdictionis, sed legem, vel Confessarij præceptum vberius, & abundantius implere. Verior tamen, & communior sententia oppositum tenet. Vnde dico *non posse pœnitentem suam, etiam in melius, commutare pœnitentiã.* Iste est fidelium vsus, & sensus, vt videre est apud Sanchez in præcepta lib. 4. c. 11. num. 36.

Probatur conclusio, quia pœnitentiæ commutatio est actio sacramentalis, & iurisdictionis actus, ipsius Confessarij proprius, tanquam superioris, & iudicis; sed pœnitens erga se ipsum nullâ potest sacramentalem exercere actionem; nullam habet in se spirituales iurisdictione, non est sibi met ipsi iudex, & superior, ergo non potest suâ pœnitentiam commutare.

Sed dices; Quoniam vouens potest suum votum in melius commutare, & tamen vouens

præcisè spirituales non habet iurisdictionem, non est sibi superior, &c. ergo etiam poterit, pœnitens suâ in melius commutare pœnitentiã, etiam si spirituales non habeat in se ipsum iurisdictione, nec superioritatem. Nam respondetur diuersam esse voti, & satisfactionis rationem; nâ votum est obligatio, quam sibi vouens imponit, in gratiam illius, cui votum dirigitur; ac proinde si vouens iudicat se magis placere illi, cui votum ordinatur, per opus melius in illud potest votum suum commutare. At vero pœnitentia, est opus præceptum, obediendi includens exercitiû; atqui non est obediendi exercitiû vbi homo pro suo operatur iudicio, & pro sua voluntate, non pro iudicio, & voluntate superioris. Si enim semel ille cui præceptum factum est posset illud in melius commutare, multa sequerentur inconuenientia, posset namq; quis ieiunium sibi præceptum, in Missæ auditionem commutare, vel in aliud opus melius; posset quis diuinum commutare officium in vnâ communionem

riorem cum hæc absolutè sit melior, & sic deinceps; per quæ pater quid dicendum sit ad potissimam sententiæ oppositæ rationem: præcipiens namque rem præceptam requirit, non meliorem: nec verum est, quod abundantiùs legem, vel præceptum implet, qui abundantior pro debito offert solutionem, cum præcepti natura, & legis rem præceptam exigat, nec subditi voluntati relinquit, quod aliam offerat etiâ meliorem.

Quæritur secundo, an idem Confessarius, qui confessione audiuit, possit poenitentiam commutare? Est certum posse Confessarium poenitentiam commutare intra eandem confessionem, seu durante eodem tribunali, & iudicio; imò etiâ certum est id posse facere in alia confessione, dummodo recordetur confessionis, vel status poenitentis; an autem quando nullo modo recordatur nec confessionis, nec peccatorum, saltem in confusò, nec status poenitentis, ex mox subiiciendis patebit.

Difficultas ergo præsens ad hoc reuocatur, an idem Con-

fessarius possit poenitentiam commutare extra confessionem, siue parum, siue longum tempus transierit? Aliqui volunt posse quidem eundem Confessarium poenitentiam extra confessionem commutare, sed non post longum tempus, sed intra tres, vel 4. vel ad summum 8. dies; & rationem assignant, quia ad hoc, ut hæc fiat commutatio, oportet, quod secunda poenitentia, ut sit sacramentalis aliquam habeat cum sacramento unionem; atqui illam habere non potest post longum tempus; ergo &c. Ego quidem existimo requiri, ut fiat poenitentiae commutatio, & illa secunda sit verè sacramentalis, & vim suam habeat ex opere operato, quod aliquam habeat cum sacramento unionem, alioqui si nullam haberet, ab ipso vim suam participare non posset; certum namque est satisfactionem vim suam habere à sacramento cum ab eo eleuetur, ut ex opere operato satisfaciatur. Sed etiâ existimo posse talem unionem habere, etiam post longum tempus, ad quod sufficit, quod actio commutativa ad præ-

ritam referatur cōfessionem , & in illius virtute fiat, pro quo requiritur quod Confessarius aliquam saltem cōfusam habeat confessionis notiā , vel ex peccatorum saltem confusa memoria, vel datę pœnitentię, vel status pœnitentis, &c. Si enim satisfactio post longum tempus posita , suam habet cum sacramento vnionem, cum tūc temporis illud compleat, & perficiat , quare etiam illa secunda pœnitentia suam non poterit habere vnionem cum eodem sacramento, præsertim cum cēscatur adhuc virtualiter durare, cum adhuc satisfactio posita non sit; & sic, si virtualiter adhuc durat, in virtute illius poterit secunda satisfactio virtutem habere, & sacramentalem esse , quamdiu namque satisfactio posita nō est, adhuc sacramentale iudicium renouari potest, ac subinde saltem virtualiter durat, suam expectans vt ita dicā renouationē.

Quæres tertio, an alius Confessarius possit pœnitentiam mutare, vel minuere? Aliqui negant id fieri posse, vt Vasquez q. 94. ar. 2. dub. 3. Ledes-

ma to. 1 tract. de pœnit. c. 23. concl. 8. dub. 2. & alij, ea ratione, quia par in parem non habet imperium, *L. ille à quo S. tempestiuum, ff. ad Trebell.* & quia ad retractandam, seu reuocandam vnus iudicis sententiā, superior per viam appellationis adiri debet, quia æqualis id facere nequit *cap. dilectus 2. de rescriptis. & c. vt debitus honor, de appellat. & L. si quis aduersus, C. de precibus Imper. offer.* Hæc tamen ratio non probat, quia secundus sacerdos pœnitentiā commutans nullum exercet imperiū in primū Sacerdotem, sed in pœnitentem, nec prioris reuocat Sacerdotis sententiā, sed suam profert, non ad derogandum prius iudicium, sed ad pœnitentis indigentiam cōsulendum, in cuius fauorem, & sacramentum, & pœnitentię iteratio concessa est. Vt verum fatear, hæc sententia scholasticè semper mihi visa est probabilior, quam etiam defendit Nugnus q. 13. dub. 4. & ratio est, quia vel iste secundus Confessarius talem facit commutationem in sacramento, vel extra, neutrum videtur

detur scholasticè sustinendum; ergo. Minorem ostêdo; nam si illam facit commutationem intra sacramentum, sequitur, quod illa pœnitētia non sit satisfactio sacramentalis illius sacramenti, cuius erat pœnitentia mutata, sed novi sacramenti; cum enim, vt præcedenti quæsito dicebatur, pœnitentia mutari non possit in aliam sacramentalē, nisi aliquam habeat cum suo sacramento vnionem, ad quā requiritur, quod commutans, commutatiuam actionem ad sacramentum illud referat, ad quod requiritur aliqua saltē confusa illius cognitio, quam eum non habeat secūds Sacerdos, debet illi dari per peccatorum nouam confessionē, ac proinde nouum fiet sacramentum, & sic ista satisfactio non erit illius antiquæ mutatio, sed noua, huius noui sacramenti, & sic illud primum sacramentum non manebit integrum, sed mutilum, & imperfectum; quod licet concedat Lugo nu. 102 grande ramen inconueniens est, vt supra dicebatur, cū hoc sit contra præceptum diuinū de sa-

cramentorū integritate. Maneat ergo non posse fieri talē commutationem intra sacramentum, cum tunc illa satisfactio non priori corresponderet sacramēto, sed huic præsentī; nec ab illa suam acciperet virtutē, sed ab isto. Neque etiam talis mutatio fieri potest ab isto secundo Sacerdote extra sacramētum, quia cum satisfactio sacramentalis sit, extra sacramentum poni non potest. Tum quia Sacerdos, nullam proferre potest sententiam, nullum iudicium in pœnitentem extra sacramentum; cum hoc fiat potestate clauium; vnde sicut is e secundus Sacerdos non habet potestatem absolendi extra sacramentum, ita neque ligandi; & sic pœnitentem ligare non poterit ad nouam ponendam satisfactionem extra sacramentum.

Dixi præcedentem sententiam scholasticè, semper mihi fuisse visam probabiliorē; quia practicè recedendū non est à contraria sentētia, quod nimirum secundus Confessarius possit intra sacramētum, eam facere mutationem; dixi

in-

intra sacramentum, quia mihi eorum non placet sententia, apud Dianā to. 1. tract. 15. resol. 3. qui dicunt secundū Confessarium, etiam extra sacramentum illam posse facere mutationem, ut modo dicebamus. Præticè ergo hæc secunda sententia sequenda est, quia saltem ex principio extrinseco probabilis est, illā enim sequuntur Theologi cōmuniter, illis paucis exceptis, qui pro prima sententia sunt vocati. Tum quia iste est cōmunis Confessariorum usus, & fidelium sensus. Ad rationem pro præcedenti sententiā adductam, responderi potest (ut est probabilis multorum sententia, apud Dianam ubi supra) non debere pœnitentem de nouo illa peccata cōfiteri, ut satisfactionis recipiat mutationē, sed sufficere, quod illi dicat in confessione illam satisfactionem quam vult cōmutari, per quam sufficienter cognoscit secundus Confessarius, primam peccatorum confessionem, & per illam referre potest ad primū sacramentum, actionem commutatiuam, & pœnitentiam ipsā;

non est autem necesse, quod ista formaliter intendātur, sed sufficit quod virtualiter.

Vnum dubiū mouet Diana ibidem, an secundus Cōfessarius, qui non habet potestatem absoluendi à reseruatis, super quibus pœnitentia data est à superiore potente illa tollere, possit adhuc pœnitentiam illam commutare? & affirmatiuè cū alijs responderet, quia in primis per absolutionē reseruatō ablata est; & etiā quis licet peccata reseruata fuerint, pœnitentia tamen imposita reseruata non manet.

Quæres vltimò, an pœnitentia præseruatiua commutari possit? Respondetur affirmatiuè, in aliam nimirū præseruatiuam, imò etiam in aliā non præseruatiuam, quando illius necessitas cessauit, vel alio modo prouideri potest. Addunt aliqui posse etiā tolli, quando eius necessitas ablata est, vel alio modo prouideri potest, secus esset si talis pœnitentia, esset non solum præseruatiua, verum etiam satisfactoria, ut communiter contingit.

DISPV.

DISPUTATIO

DECIMA TERTIA

De indulgentijs.

Indulgentiæ nomen capitur aliquando in mala parte, pro nimia, videlicet, facilitate, vel condonandi pœnam; quomodo iudex, vel superior non puniēs subditorum transgressionēs, quando id facere deberet, indulgens vocatur: vel etiam pro nimia facilitate Prælati concedendi subditis, quod petunt, etiam contra religionis obseruantiam. Aliquando etiam indulgentiæ nomen accipitur pro discreta facilitate vel ad relaxandam pœnam, vel ad concedendum subditis, quod rationabiliter petunt. Vnde malè dixit Laurentius Valla lib. 4, elegantiarum, malè facere Theologos dum hoc nomine in bonâ vtuntur partem, cum non solum Theologi, & Sancti Petres vt D. Cyprianus Epist. ad

Iouinianum: D. Hierony. in c. 4. Donialis: D. Augustinus in Psal. 101. & alij, verû etiam Ecclesia ipsa non infrequenter eo vtatur nomine in bonam partem, vt in multis collectis videre licet. Ergo Theologi, & nos cum illis dū hoc vtuntur nomine in præfenti materia, in bonam partem vtuntur pro discreta scilicet pœnæ relaxatione peccatis debitæ, quæ discreta relaxatio ex opere dicitur operato, quia maiorem remittit pœnam, vi sua, & applicatione, quam propriæ correspondeat satisfactioni. Igitur per indulgentiam, intelligimus modum obtinendi pœnæ temporalis remissionem, absque propria peccatoris satisfactione, vel satisfatione. qui modus communis est viuis, & defunctis, sicut & modus

duſ ſubueniendi alijs per ſuffragia ; licet differant in hoc, quod ſuffragia , priuata , & particulari, offerri poſſunt poſtulate , indulgentiæ vero nō

niſi publica , cum iuriſdictio ad id requiratur . Vt autem hæc materia maneat explicata ſit .

Q V A E S T I O I.

An ſit indulgentia , & quid ſit : Vbi aliquæ curioſæ difficultates explicantur .

Primi , qui indulgentias negauerunt fuere Vualdenſes, qui pauperes de Lugduno dicebantur . Poſt Vualdens illas negauit Vuicleph. Poſt hunc Ioannes Huſ. Et vltimo Martinus Lutherus , qui primò indulgentias vocabat , *pias fidelium fraudes* , & eas nihil Purgatorijs animabus prodeſſe . Poſtea vero vocauit illas , *impiſſimas Pontificum fraudes* .

Noſtra ſententia ſequenti explicatur conſuſione . *Datur indulgentia ; ſeu in Eccleſia eſt poteſtas concedendi indulgentias tam viujs , quam deſunſtis* . Hæc conſuſio eſt de ſid :

Probatur primò ex illo

Matt. 16. & 18. & Ioan. 20. *Quorum remiſeritis peccata remittuntur eis ? Et : quodcūque ligaueris ſuper terram eris ligatum , & in cœlis , & quodcūque ſolueris ſuper terram erit ſolutum , & in cœlis* . Quorum verborum planus ſenſus eſt , quod in Eccleſia ſit poteſtas remittendi peccata perfectè , nempe , & quoad culpam , & quoad pœnā , quoad culpā per ſacramenta ; quoad pœnam per indulgentias ; ſi enim illa verba de ſolo procederent pœnitentiæ ſacramēto , cum hoc per ſe culpam , non pœnam , ſaltem totam non habeat relaxare , integra non eſſet in Eccleſia poteſtas auferendi , ſeu delendi pec-

cata

cata perfectè, & absolutè, ve illa verba sonant, cum absolutè, de peccatorum remissione procedant. Plura alia Sacræ scripture loca adducuntur in huius veritatis confirmationem, quæ causa breuitatis omitto, videri tamen possunt in controuersistiis.

Probatur secundò ex Conciliorum definitionibus, definita namque est hæc veritas in Concilio Constantiensi in Bulla Martini V. & in Tridentino sess. 25. in decreto speciali de indulgentiis: vbi sic definitur: *Cum potestas conferendi indulgentias à Christo Ecclesiæ concessa sit, atque huiusmodi potestate diuinitus sibi tradita, antiquissimis etiam temporibus illa, vsa fuerit: sacrosancta synodus indulgentiarum usum, Christiano populo maximè salutarem, & sacrorum Conciliorum auctoritate probatum, in Ecclesiâ retinendum esse docet. & precipit; eisque anathemate damnas, qui aut inutiles esse asserunt, vel eas concedendi in Ecclesiâ potestatem esse negant.*

Sed obieciens primò, si indulgentiarum vsus verè daretur;

homines tardiores efficerentur, & negligentiores, & tepidiores ad opera virtutum exercenda, quibus suorum pœnas peccatorum relaxaret, ob spem obtinendæ relaxationis per indulgentias, atqui hoc absolum videtur; ergo.

Respondetur quod ex indulgentiarum vsu homines non fiunt tepidiores per se loquendo, sed feruentiores, quia occasione lucrandæ indulgentiæ, crescit deuotio, & Charitas erga Deum, & Sanctos, & obedientia, & reuerentia erga Pontificem, cui Deus non dedit bona temporalia distribuenda, sed maxime spiritualia. Benè verum est, quod in principio nascētis Ecclesiæ indulgentiarum vsus non erat ita frequens, quia non erat ita necessarius, cum tunc temporis fideles, essent feruentiores, & robustiores in spiritu, & sic minus poenæ esset per indulgentias relaxandum, & modo merito frequentiores conceduntur à Pontificibus indulgentiæ, quia fideles sunt tepidiores, & parum poenitentes, ac proinde indulgentiis iuuari debent.

Xxx Obij.

Obijcies secundò. Si Ecclesia haberet potestatem concedendi indulgentias, deberet hæc potestas esse, vel ordinis, vel iurisdictionis, vel utriusque simul; Atqui non est; ergo illam Ecclesia non habet. Quod non sit ordinis probatur, quia videmus Cardinales non presbyteros ex Pontificis commissione indulgentias facere. Quod neque sit iurisdictionis patet, quia sicut in religionis Prælato eleemosinas facere, providere, vel curare infirmos non est actus iurisdictionis, sed est actus curæ pastoralis, ita in Pontifice non erit actus iurisdictionis, sed curæ pastoralis. Neque utriusque simul, ut patet, ergo.

Respondetur potestatem Ecclesiæ faciendi indulgentias esse iurisdictionis spiritualis, quam habet à Christo, & hæc potestas non est ad ligandum, sed ad soluendum. Per quæ patet differentia inter potestatem iurisdictionis ad absoluendum à culpa pœnitentem, & ad ipsum liberandum à pœna per indulgentiâ; potestas namque absoluendi

licet sit iurisdictionis, supponit tamé potestatem ordinis, ut alibi docuimus; at vero potestas concedendi indulgentias, est pura iurisdictionis potestas. Deinde licet potestas absoluendi à culpa, aliquam faciat absolutionem à pœna, hæc tamen absolutio, non est indulgentia, sed potius satisfactio, & punitio; non enim illam facit per se primò, sed secundariò, & consequenter, & per modum punitiois, non remissionis &c.

Quid autem sit indulgentia, seu quænam sit eius definitio, variè sunt Theologorum sententiæ, & variè definitur. Celebris apud modernos, est P. Suarez definitio, quod indulgentia sit; *quidam actus spiritualis iurisdictionis, quo peccator in foro Dei liberatur à reatu pœna temporalis extra sacramentum*. Sed hæc definitio non videtur indulgentiæ definitio, sed spiritualis potestatis in concedente existētis, qua indulgentiâ facit pœnarum, indulgentia enim non est actus concedentis illam, seu actus illius iurisdictionis, vel potestatis, qua concedens

illam

illam concedit? nō est indulgentia in genere actionis, sed passionis; non est indulgentia in concedente (licet sit actus quo conceditur) sed in recipiente; nullus vnquam dixit, quod concedens indulgentiam, illam recipiat: *actus spiritualis iurisdictionis*, non est indulgentia, sed indulgentiā causat.

Hac ergo & alijs relictis definitionibus, sic possumus indulgentiam breuiter definire: Indulgentia est *pœna remissio*; cum enim definitio solo genere, & differentia constare debeat sub duobus tantum nominibus poni debet, vnum stat loco generis, aliud loco differentie; remissio ergo est indulgentiæ genus, quod de omnibus remissionibus prædicatur; *pœna* stat loco differentie; licet enim sint plures pœnæ, absolutè tamē, & simpliciter, & per antonomasiam nomine pœnæ illa venit, quæ peccatis correspondet; aliæ nāq; pœnæ in huius comparatione nomen pœnæ non merentur: ad ista duo nomina, alia, quæ in aliorum ponuntur definitionibus, re-

uocantur; vt quod sit remissio ab habente potestatem; remissio namque absolutè fieri non potest nisi ab potestatem habente: quod fiat ex Ecclesiæ thesauro: certum namque est Ecclesiam alium non habere erarium, nisi satisfactorium Christi, & Sanctorum, quæ Ecclesiæ thesaurum constituunt. Ex sequenti tamen quæstione, magis huius definitionis bonitas elucescet, explicantes an indulgentia sit remissio, seu absolutio, vel pœnæ commutatio; antequā tamen ad illam accedamus, placet aliquas difficultates, curiosas satis, explicare.

Prima difficultas, an melius sit conferre pecuniā in eleemosynam, vel ad lucrandam indulgentiam? Responderetur quod per se loquendo melius est pecuniam dare ad lucrandas indulgentias, quam in eleemosynā, præsertim, quando indulgentia pro defunctis lucratur, quia tunc etiam perfectissima adest eleemosyna: imò etiam quando indulgentia pro se lucratur, nisi aliunde graues sint pauperum necessitates, charitas namque

X x x 2 magis

magis inclinât ad providendum sibi, præsertim in bonis spiritualibus, quam alijs, maximè in temporalibus, quando aliunde necessitas non grassatur.

Secunda difficultas, an perfectius sit velle pœnas proprijs peccatis debitas in Purgatorio soluere, an per indulgentias cassare? videtur enim opus summè perfectionis, nō contentari, huius vitæ pœnis, verum etiam velle, propter Dei amorem, longo etiam tempore, pati in Purgatorio? Respondetur esse quidem actum perfectionis, velle pati in Purgatorio, & velle peccatorum pœnas ibidem soluere, sed non ob id cessare debemus à boni operis exerci-

tio, vnde ob patiendi in Purgatorio, desiderio, non debemus indulgentias relinquere, ne liberalem Dei largitatem contemnere videamur.

Tertia difficultas, an remissio pœnæ, quæ per indulgentiam fit, profit, seu valeat solū in foro Ecclesiæ, an etiam in foro Dei, ita quod maneat omnino cassa, & Deus non amplius possit illam pro illo peccato exigere? Respondetur affirmatiuè, & est omnino certum, cum enim hæc pœnæ remissio, fiat per applicationem satisfactionum Christi, & Sæctorum, quæ vim habent maximè in foro Dei, sequitur, quod talis pœnæ remissio pro Dei foro valeat.

Q V A E S T I O II.

*An indulgentiæ largitio, sit vera, & iuridica re-
missio, vel absolutio, an solum solutio,
vel pœnæ commutatio.*

Hæc quæstio excitari potest tam de indulgentijs, quæ viuis, quam de illis,

quæ defunctis conceduntur; excitabitur tamen potissimè de illis, quæ viuis conceduntur,

tur, & postea dicitur aliquid de illis, quæ defunctis largiuntur.

Olim defendi indulgentiæ largitionem non esse propriè remissionem, seu iuridicam absolutionem, sed pœnæ commutationem, seu permutationem. Colligebam hoc ex D. Thoma apud Toletum lib. 6. cap. 22. dum dicit: *Indulgentiam esse cōmutationem pœnæ, pro pœnæ*, seu commutationē pœnæ, qua vnius pœnæ, in alterius pœnam mutatur. Pro quo supponebam id quod est omnino certum, vt postea videbitur, Ecclesiæ thesaurum coalescere ex satisfactionibus seu pœnis, quas Christus pro nobis sustinuit, quas sustinuit B. Virgo, & ex pœnis redundantibus Sanctorū: & sic, posito hoc, discurrebam; dum Indulgentia Petro conceditur pœnam debenti vt centum, datur pœna, vel Christi, vel Virginis, vel alicuius Sancti vt centum, ex existentibus in Ecclesiæ thesauro, & sic datur pœna, pro pœnæ; dare autem pœnam pro pœnæ; est cōmutare pœnam pro pœnæ, in quo ratio saluatur iustitiæ,

quæ in pœnarum remissionibus pro foro Dei saluari debet, ne maneant peccata impunita, contra iustitiæ punitivæ rationem. Saluatur inquā iustitiæ ratio, quia in tali commutatione tantū datur, quantum debetur. Non negabam tamen etiam aliqualem interuenire misericordiā, quod exemplo manifestabam: sit enim quispiam debitor, seu damnatus ad triremes, si alius illius loco constituitur, qui talem subeat pœnam, alio dimisso, tunc aliqua intercedit misericordia. in eo quod acceptatur iste, & alius dimittatur, est tamen principalius iustitiā, cum re vera tantum pœnæ detur, quantum debetur. Sicut ergo in allato exemplo non est absolutio, vel remissio, sed pœnæ commutatio, aliquam supponens misericordiā ex parte acceptantis, ita in nostro casu, licet sit aliqua misericordia ex parte Dei acceptantis pœnam pro pœnæ in satisfactionem, est tamē principalius iustitiā, aliquo modo commutativa, cōsistens in permutatione rei, pro re, seu pœnæ pro pœnæ.

Cum

Cum autem remissio, seu absolutio non dicat in suo formali conceptu iustitiam, sed misericordiam, sequitur, quod in ea consistere nequeat indulgentiæ ratio. In foro sacramentali pœnitentiæ, dicitur homo verè absolui à peccatis, quia non ex suis meritis, vel ex eo quod aliquid de suo soluat, sed quia ex Christi meritis per sacramentum applicatis absoluitur misericorditer; absoluitur quis ab excommunicatione, à carcere, à treremium pœna, à morte, &c. quia misericorditer soluitur, & liberatur, nō quia per commutativam iustitiam tantum soluat, quantum debet. Tum quia absolvere, est cōdonare quod debetur; Ecclesia autem talem non habet auctoritatem pœnas peccatis debitas condonandi, cū hoc sit potestatis excellentiæ Christi, Ecclesiæ non communicatæ, solum namq; Ecclesia potestatem habet, per virtutem clauium, applicandi satisfactiones thesauri, vt homines soluantur. Hæc doctrina colligi videtur ex *extrauag. Vnigenitus*, quæ est Clem. VI.

vbi indulgentiarum fundamentum non aliud ponitur, quam thesaurus meritorum Christi, B. Virginis, & Sanctorū, qui thesaurus per Ecclesiam dispensatur, & sic Ecclesia dum indulgentiam cōfert, non absoluit, sed thesaurum dispensat, vel de thesauro soluit, quantum accipiens illam, soluere debet. Armilla V. indulg. num. 6.

Sed modo re melius considerata puto, indulgentiam esse quidem commutationem, seu solutionem, vt hucusque dicta ostendunt sed principaliter esse absolutionem. Pro quo nota, quod in indulgentiæ largitione loqui possumus vel de Deo pœnam acceptante, seu satisfactionem thesauri, pro pœna, vel satisfactione, vel loqui possumus de accipiente indulgentiam, vel de Prælato summo, vel delegato largiente: si loquamur de Deo acceptante, dico quod respectu illius rigorosa nō intercedit iustitia, sed summa liberalitas, & misericordia, quia contentatur pœna filij sui, Virginis, vel sanctorum, pro pœna ipsius rei, & hoc

ma-

maximè attenditur ; si loquamur de ipso indulgentiam recipiente , nulla intercedit iustitia , nulla solutio , nulla cōmutatio ; nihil enim ipse soluit , nihil largitur pro pœna , vel satisfactione , quam exhibere tenetur , sed merè passivè se habet ; si autem loquamur de Ecclesia indulgentiā concedente , negari non potest , 'quin aliqua intercedat iustitia : soluit enim Ecclesia pœnam illam , vel satisfactionem de thesauro suo , quam alter solvere debet : quia tamen hoc totum facit misericorditer , etiam misericordia intercedit , quia tamen hanc misericordiā facit in virtute , & potestate clauium , quæ potestas in duobus illis fundatur principijs : *Quodcūque solueris super terram &c. & quorum remisistis peccata , remittentur eis* , sequitur quod sit remissio iuridica , seu absolutio ; vnde indulgentia dicēda est misericordiosa absolutio , seu remissio , quod ipsum indulgentiæ nomen sonare videtur , indulgere namque relaxare est , quod est nomen misericordiæ , non iu-

stitiæ ; quod innuere videntur Pontifices , dum in indulgentiarum formulis , vel diplomatibus dicere solent : misericorditer indulgemus , & per hæc patet ad obiecta , nihil enim aliud probant , nisi quod in indulgentiarum largitione , etiam aliqua intercedat iustitia , quod nos libenter concedimus. Videatur Caietanus in opus ad Iulii Medicem. & Sotus dist. 21. q. 1. art. 2. concl. 3. Nugnus hic q. 25. art. 1. & alij communiter .

Disputant hic Theologi , an hæc resolutio procedat etiā quoad indulgentias , animabus Purgatorij , concessas ? Respondetur quod non , est communis Theologorum sententia . & ratio est , quia licet indulgentiarum concessio respectu animarū Purgatorij sit vera pœnæ solutio , non tamen est absolutio , seu iuridica remissio : est vera pœnæ solutio . quia Pontifex ex Ecclesiæ thesauro tantum pro illis soluit , quantum solvere debent , non tamen est iuridica remissio , seu absolutio iudicialis , qui iudicialis absolu-

olutio non nisi ad subditos extenditur; in non subditum namque iudicis potestas non extenditur, Atqui purgantes animæ, Pontificiæ non subduntur iurisdictioni; ergo. Sicut enim Pontifex nō potest purgantes animas ligare. neque soluere poterit. Nec valet quod soleat Ecclesia non nūquam defunctos excommunicare, & ab excommunicatione absolueret; Nam in tantum Ecclesia defunctos excommunicare, dicitur, in quantum declarat eos, dum inter viuos degerent excommunicationem incurrisse; aut in quantum viuētibz interdicit communionem cum defuncto, quæ publicis fit orationibus: & intentum absolueret dicitur ab excommunicatione defunctos in quantum permittit viuos cum defunctis communicare; seu publicè pro illis orare, vel oblationes offerre, vel in quantum declarat eos excommunicationem non incurrisse dum inter viuos essent.

Sed petes 1. an clauis potestas, cum Ecclesiastica reincidentat potestate? Respon- detur

quod non; magis namque patet clauium potestas, quam iurisdictionio, seu potestas Ecclesiastica; quod patet, quia clauium potestas ad defunctos se extendit, dum per illā ex Ecclesiæ thesauro pro animabus purgantibus soluit; at vero potestas, seu iurisdictionio Ecclesiastica, nec ad defunctos se extendit, cum non sint subiecti Pontifici, nec ad thesaurum, cum iurisdictionio personam respiciat, non res alias;

Petes 2. quomodo differat respectu defunctorum, indulgentiarum concessio, à satisfactione, qua vnus pro alio satisfacit? Respondetur differre dupliciter. Primò quia indulgentia, publica fit auctoritate, satisfactio vero priuata, vt etiam supra notauimus. Secundò quia indulgentia fit per dispensationem boni communis, ob idque publicam requirit potestatem. At vero satisfactio fit per applicationem boni priuati, ad quam nulla requiritur potestas, sed sola applicantis sufficit voluntas.

Petes tertio, quomodo intelligi-

intelligi debeat cap. *quod autem*, de pœnitentijs, vbi dicitur quod indulgentiæ solis subditis concedantur? Respōdetur quod intelligi debet de illis indulgentijs, quæ prima-

riò per modum absolutionis conceduntur; non de illis, quæ per modum solutionis; hæc namque etiam non subditis, vti sunt animæ purgantes, largiuntur.

QVÆSTIO III.

Quos effectus pariat indulgentia. Vbi aliquæ difficultates resolvuntur.

Non remittit indulgentia peccata mortalia, quia hoc est sacramentorum proprium; nec peccata venialia ratione sui, an autem ratione operis iniuncti, in quantum quod Ecclesia illud eleuat in sacramentale, diximus de sacramentalibus, probauimus enim ibi, id omnino dici debere, alioqui vel raro, vel nunquam quis indulgentiam lucraretur plenariam, vt ibi ostendimus. Neque deseruiunt indulgentiæ ad remissionem pœnæ in foro externo siue Ecclesiastico, siue civili, debita. Neque tollunt pœnitentias medicinales à Confessarijs, pœnitentibus impo-

sitas. Vnde difficultas solum esse potest, an indulgentiæ effectus sit solum remittere illas pœnitentias, quæ à Cōfessarijs iniunguntur, vel secundum antiquos canones iniungi deberent. sed propter fidelium infirmitatē, non amplius iniunguntur, an etiam remittant pœnas, quæ pœnitentijs illis in purgatorio respondēt. Aliqui volunt indulgentias solum remittere pœnas iniunctas, vel quæ secundum antiquos canones iniungi deberent; & ratio horum est, quia indulgentiæ ab Ecclesia inductæ sunt, ob fidelium infirmitatem; videntes namque Pontifices, quod multi non

Yyy exc-

exequabantur pœnitentias à Confessariis iniunctas, prout antiqui statuēbant canones, quia & nimis rigidæ erant, & nimis longæ, quia pro simplici mortali, annos septem pœnitentiæ, imponebant, & pro grauioribus alios plures; qui canones, licet essent accomodati pro prima illa spiritus ætate, quando fidelium seruor ebulliebat, non tamen pro sequentibus, quando seruor remissus, vel ferè extinctus fuit: ideo indulgentiarum vsum, qui ab Apostolis inceperat, ampliarunt Pontifices, & cœperunt concedere tot annos indulgentiarum, quadragenas, quinquagenas de iniunctis, taliter quod qui tales lucrabatur indulgentias non tenebatur illam pœnitentiam iniunctam exequi, secundum quod indulgentiæ correspondebat. Alij volunt quod indulgentiæ non solum relaxēt pœnitentis obligationem de ponenda pœnitentia à Confessario imposita, verum etiā quod verè pœna peccatis debita remittatur ad indulgentiæ mensuram, & sic volunt semper remitti pœnas Purgatorij.

Ve rem hanc clarè, & breuiter explicemus: suppono 1. Summum Pontificem, vel ab ipso delegatum, posse per indulgentias remittere, nomine Dei, ex iusta causa pœnitentias iniunctas, & ratio est, quia Pontifex habet potestatem à Christo ligandi, & soluendi; ergo si potest soluere pœnitentem per indulgentiam, à pœnis peccatis remissis, debitis, poterit etiam eundem pœnitentem soluere, quantum ad hoc; quia licet verum putem, per indulgentiam auferentē peccatorum confessorum pœnas, cessare obligationem ponendi satisfactionem pro illis, cum tunc non sit necesse, per cessationem pœnæ, tamen puto aliunde debere semper aliquam poni, ob integritatem sacramenti; est enim de iure diuino, quod sacramentū voluntariè, & sine necessitate nō ponatur mutilum, vt disput. præcedenti fuit visum. Puto tamen quod quando indulgentia est lucranda, vel iubilæum, possit cōfessarius leues imponere pœnitentias, monendo pœnitentem, vt pro pœnis, peccatis confessis, debitis, indul-

indulgentiam, vel iubileum applicet, vel lucretur. Idem facere poterit, quâdo eundem reperit pœnitentem multis pœnitentijs, in ante factis cōfessionibus, datis, grauatum, tunc enim poterit applicare illarum satisfactionum loco aliquam indulgentiam, vt est indulgentia plenaria salutæ Angelicæ, &c.

Suppono secundò, per indulgentiam semper remitti peccatorum pœnas; & sic, pœnitentem non solum liberari ab iniunctis, verum etiam à pœnis, respondentibus saltē, pœnitentiæ iniunctæ, quæ solui debebant, vel in hac vita, vel in Purgatorio. Hoc certum est inter catholicos, cum enim Ecclesia per indulgentias id facere possit, credendū est de facto id facere, alias per indulgentias potius obesset recipiēti, quam prodesset, nam recipiens accipiēdo indulgentiam liberaretur à Cōfessarij pœnitentia ponenda, non à pœnis, peccatorum cōfessorum, debitis, & si illam indulgentiam non lucraretur, per satisfactionē, vel per pœnitentiæ exequutionē ex ope-

re operato, etiam à pœnis liberaretur. Vnde qui lucratur indulgentiam plenariam omnium pœnarum quas debet, ab omnibus Purgatorii pœnis liberatur, & ab omnibus pœnitentijs iniunctis in puram peccatorum punitionem, non tamen à pœnitentijs iniunctis in remedium, & medicinam peccatorum, nec prout sunt sacramentorum factorum cōplementa. His positis difficultas potissima inter Theologos ad hoc reuocatur, an de facto per indulgentias, quæ sunt in usu, solum pœna remittatur, quæ correspōdet pœnitentijs à Cōfessario iniunctis, an etiam remittatur pœna alijs peccatis correspondens, pro quibus ille pœnitentiæ non sunt iniunctæ.

Prima sententia est, quod sola pœna remittatur, pro qua pœnitentia iniuncta fuit. Ita Caietanus opusc. de indulg. cap. 2. & 7. Petrus Soto lect 2. Durāndus, Paludanus, & Adrianus, apud Suarez disput. 50. sect. 3. nu. 2.

Secunda sententia est, quod indulgentia ad vtranque pœnam extendatur. Hanc sequi-

tur Suarez, post alios quosdā quos pro se refert.

Nostra sententia sequenti explicatur cōclusionē. *Quando in indulgentiæ concessione declaratur, esse pro iniunctis pœnitentis, solum pœnæ debite illis peccatis, pro quibus pœnitentia iniuncta sunt delentur: quando vero indulgentia absolute conceditur, & pœnæ debite illis peccatis, pro quibus pœnitentia iniuncta sunt remittuntur, & etiam ille, quæ alijs peccatis pro quibus ille pœnitentia iniuncta non sunt.* Hanc sententiam sequitur Dominicus Sotus, Nauar. Ledesma, Corduba apud Suarez supra, & communiter moderni, & ita declarasse dicitur Pius V. priuatim interrogatus. Hæc cōclusio ex se clara est, cum sit conformis indulgentiarum formulis, quibus standum est, nisi de opposito clarissimè cōstat, & etiam conveniat cum communi dicto, quod indulgentiæ, tantum valent, quantum sonant. Sed ut hæc difficultas vndequaue soluta maneat, aliquas proponamus difficultates.

Prima difficultas est, an ad

hoc, quod indulgentia suum producat effectū requiratur, quod qui illam lucratur sit in gratia? Conueniunt ferè omnes Theologi, quod ad hoc, quod indulgentia suum producat effectum, non requiritur gratiæ status, pro eo tempore, quo præscripta opera, saltem omnia exequuntur, ut patet in Iubileo; nō enim necesse est quod lucrans illud, in hebdomadæ principio quando incipit præstare opera designata; ut visitare Ecclesias, facere eleemosynam, &c. sit in gratia, alioqui deberet primum opus faciendum esse cōfessio; vnde videmus, quod fideles relinquunt pro ultimo opere confessionem, & communionem. Et huius rei ratio est, quia indulgentiæ effectus, non causatur ex opere, quod Pontifex præscribit, sed ex satisfactionibus Christi, & Sāctorum; ergo quamuis illud opus fiat in statu peccati, ac proinde satisfactorium nō sit, indulgentia obtinebitur.

Tempus autem quo indulgentia causatur, est illud instantans, in quo verum est dicere nunc omnia operæ præscripta, sunt

sunt perfecta ; an autem hoc instans sit intrinsecum, vel extrinsecum diximus de *sacram. in genere* ; vnde si concedatur indulgentia ieiunantibus feria sexta, vel sabbato, cum primum dies censetur elapsa, indulgentia lucratur, licet lucrans tunc de ea non cogitet. An autem opus præscriptum debeat esse bonum, & quomodo, sequenti difficultate dicitur.

Difficultas ergo præsens stat in hoc, an gratiæ status requiratur ad hoc ut indulgentia ipsa lucretur. Vt nostram intelligas resolutionem nota; quod sicut in sacramentis aliud est suscipere sacramentum, & effectum simul, & aliud est suscipere sacramentum tantum; ita in præsentis aliud est suscipere indulgentiam, & effectum eius, nempe poenæ remissionem, & aliud est suscipere indulgentiam tantum. Hoc posito. Dico primò: *ad hoc, quod indulgentia recipiatur, & effectus eius, gratia status requiritur*; ratio est, quia poena non remittitur inimico, ut supra de satisfactione docuimus, nec relaxatur poena,

culpa remanente, sicut in sacramentis, non ponitur sacramentum cum suo effectu, peccato durante. Dico secundò: *potest quis indulgentiam recipere sine suo effectu; sine gratia statu; sicut sacramenta quando informia recipiuntur*. Procedit conclusio in duplici casu. Primus quando contritio, & confessio non petuntur à Pontifice; tunc enim qui requisita præstat in mortali, indulgentiam lucratur, non tamen effectum eius, qui effectus postea produceretur obice sublato. ad eum modum quo sacramentum informe suum producit effectum, ablato obice: manet autem illa indulgentia in aliqua determinatione, eo modo proportionali, quo diximus manere sacramenta in formia; vel dicitur indulgentia acquisita manere ratione iuris acquisiti ex operum illorum positione, &c. Secundus casus quando præscribitur quidem confessio, & contritio, sed homo bona fide credit nihil contritioni, vel confessioni defuisse; licet enim tunc propter defectum occultum, & inculpabile,

gra-

gratia non recipiatur, recipitur tamen indulgentia, cum non sit credibile, piam matrem Ecclesiam, velle hominem illum, bona fide procedentem, Ecclesiæ thesauro priuare. Nō lucraretur tamen indulgentia, quando contritio, & confessio exigenter tanquam dispositio ad indulgentiam, & quis ex proposito, vel ex obliuione illa relinqueret. Dixi quando exigenter tanquam dispositio ad indulgentiam, quia quando vt purum opus ponendum, præscriberentur, adhuc indulgentia lucraretur, sicut lucratur in duobus casibus dictis.

Secunda difficultas, an ad hoc quod indulgentia suum producat effectum, requiratur quod opus præscriptum sit bonum moraliter, & in indiuiduo? Ex præcedentis difficultatis resolutione patet hoc nō esse necesse, si enim fieri potest in statu peccati mortalis, necesse non erit, quod sit bonum in indiuiduo, sed sufficit quod sit bonum in genere, seu ex genere suo. Tamen quia de hac re plures sunt scribentium sententiæ, vt obuiæ sint

Lectori hanc difficultatem distinctè proponimus. Est ergo prima sententia, quod opus iniunctum debeat esse bonum in indiuiduo, & taliter, quod si quis in eo efficiendo venialiter peccet, indulgentiam nō consequatur; vnde si quis visitas Ecclesiam ex vanagloria peccet, quia ex eo motiuo talem facit visitationem, indulgentia nulla erit. Hanc sententiā sequitur Nauar. de indulg. notab. 19. nu 6. post Adrianū quem ibi citat, Syluius q. 27. art. 1. & alij. Sed si hæc sententia vera esset vè nobis, pauci namque essent qui indulgentias lucrarentur, vt patet.

Secunda sententia docet sufficere, quod opus iniunctum non sit malum mortaliter, eo quod peccatum mortale indulgentiam impediat, non veniale. Feber de Pœnit. dist. 19. q. vn. disput. 38. c. 7. nu. 214. Tertia sententia est Bellarm. & aliorum dicentium, quod si opus iniungatur ad placandum Deum, debet esse in indiuiduo honestum, & bonum, secus si ob alios fines iniungatur. Quarta sententia verior, & com-

com-

communior est, quod sufficiat quod opus sit bonum, & honestum ex genere, licet in individuo tale non sit, imò existimant aliqui Pontificem dñi hæc opera iniungit non amplius requirere, quam requirat dum alia iniungit præcepta; vnde inferunt quod ad lucrandas indulgentias sufficiat ponere opus præscriptum, sicut in alijs sufficit præceptis. Ratio est quia opus præscribitur solum vt conditio, quæ conditionis ratio in opere ex genere bono saluatur.

Tertia difficultas, an ad lucrandas indulgentias habitualis sufficiat intentio? quis recitat Coronam B. Virginis, cui plenaria annexa est indulgentia; id tamen ignorat recitans, an talem lucretur indulgentiam? quis vnam recitat salutationem Angelicam quoties audit horologiū pulsari, ignorat tamen esse mille dies indulgentiæ, an illos lucretur? quis recitat Vesperum vt moris est, salutationem Angelicam, cui indulgentia plenaria annexa est; hoc ignorat recitans, an adhuc indulgentiam lucretur? &c.

Negat Vega in summo to. 2. c. 7. cap. 1. & alij. Affirmat probabilius Diana p. 5. tract. 12. resol. 6. post Portellum, Sanctarellum, Laymanum, Salam, & Villalobum; & ratio videtur clara ex indulgentiarum formalis, in quibus dicitur conceditur talis, vel talis indulgentia, visitanti talem Ecclesiam, vel facienti tale, vel tale opus &c. absque vlla intentionis determinatione, ac proinde sufficiet ponere opus præscriptum, vt mox dicebatur. Vnde secundum hanc sententiam si quis recreationis causa Ecclesiam visitet in qua est indulgentia, illam lucrabitur, quia reuera opus ponit præscriptum, securius tamē est formalem habere intentionem.

Quarta difficultas, an ad hoc quod indulgentia suum causet effectum respectu defunctorum, requiratur, quod ille, qui talem pro defunctis indulgentiam lucretur sit in gratia? Respondetur negativè? Ita Præpositus hic dub. 10. ou. 39. Naldus V. indulg. nu. 7: Naua. notab. 22. Faber. vbi supra, c. 8. nu. 156. Grana-

nad. hic contro. 12. tra&. 5. disput. 6. nu. 1. Trull. in Bull. cru. lib: 1. §. 6. dub. 4. nu. 1. & alij communiter, & ratio est quia id per quod purgantium animarum poenae relaxantur, non est opus illud quod praescribitur, quodque in mortali peragitur, sed sunt Christi satisfactiones, & sanctorum; ergo perinde est respectu animarum, quod lucrans indulgentias pro illis, sit in mortali. Adde quod illud opus, quod ab Ecclesia praescribitur, per quodque indulgentia defuncto applicatur, ab Ecclesia elevatur, & illius nomine exequitur, ac proinde ex hac parte bonum est, ut supra de satisfactione, nomine Ecclesiae, facta dicebatur.

Quinta difficultas, an ad hoc ut indulgentia suum producat effectum sufficiat opinio probabilis, quod illa indulgentia sit; & loquendo de opere, sufficiat quod factum sit secundum sententiam probabilem? gratia exempli, est opinio probabilis, quod ad hoc ut quis, siue pro se, siue pro defunctis indulgentias lucraretur, non requiratur, quod

opus praescriptum, in gratiae statu fiat; si oppositum esset verum, & re vero Concedentis intentio esset, quod tale opus in gratia exequeretur, si quis illud in mortali exequeretur, an illi opinionis probabilitas suffragaretur, ita quod iure indulgentiam lucraretur? Respondetur quod si opinio sit de ipsa indulgentiae existentia, utrum sit, vel non sit, opinio, quae dicit illam esse, non facit esse, ut enim indulgentia sit, per concedentem esse debet, non per alterius opinionem: nec est credibile Pontificem velle eo casu, quod Ecclesiae thesaurus dispenseretur, praesertim cum ex hoc nulli damnum sequatur, excepta indulgentiae carentia, quae tantum non videtur esse damnum, ut Pontifex debeat eo casu illam concedere; alioqui omnibus & semper deberet indulgentias facere, ne homines illis careant. Si vero indulgentia iam sit, & currat opinionum varietas circa modum lucrandi illam, ut an opus debeat fieri in gratia modo dicto, an debeat poni, confessio, quando pra-

præscribitur, & aliunde, qui vult indulgentiam lucrari, nō habet nisi venialia: dico opinionis probabilitatem suffragari; cum enim vnusquisque velit actum suum sustineri, etiam de Pontifice hoc præsumi potest, & sic posita indulgentia, etiam talis esset intentionis, quod opus poneretur in gratia, quod confessio etiam venialium pone-

retur &c. quando id non constat, superiorem, & vniuersaliorem habet Pontifex intentionem, qua vult illam sustinere, stante opinionum probabilitate; vbi enim duæ concurrunt intentiones, vniuersalis, scilicet, & particularis, in vtriusque concursu, illa præualet, nisi ista sit illius retractatiua, quod in præsentia non contingit.

Q V A E S T I O IV.

An Ecclesia habeat thesaurum, in quo Christi, & Sanctorum satisfactioes reponantur.

Thesaurus propriè in rebus reperitur corporalibus, & definitur à iuristis, quod sit *vetus pecunia depositio, cuius non est memoria, ita ut Dominum non habeat*: Dicitur *pecunie depositio*, non quia etiam in alijs rebus prætiosis esse non possit, sed quia ita contingit regulariter. Hinc satisfactionum Christi, & Sanctorum depositio, metaphoricè thesaurus dicitur, primò quia est veluti pecuniæ de-

positio, cum per Christi, & sanctorum satisfactioes solvamus Deo pœnas, quas subire teneremur; hinc passio & mors Christi, nonnumquam à Patribus denarius vocatur, quia ex illa soluit, quod humanum genus, pro Adami peccato, soluere tenebatur. Secundò, quia cumulus ille, & acervus passionū Christi, & Sanctorum, Dominum in terris non habet, cum nulli sit in particulari applicatus.

Z z z Ista

Ista autem spiritualis pecuniæ depositio non est in aliquo loco recondito, vt aliqui putant hæreticorum; non est in aliquo Pontificis cubiculo, cū tales satisfactiones trāsierint, sed manent in diuina acceptatione, & sic, illa est locus in quo huius thesauri manet depositio, quia tamen, huius pecuniæ spiritualis dispensatio, commissæ est à Christo Domino Pontifici summo, ob Christi ouium utilitatem, ideo illa satisfactionum collectio, Ecclesiæ thesaurus dicitur. Est autem hic thesaurus cumulus, & collectio satisfactionum, non quarumcunque, sed illarum dumtaxat, quæ suum nō habuerunt effectum, & sic, solæ istæ in diuinæ acceptationis receptaculo reponuntur, & thesaurum constituunt. Pro quo nota, ex communi Theologorum sensu, in opere bono quinque distingui. Primū est ratio generica bonitatis, & hæc cum bonum faciat habentem, alteri nō applicatur. Secundum, est ratio specifica, secundum quam in aliqua reponitur specie, & secundum quam, contrario opponitur vi-

tio; & neque secundum hanc alteri applicatur, cum alterius vitium formaliter expellere nequeat. Tertium est ratio meriti, secundum quod à charitate procedit, & neque hoc alteri applicatur, hoc enim est proprium meritorum Christi, quod alijs de condigno applicentur, in alijs vero est opus personale, cui Dei visio respondet. Quartum est ratio impetrationis; ex diuina liberalitate, quæ non contentatur, quod opus abundantissimè præmictur, verum etiam illius intuitu, vult operantem alia petentem, exaudire. Quintū est satisfactionis ratio, secundum quod opus est pœnale, & secundum hanc rationem est alijs applicabile; vnde si non fuit applicatum, nec operanti, quia non agebat, nec alijs ab ipso operante, in diuina manet acceptatione, seu in Ecclesiæ reponitur thesauro; quia autē Christi satisfactiones infinitæ fuerunt ob suppositi dignitatem infinitam, licet aliquæ suum fuerint sortitæ effectum, & quotidie sortiantur, dum per sacramenta, & indulgentias applicantur, ta-

men

men quia infinitæ sunt, semper thesaurus manet inexhaustus, & vsque in infinitum Christi satisfactiones extrahi possunt, & nunquam finientur. Similiter, quia multi sancti plura fecerunt opera satisfactoria, nec ipsi tanta egebant satisfactione, nec alij applicuerunt, ad Ecclesiæ Thesaurum transierunt, non enim rationabile videtur, quod Deus disperire permittat suorum satisfactiones setuorum. His positis.

Prima sententia hæreticorum est, non dari thesaurum satisfactionum Christi, & Sanctorum. Quam sententiam sequutus est Maior in 4. dist. 19. q. 2. Secunda sententia est Durandi in 4. dist. 20. q. 3. quod detur quidem thesaurus ex Christi satisfactionibus, non tamen Sanctorum. Tertia sententia esse potest quod detur thesaurus ex satisfactionibus Christi, non tamen ex satisfactionibus Sanctorum, sed solum ex impetrationibus illorum.

Nostra sententia sequenti explicatur cōclusionē. *Datur Ecclesiæ thesaurus in quo repo-*

nuntur Christi satisfactiones, & Sanctorum. Hanc conclusionem tenent omnes catholici contra hæreticos nostri temporis. Hæc conclusio expressè significatur in illis verbis Apostoli ad Colos. 1. *gaudeo nunc in passionibus meis pro vobis, & impleo & quæ defunt passioni Christi in carne mea.* Vbi Apostolus vult quod eius satisfactiones possent alijs applicari, & de hoc gaudet, & postea subdit: *pro corpore eius quod est Ecclesia*, quasi dicat nō solum ego possum meas alijs applicare satisfactiones, verū etiam possunt reservari pro corpore spirituali Christi quod est Ecclesia. Clarius id docere videtur 2. Cor. 12. *Nec enim debent filij parētibus thesaurizare. sed parentes filijs, ego autem libentissimè impendam, & superimpendam pro animabus vestris.* Vbi vult Apostolus, quod sicut parentes temporales thesaurizant filijs, ita spirituales; ergo dederint posse deponere parentes spirituales, sua bona in aliquo thesauro.

Quod in Ecclesiæ thesauro Christi satisfactiones reponā-

tur definiuit Leo X. in Bulla ad Caietanum tunc temporis Pontificis legatum in Germania, quam Bullam refert ipse Caietanus hac 3. p q 48. ar. 5. Idem docet Clem. VII. in *Extrauag. Vnigenitus, de pœnit. & remiss.* Quod autem etiam Sanctorum satisfactiones redundantes in eodem reponantur thesauro, docet idem Clemens VII. dum dicit: *ad cuius quidem thesauri cumulum B. Dei Genitricis, & omnium Electorum à primo iussu, & sive ad ultimum merita adminiculum præstare noscuntur.* Idem definiuit Leo X. in Bulla citata. Et Pius V. & Gregor. XIII. in Bulla contra propositiones Michaelis Bai. Ratio patet ex dictis, quia non videtur conueniens, quod Deus permittat satisfactiones filij sui, & seruorum suorum, nullū fortiri effectum. Tum quia, sicut in republica bene gubernata, est locus publicus, ubi publicæ referuantur pecuniæ, pro eiusdem reipublicæ, & subditorum necessitatibus, ita in republica spirituali Christi, idē locus constitui debet; maximæ autem necessitates sunt,

quas purgantes animæ patiuntur, ne ergo illæ patiantur tātas necessitates, debent posse liberari, quod fit per satisfactiones dictas, & nos debemus id ipsum posse facere, ne etiam nos ad illas redigamur necessitates. Soluuntur argumenta in contrarium.

Primum argumentum est, quia non solum sancti pro suis meritis gloriam ultra condignum receperunt, verum etiā Christus Dominus suorum recepit meritorum cōdignum præmium, præmium namque quod Christus recepit nō minus est infinitum, quam eius meritum, ut insinuare videtur Apostolus ad Philip. 2. *Humiliauit semetipsum factus obediens, &c. propter quod, & Deus exaltauit illum, & dedit illi nomen quod est super omne nomen.*

Respondetur quoad sanctos, quod re vera suorum receperunt præmia meritorum, ultra condignum; sed de meritis, nostra non procedit disputatio, cum merita fuerint sufficienter de condigno exhausta, licet quoad congruum valde probabiliter dici possit, quod

quod adhuc maneat in Ecclesiæ thesauro reposita, & medijs illis possint aliqua de congruo promereri, vel possint nobis de cōgruo prodesse; quod cōgrui meritum fortè petit Ecclesia dum sanctorum implorat auxilium, præsertim in publicis supplicationibus, & litanis. Si vero de merito Christi sermo sit, certum est non fuisse exhaustum cum præmium receptum finitum fuerit; recepit namque gloriam corporis, sui nominis exaltationem, &c. Sed omnia finita sunt, & dato quod essent infinita, adhuc non exhaurissent merita, cum sint infinites infinita: applicantur autem Christi merita cū nobis gratia confertur, cum peccata remittuntur, siue extra sacramentū, siue medio illo. Sed non loquimur de meritis, sed de satisfactionibus Christi, licet enim & merita, & satisfactiones Christi in thesauro reponantur Ecclesiæ, tamen per ordinem ad diuersa: merita ut nobis dona concedantur gratiæ, & peccatorum remissiones. satisfactiones, ut penè dimittantur peccatorum, siue

extra sacramentum per indulgentias, siue in sacramento: unde quando quis confitetur, sibi Ecclesiæ thesaurus aperitur, & quoad merita, & quoad satisfactiones, quoad merita, dum gratia confertur, & peccata dimittuntur; quoad satisfactiones vero, dum aliqua sit poenæ remissio; alibi namque diximus, quod quoties sacramentum poenitiæ recipitur toties sit aliqua poenæ remissio.

Secundum argumentū pro Durandi sententia est, quia in sacramentis, sanctorum nobis non applicantur satisfactiones; ergo neque extra per indulgentias? Respondetur cōcedendo Antecedens, & negando Consequentiam, conueniens namque fuit, quod Sanctorum satisfactiones per indulgentias applicarentur, non per sacramenta, sacramenta namque sunt nostræ religionis fundamenta, & præcipua nostræ reparationis instrumenta, ac proinde à solo Christo suam debebant habere efficaciam; at vero indulgentiæ non sic, & aliunde non debebant perire Sanctorum

rum

rum satisfactiones, ac proinde applicari debebant per indulgentias; Vnde nullum est inconueniens quod Sancti assumantur ad nostram absolutionem, & liberationem à pœnis extra sacramentum, imò in hoc valde honorantur; inconueniens autè fuisset, quod assumerentur in socios præcipue nostræ liberationis, quæ per sacramenta habetur.

Tertium argumētum, quia si thesaurus iste daretur satisfactionum Christi, & Sanctorum; sequeretur, quod perseverare deberet etiam post diem iudicii; hoc videtur absurdum; ergo non datur. Sequela probatur, quia cum infinitus sit ex parte satisfactionum Christi, & pœnæ solvendæ vsque ad finem mûdi sint finitæ, sequitur, quod finiri nō possit; quod autem hoc videatur absurdum patet, quia satisfactionū conservatio post diem iudicii inutilis omnino videtur? Respondetur concedendo maiorem, & negando minorem; ad probationē dico, illud nō esse inutile, quod suo tempore suum produxit effectum: satisfactiones autè

Christi suum habuerunt effectum, quoad plures quibus applicatæ fuere. Puto tamen taliter rem à Deo disponi, quod post iudicii diem, nihil remaneat satisfactionum Sanctorum, vt sic eius serui magis honorati remaneat, & sic in Ecclesiæ thesauro solæ Christi satisfactiones manebunt, quæ ante id tempus applicatæ non fuerunt.

Quartum argumentū: Pontifex dum indulgentiam concedit, non dicitur peccatorū pœnas remittere, auctoritate Sanctorum; ergo indulgentiam non facit ex satisfactionibus illorum. Antecedens videtur certum, nam potestas clauium, qua Pōtifex thesaurum aperit satisfactionum, non est à sanctis, sed à Christo Domino cum sit participatio quædam potestatis excellentiæ eiusdem. Consequentia probatur, quia si Pōtifex indulgentiam faceret ex sanctorum satisfactionibus, illas distribueret ex potestate illorum, cum nullus, alterius bona distribuat, sine illius auctoritate; ergo si Pontifex sanctorum satisfactiones per indulgentiam

dulgentiam distribuit, ex illorum auctoritate id facit.

Respondetur concedendo Antecedens, & negando Consequenriam. Ad probationem dico, quod postquam sanctorum satisfactiones sunt in Ecclesiæ thesauro collocatæ; nō sunt amplius sub dominio sanctorum, sed Dei, in cuius acceptatione manent; cū enim iam transierint, non manent amplius sub satisfaciētis potestate: sunt ergo tunc sub solo Dei dominio; ac proinde licet ille satisfactiones fuerint à Sanctis positæ, non tamen sunt amplius illorum, & sic nō dicitur Pontifex peccatorum pœnas remittere, Sanctorum auctoritate: si autem quæras quid sit satisfactiones in diuina manere acceptatione, dico nil aliud esse, nisi quod Deus illas acceptauit, & veluti præsentēs in sua memoria seruat, quatenus vult quod suo tempore suum consequantur effectum, nisi aliunde impediatur à tali consequutione, ex defectu pœnarum remittendarum, quia non sunt in tanta quantitate, quanta est satisfactio, ut est satisfactio Christi.

sti: Vel in diuina manere acceptatione est illas conseruare in sua memoria, ut ab illis moueatur ad remittendam alteri pœnam, cum congruū sit, quod Deus aliorum pœnas remittat intuitu pœnarum Christi, & Sanctorum, quæ suum non fuerunt sortitæ effectum. An autem Sancti dū eorum nobis applicantur satisfactiones, dicantur aliquo modo, saltem secundariò, nos redimere, an non: affirmat Nugnus q. 25. art. 1. Negant melius alij, quia liberatio nostra à pœnis peccatis debitis, licet fiat per Sanctorum satisfactiones (quando per indulgentiam nobis applicantur) illa tamen applicatio, non fit à Sanctis, sed à Christo, ut autem dicerentur nos redimere Sancti, deberent nobis ex intentione redimendi suas applicare satisfactiones: Tum quia redemptio nō accipitur, nec est per ordinem ad liberationem pœnæ temporalis, sed culpæ, & pœnæ æternæ.

Sed quæres primò, an in lege antiqua fuerit satisfactorum thesaurus? Respōdetur affirmatiuè, non tamen suis

fuit indulgentiarum vsus: fuit thesaurus satisfactionum redundantium Sanctorum Patrum legis antiquæ, quia & ille in diuina manebant acceptatione, nec erat conueniens quod suo frustrarentur effectu, vt definit Clem.VII. in Bulla citata, quatenus dicit; in hoc thesauro reponi sanctorum satisfactiones à primo iusto vsque ad ultimum. Non fuit indulgentiarum vsus, quia iste thesaurus per Christum aperiri debebat, hæc fuit Christi gloria, hæc nostra utilitas.

Quæres secundò, vtrum iustus possit suas satisfactiones ex thesauro accipere; & alteri dare, vel sibi, si postea indigeat applicare? Respondetur quod non, ratio patet ex dictis; quia cum iustus nullum retineat dominium, suarum satisfactionum, postquàm ad thesaurum transierunt, non potest illas extrahere nec vt alijs nec vt sibi egenti applicet, ad extrahendas namq; satisfactiones, iurisdictionis potestas requiritur, quam habet Deus à se, qui misericorditer voluit tales recondere satisfactio-

nes, & Pontifex à Deo, vt ex dictis liquet. Dixi qui misericorditer tales voluit recodere satisfactiones, vt innueret dominij radicem respectu Dei, harum respectu satisfactionum, & dominij priuationem respectu iustorum.

Nam cum satisfactiones ille, suapte natura destrui deberet, cessante actu satisfactorio, nec in satisfaciens, seu operantis potestate esset illas conseruare, vel facere quod. Deus illas conseruaret; illarum ius amittit, quod ius ad Deum transijt, qui sponte sua & sua misericordia ad thesaurum vt conseruandas transmisit, distribuendas postea per indulgentias fidelibus indigentibus, vel etiam ipsi iusto si indigeat, sed medijs istidem indulgentijs. Sed dices si res Petri perire deberet, & Deus illam miraculosè conseruaret, adhuc Petri maneret; ergo etiam si sanctorum satisfactiones cum suis actibus perire deberent, si postea à Deo misericorditer conseruentur, adhuc sub sanctorum dominio manebunt. Antecedens patet; nam si Petri
domus

domus aquarum impetu, v.g. destrui deberet, & vir sanctus miraculosè illius conseruatione à Deo obtineret, adhuc domus Petri maneret, vt prius. Consequentia ex paritatis ratione constare videtur. Respondetur negando consequentiam, ratio discriminis est, quia domus manet sicut prius, & ad alium non transit statum; at vero satisfactiones non sic, quia re vera entitatiuè destruuntur, secundum totam earum realitatem, & alium statum nouum ex diuina recipiunt misericordia, nempe dum Deus illas in sua memoria conseruat, vt illarum intuitu poenas dimittat. Non nego tamen quin via impetrationis id fieri possit & obtineri vt Deus tuas tibi reseruet satisfactiones pro necessitatis tempore.

Quæres tertio, an Ecclesiæ thesaurus solus per indulgentias dispensetur? Respon-

detur ex dictis, quod Ecclesiæ thesaurus prout Christi continet satisfactiones applicatur & per indulgentias, & per sacramenta; prout vero sanctorum continet satisfactione per solas indulgentias applicatur, vt iam dictum est. Hæc resolutio procedit quando satisfactiones applicantur extra sacramenta per potestatem clauium, nam si loquamur absolutè possunt etiam extra sacramenta satisfactiones applicari à Deo, moto, & exorato sanctorum precibus, nam potest Deus aliquam animam à Purgatorio liberare, à Beato, vel viatore exorato seu precibus, & orationibus alicuius sancti, vel iusti inclinatus, applicando ipse de suo thesauro, absque recursum ad suum vicariū; quia licet concesserit suo Vicario thesauri clauem, ipse tamen Deus sua voluntate thesaurum aperit, clauditque.



Q V A E S T I O V .

*Demodo, quo indulgentiæ profunt defunctis, ubi
aliæ difficultates breuiter resoluntur.*

MOdum quærimus, quo indulgentiæ defunctis profunt, quia quod absolute profint concors Theologorū sententia est cum D. Thoma in 4. distinc. 45. quæst. 2. art. 3. quæstiun. 1. & ita firmavit Leo X. in Bulla contra Lutherum hoc negantem, & ante Leonem id ipsum firmavit Xystus IV. Innocentius VIII. Pius II. relati à Gabriele in addic. ad lect. 57. in canon. vbi veritate hac perspecta correxit quod prius falsò docuerat. Nec. deest sufficiens ratio, quia sicut defunctorum animæ, viuorum suffragijs iuari possunt, nempe ieiunijs, præcibus, eleemosinis, vt fides docet, & nos supra ostendimus, ita etiam indulgentijs iuari poterunt; non enim negandum videtur, quod particulares fideles possint de suis bonis adiuuare defunctos, & nō possit pia Mater Ec-

clesia, præsertim cum non adhuc omnino extra suā sint potestatem. Sed dices, Ecclesiæ potestatem concedendi indulgentias, ad solos viuos extendi, quia adhuc sūt super terram, non vero ad mortuos, qui sub terra sunt. vt patet ex illo Mat. 16. *Quodcunque ligaueris super terram & quodcunque solueris super terram.* Nam respondetur quod. *ly super terram* non ad homines, qui ligantur, vel soluuntur extenditur, sed ad ipsum ligandi, atque soluēdi actum refertur, vnde illorum verborum sensus est: quod tu Petre dum in terra viuis ligaueris, vel solueris, ego in cœlis ligabo, vel soluam. Dici etiam potest quod *ly super terram*, accipiatur latè, prout cœlo contraponitur, quo modq; etiam Purgatorium venit. Adde quod licet *ly super terram* applicetur illis, qui

qui ligantur , & soluuntur , quod scilicet ij soluti maneāt in cœlis qui soluuntur in terra, tamen Christus Dominus non negauit, quod non possit Pontifex per datam sibi potestatem indulgentias defunctis applicare , nam vnum dixit aliud non negauit.

Est ergo certum indulgentias prodesse defunctis , difficultas est de modo ; de quo Prima sententia est , quod indulgentiæ proflint defunctis , eodem modo , quo profunt viuentibus , nempe non solū per solutionem , sed & maximè per veram . & iuridicā absolutionem , eo quod ille animæ sint sub Pontificis iurisdictione , vt sunt viuentes . Ita Michael Medina de indulg. disp. 7. cap. 34. & disp. 8. cap. 4. sed hæc sententia singularis est , & contra communem Theologorum sensum , imò contra modum loquendi Pontificum , dum dicunt indulgentias applicari defunctis per modum suffragij , non absolutionis . Videatur Bulla Leonis X. vbi clarè dicitur indulgentias applicari viuentibus per absolutionem , de-

functis vero per modum suffragij .

Secunda sententia est, quod applicare indulgentiam defunctis , non sit Pôntificem immediatè concedere indulgentiam defuncto, nec viuenti, vt illam trāsferat in defunctum, sed sit Pontificem eleuare ex Ecclesiæ thesauro opera pia viuentium , vt non solum sint satisfactoria ex opere operantis , sed etiam ex opere operato , si pro defuncto offerantur . Hanc sententiam defendit Lugo disput. 27. num. 20. Sed hæc sententia displicet, quia dum dicit quod Pontifex , pia fidelium opera eleuat , vt ex opere operato sint satisfactoria , vel vult quod hoc faciat applicando defunctis thesauri satisfactiones, vel nihil applicando, non hoc secundum , quia nihil ex opere operato, est satisfactorium pro pœna, nisi per satisfactionem superadditam, vel Christi, vel Sanctorum ; esse namque satisfactorium ex opere operato est habere virtutem remittendi maiorem pœnam , quā opus suapte natura remittere valeat, hoc autem esse nō po-

test, nisi per superadditionem virtutis satisfactiue, quæ alia esse non potest nisi satisfactio Christi, & Sanctorum. Non primum, quia vt ipse contra suarez argumentatur, Pontifex non habet potestatem distribuendi thesaurum, nisi ad proprias oues, quæ sunt ipsi viuentes, non mortui; vnde, inquit ille, si Dominus profecturus relinqueret arcam pecuniæ plenam ad œconomû, data ei claue, vt interim provideat domesticis, dicēs: *accipe claue, & provide domesticis meis*, non posset œconomus de illa providere extraneis, aut soluere eorum debita; neque ob eandem rationem poterit talem pecuniam dare domestico, vt illam tribuat extraneo; ergo cum per illum auctorem Pontifex sit Christi œconomus, non poterit thesauri Christi satisfactiones dare fideli viuenti, ipsius opus eleuando, vt illas applicet defunctis. Deinde vel ille fidelis, cuius opus eleuatur, applicat Christi, vel Sanctorû satisfactiones defuncto, vel applicantur à Pontifice; neutrum esse potest; ergo. Non à

Pontifice, alioqui ipse Pontifex indulgentiam faceret illi defuncto, quod per illum auctorem esse non potest, cum non possit per illum, thesaurus dispensari nisi in viuos. Non à fideli, alioqui ipse indulgentiam faceret eidem defuncto, cum ipse pro illo soluat, quod ille debet. Dices, tales satisfactiones applicari defuncto, non à Pontifice, neque à fideli, sed per ipsius operis eleuationem, Pontifex namque eleuat opus, quod postea à fideli applicatur. Sed hoc est ludere verbis: certum namque est, quod satisfactiones non alligantur operi, glutino, vel vinculo aliquo, quando eleuatur, vt ex opere operato valeat ad satisfaciendû, vel remittendum pœnas peccatis debitas, neque recipit aliquam physicam virtuositatem, ratione cuius applicatû defunctis, faciat in illis pœnæ remissionem; non enim hæc opera sunt sicut sacramenta, quæ eleuari dicuntur physicè tamquam physica instrumenta ad suos producendos effectus; nam Pōtifex non habet potestatem eleuandi fidelium
ope-

opera, ad hoc ut instrumenta physica faciunt poenæ remissionem, cum nec ipsa sacramenta, quando poenas remittunt, se habeant ut instrumenta physica, cum nihil tunc temporis physicè producant, sed moralia tantum, mouendo scilicet diuinam clementiam, ad hoc ut ad illorum præsentiam poenas debitas relaxet: Si ergo Pontifex piū eleuaret opus, ad hoc ut ex opere operato poenæ faceret remissionem, ad summū constitueret illud, ut instrumentū morale, ad mouendam diuinam clementiam, ad hoc ut intuitu satisfactionum Christi, vel Sanctorum, tali defuncto, à fidei designato, poenæ faceret remissionem. Vnde Pontificem eleuare opus, ad hoc ut ex opere operato, poenæ faciat remissionē, nil aliud esse potest, quam illud opus deputare ad hoc ut diuina moueatur clementia, ut faciat poenæ remissionē: Atqui hoc in sentētia illius auctoris esse non potest; ergo &c. Probat minor, quia sic, indulgentia non à fidei defuncto dicitur applicari, sed ad ipsomet

Pontifice, cuius opus eleuatum, est instrumentum; instrumentum namque illius est, qui eleuauit illud, vel deputauit (loquendo de instrumento morali.) Adde, quod si indulgentia defuncto applicaretur, per applicationē operis eleuati, non esset infallibilis, quod est contra illum auctorem; nam cum opus eleuari, sit ipsum deputare ad diuinam inclinandam clementiam vel misericordiam, ut satisfactionum intuitu, poenæ faciat defuncto remissionem, & hoc infallibilitatem non afferat, cum diuinæ innitatur misericordiæ, sequitur, contra eundem auctorem, indulgentiam, respectu defunctorum, infallibilem non esse. His positis.

Nostri sententia sequenti cōclusionē explicatur. *Indulgentiam applicari defunctis per modum suffragij, est Pontificem soluere ex Christi satisfactionibus, & Sanctorum, quātum ipsi defuncti soluere tenebantur; nō autem est ipsos absoluerē.* Hanc conclusionem sequuntur omnes ferè Theologi, videatur Suarez disput. 53. sect. 3. n. 12.

Nugus

Nugus q. 25. art. 1. Coninchus disput. 12. dub. 10. & alij. Explicatur conclusio; nam vt diximus q. 2. huius disputationis dum Pontifex viuus indulgentiam facit, non solum soluit, tantum ponendo de satisfactionibus thesauri, quantum ipsi debebant, verum etiam illos iuridicè absoluit, per veram, & propriam, quam in illos habet, iurisdictionem; ac proinde ex parte ipsius Ecclesiæ, indulgentiam facientis, ipsa indulgentiæ largitio, & est opus iustitiæ, quia tantum ponitur, quantum debetur, & est opus misericordiæ, in quantum Ecclesia reū misericorditer absoluit, cum ad id non teneatur. At vero si loquamur de defunctis, indulgentiæ largitio non est iuridica absolutio, cum hanc defunctis facere nequeat, sed est solummodo solutio, quia ipsa, non fideles, thesaurum aperit, & acceptis satisfactionibus soluit pro defunctis, quantum illi soluere debebant; Ob idque indulgentiæ largitio, defunctis fieri dicitur per modum suffragij, quia per talem solutionem suffra-

gantur defuncti, ad eum modum quo fidelium opera, defunctis applicata, suffragia dicuntur, quia per illa soluitur, quod illi soluere tenebantur.

Sed dices, quod, si Pontificem defunctis indulgentiam facere, esset pro illis soluere, frustra, pia, requireretur fidelium opera, sed ipse Pontifex posset absque illis, defunctis, indulgentias facere, atqui hoc non admittitur; ergo? Respondetur quod si sequamur illorum sententiam, qui dicunt, indulgentias concedi posse, sine opere aliquo, & sine causa validè, non licitè, Maior concedi potest; dummodo nō sit absolutus potestatis abusus, ad quem ipsa potestas concessa non videtur, vt si vellet quotidie tot applicare satisfactiones, quot sunt sufficientes ad Purgatorium quotidie euacuandum; si autem communem, & veram sequamur sententiam, quod opus aliquod requiratur, quod pro causa deseruiat, vel causam compleat, tunc maior neganda est. Potest tamen Pontifex, si & ipse velit defunctis indulgentias facere, opus aliquod ponere.

ponere, sicut præscribit nobis, quando nobis facultatem cōcedit, ad lucrandas, pro defunctis, indulgentias. Vnde, vt hoc obiter dicam, Pontificem concedere nobis facultatem lucrandi indulgentiam pro defunctis, non est nobis potestatem concedere vt indulgentiam concedamus defunctis, sed est dare nobis potestatem designandi defunctos, posito tali opere defunctorum nomine, qua designatione facta, & opere posito, ipse defunctis indulgentiam facit: quod si nullus defunctus designetur, videntur ex operis positione designari omnes, & sic illa indulgentia inter illos diuidetur, vel applicabitur alicui particulari, secundum dispositionem diuinæ voluntatis. Argumenta Lugonis non refero, quia solum probant Pontificem nō posse defunctis indulgentiam facere, ex falsa suppositione, quod Ecclesiæ thesaurum debeat solum viuis dispensare, hoc enim falsum est quantum ad solutionem tantum, verum, quantum ad solutionem, & absolutionem simul.

Sed quæres primò, an quādo fidelis lucratur, modo explicato, indulgentiam pro defuncto teneatur illi applicare satisfactionem operis operantis, operis præscripti? Respondetur negatiuè: ex dictis colligitur; nam tale opus deseruit quidem pro causa, ne sine ea, indulgentia fiat defunctis, non tamen indulgentiæ applicatio, dependet ex applicatione satisfactionis causæ; aliud namque est causam poni debere, vt Pontifex indulgentiam faciat, & aliud est, quod satisfactio illius defunctis applicetur, cum causæ positio ex parte concedentis se teneat, &c. Tum quia ad indulgentias lucrandas non requiritur, quod opus sit bonū in indiuiduo, vt supra q. 3. difficul. 2. dicebatur, & sic existens in mortali indulgentiam pro defunctis lucrari potest, cū sufficiat ponere opus præscriptum; quod potest esse etiam opus internum Sed obseruanda sunt verba concessionis, quia si diceretur, *offerendo Missam, &c.* offerri deberet.

Quæres secundò, an indulgentia

gentia applicata defunctis infallibilem habeat effectum? Respōdetur negatiuè, ita Layman lib. 5. trac. 7. c. 7. num. 3. vbi citat Bonauēt. Ricardum, Durandum, Caietanum, Cordubam, Canum, Sotum, & Hêriquez, quibus adde Amicum tom. 8. disput. 20. sect. 8. nu. 176. quam sententiam rationabilem vocat Bellarmin. lib. 1. cap. 14. Patet ex dictis disput. 11. q. 5. difficul. 2.

Probatur primò, quia iudex non tenetur acceptare pœnæ commutationem, nisi ad id sua se promissione adstrinxerit; ergo Deus, Christi, & Sanctorum satisfactiones, seu pœnas pro defunctorum pœnis debitæ acceptare non tenetur, nisi ad hoc sua se promissione adstrinxerit; atqui nō se adstrinxit ad hoc; ergo. Hęc minor subsumpta probatur, quia vt ex diuinis cōstat scripturis, Christus Dominus solum se obligauit, ad ratā habendam illam solutionem in cœlis, quam Pontifex faceret in terris, seu super terram; atqui purgantes animæ non sunt super terram, nisi lata quadam acceptione; ergo.

Confirmatur ex communi fidelium vsu, qui vna non contentantur plenaria indulgentia, vt defunctis suffragentur, sed quotidie illas multiplicāt: non contentantur, quod vna dicatur Missa priuilegiata, seu cui indulgentia annexa est; sed illas curant multiplicari, & addunt quotidie alia opera pia, & satisfactoria, qui vsus certè aboleri deberet, si semel indulgentia infallibilem haberet effectum, & male faceret Sacerdotes, plures celebrantes Missas priuilegiatas pro eadem anima, si vna sufficeret infallibiliter; abuterentur enim Ecclesiæ thesauro, vtentes frustra illius satisfactionibus, &c. p. 7. JJ

Probatur secundò, quia si vera esset sententia opposita, sequeretur, quod citò euacuari posset Purgatorium; posset enim Pontifex generale concedere iubileum cuius indulgentia defunctis applicaretur, & sic cum innumeri penè talē lucrarentur indulgentiam, Purgatorium euacuaretur.

Confirmatur, quia Purgatorium, est locus proprius, in quo

quo Deus suum erigit Tribunal, ad exercendam iustitiam punitivam; ibi enim solus habet iurisdictionem, non Vicarius eius; ibi solus taxat poenas, non eius Vicarius; ergo ille solus sua misericordia, debet easdem poenas relaxare; ergo non infallibiliter, cum ad hoc non se adstrinxerit, sed sua sponte, sua voluntate, quando nimirum ei placet, thesauri satisfactiones acceptat.

Quæres tertio, an adhuc ut indulgentiæ profint defunctis, aliquid ex earum parte requiratur? Affirmatiuè respondet Caietanus tract. 16. de indulg. q. 5. *vers. quoad tertium*, quem sequitur Nauar. de indulg. not. 22. num. 42. & alij, putantes quod indulgentiæ, & suffragia in illis solis defunctis habeant effectum, qui dum viverent sollicitè pro peccatis satisfacere curarunt & deuotionem habuerunt ad suffragandum defunctis, qui vero nullā habuerunt defunctorum curam, nec satisfacere pro peccatis studuerunt, suffragijs, & indulgentijs non iuuantur. Timet Ledesma 2. p. 4. q. 29.

at. 3. ne hæc Caietani sententia vera sit, idem timeo ego, ideo rogo Deum ut magnam mihi conferat erga purgantes animas deuotionem, & affectū, ut possim illis multū suffragari, ut sic & ego aliorū merear suffragia. Communior tamē sententia oppositū tenet, quia adhuc ut suffragia; & indulgentiæ applicentur, sufficit quod recipiēs non ponat peccati mortalis obicē, atqui ille animæ hunc peccati obicem non ponūt: ergo. Nec Deus puniit demerita præterita, nec illa attendit, sed præsentia.

Quæres quarto, an possit quis lucrari pro se indulgentiam illam, quam Pontifex concedit pro defunctis, taliter quod illam seruet pro tempore, quo erit in Purgatorio? Hæc difficultas videtur eadē cum illa, quam disputant aliqui Theologi, an possit quis dum adhuc uiuit facere sibi celebrare missas de Requie, & illas reseruare post mortē, ut à purgantibus poenis liberetur, si enim semel satisfactio operis operati, Missæ sacrificio correspondens, potest reseruari post mortem,

B b b b

pote-

poterit etiam referuari satisfactio indulgentiæ, quæ est operis operati, tam enim satisfactiones Missæ, quam satisfactiones indulgentiæ ex Ecclesiæ thesauro desumuntur. Respondetur quod quantum ad Missæ satisfactiones id probabile videtur, & doctè defendit nouissimè post alios multos N.P. Lezana to. 4. *Verbo Missa*, nu. 34. quod probat, primò, quia credibile est Missæ sacrificiū à Christo esse taliter institutū quod prodesse possit pro quacumq; necessitate in qua homo est capax fructus illius; atqui homo est capax huius sacrificij fructus, non solum viuus, verum etiam defunctus; ergo potest celebrari vt profit homini vt viuo, & vt defuncto. Sed dicès, sacrificij fructus nō potest manere suspens; ergo non potest referuari pro tempore necessitatis, alioqui idē fieri poterit de sacramentis, quod nemo dicit? Respondetur, sacrificij fructum tunc tēporis non manere suspensum, sed in Ecclesiæ thesauro remanere, nec inde extrahi quādiu homo, non indiget illo.

Nec eadem ratio est de sacramentis, cum enim hæc sint instrumēta physica suum debent producere effectū quando sufficienter applicantur, causa autem physica in actu secundo non potest manere suspensa. At verò Missæ sacrificium non causat pœnæ remissionem, seu satisfactionē vt causa, vel instrumentum physicum sed morale, quatenus diuinam mouet voluntatem ad illam pœnæ remissionem faciendam; vnde poterit quis applicare Missæ hoc sacrificium ad mouendam diuinam voluntatem vt pœnæ faciat remissionem quādo maxime indigebit, nempe quando erit in Purgatorio, vel quādo ex hac vita discedet.

Secundò probat, quia ita se gesserunt insignes viri pietate, & doctrina, vt Magnus Albertus, prout refert Ferdinandus de Castillo in hist. S. Dominici p. 2. lib. 3. c. 46. Henricus Comes de Rescen Episcopus Ratisponensis, vt refert Vviguicus Hundus, & Carolus V. Imperator Maximus.

Quantum verò ad indulgentias idem fieri posset, si Pontificis

ficis adesset auctoritas; nam Pontifex posset Petro faciendi tale, vel tale opus reservare indulgentiam pro Purgatorio, sicut enim illam statim applicandam concedit, opere exequuto ita posset illam differre. Quia tamen puto de facto talem non adesse Pontificis intentionem, ideo puto non posse indulgentiam reservari. Idem pro se facere posset Pontifex: posset enim modo dum vivit ponere opera pia, cum intentione, quod thesauri satisfactiones, modo non extrahantur, sed quando in maxima Purgatorii erit necessitate, ut sic statim liberetur. Puto tamen via impetrationis à Deo posse obtineri, ut indulgentiæ satisfactio pro necessitatis tempore reservetur, sicut & bonorum operum satisfactiones: unde observavi viros pios, & doctos id facere quoad Missas, indulgentias, & opera pia.

Quæres quintò, an indulgentiæ applicari possint Catechumenis defunctis? Negat aliqui, quia non sunt baptizati, ob quam rationem nec viuentes indulgentias lucrari

possunt: Alij magis piè, volùe id fieri posse, hos congerit Diana par. 5. tract. 1. 2. res. 9. quia cum sint aliorum capaces suffragiorum, non videntur excludiposse ab indulgentijs; tum quia licet Baptismū non receperint, illud tamen habuerunt in voto.

Quæres sextò, an indulgentiæ pro viuis concessæ, possint ab iisdem viuis propria auctoritate defunctis concedi? dixi propria auctoritate, quia auctoritate Pontificia certū est id fieri posse, ut constat ex Privilegio in Carmelitano thesauro relato, quod & nostri Religiosi, & alij communicantes, Confratres, & Cōsacerdotes, possint suas indulgentias defunctis facere; ita cōcessit Iulius II. Certum est etiā, quod postquam indulgentiæ suam habuerunt effectum, non possunt amplius communicari, cum enim indulgentiæ effectus, sit poenas relaxare, seu remittere, per veram, & iuridicam Pontificis, vel delegati absolutionem, & penæ remissio postquam per indulgentiā facta est, alteri eadem fieri non possit, cum sit personalis,

inabdicabilis, & ab ipsa persona inseparabilis, sequitur, quod postquam indulgentia suum habuit effectum, non possit nec defunctis, nec viuis amplius applicari. Vnde solū dubium est, an antequam dicta indulgentia suum habeat effectum, possit defunctis applicari, non quidem certo, & infallibiliter, sed ex diuina acceptione, vt si quis purgantium animarum deuotus diceret: *Domine Iesu peto, vt omnes indulgentias quas toto mea vita decursu in meam possem conuertere utilitatem, seu pro me accipere, permittas cedere in animarum purgantium utilitatem.* Communis sententia id negat vt videre est apud Dianā p. 10. tract. 16. resol. 12. Et ratio est, quia postquam indulgentia suum habuit effectum, inabdicabilis est, vt modo dicebamus, ac proinde nō potest alijs applicari, & antequam suscipiens, illam faciat suam, illam applicare nō potest, cum enim nullus, excepto Pontifice, & ab ipso delegati, habeant thesauri Ecclesiæ clauēs, sequitur, quod nullus, priuata possit auctoritate,

Christi satisfactiones, & Sanctorum à thesauro extrahere, & alijs applicare, cum hæc satisfactionum extractio sit clauium potestas, & sit omnino certum, quod solus Pontifex, vel ille, cui ipse clauēs commiserit, auctoritatem habeat dispensandi thesaurum, Christi satisfactionum, & Sanctorum. Sed hæc ratio solum probat, non posse fideles, propria auctoritate, per potestatem iurisdictionis, seu clauium, Ecclesiæ thesaurum defunctis, vel viuis dispensare, sed non probat, quod non possint fideles Deum exorare, vt velit illam satisfactionum portionem, quæ sibi contingeret, ex talis Ecclesiæ, in qua indulgentia est, visitatione, vel ex talis, vel talis pii operis positione, defunctis, vel etiam viuis applicare. Vnde puto sententiā P. Gobat in thesaur. indulg. p. 2. c. 21. q. 61. n. 466. & aliorum modernorum probabilē esse, cum sit valde pia, & foueat defunctorū deuotionem, & sit illis valde utilis, & nulli damnosa, nec ipsi offerenti, quia sic offerens actum præstantissimū facit, & si forte

tè Deus illam indulgentiam ad offerentis votum applicare noluerit, ad ipsius sinum reuertetur.

Quæres septimò, an quando est indulgentia Ecclesiâ visitantibus, sufficiat illam visitare extra portam, præsertim quando ob cõcursum ingredi non potest, vel quia fores sint clausæ, vt contingit modo in multis Ecclesijs ob pestem, vel timorem illius? Respondetur affirmatiuè, quia

locus ante Ecclesiâ siue cœmeteriũ sit, siue vestibulum, siue atrium &c. nomine Ecclesiæ venit in fauorabilibus, secus quãdo indulgentia esset visitanti tale altere. An autem quis dicatur quique, vel septem altaria visitare qui immobilis in aliqua Ecclesiæ parte manet, dico quod non, sufficiet tamen quod ex loco illo ad illa vertatur Alteria, vel corpore, vel saltè capite.

QVÆSTIO VI.

Quotuplex sit indulgentia.

Quæstiones quas hucusque de indulgentia examinauimus, pertinent ad *quid sit indulgentiæ*, modo quotuplex sit explicare oportet, antequam causam efficientem, scilicet quis possit eas facere, & finalem, quænam videlicet sit eius causa, explicemus.

Solent ergo Theologi cõmuniter sic diuidere indulgentiam, vt alia sit partialis, to-

talis alia, partialis illa est, quæ non totam, sed partem facit poenæ remissionem: totalis vero, quæ totam; & hæc indulgentia totalis, communi nomine plenaria vocatur, quæ à Iubileo differt, non ratione remissionis poenæ, sed ratione maioris solemnitatis Iubilei, & ratione facultatis absoluedi à peccatis; indulgentia plenaria alias non habet diuisiones, partialis vero subdivi-

diuiditur in indulgentiã dierum, & annorum, hæc aliã non habet diuisionem, sed solum anni additionem; illa verodiuiditur in septenã, quadragenam, quinquagenam, & carenam, septena remittebat septem annos pœnitentiæ, quæ secundum canones antiquos fieri debebat, pro quolibet peccato mortali ordinario, vt notat Toletus lib. 6. c. 24, Quadragena erat indulgentia quæ remittebat pœnitentias quadraginta dierũ, idem dic de quinquagena: carena erat indulgentia, quæ septenam, & quadragenam amplectabatur. Modo tamẽ, quia pœnitentiæ antiquorum canonum non sunt in vsu, nõ conceduntur indulgentiæ sub illis nominibus, sed sub nomine indulgentiæ vel plenariæ, vel dierum, & annorum, non quibus quis manere debet in Purgatorio, anni namque isti, vel dies non de diebus purgatorii intelliguntur, sed de diebus, & annis pœnitentiæ antiquorum canonum; quia per indulgentiam tot dierum, vel annorum tanta Purgatorii pœna remittitur, quanta cor-

respondere posset pœnitentiæ, quæ toto illo tempore facta fuisset.

Diuiditur deinde indulgentia in realem, localem, & personalem. Realis est, quæ medalijs, coronis, crucibus, imaginibus, &c. cõceditur, & Ecclesiæ, Capellæ, & Oratorio. Personalis, quæ personæ cõceditur, vt quoties quis tale opus fecerit &c. & illa quæ in mortis articulo datur. Conceditur autẽ indulgentia medalijs, &c. cum posset immediatẽ personæ ipsi concedi, vel in honorem alicuius sancti, proinde putat Diana p. 10. tract. 16. resol. 8. non posse indulgentias applicari medaliæ, quæ non habeat imaginem alicuius Sancti, & ita hic Romæ practicatur, vel ob aliquam necessitatem, vel ob egregia Principis alicuius merita, vel quia multum conducit ad pietatem, tenendo illã, & venerando, & quia sic facilius indulgentiæ recordamur, vel tandem vt recognoscamus Pontificis auctoritatem, &c.

Circa indulgentiam localem aliquæ difficultates sunt

examinandæ. Prima est, an si Ecclesia, cui indulgentia est applicata diruat, & in eodem loco reedificetur, maneat indulgentia? Negat Lugo loco citato nu. 131. nisi per partes rueret, & statim reedificaretur. Affirmat Suarez disp. 25. sect. 1. num. 9. Et verius videtur, cum tunc alia non censetur Ecclesia, sed eadem. Sed quid dicendum, si illa Ecclesia in loco alio transferatur, an & ipsa indulgentia transferri censetur? Affirmatiuè respondet Diana par. 6. trac. 7. resol. 32. cum Ghilino, & Bonacina, quia adhuc eadem censetur Ecclesia, & est probabile valde, cum simus in materia fauorabili, ubi res amplianda, non restringenda venit.

Secunda difficultas præcedenti affinis est, an si in festo Annunciationis vel alio, sit plenaria indulgentia visitantibus talem Ecclesiam, vel

Altare, & contingat tale festum transferri, an etiam indulgentia transferatur? Respondetur quod si solum transferatur officium illius festi, non transfertur indulgentia; res clara est, quia adhuc festum cum sua indulgentia, cum sua die manet, si vero festum ipsum transferatur, & indulgentia transferri censetur; ratio est, quia indulgentia illa, non est concessa intuitu diei, sed festi; ergo festum sequi debet. Sed petes, an sit necesse quod talis festi translatio, fiat Episcopi auctoritate, ut si sit festum de præcepto, & transferat præceptum in alterum diem, quod facere potest Episcopus, sicut & potest transferre ieiunium? Respondetur negatiuè, quando festum non est de præcepto, seu quando non transfertur præceptum, secus quando præceptum ipsum transferri debet.



Q V A E S T I O VII.

Quis possit indulgentia facere?

DE Pontifice Summo nulla est difficultas, cum certum sit, diuino iure posse, pro tota Ecclesiâ indulgentias concedere. Idem affirmat Nugnus q. 26. art. 1. de Concilio Generali siue præsentē, siue absente Pontifice, & hoc iure diuino, dependenter tamen à Pontifice.

Imò idem affirmat de Episcopis, quod diuino iure possint pro suo Episcopatu indulgentias facere, licet hoc ab Ecclesiâ limitatum sit, verius tamen est, quod Episcopi à Pontifice talem habeant facultatem, quia Christi Domini verba ad solum Pontificem directâ fuere; vt *pascite oues meas, & quodcumque ligaueris super terram &c.* Habent Episcopi facultatem concedēdi quadraginta dies indulgentiæ, & in Ecclesiæ dedicatione annum *cap. cum eo, de pœnit. & remiss.* non tamen habent facultatem con-

cedendi indulgentias defunctis, quia hæc nullibi illis cōceditur. Sed quæres primò, an plures Episcopi possint eisdem loco, vel personæ plures concedere quadragenas? Respondetur negatiuè, quia Episcopus non nisi subditis potest indulgentias facere, & extraneis non nisi ex venia proprii Episcopi, seu per delegationem illius, ac proinde non poterit amplius, qui delegauit indulgentiam facere; aliqui tamen id non improbabiler concedunt.

Quæres secundò, an si Episcopus concedat indulgentiâ quinquaginta dierum, valeat pro quadraginta? Affirmatiuè respondetur, quia *utile per inutile non vitiatur*, est communis sententia. Hanc potestatem potest exercere Episcopus in suos subditos, etiam extra proprium territorium, & nondum consecratus: in statu peccati; cum ad concedendas indulgentias gratiæ status

status non requiratur, non tamen si sit excommunicatus vitandus de quo alibi. Idem dicendum de Archiepiscopo in tota prouincia, etiamsi actu non visitet *cap. nostro, de panis. & remiss.* Idem dicunt aliqui de capitulo sede vacante, sed oppositum videtur verius, vide Dianam par. 8. tract. 4. resol. 35. Cardinales possunt concedere indulgentiam centum dierum, vel ex priuilegio, vel (quod est probabilius) ex Pontificis consensu saltem tacito concesso; vel ex consuetudine de quo Diana p. 5. tract. 2. resol. 6.

Quæres tertio, an Episcopus, vel Archiepiscopus, vel alius habens facultatem concedendi indulgentias suis subditis secularibus, possint illas concedere regularibus? Respondetur negatiue, unde patet indulgentiam à quodam Episcopo concessam quibusdam regularibus genusceticibus ante quandam imaginem nullam esse; cum enim Pontifex Episcopi facultatem ad solos subditos alligauerit, ad non subditos extendi non potest, nisi de hoc specialè habeat à Pontifice faculta-

tem secus esset si absolute concedatur, tunc enim etià Regulares eo beneficio uti possant.

Quæres quarto, quid concedant regularium Prælati, quando seculares admittunt ad communicationem, seu participationem bonorum sui Ordinis, quam concessionem vocant filiationem? Respondet Lugo quod illa filiatio, seu bonorum communicatio non transferat Religiosorum satisfactiones, quia hæ non nisi ab operantibus communicantur, sed solum quandam confert impetrationem indirectam, quatenus Deus mouetur de congruo per opera alicuius iusti, vel plurium ad benefaciendum illis, qui cum illis maiorem habent coniunctionem, ut filijs, fratribus, amicis &c. & sic cum seculares recipiuntur in fratres, mouetur Deus ad benefaciendū illis inuitu bonorum operum Religiosorum. Adde inquit prodesse suffragia, quæ sunt in communi pro toto ordine, & membris eius, &c.

Sed hæc doctrina mihi falsa videtur, nam fideles, qui ad bonorum Ordinis admittuntur participationem, non so-

lum gaudent impetratione illa Lugonis, sed etiam fruuntur totius Ordinis satisfactionibus; licet enim Religiosi vt tales, suas non applicent satisfactiones, applicantur tamen communes, seu quæ cõmunitatis actibus correspondent, quod autem dentur hæ cõmunes satisfactiones, quæ aggregatis, & benefactoribus à Prælati applicentur, docuimus supra disput. 1. 1. quæst. 6. & mox etiam aliqua subijcimus, ex quibus magis exclusa manebit Lugonis doctrina, interim vide N. P. Lezanam verbo *Bona* 2. & verbo *Indulgentia*, 15.

Quæres quintò, an Regulariû Prælati, possint suis subditis diuino iure indulgentias facere, de bonis communibus suarum communitatum, & extraneis ex delegatione. Pro huius difficultatis intelligentia nota, quod dupliciter Religiosi possunt sua opera exercere, vel vt singuli, vel vt cõmunitatem componētes v. g. Religiosi in Choro dum cantant possunt vt singuli considerari, seu separatim, & tunc si debito modo cātent, & me-

rentur, & satisfaciunt, satisfaciunt cum illud opus sit pœnale, & si ipsi satisfactione egeant ipsis applicabitur, nisi fortè voluntariè alijs talem applicent satisfactionem. Si vero considerentur, vt cõmunitatem componentes, etiam satisfaciunt, nam illud opus etiam prout à cõmunitate est pœnale, cum certè ipsa Religiosorum cõmunitas tunc patiatur; non enim est parua pœna cõmunitatem in Choro manere: si enim cõmunitas est capax obligationis, & peccati, vt docet Caramuel in Regulam D. Benedicti num. 1335. erit etiam capax meriti, & satisfactionis, & hoc tale meritum diuidetur inter cõmunitatem componentes, item satisfactio, si illi egeant, vel ad hoc intentionem habeant, si autè non egeant secundum aliquorum sententiam, de quo postea, reponentur in thesauro conuentus, vel religionis sub potestate Prælati, cõmunitatis curam habentis; vel, vt postea dicetur, in thesauro reponentur Ecclesiæ. Vnde Prior respectu suæ cõmunitatis

tatis secundum illorum sententiam, & Prouincialis respectu suæ Prouinciæ, & Generalis respectu totius Religionis, poterunt tales satisfactiones quibus voluerint applicare, & ante & postquam factæ sunt secundum illorum sententiam, vel solum antequam fiant secundum nostrâ, postquam enim factæ sunt, nisi prius applicentur, non manent sub Prælati potestate, cum ad Ecclesiæ thesaurum transierint, secus secundum oppositam sententiam, cum transierint ad thesaurum Religionis, cuius illi habent potestatem. Ob hoc P. Cassina in suo Mistag. tit. 13. num. 24. & 25. docet, quod pro vna Missa cantata plus stipendij accipi potest, quam pro priuata, & quanto plures sunt Religiosi in Choro cantantes, tanto plus stipendij accipi poterit; & sic, pro Missa cantata à 4. Religiosis duplex stipendium accipi potest, & si cantetur à 10. vel. 12. &c. semper plus stipendij accipi poterit, cum crescat valor actus communitatis ex maiori Religiosorum numero per se loquendo, &

hoc non potest prouenire à Religiosis vsingulis, quia hoc modo non locant opera sua, nec applicant alienis suas satisfactiones, nec illas applicare potest superior sine illorum consensu, vt ex communi docet Lezana v. *bonis* nu. 7. Sed prouenit ex Religiosorum numero communitatem componentes, seu ab actu ipso communitatis. Hæc ergo satisfactio communis sub potestate, & dispositione Prælati est, quamque idem Prælati per filiationes concedere, seu communicare potest, & de hoc quæritur, an possit Prælati indulgentias facere, seu, an quando Prælati illam largitur, indulgentiam dicatur concedere, seu an talis largitio, sit iuridica absolutio, an solum simplex quædã largitio.

Prima sententia est affirmatiua, quam tenet Rodriguez tom. 2. quæst. 86. art. 2. & in eius Compêdiolo verbo *indulg.* vbi habetur: *Prælati habentes iurisdictionem quasi Episcopalem possunt suis subditis concedere indulgentiam eodem iure quo Episcopi, scilicet*

diuino, licet aliqui contradicant, allegantes contrariam consuetudinem totius Ecclesiæ; sed consuetudo non præscribit contra ius diuinum. Hæc eandem sententiam tenet Medina cap. 29. de indulg.

Nostra sententia sequenti explicatur conclusione. *Regularium Prælati, dum, vel subditis, vel exirantibus concedunt communes satisfactiones, non faciunt indulgentias, sed simplices largitiones.* Hæc conclusio est communis inter Theologos: videatur Nugnus q. 26. art. 1.

Probatur conclusio, quia si satisfactionum concessio, quam ex communibus bonis faciunt Regularium Prælati, non esset solum simplex quædam spiritualis largitio, sed vera, & iuridica absolutio, deberet fieri per clauium potestatem; atqui hoc non est; ergo. Minor ostenditur; quia vt docet D. Thomas 4. dist. 20. quæst. 1. art. 3. & Quodlibeto 2. art. 16. clauium potestas Ecclesiæ respicit thesaurum, & est solum in summo Ecclesiæ Pastore; ergo non est in Regularium Prælatibus, ac sub-

inde dum faciunt bonorum spiritualium suæ Religionis communicationem clauibus non vtuntur. Maior nota est, absolutio namque iuridica spiritualis, ibi non est, vbi clauium potestas non adest. Negari tamen non potest, quin aliqua, in Prælato talia bona communicante, non interueniat misericordia, & iustitia, sicut interuenit in iuridica absolute, quæ fit per indulgentiam: interuenit iustitia quatenus Prælatus ex bonis dictis tantum offerre potest, quantum debet ille cui illorum bonorum fit communicatio: interuenit misericordia, quia illam solutionem pretio non facit, sed gratiose; non tamen est proprie indulgentia, quia non est iuridica absolutio facta per clauium potestatem. An autem sit probabile quod dictæ satisfactiones ad Ecclesiæ thesaurum non transeant, sed in diuina maneant acceptatione, largiendæ per potestatem non clauium, non iurisdictionis propriæ, sed gubernatiuam, seu prælatiuam, Prælatorum, videtur quod sic, quod ex argumentis, quæ con-

con-

contra nostram sententiam sum meditatus, poteris colligere.

Obijcies primò, quia ideo Pontifex dum ex Ecclesiæ thesauro. Satisfactiones alijs applicat verè absoluit, & indulgentiam facit, quia licet soluat quod ille debet, tamen hoc misericorditer facit; sed hoc ipsum faciunt Regulariû Prælati, quando bona dicta communicant; ergo. Nec valet dicere quod talis communicatio non sit in subditos, nec per clauium potestatem. Nam contra est, quia alij Religiosi subditi sunt: & etiam sæculares, vt pater per constitutionem Clem. VIII. 24. Nouembris 1605. quoad illos, qui confraternitatem ingrediuntur: est per clauium potestatem in quantum habent in illos veram, & spiritualem iurisdictionem, cum enim illos possint ligare, poterunt etiam per indulgentias absolvere, vnde idem Pontifex videtur hoc ipsum insinuare dum dicit in illa Bulla, quod ingredientibus Confraternitatem, & postea ingressis possint indulgentiæ elargiri.

Respondetur, quod ideo Regularium Prælati, dum bona dicta communicant indulgentias non faciunt, quia tantum bonorum largitio, non est ex clauium potestate; hæc autem clauium potestas, non est iurisdicctio, sed ab illa distinguitur, vt supra dicebamus & Ecclesiæ thesaurum respicit, non particularem cōmunitatum satisfactiones, quæ cum non maneant postquam factæ sunt, sed transeant ad thesaurum Ecclesiæ, quando applicatæ non fuerunt, non vero particulares constituent thesauros; imò etiam si constituerent, eorum dispositio nec absolutio, nec indulgentia esset, quia ex Christi facultate non esset, cum non nisi Pontifici clauis absoluendi, & ligandi sit data, sed solum esset spiritualis quædam largitio.

Obijcies secundò, quia vt docet Maranta in aureo speculo Advocatorum par. 6. num. 222. 323. & 324. Maiorem habet potestatem Abbas in Monachum, quam Episcopus in Clericum sæcularem, & probat auctoritate Panor.

in

in cap. ad nostram, & in cap. reprehensibilis, quibus addo Fel. in cap. super lis. de rescriptis, & Cald. Consil. 111. Sed Episcopus potest indulgentias facere suis subditis iure diuino, vt concedit Nugnus, & alij; ergo etiam Regulariû Prælatus? Responderetur concessa maiori, negando minorem, non enim Episcopi vt dicebamus iure diuino indulgentiam faciunt, sed iure humano. Imò dato quod illud concederetur Episcopis, non tamen concedi deberet Re-

gularibus, Episcopatus namque est iuris diuini, quod de Regulari Prælatia non est ita certum, de quo suo loco.

Et licet concederetur quod dicit Innoc. c. cum eo, quod Episcopi facultas concedendi indulgentias, stricta sit, vt non concedat publicè, non tamen priuatè; hoc tamen concedi non potest Regularium Prælati, propter ea, quæ habentur in Clem. de pœnis. & remiscap. Abussonibus, & in Clem. de priuilegijs c. Religiosæ.

Q V A E S T I O VIII.

An ad concedendas indulgentias causa aliqua requiratur.

Communis Theologorum sententia affirmat. Primò quia Pontifex non est Dominus thesauri, sed dispensator, vt docet Apost. 1. Cor. 4. dispensator autem, bona domini, sine causa dispensare non potest. Secundò quia alias posset omnes

purgantes animas liberare. Tertiò quia non potest valide dispensare in iure diuino, sine causa, ac proinde nec in hoc quod quis suam non habeat pœnam. Sed dices, beneficij Ecclesiastici collatio facta indigno valida est, licet conferens, non sit Dominus, sed di-

dispensator, & talis collatio sit contra ius diuinum, ergo etiam indulgentiæ collatio sine causa valida erit, etiamsi hoc facere, sit contra ius diuinum.

Respondet Suarez illam collationem esse inualem, sed ipsum benè in pugnat Nugnus, quia est contra cōmunem canonistarum, & Theologorum sensum. Respondet ergo & benè Nugnus, concedendo Antecedens, & negando consequentiam; ratio discriminis est, quia Deus voluit illam collationem validam esse propter multa inconuenientia, quæ sequerentur, si haberetur quis pro vero Parocho v. g. qui non esset, at nostro in casu nullum sequitur inconueniēs imò sequitur ex opposito, ut dictum est. Causa autem ista nō est necesse quod sit æqualis cum indulgentia quæ conceditur, sed sufficit quod sit proportionata; est omnium ferè Theologorum sententia, videatur Nugnus hic. Lugo nu. 141. & alij apud ipsos, & colligitur ex Tridentino sess. 25. in decreto de indulgen-

tijs; vnde licet aliquando magnæ concedantur indulgentiæ pro breui oratiuncula, tamen hæc non est tota causa, sed vel honor sanctorum, vel merita petentis, &c. Causa ergo debet esse proportionata & pia, vel vniuersalis, vel etiam particularis respectiue. Quod si causa ob quā indulgentia conceditur, non esset proportionata, iudicaretur, tamen talis prudentialiter, indulgentia teneret, sicut & aliz diuini iuris dispensationes. Quod si causa non esset proportionata ad totum, sed solum ad partem, pro illa parte teneret, quia *utile per inutile non vitatur*.

Sed quæres primò, an ultra causam, etiam opus aliquod præscribi debeat? Respondetur quod communiter id fieri debet, quia opus præscriptum vel est ipsa indulgentiæ causa, ut cōtingit in indulgentia quando particularibus conceditur, licet aliquando etiam ob præcedentia merita concedatur, vel est eiusdē causæ complementum, & quodammodo indulgentiæ applicatio. Non est tamen necesse,

cesse, quod tale opus præscribatur, quando aliunde de causæ proportionem constaret; quando tamen opus præscribitur exequi debet, ut indulgentia lucretur: Hinc.

Quæres secundò, an quâdo in indulgentia, vel iubileo confessio præscribitur, debeat poni ab eo, qui mortalis peccati conscientiam nō habet? Aliqui id affirmant; alij vero negant, quia confessio non imponitur nisi peccata habenti lethalia. Hæc sententia probabilis est, quam post alios tenet Suarez hic; prior tamen & probabilior, & tutior est; nam indulgentiæ tantum valent quantum sonant, atqui hoc sonat illa indulgentia; ergo. Nec ratio opposita valet, quia sicut Pontifex alia supererogationis præscribit opera pro indulgentia lucranda; ita confessionem venialium præscribere potest, ut sic indulgentia maiorem consequatur effectum, culpis deletis venialibus, Si tamen disiunctivè præscriberetur contritio, vel cōfessio, illa sufficeret, etiā in mortali existenti. Vnde si in

iubileo confessio requiratur; & quis illam ponat, si postea peccet antequam alia opera ponat excepta communione, non debet novam ponere cōfessionem, sed contritio sufficiet.

Quæres tertio, an ad concedendas indulgentias aliqua verba requirantur? Respondetur negativè, sed sufficiet quodlibet signum exterius, indulgentiæ manifestativum: sicut etiam hoc requiritur, ut indulgentia reuocetur; unde si Pontifex interiori actu omnes reuocaret indulgentias, talis reuocatio nulla esset, cum Pontificis potestas sit per ordinem ad corpus mysticum, ac proinde illi innotescere debet reuocatio, sicut & concessio.

Quæres quartò, an indulgentia cesset cessante causa? Cessat indulgentia per reuocationem, cessat per rei cui affixa est destructionem, cessat elapso ipsius durationis tempore, non tamen cessat per mortem concedentis, nisi id in ipsa concessione exprimatur, cum sit gratia facta: non cessat per renuntiatio-

cionem nisi acceptetur : non cessat cessante causa , quando causa erat à principio sufficiens , vt in perpetuum daretur , secus si non erat , vt si Pontifex indulgentiam concedat alicui Religioni in perpetuum , quia eius alumni obseruantes sunt , & multum Ecclesiam iuuat orationibus , poenitentijs , ministrando fidelibus sacramenta , &c. illa indulgentia durat , quia illa causa sufficiens erat , pro indulgentiæ perpetuitate etiã postea illa religio relaxetur ; si vero illa causa sufficiens nõ erat , quia tanta non erat obseruantia , nec tanta merita , vt indulgentiam reciperent perpetuam , nisi ex suppositione durationis causæ , nempe illius mediocris obseruantia , cessabit quando illo mediocri obseruantia cessabit .

Hic vnum addendum est pro praxi fidelium , quanta nimirum debeat esse fractura seu ruptura rei cui indulgentia affixa est , vt indulgentia amittatur ? Respondetur quod si loquamur de indulgentia concessa Coronæ , vel Rosario , indulgentia non amitti-

tur quando cordula frangitur , vel vetus renouatur ; quia cordulæ variatio coronæ , vel rosarium moraliter nõ mutat , imò non amittitur indulgentia si grana aliqua frangantur , vel amittantur , & alia substituantur ; nam , vt supra dicebamus , sicut in templo , dum paulatim reficitur indulgentia non amittitur , ita nec in Corona vel Rosario , dummodo maior pars semper maneat , maior namque pars minorem trahit , vt patet de aqua non benedicta , quando in benedictam ponitur , tota enim fit benedicta , item cum oleum , vel chrisma non benedictum , in benedicto infunditur . Si loquamur de medalia , indulgentiam non amittit si superior pars , seu eius fibula frangatur , & foramen aliquod fiat vt suspendatur , quia adhuc ratione sculpturæ imaginis ad Religiosum vsum deseruire potest , neque indulgentiam amittit si in medio frangatur , & per artificem vnatur , licet enim per talem fractionem indulgentia cesset , per vnionem tamen reuertitur ,

D d d d tur ,

tur, vt patet quando templum destruitur & postea re-
 ædificatur; dum destruitur
 indulgentia amittitur, dum
 postquam reædificatum est,
 reuertitur. Si tamen meda-
 lia ex vetustate sculptas a-
 mitteret omnino imagines,
 videtur quod indulgentia a-
 mittatur, cum non amplius
 de seruire possit ad sanctorum
 cultum. Si deinde de cruce
 loquamur tunc indulgentiam
 amittit, quando formā Cru-
 cis non retinet, secus si reti-
 neat. Vnde loquendo de

cruce Carauaccæ indulgen-
 tiam amittit, si superiorem
 hastam amittat, quia licet
 maneat forma Crucis, non
 tamen Carauaccæ, secus si
 solum vna pars hastæ fran-
 gatur, vel pars inferior. Et
 hæc de hoc tractatu, vtinam
 cedant in honorē Dei, & Ec-
 clesiæ vtilitatem, cui & me,
 & omnia mea scripta, & scri-
 bēda submitto, die 8-Decem-
 bris 1656. qua die festum B.
 V. Mariæ de Victoria cele-
 bratur.





TRACTATUS SEPTIMVS DE SACRAMENTO EXTREMAE VNCTIONIS.



EGIMVS hucusque de sacramētis quæ animæ vulnera, hominis sano corpore viuentis, curare habent, nempe de Baptismo, Confirmatione, Eucharistia, & Pœnitentia; at modo in præsentī tractatu, de alio agemus sacramento, per quod homo nō quoquomodo corpore infir-

mus, sed taliter, quod ferè de huius vitæ stadio, sit exiturus, muniatur; quod sacramentum Extrema vocatur vnctio, vel quia Christiano in extremo vitæ posito conferatur, vel quia nouissimum tenet locum post Baptismum, Pœnitentiam, & Eucharistiā, quæ sunt sacramenta, quæ ipsum recipientem respiciunt, nec ad alium finem ordinant extrinsecum, vt facit Ordo,

De dd 2 qui

qui Ecclesiasticam respicit hierarchiam, & matrimoniū, quod qua sacramentum est, corporis mistici respicit conseruationem, licet qua naturalis contractus, humanam respiciat propagationem. Vel etiam dicitur hoc sacramentum vnctio Extrema, quia inter varias & multiplices, quibus vtitur Ecclesia, vnctiones,

hæc postrema sit; vnguntur namque Baptizandi; vnguntur, qui ordinantur, vnguntur qui confirmantur, vnguntur Episcopi, vnguntur Reges, &c. sed ante mortis periculum; hæc autem nostra vnctio datur infirmis, qui sunt in mortis periculō. De hac erga vnctione noster hic erit tractatus; Vnde sit.

DISPUTATIO

P R I M A

De Sacramenti Extremæ vnctionis essentia.

Sicut aliorum sacramentorum essentia, ex materia, & forma coalescit, ita & huius sacramenti essentia, ex propria materia, & forma coalescere debet, & sic in hac disputatione, huius sacramenti materia, & forma explicabitur; prætermisimus singularem proponere de huius sacramenti existentia disputationem, quia ex dictis de sacramentis in genere, suffi-

cienter eius habemus existentiam; quia tamen nostri temporis hæretici nō cessant nobis detrahere, quod sine fundamento hoc sacramentū adstruamus, & plura etiam obijciunt; ideo vt catholica veritas magis appareat, & hæreticorum falsitas detegatur, sequentem excitabimus questionem, quæ erit veluti præambula ad huius sacramenti essentiam intelligendam.

QVAE.

Q V A E S T I O I

*An Extrema vnctio sit verum, & proprium
nouae legis Sacramentum.*

Negarūt antiquitus Albigenses teste S. Antonio in sūma Theologica p. 4. tit. 10. cap. 7. Negauit Vviclephus teste N. Vualdense to. 2. de sacram. cap. 163. Negant Lutherus, Caluinus, & eorum a sseclae Extremam vnctionē esse sacramentum; imò eius ritum irrident, & cērimonias.

Nostra sententia sequenti explicatur cōclusionē. *Extrema vnctio, est verum nouae legis sacramentum, à Christo Domino institutum.* Hæc cōclusio est de fide. Probatur primò ex illo Iacobi 5. *infirmatur quis in vobis, inducat Presbyteros Ecclesiae, & orent super eum, vngentes cum oleo in nomine Domini, & oratio fidei saluabit infirmum, & alleviabit eū Dominus, & si in peccatis sit, dimittentur eis.* In quibus verbis cōtinentur omnia, quæ da veram sacramenti rationē erquiruntur: continetur materia proxima in illo verbo

vngentes, remota, in illo oleo, forma, in illis orent super eum, nam huius sacramenti forma deprecatoria est, vt postea videbitur: Minister, in illis Presbyter Ecclesiae, idest Sacerdos, subiectū, infirmus, infirmatur aliquis vestrum, effectus, peccatorum dimissio, si forte peccata adsint, seu gratia peccatorum remissiva, & spiritualis quædam deuotio, & hylaritas, vt postea dicetur; est signum sensibile, nā illa exterior vnctio, est signū gratiæ interioris vngētis, & ex-hylarātis, iuxta illud Psal. 44. propterea vnxit te Deus, Deus tuus oleo latitia: & Isa 61. spiritus Domini super me, eo quod vnxit me. Et 1. Ioan. 2. sed vos vnctionem habetis à Sancto, &c. est ergo extrema vnctio verum sacramentum, cū sit signum sensibile vnctionis interioris gratiæ, &c.

Confirmatur, quoniam citatus Iacobi locus semper ab Eccle-

• Ecclesia de hoc sacramento intellectus fuit, ut ex varijs colligitur auctoribus sanctis Patribus, & Concilijs, præsertim Tridentino sess. 14. cap. 1. ubi de hoc sacramento agens, dicit: *Intelligita est autem sacra hæc Unctio infirmorum tāquam verè, & propriè sacramentū novi Testamenti à Christo Domino nostro apud Marcum quidem insinuatū, per Iacobum autem Apostolum ac Domini fratrem, fidelibus commēdatū, ac promulgatū. Infirmitur quis &c.* Locum autem Marci, in quo hoc sacramentū insinuat, habetur cap. 6. ubi dicitur: *Et ungebant oleo multos agrotos, & sanabantur.*

Probatur secundò, ex Ecclesiæ definitione. Concilium Florentinum in literis unio- nis habet: *Quintum sacramentum Extrema unctio est, cuius materia est oleū oliuæ per Episcopum benedictum.* Tridentinum sess. citata can. 1. dicit: *Si quis dixerit Extremam unctiōnem, non esse verè, & propriè sacramentum à Christo Domino nostro institutum, & à Beato Iacobo Apostolo promulgatum, sed ritū tantum ac-*

*ceptum à Patribus, aut signū-
tum humanum, anathema sit.*

Sed quæres, quo tempore fuerit hoc sacramentum à Christo Domino institutum? Respondetur, quod cum non omnia, quæ fecit Christus, etiā circa sacramenta scripta sint, vix certò potest determinari tempus, quo hoc sacramentum fuerit institutum. Verisimilius tamen existimo, quod & communiter tenetur, hoc sacramentum fuisse in cœna institutū, & tunc Christum Dominum modum in huius sacramenti administratione seruendum, Apostolos docuisse. Et post resurrectionem dedisse illis potestatem illud conferendi, & ratio est, quia cum hoc sacramentum sit veluti sacramenti Poenitentiæ consummativum, ut docet Tridentinum, probabile est Christum non dedisse Apostolis potestatem illud administrandi antequam illis facultatem fecerit absoluedi. Soluuntur argumenta in contrarium.

Primum argumentum. Quoniam in omni Sacramen- to tignatur sacramentum tan-
tum,

tum, res sacramenti tantum, & res, & sacramentum simul; atqui in Extrema vnctione nequit assignari res, & sacramentum simul; ergo Nec vallet dicere cum D. Tho. q. 30. supplem. art. 3. rem, & sacramentum Extremæ vnctionis esse spiritualem quādam deuotionem, & hylaritatem. Nā contra est, quia hæc etiam ab alijs causantur sacramentis, præsertim ab Euchàristia. Tū quia hæc deuotio non potest esse actus, quia res, & sacramentum debet esse quid permanens; nec habitus, quia hucusq; nullus Philosophus, nec Theologus talem habitū somniauit. ergo.

Respondetur negando minorem, & assignatio facta optima est, ad improbationem dico, quod licet omnia sacramenta suam & sibi proportionatam causent deuotionem, & hylaritatem, nō tamen hoc speciali modo, quo ab hoc causatur sacramento, nempe per modum vnctionis spiritualis; vt ergo hæc deuotio talem habet fortitudinem, vt fit potens ad sanandam animam à peccatorum reliquijs,

& corpus à corporali agitudine, si id expediat, est sacramentum, & res huius sacramenti. Ad secundam probationem dico hanc deuotionem non esse nec actum, nec habitum, sed esse modum quendā specialem, gratiæ superadditum, qui causatur à sacramento tantum, & quo medio causat gratiæ eiusdem intensiōnem, & huius sacramenti propriam nempe sanatiuam reliquijs peccatorum, & collatiuam sanitatis corporalis si expediat, modo infra explicādo.

Secundam argumentum, quod maximè vrgent hæretici est, quia de sacramenti nouæ legis ratione est, quod in aliqua Euangelij parte reperiatur; atqui hoc non reperitur, ergo. Maior patet de Baptismo, Euchàristia, & Matrimonio. Minor nota est, nam in illo Marci 6. in quo dicitur insinuari, nō est sermo de hoc sacramento, imò de nullo, cū tunc indifferenter infirmi omnes vngerentur, &c. Respondetur negando Maiorem, nō enim institutio, vsus, & praxis cuiusque sacramenti scripta in Euangelio reperitur, non enim

enim ad hoc ut aliquid sit nouæ legis sacramentum, necesse est, quod in Euangelio sit scriptum, sed quod sit à Domino institutum; non enim Eucharistia, & Baptismus sa-

cramenta esse desinerent, si in Euangelijs non reperirentur; fuit ergo hoc sacramentum à Christo institutum, licet hoc scriptum expressè non reperiatur.

Q V A E S T I O II

Utrum sit de olei essentia, ut sit huius sacramenti materia, quod sit ab Episcopo benedictum.

DE fide est oleū ab Episcopo benedictum esse remotam huius sacramenti materiam, ut constat ex verbis Concilij Florētini, & Tridentini quæst. præcedenti relatis; hocque colligunt Theologi ex verbis Iacobi: *ungentes eum oleo in nomine Domini*, ubi ly *in nomine Domini*, denotat olei benedictionem; Vnde de hoc nulla est difficultas inter Theologos, solum difficultas est, an Episcopi benedictio sit essentialis, an solum accidentalis; taliter, quod si hoc sacramentū conferretur, in oleo non benedicto, vel benedicto ab aliquo simplici Sacerdote, verè teneret, saltem si talis benedi-

ctio fiat, Episcopi, vel etiam Pontificis auctoritate. Aliqui solent hanc quæstionem sic proponere, an Summus Pontifex possit dispensare, quod oleum infirmorum à simplici Sacerdote benedicatur; sed in idem reddit, si enim Episcopi benedictio sit de essentia, nullus poterit talem facere dispensationem, si vero non sit de essentia, saltem à Pontifice fieri poterit.

Prima sententia est Episcopi benedictionem esse de huius sacramenti essentia, taliter quod in nulla necessitate, etiam per Pontificis dispensationem possit talem facere, Sacerdos simplex benedictionē; ita Coninchus disp. 19. dub. 2.

dub. 2. concl. 2. Bonacina disput. 7. q. unica par. 2. num. 3. & alij.

Secunda sententia in alio extremo est, quod talis benedictio de essentia non fit, taliter quod non solum talē possit facere benedictionem simplex Sacerdos, ex Pontificis concessione, verum etiam ex concessione Episcopi. Imò quod in casu necessitatis possit hoc sacramentum conferri in oleo non benedicto. Ita Ioānes Martinon de sacram. disput. 65. sect. 3. nu. 16. cuius verba refert Diana par. 10. tract. 16. resol. 81.

Nostra sententia sequenti explicatur conclusione. *Simplex Sacerdos potest ex commissione, vel delegatione Summi Pontificis, esse minister benedictionis olei infirmorum, licet solus Episcopus, sit huius benedictionis minister ordinarius.* Hæc conclusio est communis inter Thomistas, quatenus dicunt Episcopi benedictionem non esse essentialē, cum possit per simplicem fieri Sacerdotē. Hos citat Martinon apud Dianam loco citato, & sunt Victoria, Sorus, &

Caietanus, quibus additur Paludanus, & Valentia, quibus addit Diana, Henriquez, Zambranum, & Lessium, quatenus dicunt ex Pontificis commissione posse simplicem Sacerdotem illam facere benedictionem, quod probabile iudicat Diana. Pro quo nota sacramenti ministrum, alium esse ordinarium, alium ex delegatione: ordinarius est, cui ex sacramēti institutione primariò, & ratione sui materia committitur præparanda, ille vero est ex delegatione, cui materia præparatio ex alterius convenit commissione, & sic, cum ex Euangelij non cōstet, an Christus Dominus personam, quæ huius materiam sacramenti præparare deberet, determinaverit, credibile est, quod voluerit hanc sacramenti materiam, tanquam ex officio ab Episcopo præparati, ut præparatur materia illorum sacramētorum, quæ Christus non fuit usus; & quod ex sui Vicarij delegatione, alius deputari possit minister idoneus.

Probaturs conclusio, quia Græci ex antiquissima cōsue-

Ecc e tudi-

tudine orientalis Ecclesie à Clem. VIII. approbata, confecerunt namq; Græci hoc sacramentū cū oleo nō ab Episcopo benedicto, sed ab ipsis Presbyteris; atqui hoc esse nō potest, nisi ex Summi Pontificis cōmissione; ergo ex cōmissione ista poterit huius sacramēti materia à simplici Sacerdote benedici. Vnde non placet, quod dicit Martinon, quod talis benedictio fiat ab illis Presbyteris de licentia Episcopi, cum ipsi Episcopi reclamant, & vellent eos vti oleo à se benedicto. Multo minus placet quod dicit autor ille, quod in casu necessitatis posset deferuire oleum non benedictum, cum Concilia velint oleum esse debere benedictum, & hoc rationabiliter, quia sacramēti materia, quæ Christi contactu non fuit sanctificata, vt aqua, panis, & vinum, non debet villo modo ad sacramentum deferuire, nisi benedicatur, consecratur, cleuetur, & proportionetur sacramento. Admittit tamen Diana cum Decastillo, Laymano, Lugone, & Baunio, quod in casu necessi-

tatis, si oleum non adesset, posset hoc sacramentum in Chrismate conferri, licet hoc non admittat Palaus, quia est contra Ecclesie consuetudinem, & quia Chrismatis consecratio non est facta. per ordinem ad hoc sacramentum; sed neutra Palai ratio, Dianæ sententiam destruit; non prima, quia non constat de tali Ecclesie consuetudine, & si constaret, posset quis dicere eo necessitatis casu non officere: nec secunda quia in sacramenti materia, saltem remota, talis ordinatio non requiritur, sed sufficit quod materia sit idonea, &c.

Sed quæres primò, an ritus benedicendi oleum infirmorum sit à Christo Domino determinatus? Respondetur negativè, sed liberam reliquit Ecclesie eius institutionem, quam posset si vellet mutare.

Quæres secundò. An possit Curatus v. g. quia oleum benedictum est in parua quantitate, oleum non benedictū in benedicto ponere, & sic sacramentum conferre? Respondetur affirmativè, dummodo in parua ponatur quantitate,

titatesimò saluo meliori iudicio puto quod si sensim infunderetur posset etiam in magna infundi quantitate, quia tunc paulatim præcedenti vnitur, & fit totum benedictū, vt cum paruo igni paulatim ligna adduntur, & fit magnus ignis, non censetur nouus ignis, sed prior manere, idem

dicerem de aqua benedicta.

Quæres tertio, an possit Sacerdos hoc sacramentum conferre in oleo veteri, & non eo anno benedicto? Respondetur affirmatiuè, ita Diana cum alijs loco citato, licet cōsultum sit omni anno nouum curare oleum, & vetus comburere nouo habito, nō prius.

Q V A E S T I O III.

*De materia proxima huius Sacramenti,
quæ est vñctio.*

DE vñctione, quæ est proxima huius sacramenti materia plures excitantur difficultates. Prima est, an hæc Vñctio in modum crucis fieri debeat? Respondetur negatiuè, quia nec S. Iacobus, nec Cōcilia, nec Patres illam requirunt; debet tamen ita fieri, quia in omnibus sacramentis, crucis signum solet adhiberi. Quod si id non fiat absque scādalo, sed ex rationabili causa, non erit peccatū, vt si ob celeritatem, quia infirmus periclitatur, vel pestis

tempore, omittatur, &c.

Secunda difficultas, in qua quantitate, hæc Vñctio fieri debeat? Respondetur eadem proportionali qua fit Baptismi ablutio; vnde sicut ad faciendam sufficientem pro Baptismo ablutionem, vna aquæ gutta sufficit, ita ad faciendū huius sacramenti vñctionem, pro vno sensu, vna olei gutta sufficiet.

Tertia difficultas, an hæc Vñctio fieri debeat immediato conferentis contractu, an vero fieri possit medio aliquo

E c c c 2 in-

instrumento, v.g. virga oblonga? Respondetur affirmatiue, ad fugiendam præsertim contagionem, siue pestis, siue alterius morbi. Ita Diana pat. 4. tract. 4. resol. 168. post Syluium; cui ego addo Isambertum de extrema vnct. disp. 2. art. 4. in fine, qui testatur de praxi Ecclesie. Ratio est, quia in hoc sacramento attenditur vnctio, non instrumentum, quo fit, ac proinde parum refert quod mediata, vel immediate fiat.

Quarta difficultas, an inunctio quinque sensum sit de huius sacramenti necessitate? Respondetur affirmatiue, pro quo nota, quod quinque sensuum vnctio dupliciter fieri potest, explicitè scilicet, & implicitè; explicitè, cum vnusquisque sensus inungitur propriâ adiungendo formam; vt cum vnus (quod sufficit) vel vterque vngitur oculus, & sua additur forma, nimirum, *Per istam sanctam unctionem, & suam piissimam misericordiâ indulgeat tibi Deus quidquid peccasti per visum*. Implicitè, cû v.g. vnus, vel duo vnguntur oculi, & adæquata omnium sensuum additur forma, dicendo: *Per*

istam sanctam unctionem, & suam piissimam misericordiâ indulgeat tibi Deus, quidquid peccasti per visum, auditum, gustum, odoratum, & tactum. Nam licet hic oculus non sit determinate, clarè, & distinctè adequata huius sacramenti materia, cû clarè & distinctè non stet pro quinque sensibus; tamen implicitè, & confusè, prout tali substantiæ formæ, adequatam huius sacramenti materiam inuoluit Hoc posito, dico contra aliquos quos congerit Diana p. 4. de sacram. resol. 168. & p. 8. tr. 1. resol. 21. quod licet non sit de huius sacramenti necessitate, quod fiat singulorum sensum expressa, & determinata Vnctio; est tamen, quod fiat implicita, modo explicato. Ita docet idem Diana locis citatis post multos, & grauissimos auctores quos ibi allegat quibus addo Isamb. loco citato art. 5.

Probat, quia vnica Vnctio modo dicto facta, sufficienter denominat hominem vnctum, sicut vnica ablutio in Baptismo, & sicut ex hoc non est necesse hominem tri-

na Baptizare ablutione, ita non erit necesse infirmum quintuplici vngere Vnctione.

Confirmatur, quia hic adest huius sacramenti forma, adest vnctio, & etiam tota & adequata materia, in vna eius parte implicite contenta; ergo. Ex quibus infert Diana, quod tempore pestis potest eo modo Extrema vnctio conferri, licet fortè melius esset cito omnes sensus percurrere vngendo vnum oculum, vnam aurem, &c. & totam formam proferre, nimirum: *Per istam sanctam &c. indulgeat tibi Deus quod peccasti per visum, auditum &c.*

Sed petes, an sit probabilis illorum sententia, qui dicunt posse inungi vnam solam partem, proferendo formam partialem sibi correspondentem; vt vngendo solum oculum, & dicendo. *Per istam sanctam Vnctionem &c. indulgeat tibi Deus quidquid peccasti per visum?* Affirmatiuè respondet Diana de sacram. resol. 179. post Syluium, quem ibi citat. Et hanc sententiam omni conatu defendit Beccanus de sacram. c. 25. q. 7. nu.

6. vbi docet vnam sufficere vnctionem, in capite, vel pectore factam &c. Probat 1. quia nec in scriptura, nec in vniuersali traditione Ecclesiæ aliud colligi potest 2. quia forma Ambrosiana, & Veneta nisi vnam significant vnctionem 3. quia sicut in Baptismo vna sufficit immersio, ita in hoc sacramento vna Vnctio. Sed non est recedendum à communi sententia Theologorum cum D. Thoma 4. dist. 23. q. 1. art. 1. Ratio est, quia omnes vnctiones vnam, & adequatum complent huius sacramenti significationem; ergo nisi ponantur saltem implicite, modo dicto, vel non ponetur sacramentum, vel saltem non completum; sicut enim non licet in Altaris sacrificio vnicam tantum consecrare speciem, licet vtraque sit ipsa verum sacramentum secundum suas partiales rationes; quia non ponitur integrum sacramentum in ratione cōiuncti, vt de Eucharistia diximus; ita neque hic licebit vnicam solum ponere vnctionem, quia non ponetur integrum sacramentum

tum secundum completam ipsius significationem, quæ est totalem facere reliquiarum peccatorum deletionem. Sed hic alia emergit difficultas, quam hic subiicimus.

Quinta difficultas, an quinque unctiones sint vnum, vel quinque sacramenta specie distincta? Est opinionum varietas; aliqui namque volunt omnes unctiones esse distincta specie sacramenta, & distinctas habere specie significationes, & distinctas specie conferre gratias sacramentales, & solum genere esse vnũ, vt est multorum opinio, de sacramento ordinis; & sic sicut in Ordine vnum potest conferri sacramentum sine alio, & vnum quodque suam confert gratiam, ita & in hoc sacramento; Vnde si quis moriatur post primam unctionem vnum specie & numero recipit sacramentum; si post secundam duo, & iste maiorem gratiam, quam primus perfecte recipiet, &c. Alij volunt, omnes unctiones esse sacramenta, sed solam primam (quæ enimque illa sit) conferre gratiam, cum non sit de ratione

sacramenti, quod gratiam conferat, sed quod possit illam conferre si iam producta non inueniat huiusmodi autem sunt omnes iste unctiones.

Alij denique volunt quod solum vltima gratiam causet, omnes tamen vnum conficiat sacramentum. Dico primò; *licet qualibet unctio si secundum se consideretur, & in ordine ad partialem effectum, quem causat, sit verum sacramentum specie ab alijs distinctum, tamen si consideretur in ordine ad totalem significationem, vnum specie cum alijs conficit sacramentum.* Hæc est expressa Diui Thomæ sententia in 4. dist. 23. q. 1. art. 1. vbi comparat hoc sacramentum, Eucharistiæ, quod licet sit plura sacramenta habentia proprias significationes &c. tamē quia iste vnā adequatam complent in ratione conuiuij, significationem, ideo vnum specie sacramentum est: ita in hoc sacramento, quia (verba sunt Angelici) *curatio interiorum vulnerum non potest perfecte significari nisi per oppositionem medicina ad diuersas vulnerum radices, ideo plures*

res actiones sunt de perfectione
huius sacramenti.

Dico secundò, unaquæque
vntio suam causat partialem
gratiam: unde cum primum
unguntur oculi, omnia remit-
tuntur peccata mortalia, quæ
quis habet, licet putet non ha-
bere, & actum habet attritio-
nis; nam vt diximus de sacrâ.
in genere, omnia sacramenta
vniuerborum primam conferunt
aliquando gratiam, & faciunt
ex attrito contritum, quando
quis bona fide recipit illa; &
deinde remittantur omnia ve-
nialia, quæ per oculorum sen-
sum commissâ fuerunt. Secû-
da vntio, remittit venialia
illi sensui correspondentia, &

sic de ceteris, & omnes iste
partiales vulnerum curationes
vnam integrant curationem,
ratione cuius vnum specie effi-
ciatur sacramentum. Hæc cõ-
clusio sic explicata est expres-
sè in D. Thoma loco citato,
ob id hoc sacramentum, Eu-
charistiæ comparat, cuius
vtraque pars suam produci
gratiam; &c. ob hanc eandẽ
rationem vult D. Thomas,
quod sicut in Eucharistia si
moriatur sacerdos post primę
speciei consecrationem, de-
beat alius supplere, ita idem
fieri debeat in hoc sacramen-
to, vt suo (vt illud, non care-
at complemento, &c.

Q V A E S T I O IV.

De forma huius sacramenti, deq; annexis illius.

DVo possunt in huius sa-
cramenti forma consi-
derari, sicut & considerata
fuere in alijs sacramentorũ
formis, essentialia nimirum,
& non essentialia, siue inte-
gralia sint, siue accidentalia:
vt in forma consecrandi ca-

licis, essentialia sunt prima
verba *Hic est calix sanguinis
mei*: integralia sequentia: ac-
cidentalit enim Huius sacra-
menti forma adequatè sump-
ta est: *Per ista sanctam vn-
ctionem, & per suam pijsimã
misericordiam indulgeat tibi*

Deus

Deus quidquid peccasti per visum, illam replicando super omnem sensum, nam renes & pedes non sunt partes necessario vngendæ, mos tamē propriæ Ecclesiæ seruandus est. Hæc forma deprecatiua est, vt patet ex verbis D. Iacobi, & hoc conuenientissimè, vt hoc sacramentum, à Pœnitentia distingueretur. Nam cum hoc sacramentum peccatorum faciat remissionem, & sit infirmorum pœnitentia, & sit sacramentum Pœnitentiæ sacramenti, cōsummatium, vt docet Tridēnum sess. 14. debuit modo deprecatio confici, vt sic, infirmo peccata dimitterentur, sine eius labore, sed sola Dei misericordia, sine vllō satisfactionis opere; & licet hæc forma, oratio deprecatiua sit, ita tamen efficaciter gratiam facit, ac aliæ aliorum sacramentorum formæ, quæ orationes absolutæ sunt. Vnde patet falsitas sententiæ Becani de sacram. c. 17, q. 7. vbi dicit sufficere formā indicatiuam; cum hoc verbis D. Iacobi repugnet, & omnium Theologorum sensui.

Forma essentialis huius sacramenti his verbis continetur. *Per unctioem indulgeat tibi Deus*: per ista namque verba sufficienter huius sacramenti effectus significatur; nam illa particula *per unctioem* significat materiæ remotæ nempe olei applicationem, materia namque proxima, est remotæ applicatio: *indulgeat*, exprimit deprecationem, & gratiam peccatorum remissionem, cum indulgentia peccatorum quam facit Deus, non nisi media gratia fiat: illa particula *Deus*, significat quod hæc indulgentia sit potissimè per Dei misericordiam. Aliæ particulæ ponuntur ad maiorem explicationem, & effectus expressionem. Videatur Ilambertus hic disput. 3. art. 2. & Petrus de S. Ioseph, in sua Idea, qui optimè probant quod nō sit necesse ad veritatem sacramenti, quod sensus in forma exprimantur, licet inungi debeāt modo supra dicto; quodque probabile dicit Diana 10. p. tract. 12. resol. 32.

Sed quæres primò, an ad valorem sacramenti debeat huius

huius sacramenti forma ad singulas sensuum Vnctiones repeti? Respondetur ex dictis quod non, sed sufficit quod dū quinque sensus inunguntur tota forma super illos sine repetitione proferatur, hoc modo: *Per istam sanctam vnctionem, & per suam pijsimā misericordiam, indulgeat tibi Deus quidquid peccasti per visum, auditum, gustum, odoratum, & tactum*; alix duæ partes, non sunt necessario vngendæ, imò nullo modo renes in feminis, vt Rituale præscribit Romanum, & si aliquis inungere vellet, sufficeret illas cū alijs in eadē forma coniungere: est communis Theologorum sententia,

Quætes secundò, an extra necessitatis casum, possit

quis non replicare ad omnes sensuum vnctiones propriam formā, sed vnica sufficiat prolatio, sensus omnes amplectens, modo mox dicto? Dicastillus apud Dianam par. 10. tract. 11. resol. 11. dicit nullū esse peccatū mortale, formæ relinquere repetitionem, sed vnico cōtextu omnes sensus nominare: rationem assignat, quia cum Presbyteri oratio sit omnibus sensibus communis, etiam formæ prolatio cōmunis esse poterit. Sed hæc sententia nullo modo est admittendā, cum sit contra præxim Ecclesiæ in re graui: dico ergo extra necessitatis casum nullo modo licere vnica ad omnes sēsus adhibere formam, sed vnicuique propriā partialem, addendam esse.



DISPUTATIO

SECUNDA

De Extremæ unctionis effectibus, deque ministro, subiecto, dispositionibus, & obligationibus ministrandi, & recipiendi illud.

HAec omnia sub vnica coniungimus disputatione, ne pro vna quaque questione, vna instituatur disputatio. Explicuimus disputatione præcedenti Extremæ unctionis essentiâ, ad quam eius subsequuntur effectus, postea minister, deinde subiectum capax illius,

dispositiones requisitæ in tali subiecto, vt dignè hoc sacramentum recipiat, & tandem obligationes ministri ad illud administrandum, & subiecti ad illud recipiendum, & sic, omnia quæ de hoc sacramento pertractari solent explicata manebunt.

Q V A E S T I O I.

Quinam sint Sacramenti Extremæ unctionis effectus.

Effectus alij sunt primarij, alij secundarij, alij per accidens. Dico primò: *gratia sanctificans prout fundatur in infirmo, qui hoc recipit sacramentum, ad recipiendâ specialia*

cialia Dei auxilia, ut iuuetur, & confortetur eius animus, in fide, spe, & fiducia diuina misericordia: ut iuuetur ad perfrendos morbi dolores, & corroboretur ad fortiter diaboli sustinendos insultus, est huius sacramenti primarius effectus. Hæc cōclusio est expressa D. Thomæ sentētia q. 30. suppl. art. 1. quatenus dicit, quod huius sacramēti effectus primarius, sit expellere reliquias peccatorum: pro quo nota, quod hic terminus *peccatorum reliquia*, variē à Theologis explicatur, aliqui namque per *peccatorum reliquias* pœnās intelligūt temporales, quæ peccato dimisso quoad culpam exolundæ aliquando remanent, & hæc reliquias volunt esse primarium huius sacramenti effectum; sed hoc esse nequit, alioqui pauci qui hoc sacramentum susciperent, ad Purgatorium irent, nisi in casu quo post illud aliquod veniale committerēt, vel mortale, sed vel cōfiteretur, vel per contritionem deleteretur. Alij per *peccatorum reliquias* intelligunt sanitatis corporalis restitutionem, quia putant

infirmiorem esse peccati reliquiā, sicut dolores, &c. Sed ut ex dicendis patebit, iste nō potest esse primarius huius sacramenti effectus. Alij volunt habitus vitiosos esse *peccatorum reliquias*, & hos tolli primariō per huius sacramēti susceptionem.

Sed D. Thomas loco citato vult quod sit *quædam debilitas, & ineptitudo, quæ in nobis relinquitur ex peccato actuali, vel originali.* & contra hanc debilitatem homo roboratur per hoc sacramentum. Sed quia hoc robur gratia facit, quæ secum non compatitur peccatum, ideo *ex consequenti tollit illud, si inueniat, siue mortale, siue veniale, &c.* Pro horum verborum pleno intellectu nota cū Nugno ibidem, quod homo in mortali existēs, habet proinitatem, & procliuitatem ad malum, & quandam ineptitudinem, langorem, & debilitatem ad operandum bonū, qui peccati effectus ablata culpa saltem ex parte manēt, & hæc *peccatorum reliquias*, dicuntur: & sic proprius huius sacramenti effectus est causare gratiam, latificantē ani-

nam roborantem, & confidentem vigorem, erigentem animum in fidem, spem, & fiduciam diuinæ misericordiæ, &c. & quia gratia id præstat medijs auxilijs, ideo diximus in cōclusionē effectum huius sacramenti primarium esse conferre gratiam, quæ fundat ius ad specialia recipienda auxilia, quibus languor, & debilitas ex peccatis relicta, tollatur, & subinde infirmus roboretur, confortetur, &c.

Probat̃ur conclusio sic explicata ex verbis Iacobi, & *alleuiabit eum Dominus*: quasi dicat: Dominus gratiam cōferet, qua infirmus alleuietur, roboretur, &c. reliquijs peccatorū exclusis. Hæc omnia prosequitur Tridentinum sess. 14. cap. 2. vbi dicitur: *Res porro & effectus huius sacramenti illis verbis explicatur: & oratio fidei saluabit infirmum, & alleuiabit eum Dominus; & si in peccatis sit, dimittentur ei.* Res etenim hæc, gratia est Spiritus sancti, cuius unctio delicta, si qua sint adhuc expianda, ac peccati reliquias abstergit, & aegroti animam alleuiat, & con-

firmat, magnam in eo diuinam misericordiam fiduciam excitando; qua infirmus subleuatus, & morbi incommoda, ac labores leuius fert, & tētationibus Demonis, calcaneo insidiantis, facilius resistit, & sanitatem corporis interdum, vbi salutis animæ expediret, consequitur.

Dico secundò. Remissio peccatorum tum mortalium, tum venialium, est secundarius, sed proprius huius sacramenti effectus. Patet ex illo Iacobi, & si in peccatis fueris remittentur ei, & ex Tridentino mox citato. Quod hoc sacramentū, modo quodam speciali, & sibi proprio, peccata remittat venialia, cōcedunt omnes, alioqui perfectum non conferret robur, nec perfectē animam alleuiaret, & erigeret in spem viam, & fiduciā diuinæ misericordiæ, cum venialia, hæc habeant impedire. Quod autem habeat etiam mortalia remittere patet ex dictis, cum faciat, ex attrito contritum; & quod etiam hoc sit huius sacramēti proprium, patet ex modo dictis.

Dico tertio: Sanitas corporalis quando id expedit, est proprius

prius huius sacramenti effectus, licet secundarius: patet ex dictis. Dico quartò: *habet etiam hoc sacramentum ex opere operato aliquas pœnas peccatis debitas dimittere*; patet ex dictis de satisfactione; quod namque est ex opere operato, culpæ remissum, est etiam remissum alicuius poenæ, quod omnia præstant sacramenta, ut alibi diximus.

Sed quæret hic aliquis, quonam tempore, hi producuntur effectus, an ad singulas vñctiones, an vero postquam totum sacramentum consummatum est? Respondetur ex dictis, quod sicut singu-

læ vñctiones suas producant gratias, etiam sibi correspondentes producant effectus, singulæ namque vñctiones suam habent particularem materiam, & formam, & sic singulæ, propriam peccati radicem destruere debent; sensus namque sunt omnium radices delictorum, iuxta illud, *mors intrat per fenestras*.

Petes, an habitus vitiosi computentur inter reliquias peccatorum? Respondetur affirmatiuè, quia re vera prouocant ad malum, causant: & licet per hoc sacramentum vitiosi habitus totaliter non tollantur, minuuntur tamen.

Q V A E S T I O II.

Quisnam sit huius sacramenti minister.

Dico primò, *in casu necessitatis, quilibet Sacerdos est sufficiens huius sacramenti minister*. Hæc conclusio est de fide definita in Tridentino sess. citata can. 4. vnde Diaconus etiam ex Pontificis dispensatione non potest esse huius sacramenti minister.

Ratio est quia cum hoc sacramentum sit Poenitentiae complementum, characterem supponere debet sacerdotalem. Et quia, quælibet actio sacramentalis in corpus Domini mysticum (si Baptismum excipias, cum sit summæ necessitatis sacramentum) supponit

instrumento, v.g. virga oblonga? Respondetur affirmatiue, ad fugiendam præsertim contagionem, siue pestis, siue alterius morbi. Ita Diana par. 4. tract. 4. resol. 168. post Syluii; cui ego addo Isambertum de extrema vnct. disp. 2. art. 4. in fine, qui testatur de praxi Ecclesie. Ratio est, quia in hoc sacramento attenditur vnctio, non instrumentum, quo fit, ac proinde parum refert quod mediata, vel immediata fiat.

Quarta difficultas, an inunctio quinque sensum sit de huius sacramenti necessitate? Respondetur affirmatiue, pro quo nota, quod quinque sensuum vnctio dupliciter fieri potest, explicitè scilicet, & implicitè; explicitè, cum vnusquisque sensus inungitur propria adiungendo formam; vt cum vnus (quod sufficit) vel vterque vngitur oculus, & sua additur forma, nimirum, *Per istam sanctam unctionem, & suam piissimam misericordiam indulgeat tibi Deus quidquid peccasti per visum*. Implicitè, cum v.g. vnus, vel duo vnguntur oculi, & adequata omnium sensuum additur forma, dicendo: *Per*

istam sanctam unctionem, & suam piissimam misericordiam indulgeat tibi Deus; quidquid peccasti per visum, auditum, gustum, odoratum, & tactum. Nam licet hic oculus non sit determinate, clarè, & distinctè adequata huius sacramenti materia, cum clarè & distinctè non stet pro quinque sensibus; tamen implicitè, & confusè, prout tali substantia formæ, adequatam huius sacramenti materiam inuoluit. Hoc posito, dico contra aliquos quos congerit Diana p. 4. de sacram. resol. 168. & p. 8. tr. 1. resol. 21. quod licet non sit de huius sacramenti necessitate, quod fiat singulorum sensum expressa, & determinata Vnctio; est tamen, quod fiat implicita, modo explicato. Ita docet idem Diana locis citatis post multos, & grauissimos auctores quos ibi allegat quibus addo Isamb. loco citato art. 5.

Probat, quia vnica Vnctio modo dicto facta, sufficienter denominat hominem vinctum, sicut vnica ablutio in Baptismo, & sicuti ex hoc non est necesse hominem tri-

na Baptizare ablutione , ita non erit necesse infirmum quintuplici vngere Vnctione.

Confirmatur , quia hic adest huius sacramenti forma , adest vnctio , & etiam tota & adequata materia , in vna eius parte implicite contenta ; ergo . Ex quibus infert Diana , quod tempore pestis potest eo modo Extrema vnctio conferri , licet fortè melius esset cito omnes sensus percurrere vngendo vnum oculum , vnam aurem , &c. & totam formam proferre , nimirum : *Per istam sanctam &c. indulgeat tibi Deus quod peccasti per visum, auditum &c.*

Sed petes , an sit probabilis illorum sententia , qui dicunt posse iungi vnam solam partem , proferendo formam partialem sibi correspondentem ; vt vngendo solum oculum , & dicendo . *Per istam sanctam Vnctionem &c. indulgeat tibi Deus quidquid peccasti per visum ?* Affirmatiuè respondet Diana de sacram. resol. 179. post Syluium , quem ibi citat . Et hanc sententiam omni conatu defendit Beccanus de sacram. c. 25. q. 7. nu.

6. vbi docet vnam sufficere vnctionem , in capite , vel pectore factam &c. Probat 1. quia nec in scriptura , nec in vniuersali traditione Ecclesiæ aliud colligi potest 2. quia forma Ambrosiana , & Veneta nisi vnam significant vnctionem 3. quia sicut in Baptismo vna sufficit immersio , ita in hoc sacramento vna Vnctio . Sed non est recedendum à communi sententia Theologorum cum D. Thoma 4. dist. 23. q. 1. art. 1. Ratio est , quia omnes vnctiones vnam , & adequatum complent huius sacramenti significationem ; ergo nisi ponantur saltem implicite , modo dicto , vel non ponetur sacramentum , vel saltem non completum ; sicuti enim non licet in Altaris sacrificio vnicam tantum consecrare speciem , licet vtraque sit ipsa verum sacramentum secundum suas partiales rationes ; quia non ponitur integrum sacramentum in ratione cōiuij , vt de Eucharistia diximus ; ita neque hic licebit vnicam solum ponere vnctionem , quia non ponetur integrum sacramentum

tum

res actiones sunt de perfectione huius sacramenti.

Dico secundò, unaquaque unctio suam causas partialem gratiam: unde cum primum unguuntur oculi, omnia remittuntur peccata mortalia, quæ quis habet, licet putet non habere, & actum habet attritionis; nam ut diximus de sacrâ. in genere, omnia sacramenta viuorum primam conferunt aliquando gratiam, & faciunt ex attrito contritum, quando quis bona fide recipit illa; & deinde remittantur omnia venialia, quæ per oculorum sensum commissâ fuerunt. Secundâ unctio, remittit venialia illi sensui correspondentia, &

sic de ceteris, & omnes istæ partiales vulnerum curationes unam integrant curationem, ratione cuius unum specie efficitur sacramentum. Hæc conclusio sic explicata est expressè in D. Thoma loco citato, ob id hoc sacramentum, Eucharistiæ comparat, cuius utraque pars suam produci gratiam; &c. ob hanc eandem rationem vult D. Thomas, quod sicut in Eucharistia si moriatur sacerdos post primæ speciei consecrationem, debeat alius supplere, ita idem fieri debeat in hoc sacramento, ut suo (ut illud, non caret complemento, &c.

Q V A E S T I O . IV.

De forma huius sacramenti, deq; annexis illius.

DVo possunt in huius sacramenti forma considerari, sicut & considerata fuere in alijs sacramentorû formis, essentialia nimirum, & non essentialia, siue integralia sint, siue accidentalia: ut in forma consecrandi ca-

licis, essentialia sunt prima verba *Hic est calix sanguinis mei: integralia sequentia; accidentale enim* Huius sacramenti forma adequatè sumpta est: *Per ista sanctam unctiorem, & per suam piissimâ misericordiam indulgeat tibi Deus*

Deus quidquid peccasti per visum, illam replicando super omnem sensum, nam renes & pedes non sunt partes necessario vngendæ, mos tamē propriæ Ecclesiæ seruandus est. Hæc forma depræcatia est, vt patet ex verbis D. Iacobi, & hoc conuenientissimè, vt hoc sacramentum, à Pœnitentia distingueretur. Nam cum hoc sacramentum peccatorum faciat remissionem, & sit infirmorum pœnitentia, & sit sacramentum Pœnitentiæ sacramenti, cōsummatium, vt docet Tridēnum sess. 14. debuit modo depræcatio confici, vt sic, infirmo peccata dimitterentur, sine eius labore, sed sola Dei misericordia, sine vllō satisfactionis opere; & licet hæc forma, oratio depræcatia sit, ita tamen efficaciter gratiam facit, ac aliæ aliorum sacramentorum formæ, quæ orationes absolutæ sunt. Vnde patet falsitas sententiæ Becani de sacram. c. 17, q. 7. vbi dicit sufficere formā indicatiuam; cum hoc verbis D. Iacobi repugnet, & omnium Theologorum sensui.

Forma essentialis huius sacramenti his verbis contingitur. *Per unctioem indulgeat tibi Deus*: per ista namque verba sufficienter huius sacramenti effectus significatur, nam illa particula *per unctioem* significat materiæ remotæ nempe olei applicationem, materia namque proxima, est remotæ applicatio: *indulgeat*, exprimit depræcationem, & gratiam peccatorum remissionem, cum indulgentia peccatorum quam facit Deus, non nisi media gratia fiat: illa particula *Deus*, significat quod hæc indulgentia sit potissimè per Dei misericordiam. Aliæ particule ponuntur ad maiorem explicationem, & effectus expressionem. Videatur Hambertus hic disput. 3. art. 2. & Petrus de S. Ioseph, in sua Idea, qui optimè probant quod nō sit necesse ad veritatem sacramenti, quod sensus in forma exprimantur, licet inungi debeāt modo supra dicto; quodque probabile dicit Diana 10. p. tract. 12. resol. 32.

Sed quæres primò, an ad valorem sacramenti debeat huius

huius sacramenti forma ad singulas sensuum Vnctiones repeti? Respondetur ex dictis quod non, sed sufficit quod dū quinque sensus inunguntur tota forma super illos sine repetitione proferatur, hoc modo: *Per istam sanctam vñtionem, & per suam piissimā misericordiam, indulgeat tibi Deus quidquid peccasti per visum, auditum, gustum, odoratum, & tactum*; aliæ duæ partes, non sunt necessario vngendæ, imò nullo modo renes in fēminis, vt Rituale præscribit Romanum, & si aliquis inungere vellet, sufficeret illas cū alijs in eadem forma coniungere: est communis Theologorum sententia.

Quæres secundo, an extra necessitatis casum, possit

quis non replicare ad omnes sensuum vñctiones propriam formā, sed vnica sufficiat prolatio, sensus omnes amplectens, modo mox dicto? Dicastillus apud Dianam par. 10. tract. 11. resol. 11. dicit nullū esse peccatū mortale, formæ relinquere repetitionem, sed vnico cōtextu omnes sensus nominare: rationem assignat, quia cum Presbyteri oratio sit omnibus sensibus communis, etiam formæ prolatio cōmunis esse poterit. Sed hæc sententia nullo modo est admittenda, cum sit contra præxim Ecclesiæ in re graui: dico ergo extra necessitatis casum nullo modo licere vnica ad omnes sēsus adhibere formam, sed vnicuique propriā partialem, addendam esse,



DISPUTATIO

SECUNDA

De Extremæ unctionis effectibus, deque ministro, subiecto, dispositionibus, & obligationibus ministrandi, & recipiendi illud.

HAec omnia sub vnica coniungimus disputatione, ne pro vna quaque questione, vna instituatür disputatio. Explicuimus disputatione præcedenti Extremæ unctionis essentiã, ad quam eius subsequuntur effectus, postea minister, deinde subiectum capax illius,

dispositiones requisitæ in tali subiecto, vt dignè hoc sacramentum recipiat, & tandem obligationes ministri ad illud administrandum, & subiecti ad illud recipiendum, & sic, omnia quæ de hoc sacramento pertractari solent explicata manebunt.

Q V A E S T I O I.

Quinam sint Sacramenti Extremæ unctionis effectus.

Effectus alij sunt primarij, alij secundarij, alij per accidens. Dico primò: *gratia sanctificans prout fundatur in infirmo, qui hoc recipit sacramentum, ad recipiendâ specialia*

cialia Dei auxilia, ut iuuetur, & confortetur eius animus, in fide, spe, & fiducia diuinæ misericordiae: ut iuuetur ad perfrendos morbi dolores, & corroboretur ad fortiter diaboli sustinendos insultus; est huius sacramenti primarius effectus. Hæc cōclusio est expressa D. Thomæ sententia q. 30. suppl. art. 1. quatenus dicit, quod huius sacramenti effectus primarius, sit expellere reliquias peccatorum: pro quo nota, quod hic terminus peccatorum reliquiarum, variè à Theologis explicatur, aliqui namque per peccatorum reliquias poenās intelligūt temporales, quæ peccato dimisso quoad culpam exoluendæ aliquando remanent, & hæc reliquias volunt esse primarium huius sacramenti effectum; sed hoc esse nequit, alioqui pauci qui hoc sacramentum suscipiunt, ad Purgatorium irent, nisi in casu quo post illud aliquod veniale committeret, vel mortale, sed vel confiteretur, vel per contritionem deleteretur. Alij per peccatorum reliquias intelligunt sanitatis corporalis restitutionem, quia putant

infirmiorem esse peccati reliquiā, sicut dolores, &c. Sed ut ex dicendis patebit, iste nō potest esse primarius huius sacramenti effectus. Alij volunt habitus vitiosos esse peccatorum reliquias, & hos tolli primariò per huius sacramenti susceptionem.

Sed D. Thomas loco citato vult quod sit *quedam debilitas, & ineptitudo, quæ in nobis relinquitur ex peccato actuali, vel originali, & contra hanc debilitatem homo roboratur per hoc sacramentum. Sed quia hoc robur gratia facit, quæ seruum non compatitur peccatum, ideo ex consequenti tollit illud, si inueniat, siue mortale, siue veniale, &c.* Pro horum verborum pleno intellectu nota cū Nugno ibidem, quod homo in mortali existēs, habet pronitatem, & procliuatē ad malum, & quandam ineptitudinem, langorem, & debilitatem ad operandum bonū, qui peccati effectus ablata culpa saltem ex parte manet, & hæc peccatorum reliquiae, dicuntur: & sic proprius huius sacramenti effectus est causare gratiam, latificantē ani-

nam roborantem, & contentem vigorem, erigentem animum in fidem, spem, & fiduciam diuinæ misericordiæ, &c. & quia gratia id præstat medijs auxilijs, ideo diximus in cōclusionē effectum huius sacramenti primarium esse conferre gratiam, quæ fundat ius ad specialia recipienda auxilia, quibus languor, & debilitas ex peccatis relicta, tollatur, & subinde infirmus roboretur, confortetur, &c.

Probat̃ur conclusio sic explicata ex verbis Iacobi, & *alleuiabit eum Dominus*: quasi dicat: Dominus gratiam cōferet, qua infirmus alleuetur, roboretur, &c. reliquijs peccatorū exclusis. Hæc omnia prosequitur Tridentinum sess. 14. cap. 2. vbi dicitur: *Res porro & effectus huius sacramenti illis verbis explicatur: & oratio fidei saluabit infirmum, & alleuiabit eum Dominus; & si in peccatis sit, dimittentur ei, Res etenim hæc, gratia est Spiritus sancti, cuius unctio delicta, si qua sint adhuc expianda, ac peccati reliquias abstergit, & agroti animam alleuiat, & con-*

firmat, magnam in eo diuinam misericordiam fiduciam excitando; qua infirmus subleuatus, & morbi incommoda, ac labores leuius fert, & t̃tationibus Demonis, calcaneo insidiantis, facilius resistit, & sanitatem corporis interdum, ubi salutis animæ expediret, consequitur.

Dico secundò. *Remissio peccatorum tum mortalium, tum venialium, est secundarius, sed proprius huius sacramenti effectus.* Patet ex illo Iacobi, & *si in peccatis fueris remittentur ei*, & ex Tridentino mox citato. Quod hoc sacramentū, modo quodam speciali, & sibi proprio, peccata remittat venialia, cōcedunt omnes, aliqui perfectum non conferret robur, nec perfectè animam alleuiaret, & erigeret in spem viuam, & fiduciā diuinæ misericordiæ, cum venialia, hæc habeant impedire. Quod autem habeat etiam mortalia remittere patet ex dictis, cum faciat, ex attrito contritum; & quod etiam hoc sit huius sacramēti proprium, patet ex modo dictis.

Dico tertio: *Sanitas corporalis quando id expedit, est proprius*

prius huius sacramenti effectus; licet secundarius: patet ex dictis. Dico quartò: *habet etiam hoc sacramentum ex opere operato aliquas pœnas peccatis debitas dimittere*; patet ex dictis de satisfactione; quod namque est ex opere operato, culpæ remissum, est etiam remissum alicuius pœnæ, quod omnia præstant sacramenta, ut alibi diximus.

Sed quæret hic aliquis, quonam tempore, hi producantur effectus, an ad singulas vñctiones, an vero postquam totum sacramentum consummatum est? Respondetur ex dictis, quod sicut singu-

lae vñctiones suas producant gratias, etiam sibi correspondentes producant effectus, singulae namque vñctiones suam habent particularem materiam, & formam, & sic singulae, propriam peccati radicem destruere debent; sensus namque sunt omnium radices delictorum, iuxta illud, *mors intrat per fenestras*.

Petes, an habitus vitiosi computentur inter reliquias peccatorum? Respondetur affirmatiuè, quia re vera prouocant ad malum causant: & licet per hoc sacramentum vitiosi habitus totaliter non tollantur, minuantur tamen.

Q V A E S T I O II.

Quisnam sit huius sacramenti minister.

Dico primò, *in casu necessitatis, quilibet Sacerdos est sufficiens huius sacramenti minister*. Hæc conclusio est de fide definita in Tridentino sess. citata can. 4. vnde Diaconus etiam ex Pontificis dispensatione non potest esse huius sacramenti minister.

Ratio est quia cum hoc sacramentum sit Poenitentiae complementum, characterem supponere debet sacerdotalem. Et quia, quælibet actio sacramentalis in corpus Domini mysticum (si Baptismum excipias, cum sit summæ necessitatis sacramentum) supponit

nit in ministro potestatem aliquam in corpus Domini verum, quæ in solo sacerdote habetur, ergo potestas hoc sacramentum ministrandi, cū sit in corpus Domini mysticū, debet sacerdotium supponere, quod dat potestatem in corpus Domini verum.

Non excipio Matrimonium, quia licet eius administratio sit actio sacramentalis, est tamen difficultas, an pertineat ad corpus Domini mysticum; cum matrimonij sacramentū videatur humanam respicere propagationem, sed de hoc, alibi.

Ex hac conclusione inferitur, quod in casu extremæ necessitatis sacerdos excommunicatus, vel suspensus erit sufficiens huius sacramenti minister.

Dico 2. *huius sacramenti minister extra casum necessitatis, sunt Papa pro toto orbe, Episcopus pro sua diocesi, & Curatus pro sua Cura, siue Parochia, & alij de istorum licentia. Et Prelati regulares respectu suorum subditorum.* Ratio est, quia hoc sacramentum cum sit poenitentiae com-

plementum, cum in eo fiat peccatorum remissio, aliquā supponit in ministro iurisdictionem, vt supponit Poenitentia; ergo. Sed quæres an peccet mortaliter simplex sacerdos qui sine venia hoc sacramentum ministrat extra casum necessitatis? Respondetur affirmatiuè, est namque peccatum graue alterius vsurpare iurisdictionem; At Regulares exempti ultra peccatum mortale incidunt in excommunicationem, si præsumperint absque venia hoc sacramentum ministrare, secus si bona fide procedant. Imò in casu necessitatis possunt illud administrare quando Parochus nolet id facere etiam ipso renuente, tunc enim Pontifex censetur potestatem facere. Diana p. 8. tr. 1. resol. 56.

Excipiuntur tamen aliqui casus in quibus Regulares, licite possunt hoc sacramentū sæcularibus ministrare, ex multis priuilegijs, quæ videri possunt in Diana p. 9. tract. 7. resol. 56. Primo namque possunt hoc sacramentum ministrare Regularium ipsorum fa-

familiaribus, hospitibus, iter agentibus, peregrinantibus, qui in eorum monasterijs fuerint infirmari, cum non deceat vocare Parochum ut in loco exempto, suæ iurisdictionis ponat exercitium: Secundò Architectis, & cuiusvis artis ministris, qui in monasterio operam dant, etiam si sint illius urbis ciues, habeantque in ea domicilium, si contingat morbo corripì periculoso, & repentino in Còuentu, ut in facti contingentia vidi observari in vno, qui ex alto cecidit loco, & animam ferè agebat, licet tempus esset vocandi Curatum, cum valde prope esset. Tertiò ijs qui se ibi receperunt ut Ecclesiæ gauderent immunitate. Quartò omnibus laicis, quibus còtingit intra monasterij septa repètino casu hoc indigere sacramento. An autem idem dici debeat de illis, quibus in Regularium grangijs id ipsum evenit, dubitant aliqui, aliqui affirmant per privilegiorum extensionem, quia gangiæ in favorabilibus nomine Còuentuum volunt venire, cum sint quædam Re-

gularium cremitoria, vel còuetus partes. Videatur Quintana tom. 1. tract. 5. singul. 4. num. 4. & alij.

Sed quæres primò, an plures ministri possint successivè hoc sacramentum ministrare? Respondetur affirmativè, dummodo ille idem qui primam facit vñctionem etiam formam proferat, item ille, qui secundam, & sic deinceps, secus si vnus vngeret, & alter formam proferret, tunc enim temporis nullum fieret sacramentum. Prima pars patet, nam cum hoc sacramentum plures habeat partes realiter separabiles, potest vnus Sacerdos & vnā partem ungere, & formam proferre, ut patet in sacramento Eucharistiæ, vbi vnus Sacerdos potest vnā speciē consecrare, & alius aliam. Secunda pars patet, quia cū materia debeat per formam determinari, debet ab eodem ministro vngēte proferri. Adverte tamen quod extra necessitatis casum, non licet hoc sacramentum à pluribus ministrari.

Quæres secundò, an etiam possit

possit hoc sacramentum à pluribus Sacerdotibus simul ministrari; ita quod quinque Sacerdotes, quinque faciant simul sensuum unctiones, & vnusquisque supra sensum, quem vngit suam proferat formam? Respondetur affirmatiuè: imò id licitum esse dicunt plures, vt Isamb. disp. 5. art. 3. vbi citat Suarez, idem dicentem, &c. in casu tamen necessitatis, quod videtur colligi ex D. Iacobo dicente *inducat Presbyteres Ecclesia, &c.*

Quæres tertio, an in his duobus casibus fiat vnum sacramentum, vel plura numero? Respondetur quod siue

hoc sacramentum ab vno, siue à pluribus, cōficiatur ministris semper eandem retinet vnitatem; nam si in ordine ad totalem, & completam accipiantur, partes inunctæ, significationem, vnum numero conficiunt sacramentum; si vero vna quæq; pars sigillatim accipiat, & prout ab alia distincta, & distinctam partialem habet formam, & significationem, plura sacramenta numero erunt. An autem vnaquæque pars sigillatim accepta suam causet gratiam, an solum prima, vel vltima expectetur, diximus supra.

Q V A E S T I O III.

Quodnam sit subiectum capax huius Sacramenti recipiendi.

Dico primò, *subiectum capax huius sacramenti recipiendi est homo viator Baptismali charactere insignitus.* Quod huius sacramenti subiectum debeat esse homo

Baptizatus, patet, quia Baptismus est omnium ianua sacramentorum. Quod debeat esse viator, seu viuus patet ex verbis Apostoli, *infirmatur quis in vobis.*

Dico

Dico secundò, *subiectum capax huius sacramenti est homo adultus, vsum habens rationis, vel saltem quod illum habuerit*: patet ex verbis Apostoli dum dicit, inducat Presbyteros, qui enim vsum non habet rationis, vel non habuit, non potest humano modo Presbyteros inducere Ecclesiæ; at vero qui habuit aliquando vsum rationis censetur habere consensum saltem interpretatiuum, quem esse sufficientem, de sacramentis in genere docuimus ad dictos Presbyteros inducendos, ac proinde huius sacramenti capax erit.

Sed petet, quid faciendum est, quando dubitatur, an puer vsum habeat rationes? Respondetur sacramentum esse tunc sub conditione ministrandum, non enim per talem dubietatem debet puer hoc sacramentopriuari, quod tot confert utilitates, & fructus in mortis articulo. Diana de sacram. resol. 169. & alij communiter.

Dico tertio: *subiectum capax huius sacramenti, eadebet laborare corporis infirmitate,*

is, qua vita afferat periculum. Hæc conclusio videtur definita ab Eugenio in suo vniuersalis decreto, dum dicit de hoc sacramento. *Hoc sacramentum nisi infirmo de cuius morte timetur, dari non debet.* Idem docet Tridentinum sess. 14. cap. 3. ob quod dicit, quod hoc sacramentum, non cupatur sacramentum exequitium. Obseruat autem Rituale Romanum in præfatione ad hoc sacramentum, quod non debet expectari ad illud dandum, quod infirmus iam agat animam, hoc enim valde reprehensibile est, sed dari debet quando morbus est periculosus, & infirmus adhuc sensibus viget, quia tunc cum maiori fructu recipitur, ob infirmi deuotionem &c. Unde valde reprehendendi sunt, qui curam habent infirmorum, qui ob humanum timorem, expectant quando infirmus iam sensibus defecit, & tunc Parochum monent, & dum requisita parantur, infirmus multoties sine hoc sacramento discedit.

Hinc, huius conditionis defectu, sequitur, non posse da-

ri hoc sacramentum Christiano sano, sed iam iam per suspendiū morituro, vel in praelio, vel in naufragio. Secus qui vulnere iam infirmatur; imò absolutè concedunt vulneratum ex solo vulnere, in mortis periculo constitutum, posse hoc sacramentum recipere, quia ipsum vulnus infirmitas quædam est, quod & mihi placet, cum Diuus Iacobus non limitauerit ad infirmitatem ex febris procedentem, sed absolutè loquutus est, ac proinde de omni infirmitate intelligi potest.

Sed an debeat hoc sacramentum dari mulieri in partu deficiente, est opinionum diuersitas: aliqui namque id negant vt Bonacina disput. 7. quæst. vnica par 5. nu. 6. Naldus v. Extrema vñctio nu. 5. Sequati quoddam Mediolanense Concilium sub Sancto Carolo, id prohibens. Alij id affirmant, & sunt plures, quos refert, & sequitur Diana par. 10. tract. 12. resol. 9. quibus addo Isamb. disput. 6. art. 3.

Sed iudicium meum sit, id fieri posse, quādo nulla adest

irreuerentia, secus quando adest, & in hoc sensu puto loquutum fuisse Mediolanense Concilium, non vero in casu præcisè quo mulier parturiens vitæ patitur periculū ex aliqua naturali ægitudine, ex accerbissimis doloribus causata, & ex membrorum vexatione, & torsione, quæ naturalis ægritudo non potest tunc non adesse, cum & doloris vehementia, & membrorum extorsio, infirmatas sit; alioquin inungi non posset ille, qui vitæ discrimen pateretur ex intestinorū doloribus, quod est falsum.

Dico quartò: *qui habet conditiones in tribus precedentibus conclusionibus dictas, est huius sacramenti capax, etiamsi nunquam peccasset, nec peccato veniali.* Ratio clara est, quia peccatorum deletio non est huius sacramenti effectus primarius, sed secundarius; primarius namque vti diximus est gratia sacramentalis, modo explicato; ergo etiam si peccatorum expulsio non datur, sufficienter hoc sacramentum saluari potest. Vnde concedunt ferè omnes, ad ultimum.

tum recenter Baptizatum, in periculo mortis constitutum, inungendum esse; cum tunc sit gratiæ capax, licet non peccatorum deletionis. Hinc inferitur, quod si Parochus ex pueri confessione cognoscat, cum nunquam peccasse mortaliter, nec venialiter, quod est difficile, adhuc debet hoc sacramentum ministrare, & quia eius saluatur effectus primarius, & quia alios habebit effectus secundarios, conferet namque robur aduersus diaboli tentationes, ad superandam tristitiam ex infirmitate manantem &c.

Sed quæret hic aliquis, an tristitiæ alleviatio sit effectus miraculosus, an naturalis? Respondetur non esse miraculosum; neque naturalem, sed virtute supernaturali ordinaria fieri, vt ex mox dictis patebit.

Hinc, deduces maiorem elucidationē illius quod dicebamus, nimirum debere hoc sacramentum conferri, quando infirmitas est quidē periculosa, non tamen expectandum est, quod nulla ma-

neat spes vitæ, non solum quia hoc est contra reuerentiam huic sacramento debitam, non solum quia infirmus maiori, & vberiori fructu priuatur, sed etiam quia est contra finem secundariū eiusdem sacramenti, qui inter alios est sanitas corporalis, licet enim supernaturali virtute sanitatem causet corporalem, sicut & alios secundarios effectus, non tamen hoc facit miraculosè; miraculosè autem causaretur, si conferretur quando nulla est salutis spes. Non tamen debet hoc sacramentum ministrari antequam infirmitas sit periculosa; quia, vt dicebamus, tunc sacramentum nullum est, licet oppositum teneat Quintana. tract. 5. singul. 2. num. 2. Nec quando solum est dubium de periculo, tunc enim expectanda est maior certitudo, licet Chapeauilla cap. 5. quæst. 11. dicat id fieri posse; putonamque quod si in dubio periculi hoc sacramentum ministraretur, deberet saltem sub conditione repeti; à fortiori si

collatum fuisset antequam morbus periculosus esset, adueniente namque periculo absolute administrari debet.

Dico quintò, qui semel ictus est, non est amplius unctionus eadem infirmitate durante, nisi diuturna sit, & novum accidas mortis periculum, quod potest in infirmitatibus longis pluries euenire. Est com-

munis sententia. Idem putarem, si nona & periculosa superueniret ægritudo, vel quando morbus diuersum mutat statum, de periculoso in periculosum, nam cum hoc sacramentum characterem non imprimat, iterabile est, licet non in eadem omnino infirmitate, & sic quoties diuersa censetur, iterari poterit.

Q V A E S T I O I V.

Quomodo disponendus sit infirmus, ut hoc Sacramentum cum fructu recipiat.

Dico primò, infirmus in mortali existens, antequam hoc sacramentum recipiat tenetur confessionem præmittere. Ratio est, quia tunc temporis Pœnitentiæ sacramentum obligat, confessio tamen ut suppono non obligat ratione extreme unctionis, sed ratione sui, modo suo loco explicato; ad hoc namque ut sacramenta viuorum recipiantur gratiæ status sufficit, qui sufficienter per contritionem

haberi potest, excipitur tamē sacramentum Eucharistiæ, ut suo loco docuimus. Vnde non placet, quod docent aliqui, Extremam unctionem, per se, Pœnitentiam supponere, cum illi sufficiat per se loquendo contritio, prout pro alijs sufficit sacramentis, excepto Eucharistiæ sacramēto.

Dico secundò. *Infirmus in mortali existens nō potens confiteri, poterit hoc sacramentū accipere fructuosè, nō solum si contri-*

tritus est, verum etiam si attritus, bona tamen fide putat esse contritus. Hæc conclusio patet ex dictis de sacramētis in genere, ubi cū D. Tho. & Thomistis ostēdimus in hoc casu hominem fieri ex attritio cōtritum Addunt aliqui, id etiā esse verum, quando infirmus confiteri non potest, & solam habet attritionem cognitā, tunc enim ex attrito fiet contritus, causare namque gratiam cō sola attritione per se, solum conuenit Baptismo & Pœnitentiæ, per accidens tamen, quando quis confiteri non potest, attritio sufficiet. Sed hæc doctrina displicet, puto namque attritionem cognitā solum sacramētis viuorum posse deseruire; & si huic sacramēto deseruit ideo est quia, vt talis ignoratur. In vno casu talem sententiam admitterem, quando nimirum in mortali existens attritionis elicit actum, vt pecca-

ta sua confiscatur, & statim sensus amittit, si tunc hoc sacramentum recipiat, putarem (meliori saluo iudicio) fieri ex attrito contritum, cum .n. omnium remissio peccatorum sit effectus specialis huius sacramenti, vt ex Tridentino & Diuo Thoma supra retulimus, videtur quod talis doctrina admitti debeat. Ex quibus colliges hoc sacramentum dari posse omnibus illis fidelibus, qui Christiano more vixerunt, quia etiam si illud non petierint repentino morbo correpti, interpretatiuè tamen censentur petiisse, eo ipso quod sic vixerunt, cū censentur voluisse mori, aliorum fidelium more. Quod si constet christiano more non vixisse, vel in talem morbum incidisse impenitentes, administrari non potest, nisi doloris signa ostenderint, vel saltem probabiliter presumi possit illos saltem esse attritos.



Q V A E S T I O V.

Qualis sit obligatio recipiendi hoc Sacramentum qualisque obligatio ministrandi illud.

QUoad primum. Dico primò *posse agrotum obligari ad hoc sacramentum recipiendum ratione scandalii, vel conscientiae, quia putat agrotus illud sibi hic, & nunc esse necessarium*; Hæc conclusio clara est, nec nostro indiget labore. Dico secundò, *esse peccatum mortale illud ex contemptu respuere*. ita Tridentinum sess. 14. c. 3. ubi dicit: *Non posse esse tanti sacramenti contemptum, absque ingenti scelere, & ipsius Spiritus sancti iniuria*. Et ratio est, quia contemptus formalis sacramenti, res grauissima est, & sic non potest non inducere peccatum mortale: secus esset, si solum esset quidam contemptus materialis, ut si quis in morbo huius meminit sacramenti, & renuit illud accipere, nō quia paruifaciat illud, sed quia putat se posse sine eo

resistere diabolitentionibus & fortiter morbi dolores sustinere, &c. licet in hoc casu putem adesse peccatum veniale. Dico tertio nullum esse *preceptum de hoc sacramento recipiendo*. Non positium quia nullibi extat; non naturale, quia non est medium ad salutem necessarium, quod à posteriori colligitur, quia tempore interdicti prohibetur: tum quia nullum est sacramentum ad salutem necessarium, nisi quod primam confert gratiam, ut Baptismus, & Penitentia.

Sed quæres primò, an hoc sacramentum suscipi debeat post Eucharistiam? Respondetur affirmatiuè, si tamen quis posset prius hoc sacramentum recipere, quam Eucharistiam, & sine vlla causa vellet ordinem inuerrere; peccatum esset veniale, cum facia

ciat contra Ecclesiæ consuetudinem in re saltem leui; unde non est audiendū Suarez apud Nugnum loco citato, dum dicit, in eo casu nulum esse peccatum, & posse infirmos sua sponte, istum ordinem variare.

Quoad secundum in quaestionis titulo positum. Dico primò, *Sacerdos simplex, seu ordinarius, qui scilicet non est ouium Pastor, non tenetur, nisi ex Charitate, Extrema unctionis sacramentum ministrare.* Res clara est, & nulla indiget probatione, qui namque curam nō habet animarum, seu spiritualium ouium, non tenetur eas pascere ex iustitia, sed ex charitate solum.

Sed difficultas est, quando nam charitatis præcepto simplex vrgeatur Sacerdos, vt hoc administret sacramentū? Sunt duæ sententiæ probabiles, vna est, quæ tenet, simplicem obligari Sacerdotem in grauibz huius sacramenti necessitatibus. Hanc tenet Nugnus q. 33. art. 1. & est valde probabilis. Vnde secundum hanc sententiam si simplex Sacerdos videat aliquē,

sine hoc sacramento discedere, etiam si sit cōfessus, & viaticum receperit, & Curatus sit absens, vel nolit hoc sacramentum ministrare, ad id tenebitur ipse.

Altera sententia communior, quam post alios defendit Diana de *sacram.* resol. 170. oppositum tenet, & vult simplicem Sacerdotem solum obligari in extrema ægri necessitate; vt si sciat ægrum nō esse in bono statu, & non posse poenitentiae sacramentum, nec Viaticum ministrari, quia loquelam, & sensus amisit, & si hoc sacramentum ministraretur forte saluabitur, quia fortè attritus est, & si non ministraretur damnabitur; tunc ex charitatis præcepto tenetur etiam cum vitæ periculo (vt pestis tempore) hoc sacramentum ministrare. Ratio est, quia æterna animæ proximi salus, nostræ præpōderat corporis salutis; si autem solum suscipio, vel leue dubium esset de malo statu ægri, non teneretur certam, vel ferè certam facere iacturam salutis propriæ corporalis; cum hæc certa, præualeat illi lide qua

qua est sola suspicio, &c. Dixi, *non possit Pœnitentia sacramentum, nec viaticum ministrari*, quia per vtrunque istorum si attritus est, in eo casu in bono ponitur statu, & tunc si tali obligatione simplex liberatur Sacerdos. Sacramentum namque Eucharistiæ facit ex attrito contritum, quando attritus putat se esse contritum.

Dico secundò. *Parochus tenetur vel per se, vel per alium idoneum, ex iustitia debito, suis subditis extremè, vel periculose ægrotantibus Extrema unctionis sacramentum ministrare.* Ratio est, quia cum sit suarum ouium Pastor, tenetur illas pascere, præbendo illis remedia ordinaria à Christo Domino ad hoc instituta, etiam si subditi ipsi ad id non teneantur; vt in simili diximus de confessione. Vnde quoties infirmi opportuno tempore hoc sacramentum reposcunt tenetur Parochus illud vel per se, vel per idoneum subditum ministrare.

Difficultas est, an ad hoc teneatur Parochus, quando infirmus morbo laborat con-

tagioso? est opinionum diuersitas: Alia namque dicit, ad id omnino teneri, nec posse alium substituere; & se ipsum, quando pestis grassatur, in saluum ponere: imò tenet hæc sententia, quod nec Episcopus potest à ciuitate discedere ad locum aliquem intra diœcesim, ex quo de sufficientibus prouideat ministris, sed tenetur multoties exire per vicos, & plateas illius ciuitatis, vt multa videat, & agenda per se ipsum cognoscat.

Hæc sententia requirit in Episcopo S. Caroli sanctitatē, quā multi carent, & minus reperiuntur habentes. Vnde ego puto ita debere fieri, ita debere consuli: sed si quis Episcopus timidus esset, & vellet extra castra exire, posset, dummodo non solum, de sufficientibus prouideat ministris, verum etiam vt ex eo loco inuigilet, vt res benè se habeat erga gregem. Sed relinquamus Episcopos, & reuertamur ad Parochos, qui immediatius, & proximius curare habent animarū. Alia sententia præcedenti omnino opposita tenet Parocos nullo modo

modo obligari ministrare hoc sacramentum contagiosis, cū infectionis periculo. Primam sententiā sequitur Nugnus loco citato difficultate 2. Hanc sequitur Diana post Villalobos, Armillam, & Suarium loco citato resol. 174.

Ego puto esse distinctione utendum, vel enim Parochus nouit infirmum esse benè dispositum, quia confessus est, & Viaticum deuotè recepit, & tunc puto nec per se, nec per alium, teneri Parochum, cum vitæ periculo, hoc sacramentum ministrare; non enim tenemur vitam exponere, nisi quādo spiritualis proximi salus periclitatur, quod in hoc casu non contingit. Si autem Parochus cognosceret, vel grauiter dubitaret de bono ægri statu, nec posset aliter ei subuenire, nisi per huius sacramenti administrationem, quia loquelam, & sensuum usum amisit, &c, tenetur hoc sacramentū ministrare. Et ratio est, quia sicut quilibet tenetur cum proprio vitæ periculo, suo proximo subuenire, quando est in extrema vitæ spiritualis necessitate, à

fortiori ad id tenebitur Parochus, qui ultra charitatis obligationem, aliam habet strictiorem, scilicet iustitiæ, ex vi muneris pastoralis, libere acceptati, & ob quod eos recipit fructus per quos uiuit.

Sed quæres primò, quid dicendum quando Parochus esset solus, qui sacramenta administraret, & si extremā infecto administrat vnctionē, forte alij, alijs priuabuntur sacramentis, nempe Pœnitentia, & Viaticò? Respondetur quod in hoc casu non teneretur, cum melius sit, quod pereat vnus, ut saluentur multi. Sed caueant Parochi, ne hunc casum, & alium similem facile fingant, quod nemo occurrat, qui sacramenta administret, præsertim quando beneficium est satis pingue, quia tunc vndique current sacerdotes ut substituantur.

Quæres secundò, an idem dicendum sit de administratione Viatici, quod diximus de extremæ vnctionis administratione, proportionem tamen seruata? Duas sententias probabiles affert Diana

de *sacram. resol.* 174. vñ negantē & est Villalobos, & Rodriguez: aliam affirmantem, & est Maioris, & Molfesij, sed de hac re iam egimus de Eucharistia, ideo sistimus.

Quæres tertio, an huius sacramenti minister teneatur vngere cæcum, surdum, manibus, pedibusque troncātū, quoad has partes, an solum illas, quas habent intactas? Respondetur quod si isti defectus post rationis vsum habeantur, quando scilicet potuit iste per illas partes peccare inungi debeant: ita concedunt omnes; tunc enim verba, huius sacramenti forma, verificantur: si vero ante vsum rationis habeantur, vt cæcus à natiuitate, surdus à natiuitate, qui sine olfactu natus est, qui sine manibus, &c. tunc est sententiarum diuersitas, aliqui enim volunt hominem illo membro carētē in eadem parte esse vngendum, vt cæcus à natiuitate debeat inungi in oculi cauo, &c. Hanc sequitur Valentia disput. 8. q. 2. pun. 2. Alij in parte viciniore, vt Tannerus hic: vtriusque sententiæ ra-

tio est, quia licet per illorum sensuum exercitium non peccauerint, peccare tamen potuerunt per desiderium. Sed hæc ratio aliquibus displicet; quia verba formæ extra suum sensum extrahi nō debent, & ad alium sensum detorqueri, atqui detorquerentur secundum has sententias; ergo. Minorem probant, nam forma inungendorum, gratia exempli, oculorum, non est indulgeat tibi Deus quidquid per desiderium visus, vel per visum, & eius desiderium peccasti; sed solum: quidquid peccasti per visum, peccare autem per visum, non est peccare per desiderium visus. Vnde putant sententiam Decastilij apud Dianam 10. p. tract. 16. resol. 81. quod tunc non debeat sic carens inungi, probabile esse, & magis conformē sensui formæ; sed à prioribus sententijs recedendum non est, quia, vt supra dicebatur, hoc sacramentum saluatur, vbi nullū peccatum est. Nec tunc formæ sensus detorquetur, quia sensum faciunt, quod gratia peccatū remissiuā producat.

Q V A E S T I O VI.

Quibus ritibus debeat hoc sacramentum ministrari.

Primus ritus est, quod dū vngitur infirmus Psalmi Penitenciales, litanæ & alia, quæ in manuali continentur, recitentur; de quibus certum est in casu necessitatis nullum esse peccatum illa omittere; extra tamen casum necessitatis, puto esse obligationē saltem sub veniali, aliqua, non omnia, ex illis recitare; id enim cōmunis omnium praxi suadet.

Secundus ritus est, vnius clerici præsentia, qui ipsum adiuuet sacerdotem in orationibus recitandis, si tamen non habeatur, ipse sacerdos solus omnia præstare poterit. ita Alexandro III. definiente in c. *quæsiuit de verb. significat.* ubi dicitur: *sacerdos uno præsens clerico, & etiam solus, potest infirmum ungere.* Sed quærit Diana p. 9. resol. 46. an possit sacerdos uti, quando nullus vir adest, fœminæ

ministerio, ut ipsum adiuuet & affirmatiuè cum Quintana respondet, si enim est probabile quod etiam in Missæ ministerio potest fœmina deservire, à fortiori in hoc sacramento ubi minor indecētia reperitur: sed ego suaderem tunc sacerdotem per se ipsum omnia persolvere, cum id fieri possit etiam extra necessitatis casum, ut Alexandri dictum suadet.

Tertius ritus est, super pellicei, & stolæ usus, quæ extra necessitatis casum adhiberi debent, an autem sub mortali, puto quod sic, quoad stolam, secus quoad super pellicem: unde quendam regularem prudentem, & doctum observavi qui sine super pelliceo, cum sola stolla supra capam extra necessitatis casum hoc sacramentum administravit, tamen oppositum semper suadendum est,

ob maiorem erga hoc sacramentum reuerentiam . An autē in casu necessitatis possit administrari etiam sine stolla , Suarez , & alij apud Dianam loco citato negant ; alij distinguunt , quando infirmus non haberet huius sacramenti necessitatem , non posse ministrari , posse autem , & debere , quando necessitatem haberet ; sed alij melius dicunt , absolutē ministrari debere , licet enim pro Viatico præbendo infirmo , non possit sacerdos sine indumentis celebrare , quia Eucharistiæ sacramentum , est sacramentum sacramentorum , & sic cum indumentis confici debet , at vero hoc sacramentum cum non sit tantæ excellentiæ , sine illis indumentis confici poterit .

Tum , quia , si est proba-

bilis aliquorum sententia ; quod Viaticum in necessitatis casu sine vestibus sacris præberi potest , etiam hoc sacramentum in eodem necessitatis casu , sine eisdem præberi poterit . Addit Diana , quod si plurium DD. opinio concedit laico , quod possit Viaticum ministrare , quod faciet sine vestibus sacris , à fortiori id concedi potest sacerdoti & respectu illius , & huius sacramenti .

Quartus ritus est , aliquarum candelarum accensarum usus , qui in casu necessitatis relinqui potest , extra illum autem dicit Diana cum Leandro , & Possuino esse veniale , hoc sacramentum præbere sine lumine . Et hæc de hoc sacramento ad laudem Omnipotentis Dei , B. Virginis , & omnium Sanctorum . Amen.

F I N I S .

R E R V M, E T V E R B O R V M I N D E X.



A

Actus pœnit. an sint puri,
& nada fuga. num. 10.

Attritio quomodo distinguatur
à contritione. 67. an attritio
in peccatore sit actus bonus.

70. an sit actus virtutis 74.
an debeat esse entitatiuè su-
pernaturalis. 74. quomodo

diuidatur 75. an possit fieri
contritio 77. an attritio co-
gnita sit sufficiens dispositio
cum sacramento ad gra-
tiam 174.

Absolutio an dari possit *absen-
ti* 136. 224. an differri pos-
sit. 184.

An attritio illius qui manet in

proxima peccandi occasione
sufficiat. 180. an attritio co-
gnita tollat peccati obicem
in confessione 235. an possit
absolui infirmus, qui solum
dicit peccaui 268. an etiam
sit obligatio 272. an condi-
tionatè. ibidem. an quis *ab-
solui possit in virtute genera-
lis confessionis facta in mis-
sa.* 272. an absolui possit qui
nullum peccatum dicit 273.
& qui nullum signum dedit,
ubi pulchra à nu. 274. *ab-
solui potest qui in absentia
Confessarij doloris signa de-
dit* 282.

Audiens plurium confessiones
in mortali quot peccata cõ-
mittat. 320.

Appro-

Approbatio pro confessionibus.

399. quid de approbato limitate 402. 2. quo ordinario sit approbatio 403. An iniuste reprobatus possit confessiones audire 405. an possit approbatio dari limitata. 406. an possit renocari 407. quid quando transit tempus Approbationis, an valide, & licite confessiones possint audiri. 407.

C

Contritio in quo consistat 42. quomodo sit, odium, & abominatio super omnia. 46. an magis detestetur veniale, quam originale 48. an ad omnia peccata extendi debeat 50. contritionis duratio, & quantitas. 52. an prius peccata detestetur, vel doleat 53. contritio est ultima ad gratiam dispositio ex natura rei 55. an sit pro peccatis satisfactio 63. quomodo exaltetur 66. quomodo ab attritione distinguatur 67. an deleat omnem reatum culpa, & pena 78. an penam aeternam mutet in tempora-

lem 84. & an temporalis remittatur 85. quibus utraq; pena respondeat. 83. quale sit contritionis preceptum 96. an Deus possit in hoc naturali precepto contritionis dispensare 101. quo tempore obliget 104. an huic precepto satisfiat per actum dilectionis 110. an per attritionem & sacramentum ibid. an debeat contritio elici tempore gravissimæ tentationis 110. & an tempore belli, pestis &c. 111. Non debet contritio confessionem precedere, sed solum absolutionem tempore, vel natura 152.

Confessio venialium sine dolore est nulla, & mortalis 166.

Consuetudo peccandi, an debeat confiteri 184. an sit novum peccatum ibid.

Confessarius possit non absolvere penitentem qui aliquod peccatum non confitetur 185. & qui habet iurandi consuetudinem 186. & an, qui non vult restituere nisi per partes ibidem.

Confessio sacramentalis est de iure diuino 189. an sit necessaria necessitate medij. 194. quo tempore instituta

195.

195. an secreta 197. an de venialibus 197. an ab Ecclesia præcipi possit. 198. quando obliget 199. an ratione periculi obliuiscendi peccata 201. an diuini præceptum adimpleatur per confessionem informem. 201. An Ecclesia annuam præcipiat confessionem 202. quale sit hoc præceptum 204. an Pontifex possit in hoc præcepto dispensare 204. an ipse hoc præcepto teneatur 205. an Ecclesia præcipere possit, quod eadem peccata bis confiteantur 205. quid de aliquarum religionum statutis ibid. & quid de statuto Societatis 209. an Ecclesia possit præcipere venialium confessionem 210. per quam confessionem Ecclesiastico satisfiat præcepto 210.

An qui per totum annum non confitetur, teneatur elapso anno. 212. an ille qui ex obliuione v. g. non confitetur aliqua peccata teneatur quæ primum 213. quibus capitibus quis excusetur ab annua confessione 213. an tunc teneatur venialia confiteri. ibidem: quomodo tempus cō-

putetur ibid. quæ pœnæ contrabantur à transgressoribus 214. quanam teneantur ad annuam confessionem 215. an pueri ibid. meretrices an hoc præcepto ligentur, ubi an censurentur 216. An ignari idiomatis teneatur confiteri per interpretem ad dictum præceptum implendum 217. an iter unius, vel plurium leucarum excuset 220. quo casu quis teneatur confiteri per interpretem in mortis articulo 222. an mutus, surdus idiomatis ignarus, &c. teneatur peccata scribere 222. an possit pœnitens sine necessitate dare peccata legenda Confessario ad vitandam verecundiam 222. an muti qui scribere nesciunt teneatur confiteri per nutus 223. an confessio fieri possit absenti 224. Confessionis condiciones referuntur 228. ex quibus capitibus possit esse informis 229. an ablato obice fiat for-mata 235. An attritio tollat pœnitentia obicem 235. in quo consistat confessionis fidelitas 236. an possit esse cum vanagloria 237.

Cōfessio integra esse debet 243.

& iure

de iure diuino 244. quot peccata committat qui scienter facit confessionem non integram 244. an sit valida, quando quis putat habere causam sufficientem & non habet faciendi confessionem integram 245. in quibus casibus possit fieri confessio non integra materialiter. 246. quo casu superior possit totam non audire confessionem 247.

Complex an possit manifestari, ubi alia de complice à 225.

Crimen occultum an possit reuelari uni, vel alteri 256.

Confessarius non potest obligare penitentem ad manifestandum complicem 262.

Quid faciet confessarius quando infirmus debet mederi, vel non potest manere solus, 284.

Circumstantia quid, & quotuplex 310. Circumstantia aggrauans non est necessario confitenda 312.

Confessarius plures audiens in mortali, quot peccata committat 320. idem de eo qui plures successiue communicat ibidem.

Circumstantia quis, quantà 326.

Confessarius an debeat hanc circumstantiam explicare quando peccat cum suo penitente 329.

Consuetudo peccandi an declarari debeat 334. an sit obligatio dictam tollendi consuetudinem ibidem.

Circumstantia affinitatis, vel consanguinitatis an sit explicanda in sodomia. 337. an circumstantia coniugij, & duplicis precepti. 338. An circumstantia voti in religioso cum quo peccatur ibid. Parentum. 344. Iudicij 349.

Consilij circumstantia quo casu sit explicanda 341.

Circumstantia ubi quid sit, & plura de illa 352.

Circumstantia quibus auxilijs, cur, quomodo, &c. explicantur à nu. 358.

Circumstantia an possit separatim confiteri 363.

Confessio quibus in casibus iteranda à nu. 360.

Confessio venialium, & mortalium bona fide facta simplici Sacerdoti tenet 376.

Confessarij approbatio 399. vide verb. Approbatio.

Confessarij scientia 408. Confessarij obligationes 411. an lenen-

teneatur interrogare pœnitentem 415. an docere 416. an absolueri secundum pœnitentis opinionem 418. an quando aduersus pœnitentem aliquod peccatum reticere.

416. Quomodo supplicat de seclis commissos 419.

Confessio quatuorplex 435.

Confessarij testimonium ad quid deferuiat 441. an vi illius possit meretrix v. g. in loco sacro sepeliiri 442.

An possint plures pueri simul audiri 442.

Confessarius loqui potest cum pœnitente de auditis, & cum alijs ex eiusdem pœnitentis licentia expressa 443. vide verb. sigil.

Confessionis notitia ad quid deferuiat 451.

Confessarius quid faciat quando ex confessione cognoscit suum confessarium non esse Sacerdotem 45 i. vide verbo sigil.

D

D Eus quibus modis offendatur, & satisfiat 61.

Quot modis possit quis dolere de peccatis 71.

An possit Deus remittere peccatum non remittendo penam aternam 85. dolor an debeat precedere confessionem 157.

Dolor an debeat esse sensibilis 154. non debet pro singulis sacramentis replicari 157.

quam relationem habere debeat ad confessionem 161. no

sufficit dolor virtualis in venialium confessione 171. non

sufficit dolor quo quis dolet se non dolere 172. an dolor

debeat esse de omnibus venialibus, ubi an de mortali-

bus alias confessis 173. ad

qua peccata se extendat ille

dolor quo quis dicit doleo de omnibus peccatis, &c. 174.

quomodo dolor reuocetur. 175. an dolor illius qui sta-

tim relabitur, velin proxima manet peccandi occasio-

ne sufficiat pro sacramento ponendo 180. an dolor possit

esse ex motu vanagloria, 237.

Dubius de confessionis validitate quid faciat 208. ubi de

eo qui non sciebatur desideria inhonesta &c. 309.

Delectatio quam habeat malitiam 345.

Illi

Eu.

in indulgentiarum formalis volumus autem, si alias indulgentias cōcesserimus, praesentes nulla sint § 18.

Indulgentia respectu vivorum non solum est solutio, sed etiā absolutio. à nu. § 33. respectu vero defunctorum est tantum solutio § 35. differentia indulgentia à satisfactione, & potestatis clauum à iurisdictione § 36. Quid remittat, & quid non remittat indulgentia § 37. An requiras gratia statum § 40. an opus praescriptum debeat esse bonum moraliter § 42. an requiratur intentio § 43. an sufficiat opinio probabilis § 44.

Indulgentia profunt defunctis § 54. quonam modo § 55. & infra. An quando lucentur indulgentia pro defunctis, debeas applicari valor operis § 59. An infallibilem habeant effectum § 59. an ad hoc ut indulgentia profint defunctis aliquid ex eorū parte requiratur § 61. an possit servari indulgentia pro necessitatis tempore § 61. possunt applicari pro catechumenis defunctis § 63. an in-

dulgentias pro defunctis possit quis sibi propria auctoritate applicare § 63. quomodo accipi possit indulgentia § 7. altarium v. g. an scilicet debeat facies verti &c. § 65.

Indulgentia alia localis, alia realis, alia personalis § 66. quomodo maneat indulgentia localis si Ecclesia ruat, vel transferatur § 67. quid quando transfertur festum ibid. Quis possit indulgentias facere § 68. quid si Episcopus concedat indulgentiam 30. dierum & an Episcopus possit indulgentias facere Regular. § 69. Causam requirit indulgentia § 74. an etiam opus § 75. Confessio quando praescribitur, an poni debeat § 76. an requirantur verba ibidem. an, & quomodo cesset ibidem. Quanta debeat esse fractura in medallia, cruce, vel corona, ut cesset indulgentia § 77.

M

Minister sacramenti Penitentiae § 66. an laicus § 67. an quilibet Sacerdos § 69. saltem respectu ve-

nialium 373. quis minister ordinarius, quisque delegatus 375. quinam possint delegare 377. an delegatus debeas habere notitiam sua delegationis 381. quid cessante delegat. ibid. quid quando dubitatur 382.

Missam da requiem an possis viuens sibi facere celebrare. 561. Pro missa cantata quid accipi possit 571.

O

Offense erga parētes qua virtute deleantur. 15. obiectum virtutis penitentia quale, an mortale, & originale 34. an imperfectiones 35. an actus malus materialiter 36. an peccata futura 37. an malum pœna, & peccata aliena 38.

Occasio proxima quid sit 180. an, & quando in illa existentes absolui possit 181. an sit occasio proxima periculum incidendi in aliquod peccatum in communi 182.

Officium diuinum nolens recitare quot peccata committat 320.

Oscula & tactus qui praeceſſunt, & subsequuntur copulam quo casu sint unum peccatum, nec sit necesse illos actus explicare 323.

Odium an explicandum quod sit in parentes 334.

In opere bono quot considerentur 546.

P

Poenitentia etymon. num. 3. diuisione. num. 4. Conuenientia, & differentia penit. Virtutis, & Sacramenti ibidem.

Peccatum veniale quid offerat, & quibus priuatur 86. quomodo deleatur. 87. an remitti possit de quo complacentia habetur 90. an quoties venialia remittuntur gratia infundatur 91. & e contra quoties gratia infunditur, toties aliqua venialia remittantur 92. quam in particulari remittantur 94. an remitti possint sine mortali ibidem. quomodo remittantur post mortem 94.

Peccatum quod sit in eo instanti quo Baptismus recipitur an sit materia penitentiae 286
pecca-

peccata venialia, & alias cō-
fessa sunt materia sufficiens.
Penitens an teneatur explica-
re quod peccata quæ confite-
tur fuerint alias cōfessa 292.
an in generali confessione de-
beant omnia peccata fateri
295. an peccet penitens duos
habens Confessarios quorum
unimortalia, alteri venia-
lia deponit 296. an peccatū
veniale in communi sit ma-
teria confessionis, etiam sine
necessitate 296.

Peccatum dubium an sit mate-
ria necessaria confessionis
297. quid faciendum quan-
do certum fit 304. quid quan-
do suis confessum, & certum,
& fit dubium 307. an qui
dubitatur aliquod reliquisse
peccatum teneatur confes-
sionem repetere 308.

Est virtus nu. 5. quanam 11.
quid primò inspicias dolorem
an satisfactionem 16. an sit
virtus moralis 16. an sit vir-
tus infusa 18. an detur pē-
nit. qua sit virtus acquisita
19. quomodo ad iustitiam
pertineat 19 an Deo satisfac-
iat pro culpa 20. quem he-
xum habeat cum gratia, &
charitate 21. an possit dolo-

re de uno peccato sine alio 22
an sit ad salutem necessa-
ria 23. physice peccata de-
struis 24 subiectatur in vo-
luntate 30. non fuit in Chri-
sto 31. neq; in Angelis 32.
bene in B. Virgine ibid. ma-
net in beatis 33. fuit in Adā
ibidem. quod obiectum illius,
an mortale, originale, & c. 34
an peccata aliena 39. an pos-
sit esse mala 238.

Propositum quale 154. & 166.
& 175. ubi de venialium
proposito pulchra.

Pena aeterna an in temporalem
commutetur 84. quibus pa-
na aeterna, & temporalis
respondeat 83. an possit non
remitti 85.

Penitentia sacramentū quibus
nominibus nominetur 112.
quomodo definiatur ibidem.
est verum sacramentum 113.
an sit 1 num., vel plura 117.
in quo eius essentia consistat,
seu quanam sint eius partes
essentiales 118.

Penitentia sacramenti partes
quomodo importentur à nu.
118. quanam sit materia
sacramenti penitentiae pro-
ximā, & remota 127. qua-
nam materia necessaria,
que-

quam sufficiens 139. quam legitima forma 130. est absoluo te. quomodo pronuntianda enunciatiue, vel deprecatiue 133. quale peccatum sis relinqua ego, te, & à peccatis tuis ibidem. per quæ verba producatnr huius sacramenti effectus 135. an possit conditionatè proferri. 136. peccata venialia sine dolore non possunt confiteri. 166.

Peccatorum unitas, & retractatio 317. & 325. quos peccata committas qui diuinum non vult recitare officium 320.

Panitens quid facere debet quādo non habet peccatorum numerum 323. quid facere debet, qui grosso modo suis confessus quando ad clariorē peruenit peccatorum notitiam 324.

Peccatum consummatum. an declarari debeat 336.

Parentum circumstantia an explicanda 344.

Peccatorum reservatio 383. an ignorans reservationem incidat in illam 386. an pestis tempore cesset reservatio 389. an liget pueros 390.

Parochi obligatio ad confessiones audiendas 411. an possint plures pueros audire 442.

Pœna temporalis deleta culpa ex rei manet natura 469.

Pœnitentia sacramentalis quid sit, an possit commutari. vide verb. satisfactio sacram.

Peccatum quos modis consideretur 12. & 59. an sit ali- quid physicum 25. peccatum an detestabile super omnia 46. & 47.

Peccatum veniale an sit magis abominabile quam originale 48.

R

Regulares Prælati non possunt pro libito subditorum peccata reservare 391. Quid si Prælatus ipse in casum incidat reservatum? 392. an tollat reservationem quando absoluit, &c. 392.

Quinam possint peccata reservare, & quæ 382. an reservatio per ignorantiam tollatur 387. quid quando habens reservatum impeditur adire reservantem? 389. an pueri incident in reservat

as

ta 390. plura à num. 395.
 Regulares absolvere possunt à
 casibus iure communi Epi-
 scopis reservatis 400. & à
 Papalibus occultis, quia sunt
 Episcopales, & à censuris
 etiam quas sibi reservant
 Episcopi 401.

Regularis Prælati an possit
 absque alio audire secularium
 confessiones ibidem.

Regulares an teneantur, &
 quando confessiones audire
 414.

Regularis Prælati non potest
 uti confessionis notitia ad
 regimen 447. vide v. Sigill.

Quid concedant Regularium
 Prælati in filiationibus 569.
 an possint suis subditis indul-
 gentias facere 570.

Religiosus quot peccata comis-
 tat qui Prælati præceptum
 transgreditur 330.

Reservatio peccatorum quo ca-
 su tollatur 349.

Restitutionem differens quot
 peccata committat 320.

ubi plura de satisfactione:
 quo casu possit homo satisfac-
 cere ad aequitatem 65. Chri-
 sti Domini satisfactio non
 excludit nostram 83.

Sponsus, & sponsa an debeant
 hanc circumstantiam sateri
 329.

An in sodomia sit explicanda
 circumstantia agentis, vel
 patientis, & alia de hoc pec-
 cato 337.

Sigillum quid sit, ad quid indu-
 ctum & c. 421. Sigillum cō-
 fessionis ex quibus titulis
 422. est de iure diuino na-
 turali 424.

Sigilli fractor quot peccata cō-
 mittat 428. Interpret non
 obligatur sigillo 431. quo ca-
 su consiliarius sigillo oblige-
 tur 433. confessionis sigillo
 obligatur ille cui confessi-
 rius peccata manifestavit
 435. Non sic qui fingens se
 esse Sacerdotem confessionē
 audiuit ibidem. nec qui car-
 tam inuenit in qua peccata
 scripta sunt. Ex qua con-
 fessio: oriatur sigilli obliga-
 tio 435. an quando quis di-
 cit aliquid secreto hoc modo
 dico tibi sub sigillo: confessio-
 nis 433. quam peccata
 sint

S

Satisfactio quomodo à re-
 stitutione distinguatur 60.

fiat sigilli materia [436.](#) an peccatum committendū [437.](#) an defectus naturales. [438.](#) an peccata publica [439.](#) an quæ aliunde sciuntur, & quando nō est periculum manifestandi auctorem [436.](#) an sit fractio sigilli impositio pœnitentiæ publicæ, quæ fieri non potest sine aliorum notitia [400.](#) an si nō detur scheda, & si famulus dimittatur quando ex confessione fur dignoscitur [440.](#) an quādo dicit confessarius illum non absolui [441.](#) an in sigilli fractione detur paruitas materia ibidem.

Sigillum non frangitur cum de pœnitentis venia peccata audita narrantur [443.](#) Venia debet esse expressa ibid. Non potest confessarius loqui de auditis in confessione, statim confessione finita [444.](#) an possit in confessione reficari memoria auditorum in alijs confessionibus [445.](#) quas pœnas incurrat sigilli fractor [446.](#) frangit sigillum Prelatus qui utitur confessionis notitia ad externam gubernationem [448.](#) Non potest Confessarius sine si-

gilli fractione uti confessionis notitia ad visandum imminens periculum [451.](#) Nec potest vitare excommunicatum visandum ibid.

Satisfactio in communi quid sit [452.](#) quatuor sunt de quibus homo Deo debet satisfacere. [453.](#) purus homo an possit Deo satisfacere ibidem. an pro culpa veniali ad equalitatem [454.](#) an pro pœna temporalis [455.](#) conditiones ad satisfaciendum recensentur ibidem. an crescat satisfactionis valor ex maiori satisfasientis gratia [456.](#) an sit utilius hic satisfacere an satisfactionem pro Purgatorio reservare [458.](#) omne opus bonum est satisfactorium cum sit pœnale à nu. [459.](#)

An ad satisfactionem intentio requiratur [466.](#) an ultra satisfactionē possumus per impetrationem liberari à pœna ibidem.

Pœna temporalis quæ per satisfactionem tollitur remanet ex natura rei [469.](#) Non est obligatio satisfaciendi in hac vita pro pœnis peccatis debitis [473.](#)

Satisfactiones seu suffragia possunt

sunt alij applicari 476. satisfactio unius pro alio non est de condigno, sicut est pro se 478. sicut neque pro defunctis 480. & 481. melius est defunctis suffragia applicare, quam sibi 482. an possit homo omnem à se abdicare satisfactionem 482. pro alio satisfaciens potest intendere satisfacere pro peccato v. 8. 483.

Quae conditiones requirantur ad hoc ut satisfactio alij applicetur 484. opera nomine Ecclesiae facta sunt satisfactoria etiam si satisfaciens non sit in gratia 485. & 471.

An opera quae relinquuntur à defunctis sint illis satisfactoria quando fiunt 487. an restitutio 491. opera satisfactoria recensentur 493. quomodo reuocentur ad tria scilicet orationem elemosinam & ieiunium ibid.

Satisfactio sacramentalis est pars integralis sacramenti penitentiae 495. causat augmentum gratiae quando ponitur 496. remisit penam temporalem ex opere operato 498. non causat totam pe-

nae remissionem, ex eo quod confessarius iudicat illa esse adequatam 499. maiorem facit penae remissionem in subiecto magis disposito 500. an habeat effectum si impleatur ante datam absolutionem ibidem. facta in mortali suum habet effectum, quando auferatur obex 502. an possit licite in mortali fieri 503. an aliqua requiratur intentio ad illam ponendam 504.

In quibus casibus possit sacramentalis satisfactio, seu penitentia non imponi 506. quando quis plura recipit sacramenta potest eadem imponi satisfactio 507. semper debet aliqua imponi ne fiat mutilum sacramentum. 508. potest tamen imponi libera ibidem. Minorem quando adduntur illa verba quid quid boni feceris &c. sunt enim sacramentalia 509. p. 0. rest imponi opus applicandae defunctis 511. pure internum, & alias praeceptum. ibid. quos peccata commis- sat, qui illam omittit ibid. Satisfactionem acceptare, & exequi tenetur penitens 512

Kkkk nec

nec excusatur aliquando ratione leuitatis 314. non potest per alium exequi 316. quid quando quis non ieiunauit tali Sabbato, an debeas alia die ieiunare 317. qui tenetur audire sacrum ob penitentiam non debet audire duo sabbatis diebus ibidem. An datio elemosinae imposita possit fieri domesticis, vel parentibus 318. ad quid teneatur qui habuit in penitentiam litanias 319. an sit peccatum penitentiam differre ibidem. quando dies determinatur 320. quando modus 321.

Quis possit satisfactionem sacramentalem commutare 321. an praeseruatua 326.

T

Sancta Mater N. Terefia patiendi anxia, sicut eius socius V. P. N. Ioannes à Cruce 475. & 476.

Thesaurus quid sit 545. ex quibus constet Ecclesia thesaurus ibidem. an thesaurus fueris in lege veteri 551. non potest iustus ex thesauro sa-

tisfactiones accipere, vel alteri dare 352. an Ecclesia thesaurus solum per indulgentias dispensetur 353.

V

Verecundia an sit virtus nu. 7. Virtus, qua detestetur 39.

Virtus moralis an possit esse mala 238. an possit male vti 241. prudentia regulatur. ibidem. an possit imperare actum viri; ibidem.

Verba illa plus minusue quantum se extendant 309.

Vnitas numerica peccatorum unde sumatur 317. Stat numerica peccatorum vnitas cum interruptione physica, non cum morali 317. & 325. quod tempus requiratur ad tollendam peccatorum unitatem per moralem retractionem ibidem. est physica, non moralis retractatio, quando inter unum & alium actum retractatum tempus morale non intercedit ibid. Verum an explicari debeas an sit simplex, vel solemne 327. Votum habens castitatis an peccet

cet si alteri suadeas peccatū
 contra castitatem 327. & bi
 alia curiosa . . .
 Virgo an debeat hanc circum-
 stantiam explicare 329.
 Voti diuersitas an sit explican-
 da 343.
 Vnctionis extrema sacramen-
 tum quare sic vocetur 379.
 Vnctio extrema est verum, &
 proprium sacramētum 381.
 Episcopi benedictio non est de
 huius sacramenti essentia. à
 nu. 384. Ritus benedicendi
 oleum infirmorum non est à
 Christo Domino institutus
386. potest poni oleum non
 benedictum in benedictio ibi-
 dem. potest hoc sacramen-
 tum conferri in oleo veteri.
387. Non est necesse quod
 vnctio fiat in modum crucis.
 ibidem. sufficit una gutta.
 ibidem. Potest etiam fieri me-
 dio aliquo instrumento ibid.
 12 Non est necesse quod vn-
 ctio fiat cum expressa sen-
 suum nominatione, nec est
 necesse quod expressè omnes
 sensus ungantur 389. an pos-
 sit ungi etiam solum pars cum
 prolatione totius forma ibid.
 an 5. vnctiones sint 5. sacra-
 mēta 490. Quanam sit for-

ma huius sacramenti, & quo
 casu debeat, vel non debeat
 replicari ad omnes sensus.
392. Quanam sint Extrema
 vnctiones effectus tum pri-
 marij, tum secundarij à nu.
394. Quanam sit Extrema
 vnctionis minister. à nu.
397. an possit conferri à plu-
 ribus ministris 399. & an
 tunc fiat unum, vel plura
 sacramenta. 600. Quanam
 sit subiectum capax huius
 sacramenti à nu. 600. Quid
 faciendum quando dubita-
 tur an puer habeat usum ra-
 tionis 601. Non debet ex-
 pectari extremis morbi, ut
 conferatur ibidem. Non po-
 test dari suspēdēdis &c. bene
 vulneratis, & mulieri par-
 turienti nisi ad sit indecen-
 tia 602. Non requirit pec-
 catum ibidem. Tristitia alle-
 uatio non est effectus mira-
 culosus 603. an sit validum
 hoc sacramentum quando
 infirmitas non est periculo-
 sa ibidem. 604.
 Quid si dubitetur ibidem. Non
 potest repeti in eadem infir-
 mitate, nisi morbus statum
 mutet 604.
 Confessio non est necessaria ra-
 tione

gione huius sacramenti ibid.
 unde sufficit attritio purata
 contritio ibidem. an aliquā-
 do sufficiat attritio cognita.
 605. quibus dari possit ibid.
 Nullum est de hoc sacra-
 mento præceptum 606. omitti po-
test sine contemptu ibid. an
 possit suscipi ante Eucharis-
 tiam sine necessitate ibid.
 Quinam teneantur hoc sacra-
 mentum ministrare 607. an
 cum vita periculo ibid. Quid
 de Parocho tempore pestis
 608. quid quando Parocus
 est solus 609. an idem sit de

Viatici administratione ibi-
 dem: an tacus, surdus, &c.
 vngi debeant 610. an
litanie & preces dici de-
beant 611. Sacerdos solus po-
 test hoc sacramentum mini-
 strare, nec à samina debet ad-
 iuvari 611. requiritur stola,
 non superpelliceum ibidem.
 sicut Viaticum ministrari
 potest sine vestibus sacris,
 & per laicum ibid. Est ve-
 niale ministrare hoc sacra-
 mentum sine lumine extra
 necessitatem.

F I N I S.

REGESTRVM.

††† ABCDEFGHIKLMNOPQRSTVXHZ.

Aa Bb Cc Dd Ee Ff Gg Hh Ii Kk Ll Mm Nn Oo Pp Qq Rr Ss
 Tt Vv Xx Yy Zz.

Aaa Bbb Ccc Ddd Eee Fff Ggg Hhh Iii Kkk Lll Mmm Nnn
 Ooo Ppp Qqq Rrr Sss Ttt Vuu Xxx Yyy Zzz.

Aaaa Bbbb Cccc Dddd Eeee Ffff Gggg Hhhh Iiii Kkkk.

Omnes sunt fol. 80. integri, præter Kkkk. est dimid.



5-3-6

